

श्री श्री गौरांगविधुर्जयति

सचित्र

श्री श्री चैतन्यचरितामृत (ब्रजभाषा में)

श्री श्री सुवलश्यामजी कृत

रसिक प्रवर पूज्य श्री गौरांगदासजी महाराज के कृपापात्र,
बरसाना (कोसी) निवासी, सेठ बनखण्ड आत्मज,
गौरनिष्ठ, लाला चतुर्भुज (चेतराम) हरि-
सम्बन्धि नाम चैतन्यदास जी के
सम्पूर्ण आर्थिक सहाय
से मुद्रित

सर्वाधिकार सुरक्षित हैं।

न्योछावर

प्रथमावृत्ति १०००

सम्बत २००६ विक्रमी,
चैतन्याब्द ४६४

प्रकाशक—

कृष्णदास

कुसुमसरोवर

मुद्रक:— बालकृष्ण बन्सल, बन्सल प्रेस, छीपीटोला आगरा।

❀ श्री श्री गौरांगविधुर्जयति ❀

ब्रजभाषा में

श्री श्री चैतन्यचरितामृतम्

महा महोदय श्रील सुबलश्यामजी विरचितम्

श्रीकृष्णचैतन्य प्रभुनित्यानन्द ।

हरेकृष्ण हरेराम राधेगोविन्द ॥

भज-निताई गौर राधेश्याम ।

जय-हरेकृष्ण हरेराम ॥

ग्रन्थकर्त्ता की गुरुपरम्परा

- (१) श्रीराधाकृष्ण मिलित स्वरूप श्रीमन्महाप्रभु । (२) तस्य पार्षदप्रवर श्रीगदाधर पण्डित गोस्वामी (३) तच्छिष्य श्रीकृष्णदास ब्रह्मचारी (४) तच्छिष्य ब्रजाचार्य, ब्रज में रासलीलानुकरण के मूल आचार्य तथा बरसाना में श्रीलाडिली जू के प्राकट्यकारी नारदावतार श्रीनारायण भट्ट (५) तच्छिष्य श्रीदामोदर भट्ट, (६) तच्छिष्य श्रीबालमुकुन्द भट्ट, (७) तच्छिष्य श्रीगोपाल भट्ट, (८) तस्य श्रीब्रजपति भट्ट, (९) तस्य यदुपति भट्ट, (१०) तच्छिष्य ग्रन्थ रचयिता श्रीसुबलश्याम ।

अर्थ सहायक—

सेठ बनखण्ड आत्मज,
कोसो (बरसाना) निवासी,
चतुर्भुज (चेताराम) जी

प्रथमावृत्ति १०००

वि० सं० २००६ चैतन्याब्द ४६४

प्रकाशक :—

बाबा-कृष्णदास
कुसुमसरोवर
पो० राधाकुण्ड

जि० मथुरा ।

सूची-पत्रम्

परिच्छेद	विषय	पृष्ठ	परिच्छेद	विषय	पृष्ठ
	आदिलीला				
१—सुखोदिवन्दना, प्रभु अवतार का साधारण तत्व	१-७		६—नीलाचल गमन, श्रीसर्वभौम मिलन	४२-४२	
२—अवतार का विशेष तत्व	७-११		७—दक्षिणयात्रा-भोवासुदेव उद्धार	४३-४८	
३—अवतार होने का बाह्यकारण	१२-१५		८—श्रीरामानन्द राय मिलन	४८-७२	
४—" " अन्तरंग कारण	१६-२५		९—दक्षिणदेश तीर्थ भ्रमण	७२-८४	
५—श्रीनित्यानन्द प्रभु तत्व	२६-३४		१०—नीलाचलपुरी प्रत्यागमन	८५-९१	
६—श्री अर्द्धत प्रभु तत्व	३५-३८		११—भक्त सम्मिलन तथा वेडा कौत्सन	९१-१००	
७—पञ्च तत्व वर्णन	३८-४५		१२—गुरिदत्ता गृह मावजन	१००-१०७	
८—प्रन्थ उपकर्मणिका तथा प्रन्थ-कर्त्ता का परिचय	४५-४८		१३—रघामे कीर्त्तन तथा नृत्य	१०७-११६	
९—महाप्रभु का मालाकार रूप से वर्णन तथा प्रेम फलदान की उदारता वर्णन	४८-५०		१४—होरा पंचमी महोत्सव दर्शन	११६-१२५	
१०—मूल स्कन्ध शाखा गणन	५०-५६		१५—भक्त विदायी और सविभौम के गृह में भोजन विलास	१२६-१३६	
११—भोनित्यानन्द शाखा वर्णन	५६-५८		१६—कुन्दावन के लिये गमन, कानार्द-नाटशाला से प्रत्यावर्त्तन	१३६-१४६	
१२—अर्द्धत प्रभु शाखा वर्णन	५६-६२		१७—वनपथ होकर ओकुन्दावन यात्रा	१४६-१५५	
१३—महाप्रभु जन्म तथा महोत्सव	६२-६६		१८—कुन्दावन में भ्रमण; उत्कट प्रेमोन्माददशा वर्णन	१५५-१६३	
१४—बाल्यलीला वर्णन	७०-७३		१९—प्रयाग में श्रीरूप गोस्वामीजी के लिये अनुग्रह तथा शिक्षा	१६३-१७३	
१५—पौगण्डलीला वर्णन	७३-७४		२०—सनातन-शिक्षा, भगवान का स्वरूपतत्व और स्वरूप भेद विचार	१७३-१८६	
१६—कैशोरलीला वर्णन	७४-७८		२१—सम्बन्ध-तत्व तथा श्रीकृष्ण माधुर्य्य विचार	१८६-१९६	
१७—यौवनलीला सूत्र	७८-८०		२२—अभिधेय और भक्ति तत्व विचार	१९७-२०४	
	मध्य लीला		२३—प्रेम प्रयोजन विचार	२०४-२०६	
१—मध्य तथा अन्त्य लीला सूत्र	१-१२		२४—आत्माराम श्लोक को ६१ प्रकार व्याख्या	२०६-२२१	
२—प्रेमोन्माद तथा प्रलापादि वर्णन	१२-२०		२५—मायावादीगणोद्धार, काशी-वासियों को वैष्णव करना फिर नीलाद्रिगमन	२२२-२३०	
३—सन्ध्यास, राद्वेश में भ्रमण, अर्द्धतप्रभु गृह में विलास	२१-२८				
४—श्रीनाथजी की प्राकट्य कथा	२८-३६				
५—श्रीमाधवेन्द्र पुरीजी का चरित्रा-स्वादन	३६-४२				

[illegible][illegible]

Wiley, 1997.

अवतरणिका

आज करुणामय गुरुदेव की कृपा से करुणावरुणालय प्रेम पुरुषोत्तम प्रेमावतार प्रेमदाता श्री राधाकृष्ण मिलित विग्रह श्री भगवान गौराङ्ग महाप्रभु के श्री लीलारस से युक्त यह श्री चैतन्य-चरितामृत मूलबंगभाषा के आधार पर ब्रजभाषा में मुद्रित होकर जन साधारण के लाभार्थ प्रकाशित है। इस ग्रन्थ रत्न के रचयिता ब्रजभाषा के प्राचीन कवि श्री सुबलश्यामजी हैं। प्रायः २५० वर्ष पूर्व इसकी रचना उन्होंने की थी। आप ब्रज के प्रसिद्ध आचार्य्य नारदावतार रामलीला प्रवर्तक श्री नारायण भट्टजी की शिष्य-परम्परा की सातवीं पीढ़ी में हुए हैं। इन्हीं श्री नारायणभट्टजी के द्वारा बरसाना-स्थित श्री लादिलोजी तथा ब्रज के अनेक लुप्ततोर्यों का प्राकट्य हुआ था।

श्री चैतन्यचरितामृत मूल ग्रन्थ बंगला भाषा में प्यार छन्द में रचित है जिसका श्रेय श्री कृष्णदास कविराज गोस्वामी महोदय को है। इन्होंने इसमें समस्त उपनिषद् पुराण इतिहास पंचरात्र श्रीगीता ब्रह्मसूत्र तथा श्रीमद्भागवतादि भक्ति-ग्रन्थ और भक्ति-रसासृतसिंधु, उज्ज्वलनीलमणि प्रभृति यावतीय गोस्वामी गण विरचित वैष्णव ग्रन्थों का सार तथा प्रमाण रूप अनेक श्लोक उद्धरण देकर यह अद्भुत ग्रन्थ रत्न प्रगट किया। श्री कविराज गोस्वामिपाद श्रीनित्यानन्द प्रभुपाद की शक्ति-प्रेरणा से इस अद्वितीय ग्रन्थ की रचना करने में समर्थ हुए थे। आपने श्री श्री महाप्रभु के लीला चरित्रों को श्री रघुनाथदास गोस्वामिपाद के मुखारविन्द से श्री राधाकृष्ण पर अवण करके श्री वृन्दावनदास ठाकुर द्वारा रचित श्री चैतन्य-भागवत के आधार पर इस अमूल्य लीला रूप गाथा को संचय किया। श्री चैतन्य-भागवत में जो लीलाएँ श्री वृन्दावनदास ठाकुर ने विस्तार से नहीं लिखी थीं उनको इन्होंने उक्त ठाकुर महाशय के प्रसाद रूप विस्तार से दिया है तथा श्री चैतन्य-भागवत की विस्तृत कथाओं को सूक्ष्म रूप से दिया है। यह ग्रन्थ आपाततः दो भागों में विभक्त है, सिद्धान्तांश और लीलांश। श्री महाप्रभु की लीलाओं तथा स्वरूप-तत्त्व को जानने की पुष्टि के लिये ही सिद्धान्तांश निहित है।

श्री महाप्रभु के स्वरूप-परिकर-धामादि तत्त्वों को समझने के लिये ग्रन्थ के आदि के ग्यारह परिच्छेद केवल सिद्धान्त से ही भरे हैं, इसी प्रकार मध्यखण्ड के अष्टम तथा उन्नीस से चौबीस परिच्छेद तक सिद्धान्त का विस्तार है। विज्ञ पाठक गण इन परिच्छेदों में दिये सिद्धान्त तथा समग्र ग्रन्थ में अन्य स्थलों में दिये हुए सिद्धान्त-समुच्चय को बड़े चाव से धैर्यपूर्वक दृढ़-निष्ठ हो श्री गुरु-वैष्णवानुगत्य में निरन्तर पाठ करें तथा समझने का उद्योग करें। यह ग्रन्थ इसी कारण समस्त वैष्णवों के लिये परम आदर की वस्तु है और श्री माध्व-गौड़ेश्वर सम्प्रदाय का तो यह आधार-भूत नित्य पाठ्य-ग्रन्थ ही है।

किन्तु बंगभाषा में होने के कारण यह ग्रन्थ इतरदेशीय जनों को अधिक लाभप्रद नहीं होता था। इस बात को दृष्टिगोचर रखते हुए ब्रजस्थ वैष्णव गणों के आदेशानुसार श्री सुबलश्याम जो ने (प्रायः २५० वर्ष पूर्व) इस अनुपम संमहण्य ग्रन्थ रत्न को सरल ब्रज भाषा में भाषान्तरित कर के परवर्ति जनसाधारण का अतुलनीय उपकार किया है। हिन्दी भाषा भाषी जनता श्रीमहाप्रभु की लीला से प्रायः अनभिज्ञ है जो दो एक लोटे बड़े ग्रन्थ हाल में प्रकाशित हुए भी हैं, उनसे श्री महाप्रभु के विषय में भ्रम फैलने की जो शंका है उसको निराकरण करने के लिये इस प्राचीन (प्रायः २५० वर्ष पूर्व लिखित) ग्रन्थ का पुनः प्रकाशन होना परम श्रेयस्कृत है। श्री रामदासजी द्वारा लिखित श्री भक्तमालजी के शब्दों में विश्वास-शीघ्रित्य के कारण इतर लेखकों ने प्रायः महा-प्रभु को भगवद्वतार न मान कर ही भक्तरूप से वर्णन-चेष्टा की है। इस ग्रन्थ में निहित सिद्धान्त ही ऐसे भ्रमादि का निराकरण करेंगे।

जिन हस्त लिपियों से यह पुस्तक प्रस्तुत हुई है उनके आदि अन्त के पृष्ठों के प्रति-रूप (फोटो) चित्र इस ग्रन्थ में दे रहे हैं। इसमें तीन पृष्ठों के चित्र हैं (१) ऊपर में ग्रन्थकार का

गुरुपरम्परा-परिचय है (२) मध्य में-आदि खण्ड के अन्तिम पृष्ठ का प्रतिरूप है, तथा (३) नीचे-मध्य खण्ड के अन्तिम पृष्ठ का। अन्तिम दोनों चित्रों में ग्रन्थ की प्रति-लिपि लेखन सम्बन्ध १८२८-२९ दिये हुए हैं।

इस ग्रन्थ का सन्धान सर्व प्रथम हमारे पूज्य गुरुभ्राता श्री रजनीदास बाबाजी (गोविन्द कुरड वृन्दावन) से हमें प्राप्त हुआ, तत्पश्चात् श्री पूज्य वंशीदासजी बाबाजी (गौ घाट वृन्दावन) से आदि खण्ड प्राप्त हुआ, तदनन्तर राधारमल्ल-जीवन गौरनिष्ठ गोस्वामी श्री कृष्ण चैतन्यजी महाराज से आदि तथा मध्य दो खण्ड प्राप्त हुए।

भक्तिविशारद, आचार्य श्री मदन मोहन गोस्वामीजी ने इस ग्रन्थ की प्राप्ति कराने में हमें अत्यन्त सहायता प्रदान की। हमारे काकागुरु श्री युक्त अद्वैतदासजी महाराज (नवदोष धामस्थ) के शिष्य श्रीमान् वृन्दावनदास से उक्त पुस्तकों की प्रतिलिपि कराने में हमें बड़ी सहायता मिली है। पूज्य श्री ज्येष्ठ गुरुभ्राता श्री गौराङ्गादासजी महाराज, श्रीयुक्त कृपासिन्धुदासजी महाराज (रमणरेती) तथा पूज्य काका गुरु श्री बाबा उद्धारणदासजी (कुसुमसरोवर) और श्रीमान् राधाचरणदासजी (गोविन्द कुरड, वृन्दावन) श्रीमान् हरिदास शास्त्रीजी, (कालिदह) श्री पूज्य बाबा मनोहरदासजी (चकलेश्वर गोवर्द्धन) वरसाना निवासी गोस्वामी श्री प्रियालालजी तथा जयदेव वंशोद्भव गोस्वामी श्री यमुनावल्लभजी, श्रीमान् गौरनिष्ठ श्री जगमोहनलालजी श्रीवास्तव, न्याय मन्त्री (मध्य भारत प्रान्त) श्रीमान् राजा रघुनन्दनजी (मुंगेर) एवं अन्यान्य ऋजस्थ वैष्णवगणों के प्रोत्साहन फल स्वरूप यह ग्रन्थ प्रकाशित करने में हम समर्थ हुए हैं। इस ग्रन्थ के मुद्रितादि कार्य में हमें आगरा निवासी श्रीमान् डाक्टर पूर्णचन्द्र शर्माजी से सम्पूर्ण सहाय मिली है। पूज्य श्री गौराङ्गादासजी के शिष्य वरसाना (कोसी) निवासी लाला चैतराम (चतुर्भुजदास) के सम्पूर्ण अर्थ सहाय से यह ग्रन्थ प्रकाशित हो रहा है। एतदर्थ समस्त महानुभाव सज्जनों के हम आभारी हैं।

मूल ग्रन्थ तीन खण्डों में बंग भाषा में उपस्थित है। परन्तु बहुत खोज करने पर भी हमें ब्रज भाषा में श्री सुबलश्याम कृत दो ही (आदि तथा मध्य खण्ड) प्राप्त हुए हैं। अभी अन्त खण्ड की खोज हो रही है। विलम्ब होने के कारण दो ही खण्ड छाप कर प्रकाशित किये जा रहे हैं। इतने पर भी कोई महानुभाव प्रस्तुत पुस्तक को असम्पूर्ण ग्रन्थ न समझे, स्वयं मूल ग्रन्थकार ने इस शंका का निराकरण मध्य खण्ड के द्वितीय परिच्छेद के अन्तिम पयारों में इस प्रकार किया है:—

शेष लीला सूत्रगण कैल किछु विवरण इहा विस्तारिते चित्त हय।

थाके जदि आयुः शेष विस्तारिब लीला शेष यदि महाप्रभु कृपा हय ॥

आगे भी—एइ अन्त लीला सार सूत्र मध्ये विस्तार करि किछु करिल वर्णन।

इहामध्ये भरिजवे वर्णिते ना पारि तवे एइ लीला भक्तगण धन ॥

श्री सुबल श्यामजी ने भी इस प्रकार कवित्त में उक्त शब्दों को कहा है:—

सेस लीला सूत्र गण विवरण कियो कछु कियो चाहे मन मेरो तिनको विस्तार है।

जो पै आयु अवसेस करों व्यास लीला सेस जो है महाप्रभु की करुणा अपार है।

यई सेस लीला सार ताके सूत्र बीच कहैं वर्णन कियो है कछु करिके विस्तार है।

जो पै बाहो बीच मरों सखों नहि ताहि कहि तो पै यह लीला भक्त गण धनसार है।

सर्व साधारण से प्रार्थना है कि हमारी त्रुटि को क्षमा करेंगे।

प्रस्तुत पुस्तक जल्दी में छपने के कारण जहाँ जहाँ प्रेस भूल रह गई हैं कृपालु पाठक भूल सुधार कर पाठ कर लें जल्दों के कारण विस्तृत भूमिका देने में असमर्थ हैं।

मार्गशीर्ष पूर्णिमा

सम्बन् २००६ वि०

विनीत प्रकाशक—

कृष्णदास (कुसुमसरोवर)



नित्यै

गौराङ्ग

आज्ञानुलम्बितभुजौ
संकीर्तनैकपितरौ
विश्वम्भरी द्विजवरौ
वन्दे जगत्त्रियकरी

कनकावदातौ
कमलायताक्षौ।
युगधम्मपालौ
करुणावतारौ ॥

* श्री श्रीगौरांगविधुर्जयति *

श्री श्रीचैतन्यचरितामृत

(आदिखण्ड)

आज लों न दीन्हीं जोय उज्ज्वल सुधारस की, भक्तन उधार सार सम्पदा भगति की ।
दैन हेत ताकों अवतार धार आये कलि, अधम उधारन की करुणा प्रघट की ।
सुन्दर सुवर्ण दुति पुंज सों दिपति देह, नेह के निधान लज्जवन रतिपति की ।
तुम्हरे हिय कन्दरा विराजें हरि सर्वदा, सो नन्दन शची जू के मूरति पिरीति की ॥

पूरन प्रकाश पुंज मञ्जुल श्री वृन्दावन, कल्पद्रुम नीचे मणि मन्दिर विशाल है ।
ताके मध्य भाग रत्न सिंहासन राजत है, उज्ज्वल अनूप दुति दीपति रसाल है ।
राधिका सहित तँह श्री गोविन्द क्रीड़त हैं, प्रिय सखी गण सेवें वंशी गावें कल है ।
मेरो मन हंस ध्यान करें स्मरें मत्त हूँ के, पाइवे को चाह सदा श्री पद मृणाल है ॥

गोपी मन मीन सुख खेलिवे को बत्त महा, लावन कलोल सुख सरसी पसारी है ।
कैधों राधाचित्त नटिनी के नाचवे कों रंग, बत्सादिक चिन्ह से विचित्र सु-सँभारी है ।
हास मुख-सुधा वसुधा की महा बाधा हरे, मुरली की धुनि तापै तन मन चारी है ।
वंशी बट तट मद मत्त गोपी गण साथ, सोई गोपीनाथ प्यारी सम्पदा हमारी है ॥

जिन्हों निज मन्त्र दियौ तुच्छ जीव स्वच्छ कियौ, लियौ अपनाइ तेई चाहीं सो गहाय है ।
जिनकी कृपा तें गौर कृष्ण गण नातो भयो, वेई कृष्ण महाप्रभु चरित कहाय है ।
जिनकी कृपा तें धाम वृन्दावन वास लखौ, वेई निज शक्ति बल पंगु कों नचाय है ।
मन हूँ को दुर्लभ जे सुलभ ते करी जिन्हों, तेइ श्री यदुपति जू सिर पै सहाय है ॥४॥

मोहि बल बड़ौ श्री गुसाई ब्रजपति जू को, ब्रज में विराजमान सदा अधिकार है ।
श्री गोपाल भट्ट जू के पद सिर छत्र मेरे, ताते ही संताप भजि गयो निरधार है ।
बालमुकुन्द भट्ट जू के पद हिय में धारि, श्रीयुत दामोदर जू देहु रस सार है ।
भट्ट श्री नारायण जू ब्रज के उपासी एक, तिन पद धूरि मेरी जीवनि आधार है ॥५॥

प्रणवीं श्री कृष्णदास ब्रह्मचारी अधिकारि, मदनगुपाल जू के प्यारे रसरस हैं ।
महाभाव पगे प्रभु राधिका गदाधर जू, दया करी हिये होय चरित प्रकाश हैं ।
मोह से अयोग पर कृपा कीये हैं हैं जग, दीनबन्धु दयासिन्धु जस के विकास हैं ।
यह दान चाहों अवगाहों गौरकृष्ण लीला, जे जे कही कविराज राज कृष्णदास हैं ॥ ६ ॥

अथ आज्ञा निरूपण-कविच—

प्रेम निज दान हेत गेह वृषभान नन्द, प्रगट है करी लीला राधाकृष्ण नाम है ।
ताही हेत फेर तेई गदाधर चैतन्य है प्रगटे हैं दोऊ गुण रूप अभिराम है ।
तेह निज रूप आप रूप के स्वरूप है के, कहै गुण रूप प्रेम लीला नित्य धाम है ।
श्री गोविन्द जिन्हों जोग पीठते प्रगट किये, दिये दरसाय जिये जीव पूजे काम है ॥ ७ ॥
प्रगटे अनंत तेई श्री गुसाई हरीदास बहुधा लड़ाये जिन्हों गोविंद पियारे है ।
है निदेश जिन्हों कविराज राज जू सों फेरि चरित कहाये प्रभु जीवनि जियारे है ।
वेह पुनि प्रगटे हैं श्री गुसाई नित्यानंद तेई श्री गुसाई सिवराम उजियारे है ।
कृष्ण के चरण हिये जिनके विराजे सदा श्री गोविंद चरण जू सरस हियारे है ॥ ८ ॥

तिन हीं की रूप आप श्री गुसाई जगन्नाथ, प्रगट विराजमान जग हितकारी है ।
गौरलीला विना कैसे कृष्ण के स्वरूप जानें, भक्ति हीन दीन जीव चिंता चित धारी है ।
वारुणी दिशा के जीव कैसे भान उदां जानें, हिये उन मानें प्रभु गुण सुखकारी है ।
महाप्रभु लीला ब्रज भाषा के प्रगट होय जानें जन सब मिटैं हिये अंधियारी है ॥ ९ ॥

ऐसे जीव दया देखि दियो है निदेश जिन्हों ताते अति भई मेरी मति मतवारी है ।
कहाँ मति मंद मैं जु कहाँ गौरलीला सिंधु कैसे पार हैं हों याके जिय न विचारी है ।
हिये हीं की राग तान हाथ के प्रताप जैसे काठ सों गवावें गावें आप बीना धारी है ।
जानि ऐसी आशा अब प्रबल उछाह बढ्यो लोक उपहास हू की लाज सब टारी है ॥ १० ॥

जाही के विलास वस भये मुनि जपी तपी मोहिनी के बल जीते शिव से प्रबल है ।
औरन की कहा बात तात सब विश्व के जे ते ते अज मोहे रहे ताहि ते अचल है ।
ऐसे मैं सैन जिहि सैन आगे भैं तजैं सर पांच छूटैं जाहि छूटे छलबल है ।
मोहन मदन ताते भयो अभिराम नाम तिन्हों वस किये जिन्हों ताही ते सुबल है ॥ ११ ॥

ऐसे श्री सुबल पाय तिन को सहाय हियों भरयो चाप भाय रसो नेकु न विचार है ।
रहे अवगाहि जाही कृष्ण के विभूति से श्री गौरलीला सुधासिंधु निपट अपार है ॥
ताकी कोऊ बीच छिर्यो चाहै तट बीच ठाढ़ी मो सों नीच जीव जाहि नाहि अधिकार है ।
मेरो अमिलाप और नाम निज दोऊ एई करि हीं सफल अब परंगी सम्हार है ॥ १२ ॥

रैन दिन नाम गान ताही सों पगे हैं प्रान आन कौन भान जिय तम के हरन है ।
जीति अनायास जन मन में निवास कियो सो न पास आवे काम गई ता सरण है ।
गोपीनाथ प्यारे न्यारे नेक हैं न होत जिहि देखें दुख नसैं महारस को भरन है ।
भयो श्री श्यामचरन नाम अभिराम याते आठ जाम हिये रहैं श्याम के चरन है ॥ १३ ॥
जहाँ तहाँ कृष्ण भक्त वत्सल सुने हैं मैं जु भक्ति लेस हीन ताते भयो हिय प्राप्त है ।
एक दीनबन्धु नाम काम को न सोऊ मेरे जाते वह दीनता न आवै आस पास है ।
जिते हरी भक्त ते अभक्तनि पै कृपा करें यह सुनि देखि भई मोहि बड़ी आस है ।
ताते हीं निसंक हैं के मोसो मति मंद जीव गौर गुन भाषा निज करत प्रकास है ॥ १४ ॥
वृन्दावन वासी गौर कृष्ण के उपासी भक्त सब सुख-रासी तिन पद सिर नायकै ।
कृष्ण रस मांते देह नांते छांते किये जिन्हों दोस हू में लेत गुन अपने सुभायकै ।
नेकु संग किये हिये डारें रस भंभरि को कृष्ण भक्ति प्रेम रूप देहि दरसाय के ।
तिन हीं की बल पाय लाज ही बहाय महाप्रभु गुन कहाँ ब्रज भाषा में बनाय के ॥ १५ ॥

ग्रंथकर्तुः श्रीकृष्णदासस्य मंगलाचरणश्लोकानि ॥

बन्दे गुरुनीशभक्तानीशमीशावतारकान् । तत्प्रकाशांश्च तच्छक्तीः कृष्णचैतन्यसंज्ञकम् ॥ १ ॥
बन्दे श्रीकृष्णचैतन्यनित्यानन्दौ सहोदितौ । गोडोदये पुष्पवन्तौ चित्रौ शन्दौ तमोनुदी ॥ २ ॥
यद्वैतं ब्रह्मोपनिषदि तदप्यस्य तनुभा य आत्मान्तर्यामी पुरुष इति सोऽस्यांशविभवः ।
पदैश्वर्यैर्पूर्णो य इह भगवान् स स्वयमयं न चैतन्यात्कृष्णाजगति परतत्वं परमिह ॥ ३ ॥
अनर्पितचरी चिरात् करुणयावतीर्णः कलौ समर्पयितुमुन्नतोऽन्वयरसां स्वभक्तिभियम् ।
हरिः पुरतस्सुन्दरदृष्टिकदम्बसन्दीपितः सदा हृदयकन्दरे स्फुरतु वः शचीनन्दनः ॥ ४ ॥
राधाकृष्णप्रणयविकृतिर्हार्दिनीशक्तिरस्मादेकात्मनावपि भुवि पुरा देहभेदं गतौ तौ ।
चैतन्याख्यं प्रकटमधुना तद्द्वयं चैक्यमाप्तं राधाभावद्युति सुबलितं नौमि कृष्णस्वरूपम् ॥ ५ ॥
श्रीराधायाः प्रणयमहिमा कीदृशो बानयैवा-स्वाद्यो येनाद्भुतमधुरिमा कीदृशो वा मदीयः ।
सौख्यं चास्या मदनुभवतः कीदृशं वेति लोभात्तद्भावाद्भयः समजनि राचीगर्भे सिन्धौ हरीन्दुः ॥ ६ ॥

संकर्षणः कारणतोयशायी गर्भोदशायी च पयोविधशायी ।

शेषश्च यस्वांशकलाः स नित्यानंदाख्यरामः शरणं ममास्तु ॥ ७ ॥

मायातीते व्यापि वैकुण्ठलोके पूर्णैश्वर्ये श्रीचतुर्व्यूहमध्ये ।

रूपं यस्पोद्भाति संकर्षणाख्यं तं श्रीनित्यानन्दरामं प्रपद्ये ॥ ८ ॥

माया भर्ता जाण्ड संचाश्रयांगः शेते साक्षान् कारणाम्भोधिमध्ये ।

यस्यैकांशः श्रीपुमानादिदेवस्तं श्रीनित्यानन्दरामं प्रपद्ये ॥ ९ ॥

यस्यांशः श्रीलगर्भोदशायी यन्नाभ्यन्जं लोकसंघातनालम् ।

लोकस्त्रष्टुः सूतिका धाम धातुस्तं श्रीनित्यानन्दरामं प्रपद्ये ॥ १० ॥

यस्यांशः परात्माखिलानां पोष्टा विष्णुर्भाति दुग्धाधिपशायी ।

सौख्यीभर्ता यत्कला सोऽप्यनंतस्तं श्रीनित्यानन्दरामं प्रपद्ये ॥ ११ ॥

महाविष्णु जगत्कर्ता मायया यः सृजत्यदः । तस्यावतार एवायमद्वैताचार्य ईश्वरः ॥१२॥
 अद्वैत हरिणाद्वैताचार्य भक्तिशंसनात् । भक्तावतारमीशं तमद्वैताचार्यमाश्रये ॥१३॥
 एकतत्वात्मकं कृष्णं भक्तरूपस्वरूपकम् । भक्तावतारं भक्ताख्यं नमामि भक्तशक्तिकम् ॥१४॥
 जयतां सुरतौ पंगो मम मन्मते गती । मत्सर्वस्वपदाम्भोजी राधामदनमोहनौ ॥१५॥

दिग्बद्धद्वन्द्वारण्यकल्पद्रुमाधः

श्रीमद्रत्नागारसिंहासनस्थौ ।

श्री श्री राधा श्रीलगोविन्ददेवौ प्रेष्ठातीभिः सेव्यमानौ स्मरामि ॥१६॥

श्रीमन्नासरसारम्भी वंशीवदतटस्थितः । कर्पनवेणुस्वनैर् गोपीः गोपीनाथो भियोऽस्तु नः ॥

॥ अथ दोहा ॥

जय जय श्री चैतन्य जू जय श्री नित्यानन्द । जय अद्वैत हिमांशु जय दासवर्ग सुखकन्द ॥
 ग्रंथ आदि मंगल करें यहै सिष्ट आचार । गुरु हरि हरिजन सुभिरियै ताको यहै प्रकार ॥
 इन तीनों सुभिरैं सकल होय सुविघ्न विनास । अनायास पूरण सचै होय हिये की आस ॥
 सो वह मंगल त्रिविध है एक वस्तु निर्देश । इक आसिस इक प्रणति है कहैं जु करि उद्देश ॥
 श्लोक दोय करि प्रथम ही कीनीं इष्ट प्रणाम । सो सामान्य विशेष करि दोऊ रूप अभिराम ॥
 श्लोक तृतीय में दूसरी कछो वस्तु निर्देश । याही ते जान्यो परै परम तत्व उद्देश ॥
 श्लोक चतुर्थ करि जगत कीं दीनीं आशीर्वाद । सब ही कीं माग्यो यहै श्री चैतन्य प्रसाद ॥
 ता में प्रभु अवतार को कारण कह बहिरंग । छटे पांच ये मधि कछी कारण मूल सरंग ॥
 श्लोक छहनि करि प्रथम ही कछो सुप्रभुको तत्व । और पांच करि पुनि कछी नित्यानन्द सहत्व ॥
 श्लोक दोय करि पुनि कछी श्री अद्वैत स्वरूप । और एक करि पुनि कछी पंच तत्व को रूप ॥१०॥
 इन चौदह सब पदनि करि कीनीं मंगलचार । ताही में कीनीं कथन तत्व वस्तु को सार ॥११॥
 सब ओता हरि जननि कीं करि प्रणाम बहुवार । श्लोक सवनि को करत है नीके अर्थ विचार ॥
 सुनौ भक्त सब एक मन करि कै हिय उल्लास । गौर कृष्ण रस शास्त्र मत कीजै अर्थ प्रकास ॥
 गुरु दोऊ हरिदास हरि हरि अवतार प्रकास । शक्ति कृष्ण पद रूप धरि इहि विधि करें विलास ॥
 इनि छह तत्त्वनि के चरण कमल सीस पर धार । प्रथम कियो सामान्य करि मंगल एक प्रकार ॥

वन्दे गुरुनोराधमत्तानोरामीशावतारकान् । तत्प्रकाशार्चनं तच्छ्रद्धां कृष्णचैतन्यसंज्ञकम् ॥

कृष्ण मंत्र-गुरु और जै सीचा गुरु सुख धाम । तिन के पद पंकजनि की आगे करीं प्रणाम ॥
 रूप सनातन और रघुनाथ भट्ट गोपाल । जीव दास रघुनाथ जू जीवन के प्रतिपाल ॥
 ए छह गुरु सिचा गुरु जु मेरे इष्ट आधार । इन के श्रीयुत पदकमल प्रणवीं वारंवार ॥
 अरु प्रभु के सब भक्त हैं जे श्री वास प्रधान । तिन सब के पद दंडवत करि सहस्र भुज जान ॥
 आचारज अद्वैत जू विष्णु अंस अवतार । पादपद्म तिनकेन कीं मम प्रणाम बहुवार ॥२०॥
 श्रीयुत नित्यानन्द प्रभु हैं जू स्वरूप प्रकाश । चरण कमल वन्दौं जु तिन जिनको हों निजुदास ॥
 पंडित गदाधरादि ये हैं प्रभु के निजु शक्ति । तिन सबके चरणन करीं प्रणति हिये धरि भक्ति ॥

श्री चैतन्य महाप्रभु आप स्वयं भगवान । चरण कमल प्रणवीं जु तिन मेरे जीवनि प्राण ॥
 वंदन करि आवरण सह प्रभु को वारंवार । ज्यों येह छह हैं तेई तैसैं करीं विचार ॥
 जद्यपि मम गुरु हैं महाप्रभु जू के निजुदास । तिन को हम जानतेऊ तिन ही को जु प्रकाश ॥
 गुरु स्वरूप हैं कृष्ण की वेद पुरान प्रमान । कृपा करें गुरु रूप धरि भक्तन पर भगवान ॥

तथाहि श्री भागवते—आचार्यं मां विजानीयान्नावमन्येत कर्हिचित् ॥ इति ॥

शिखा गुरु को जानियै है निज कृष्ण स्वरूप । अन्तर्यामी भक्तवर ये विवि रूप अनूप ॥
 तथाहि तत्रैव—आचार्यं चैत्यवपुषा स्वगतिं व्यनक्ति ॥ गीतायां—दावामि बुद्धियोगं तं येन मामुपयान्ति ते इति ॥
 अन्यत्र च—शिखागुरुश्च भगवान् शिखिपिच्छमौलिरिति ॥ तथा ब्रह्मणे भगवान् स्वयमुपदिश्यानुभाषितवान् ॥

तथाहि—ज्ञानं परमगुह्यं मे गृहिज्ञानसमन्वितम् । सरहस्यं तदगच्छ गृहाण गदितं मया ॥

यावानहं यथाभावो यद्रूपगुणकर्मकः । तथैव तत्त्वविज्ञानमस्तु ते भवतुप्रह्लाद ॥

दोहा—प्रभु स्वरूप के भक्त हैं बसिबे की निजु धाम । भक्तन के हिय कमल में सदा कृष्ण विश्राम ॥

तथाहि भागवते—

साधवो हृदयं मया साधूनां हृदयं त्वहमिति ॥ तीर्थं कुर्वन्ति तीर्थानि स्वान्तस्थेन गदाभृता ॥

दोहा

एक अंस अवतार है इक शुन शक्त्यावेश । त्रिविध कहे अवतार प्रभु श्रीभागवत विशेष ॥३०॥
 पुरुष और मत्स्यादि सब कहै अंस अवतार । अज हरि हर तीनीं जु एगुन अवतार विचार ॥
 सनकादिक पृथु व्यास मुनि शक्त्यावेश अनूप । अरु है श्रीभगवान के दोय प्रकाश स्वरूप ॥
 तिनको एक प्रकाश है अरु है एक विलास । तिनके लच्छन सुनो अब करिकै हिये हुलास ॥
 एकहि विग्रह होई जो रूप अनेक अनूप । आकृति भेद न होय जो है एक ही स्वरूप ॥
 महिषी गण के कर गहैं जैसे कीनीं रास । याही कीं कहियै जु श्री प्रभु को मुख्य प्रकास ॥
 सब भक्तन निरनौ कियो ताको नाम विलास । एकहि वपु आकृति पृथक ठौर अनेक प्रकाश ॥
 ज्यों हलधर वेकुंठ में नारायण भगवान । वासुदेव प्रद्युम्न ज्यों अरु संकर्षण जान ॥
 कृष्ण शक्ति निज त्रिविध है इक लक्ष्मी गण रूप । अरु महिषीगण शक्ति निज है अति परम अनूप ॥
 सर्वोपर निजशक्ति है गोपीगण जु प्रधान । पूरणतम जिनिके जु प्रिय नंद नंदन भगवान ॥३६॥
 स्वयं रूप भगवान के कायव्यूह हू जान । भक्ति सहित आवरण सब है तिन ही जु प्रमान ॥४०॥
 भक्त आदि कम कै कियो सब ही कों जु प्रणाम । इनको वंदन सुभ सवनि कीं कारण अभिराम ॥
 श्लोक एक कर यों कछी सो सामान्य प्रकार । वंदन कियो विशेष करि विवि पद अर्थ विचार ॥

वन्दे श्रीकृष्ण चैतन्य नित्यानन्दौ सहोदितौ । गोवोदये पुष्पवन्तौ चित्री शब्दो तमोलुतौ ॥२॥

ब्रज में विहारे प्रकट ज्यों प्रथम कृष्ण बलराम । कोटि भानु ससि सम उदित दिपत दुहुन की धाम ॥
 तेई विवि सब जगत पै हिय में भये दयाल । गौड़देश गिरितै इतै उदै भये सम काल ॥

महाप्रभु श्रीकृष्ण जू और श्री नित्यानंद । जिनि के उदै प्रकाश तें भयौ जगत आनन्द ॥
 भानुचंद जैसे हैं जीविनि को अंधियार । देहि वस्तु दरसाय कै करें सुधर्म प्रचार ॥
 भाई दोऊ प्रकट इमि जीविनि को अज्ञान । सोई तम सब नाश किय तत्व वस्तु कौ दान ॥
 ताही तम अज्ञान को कहियै कैतव नाम । धर्म अर्थ कामादि कौ सो हिय उपजै काम ॥
 तामें चाहजु मुक्ति की कैतव भाग प्रधान । कृष्ण भक्ति कै होत है जाते अंतर्धान ॥

तथाहि श्री भागवते:—धर्म प्रोक्तकैतवेत्यादि ।

स्वामी श्रीधर जू कियो या को अर्थ प्रमान । कैतव कछौ प्रशब्दते मुक्ति चाह हू जान ॥५०॥
 कृष्ण भक्ति बाधक जिते शुभ अरु अशुभ जु कर्म । तेऊ है या जीव के तम ही कौ इक धर्म ॥
 जिनि के होय प्रसाद ते इन सब तम कौ नास । हिय अज्ञान नसाय कै करें जु तत्व प्रकास ॥
 तत्व वस्तु हरि भक्ति हरि कहिये प्रेम स्वरूप । नाम कीर्तन कृष्ण कौ है सब आनंद रूप ॥
 दिनकर ससि ते होत है बाहर तम को नास । वहिवस्तु घटपट जिते तिन कौ होय प्रकास ॥
 दोऊ भाई रविजु ससि कियो हिये तम नास । दोऊ भागवत कौ कियो हिय में जिन्हौ प्रकास ॥
 एक भागवत शास्त्र कौ बड़ो भागवत जान । कृष्ण भक्ति रस पात्र जौ भक्त भागवत मान ॥
 दोऊ भागवत द्वार हैं दियो भक्तिरस जान । ताही रस के बस भये तिन के हिय भगवान ॥
 इक अद्भुत समकाल विधि एक समान प्रकास । अरु अद्भुत हिय गुहा कौ कीनौ सब तम नास ॥
 ये दोऊ रवि ससि परम सद्य जीव के काज । जगत भाग्य बस उदै किय गौड़ उदै गिरिराज ॥

कवित

बन्दे महाप्रभु नित्यानन्द भानु ससि दोऊ गौड़ गिरि उदै सस काल ही प्रकाश हैं ।
 हृदय सरोज खिले भक्ति मकरन्द किले विमुख उलूकनि के भये तम नास हैं ।
 जीव निज कृत्य लगे महानिसा ते जु जगे मेंड तजि भाव सिंधु उमड़ें कुलास हैं ।
 चहुँ दिस राग छयी वेद हिम कंप गयी रसिक चकोर हिय आनन्द उजास हैं ॥

दोहा—

श्लोक दोष इनि करि कियो बंदन विविध प्रकार । जाते विघ्न विनाश हरि बाँझा सिद्धि प्रकार ॥

कवित

महाप्रभु नित्यानंद और श्री अर्द्धत जू कौ कछौ हैं महत्व जामें मति अनुसार है ।
 तिन के जे भक्त नाम प्रेम रस धाम तत्व न्यारे-न्यारे लिखे आछे करि कै विचार है ।
 प्रभव बहु व्यास भये कियो विस्तार अति थोरे आंक कछौ सब अर्थनि को सार है ।
 सुने जाने सब वस्तु तत्व सार नीक करि भक्ति को प्रकास होय मिटे अंधियार है ॥

दोहा—

रूप दोष रघुनाथ पद रज ही कीजै आस । कृष्णदास जे कहत है चरितामृत रस रास ॥
 रूप सनातन जगत हित सुवल स्याम पद आस । चरितामृत सो कहत है ब्रज भाषाहि प्रकास ॥
 इति श्री चैतन्यचरितामृते आदिखंडे गुल्ब्यादिवन्दनमंगलाचरखं नाम प्रथम परिच्छेदः ॥

द्वितीय परिच्छेद

श्रीचैतन्यप्रभु वन्दे बालोऽपि यदनुग्रहात् । तरेजानामतग्राहव्याप्तं सिद्धान्तसागरम् ॥ १ ॥
 कृष्णोत्कीर्तनगाननर्तनकलापायोजनि भाजिता, सद्भक्तावलि हंसचक्रमधुपश्रेणी विहारारस्यदम् ।
 पर्यानिन्दकलध्वनि बंधतु मे जिह्वामरुश्रांगणे, श्री चैतन्यदयानिधे तव लसल्लीला सुभास्वधुनी ॥ २ ॥

दोहा—

जय-जय श्री चैतन्य जू जय श्री नित्यानंद । जय अर्द्धत हिमांशु जय दासवर्ग सुखकन्द ॥ १ ॥
 रलोक तृतीय को अर्थ अब करौ बुद्धि अनुसार । कियो वस्तु निर्देस में जामें मंगल चार ॥

तथाहि—यद्वैतं ब्रह्मोपनिषदि तदप्यस्य तनुभा य आत्मान्वर्यामी पुरुष इति सोऽस्यांशविभवः ॥

षडैश्वर्यैः पूर्णो य इह भगवान् स स्वयमयं, न चैतन्यान् कृष्णाजगति परतत्त्वं परमिह ॥३॥

ब्रह्म आत्म भगवान अरु यह अनुवाद जु कीन । आभा अस स्वरूप जो कहै विषय ये तीन ॥
 आगे कहि अनुवाद की पाछे कहै विषय । अर्थ रीति यह शास्त्र की सुनौ संत मन देय ॥
 स्वयं कृष्ण भगवान पर तत्व पूर्ण आनन्द । पूरण ज्ञान महत्व प्रभु कहे जु शुक नंदनन्द ॥
 तेई प्रभु अब अवतरे श्री चैतन्य स्वरूप । तीन नाम तेई धरै बहु प्रकास अंग रूप ॥
 ब्रह्म एक परमात्म अरु पूरण श्री भगवान । तिनहीं के यह नाम है श्री भागवत प्रमान ॥

तथाहि श्री भागवते—

यदन्ति तत्तत्त्वविदस्तत्त्वं यज्ज्ञानमद्वयम् । ब्रह्मेति परमात्मेति भगवानिति शब्दते ॥४॥

दोहा—

निर्मल तिनके अङ्ग की किरण मण्डली आहि । निर्विशेष सब उपनिषद ब्रह्म कहत हैं ताहि ॥
 चर्म चक्षु को दीखई निराकार ज्यों शूर । ज्ञान मार्ग इमि ना लहै कृष्णरूप छवि पूर ॥

तथाहि ब्रह्मसंहितायां—यस्य प्रभा प्रभवतो जगदण्डकोटी, कोटीष्वशेषवसुधावि विभूतिभिन्नम् ।

तद्ब्रह्म निष्कलमनंतमरोपभूतं गोविन्दमादिपुरुषं तमहं भजामि ॥५॥

दोहा—

कोटि कोटि ब्रह्माण्ड जिहि है जु विभूति समान । वही ब्रह्म गोविन्द की अङ्ग प्रभा है जान ॥
 तिन श्री गोविंद कौ भजौ मेरे प्रभु है जोय । तिनहीं के जु प्रसाद तें सृष्टि शक्ति मम होय ॥

तथाहि श्री भागवते—

मुनयो वातरसनाः भगवता अर्धमन्थिनः । ब्रह्मार्थं धाम ते यान्ति शान्ताः सन्ध्यासिनोऽमलाः ॥६॥

दोहा—

अन्तरजामी आत्म करि जोगी कहत है ताहि । सोऊ श्री गोविन्द की अंस विभूति जो आहि ॥
ज्यों अनन्त फटिकनि विषै एक भान कौ भास । जीवनि में गोविन्द कौ त्यों इक अंस प्रकास ॥

गीतायां—अथवा बहुनैतेन किं ज्ञातेन धनञ्जय । विष्टभ्याहमिदं कृत्स्नमेकांशेन स्थितो जगत् ॥

श्री भागवते—तमिस्रमहमजं शरीरभाजां हृदि हृदि भिषितमात्मकल्पितानाम् ।

प्रति दिशमिव नैकधार्कमेकं समाधिगतोऽस्मि विभूतभेद मोहः ॥

दोहा—

सोई श्री गोविन्द जू आप कृष्णचैतन्य । नाहिन जिव निस्तार हित दयावान इमि अन्य ॥
परव्योम में बसत जे नारायण अभिधान । षट् शुख पूरख ये सदा लक्ष्मीपति भगवान ॥
वेद भागवत उपनिषद् आगम और पुरान । पूर्ण तत्व जाकौं कहै ताकौं नाहि समान ॥
भक्ति योग करि लहत है जिनको दरसन धीर । देवयूथ ज्यों भानु कौ देखत है स-शरीर ॥१८॥
ज्ञान योग मारग भजै तिनको जे सब लोय । ब्रह्म आत्मा रूपकरि तिनको अनुभव होय ॥
भक्ति भेद ते होय तिहि ईश्वर महिमा ज्ञान । ताही तै तिनको दर्ई उपमा भानु समान ॥
तिन नारायण कृष्ण को है जो नाम अभेद । एकहि विग्रह है तऊ आकृति मात्र विभेद ॥
कृष्णचन्द्र ये द्विभुज वे नारायण भुज चार । चक्रादिक वे धरे ये गुरलीधर सुकुमार ॥

तथाहि श्री भागवते—नारायणस्त्वं नहि सर्वदेहिनामात्मास्वधीशाखिललोकसाक्षी ।

नारायणोऽयं नरभुजलायनात्तथापि सत्यं न तवैव माया ॥

दोहा—

ब्रह्मा बालक वत्स हरि किय अपराध प्रमाद । ताकौ क्षमा कराय कै मागत है जु प्रसाद ॥
नाभि-कमल तुमते भयो मेरो जन्म प्रमान । ताते माता पिता तुम मोहि पुत्र अभिमान ॥
मात पिता नहि ये धरे बालक कौ अपराध । मम अपराध क्षमा करौ और प्रसाद अगाध ॥
कृष्ण कहै अज पिता तुव नारायण भगवान । तुम ब्रह्मा हौं गोपसुत कैसे तनय समान ॥

कवित्त—

ब्रह्मा कहै महाप्रभु नारायण नाही तुम तुमहीं हो मुख्य सुनी हेतु अभिमान है ।
प्राकृत औ अप्राकृत जिते जीव लोकनि में तिनके निदान तुम तुमहीं तो धाम है ।
षट् कुल कारण औ आश्रय हू पृथिवी ज्यों ऐसे तुम ताते मुख्य नारायण नाम है ।
कारण कसो है एक दूसरोऊ सुनी प्रभु नाम की निरुक्ति जामें कही अति वाम है ।
जीव के जे ईस पुरुषादि अवतार सब तिन हूँ मैं बड़ी तुव ईसता अपार है ।
याही ते अर्वासुर हो सब ही के पिता तुम शक्ति ते तुम्हारी तिन्हें रचा अधिकार है ।
नार के अयन जाते पालन करी हो तुम ताते मूल नारायण नाम निरधार है ।
ये है एक हेतु कसो तीसरोऊ सुनी प्रभु जाते तुम नाम सो जु अर्थ अनुसार है ॥२॥

दोहा—

अनन्त कोटि ब्रह्मांड जे बैकुण्ठादिक धाम । तिनमें जितेक जीव हैं नार कहै तिहि नाम ॥
तिनके सुभ अरु असुभ जे है त्रैकालिक कर्म । साचि तुम देखौ तिन्हें जानत हो सब मर्म ॥
तुम देखौ सब जगत को थिति नीके करि होय । जो तुम तिहि देखौ नहीं ताकी गति नहि होय ॥
जाते देखौ नार को जानौ तुम जगदीश । नारायण तुम मूल हो सब ईशान के ईश ॥
कृष्ण कहै यह वचन तुम जानत नहि सब कोय । जीव हिये जल में बसै सो नारायण होय ॥
ब्रह्मा कहै जो जल वसै नारायण भगवान । है तेऊ इक अंश तुव वेद पुराण प्रमान ॥
कारण अर्णव गर्भ जलनिधि क्षीरोदक सैन । माया द्वार रचै जगत सब ये माया ऐन ॥
जलशायी जे सबनि के अन्तर्यामी आहि । ब्रह्माण्डनि के आत्मा पुरुष नाम है ताहि ॥
हिरण्यगर्भ के आत्मा गर्भोदक में सैन । व्यष्टि जीव के आत्मा क्षीर उदधि में ऐन ॥
ये सब देखै पृकृति कौ तामे माया मन्ध । कृष्ण तुरीय तिनमें नहीं माया को सनबन्ध ॥

तथाहि श्री भागवते—

विराट् हिरण्यगर्भश्च कारणञ्चेच्छुपाभयः । ईशस्य यत्त्रिभिर्हीनं तुरीयं तत्प्रवक्षते ॥

यद्यपि ये तीनों करें माया में व्यवहार । परसैं तऊ न ताहि ये सब हैं माया पार ॥
तथाहि तत्रैव - एतदीशानमीशस्य प्रकृतिस्थोऽपि तद्गुणैः । न युज्यते सदात्मस्यैयं बुद्धिस्तदाश्रया ॥
नारायण तीनों के तुमहीं परम जु भौन । तुम नारायण मूल हो यामें संशय कौन ॥
अंसी इन तीनों के परव्योम में धाम । नारायण भगवान वे तुम प्रकाश अभिराम ॥
याही ते अज वचन कौ तत्व कसो यह व्यास । नारायण बैकुण्ठ में सोई कृष्ण प्रकाश ॥
श्लोक तत्व लक्षण परम यहै भागवत सार । है परिभाषा रूप यह सर्वग जिहि अधिकार ॥
ब्रह्म आत्म भगवान ये है श्रीकृष्ण विहार । अर्थ न जानें अज्ञ इह कछु औ करे दिचार ॥
औतारी बैकुण्ठपति और कृष्ण अवतार । ते नारायण चारि भुज ये मनुष्य आकार ॥४२॥
पूर्व पक्ष इह मत करै नाना भौतिन अज्ञ । तिनको निर्जित करन इक पक्ष भागवत विज्ञ ॥
श्लोक सुनौ तुम बन्धु सब नीके करौ विचार । मुख्य तत्व इक तीद ये तिनही के परकार ॥
अद्वय ज्ञान सुतत्व है सो श्रीकृष्ण स्वरूप । ब्रह्म आत्म भगवान ये तीनों तिनके रूप ॥
याही पद के अर्थ तुम भये निरुत्तर आहि । और भागवत को वचन एक कहौं सुनि ताहि ॥
तथाहि—एते चांशकला पुंसः कृष्णस्तु भगवान् स्वयं । इन्द्रारिव्याकुलं लोकं मृडयन्ति युगेयुगे ॥

दोहा—

लक्षण सब अवतार के करि सामान्य प्रकार । कृष्णचन्द्र हू की करी गणना तिनहि मभार ॥
तब तौ श्री शुकदेवजी मन में हू भयभीत । फिर पाछै निरनौ कियो जिहि स्वरूप जो रीति ॥
जे अवतार जु पुरुष के कला अंश सब जान । सब ही के अवतंस है कृष्ण स्वयं भगवान ॥

याही ते छां कहत हैं कृष्ण रूप अवतार । यही अर्थ तुव वचन कौ क्यौं अरु करत विचार ॥
तासौ कहिये करै तू क्यौं कुतर्क अनुमान । अर्थ जु शास्त्र विरुद्ध जो सो कबो-ह न प्रमाण ॥
तथाहि शास्त्रे—अनुवादमनुस्मवेव न विधेयमुदीरयेत् ॥

दोहा—

बिना कहै अनुवाद के कहिये नाहि विधेय । आगे करि अनुवाद कौ पाछे कहिय विधेय ॥
कहिये ताहि विधेय है जोई वस्तु अज्ञात । ताहि कहै अनुवाद सब होइ वस्तु जो ज्ञात ॥
कहौ विप्र परिडत परम यहां विप्र अनुवाद । परिडत ताहि विधेय है अर्थ यहै अविवाद ॥
द्विज करि जानै ताहि सब परिडतता अज्ञात । आगे जाते विप्र कहि परिडतता पश्चात् ॥
तैसे यहै अवतार जू को कैसे है ज्ञात । ये अवतार जू कौन के सो विधेय अज्ञात ॥
एते कर अवतार कौ आगे कहि अनुवाद । कला अंश है पुरुष के पुनि विधेय संवाद ॥
त्यों ही सब अवतार मधि कृष्णचन्द्र है ज्ञात । तिनको ज्ञान विशेष जो वही वस्तु अज्ञात ॥
याही ते आगे कहौ कृष्ण शब्द अनुवाद । फिर भगवन्त स्वयं कियौ है विधेय संवाद ॥
छां भगवत्ता स्वयं ही है जु कृष्ण की साध्य । और स्वयं भगवान कौ भई कृष्णता बाध्य ॥
कृष्ण अंस अंसी जु तिहि नारायण हों सोय । वचन तबै शुकदेव कौ यह विपरीत जु होय ॥
नारायण अंसी जु है आप स्वयं भगवान । तेइ इक भये कृष्ण सों जो करते व्याख्यान ॥
अम प्रमाद अरु बंचना करुणापाटव आहि । आरप विज्ञ वचनन में ए सब दोष जु नाहि ॥
कहत जु अर्थ विरुद्ध तुम कहत करौ अरु रोस । है अवमृष्ट विधेय इक तुव व्याख्या में दोस ॥
भगवत्ता ते जासु की पर-भगवत्ता होय । शब्द स्वयं भगवान की सत्ता निश्चय सोय ॥
इक दीपक ते होइ ज्यों दीपक प्रकट अनेक । गणना किये अनेक हैं कारन दीपक एक ॥
सब भगवानन के भयौ कारण कृष्णहि जान । कुत्सी व्याख्या खंडगुण पथ सुनौ दे ध्यान ॥
तथाहि तत्रैव—अत्र सर्गो विसर्गश्च स्थान पोषण मृतयः । मन्वन्तरेऽश्नान कथा निरोधो मुक्तिराश्रयः ॥

दशमस्य विशुद्धार्थं नवानामिहि लक्षणम् । वर्णयन्ति महात्मानः श्रुतेनार्थेन चाञ्जसा ॥

दोहा—

नवम पदार्थ कहिये हों जु होय आश्रय ज्ञान । हेतु नवनि उत्पत्ति कौ वही आश्रय ज्ञान ॥
कृष्ण एक सब आश्रय कृष्ण सवन कौ धाम । विग्रह में श्रीकृष्ण के सकल विश्व विश्राम ॥
तथाहि श्रीधर पादेनोक्त—

दशमे दशमं लक्ष्यमाश्रिताश्रय विग्रहम् । श्रीकृष्णाख्यं परं धाम जगद्धाम नमामि तत् ॥

कृष्ण स्वरूप जु और तिहि शक्ति त्रय कौ ज्ञान । सो जिहि होय न तासु हिय होय कृष्ण अज्ञान ॥
तिहि श्रीकृष्ण स्वरूप को है पद विधि जु विलास । प्रायव वैभव रूप है तिनको द्विविध प्रकाश ॥
अंश जु शक्तपावेश श्री द्विविध रूप अवतार । प्रथम वाल्य पौगंड तिहि धर्म जु दोय प्रकार ॥

कृष्ण किशोर स्वरूप नित अवतारी गुनसिंधु । क्रीडें ये छद्म रूप धरि विश्वम्भर जगवन्धु ॥
इनही छद्मनि स्वरूप को है जु अनन्त विभेद । एक रूप बहुरूप में है नाहिन कष्ट भेद ॥
चित् स्वरूप जो शक्ति है अन्तरंग जिहि नाम । ताके वैभव है अमित वैकुण्ठादिक धाम ॥
बहिरङ्ग माया शक्ति जग को कारण जोय । गण अनन्त ब्रह्माण्ड के ताके वैभव सोय ॥
शक्ति तटस्था जीव इक ताको नाहिन अन्त । मुख्य तीन ये शक्ति हैं तिनकी भेद अनन्त ॥
ये स्वरूप गुण और जे तीनों शक्ति जु तास । सब के आश्रय कृष्ण है सबके कृष्ण निवास ॥
यद्यपि गण ब्रह्माण्ड के आश्रय पुरुष प्रधान । तिनहूँ सब पुरुषादि के आश्रय कृष्ण निदान ॥
कृष्ण स्वयं भगवान है सबको आश्रय सोय । कृष्ण जु है ईश्वर परम कहै शास्त्र सब कोय ॥

तथाहि ब्रह्मसंहितायां—

ईश्वरः परमः कृष्ण सच्चिदानन्दविग्रहः । अनादिरादिर्गोविन्दः सर्वकारणकारणम् ॥

ये-ही सब सिद्धान्त तुम जानत हों भलि चेत । पूर्व पक्ष तऊ करत हों हमें चलावन हेत ॥
अवतारी श्री कृष्ण जो आप ब्रजेन्द्र कुमार । सो चैतन्य स्वरूप है प्रकट कियौ अवतार ॥
ताही ते चैतन्य जू सीमा है परतत्व । लीरोदधिशायी तिन्है कहै कहा जु महत्त्व ॥
भक्तन कौ सोऊ वचन नहि विभिचारी होय । सब ही तिन कौ संभरै अवतारी है सोय ॥
अवतारी के देह में सब अवतार निवास । किहू रूप कोऊ कहौ जैसे बुद्धि प्रकास ॥
कोऊ कहै श्री कृष्ण कौ है नारायण रूप । लीरोदधिशायी कहै कोऊ वामन रूप ॥
नारायण वैकुण्ठ पति कोऊ कहत है ताहि । ताते सब ही उचित तिहि अवतारी ते आहि ॥
सब श्रोता गण पद कमल बंदन करौ अनेक । सब सिद्धान्त श्रवण करौ करिक मन को एक ॥
कहत सुनत सिद्धान्त के आलस करौ न जीय । याही ते श्री कृष्ण में लगै सुदृढ़ करि हीय ॥
लहिये सब सिद्धान्त ते महिमा श्री चैतन्य । महिमा ही के ज्ञान ते हिय दृढ़ लगै अनन्य ॥
कहन हेत चैतन्य प्रभु महिमा अकथ अपार । याते महिमा कृष्ण की कहिये करि विस्तार ॥
महाप्रभू भगवान हैं तत्व निरूपण सार । महाप्रभू भगवान हैं आप ब्रजेन्द्र कुमार ॥
श्री रूप जु रघुनाथ पदरज ही की जिहि आस । कृष्णदास जू कहत हैं चरितामृत रसरास ॥
रूप सनातन जगत हित सुवल स्याम पद आस । चरितामृत सो कहत है ब्रजभाषा हि प्रकास ॥६४॥

इति श्री चैतन्यचरितामृते आदिखण्डे वस्तुनिर्देश मंगलाचरणं नाम द्वितीय परिच्छेदः ॥

तृतीय परिच्छेद

श्री चैतन्यप्रभुं वन्दे यत्नादायधीकृतः । संगृह्यत्वाकरावातादहः सिद्धान्तसन्मगीनः ॥

रोहा—

जै जै श्री चैतन्य जै श्री नित्यानन्द । जै अद्वैत हिमांशु जय दासवर्ग सुलकन्द ॥
 श्लोक तृतीय का अर्थ यह कर्षी बुद्धि के भाव । चौथे हैं की अर्थ अब सुनो रसिक मन लाय ॥
 तथाहि—अनर्पितचरी विराज् कुरुपावतीर्णः कलौ, समर्पयितुमुग्रतोन्वतरसां स्वभक्तिप्रियम् ॥
 हरिः पुरतः सुन्दरपुनिकदम्बसन्दीपितः, सदा हृदय कन्दरे स्फुरतु वः शचीनन्दनः ॥
 पूर्ण कृष्ण भगवान् जे श्री ब्रज राज कुमार । ब्रज गन सह ब्रज लोक में तिन की नित्यविहार ॥
 ब्रह्मा के दिन एक में एक बार अवतार । तिनको तब तहँ होत है ब्रजपुर प्रकट विहार ॥
 सत व्रेता द्वापर जु कलि ऐ चारी जुग जानि । तेई चारी जुग मिलै दिव्य एक जुग मान ॥
 इकद्वार जुग दिव्य की मन्वन्तर इक होइ । चौदह मन्वन्तर जु हो ब्रह्मा की दिन सोइ ॥
 मन्वन्तर सप्तम तहँ वैवस्वत जिहि नाम । सात बीस जुग चौकरी भये तहां जु विराम ॥
 अष्टाविंशति चतुरजुग तहँ द्वापर की शेष । होत तहां ब्रज जन सहित कृष्ण प्रकाश विशेष ॥
 दास्य सकल वानसल्य शुचि चारी रस जु प्रधान । चारि भाव मय भक्ति जे तिन के वस भगवान ॥
 दास सखा माता पिता प्रेयसि गण लै संग । ब्रज में क्रीड़ा करें हरि प्रेम सहित तिन रंग ॥
 जैसी इच्छा बिहारि कै जब किय अन्तर्ध्यान । पाछे फिर ऐमें हिये करें कृष्ण अनुमान ॥
 बहुत काल ली नहि कियी प्रेम भक्ति हम दान । भक्ति बिना नहि जगत की गति कोऊ है आन ॥
 सकल जगत मेरी करे बद्धा वैधी भक्ति । वैधी ने ब्रज भाव के पालन की नहि शक्ति ॥
 ईश्वर मोकी जानि कै करें जु वैधी भक्ति । जाय लोक बंकरुट में पावै चारी मुक्ति ॥
 साष्टि और साक्य पुनि सामिप सालुक चारि । सायुज लेहि न भक्त जिहि ब्रह्म सु एकाकार ॥
 करी प्रवृत्त जु युग धर्म कीर्तन हरि नाम । चारि भाव मय भक्ति दे जगत नचावी वाम ॥
 भक्ति भाव आपुन करी हिय में अङ्गीकार । करि आचरण बताय हीं सर्व धर्म की सार ॥
 आप किये विन आचरण होय न धर्म प्रचार । गीता अरु श्री भागवत कहत जु यहँ पुकार ॥
 तथाहि गीतायां—धर्म संस्थापनायाय संभवामि युगेयुगे । कसीदेयुगस्मिन्लोकाः न कुर्यादकर्म चेदहम् ।
 शंकरस्य च कर्ता स्वामुपहन्यामिमाः प्रजाः । यथादाचरति भ्रष्टस्तत्तदेवेतरो जनः ॥
 होय सकै इक अंश ने युग की धर्म प्रचार । मो विन कोउ न दे सकै ब्रज की प्रेम अपार ॥
 तथाहि—मन्वन्तराः षट्शः पंचतन्त्रात्मनः सर्वतो भद्राः । कृष्णादन्यः को वा लनाम्बपि प्रेमदो भवति ।
 ताते अपने भक्त सब तिनको लै करि संग । पृथ्वी में अवतीर्ण हैं करीं जु नाना रंग ॥
 ऐसे स्वगत विचार करि कलि संघ्या के आदि । नवद्वीप में जगत हित प्रगटे कृष्ण अनादि ॥

भयी सिंह चैतन्य की नवद्वीप अवतार । सिंह ग्रीव बल सिंह की और सिंह हुंकार ॥
 बसी सिंह चैतन्य सो जिय हिय गुहा जु आव । हुंकारि मुनि हिय गुहा की कल्प डिरद नमार ॥
 तिनकी लीला प्रथम में प्रभु विश्वम्भर नाम । भक्ति सुधारस दान दे धरें भरें जिय शम ॥
 अर्थ जु जु भृङ्ग धातु के धारन पोषण दोय । धारें पोषें प्रेम दे त्रिभुवन में प्रभु सोय ॥
 धरयो लीला शेष में नाम कृष्ण चैतन्य । कृष्ण चितायो सबनि की विश्व कियो अनिधन्य ॥
 गंगे महाशय परम आदिप तिन के युगअवतार । नाम करण श्रीकृष्ण है तहँ कीनो निरधार ॥
 तथाहि दशमे—आसन्वत्तां स्वयो ह्यस्य गृह्णतोऽनुयुगं तनुः । शुक्लो रक्त-स्तथापीत इदानीं कृष्णो गतः ॥
 शुक्ल रक्त अरु पीत पुनि ये तीनों दुति जान । सत व्रेता कलिकाल में धारें श्री भगवान ॥
 अब द्वापर में कृष्ण है कृष्णवर्ण भगवान । आगम शास्त्र पुरान की यही मर्म है जान ॥

तथाहि—द्वापरे भगवान् श्यामः पीतवासाः निजायुधः ॥

कलियुग की यह धर्म है केवल नाम प्रचार । ताही हित चैतन्य की पीत वर्ण अवतार ॥
 तप्त हेम सम कांति जिहि महाप्रकाण्ड शरीर । नव जलधर की गरज जिमि कंट नाद गर्भीर ॥
 चार हाथ निज होय जिहि देह दीर्घ विस्तार । महापुरुष ताको कहै विज्ज लोक निरधार ॥
 परिमण्डल न्यग्रोध इक कहि तिनकी यह नाम । बट परिमंडल सदृश तन अनन-कांति गुण धाम ॥
 लंबितभुज आजानु जिहि अरुणकमल दलनेन । नासा तिलके कुसुम सम वदन चंद रस ऐन ॥
 चंदन के अंगद बलय चंदन भूषण अंग । नृत्य सम ये पहिरि कै करें कीर्तन रंग ॥
 वैशंपायन मुनि प्रवर येई गुन सब धारि । कहे जु नाम सहस्र में ये तिहि नाम विचारि ॥
 है लीला चैतन्य की आदि शेष मुख धाम । इक-इक लीला में कहे चारि-चारि प्रभु नाम ॥

तथाहि सहस्रनाम स्तोत्रे—

सुवर्ण वर्णो हेमांगो वरुणश्चन्द्रनाभोऽपि । सन्नयान कुण्डलः शान्तो निष्ठा शान्ति परायणः ॥

कर्षी भागवत व्यक्तकरि सब ठां बारम्बार । कलियुग की युगधर्म अरु युग अवतार विचार ॥

तथाहि भागवते—

कृष्णवर्ण निवृत्ता कृष्णं सांगोसांगस्त्रपार्पदम् । यज्ञैः संकीर्तनप्रापैर्वजन्ति हि सुमेधसः ॥

महिमा श्री चैतन्य की सुनी सकल चितधारि । याही पद करि कही तिहि महिमा सीम अपार ॥
 कृष्णजु इहि देवरन की जिहिमुख सदा निवास । कै वर्णन श्रीकृष्ण की निसदिन निज मुख रास ॥
 कृष्ण वर्ण इहि शब्द की अर्थ यहँ जु प्रमान । कृष्ण नाम विन एक दिन तिहिसुख नाहि न आन ॥
 कोऊ कहै जु स्याम तनु कृष्ण वर्ण करि ताहि । और विशेषण एक तिहि करै निवारण आहि ॥
 तप्त हेम सम देह युति प्रकट विराजत तास । छटा समूह करै जु तिहि हिय तम तति की नास ॥
 जीवनि की अज्ञान तम नाश करन के काज । अङ्ग उपांग सु नाम धरि नाना अस समाज ॥
 भक्ति विरोधी कर्म जे धर्म अधर्म जु आन । ताही को कल्प कहै वही महा तम जान ॥

ऊर्ध्वाङ्गु बोलें हरी प्रेम दृष्टि करि चाय । कल्मष तमसौ नाश करि तिन दै प्रेम बढ़ाय ॥
श्री अंग श्री मुख माधुरी जे जे देखें लोय । तिनके पाप नसै लहै कृष्ण प्रेम धन सोय ॥
और जिते अवतार सब शस्त्र सैन्य तिहि सङ्ग । सैन्य सङ्ग चैतन्य के निज श्री अङ्ग उपङ्ग ॥
अङ्गोपाङ्ग जु अस्त्र सब साधे निज निज काज । अङ्ग शब्द की अर्थ सब सुनौ सु संत समाज ॥
अङ्ग शब्द अंशहि कहैं हैं सब शास्त्र प्रमान । जो अवयव इक अङ्ग को सो उपाङ्ग करि जान ॥

तथाहि भागवते—नारायणोऽङ्गं नर भूजलाशनालम्बाऽपि सत्यं तवैव माया ॥

सोरठा—नारायण जु प्रशंस अन्तर्यामी जलशयी । सोई है तुव अंश तुम नारायण मूल हो ॥

दोहा—

अंश कहैं अंग शब्द करि सत्य सोउ जु प्रमान । माया कार्य नहीं सबै चिदानन्द मय जान ॥
नित्यानन्द अद्वैत जू दोऊ प्रभु के अङ्ग । इनके अवयव गन जिते ते कहिये जु उपाङ्ग ॥
प्रभु संग अंग उपाङ्ग जे तीक्ष्ण अस्त्र समाज । पाखण्डी दल दलमल यह अस्त्रनि को काज ॥
नित्यानन्द गोस्वामि जू है हलधर को रूप । आचारज अद्वैत जू ते ईश्वर के रूप ॥
श्रीवासादिक पारिपदमण सेना लै संग । दोऊ सेनापति फिरें करत कीर्तन रंग ॥
सोरठा—श्री नित्यानन्द राय भेष दलन पाखण्ड को । पाखण्ड पाप पलाय आचारज हुँकारते ॥

दोहा—

नाम कीर्तन के जु है आचारज चैतन्य । यज्ञ कीर्तन करि भजै तिन्हें तेई अति धन्य ॥
सर्व यज्ञ ह ते अधिक कृष्ण नाम मखसार । वही सुमति है जगत में औ कुबुद्धि संसार ॥
कोटि कोटि इयमेध ह कहैं सुनाम समान । सो पाखण्डी जानिये तिहि दण्डै सुत भान ॥
रघुवी ग्रन्थ संदर्भ के प्रथमहि मंगलचार । जीव गुसाईं तहाँ किय इह पद अर्थ विचार ॥
तथाहि—अन्तः कृष्णं बहिर्गौरं दर्शितांगादिवैभवम् । कलौ संकीर्तनायै स्म कृष्णचैतन्यमाश्रिताः ॥

भारत पुनि श्री भागवत आगम और पुराण । गौर कृष्ण अवतार के हैं सब प्रकट प्रमान ॥
अरु प्रत्यक्ष प्रमान हैं नाना प्रगट प्रभाव । कर्म अलौकिक लोक ते हैं अपूर्व अनुभाव ॥
देखे ह देखें नहीं गण अभक्त जन आहि । ज्यौ उलूक दग सकै नहि, भान किरन अवगाहि ॥

तथाहि यमुनाचार्य स्तोत्रे—

त्वं शील रूप चरितैः परम प्रकृष्टैः स्वत्वेन सात्त्विकतया प्रबलैश्च शास्त्रैः ।

प्रकृष्टावर्तपरमार्थविदाम्मतेरैश्च तैवासुरप्रकृतयः प्रभवन्ति बोद्धुः ॥

रूप दुरावन हेतु हरि करै अनेक उपाय । तऊ तिन्हें तिनके भगत जानि लेंहि निज भाय ॥

तत्रैव—अलपितृशिविषसीमसमातिशायि, सम्भावनं तव परिवृद्धिमात्राभावम् ॥

मायावरेण भवतापि निगृह्यमानं, पश्यन्ति केचिदनिशं त्वदनन्यभावाः ॥

कवहु न जानै कृष्ण को जाकी असुर सुभाव । अपने प्रीतम भक्त सों कवहु न सकै लुकाय ॥

तथाहि—ही भूतस्वर्गी लोकेश्वरिन् देव आसुर एवच । विष्णुभक्तः स्मृतो देव आसुरस्तद्विपर्ययः ॥

आचारज अद्वैत जू कृष्ण भक्त अवतार । हेतु कृष्ण अवतार को है जिन को हुँकार ॥
जब पृथिवी पर कृष्ण जू करै प्रकट अवतार । पहिले ही गुरुवर्ग को करै आप संचार ॥
तात मात गुरु आदि जे अरु पूजक सुखधाम । पहिले ही सब भूमि पर प्रकट भये अभिराम ॥
प्रगट होय आचार्य जू देखें सब संसार । कृष्ण भक्ति सौगंधि सों हीन विषे व्यवहार ॥
कोई पाप कोई पुन्य लगि करै विषे भोग । भक्ति गंधह नाहि जे मिटै जु त्रिहि भवरोग ॥
आचारज लखि लोकगति हिय करुणा सों भोय । चिंता करै जु लोक को कैसे कैं हित होय ॥
आपुन जो श्रीकृष्ण जू करै प्रकट अवतार । साधक है आचरण करि करै जु भक्ति प्रकार ॥
नाम बिना कलिकाल में और धर्म नहि कोय । कलिपुग में अवतार प्रभु कौन भांति करि होय ॥
शुद्धभाव करि कृष्ण को करि आराधन चाय । करौ निवेदन दैन्य करि निसि दिन अपने भाय ॥
नाम कीर्तन को करौ लाय कृष्ण संचार । सफल नाम अद्वैत मम तब है हैं निरधार ॥
जिहि आराधन प्रभुजु वस होय सु कौन प्रकार । श्लोक एक आयौ मनहि ऐसे करत विचार ॥

तथाहि—तुलसीदलमात्रेण जलस्य तुलुकेन वा । विक्रीणीते स्वमात्मानं भक्तेभ्यो भक्तवत्सलः ॥

आचारज या वचन को कछो अर्थ विस्तार । सोई अब हूं कहत हौं निज मति के अनुसार ॥
जल तुलसी श्रीकृष्ण को जो जन अपैं आहि । करै कृष्ण चिंता दिये ऋण सोधैं हित ताहि ॥=२॥
तुलसी की तुलसी नहीं निजधर में कछु आन । तब आपुन को बेचि तिहि ऋण सोधैं भगवान् ॥
यह हिय करकै भावना आचारज रसलीन । सोई आराधन करै जातै कृष्ण अधीन ॥=४॥
अनुकूलन तुलसी मंजरी गंगाजल पुनि आहि । कृष्ण चरन हिय भावना करिकै अपैं ताहि ॥
आवाहन हरि को करै करिकै अति हुँकार । इहो भांति श्री कृष्ण को करवायो अवतार ॥
गौरकृष्ण अवतार को मुख्य यही है हेतु । जन इच्छा करि अवतरैं कृष्ण धर्म के सेतु ॥

तथाहि श्रीभागवते—त्वं भक्तिगोपपरिभाषितहृत्सरोज, आस्ते श्रुतेक्षितपथो ननु नाथ पुंसां ।

यशद्विधात उरुगाय विभावयन्ति, तत्तवपुः प्रनयसे सदनुग्रहाय ।

यह पद को संक्षेप करि यहै अर्थ है सार । जन इच्छा करि कृष्ण कैं हैं सब ही अवतार ॥
भयो सु चौथे पद्य को अर्थ सुनिश्चित एत । भये गौर अवतीर्ण हां प्रेम प्रकाशन हेतु ॥
रूप सनातन पद कमल मधि जाको है वास । चरितामृत चैतन्य को कहैं कृष्ण को दास ॥
रूप सनातन जगत हित सुवलरयाम पद आस । प्रभु चरितामृत को लिखैं ब्रज भाषाहि प्रकास ॥

इति श्री चैतन्यचरितामृते आदिखण्डे आशीर्वादमंगलाचरणे

श्री चैतन्यावतारसामान्यकारणं नाम तृतीय परिच्छेदः

चतुर्थ परिच्छेद

श्री चैतन्यप्रसादेन तद्रूपस्य विनिर्णयः । बालोऽपि कुरुते शास्त्रं दृष्ट्वा व्रजविलासिनः ॥

जय-जय श्री चैतन्य जू जय श्री नित्यानंद । जय अद्वैत हिमांसु जय दास वर्ग सुख कंद ॥१॥
श्लोक चतुर्थ के अर्थको किय विवरण इहि भाय । श्लोक पांचवे को सुनौ अर्थ संत मन लाय ॥२॥
श्लोक मूल के अर्थ को कीजतु हैं जु प्रकास । अर्थ लगावन हित प्रथम करि लीजै आभास ॥
चाँधे पद को यह सुनौ कणो अर्थ विस्तार । प्रेम नाम विस्तार हित यह प्रकटे अवतार ॥
यह हेतु अवतार को सत्य किन्तु बहिरंग । और हेतु तुम सुनौ एक अन्तरंग करि रंग ॥५॥
पहिले ज्यों श्री कृष्ण जू हरणहेत भूभार । स्थिति-कर्त्ता जो विष्णु हैं जग पालै निरधार ॥
किन्तु कृष्ण अवतार को कालहु तो जबजोय । भार हरण को काल हैं तहां मिल्यो जब सोय ॥
पूर्ण स्वयं भगवान के अवतरिबे के काज । और सब तिन में मिलै अवतारिन के काज ॥
चतुर्गुह वैकुण्ठपति मत्स्यादिक अवतार । मन्वन्तरावतार युग विष्णु जिते जु अपार ॥१०॥
कृष्ण अङ्ग में आयकै सब भये अवतीर्ण । याही विधि के अवतरे कृष्ण आप परिपूर्ण ॥११॥
याही ते सब विष्णु हैं कृष्ण शरीर मंभार । तिनही द्वारा कृष्ण जू करें असुर संहार ॥
अनुपंगिक इह कर्म है मारण सुर प्रतिकूल । जिहि कारण अवतार सो कारन कहै जु मूल ॥
रसिक मुकुटमणि कृष्ण जू परम करुन हैं सोय । इनहीं दोनों हेतु करि इच्छा उपजी दोय ॥
प्रभुता ज्ञान मिल्यो भजै सब जग की यह रीति । सिधिल प्रेम ऐश्वर्य करि तासों नहिं मम प्रीति ॥
मुहिको ईश्वर मानि करि आपुन मानत हीन । कबहुँ ताको प्रेमवश हौं न होहुँ आधीन ॥१६॥
जो जो जन मोको भजै करि करि जैसी भाय । तैसेई ताको भजौ मेरो यह सुभाय ॥

तथाहि गीतायां—ये यथा मां प्रपश्यन्ते तांस्तथैव भजाम्यहम् ॥

कृष्ण तनय मम सखा मम मेरे पति हैं प्रान । करै शुद्ध रति कोइ जो इहि विधि मोको जान ॥
आपुन को बड मानई मोको सम अरु हीन । मन बच क्रम करि होत हूँ मैं ताके आधीन ॥
तथाहि दशमे—मयि भक्ति हि भूतानाममृतत्वाय कल्पते । दिष्ट्या यदासीन्मत्स्नेहो भवतीनां मदापनः ॥
पुत्र भाव करि मात मम बंधन करै प्रवीन । लालन पालन करत नित जानि मोहि अति हीन ॥
शुद्ध सख्य करि सखा मम काँधे चढ़ै सुजान । कौन बड़े तुम लोक हौं हम तुम एक समान ॥
मान समैं जब प्रिया मम भर्त्सन करे निदान । वेद स्तुति हूते अधिक हरे सुमन अरु प्रान ॥
शुद्ध भक्त ये संग लें करीं प्रगट अवतार । व्रज में करौं जु विविध विधि अद्भुत सहजविहार ॥
जिनिको नहीं प्रचार है वैकुण्ठादिक लोय । मन ते लीला करौं जिहि चमत्कार मम होय ॥
गोपी गन को मम विषय है उपपति जो भाव । करि हैं माया योग निज तिहि अपने जु प्रभाव ॥
सोरठा—हो नहिं जानों ताहि गोपीजन जानै नहीं । हरै नित्य मन आहि विवि गुन रूप दोउनके ॥

धर्म छांड़ि दोऊ करें मिलन राग के चाय । कभूँ मिलै न मिले कभूँ देवयोग विवि पाय ॥
यह सब रस निर्यास को करि नीके आस्वाद । इही द्वार करि करौं सब भक्तनि पै जु प्रसाद ॥
व्रज को निर्मल राग सुनि जन समूह है चूर । राग मार्ग करि भजै गो-धर्मानि करि करि दूर ॥
तथाहि श्रीभागवते—

अनुपदाय भक्तानां मानुषं देहमाश्रितः । भजते तादृशीः क्रीडाः या श्रुत्वा तत्परो भवेत् ॥

इहाँ क्रिया विधि लिंग जो सो यों कहत जु गाय । आवश्यक कर्तव्य है अनिथा है प्रतिवाय ॥

सोरठा—कारन यह विचार मुख्य कृष्ण अवतार को ।

करि यों असुर संहार अनुसंगिक फल सवनि को ॥

दोहा—

ऐसे ही चैतन्य जू कृष्ण पूर्ण रस धाम । करै जु धर्म प्रचार जग इह तिनको है काम ॥
जब मन भयो अवतार को कारन को जु उपाय । तिहीं समैं युग धर्म को काल मिल्यो तहैं आय ॥
जन गन संग लै अवतरे दोय हेत जिय जान । आपुन आस्वादन करे प्रेम नाम गुणगान ॥
तिही द्वार करि स्वपच लौं करि कीर्तन संचार । नाम प्रेम-माला गुही पहराई संसार ॥
भक्त भाव इहि भाय करि करि के अङ्गीकार । आपुन करि के आचरण किय यों भक्ति प्रचार ॥
दास्य सख्य वात्सल्य है और मधुर रस सार । चारि विधिन के भक्त जे चारों रस आधार ॥
अपने अपने भाव को सब ही मानै सार । आस्वादें ये कृष्ण सुख सब भाव अनुसार ॥
करै विचार तटस्थ है हिय में जवै सुजान । सब रस तें सिंगार में अधिक माधुरी जान ॥

तथाहि रसामृतसिन्धौ—

यथोत्तरमसौ स्वादु विशेषोद्भासमद्यपि । रतिर्वासनया स्वाद्वी भासते कापि कस्यचिन् ॥

याही ते ताको कहै विज्ञ मधुर रस नाम । स्वकिया परकीया और भाव द्विविधि संस्थान ॥
भाव परकिया मध्य है निरवधि भाव प्रभाव । ताह में श्रीराधिका को निरवधि है भाव ॥६१॥
प्रौढ़ भाव निरमलसु रस प्रेम जु सर्व प्रधान । कृष्ण माधुरी स्वाद को कारण सोई जान ॥
याही ते तिहू भाव को करि के अङ्गीकार । पूर्णकरी श्री गौरहरि निज बाँछा रस सार ॥

तदुक्तं श्रीरूपगोस्वामिना—

सुरेशानां दुर्गं गतिरतिशयेनोपनिषदां, मुनीनां सर्वस्वं प्रणतपटलीनां मधुरिमा ।
विनिर्यासः प्रेम्णो निखिलपशुपालान्बुजदृशां, स चैतन्यः किं मे पुनरपि दृशो वास्यति पदम् ॥

अपारं कस्यापि प्रणयिजनबुन्दस्य कुतुकी, रसस्तोमं हत्वा मधुरमुपभोक्तुं कमपि यः ।

रुचि स्वामावत्रे युतिमिह तदीयां प्रकटयन्, स देवचैतन्याकृतिरतितरां नः कृपयतु ॥

भाव ग्रहन को हेतु किय धर्महि स्थापन सार । श्लोक पांचवेको करत ताके लिये विचार ॥
श्लोक पांचवे को कणो ऐसे करि आभास । अब ताही को कीजियतु नीके अर्थ प्रकास ॥

तथाहि—राधा कृष्णप्रसन्नविकृतिर्लादिनी शक्तिरस्या, देवात्मानावपि भुवि पुरादेहभेदं गतौ तौ ॥
चैतन्याख्यं प्रकटमधुना तदुदयं चैक्यमात्रं, राधाभावश्रुति सुबलितं नौमि कृष्णस्वरूपं ॥

श्रीराधा अरु कृष्ण एक रूप देह द्वै धार । आस्वादन रसकौ कियो करि अन्योन्य विहार ॥
तेई दोऊ एक अब श्री चैतन्य गुसाई । आस्वादन हित भाव के भये जु विवि एक ठाई ॥
याही ते आगे करें ताको विवरण सोई । याही ते श्री गौर की महिमा कथन सुहोई ॥
राधा जू श्रीकृष्ण की हैं निज प्रणय विकार । निज जु शक्ति आल्हादिनी है जिहि नाम प्रचार ॥
करवावै आल्हादिनी कृष्णानंद आस्वाद । ताही द्वारा हरि करें जन पोषन परसाद ॥
सत् चित् आनन्द पूर्ण जो हैं श्रीकृष्ण स्वरूप । तिनकी इक चित् शक्ति जो धरै तीन यह रूप ॥
हर्ष अंश आल्हादिनी संधिनि है सत् अंश । चित् अंश संवित कहै ज्ञान भान परसंश ॥
संधिन की सारांश हैं शुद्ध सत्त्व जिहि नाम । जित जित सत्ता कृष्ण की तहां जु तिहि विश्राम ॥
तथाहि विष्णुपुराणे—

ल्हादिनी सन्धिनी सम्बित् त्वय्येका सर्व संश्रये । ल्हादतापकरी मित्रा त्वयि नो गुणवर्जिते ॥
मात पिता जु स्थान गृह सज्जा आसन जोय । शुद्ध सत्त्व श्री कृष्ण को तिहि विकार सब सोय ॥
तथाहि श्री भागवते—सत्त्वं विशुद्धं वसुदेवशब्दितं यदीयते तत्र पुमानपाकृतः ।

सम्बित को यह सार हैं हरि भगवत्ता ज्ञान । ब्रह्म ज्ञान आदिक सर्वे तिहि परिवारहि जान ॥
ल्हादिनि सार जु प्रेम है भाव सार तिहि वाम । परमसार जो भाव की महाभाव तिहि नाम ॥
ठकुराईनि श्री राधिका महा भाव की रूप । कृष्ण सुकांता मुकुटमणि गुणगण परम अनूप ॥

तथाहि उक्कल नीलमणी—महाभाव स्वरूपेयं गुणैरति वरीयसी ॥

कृष्ण प्रेम भावित सदा जिहि चित् इंद्रिय काय । कृष्ण शक्ति निज राधिका क्रीड़ा की जु सहाय ॥
तथाहि ब्रह्मसंहितायां — आनन्द चिन्मय रस प्रविभाविताभिस्तामिष्य एव निज रूपतयाकलाभिः ॥
रस आस्वादन कृष्ण की करवावै जिहि भाव । सो विवरण सुनु भांति जिहि क्रीड़ा की जुसहाय ॥
कृष्ण सु कान्ता गण जिते त्रिविधि प्रकारहि जान । इक लक्ष्मी गण नाम हैं महिषीगण पुनिआन ॥
ब्रज देवी गण रूप अरु हैं कांता गणसार । राधा जू ते होत सब कान्तागण निस्तार ॥
अवतारी श्री कृष्ण ज्यों करें जु बहु अवतार । ऐसे राधा असिनी तें गण तीन प्रकार ॥
कवित्त—लक्ष्मी गण तिनकी हैं वैभव विलास रूप, महिषीगण वैभव प्रकासरु जानिये ।
आकृति स्वभाव भेद ब्रज देवीगण काय व्यूह रूप तिनको कारण रस मानिये ॥
ताहु मध्य ब्रज नाना भाव भेद रासादिक, लीला स्वाद कृष्ण जू को करावे बखानिये ॥
कान्ता बहु बिना नहीं रस की उन्लास ताते लीला के सहाय बहु प्रकास सु ठानिये ॥१॥

गोविंद की आनंदिनी राधा मोहनि और । सर्वस हैं गोविन्द की सब कांता मिरमौर ॥
गौतमीय तन्त्रे—देवी कृष्णमयी प्रोक्ता राधिका पर देवता । सर्गलक्ष्मीमयी सर्गकामिनी संमोहिनी परा ॥
द्योतिमान देवी कहै परम सुन्दरी होय । हरिक्रीड़ा पूजानिकी के निवास है सोय ॥
कृष्णमयी कहै कृष्ण जु अन्तर बाहिर आहि । जित जित नेत्र परै तिते कृष्ण फुरै है ताहि ॥
परम प्रेम रस मय जु ये अथवा कृष्ण स्वरूप । जिन की जो निज शक्ति हैं हैं तिनसों इकरूप ॥
कृष्ण सु बांछा पूर्ति सब आराधे तिहि जान । याही ते श्री राधिका नाम पुरान बखान ॥

दशमे—अनया राधितो नूनं भगवान् हरिरीश्वरः । यन्नो विहाय गोविन्दः प्रीतो यामनयद्रहः ॥

याही ते पूज्या सधनि परम देवता जोय । पालन कर्त्ता विष्णु की जग माता है सोय ॥
सर्व लक्ष्मी शब्द की आगे कियो व्याख्यान । सब लक्ष्मीगण में जु तिहि अधिष्ठान है जान ॥
सर्व लक्ष्मी कृष्ण जु कौ किय पडिवध ऐश्वर्य । अधिष्ठात्रि तिन की जु हैं सब शक्तिन में बर्य ॥
सर्व कांति सौंदर्य जो तिन में बसै जु सोय । सर्व लक्ष्मी गणन की सोभा जाते होय ॥
कांति शब्द कहि कृष्ण की सब इच्छाहि बखान । सकल बांछा कृष्ण की राधा ही ते जान ॥
पूरै सब श्री राधिका कृष्ण जु बांछित जान । सर्व कांति जो शब्द है ताकी यह बखान ॥
जग के मोहन कृष्ण हैं ए मोहत हैं ताहि । याही ते सब में परम ठकुरानी ए आहि ॥
पूर्ण शक्ति श्री राधिका शक्तिमान भगवान । भेद न दोऊ वस्तु में भेद पुराण प्रमान ॥
मृगमद ताकी गंध ज्यों नहि कबहुँ विच्छेद । ज्वाला ते नहि अग्नि की जैसे कबहुँ भेद ॥
कृष्ण राधिका यों सदा ये हैं एक स्वरूप । लीला रस आस्वाद हित दोय धरत हैं रूप ॥
शिखा हित निज प्रेम की आपुन ले अवतार । भाव कांति त्रिवि राधिका की करि अङ्गीकार ॥
गौर रूप श्री कृष्ण जू आप कियो अवतार । श्लोक पांचवे की यहै जानी अर्थ प्रचार ॥
श्लोक छठे के अर्थ की कीजतु है जु प्रकाश । तातें पहिले कहतु है ताही की आभास ॥
नाम कीरतन की कियो अवतारि प्रभु जु प्रचार । वास हेतु यह प्रथम ही करि आये जु विचार ॥
बीज और अवतार की अन्तरंग है जोय । रसिक मुकुटमणि प्रभु जु की निजकारज है सोय ॥
अति निगूढ़ जो हेत है सो वह त्रिविध प्रकार । श्री स्वरूप गोस्वामिते जाकी भयो प्रचार ॥
अन्तरंग प्रभु के अधिक श्री स्वरूप जू आहि । प्रभु प्रसंग जानै जु ये तिनहीते अवगाहि ॥
प्रभु अन्तर निति बसति हैं मूर्तिराधिका भाय । निसिदिन ताही भावकरि सुख दुख उठै जु आय ॥
प्रभु के लीला शेष में कृष्ण विरह उन्माद । प्रभु चेष्टा सब भ्रम मई अरु प्रलाप मई बाद ॥
उद्वेग देखी ज्यों मई राधा भाव प्रमत्त । निसिदिन प्रभु त्यों ही रहै तिहीभाव करि मत्त ॥
निसि की करें विलाप प्रभु श्रीस्वरूप हियलाय । आप कहै आवेस में खोलि हिये की भाय ॥
प्रभु जू के हिय में उठे जब-जब जोई भाय । श्री स्वरूप जू देहि सुख वही पद्य पद गाय ॥

अब कछु कारज नहीं है इन सब के जु विचार । आगे इनि कौ कहेंगे करि नीके विस्तार ॥
 पहिले ब्रज में कृष्ण की त्रिविध कर्षा वषधर्म । है कुमार पौगंड पुनि अरु किशोर अति मर्म ॥
 बान्धन्य आवेस में सफल कियो कीमार । सफल कियो पौगंड पुनि लै बल सखा अपार ॥
 श्री राधादिक संगलै किय रामादि विलास । इच्छा भरि आस्वाद किय यह रस को निजास ॥
 वष किशोर मनमदजु पुनि सकल जगत जो दीन । रामादिक लीलान करि सफल किये ऐ तीन ॥
 तथाहि बिष्णु पुराणे—सोपि कैशोरकवचो मानयन्मधुसूदनः । रेमे स्मोरब्रह्मस्यः सपासु चपिताहिनः ॥
 रसासुत सिन्धौ—

बाबा सुचित शर्बरी रतिकला प्रागल्भ्यवा राधिका, श्रीहा कुञ्जित लोचना विरच्यअप्रे सम्प्रीनामसौ ॥
 तदुचोक्तद्विप्रकेतिसकरीरानिहन्त पारं गतः, कैशोरं सफलं करोति कलयन्कुञ्जे विहारं हरिः ॥
 हरिरेव नचेदशतरिण्यमवुरायां मधुराजि राधिका च अभविष्यदिवं वृथाविमृष्टि संकराङ्कनु विशेषत स्वदात्र ॥
 पहिले इहिविधि कृष्णजु सब रस के जु निवास । चर्वन कीनी यदपि यौ सवरस कौ निजास ॥
 तऊ तहां नाहिन भई इच्छा पूरन तीन । तहां जु नित आस्वाद हित जद्यपि जतन जु कीन ॥
 तिनकी बांछा प्रथम कौ कीजतु है विल्यान । मन में कहै जू कृष्ण हम सवरस के जु निधान ॥
 हो पूरा आनंदमय चिन्मय पूरा तत्व । राधा जू के प्रेम सो हमें करै उन्मत्त ॥
 नहि जानौ तिहि प्रेम के नीकी बल है कोय । बिहवल करे जु सर्वदा हमहूँ कौ बल सोय ॥
 मम गुरु राधा प्रेम है हो नट तिहि आधीन । नाना नाच नचावहीं हमको सदा प्रवीन ॥
 तथाहि गोविन्द जीतामृत—

कम्पादकुन्धे ! धिर सखि ! हरेः पादमूलां कुतोऽसौ, कुण्डलारणे धिमिह कुरुते नृपशिलां गुहः कः ।
 तन्वन्मूर्तिः प्रविवदत्तया विम्विदितु न्कुरन्ती रौतुपीय भ्रमति परितो नर्तयन्ती स्वपरचान् ॥
 निज प्रेम आस्वाद में होय जु मम अहलाद । ताहुते है कोटि गुण राधा प्रेमास्वाद ॥
 आगे धर्म विरुद्ध कौ जैसी है मम रूप । ऐसी राधा प्रेम है सदा विरुद्ध स्वरूप ॥
 राधा प्रेमा बिहू जिही बढ़िबे को नहि टोर । इतनेउर सो सदा छिन छिन बाढ़े और ॥
 जाते नहि गुरु बन्तु अरु सो गौरवता हीन । जाते निर्मल नहि कोऊ तऊ वक्रता लीन ॥

तथाहि दानवैलकीमुखा—

विनुरापि कलयन सदाविर्बुद्धि, गुरुपि गौरववर्चसा मिहीनः ।

मुहु कपचित अक्रियापि शुद्धो, जयति सुरक्षिणि राधिकानुरागः ॥

श्री राधा जू है सदा परम आश्रय ताहि । विषयलंबन में सदा तिहि प्रेमा की आहि ॥
 विषयजानि की मुख जु है ताको मम आस्वाद । मोहू ते है कोटि गुण आश्रय की अहलाद ॥
 मुख आश्रय जातीय तिहि हेत सदा मन धाय । ताहि न पावे यब करि कौ जु कीन उपाय ॥
 जो कबई इहि प्रेम की दूरे आश्रय सोय । तब इह प्रेमानन्द की अनुभव नीकी होय ॥

रहै कौतुकी कृष्ण तब यौ चिंता करि जीय । प्रेम लोभ की धक-धकी दिन-दिन बाढ़े दीय ॥
 यह हेत इक और ही सुनी जु लोभ प्रकार । कृष्ण देगि निज माधुरी आपु न करै विचार ॥
 अद्भुत पूरा अंत नहि मम मधुरिमा जु आहि । नहि पावे तिहुँ लोक में सीमा कोऊ याहि ॥
 इही प्रेम द्वारा जु नित राधा एक प्रवीन । माधुर्यामृत मम सकल आस्वादे रस लीन ॥
 यद्यपि राधा प्रेम मत निर्मल दर्पन आहि । तऊ स्वच्छता अधिकही छिन-छिन बाढ़े ताहि ॥
 नाही है मम माधुर्य की बढ़िबे की अवकास । इहि दर्पन के अग्र पुनि नव-नव होय प्रकास ॥
 प्रेम जु तिहि माधुर्य मम हिये होउ करि दोय । छिन-छिन विधि बाढ़े अधिक दार न मारै कोय ॥
 है मेरो माधुर्य निति नव नव परम अनूर । आस्वाद तिहि मक्त सब निज निज रति अनुरूप ॥
 जब देख्यौ निज माधुरी दर्पणादि के माहि । होय लोभ आस्वाद हित हों समर्थ तिहि नाहि ॥
 तथाहि ललित माधवे—अपरिकलितपूर्वः कश्चमन्कारकारी, स्फुरति मम गरीयानेष माधुर्यपूरः ।

अथमहमपि हन्त प्रेवयं लुब्धचेताः, सरमसमुपभोक्तुं कामये राधिकेव ॥

अद्भुत माधुरि कृष्ण की अद्भुत बल है ताहि । जाके श्रवण सुभाषते मन करि देतहि काय ॥
 यह कृष्ण माधुर्य की स्वाभाविक बल एक । कृष्ण आदि नारी पूरा चंचल करै जु टेक ॥
 आकर्षे दर्शन श्रवण सब के मन अपनाय । आपुन के आस्वादहित करै अनेक उपाय ॥
 माधुर्यामृत यह सदा पान करै जो कोय । होय न नृणा शांति किहुँ छिनछिन बाढ़े सोय ॥
 है अमृति निंदन करै विधि कौ सखे विदग्ध । विधिहि न जाने मली विधि मृजन बढ़ाअविदग्ध ॥
 रोम रोम नहि नैन दीय सब के डहीकोय । ताहु में जु निमेष दिव क्यों करि देखे पीय ॥

तथाहि श्री भागवते—वदन्ति दृशिषु पद्मकृतं शपन्ति ॥

दरसन चिन श्री कृष्ण के नाहि नेत्र फल आन । जो जन देखे कृष्ण को भाग्यवान सोइ जान ॥

तथाहि दशमे—अक्षरवतां फलमिदं न परं विदामः, सख्यः पश्यन्तु विवेशयतोर्नवस्यैः ।

वक्तं ब्रजेश सुतयो रनुवेणु तुष्टं, यै र्वा निपीतमनुरक्तशटाचमोद्यम् ॥

गोप्य स्तपः किमचरन् वदमृष्य रूपं लाजवसारममोद्धमन्यमिदं ।

रमिषः विद्वान्नुमन्नाभितर्षं दुरापमेकान्तधाम यशसः जिय ऐश्वर्यम् ॥

अद्भुत माधुरि कृष्ण की उपजावति है छोम । सके तु नहि आस्वाद करि मन में रहै जु लोभ ॥
 द्वितीय हेतु की यह कोयी नीके करि विल्यान । तृतीय हेतु की अब सुनी लच्छन कहां बखान ॥
 है अत्यन्त निगूढ़ यह सब रस की मिहान । श्री स्वरूप गोस्वामिजु जानत है एकान्त ॥
 कोऊ जानै और जो ले—तिनहीं ते सोय । गोस्वामी चैतन्य के गुरु मर्म है जोय ॥
 गोरीगण के प्रेम की रुढ़ भाव है नाम । अमल विशुद्ध जु प्रेम सी है कबई नहि काम ॥

तथाहि तन्त्रे—प्रेमेव गोप रामाणां काम इत्यमन्त्रार्थाः ।

काम प्रेम इन दुहुन के न्यारे लक्षण जान । ज्यों सुवर्ण अरु लोह को रूप विलक्षण मान ॥

जो निज इंद्रिय प्रीति की चाह कहै तिहि काम । कृष्ण प्रीति अभिलाख कौ धरै प्रेम तिहि नाम ॥
कवित्त-काम तातपर्य कहै केवल संभोग निज कृष्ण सुख तातपर्य प्रेम बल यही है ।
वेद धर्म लोक धर्म देह धर्म कर्म लज्जा धैर्य आत्म देह सुख जोई प्रिय सही है ।
दुस्वपन जो आर्य पथ परिजन स्वजन को ताड़न और भर्त्सन सोऊ सुख नहीं है ।
सब त्यागि कृष्ण भजै तत्सुख ही हेत सजै करै प्रेम सेवा भांति प्रिय रुचि लही है ॥ ३४ ॥

दोहा—

याही ते श्री कृष्ण कौ कहिये हृद अनुराग । जैसे उज्ज्वल वसन में नाहि न कोऊ दाग ॥
याही ते अन्तर बड़ी काम प्रेम में जान । काम अन्धतम महा है प्रेम अमल है भान ॥
जहाँ भान तहाँ तम नहीं जहाँ तम नहीं रविधाम । जहाँ काम प्रेम न तहाँ जहाँ प्रेम नहि काम ॥
यात गोपी गण विपै नहीं काम कौ गन्ध । तिन के तत्सुख मात्र हित है तिन सौं संबन्ध ॥
दशमे—यत्ने मुजात चरणाम्बुसहं स्तनेषु भीताः शनैः प्रियदधीमहि कर्कशेषु ।

तेनाटवीमटति तद्व्ययत्ने न किं खिन्तु, कृपादिभिर्भ्रमति धीर्भवदायुषां नः ॥

अपने सुख दुख कौ नहीं गोपिन के जु विचार । करै कृष्ण सुख हेत सब तन मन कौ व्यवहार ॥
कृष्ण बिना और सबनि कौ करि नीके परित्याग । करै कृष्ण सुख हेत ये परम शुद्ध अनुराग ॥
एक प्रतिज्ञा कृष्ण की पहिले करी जु आय । जो मोकी जैसे भजै हौं त्यौ भजौं जु ताहि ॥ ४० ॥
तथाहि—ये यथा मां प्रपद्यते तां स्तयैव भजाम्यहं ॥

तिन को गोपी भजन ने सो ब्रुत मिथ्या कीय । ताकी वहे प्रमाण है श्री मुख उत्तर दीय ॥
तथाहि दशमे—न पारयेज्जं निरञ्जयसंयुजां स्वासाधु कृत्यं विविधायुपाऽपि वः ॥

या मामजनं दुर्जरोहं शृङ्खला संवृत्तं तदः प्रतियातु साधुना ॥

गोपिन के निज देह में तऊ जो लखिये प्रीति । सोऊ है श्रीकृष्ण हित निश्चय यह तिहि रीति ॥
यह देह हम कृष्ण की कियौ समर्पन आहि । साधन तिहि संभोग कौ यह धन हैगो ताहि ॥
दरम परम देह यह होय कृष्ण सन्तोष । याहीतें तिनको करै संजन भूषण पोष ॥
तथाहि गोपीप्रेमामृते श्रीकृष्ण वाक्य—

निजांगमापि या गोप्यो ममेति समुपासते । ताभ्यः परं न मे पार्थ निगूढं प्रेम भाजनम् ॥

और एक अद्भुत मुनी गोपी भाव सुभाव । नहि गोचर हो बुद्धि को यह जाको जु प्रभाव ॥
जब देखे श्रीकृष्ण की गोपी गण रस भोय । सुख इच्छा नाहिन तऊ कोटि गुनो सुख होय ॥
गोपिन देखे कृष्ण की जो आनंद सुख होय । आस्वादन गोपी करे कोटि गुणो सुख होय ॥
आस्वादन गोपी करे निज सुख को अनुरोध । तऊ जु सुख बार्द अधिक यातें पर्यो निरोध ॥
या निरोध के इहे एक समाधान है जान । गोपी सुख की कृष्ण सुख में है पर्यवसान ॥

गोपी देखे कृष्ण के बड़े प्रफुल्लि ज्योय । ताते बड़े सु माधुरी ताकी सम नहि कोय ॥
मम दरसन में कृष्ण जु पायो इती इक रंग । याही सुख गोपीनुकें होय हर्ष अंग अङ्ग ॥
गोपी सोभा देखि हरिजु सोभा अधिकाय । हरि छवि लखि तिनकी बड़े सोभा तिहीं जु भाय ॥
होड़ा-होड़ी परमपर परै जु यों दुहुं भांहि । बड़े परमपर यों वादन दोऊ मोहें नांहि ॥
गोपी गुण अरु रूप करि ऐपे हरि सुख होय । तिहि सुख सौ सुख वृद्धि अति गोपी मन के सोय ॥
याही ते तिहि सुख विपै होय कृष्ण सुख पोष । इही हेतु तिन प्रेम में नहीं काम मय दोष ॥
स्वभाविक एक चिन्ह है और प्रेम को तास । काम दोष करि हीन है प्रेम प्रकारहि जास ॥
गोपी प्रेम करै जु श्रीकृष्ण माधुरी पुष्ट । तिहि माधुर्य बढाय कै होय प्रेम संतुष्ट ॥
रति के निषयानन्द तत्र हर्ष आश्रय होय । निज सुख बांछा गंध जो तहाँ नाहिन सोय ॥
निरुपाधि प्रेमा जहाँ तहाँ इहे है रीति । प्रीति निषय सुख देखि कै होय जु आश्रयप्रीति ॥
प्रेमानंद बाधै जबै तिहि सेवानंद सार । तिहि आनंद पै भक्त के होय सुकोष अपार ॥
रसामृतसिन्धौ—अंगस्तम्भारंभस्तुंगयन्तं प्रेमानन्दं दाहको नाभ्यनन्दन ।

कंसाराते बीजने येन सात्त्विकोदीयानन्तरायो व्यधाधि ॥

तत्रैव—गोविन्दप्रेक्षणोपि बाष्पपूराभिवर्षिणं । उच्चैरनिन्ददानन्दमरविन्द विलोचना ॥

शुद्ध भक्त जे कृष्ण के तिहि सेवा सुख बांच । निज सुख हित नाहिन महे सालोक्यादिक पांच ॥
काम गंध बिनु साहजिक है गोपिन को प्रेम । निर्मल उज्ज्वल शुद्ध अति जैसे तापी हेम ॥
हरि सहाय गुरु बंधु है और प्रेयसी आहि । गोपी है प्रिय शिष्य पुनि सखी जु दासी ताहि ॥
मन बांछित जो कृष्ण कौ जानै गोपी जोय । सेवा रीति जु प्रेम की इष्ट समीहित सोय ॥

तथाहि—सालोक्य साष्टि सामीप्यसारूप्यैकत्वमप्युत । दीयमानं न गृहन्ति बिना मत्सेवनं जनाः ॥

तथाहि गोपीप्रेमामृते—

सहाया गुरवाः शिष्या भुजिष्या बान्धवाः स्त्रियः । सत्यं वदामि ते पार्थ गोप्य किं मे भवन्ति न ॥

ताहू गोपी गण विपै श्री राधा जु प्रधान । रति मुहाग गुण रूप करि सबतें अधिक प्रमान ॥
तथाहि पद्मपुराणे—

यथा राधा प्रिया विष्णो स्तरयाः कुण्डं प्रियं तथा । सर्वांगोपीषु सेनैका विष्णोरत्यंतजलमा ॥

गोपीप्रेमामृते—त्रैलोक्ये पृथिवी धन्या यत्र वृंदावनपुरी । तत्रापि गोपिकाः पार्थ यत्र राधाभिधामम ॥
राधा सह क्रीड़ा रस वृद्धिहि कारन आहि । गोपी गण सम और है सब उपकार सु ताहि ॥
कृष्ण-वल्लभा राधिका और कृष्ण-धन-प्राण । तिन विन सुख को हेतु नहि गोपी गण जे आन ॥
तथोक्त श्री जयदेवाचरणैः—

कंसारिरपि संसार वासना बद्धशृङ्खला । राधामाधाय हृदये तत्प्राज्ञं व्रजसुंदरीः ॥

सोई राधा भाव लै गौर कृष्ण अवतार । नाम प्रेम जुग-धर्म जो ताकी कियो प्रचार ॥
करी गौर तिहि भाव करि निजइच्छा ही जोय । जिहि इच्छा करि अवतरै कारण मूल जु सोय ॥

गौर कृष्ण गोस्वामि जू हैं ब्रज राजकुमार । रसमय मूरति कृष्ण जू मूरतिमंत सिंगार ॥
सोई रस आस्वाद हित प्रकट कियो अवतार । अनुसंगिक यह फल भयो सब रस को जू प्रचार ॥

तदुक्तं श्री जयदेव चरणैः—भृङ्गारः सखि मूर्तिमानिव भवौ मुग्धो हरिः कीडति ॥

गौर कृष्ण गोस्वामि जू हैं रस सदन अशेष । आस्वादन रस को तिन्हौ कियो असेष विशेष ॥
बहु प्रवर्त तिहि द्वार हैं कलियुगह को धर्म । गौरचन्द्र के दास जे जानत ये सब मर्म ॥
श्री अद्वैताचार्य जू अरु श्री नित्यानन्द । श्री निवास पुनि गदाधर पंडित जू सुख कन्द ॥
श्री स्वरूप गोस्वामि जू दाभोदर अभिराम । और ब्रज हरिदास जू लोहि निरन्तर नाम ॥
और जिते चैतन्य के भृत्य वर्ग समुदाय । भक्ति भाव करि सीस धरि तिन सब कहौ पाय ॥
श्लोक छठे को यह कवौ नीके के आभास । श्लोक अर्थ सब सुनौ अब कीजतु है जू प्रकास ॥

तथा—श्री राधायाः प्रणयमहिमा कीदृशी वानयैवा, स्वाशो येनाद्भुतमधुरिमा कीदृशी वा मधीयः ॥

मौल्यञ्जास्याः मधुभयतः कीदृशं वेतिलोमान्, तद्वावाह्यः समजनि शचीगर्भं सिधौ हरीदुः ॥

सब सिद्धांत निगूढ़ ये कहें न कपौ हूं जाहि । कोऊ इन के बिन कहैं अंतहि पावै नाहि ॥
जानि लोहिरो रसिक सब नहि समझेंगे मूढ़ । याही तें जू इन्हैं कहैं कछु करि कैं जो गूढ़ ॥
हिये धरें चैतन्य जे अरु श्री नित्यानन्द । इनि सब सिद्धांतनि जू में पैहैं अति आनन्द ॥
यह सब जो सिद्धान्तस सो रसाल दल आहि । कोकिल भक्त समूह जो बल्लभ सदा जू ताहि ॥
विमुख ऊंट को या विपैं जो नहि होय प्रवेस । तब तौ मेरे हृदय में है आनन्द विशेष ॥
जासी लागै कहत भय सोई जाने ताहि । याह तें कछु सुख अधिक है त्रिभुवन के माँहि ॥
नमस्कार करि सबनि कीं जन समूह जो सोय । शंका रहित कहौ तिन्हैं चमत्कार अति होय ॥
इक विचार यौ कृष्ण कैं सदा रहै हिय जोय । पूरणआनंद पूर्णरस रूप कहैं मम लोय ॥
हम ही ते ब्रैलोक में सब आनन्दित होय । हम हूँ को आनन्द दे ऐसी जन है कोय ॥
हम हूँ ते जाकी अधिक सौ-गुण गुण जो होय । मो आल्हादन करन कीं जन समर्थ है सोय ॥
जग में हमते गुनी बड़ यहै असम्भव आहि । एकहि राधा हैं अधिक किय अनुभव में ताहि ॥
कोटि काम स्वरूप मम परम अनूप सु होय । महा अलौकिक माधुरी जाकी सम नहि कोय ॥
अद्भुत मेरे रूप करि सब त्रिभुवन आप्याय । राधा देखें मम नयन सीतलता अधिकाय ॥८८॥
आकर्षण त्रिभुवन करै मम बंशी सुर गान । परम मधुर राधा वचन हरै सु मम मन कान ॥
यद्यपि मेरी गन्ध करि सब जग होत सुगन्ध । चित्त प्राण मेरे हरै श्री राधा अँग-गंध ॥
यद्यपि मम रस कैं सकल जगत सरस अति होय । राधा जू को अधर रस हम हि बस करै सोय ॥
सीतल है विधु कोटि तैं यद्यपि परस हमार । राधा परस करै जू मम सीतलता जू अपार ॥
सब जग को सुख हेतु मैं ही याही जू प्रकार । राधा जू के रूप गुन मम जीवन जू अपार ॥
अनुभव करि या भाँति कैं मेरे है जू प्रतीत । करि विचार जग देखियै तब ही सब विपरीत ॥

राधा दरसन विपै मम सीतल नैन रु प्राण । मम दरसन सुख में तहां राधा के अज्ञान ॥
वेणु गीत भाँई तनक हरै चेतना ताहि । लपटें दौरि तमाल कीं तिहि मम भ्रम अवगाहि ॥
आलिंगन पिय की लखी जन्म सकल मम आहि । याही सुख में मगन हूँ रहै जू भुज भरि ताहि ॥
पवन चलै अनुकूल जौ लहै जो मम तन गंध । उड़ि परि कैं चाई जू तिहि होय नय करि अंध ॥
चर्चित मम तांबूल रस करै दूर तें पान । मग्न होय आनन्द निधि जानै नहि कछु आन ॥
मम संग में श्री राधिका लहै जू आनंद याहि । सत मुख हूँ कैं कहै जो अन्त न पावै ताहि ॥
सुरतांत सुख बीच में अङ्ग माधुरी आहि । तिहिं लखि सुख करि मोहि तब आपो विसारै जाहि ॥
समरस जो है दुहुनि की यौ मुनि भरत प्रमान । मम ब्रज को समरस जू यह ताको तिहूँ न ज्ञान ॥
अरव परस संगम विपै मम जितनो सुख होय । ताहूँ श्री राधिका सुख सत अधिक जू सोय ॥
तातें जानत मो विपै अद्भुत रस है कोय । राधा मेरी मोहिनी तिहि बस करै जू सोय ॥
मोतें सुख श्री राधिका लहै जू जिहि जातीय । तिहि आस्वादन हेतु मम उत्कण्ठित है हीय ॥
करो जतन आस्वाद हित तिहिं समर्थ हों नाहि । सो सुख माधुरि प्राण हित लोभ बढ़ै हिय माहि ॥
रस आस्वादन हेत यह लियो जू मैं अवतार । आस्वादन किय प्रेम रस नीके विविध प्रकार ॥
राग मार्ग करि जन करै भक्ति प्रकारहि जोय । लीला आचरण दार जू तिन्हें सिखायौ सोय ॥
तृष्णा मम हैं तीन जो भई न पूरन आहि । नहीं विजाती भाव करि आस्वादन है ताहि ॥
राधा जू की प्रेम वपु बिन तिहि अङ्गीकार । तिनि तीनों सुख की कभूँ नहि आस्वाद अपार ॥
राधामाव सुवर्ण तिहि करिकें अङ्गीकार । तीनों सुख आस्वाद हित करि हौं हों अवतार ॥
सर्वभाव करि कृष्ण किय निश्चै यहै रसाल । युग अवतार समें तहां आयो ताही काल ॥
तिहीं समें अद्वैत जू आराधे प्रभु हीय । तिन्ही के हुंकार करि कृष्णार्कण कीय ॥

पिता मात गुरु वर्ग को आगें करि अवतार । भाव वर्ण श्री राधिका को करि अङ्गीकार ॥
नवद्वीप शचि गर्भ सों शुद्ध दुग्ध को सिन्धु । ताते प्रकट कृष्ण जू पूर्ण इंदु जगबंधु ॥
श्लोक छठे को यह कवौ नीकें करि व्याख्यान । श्री स्वरूप गोस्वामि के पाद पथ करि ध्यान ॥
इन ही दोऊ पथ को जो हम कीनों अर्थ । रूप गुसाई पथ है ताहि प्रमान समर्थ ॥

तथाहि—अपारं करयापि प्रणयिजनहृन्मुख कुतुही, रसस्तोमं हित्वेति ॥

रूप सनातन पद कमल मधि जाकी है वास । चरितामृत चैतन्य को कहै कृष्ण को दास ॥
रूप सनातन जगत हित सुवल स्वाम पद आस । प्रभु चरितामृत को लिखें ब्रजभाषाहि प्रकाश ॥

इति श्रीचैतन्यचरितामृते आदिलीले श्री चैतन्यवतारे भूत प्रयोजनं नाम चतुर्थं परिच्छेदः ॥

पञ्चम परिच्छेद

बन्धेजननाद्भूतेश्वर्य श्री नित्यानन्दमीश्वर । यस्यैकद्वया तत्स्वरूपमज्ञेनापि निरूप्यते ॥
 जे जे श्री चैतन्य जे जे श्री नित्यानन्द । जय अद्वैतहिमांशु प्रभु दास वर्ग सुखकंद ॥
 श्लोक छयनि इनि करि कही श्री चैतन्य महत्व । अरु इनि पांचनि करि कहै नित्यानन्द महत्व ॥
 सब अवतारी कृष्ण जू आप स्वयं भगवान । तिन को दूजो देह है श्री बलरामहि जान ॥
 दोऊ एक स्वरूप है भिन्न मात्र है काय । काव्यव्यूह जू आद्य तिहि है लीला जु सहाय ॥
 नवद्वीप चैतन्य जू जोई कृष्ण जु नाम । श्री नित्यानन्द संग है सोई श्री बलराम ॥

तथाहि—संकर्षणः कारणतोयशावी गर्भोदशापी च पथोन्निधशापी ।

शेषश्च यस्यांशकलाः स नित्यानन्दारूप रामः शरणं ममास्तु ॥

आपु करें श्री कृष्ण को लीला को जु सहाय । सृष्ट्यादिक जो कार्य है करें चारि धरि काय ॥
 संकर्षण जो मूल है सोई श्री बलराम । पंचरूप धरि कृष्ण को सेवत है सुखधाम ॥
 सृष्ट्यादिक सेवाजु तिहि आज्ञा पालन जोय । शेष रूप धरि कृष्ण को सेवत विविध जु सोय ॥
 सब वपु आस्वादन करें कृष्ण जु शेषानन्द । सोई राम जु गौर संग है श्री नित्यानन्द ॥
 सातहि के अर्थहि करों करिकें चारि श्लोक । जातें नित्यानन्द को तत्व लहै सब लोक ॥

तथाहि—मायातीते व्यापि वैकुण्ठलोके पूर्णेश्वर्य श्री चतुर्व्यूह मध्ये ।

रूपं यस्याद्भाति संकर्षणाख्यं तं श्रीनित्यानन्दरामं प्रपद्ये ॥

धाम प्रकृति ऊपर जु है परव्योम जिहि नाम । विग्रह ज्यों श्री कृष्ण के विभुतादिक गुणधाम ॥
 सर्वग ब्रह्म अनन्त जिहि वैकुण्ठादिक धाम । कृष्ण कृष्णा-अवतार को ताही में विश्राम ॥
 ताके ऊपर भाग है कृष्णालोक इक जान । द्वारावति मथुरा पुनि जु गोकुल त्रिविध स्थान ॥
 सर्वोपरि गोकुल जु पुनि ब्रजलोकनि को धाम । श्वेतद्वीप गोलोक औ वृन्दावन है धाम ॥
 सर्वग सो जु अनन्त विभु कृष्ण हि तनु सम आहि । ऊपर अथ व्यापी सु है कछू नियम नहि ताहि ॥
 सब ब्रह्मांड प्रकाश तिहि कृष्ण सु इच्छा पाय । है स्वरूप तिहि एक ही नहै दूसरी काय ॥
 चिन्तामणि मय भूमि है सुरतरु मय वन आहि । चर्म चक्षु देखै जु सब सम प्रपंच की ताहि ॥
 प्रेम नेत्र जे देख ही ताहि स्वरूप प्रकाश । गोप और गोपी जु संग जहां जु कृष्णविलास ॥

तथाहि ब्रह्मसंहितायां—चिन्तामणिप्रकरसुखसुकल्पवृक्षलसावृतेषु सुरभिरभिपालयन्तं ।

लक्ष्मीसहस्ररातमंभ्रमसेव्यमानं गोविन्दमादिपुरुषं तमहं भजामि ॥

मथुरा द्वारावति विप्रे करि निज रूप प्रकाश । चतुर्व्यूह है करत है नाना रूप विलास ॥
 वासुदेव संकर्षणसु प्रद्युम्न जु अनिरुद्ध । चतुर्व्यूह अंसी जु सो है तुरिय विशुद्ध ॥
 इन ही तीनो लोक हरि केवल लीला रूप । निज गण लै खेलै सदा समय अनन्त अनूप ॥

परव्योम मधि कृष्ण जू करि सु स्वरूप प्रकाश । नारायण के रूप हैं करें जु विविध विलास ॥
 निज विग्रह जो कृष्ण को केवल द्विभुज जु आहि । नारायण पुनि रूप हैं भुजा चारि तनु ताहि ॥
 शंख चक्र पंकज गदा है ऐश्वर्य स्वरूप । श्री भू लीला शक्ति जिहि सेवा करें अनूप ॥
 यद्यपि क्रीड़ा मात्र है केवल तिनको धर्म । तऊ जीव पर कृपा करि करें एतनी कर्म ॥
 सालोक्य जु सामीप्य है साष्टि और सारूप । चारि मुक्ति दै करत हैं जीव उधार अनूप ॥
 ब्रह्मकत्व जु मुक्ति है ताहि तहां गति नाहि । बाहिर श्री वैकुण्ठ ते स्थिति सबकी ता माहि ॥
 इक बाहिर वैकुण्ठ तें मण्डल ज्योति सरूप । कृष्ण अंग की प्रभा सों उज्ज्वल परम अनूप ॥
 सिद्धि लोक तिहि नाम सो है मायातें पार । चित् स्वरूप नहि तहां है है चित शक्ति विकार ॥
 ज्यों रवि मंडल बाहिरें निर्विशेष है जोय । रथ आदिक सविशेष है भीतर सविता सोय ॥
 परव्योम में है जु त्यों बहु चिच्छक्ति विलास । निर्विशेष जो जोति है बाहिर विव प्रकाश ॥
 निर्विशेष जो ब्रह्म इक ज्योतिर्मय है जोय । अधिकारी सायुज्य के लहै तहां लय सोय ॥

तथाहि ब्रह्माण्ड पुराणे—

सिद्धलोकस्तु तमसः पारे यत्र वसन्ति हि । सिद्धाः ब्रह्मसुखे मग्नाः दैत्यारच हरिणा हंताः ॥

परव्योम सोई विप्रे नारायण चहुँपास । चतुर्व्यूह जो द्वारका है तिहिदुतिय प्रकाश ॥
 वासुदेव संकर्षण सु प्रद्युम्न जु अनिरुद्ध । चतुर्व्यूह यह दुतिय जो है सो तुरिय विशुद्ध ॥
 तहां महा संकर्षण जु सो जु रूप बलराम । कारण के कारण जु ते चित शक्ति के धाम ॥
 है चित शक्ति विलास इक शुद्ध सत्व जिहि नाम । शुद्ध सत्व मय हैं जिते वैकुण्ठादिक धाम ॥
 अईश्वर्य पड विध तहां चिन्मय सकल सु आहि । संकर्षण सुविभूति सब निश्चै जानों ताहि ॥
 नाम तटस्था शक्ति इक जीव नाम है ताहि । जीवन के आश्रय महा संकर्षण जू आहि ॥
 जातें जग उत्पत्ति है प्रलय जिहीं तें होय । तिहीं पुरुष के आश्रय संकर्षण है सोय ॥
 सर्वाद्भुत सब आसरय जिहि ऐश्वर्य अनन्त । कहि न सकै जु अनन्त है तिहि महिमा की अन्त ॥
 तत्व तुरीय प्रसिद्ध जो है संकर्षण नाम । सोऊ जिनि के अंग है सो नित्यानन्दराम ॥
 श्लोक आठयेको कही विवरण है संक्षेप । श्लोक नये को अर्थ सुनि तजि मन को विक्षेप ॥

तथाहि—मायाभर्ताजाण्डसंघाप्रवाहः, शेषे साक्षात्कारणान्भोधिमध्ये ।

यस्यैकांशः श्रीपुमानादिदेव, स्तं श्रीनित्यानन्दरामं प्रपद्ये ॥

बाहिर श्री वैकुण्ठ के जो ज्योतिर्मय धाम । ताह के बाहिर जु है कारण अर्थाव नाम ॥
 वेष्टित इक वैकुण्ठ सों अद्भुत जलनिधि आहि । है जु अनन्त अपार सो नहीं अवधि है ताहि ॥
 पृथिव्यादि वैकुण्ठ में चिन्मय सकल जु सोय । पंचभूत मायिकनिकी तहां जन्म नहि होय ॥
 चिन्मय सब सोई जु है कारण परम सु आहि । जग पावन गंगा जु है सो इक वन है ताहि ॥
 कारण अर्थाव तिही मधि संकर्षण जु सोय । अपनेई इक अंस करि शयन करें तहैं जोय ॥

पुरुष महत् स्रष्टा जु इक जग कारण है सोय । करें आद्य अवतार करि माया दरसन जोय ॥
बाहिर कारण उदधितें रहै जु मायाशक्ति । तिहि समुद्र के परस कों माया की जु अशक्ति ॥
ताही माया की कहैं स्थिति है दोष प्रकार । उपादान है जगत की प्रकृति प्रधान विचार ॥
जग की कारण प्रकृति नहिं जड रूपा निरधार । कृष्ण कृपा करि करत हैं तहां शक्ति संचार ॥
कृष्ण शक्ति करि प्रकृति हैं कारण गौन जु सोय । अग्नि शक्ति करि लौह ज्यों कारण दाहक होय ॥
याही तें श्री कृष्णजु जग कारण हैं मूल । कारण प्रकृति जु अजा के हैं जुगलस्तन तूल ॥
कारण माया अंस करि कहैं निमित्त जु ताहि । सोउ नाहि जातें पुरुष कर्ता हेतु जु आहि ॥
घट की हेतु निमित्त है जिहि प्रकार घटकार । तैसें कर्ता जगत के हैं जु पुरुष अवतार ॥
कर्ता है श्री कृष्ण तिहि माया करै सहाय । ज्यों घट कारन चक्र अरु दण्डादिक जु उपाय ॥
करैं दूर ते पुरुष सो माया की अवधान । जीव रूप इक भीर्य कौ करैं तहां आधान ॥
करैं अंग आभास इक माया मिलन विचार । ताही तें जन्म तवै गण ब्रह्मांड अपार ॥
अन गिन होय अनन्त यत अंड समूह अनेक । सब में करै प्रवेश बहु रूप पुरुष जो एक ॥
नामातें जब पुरुष की बाहिर निकसै स्वास । तिही स्वास सह होत है बहु ब्रह्मांड प्रकास ॥
फेरि जब तिहि स्वास सों तन में करे प्रवेश । तिहि संग तहां होय लय जे ब्रह्मांड अशेष ॥
जालरन्ध्र में होत है ज्यों त्रस-नेणु प्रचार । पुरुष रोम रूप जु विषैं त्यों ब्रह्मांड अपार ॥
तथाहि ब्रह्मसंहितायां—यस्यैकनिष्कसितकालमथावलम्ब्य, जीवन्ति लोमविलजा जगदण्डनाथाः ।

विष्णु महान स इह यस्य कलाविशेषो, गोविन्दमादिपुरुषं तमहं भजामि ॥

दशमे—बाहं तमो महदहं खचराम्निवाभूँ, संवेष्टिताण्डघटसप्तवितस्त्रिकायः ।

केटम्बिधाविगणिताण्डपरानुचर्या वाताध्वरोमधिवरस्य च ते महत्त्वं ॥

होय अंस जो अंस की कला सु ताकी नाम । प्रति-मूर्ति गोविंद की सो हैं श्री बलराम ॥
तिनिही की इक अंश श्री प्रभु संकर्षण जोय । पुरुष अंस तिन कौ जु है कलागणनि में सोय ॥
कला क्यौ तिनकी जिनहि महा विष्णु हैं जोय । अवतारी जु महापुरुष सर्वविष्णु हैं सोय ॥
सर्वादक श्रीरोदके शायि पुरुष विष नाम । ते दोऊ जिहि अंश हैं विश्व विष्णु के धाम ॥

तथाहि—विष्णोस्तु त्रीणि रूपाणि पुरुषाण्यन्यथो विदुः ।

एकं तु महत् स्रष्टा द्वितीयं त्वन्दसंस्थितम् ॥

तृतीयं सर्वं भूतस्य तानि ज्ञात्वा विमुच्यते ॥

यद्यपि तिन की कृष्ण की क्यौ कला करि आहि । मत्स्यादिक अवतार जे अवतारी ये ताहि ॥

तथाहि श्री भागवते—एते चांश कलाः पुंसः कृष्णस्तु भगवान् स्वयम् ॥

सोई पुन्य जु सृष्टि अरु स्थित लय कर्ता आहि । नाना विधि अवतार करि जग भर्ता कहि ताहि ॥

सृष्ट्यादिक जु निमित्त करि जिही अंस अवधान । तिही अंस की कहैं अवतार नाम है जान ॥

है जु आदि अवतार ये महापुरुष भगवान । बीज सर्व अवतार के सर्वाश्रय जु निधान ॥

तथाहि श्रीभागवते—आद्योवतारः पुरुषः परस्वेति । जगृहे पौरुषं रूपं भगवान् महदादिभिः इति ॥

सर्वाश्रय तेउ यद्यपि तिनही तें संसार । अंतर आत्मा रूप करि तिन कौ जगत अघार ॥
तिनकें प्रकृति संयोग करि है दोऊ संबंध । तऊ प्रकृति सह नाहि नै तिनहि परस कौ गंध ॥

गीतायां—एतद्दीशानमीशस्य प्रकृतिस्थोऽपि तद्गुणैः । न युज्यते सदात्मस्यैर्यथा बुद्धिस्तदाश्रया ॥

इही भांति गीता तिनहें कहैं जु बारंबार । सदा अचिन्त्य जु शक्ति मय ईश्वर तत्व विचार ॥
बसै जु हम सब जगत में जगत बसै हम मांहि । नाहिन हम में जग बसै जग में हम न बसाहि ॥
ईश्वरता जु अचिन्त्य है इहै हमारी जान । गीता कौ यह अर्थ है कियो प्रचार प्रमान ॥
वही पुरुष जिन कौ जु इक अंस धरतु है नाम । गौर संग तेई जु ये श्री नित्यानंदराम ॥
तब ब्रह्मांड अनन्त सृजि सोई पुरुष विशेष । बहु मूर्ति हैं कें कियो सब ब्रह्मांड प्रवेश ॥
श्लोक नये कौ यहै है अर्थ विवरण आहि । श्लोक दसम कौ अर्थ जो सुनौ जु मन दै ताहि ॥

तथाहि—यस्यांशांशः श्रीलगर्भोदशापी यन्नाभ्यवजंलोकसंघातनालं ।

लोक खण्डः सूतिकाधाम धातुस्तं श्रीनित्यानंदरामं प्रपद्ये ॥

देखैं भीतर पैठि जो केवल है अधिधार । रहिवेकौ जु निवास कछु तब किय तहां विचार ॥
निज अङ्ग के प्रस्वेद करि तब जल सृजि भगवान । तिनहीं जलकरिभर्यौतिन अण्डअर्द्धपरिमान ॥
जोजन कोटि पचास है सब ब्रह्मांड प्रमान । जिहि आयाम रु दीर्घता दोऊ एक समान ॥
आधौ जल कैं पूर्ण करि तिहि किय तहां निवास । औरअर्ध करि कियो सब चौदह भुवन प्रकाश ॥
प्रगट कियो तब तहां ही निजबैकुण्ठ सुधाम । शेष शयन जल बीच सब कियो तिनहि विश्राम ॥
सज्या करि जुअनंतकी शयन कियोतहां आहि । मस्तक है जु सहस्र तिहि वदन सहस्र हैं ताहि ॥
चरण सहस्र रुहस्त है नयन सहस्र हैं ताहि । अवतारनि के बीज ये जग कारन है आहि ॥
नाभि कमल तें तासुकी प्रगट भयो इक पत्र । ब्रह्मा को तिहि कमल तें भयो जन्म अरु सद्य ॥
तिहीं कमल की नाल तें भुवन भये दस चारि । तातें ब्रह्मा होय के सृष्टि करी जु अपार ॥
विष्णु रूप करि करत हैं जग पालन वे आहि । गुणातीत सो विष्णु हैं गुन कौ परस न ताहि ॥
रुद्र रूप करि करत हैं जग संहारन सोय । सृष्टि स्थिति श्री प्रलय हैं जिहीं इच्छा सु होय ॥
अंतर्यामि विराट कौ जग कारन है सोय । सब विराट की कल्पना जिनके अङ्ग ते होय ॥६०॥
नारायण ऐसैं जु सो तिहि अंसनि के अंस । सोई नित्यानन्द प्रभु हैं सब के अवतंस ॥
श्लोक दशम के अर्थ कौ किय विवरण इहि भाष । श्लोक ग्यार-हैं कौ जु अब सुनौ अर्थ मन लाय ॥

तथाहि—यस्यांशांशांशः परत्माखिलानां पोष्टा विष्णुर्भाति दुग्धाब्धिशापी ।

श्रीश्रीभर्ता यत्कला सोऽप्यनन्तस्तं श्री नित्यशान्तरामं प्रपद्ये ॥

नाभि नाल मधि भूमि सब नारायण के आहि । गणियों सात समुद्र ये ते मधि हैंगे ताहि ॥
 तिनमें श्रीरोदधि जु मधि श्वेतद्वीप जिहि नाम । पालयता जो विष्णु है तिनको सो निजु धाम ॥
 तेई हैं सब जीव के अंतर्गामी आहि । पालक तेई जगत के अरु स्वामी हैं ताहि ॥
 जुग मन्वन्तर मधि कर ते नाना अवतार । धर्म स्थापन करत हैं अरु अधर्म संधार ॥
 दरसन पायो नाहि जिहि जिते देव गन आहि । श्रीरोदक के तीर में स्तवन कियो हैं ताहि ॥
 तब अवतारी करतु हैं जग पालन जो सोय । तिहि वैभव जु अनन्त हैं तिहि गनना नहि होय ॥
 सोई हैं श्री विष्णुतिहि अंश अंशको अंस । सोई नित्यानन्द प्रभु हैं सब के अवतंस ॥
 सोई विष्णु जु सेस वपु धरणी धारें जोय । कहाँ है जु सिर पर मही यह नहीं जानें सोय ॥
 विस्तीरण जु सहस्र हैं फण मण्डल जु ताहि । सूरज सम मणिगण तहाँ करें जु कलमल आहि ॥
 जोवन कोटि पचास है पृथिवी को विस्तार । जिनके एक कन में रहै सरस्यों के आकार ॥१०२॥
 सोई आप अनन्त जु सेस भक्त अवतार । प्रभु के सेवन बिन नहीं जानें और व्यवहार ॥
 करें जु चदन सहस्र करि कृष्णचन्द्र गुनगान । निरवधि गावैं गुन तेउ नहीं अन्त को ज्ञान ॥
 मनकादिक श्री भागवत सुनें जु तिहि मुख जाय । कहैं जु गुन भगवान के प्रेमानन्द समाय ॥
 इत्र पादुका सेज उपधान वसन हैं जोय । सूत्र निवास अराम श्री सिंहासन है सोय ॥
 इति मूर्ति के भेद करि करें जु सेवन ताहि । सेस लहै श्रीकृष्ण को सेस नाम यत आहि ॥
 सो अनन्त जिनकी कही एक कला है ज्ञान । ऐसे नित्यानन्द की क्रीड़ा को किहि ज्ञान ॥
 जान्यों इन जु प्रमान करि नित्यानन्द को तत्व । कहियै नितहि अनन्त जो तिनको कहा महत्व ॥
 भक्तनि को सोऊ वचन सत्य मानिये ताहि । सोऊ तिनको संभवे यत अवतारी आहि ॥
 अवतारी अवतार में गिनें अभेद जु जान । पहिले जो श्री कृष्ण ही करें कउ कछु बखान ॥
 नर नारायण आप हैं कृष्णहि कहैं जु कोय । कोऊ कहैं जु कृष्ण को आपुन वामन होय ॥
 श्रीरोदकशायी जु के कहें तिन्हें अवतार । तिहीं असम्भव है न कछु सत्य वचन सब सार ॥
 आश्रय सब अंसनि जु के कृष्ण करें अवतार । आय मिलें तब कृष्ण में सब ही अंस अपार ॥
 जिही रूप जे जानई त्यों ही कहैं जु ताहि । सकल संभवे कृष्ण में मिथ्या कछु नहि आहि ॥
 यातें प्रभु चैतन्यजू सकल रसिकमणि राय । लीला बस अवतार की करि सब दर्ई दिखाय ॥
 इहि विधि नित्यानन्द जू है अनन्त प्रकाश । उँही भाव करि कहूं मैं श्री प्रभुजी के दास ॥
 कबहुं गुरु कबहुं सखा कबहुं लीलादास । तीनि भाव करि प्रथम ज्यों ब्रज में किय विलास ॥
 इप हैं कबहुं कृष्ण संग करे जु युद्ध उपाय । कबहुं करे जु कृष्ण जू संवाहन तिहि पाय ॥
 आपुन की तिहि भृत्य करि कृष्णहि निज प्रभु जानि । कृष्ण कलाकी कला जो ताकी निज अभिमान ॥

तथाहि दशमे - वृषायमाणी नर्हन्ती युयुधाते परस्परं इति ॥ स्वयं विश्रमयत्यार्यं पादसंवाहनादिभिः ॥
 प्रायोमायास्तु मे भर्तुं नान्द्यामेऽपि विमोहिनीति ॥ व्रता भवोऽहमपि यस्य कला कलायाः ॥ इति ॥

एकहि ईश्वर कृष्ण जू और दास सब ताहि । जिहि विधि जाहि नचावई सो त्यों नाचै आहि ॥
 और सब तिहि पारपद के किंकर है कोय । ऐसे ही चैतन्य जू एक ईश्वर है सोय ॥
 नित्यानन्द अद्वैत जू है गुरु वर्ग सु ताहि । ओनिवास और जिते लघु सम आरज आहि ॥
 सब पारपद गण जिते लीला के जू सहाय । सब लै साधें कार्य निज गौराय इहि भाय ॥
 आचारज अद्वैत जू नित्यानन्द विवि अङ्ग । दोऊ जन लै गौर की जितनी है कछु रंग ॥
 आचारज अद्वैत जू ईश्वर प्रगट प्रभाव । प्रभु गुरु करि मानें तिन्हें तेऊ किंकर भाव ॥
 आचारज अद्वैत को तत्त्व कसौ नहि जाय । तार्यों भुवन सब जिन्हें प्रभु अवतार कराय ॥
 नित्यानन्द स्वरूप भौ पहिले लक्ष्मण आहि । लघु भाई है राम को सेवा कीनी ताहि ॥
 जो चरित्र श्री राम करै दुख कारन सब सोय । प्रभु स्वतन्त्र लीलानि में लक्ष्मण के दुख होय ॥
 यातें सकें न करि मनें लघु आता हैं सोय । रहै मौन करि लक्ष्मण जु मन में अतिदुख होय ॥
 भये कृष्ण अवतार में अग्रज सेवा काज । करवायें श्री कृष्ण को सुख आस्वाद समाज ॥
 राम जु लक्ष्मण ये विषे कृष्ण राम को अंश । प्रगट समें विवि दुहुनि में कियो प्रवेश प्रसंस ॥
 वही अंस लै ज्येष्ठ पुनि औ कनिष्ठ अभिमान । अंश जु अंशी भाव करि कहै जुशास्त्रवखान ॥
 महाप्रभु सो कृष्ण है नित्यानन्द सो राम । नित्यानन्द पूरण करें कृष्ण चन्द्र हिय काम ॥
 नित्यानन्द महिमा उदधि है जु अनन्त अपार । परस्यौ ताको एक कन सो तिहि कृपा विचार ॥
 और सुनौ तिहि कृपा की एक अद्भुत अधिकाय । जैसे तिन जन अधम को उंचे दियो चढ़ाय ॥
 कहत निपट अयोग्य है देव गुण इक बात । तिन की कृपा प्रकास हित कहौ तऊ न समात ॥
 लिखै जू आनन्द विवस है तुव प्रसाद निरुपाध । श्री नित्यानन्द महाप्रभु चमा करौ अपराध ॥
 कवित्त—नित्यानन्द अवधूत जू के एक भृत्य प्रेम धाम मीनकेतन श्रीरामदास नाम हैं ।
 आलय हमारे में तौ रैनदिन कीरतन न्योते तहाँ तेऊ आप बैठे मम धाम हैं ॥
 सकल समाज आय तिहि पद सीस नाय करें नमस्कार धाय जन अभिराम हैं ॥
 प्रेम मत्त काहू पर चढ़े काहू भारें वंशी काहू कें थपेरे मारें रीती अति धाम हैं ॥

दोहा—

जिही नेत्र देख्यौ चहै जिहि मन आसि धार । तिही नेत्र सो वहि चलै आंसु अखंड अपार ॥
 कबहुं काहू अङ्ग में पुलक कदम्ब दिखाय । एक अङ्ग तिहि जाख्यौ औ अङ्ग कंप अधिकाय ॥
 श्री नित्यानन्द बोलिकें करें जबें हुंकार । चमत्कार जिहि देखि कें लोकनि के जू अपार ॥
 मिश्र गुणार्णव नाम इक रहै आर्य द्विज सोय । श्री मूर्ति के दिग करें कारज तिन के होय ॥

आंगन बैठे आय तिनि संभासन किय नाहि । रामदास लखि कहै तिहि क्रोध होय हिय मांहि ॥
 पुत्र रोमहर्षण यह सत दूसरी आहि । देखि वह बलभद्र कौ उठौ न घट अवगाहि ॥
 ऐसे कहि करि कियो हिय नाचि गाय संतोष । टहल करे प्रभु विप्र यह जाते कियो न रोस ॥
 उत्सव पूर्ण भये चले तिहि पर करि जु प्रसाद । तिनसों मम भ्राता सभ भयो जु कलू विवाद ॥
 गोस्वामी चैतन्य मधि ताके दृढ़ विश्वास । श्री नित्यानंद जू विपे कलू विश्वासाभास ॥
 रामदास के दुःख अति हिये भयो यह जानि । भ्राता कौ भर्त्सन कियो तव मैं तजि कै कानि ॥
 दोऊ भाई तत्व एक एक समान प्रकास । नित्यानन्द मानै नहीं हूँ है तुव सब नास ॥
 एक विपे विश्वास करि नहीं अन्य सन्मान । अर्धकुक्कटी न्याय जिमि है तेरो जु प्रमान ॥५०॥
 वे दोऊ मानै नहीं होय बड़ौ पाखण्ड । एक मानै नहीं अन्य कौ है यह मत अति भण्ड ॥
 रामदास तब क्रुद्ध है चले जु वंसी तोर । सर्व नास ताको भयो जो भ्राता है मोर ॥
 तिनके सेवक कौ कद्यौ है जु अगाध प्रभाव । और एक कद्यौ मोर जो अति ही दया स्वभाव ॥
 भाई कौ भर्त्सन कियो यह गुन मम इक लीय । नित्यानंद प्रभु तिहीं निसि दरसन मोकौ दीया ॥
 नैहाटी के निकट इक भामटपुर है ग्राम । तहाँ स्वप्न में दरस दिय श्री नित्यानंद राम ॥
 परयो जु मैं तव दण्डवत् चरन कमल मधि ताहि । पाद पद्म निज सीस मम दिये कृपा करि आहि ॥
 उठि उठि ऐसैं मोद करि कद्यौ जु वारंवार । उठि तिहि देख्ये रूप भौ चमत्कार विस्तार ॥
 चिक्कन स्वाम जु कांति जिहि महा प्रकांड शरीर । मनमथ मूरतिवन्त जनु महामल्ल है वीर ॥
 सुवलित भुज अरु चरण जिहि अरुण कमल दल नैन । पट्ट वस्त्र परिधान जिहि पट्टवस्त्र सिर ऐन ॥
 सुवरन कुण्डल कर्ण जिहि अंगद चलव सु ताहि । नूपुर बाजे चरन जिहि पुहुप माल गर आहि ॥
 चंदन लेपित अङ्ग तिहि माथे तिलक सुडौन । अति ही मत्त गजेन्द्र जिमि मद मंथर तिहि गौन ॥
 कोटि चन्द्र सम देखिये उज्ज्वल वदन सुताहि । दन्त दाढ़िमी बीज सम चर्वित वीरा आहि ॥
 कृष्ण प्रेम करि मत्त अंग डुले दाहिनैं वाम । बोल वचन गंभीर सुर कृष्ण कृष्ण कहि नाम ॥
 अरुण छरी करि फेरै मत्तसिंह जिमि सोह । चहूँ ओर विरि रहे अलि चरन कमल रस भोय ॥
 देखे वे गन पारवद सर्व गोप के वेष । कृष्ण कृष्ण बोलैं सर्व भरे प्रेम आवेस ॥
 कोइ गावैं कोइ नाचै वंशी शृङ्ग बजाय । जन कोऊ वीरा लिये कोऊ चौर डुलाय ॥
 नित्यानंद स्वरूप कौ देख्यो वैभव आहि । महारूप लोला जु गुन सबे अलौकिक ताहि ॥
 आनन्द विहवल भयो तव मोहि कहु नहि ज्ञान । तबहि आप मोसों प्रभु बोले वचन सुजान ॥
 कृष्णदास हो आवतु जिनि करि भय हियमांहि । वृन्दावन जावे तहां कलू अलभ्य तुवनार्हि ॥
 ऐसे कहि प्रेरयो जु मन सैन हाथ कौ देव । अन्तर्धान कियो प्रभु निज गण सब संग लेव ॥
 होय पूरझित तब तहां परयो भूमि मम गात । स्वप्न भंग तिहि दिन भयो देख्योभयो प्रभात ॥

म परि:

आदिलीला

[३३]

देख्यो कहा सुन्यो जु मैं करौ विचार जु हीय । वृन्दावन के चलन कौ प्रभु निदेस मोहि दीय ॥
 वृन्दावन कौ तिहीं छिन गमन कियो सब त्यागि । वृन्दावन आयौ तव प्रभु करुणा सुख पागि ॥
 जय जय नित्यानंद जू श्री नित्यानंद राम । पायौ जिनकी कृपा तें श्री वृन्दावन धाम ॥
 जय जय नित्यानंद जू कृपा रूप है जोय । रूप सनातन आसरो लखौ कृपा लहि सोय ॥
 जिनहीं तें पाये महाशय जू श्री रघुनाथ । श्री स्वरूप आशय लखौ जिनही तें जु अनाथ ॥
 लखौ भक्ति सिद्धान्त में कखौ सनातन जोय । प्रीति भक्ति रस कौ लखौ रूप कृपा करि सोय ॥
 जय जय नित्यानन्द जू जय तिहि पद अरविंद । जिनही तें पाये जु प्रभु श्री राधा गोविन्द ॥
 माधार्ति अधम मैं और जगाई ते जु । पुनि पुरीष के कीट तें अति लविष्ट - हौं मैं जु ॥
 मेरे नामहि सुनै जो तिही पुण्य चय होय । मेरे नामहि लेहि जो होय पाप तिहि सोय ॥२०॥
 मोसे निर्धन पै कृपा करै कौन है जोय । इक श्री नित्यानंद विनु जगत मध्य में कोय ॥२१॥
 प्रेममत्त नित्यानंद जू कृपा रूप अवतार । तातें उत्तम अधम को करै न कलू विचार ॥
 जोई दृष्टि परै जु पथ करै जु तिहि निस्तार । दुराचारि मोह जु सों किय ताको उद्धार ॥
 ल्याये मो पापिष्ठ कौ श्री वृन्दावन जोय । चरण कमल श्री रूप के दिये अधम कौ सोय ॥
 दरसन मोहन मदन श्री गोविंद नैन विसाल । कहिये कौ नहि योग्य है ये बातें जु रसाल ॥
 वृन्दावन के इंद्र श्री मोहन मदन गुपाल । आपु ब्रजेन्द्रकुमार हैं रास विलासी लाल ॥
 राधा ललितादिक प्रिया लै संग रास विलास । मनमथ हूँ कौ मन मथै जिनकौ रूप रसाल ॥

तथाहि श्री भागवते—तासामाधिरभूञ्छौरिः स्मयमानमुखाम्बुजः ।

पीताम्बरधरः सखी साक्षान्मन्मथमन्मथः ॥

करै सु निज माधुर्य करि मन आकर्षण लोय । राधा ललिता दुहुं दिग सेवत हैं रस भोय ॥
 नित्यानंद दया जु ते मोहि दीये जु दिखाय । राधा मोहन म न मम प्रभु करि दिये गहाय ॥
 योगपीठ वृन्दाविपिन सुरतरु वन जहँ होय । रतन खचित मंडप तहां रत्न सिंहासन सोय ॥
 श्री गोविंद वसैं तहां आप ब्रजेन्द्रकुमार । करि माधुर्य प्रकास अति मोहैं जगत अपार ॥
 वाम भाग श्री राधिका लिये सखी गन संग । रासादिक लीला करै सो प्रभु नाना रंग ॥
 करै जु अज निज लोक में जिनही कौ नित ध्यान । करत उपासन अष्टदस अक्षर मंत्रविधान ॥
 भुवन चतुर्दस सब करै जिनही कौ नित ध्यान । वैकुण्ठादिक मधि करै जिहि लीला गुनगान ॥
 आकर्षण जिहि माधुरी करै जु श्री कौ आहि । रूप गुसाई भली विधि वर्णन कीनी ताहि ॥

तथाहि—स्मेरां भंगीव्रथपरिचितां सान्निविस्तीर्णदृष्टिं, वंशीन्यस्ताधरकिसलयामुज्ज्वलां चन्द्रकेत ।

गोविन्दाख्यं हरितनुमितः केशितीर्थोपकण्ठे, मा प्रेक्षिष्ठा स्तव यदि स्तवे ! धन्वसंगोऽस्तिरेगम् ॥

है साक्षात् वृजेन्द्र-सुत यामें कलू नहि आन । जे अति अज करै जु तिहि प्रतिमा कौ सो ज्ञान ॥

तिनकीं तिहि अपराध करि नहीं होय निस्तार । ऐसे गोविंद के जु गुन करौ कहा विस्तार ॥
 ऐसे जो गोविंद प्रभु पाये जिनते सोय । तिनके चरननि की कृपा वरणि सकै सो कोय ॥
 वृंदावन में बसत हैं वैष्णव मण्डल जोय । नाम परायन कृष्ण के मंगल अति है सोय ॥
 जिनि के दोऊ प्राणधन नित्यानंद चैतन्य । राधाकृष्ण सु भक्ति बिनु जाने नहि कछु अन्य ॥
 तिन भक्तन की पादरज अरु पद छाया ताहि । नित्यानंद दया सु करि मोसे अधमहि आहि ॥
 तहां भयो सब लाभ मम जो प्रभु आज्ञा दीय । सोइ कही जु सूत्र यह ताको विवरण कीय ॥
 ये सब ही पाये जु मैं श्री वृंदावन आय । अभिप्राय प्रभु कौ यहै सर्व लभ्य यह भाय ॥
 आप लिखी अपनी कथा होय निलज अधिकाय । तऊ लिखायो तिहि गुणनि करि उन्मत्त बनाय ॥
 नित्यानंद प्रभु गुणनि की महिमा है जु अपार । सेस कहै जो सहस मुख तऊ लहै नहि पार ॥
 रूप सनातन और रघुनाथ चरण जिहि वास । नित्यानंद प्रभु तत्व कछु कहै कृष्ण कौ दास ॥
 रूप सनातन जगत हित सुवल स्याम पद आस । प्रभु चरितामृत कौ लिखैं ब्रज भाषाहि प्रकास ॥

इति श्री चैतन्यचरितामृते आदिखण्डे श्री नित्यानंदतत्त्वनिरूपणं नाम पञ्चमपरिच्छेदः ॥१०७॥

षष्ठपरिच्छेदः

वन्दे श्रीलमद्वैताचार्यमद्भुतचेष्टितं । यस्य प्रसादादज्ञोऽपि तत्स्वरूपं निरूपयेत् ॥

दोहा —

जय जय श्री चैतन्य जू जै श्री नित्यानंद । जय अद्वैत हिमांशु प्रभु दास वर्ग सुख कंद ॥
 श्लोक पाँच करि यह कही श्री नित्यानंद तत्व । श्लोक दोय करि कहत हैं श्री अद्वैत महत्व ॥

तथाहि—महाविष्णुर्जगत्कर्त्ता माधवा यः सृजत्यदः । तस्यावतार एवायमद्वैताचार्य ईश्वरः ॥

अद्वैत हरिणाद्वैताचार्य भक्तिशंसनान् । भक्तावतारमीशं तमद्वैताचार्यमाश्रये ॥

आचारज अद्वैत जू ईश्वर आपुन आहि । नाहिन मोचर जीव के अदभुत महिमा जाहि ॥
 महाविष्णु सृष्टी करे जगदादिक जो कार्य । तिनही कौ अवतार है श्री अद्वैताचार्य ॥
 पूर्य जु सृष्टि स्थिति करे निज माया करि आहि । सृष्टि अगण ब्रह्मांड की करे जु लीला ताहि ॥
 इच्छा करि के करे बहु मूर्ति प्रकास विशेष । एक एक मूर्ति करे सब ब्रह्मांड प्रवेश ॥
 अंश जु तिहि अद्वैत हैं नहि तिनसो कछु भेद । है जु शरीर विशेष तिहि नाहिन है विच्छेद ॥
 तिनकी करे सहाय ये लै करि के जु प्रधान । करे कोटि ब्रह्मांड की इच्छा के निर्माण ॥

जग मंगल अद्वैत जू मंगल गुन गन धाम । मंगल सदा चरित्र जिहि मंगल जिहि कौ नाम ॥
 कोटि अंस औ शक्ति हू कोटि कोटि अवतार । इनकीं ले करि सृजत हैं पुरुष सकल संसार ॥
 माया ज्यों द्वै अंस करि कारण विषै प्रमान । माया हेतु निमित्त है उपादान जु प्रधान ॥११॥
 ऐसे ईश्वर पुरुष हैं मूर्ति करि के दोय । विश्व सृजै जो निमित्तक उपादान हैं होय ॥
 कारण होय निमित्त जग आपुन पुरुष जु सोय । उपादान अद्वैत वपु सौ नारायण होय ॥
 माया कौ ईक्षण करे अंश निमित्त हि जोय । उपादान अद्वैत जू सृजै अजांडनि सोय ॥
 कर्त्ता श्री अद्वैत जू कोटि अंड के आहि । भरण करे ब्रह्मांड अरु एक एक वपु ताहि ॥
 मुख्य अंग अद्वैत जू तिनि नारायण जानि । अंश शब्द करि अंस कहि श्री भागवत प्रमान ॥

तथाहि—नारायणोऽयं नरभूजलायनात्तथापि सत्यज्ञ तत्रैव माया ॥

ईश्वर कौ अंग अंस जो चिदानंद मय आहि । माया कौ संबन्ध नहि श्लोक कहै यह ताहि ॥
 काहे अंस कही नही अंग कही क्यों ताहि । याने अंग है अंस ते अन्तरंग अति आहि ॥
 महाविष्णु कौ अंस महा आचारज गुन धाम । ईश्वर सों जु अभेद ते भौ अद्वैत जु नाम ॥
 पहिले सकल जु विश्व कौ जिन्ह सृजन किय आहि । अब अवतरि करि कियो है भक्ति-प्रवर्त्तन ताहि ॥
 सकल जीव निस्तार किय कृष्ण भक्ति करि दान । गीता अरु भागवत कौ करे भक्ति व्याख्यान ॥
 नहीं भक्ति उपदेस बिनु तिनके हैं कछु कार्य । याही ते तिनकीं मर्या अवै नाम आचार्य ॥
 आचारज अद्वैत इक मिले नाम भौ नाहि । ते गुरु है वैष्णवनि के जगत आर्य है आहि ॥
 कमल नयन के हैं जु ते जाते ये अंग अंस । ताही ते कमलाल करि धरे नाम अवतंस ॥
 पार्वे गणजे पारिषद ईश्वर सों सारूप । पीत वसन अरु चतुर्भुज नारायण जिहि रूप ॥
 आचारज अद्वैत जू अंस बर्य है ताहि । तिनके तिहि जो नाम गुन अचिरज कहाजु आहि ॥
 जिनके तुलसी और जल अरु जिनके हुंकार । गौरचन्द्र निज गण सहित प्रगट भयो अवतार ॥
 जिही द्वार है प्रभु कियो कीरंतन जु प्रचार । ताही द्वारा प्रभु कियो सकल जगत निस्तार ॥
 आचारज गोस्वामि के गुन महिमा जु अपार । जीव कीट यह कहाँ ते पार्वे तिनकी पार ॥
 आचारज अद्वैत हैं मुख्य अंग चैतन्य । तिनके नित्यानंद प्रभु अंग एक है अन्य ॥
 श्री वासादिक भक्तगण प्रभु उपांग इह जानि । अंग नेत्र मुख हस्त औ चक्राद्यस्त समान ॥
 इन सब ही कौ संग लै निज वांछित जु प्रचार । इन सब ही कौ संग लै प्रभु चैतन्य विहार ॥
 माधवेन्द्र जू के जु ये सिध्य यहै हिय जान । आचारज जू कौ करे प्रभु गुरु करि सनमान ॥
 लौकिक लीला धर्म करि मरिजादा स्थिति आहि । तिनकी भक्ति स्तुति करे अरु पद बंदन ताहि ॥
 आचारज चैतन्य कौ करि निजु प्रभु कौ ज्ञान । हम हैं श्री चैतन्य के दास यहै अभिमान ॥

ताही के अभिमान सुख भूलि अपनपौ जाहि । होहु जीव सब दास हरि यह उपदेस कराहि ॥
 कृष्णदास अभिमान में जो आनंद निधि आहि । कोटि ब्रह्म सम सुख नहीं एक बिंदु की ताहि ॥
 दास में जु चैतन्य कौ अरु है नित्यानंद । दास भाव सम नाहिने और कहं आनन्द ॥
 परम प्रेयसी लक्ष्मी हिय निवास है जाहि । वह दास सुख मांगई करिके विनती ताहि ॥
 दास भाव में मुदित है गण पार्षद जु अपार । विधि भव नारद और शुक सनकादिक मुनि चार ॥
 नित्यानंद अवधूत है सब में मुख्य जु सोय । दास भाव चैतन्य के मत्त भये हैं जोय ॥ ४० ॥
 श्री निवास हरिदास अरु राम गदाधर जान । शशिशेखर ब्रह्मसुर जु मुकुंद मुरारि प्रमान ॥
 ए सब पंडित लोग हैं जिनि कौ परम महत्व । गौरदास करि सबनि कौ कियौ प्रेम उनमत्त ॥
 नाचै गावै इही विधि करै उच्च अतिहास । लोकनि कौ उपदेस दें हो प्रभु के तुम दास ॥
 मोकौ श्री चैतन्य जू आप करै गुरु ज्ञान । तब हू मेरे तिनि विषे है जु दास अभिमान ॥
 कृष्ण प्रेम को एक यह है जु अपूर्व प्रभाव । करवावै गुरु सम लघुनि दास भाव में चाव ॥
 यामे मुनौ जु प्रमान सब कबौ जु शास्त्र बखान । महदनुभव यातें बड़ी है जो सुदृढ़ प्रमान ॥
 कहा कथा है और की नंद पिता ब्रज माहि । तिहि सम गुरुजन कृष्ण के कोऊ औरहि नाहि ॥
 वात्सल्य रस शुद्ध जेहि ईश्वर ज्ञान न ताहि । तिनहं कौ दासहि कृपा प्रेम करावै ताहि ॥
 तेऊ रति मति मांगई कृष्ण चरण मधि होइ । श्रीमुख वानी तिनहिकी तहां प्रमान जु सोइ ॥
 उद्वेग मुनौ सु सत्य मम कृष्ण तनय यह नीति । तेऊ ईश्वर हांदि जो तुम मन यह प्रतीति ॥
 तऊ जु तिनमें मम सदा रहै जु मन की वृत्ति । तुव ईश्वर श्री कृष्ण मधि मम रति होहु प्रवृत्ति ॥
 तथाहि श्रीभागवते—

“मनसो वृत्तयो नः स्युः कृष्णपादाम्बुजाश्रयाः ॥” “रति नः कृष्ण ईश्वरे ॥”

श्री दामादिक जिते ब्रजसखा समूह अनूप । हीन जु ईश्वर ज्ञान तिहि केवल सख्य सरूप ॥
 पुढ़ करै श्रीकृष्ण संग काँधे चढ़ै जु ताहि । दास्य भाव करि करै ते सेवन चरन सु आहि ॥

तत्रैव—पादसंवाहनं चक्रुः केचित्तस्य महात्मनः । अपरे हतपाप्मानो व्यजनैः समधीजयन् ॥

कृष्ण प्रेयसी ब्रज जितौ गोपी गण अनुरक्त । जिनि की पद रज जांचई उद्वेग से निज भक्त ॥
 जिनि सब ते ऊपर नही कृष्णप्रिया जो आन । तेऊ करै जु आपको तिहि दासी अभिमान ॥
 तथाहि तत्रैव—भज सखे ! भवत किङ्करीः स्म नो” । “कचिदपि स कथां नः किङ्करीणां गृणीते” ॥

कथा रही तिन सबन की श्री जूत राधा जोय । सबही ते सब के जु मत अधिका परम जु सोय ॥
 तेऊ तिहि दासी जु है पद सेवत है ताहि । जिनके अद्भुत प्रेम गुन सदा कृष्ण वश आहि ॥

तथाहि—दारशान्ते कृष्णश्यामे मे सखे दर्शय सन्निधि ॥

महिषी गण जिति द्वारिका रुक्मिण्यादि सुजान । तेऊ आपुन कौ करै कृष्णदास्य अभिमान ॥

तत्रैव—साहं तद्गृहमार्जनीत्यादि ॥ आत्मारामस्य तस्येमा वयं वै गृहवासिका इति ॥

कहा काज है और कौ श्रीवल महा प्रभाव । शुद्ध सख्य वात्सल्य मय जिनके है निज भाव ॥
 तेऊ आपुन कौ करै दास्य भाव अभिमान । कृष्णदास इह भाव विनु नीके को जन आन ॥
 सहस वदन जे शेष जू है संकर्षण जोय । करै जु सेवन कृष्ण कौ दस वपु करिके सोय ॥ ६१ ॥
 रुद्र अगणित्रदांड-मधि जिहि सिव जू कौ अंस । तेई गुण अवतार हैं सर्वदेव अवतंस ॥
 तेऊ करै जु कृष्ण की सदा दास की आस । कहै निरन्तर शिव जु हीं कृष्णचन्द्र कौ दास ॥
 रहै जु विह्वल दिग्वसन कृष्ण प्रेम उन्मत्त । तिहि गुन लीला गायकें नाचै सदा प्रमत्त ॥
 मात तात गुरु मित्र किन कोऊ भाव जु होय । कृष्ण प्रेम को सहज यह करे दासता सोय ॥
 एक कृष्ण जू सेव्य हैं सब के ईश्वर आहि । सेवक अनुचर और ये सब जितने हो ताहि ॥
 सोई कृष्ण जु अवतरे ईश्वर श्री चैतन्य । तिनही के किकर जु हैं याही ते सब अन्य ॥
 कोऊ माने नहि कोऊ हैं सब तिनके दास । जो नहि माने होय तिहि तिही पाप करि नास ॥
 प्रभु जू कौ हो दास हो हीं प्रभु जू कौ दास । ते प्रभु जू के दास हैं हीं जु दास कौ दास ॥
 ऐसे कहि नाचन लगे करि हुंकार जु सोय । तब बैठे आचार्य जू छिन इक सुस्थिर होय ॥ ७० ॥
 श्री बलराम जु मूल है तिहि बलराम जु दास । अनुगत तिनके अंस गण सोई भाव प्रकास ॥
 तिनको इक अवतार है श्री संकर्षण जान । सदा सर्वदा भक्त करि करै जु ते अभिमान ॥
 तिनही कौ औतार जो श्रीयुत लक्ष्मण आहि । कियौ दास्य श्रीराम कौ सदा निरन्तर जाहि ॥
 कारणाब्धिशायी जु है संकर्षण अवतार । अनुगत तिनके हृदय में भक्ति भाव अति सार ॥
 तिनको भेद प्रकाश है श्री अद्वैताचार्य । मन वच क्रम करि भक्ति नित करै तास यह कार्य ॥
 हीं अनुचर चैतन्य को यौं करि वचन प्रकास । मन में मनन करै सदा हीं तिनको हो दास ॥
 जल तुनसी दै कार्य करि सेवन करै अपार । तारैं सबही भुवन जिन्हि करि कै भक्ति प्रचार ॥
 पृथ्वी को धारण करै जो संकर्षण सेम । काय-व्यूह करि कृष्ण कौ सेवन करै असेम ॥
 एई सब श्रीकृष्ण के है जु प्रगट अवतार । तऊ निरन्तर देखिये सब के भक्त्याचार ॥
 इन सब ही कौ शास्त्र सब कहै भक्त अवतार । है जु भक्त अवतार पद सर्वोपर रस सार ॥
 अंसी एकहि कृष्ण है औ सब अंस विचार । लखिये अंसी अंस में ज्येष्ठ कनिष्ठाचार ॥
 ज्येष्ठ भाव करि होत हैं अंसी मधि प्रभु ज्ञान । आपु विषे जु कनिष्ठ के होय भक्ति अभिमान ॥
 तथाहि श्रीभागवते—

न तथा मे प्रियतम आत्मपोनि न शंकरः । न च संकर्षणो न श्री मेधात्मा च यथा भवान् ॥

बोहा—

नहीं जु सम हरि माधुरी आस्वादन हिय होय । भक्ति भाव करि करत है माधुरि-चर्वन सोय ॥
 पई शास्त्र सिद्धांत है विज्ञान अनुभव आदि । मूढ़ लोक जानै नहीं भावै वैभव ताहि ॥

दास्यहि अंगीकार कीय बल लक्षण जु विमेश । नित्यानन्द अद्वैत जु अरु संकल्प संस ॥६॥
 कृष्ण माधुरी रस अमृत तिहि नित करें जु पान । मत्त रहै मुख में तिहि जानें नहि कछु आन ॥
 रही बात पुनि और की आपुन ही श्री कृष्ण । निज माधुरी जु पान हित आपुन ही जु सत्पण ॥
 निज माधुरी जु स्वाद हित करें जतन बहु आहि । भक्ति भाव बिनु नाहि नै आस्वादन है ताहि ॥
 भावहि अंगीकार करि भी अवतीरण जोय । सर्व भाव करि पूर्ण भी गौर रूप करि सोय ॥
 नाना भक्ति जु भाव करि करें माधुरी पान । पहिले इहि सिद्धांत को करि आये विरूपान ॥
 अवतारिन की गुण जु तिहि भक्ति भाव अधिकार । भक्ति भावतें और कछु नहि सुख अधिक अपार ॥
 पाते जन अवतार हैं श्री संकल्प आर्य । करिय भक्ति अवतार भवि गणना श्री आचार्य ॥
 आचार्य अद्वैत की महिमा है जु अपार । जिनही के हुंकार करि लियौ जु प्रभु अवतार ॥
 कीरतन जु प्रचार करि जग सारन किय जोय । श्री अद्वैत प्रसाद करि लखौ प्रेम धन लोय ॥
 महिमा है जु अनंत जिहि सकै जु कहि तिहि कोय । सोई में जु लिखौ जितौ सुनी महाजन लोय ॥
 श्री आचार्य चरण भवि कोटि प्रणत मम आहि । यामें कछु अपराध नहि भयो हमारे ताहि ॥
 महिमा है जु अपार तुव कोटि समुद्र अगाध । कहै इच्छा जो तिही यहै बड़ी अपराध ॥
 जय जय जय जय जय जय करौ श्री अद्वैताचार्य । जय जय श्री चैतन्य श्री नित्यानन्द जू आर्य ॥
 विवि पद किय अद्वैत को तत्व निरूपण जोय । पंचतत्व विवरण कछु सुनी भक्तगण सोय ॥
 रूप सनातन और रूपनाथ चरण जिहि वास । कहै कछुक प्रभु चरित की कृष्णदास तिहि दास ॥
 रूप सनातन जगत हित सुबल श्याम पद आस । प्रभु चरितामृत की लिखैं ब्रजभाषाहि प्रकाश ॥
 इति श्री श्रीवैतन्यचरितामृत आदिखण्डे ब्रजभाषायां श्री अद्वैततत्त्वनिरूपणं नाम पञ्चपरिच्छेदः ॥१०२॥

मसम परिच्छेदः

अपलब्ध गति नावा हीनाधीनिकलाधक । श्री चैतन्य लिखतेऽस्य प्रेमभक्ति वदान्यता ॥
 जय जय प्रभु श्री कृष्ण जू जय जय जय चैतन्य । जे आश्रित तिहि चरण के तेई है अति धन्य ॥
 प्रकटे श्री चैतन्य जू पंच तत्व ले संग । पंच तत्व ले संग में करें कीरतन रंग ॥
 पंच तत्व इक वस्तु है यामें कछु नहि भेद । तऊ जु रस आस्वाद हित होय जु विविध विभेद ॥
 तथाहि—पंच तत्वात्मकं कृष्णं भक्तरूपस्वरूपकं । भक्तावतारं भक्ताख्यं नमामि भक्तिशक्तिकम् ॥
 गुर्वादिक पद तत्व की पहिले कियो प्रणाम । कहि आये गुरु तत्व अब कहैं पंच के नाम ॥
 कृष्ण आप भगवान जो ईश्वर एकहि आहि । नंदान्मज अद्वैतीय सो नाम रसिकमनि ताहि ॥

ब्रज ललना नागर जु हैं रास विलासी जोय । और जिते सब देखिये तिहि परिकर है सोय ॥
 सोई कृष्ण जु अवतरे आप कृष्ण-चैतन्य । येई परिकर मन संग है सब ही अति धन्य ॥
 ईश्वर तन जो एक ही ईश महाप्रभु आहि । भक्ति भावमय है जु यह शुद्ध कलेवर ताहि ॥
 कृष्ण माधुरी की जु है अद्भुत एक स्वभाव । अपने ही आस्वाद हित कृष्ण करें जन भाव ॥
 भक्त भाव पाते धरें महाप्रभु रसकंद । तिन के भक्त स्वरूप है माई नित्यानन्द ॥
 गोस्वामी आचार्य जू अहैं भक्त अवतार । प्रभु करि गाये सबनि मिलि एनु तीन जन सार ॥
 महाप्रभु ती एक हैं श्री प्रभु-जन है दोष । प्रभु जू के सेवें चरण प्रभु दोऊ है जोय ॥
 येई तीन जु तत्व हैं सर्वाराध्य जु मान । चौथो तत्व जु भक्त जे ते आराधक जान ॥
 श्रीनिवास जू आदि हैं कोटि भक्तगण ताहि । शुद्ध भक्त तत्व भवि करि तिनकी गणना आहि ॥
 श्री पंडित जू आदि हैं प्रभु के शक्ति अवतार । अन्तरंग तिहि भक्ति करि गणना करी विचार ॥
 जिनही सब की संग ले करें प्रेम रस पान । तिन सब की संग ले करें प्रेम महाधन दान ॥
 पंच तत्व एई जु मिलि आये भूमि विचार । पहिले प्रेम भंडार की मुद्रा दई उवार ॥
 पांचो मिलि लूटे करें प्रेमास्वादन आहि । ज्यों जु पिये त्यों त्यों बड़े तृष्णा छिनछिन ताहि ॥
 फेरि फेरि पीये जु तिहि पिये होय अतिमत्त । नाचें गावें हंसैं अरु रोवें ज्यों उनमत्त ॥१६॥

कवित्त—

ऐसे मत्त भये जिन्हें स्थान औ अस्थान हूँ को पात्र ओ अपात्र हूँ को नाहिन विचार है ।
 उमगि चली है प्रेम नदी चारों दिसा और फैलि गई पृथिवी में जाकी बड़ी धार है ।
 जाहि जहां पावे तही करें प्रेमदान तहां स्थाय देय लूटि कियो ऊजर भंडार है ।
 अचिरज यहै बड़ी प्रेम को भंडार ताहि ज्यों ज्यों ये लुटावें त्यों त्यों वाढ़त अपार है ॥१॥
 नारी नर बाल बृद्ध सज्जन औ दुर्जन हैं पंगु अंध गुणहीन जितौ जीव रास है ।
 प्रेम के प्रवाह नें बुढ़ाये सब जग जीव बूढ़ों जग सब भरी जीव बीज नास है ।
 देखि ताहि पांचन के हिये में हुलास भयो ज्यों ज्यों ये बढ़ावें ताहि त्यों ही त्यों प्रकास है ।
 बह्यो इतौ प्रेम जल तीनों लोक व्यापि गयी बिना भीजे कोऊ नहीं रखा आगे तास है ॥२॥
 मायावादी कर्म निष्ठ औ कुतर्क में प्रविष्ट निन्दक पाखण्डी नीच पण्डित अपार है ।
 येई सब महादख भाजै तासों भीत हैं केँ तिन्हें छूँन सकी नदी नीचगामी धार है ।
 तिन्हें देखि महाप्रभु सोचें येजु कीर्न मेंजु जग के बुढ़ाये की जतन विचार है ।
 कोऊ कोऊ ऐंड़ि रहै भइ है प्रतिज्ञा भइ तिन्हें डूबि की करौ रंग उदगार है ॥३॥

दोहा—

ऐसे कहि मन में कलुक किय कौतुकी विचार । किय आश्रम संन्यास कौ प्रभु जु अङ्गीकार ॥
 गृहस्थ आश्रम में रहें वर्ष बीस अरु चार । पंच विंश ये वर्ष में किय यति धर्म विचार ॥
 करि संन्यास महाप्रभु किय आकर्षण सोय । जितने भाजि वचे हुते तार्किकादि गण सोय ॥
 पदुवा पाखण्डी जिते कर्मी निन्दक आहि । अवनत हैं ते आय सब चरण कमल मधि ताहि ॥
 लमा भयो अपराध तिहि बड़े प्रेम सुनीर । महा जाल प्रभु प्रेम के वचे कौन से धीर ॥
 सब ही के निस्तार हित प्रभुहि कृपा अवतार । ताते सब निस्तार हित करें जु बुद्ध्याचार ॥
 काजी म्लेच्छ जिते तिन्हें भक्त किये निज टेक । सब में काशी के वचे मायावादी एक ॥
 इन्दावन कौ चलत प्रभु रहे जु कासी बीच । लागे निन्दा करन तिहि मायावादी नीच ॥
 संन्यासी हैं के करें नृत्य गान अति वाम । सुनें नहीं वेदान्त नित करें कीर्तन नाम ॥
 मूरख संन्यासी जु निज धर्म न जानें ताहि । भावुक हैं ये भावुकनि संगहि मिल के आहि ॥
 यह सब सुनि चैतन्य हंसि मन ही मन के माहि । करी उपेक्षा सबनि सौं किय संभाषन नाहि ॥
 करी उपेक्षा गमन किय मथुरा कौ निरधार । देखि मधुपुरी तहां किय पुनि आगमन विचार ॥
 शूद्र चंद्रशेखर तहां लेखक रहे प्रमान । तिनही के घर रहें प्रभु है स्वतन्त्र भगवान ॥
 मित्रा निर्वाहन करें तपन मिश्र घर आय । मानें नहीं निमन्त्रणहि संन्यासिन संग जाय ॥
 प्रभु जू सौं तब तहाई मिले सनातन आय । तिहि शिष्या हित प्रभु रहे तब द्वै मास बनाय ॥
 तिन्हें मित्राया सब जितो जो भक्तनि कौ धर्म । शास्त्र भागवत कौ जितो गूढ़ अर्थ कौ मर्म ॥
 तब चंद्रशेखर तहां तपन मिश्र हू आय । कियो निवेदन प्रभु चरन तिन्हें हिये दुख पाय ॥
 सुनें कहां लौं हम प्रभु निंदन करे जु जोय । अब सामर्थ न सहन कौ जीवन छाड़ें सोय ॥
 सब संन्यासी गण जिते तुमकी निंदे सोय । ताकी हम नहिं सुनि सकें श्रवन विदारन होय ॥
 सुनि प्रभु रहे जु मौन करि करि के ईसत हास । इक द्विज मिला तिही समे आय जु प्रभु के पास ॥
 आय निवेदन कियो तिहि चरण सीस धरि सोय । एक वस्तु मार्गी प्रभु देहु प्रसन्न जु होय ॥
 सब संन्यासिनु को कियो मैं जु निमन्त्रण जोय । तुम जो आवो तहां मम मनसा पूरण होय ॥
 संन्यासिन कौ सभा तुम नहिं जावौ मम ज्ञान । तऊ निमन्त्रण मानि मम करी अनुग्रह जान ॥
 कियो महाप्रभु बिहंसिके निमन्त्रणाङ्गीकार । संन्यासिन पै कृपा करि तिहि भंगी जु अपार ॥
 काहू के गृह जाय नहिं प्रभु जाने द्विज जोय । प्रेरण ताते तिनहि की करें आग्रह सोय ॥
 गये महाप्रभु और दिन ताही भवन विचार । बैठे लखें जु है तहां संन्यासी जु अपार ॥
 नमस्कार करि सबनि कौ गये धोयवे पाय । प्रचालन करि चरन प्रभु तिहि ठां बैठे जाय ॥
 बैठि तहां प्रभु कियो कछु निज ऐश्वर्य प्रकास । महानेज मय वपु सु जिहि कोटि सूर्य सम भास ॥

प्रभु प्रभाव ऐंचे सकल संन्यासिन मन आहि । उठि सनमान कियो सबनि निजु आसन तजि ताहि ॥
 नाम प्रकासानन्द तिहि संन्यासी जु प्रधान । घोन्यौ श्री गोस्वामि सौं कछु करिके सनमान ॥
 आवौ ह्यौ आवौ इहां सुनौं अहो श्रीपाद । बैठे अशुचि स्थल जु तुम कहाँ कहा अवसाद ॥
 तिनसौं महाप्रभु जु कहें संप्रदाय हम हीन । सभा तुम्हारी में जु हम बैठि सकें नहि दीन ॥
 आप प्रकासानन्द जू कर गहि तिन्हें जु लाय । बैठाये अति मान करि सभा मध्य सिर नाय ॥
 पूछें तिनसौं है जु तुम नाम कृष्णचैतन्य । तुम हो केशव भारती शिष्य जु ताते धन्य ॥
 सम्प्रदाय के तुम रहौ संन्यासी यह ग्राम । करौ न दरसन हम सबनि किहि कारण यह ठाम ॥
 संन्यासी हैं के करौ नृत्य गान किहि भाय । भावुक जन सँग लै करौ संकीर्तन अति चाय ॥

श्रवन कथन वेदांत कौ संन्यासिन कौ धर्म । ताहि छाड़ि क्यों करत हो भावुक के तुम कर्म ॥
 नारायण साक्षात् तुम लखिये बड़ौ प्रभाव । हीनाचार करौ जु क्यों कारन कौन सुभाव ॥
 कहें जु प्रभु श्रीपाद सुनि ह्यौ कारण है जोय । गुरु मोकौं मूरख जु लखि किय सासन जब सोय ॥
 मूरख तू वेदांत कौ नहिं तोकौ अधिकार । कृष्ण मन्त्र जपु तू सदा यह मन्त्र है सार ॥

कृष्ण नाम ही तें सकल संसृत मोचन होय । कृष्ण नाम ही तें लहें कृष्ण चरण रज भोय ॥
 नाम बिना कलि काल में नहिं और कोउ धर्म । नाम मन्त्र सब सार है यह शास्त्र कौ मर्म ॥
 श्लोक एक ऐसैं जु कहि दीनौ मोहि सिखाय । ताहि कंठ करि करत हो तिहि विचार मन लाय ॥

तथाहि—हरेनाम हरेनाम हरेनामैव केवल । कलौ नास्त्येव नास्त्येव नास्त्येव गतिरन्यथा ॥

यहै पाय अज्ञा सदा लेंन लग्यो हौं ताहि । लेत लेत ही नाम मम आंति भयो मन आहि ॥
 सकौं न हौं तब धीर धरि भयो जु अति उनमत्त । हसौं पुकारौं नृत्य करि गावौं ज्यौं मदमत्त ॥
 तब हौं करिके धैर्य अति मन में कियो विचार । कृष्ण नाम ते ज्ञान मम ठकि लीनौ निरधार ॥
 धीरज नहिं मन में जु हौं भयो मत्त निरधार । कियो निवेदन गुरुचरन यौं मन में जु विचार ॥
 हौं गुरुमन्त्र दियो कहा कोऊ बल है याहि । मोहि मन्त्र ने जपत ही कियो मत्त अति आहि ॥
 करवावै क्रंदन जु अति मोहि हँसाय नचाय । यह सुनिके गुरुवर जु तब बोले मृदु मुसकाय ॥
 महा मन्त्र हरि नाम कौ कोऊ यह जु सुभाव । जोई जपे तिहि कृष्ण में उपजावै यह भाव ॥
 कृष्ण विषे जो प्रेम है सो पुरुषारथ सार । जिहि आगे तृण तुल्य है पुरुषारथ है चार ॥
 पञ्चम पुरुषारथ जु है प्रेमानंद रस सिंधु । मोक्षादिक आनन्द जो प्राकी नहिं एक बिंदु ॥
 कृष्ण नाम फल कृष्ण मधि-प्रेम कहैं श्रुति गाय । वही प्रेम तुव भाग्य करि उदै भयो हिय आय ॥
 प्रेमा कौ जु स्वभाव यह करे चित्त तन चोम । कृष्णचरण की प्राप्ति में उपजावै अति लोम ॥
 हंसै पुकारे गान करि हरिजन प्रेम सुभाय । लाज नहीं उनमत्त है नाचै इत उत घाय ॥७५॥

कवित्त—

स्वेद कंप सुरभंग अश्रु औ रोमांच संग ज्यों विवर्ण अंग अंग होय ये विकार हैं ॥
विषाद उन्माद धैर्य गर्व हर्ष दैन्य प्रेमा भायन नचावै इन भक्त ये अपार हैं ॥
कृष्णानंद सुखसिन्धु तामें तिन्हें मग्न करें चारों पुरुषार्थ हूं ताहि लागि छार हैं ॥
भली भई पायो तुम सार पुरुषार्थ जो यातें मैं कृतार्थ भयो मुख्य ये विचार हैं ॥७६॥

दोहा—

नाचौ गावौ भक्त संग करौ कीरतन सार । कृष्ण नाम उपदेश करि करौ सबै निस्तार ॥
श्लोक एक ऐसे जु कहि तिन्हों सिखायो मोहि । यहै सार भागौत कौ कहाँ जु फिरि फिरि मोहि ॥

तथाहि—एवं व्रतः स्वप्रियनामकीर्त्या जातानुरागो द्रुतचित्तउन्धैः ।

हसत्यधो रोदिति रौति गायत्युन्मादवन्नुत्पति लोकवाद्यः ॥

तिनके याही वचन मधि धरि कैं दृढ़ विश्वास । कृष्ण नाम संकीर्तन जु करौ निरन्तर तास ॥
कवहूँ नाम गवाव ही मोहि नचावै सोय । गाऊँ नाचौ नाहि मैं निज इच्छा करि जोय ॥
कृष्ण नाम आनंद उदधि जो आस्वादन ताहि । वृद्धानन्द आगे जु तिहि खारोदक सम आहि ॥
तथाहि हरिमक्तिमुधोदये—तन् सात्त्वान् करणाल्हादविशुद्धाब्धिस्थितस्य मे ।

सुखानि गोष्पदायन्ते ब्राह्मण्यपि जगद्गुरो ॥

प्रभु कौ मधुर सुवाक्य सुनि संन्यासी गण आहि । मधुर वचन लागे कहन चित्त फिरि गये ताहि ॥
जो कहूँ कबहूँ तुम सबै सत्य वचन है सोय । कृष्ण प्रेम पावै वही भाग्य उदौ जिहि होय ॥
कृष्ण भक्ति जे तुम करौ यह सब कैं संतोष । सुनौ नहीं वेदांत तुम कहौ कहा तिहि दोष ॥
यह सुनि कैं हंसि महाप्रभु बोले वचन जु ताहि । जो नहि मानौ दुःख तुम करौ निवेदन आहि ॥
यह सुनिकें बोले सकल संन्यासी गन जोय । तुमकाँ हम जानै जु इमि नारायण निज सोय ॥
सीतल भये जु श्रवन ये सुनत तुम्हारे बैन । देखि तुम्हारी माधुरी सीतल भये हम नैन ॥
तुव प्रभाव सब के भये मन आनन्दित जोय । नहीं असंगत है कभू वचन तुम्हारो सोय ॥
कहैं महाप्रभु सूत्र तिहि ईश्वर वचन जु आहि । व्यास रूप हैं कैं कबहूँ श्री नारायण जाहि ॥
अम प्रमाद अरु बंचना करुणापाटव और । ईश्वर के नहि वचन में इन दोषन कौ ठौर ॥६०॥
उपनिषदनि के सहित ही सूत्र कहे जो तत्व । मुख्यावृत्ति जु कहैं वही अर्थ जु परम महत्व ॥
गौणवृत्ति करि भाष्य जो कहाँ शंकराचार्य । ताकें सुने रु पढ़ें तें नास जाय सब कार्य ॥
ताहूँ कौ नहि दोष कहूँ ईश्वर आज्ञा पाय । गौण अर्थ करि मुख्य जो राख्यो ताहि दुराय ॥
ब्रह्म शब्द कौ मुख्य जो अर्थ कहैं भगवान । पूरण चित् ऐश्वर्य जिहि उरध नहीं समान ॥
तिनकी देह विभूति जे चिदाकार सब आहि । चिद् विभूति आच्छादिकें निराकार कहि ताहि ॥

चिदानंद मय देह तिहि स्थान और परिवार । तिनकाँ प्राकृत सत्व कौ तेहें कहैं विकार ॥
दोष न तिहि तेऊ जु है आज्ञाकारी दास । और कोई जो तिहि सुने होय सब तिहि नास ॥
निंदा नहि अरु विष्णु की यातें ऊपर आहि । प्राकृत करिके मानियें विष्णु कलेवर ताहि ॥
जोई ईश्वर तत्व है ज्वलित ज्वलन सम होय । है स्वरूप इमि जीव कौ विस्फुलिंग कन जोय ॥
जीव तत्व हरिशक्ति है शक्तिमान प्रभु तत्व । गीता विष्णु पुरान छाँ है जु प्रमान महत्व ॥
तथाहि गीतायां—

अपरेषमितस्त्वन्यां प्रकृतिं विद्धि सामिकां । जीवभूतां महाबाहो यथेदं धार्यते जगत् ॥

विष्णु पुराणे—

विष्णुशक्तिः परा प्रोक्ता क्षेत्रज्ञाख्या तथापरा । अविद्या कर्म संज्ञान्या तृतीया शक्तिरिष्यते ॥

जीवतत्व ऐसो जु तिहि लिख्यो जु तिहि परतत्व । आच्छादित किय श्रेष्ठ जो ईश्वर कौ जु महत्व ॥
व्यास सूत्र के मध्य परिणाम बाद करि सोय । व्यास आंत कहि तहां तिहि बाद उठायो जोय ॥
प्रभु परिणाम जु बाद मधि होय विकारी आहि । विवर्त्तवाद थाप्यो तहां ऐसैं कहिके ताहि ॥
परिणामहि जो बाद है वास्तव वहै प्रमान । आत्मबुद्धि जो देह में यहै विवर्त्त स्थान ॥
युत अविचिन्त्य जु शक्ति है श्रीभगवान जु नाम । इच्छा करि जगरूप सौं पावै है परिणाम ॥
तऊ अचिन्त्य जु शक्ति तहें है अविकारी आहि । प्राकृति चिंतामणि तहां धर्यो निदरसन ताहि ।
चिंतामणि सौं होत हैं रत्नरासि बहु जोय । चिंतामणि जु स्वरूप करि तऊ जु अविकृत सोय ॥
जो प्राकृतिहि वस्तु सो शक्ति अचिन्त्य जु आहि । प्रभु अचिन्त्य शक्ति जु तहां कौनो विस्मय नाहि ॥
महावाक्य औ वेद कौ है सो प्रणव निदान । प्रभु स्वरूप ही प्रणव है विश्वधाम सब जान ॥
सर्वाश्रय प्रभु कौ जु सो करै प्रणव उद्देश । है जु तत्वमसि वाक्य जो सो जु वेद इक देश ॥
महावाक्यता प्रणव की आच्छादन करि जोय । महावाक्य करि तत्वमसि स्थापन कौनो सोय ॥
सर्व वेद औ सूत्र के करै कृष्ण अभिधान । मुख्यावृत्ति हि छाड़ि किय लक्षण करि विरूपान ॥
सहजहि वेद प्रमान है और सिरोमनि ताहि । निज प्रमानता हानि भो किये लक्षणा आहि ॥
इहि सम सब सूत्रनि सहज अर्थ छाड़ि करि जोय । गौण अर्थ व्याख्या सब करी कल्पना सोय ॥
याही मत प्रति सूत्र सब प्रभु जु दूषण दीय । चमत्कार सुनि कैं भयो संन्यासिन को दीय ॥
तिनसौं संन्यासी सकल कहे सुनौ श्रीपाद । अर्थ कबहूँ जो मुख्य तुम है सो नहीं विवाद ॥
आचारज कल्पित अरथ सब यह हमकाँ ज्ञान । संप्रदाय अनुरोध तिहि तऊ करै सनमान ॥
मुख्य अर्थ व्याख्या करी देखें तुम बल जोय । मुख्य अर्थ करि सूत्र सब दिये लगाय जु सोय ॥
ब्रह्म कहिय वस्तु जु ब्रह्म कौ हैं श्री भगवान । पडैरवर्य करि पूर्ण पर तत्व धाम तें जान ॥
है स्वरूप ऐश्वर्य तिहि नाही मायागंध । तेहें श्री भगवान सब वेदनि कौ संबन्ध ॥१२०॥

निर्विशेष निनकी कयी नहि विच्छक्तिहि मानि । मानौ अर्धस्वरूप नहि पूरणता की हानि ॥
 प्राप्त होत भगवान की जे करिये नु उपाय । श्रवणादिक औ भक्ति जो है प्रभु प्राप्ति सहाय ॥
 सब ही वेदनि की वही है अभिषेय सुनाम । नवधा साधन भक्ति तें होय प्रेम उदाम ॥
 कृष्ण चरन मधि जो कर्भु होय प्रेम अनुगम । अन्यत्रहि श्रीकृष्ण विनु रहै नही तिहि राम ॥
 पंचम पुरुषारथ वही प्रेम महाधन आहि । करै कृष्ण माधुर्यरस आस्वादन जन ताहि ॥
 प्रेमाहीने होय हरि निज भक्तनि वग आहि । प्रेमाहीने पाइये सेवा सुख रस ताहि ॥
 अभिषेय नु संबंध औ नाम प्रवोजन जान । इनही तीनों अर्थ मधि सूत्रनि पर्यवसान ॥
 सब सूत्रनि की इही विधि सुनि नीके व्याख्यान । बोले संन्यासी सकल विनै होय करि मान ॥
 तुम मूर्ति ही वेदमय नारायण निज सोय । चमा करी अपराध किय पहिले निंदन जोय ॥
 तबही ते फिरि मन गयी संन्यासिन की आहि । कृष्ण कृष्ण यह नाम जो सदा उचारै ताहि ॥
 इही मानि सबको प्रभु चमा कियो अपराध । कृष्ण नाम सबहीनकी कियो प्रसाद अगाध ॥
 तब सब संन्यासी महाप्रभु संग लै चाय । भिजा करि नु सशनि के मध्य तिन्हें बैठाय ॥
 भिजा करिके महाप्रभु आवे घर तिहि काल । हमि लीला अद्भुत करे सुन्दर गौर दयाल ॥
 तब चन्द्रशेखर नु श्री मिश्र तपन नु आहि । आनन्दित मन दुहुनि के सुनि अरु देखि सुताहि ॥
 आवै संन्यासी सकल प्रभु के दरसन चाय । करै प्रणामा सब पुरी प्रभु नु की करी माय ॥
 आवे गुरि वाराणसी महाप्रभु चैतन्य । पुरी सकल सब लोक भी ताही तें अति धन्य ॥
 लव लव आवै नु जन प्रभु के चरणनि चाय । द्वार प्रवेश न करि सकें होय भीर अधिकाय ॥
 विश्वेश्वर के दरम की जव श्री प्रभु नु जाय । लाख लाख जे लोग हैं मिलै आय तिहि ठाय ॥
 स्नान करन की जाय जव प्रभु नु गंगतीर । आवै लोक तब सकल होय तहां ई भीर ॥
 उर्ध्वाह्व बोले प्रभु हरि हरि हरि कहु लोय । करै लोक हरि धुनि सर्व भरे स्वर्ग भुव जोय ॥
 निस्तारपी सब लोक प्रभु मयी चलन को दीय । इन्दावन की प्रभु तबै पटै सनातन दीय ॥
 कोलाहल बहु लोक की निमि दिन लखि प्रभु चाय । छाँड़ि तबै काली चलै नीलाचल की घाय ॥
 यह मुनीला कहीने आगे करि विस्तार । इहाँ कही मंचेय करि पाय प्रमंग विचार ॥
 पंचतत्व हमि रूप है महाप्रभु चैतन्य । प्रेम नाम श्री कृष्ण की दीयो विश्व किय धन्य ॥
 मथुरा की पठये नु श्री रूप सनातन दीय । दोऊ सेनापतिनु किय भक्ति प्रचारण सोय ॥
 नित्यानंद गोस्वामि की पठयी गौड नु देस । भक्ति प्रचार तिन्हें कियो तहां अशेष विशेष ॥
 आपुन दक्षिण देस की गमन कियो नु विचार । ग्राम ग्राम में कियो प्रभु नाम प्रचार अपार ॥
 सेतुबंध पर्यंत प्रभु कियो नु भक्ति प्रचार । कृष्ण प्रेम की दे तिन्हें किय सब की निस्तार ॥
 पंचतत्व की यह कयी नीके करि विख्यान । होय नु पाके सुनत ही गौरतत्व की ज्ञान ॥

प्रभु नु नित्यानंद श्री श्री अद्वैत नु जोय । श्री वासादि गदावर नु श्रीर मङ्गल सोय ॥
 चरन कमल तिनि सर्वान के करि दण्डांत अपार । जेमें तेमें कहु कयी श्री चैतन्य विहार ॥
 रूप सनातन जीव रघुनाथ चरण जिहि वाम । गौर चरित कहु कहत हीं कृष्णदाम तिहि दाम ॥
 रूप सनातन जगत हित सुबल श्याम पद आस । प्रभु चरितामृत की लिखी श्रवणादि प्रकास ॥

इति श्री चैतन्यचरितामृते आदिखण्डे पंचतत्व लक्षणं नाम सप्तम परिच्छेदः ॥१४॥

अष्टम परिच्छेदः

चन्दे चैतन्यदेवं तं भगवन्तं यदिच्छया । प्रसन्नमूर्त्यते चित्रं लेखरते तद्वैजयन्तम् ॥

जय जय श्री चैतन्य नु गौरचंद रसकंद । जय जय परमानन्दमय जय श्री नित्यानंद ॥
 जय अद्वैताचार्य नु जय जय कृपा स्वरूप । जय श्री परिहृत गदावर प्राणय महा अनुप ॥
 जय जय जय श्री वाम नु आदि भक्त गन सार । प्रगत होय बंदीं सर्वान चरन कमल निरधार ॥
 इनि सब के सुमिरे करे मूक कवित सुधार । पंगु लैये गिरि अंध हैं उड़गल लखै अपार ॥
 इन सब की माने नही पंडित सब जे आहि । विद्या पढ़िवा मेक की कोलाहल है ताहि ॥
 इन सबको माने नही कृष्ण भक्ति करि जोय । कृष्ण कृपा तिनपै नही नहि निनकी गति होय ॥
 पहिले जेमें राजगन जगामिन्यु मुख जोय । वेद धर्मने करे अरु विष्णुहि पूजे सोय ॥
 ये नहि जाने कृष्ण की ताने दैत्य समान । माने नहि चैतन्य ये दैत्य तिन्हें स्वी जान ॥
 मोको मानेंगे न सब लोक होय गी नाम । ताही लिये कृपा नु करि लीनी प्रभु संन्यास ॥
 नमस्कार मम करैगे संन्यासी नु विचारि । तऊ दोष सब नासि दे दे है तिहि निस्तार ॥
 प्रभु नु ऐसे कृपा मय जे न भजे जन ताहि । सर्वोत्तम हैं तऊ नु वे अमुर गमन है जाहि ॥
 याही तें फिरि फिरि कही उर्ध्वाह्व में होय । प्रभु नित्यानंदहि भजी तबि कृतक है जोय ॥
 जो कबहुँ तार्किक कहें तर्क सोइ नु प्रमान । तर्क शास्त्र करि सिद्ध जो मेव्यधाम मो जान ॥
 गौर कृष्ण की दया की नीके करी विचार । किये विचार हि लईगे चमत्कार निरधार ॥
 बहुत जन्म लागि करे जी श्रवण कीर्तन जोय । तऊ नहि पार्य कृष्ण के चरण प्रेमधन सोय ॥
 तथाहि पाद्ये - ज्ञानतः सुतमा मुक्ति मुक्तिर्वैजयंति पुरयतः । सर्व साधन सादसै हरिभक्तिः सुदुर्लभा ॥
 भक्ति मुक्ति दे भक्त की कृष्ण नी नु छुटिजाय । प्रेम नु कबहुँ देय नहि राखै ताहि दुराय ॥

तथाहि श्री भागवते—राजन्पति मुँह रत्न भवतां यदूनां देवं प्रियः कुलपतिः कच किकरो वः ।
अस्त्वेवमंगभजतां भगवान्मुकुन्दो मुक्तिं ददाति कर्हिचित्स्म न भक्तियोगं ॥

कवित्त—

ऐसी प्रेम श्री चैतन्य नित्यानंद जाहि ताहि जैसें तैसें दियो कियो नाहिने विचार है ।
जगई माधाई लौं सु औरन की कहा बात ईश्वर स्वतंत्र दुर्यौ प्रेम कौ भण्डार है ।
दीनों है लुटाय जाकौं ताकौं न विवेक कियो देख्यौ अवह लौं तिन महिमा अपार है ।
लेय जो चैतन्य नाम कृष्ण प्रेम कंप रोम विह्वल सो होय अति वहै अश्रुधार है ॥

दोहा—

श्रीनित्यानंद कहत ही हरि प्रेमोदय होय । सकल अंग अकुलाय दग वहै सुरधुनी सोय ॥
कृष्ण नाम अपराध कौ मन में करे विचार । अपराधी जे कहैं हरि होय न प्रेम विकार ॥

तथाहि श्री भागवते—तदश्मसारं हृदयं वतेदं यद्गृह्यमाणै हरिनामधेयैः ।

न विहियेताथ यदाविकारो नेत्रे जलं गात्ररुहेषु हर्षः ॥

एक कृष्ण नाम जु करे सब पापन कौ नाश । कारण है जो प्रेम कौ करे जु भक्ति प्रकाश ॥
उदय प्रेम कौ होय जब करे सु प्रेम विकार । स्वेद कंप पुलकादि अंग गद गद आँखधार ॥
अनायास संसार छय हरिसेवन तें होय । कृष्ण नाम इक फल इतो धन पैयतु है सोय ॥
कृष्ण नाम ऐसी जु तिहि कोऊ लै बहुवार । तऊ न प्रेमा जो उदय होय न आँखधार ॥
जानिय तब ताकै जु अपराध प्रचुर है कोय । कृष्ण नाम जो बीज तिहि तहां न अंकुर होय ॥
श्री प्रभु नित्यानंद के ये सब नहीं विचार । नाम जो लेहीं देहि तिहि प्रेम वहै दगधार ॥
प्रभु ईश्वर जु स्वतंत्र है है अत्यन्त उदार । तिनहूँ को जो भजौ नहिं नाहिं कभूँनिस्तार ॥
सुनौ लोक सब मूढ़ ही मंगल श्री चैतन्य । श्री प्रभु महिमा जानियौ याही तें अतिधन्य ॥
हरिलीला भागवत के वक्ता वेदव्यास । गौरचरित के व्यास हैं श्रीवृन्दावनदास ॥
श्री वृन्दावनदास किय प्रभु कौ मंगल जोय । जाके सुनें विनासई सबै अमंगल सोय ॥
श्री प्रभु नित्यानन्द की जानिय महिमा ताहि । कृष्ण भक्ति सिद्धांत की सीमा लहियै ताहि ॥

कवित्त—

भक्ति की सिद्धांतसार कसौ जितो भागवत । इहां सोई लिख्यौ तातें करिकें उद्धार हैं ।
श्री चैतन्य मंगल जो म्लेच्छ औ पाखंडी सुनें सोऊ महा भागवत होय तिही वार हैं ।
ऐसे ग्रन्थ रचना की नाहिन मनुष्य शक्ति तिन मुख है करिकें वक्ता निरधार हैं ।
वृन्दावनदास पाद कोटि नमस्कार जिन्हीं ऐसी करि ग्रन्थ तार्यौ सब ही संसार हैं ।

दोहा—

नारायणी जु गौर की है उच्छिष्ट निवास । तिनके गर्भहि जम्म लिय श्री वृन्दावनदास ॥

चैतन्य चरित वर्णन सु कसौ अद्भुत ताहि । शुद्ध कियो जिहि श्रवण तें सब त्रिभुवन जो आहि ॥
भजौ जु याही तें सबै प्रभु औ नित्यानन्द । खण्डन है है दुःख सब लहि हीं प्रेमानन्द ॥
किय चैतन्य जु भागवत श्रीवृन्दावनदास । प्रभु लीला सब तहां तिहि वर्णन करे प्रकास ॥
प्रथमहि लीला सूत्र करि कीनी ग्रन्थनि आहि । पीछे किय विस्तार करि नीकें विवरण ताहि ॥
गौरचन्द्र लीला उदधि है सु अनन्त अपार । करत करत वर्णन जु तिहि भयो ग्रन्थ विस्तार ॥
मन में कछु संकोच भौं देहि ताहि विस्तार । कछु कछु लीला सूत्र करि धरी न किय विस्तार ॥
नित्यानंद लीलानि कें वर्णन में आवेश । भयो जु लीला शेष प्रभु रसौ जु तिहि अवसेस ॥
सुनिये सो लीलानि कौ जो है विवरण ताहि । वनवासी वैष्णवन कौ उत्कण्ठित मन आहि ॥
वृन्दावन मधि कल्पतरु हेमसदन है जोय । महा जोगपीठ सु तहां रतन सिंहासन सोय ॥
आप ब्रजेन्द्र कुमार जु तहां विराजै ऐन । गोविन्द जु श्री नाम जिहि मूरति बंत सुमन ॥
होय राजसेवा जु तिहि तहां विचित्र प्रकार । अलंकार सब दिव्य तिहि वसन सौंज सब सार ॥
अनुष्ठिन सेवक सहस्र जिहि सेवा करें वनाय । जिन की वदन सहस्र करि सेवा कही न जाय ॥
सेवा के अध्यक्ष हैं श्री पण्डित हरिदास । जिनि को जस गुन जगन सब होय रसौ जु प्रकास ॥
शान्त सहिष्णु सुशील अति औ वदान्य गंभीर । मधुर वचन चेष्टा मधुर दीनबंधु अति धीर ॥
कर्त्ता सब सनमानिकें करे जु सब हित आहि । मत्सर हिंसा कुठिलता चित्त न जानें नाहि ॥
साधारण जे कृष्ण के हैं सद्गुन पंचास । तिनहीं सब सद्गुणनि कौ तिहि शरीर मधि वास ॥

तथाहि श्री भागवते—यस्यास्ति भक्ति भगवत्प्रकिंचना सर्वैर्गुणैस्तत्र समासतेसुराः ।
हरायभक्तस्य कुतो महद्गुणाः मनोरथेनासति धायतो वहिः ॥

पण्डित श्री गोस्वामि के शिष्य अनन्ताचार्य । कृष्ण प्रेम मय तन सुजिहि अति उदार औ आर्य ॥
तिन कें हैं जु अनन्त गुन कैसें करीं प्रकाश । तिन हीं के ए शिष्य हैं पण्डित श्री हरिदास ॥
प्रभु श्री नित्यानन्द मधि जिन कें परम विश्वास । गौरचन्द्र मंगल विपै जिनि कें परम हुलास ॥
गुणग्राही वैष्णवनु के देखें नहिं कछु दोष । काय वाक्य मन करि करें वैष्णव कौ संतोष ॥
गौरचन्द्र मंगल सरस सुनें निरन्तर सोय । तिन हीं कौ जु प्रसाद करि सुनें वैष्णव जोय ॥
कथा सबै उज्ज्वल करे जैसें पूरणचंद । करे जु निज गुण अमृत करि भक्तनि कौ आनन्द ॥
कीनी तिन्हीं कृपा बड़ी आज्ञा मम दिय जोइ । लीला सेस जु गौर की कही लिखन कौ सोइ ॥
काशीश्वर गोस्वामि के शिष्य जे गोविन्द सोय । प्रिय सेवक गोविन्द के तिनते बड़ी न कोय ॥
संगी जे श्री रूप के श्री यादवाचार्य । गौर चरित मधि ते जु अति रंगी बड़े सु आर्य ॥
पण्डित जू के शिष्य भूगर्भ गुसाई सोय । गौर कथा विनु जिहि वदन और बात नहिं कोय ॥
गोविन्द जू के शिष्य तिहि हैं चैतन्य जु दास । मुकुंदानन्द चक्रवै प्रेमी कृष्ण हि दास ॥
वृन्दावन में औ जिते बसें भक्त गन चाप । लीला शेषहि श्रवण कौ भौ सब के मन भाप ॥

मोको आज्ञा करी सब करुणा करिके जोय । तिन ही सब के कहें तें लिख्यो निलज अतिदोय ॥
 भक्तन आज्ञा पाय के हिय विचार किय आहि । गयो मदन गोपाल के आज्ञा मांगन ताहि ॥
 दरसन करिके किगौ मैं बंदन चरन तास । करै पुजारी जु सिवपद तव गुसाईं दास ॥
 आज्ञा मांगी मैं जव प्रभु चरननि के पास । आनि कंट माला दई मोहि गुसाईं दास ॥
 आज्ञा माला पाइके भी आनंद भम हीय । तब ही तिन के ग्रन्थ कौ मैं आरम्भ जु कीय ॥
 मोहि लिखायौ ग्रन्थ यह मोहन मदन गुपाल । है मेरी जो लिखन सो ज्यों शुक पढ़न रसाल ॥
 मोहि लिखायौ तिन्हें जो लिख्यो जो सोई सोय । जैसे प्रतिमा दारु की कुदक नचावै जोय ॥
 कुल अधिदैवत है जु मम मोहन मदन सु आहि । रूप सनातन और रघुनाथहि सेवक ताहि ॥
 श्रीकृष्णदास के चरन कमल करि ध्यान । तिहि आज्ञा लै लिख्यो मैं जातें होय कल्याण ॥
 मूर्ख नीच अति सुद्र मैं विषै लालसा होय । भक्तनि आज्ञा बलहि करि इतनी साहस कीय ॥
 रूप और रघुनाथ के चरन कमल बल जोय । जिनिके सुमिरें सिद्धि सब होय बांछित फल सोय ॥
 रूप सनातन और रघुनाथ चरण जिहि आस । प्रभु चरितामृत कहै सो कृष्णदास तिहि दास ॥
 रूप सनातन जगत हित सुवल श्याम पद आस । प्रभु चरितामृत कौ लिखै ब्रज भाषादिप्रकास ॥

इति श्री चैतन्यचरितामृते आदिष्वष्टे आज्ञानिरूपणं नाम अष्टमपरिच्छेदः ॥४१॥

नवम परिच्छेदः

तं श्रीमच्छास्त्रचैतन्यदेवं बन्दे जगद्गुरुं । चरयानुकम्पया स्वापि महाविधिं संतरेत्सुखं ॥

जय जय श्री चैतन्य जू गौरचन्द्र मुखकंद । जय जय अर्द्धत जू जय जय नित्यानंद ॥
 श्रीनिवास आदि जय जय प्रभु जन गण मुख रास । जिन सुमिरन जु अभीष्ट सब देय करें दुखनाश ॥

श्लोक—मालाकारः स्वयं कृष्णः प्रेमासरतः स्वयं । दाता भोक्ता तत्फलानां यस्तं चैतन्यमाश्रये ॥

प्रभु जो कछी धर्यो जु हम विश्वम्भर यह नाम । नाम सु मार्थक होय तब भर्यो विश्वसुखधाम ॥
 यो विचारि के लियौ प्रभु मालाकार जु धर्म । नवद्वीप आरम्भ किय फल उद्यान जु कर्म ॥
 माली श्री चैतन्य जू लाय भूमि मधि जोय । रोप्योमुरुतरु भक्ति कौ इच्छा सींची सोय ॥
 जय जय श्री माधवपुरी कृष्ण प्रेम के पूर । भक्ति कल्पतरु के जु है तिहीं प्रथम अंकूर ॥
 अंकुर सो अति पृष्ठ भो ईश्वर पुरी स्वरूप । स्कंध प्रगट भी आपु प्रभु माली परम अनूप ॥
 स्कंध भये निव शक्ति करि आपुन माली जोय । स्कंध सकल साखा जु कौ मूल आश्रय सोय ॥
 परमानन्द पुरी जु श्री केशव मारति सोय । श्री ब्रह्मानन्द भारती ब्रह्मानन्दपुरी सोय ॥

विष्णुपुरी केशवपुरी पुरी जु कृष्णानंद । श्री नृसिंह तीरथ पुरी सुखानंद सुखकन्द ॥
 एई नव मूल जु सुद्ध निकसी तरे जु ताहि । इनही आठन मूल तरु निखल कियो जु आहि ॥
 धीर सु परमानन्दपुरी मध्य मूल है ताहि । इनही नव मूलन जु तरु सुस्थिर कियो जु आहि ॥
 स्कंधनि ऊपर बहुत ही शाखा निकसी जोय । उपरि उपरि साखा जु तिहि अगनित भक्ती सोय ॥
 बीस बीस शाखानि किय एक एक मंडल खंड । महा महा शाखानि सब छापी सब ब्रह्माण्ड ॥
 एक एक साखानिते उपशाखा शत आहि । उपजो जिती सुकहाँ लीं गणना करी सुताहि ॥
 साखा ऊपर वृक्ष के स्कंध भयो है दोय । एक नाम अर्द्धत जू अरु नित्यानंद सोय ॥
 मुख्य मुख्य साखा जु गण नाम गणन जो आहि । आगे करि हैं सुनी अब वरान वृक्ष सु ताहि ॥
 शाखागण उपज्यो जु तिहि दुहुँ स्कंधते आहि । छाये गयो सब ही जगत उपसाखा गण ताहि ॥
 बड़ शाखा साखा जु उप उपसाखा है आहि । व्यापि गयो सब जगत सो कहा लिखो कहि ताहि ॥
 शिष्यनि जिते प्रसिष्य तिहि श्री उपसिष्य समूह । छाये गयो सब जगत जिहि गणना है जु दुह ॥
 जैमें वृक्ष उडुंवर जु सब अंग फलै जु आहि । सबटां इहि विधि भक्ति तरु फल लागत है ताहि ॥
 स्कंध मूल शाखा जु के उपसाखा के वृन्द । लागै तिन जे प्रेम फल अमृत तुल्य रसकंद ॥
 पाके जे बहु प्रेम फल मधुर अमृत ते आहि । बांटे दिये माली जु प्रभु मोल न लीनी ताहि ॥
 उत्तम धन अरु रतन मनि जिते त्रिलोकी आहि । एक एक फल मोल करि गणना नाहिन ताहि ॥
 मांगे के मांगे नही कौड पात्र अपात्र । याकी नही विचार जिहि जाने देवी मात्र ॥२५॥
 भरि भरि अंजुली फलनि कौ फेंकें दिसानि चारि । लै लै खांय जु रंक त्यौ माली हंसै उदार ॥
 वृक्ष अलौकिक यह करै सब इन्द्रिय कौ कर्म । स्थावर हूँ के धरत है यह जंगम कौ धर्म ॥
 अंग जिते या वृक्ष के सर्व सचेतन सोय । बड़ के व्याप्यो सर्व तब सकल भुवन है जोय ॥
 मालाकार जु एक लीं कहां कहां लीं खाव । कितेक फलनि उठाइके हीं एक लीं लुटाव ॥
 अरु एक लै उठाय के देत परिश्रम होय । कोऊ पार्व नहि कोउ रई यहै भ्रम सोय ॥
 याही तें मैं सबनि कौं आज्ञा दीनी आहि । जहां तहां ए प्रेम फल देहु जाहि अरु ताहि ॥
 माली जीं हीं एकलीं केतिक ये फल खाव । कहां करी जो देहु नहि धरिबे कौं नहि ठाव ॥
 अपनी इच्छा अमृत करि सींच निरन्तर ताहि । ताही तें अक्षय जु फल उपर तरु के आहि ॥
 याही तें सब फलनि कौं देहु जाहि अरु ताहि । अजर अमर यह लोक सब होय खायके जाहि ॥
 पुण्य स्याति हूँ है जु सब जगत भरंगी सोय । सुखी होय सब लोक मम कीर्ति गाय है जोय ॥
 भारत भूमि में भयो जिहि जन्म मनुष्य सुसार । यहै सुफलता ताहि तिहि करै जु पर उपकार ॥
 तथाहि श्री भागवते—

एसावन्जन्म साफल्यं देहिनामिह देहिषु । प्राणैर्वैर्धिया वाचा भवेत्साधनं सदा ॥

माली मालुष हों जु मम राज्य भूमि धन जोय । दै फल फूलन करत हों पुण्य उपाजैन सोय ॥
माली हों के वृक्ष भौ यह इच्छा करि सोय । तरु ही तें उपकार जो सब प्राणिन कों होय ॥
तथाहि श्री भागवते—

अहो एषा वरं जन्म सर्वप्राण्युपजीवनम् । सुजन्मस्येव येषां वै विमुखा गान्ति नार्थिनः ॥

यहै आज्ञा करि जवै प्रभु जु मालाकार । पायो आनंद परम तब सकल वृक्ष परिवार ॥
जहां तहां तेई करै दान प्रेम फल सोय । प्रेम फलनि कौ स्वादु सुख व्याप्यो सब ठां जोय ॥
महामादक सु प्रेमफल उदर जु भरि भरि खाय । मतवारे भौ लोक सब नाचै हमैं जु गाय ॥
कोऊ लोटै जाय गड़ि कोऊ करै हुंकार । भये जु हर्षित देखिके हंसैं जु मालाकार ॥४२॥
यहै प्रेम फल खाय कैं एई मालाकार । निरवधि मातो रहत है विहवल विवस अपार ॥
सब लोकनि कों मत्त किय आपुन ही जु समान । प्रेम मत्त सब जन रहै देखत नहि कछु आन ॥
जिन्हों प्रथम निन्दा करी मतवारो कहि जाहि । तेऊ नाचै खाय फल साधु साधु कहि ताहि ॥
भक्ति वृक्ष की प्रेम फल वितरण कसौ जु ताहि । फलदाता कौ सुनहु अब जे साखा गण आहि ॥
रूप और रघुनाथ के चरननि की करि आस । प्रभु चरित्र कछु कहत हैं कृष्णदास तिहि दास ॥
रूप सनातन जगत हित सुबल श्याम पद आस । प्रभु चरितामृत कों लिखैं ब्रजभाषाहि प्रकास ॥

इति श्री चैतन्यचरितामृते आदिखण्डे भक्तिकल्पवृक्षावर्णनो नाम नवमपरिच्छेदः ॥४३॥

दशम परिच्छेदः

चैतन्यचरणाम्भोजमधुपेभ्यो समो नमः । कथञ्चिदाश्रयाज्ञेयां स्वापि तद्गन्धभागमेवेत् ॥
जय जय श्री चैतन्य जू जय श्री नित्यानंद । जय अद्वैताचार्य जू जय प्रभु भक्तनिवृन्द ॥
यह माली यह वृक्ष की कथा अकथ्य है सोय । सुनौ जु अब सब मुख्य करि साखाविचरणजोय ॥
प्रभु जू के जे पारिपद गण समूह है जोय । गुरु लघु भाव जु तिनहि मधि है निश्चै नहिं सोय ॥
जिन जित कीनों महत जन गणना तिहि सब आहि । गुरु लघु क्रम जो तिनहिकी सकैं न करिकैं ताहि ॥
याही तें तिन सबन कों नमस्कार करि तोष । नाम मात्र ही लेत हों लीजै नहिं मम दोष ॥

तथाहि—वन्दे श्रीकृष्णचैतन्यप्रेमामरतरोः प्रियान् । सासारूपान्भक्तगणान्कृष्णप्रेमफलप्रदान् ॥

श्री निवास पण्डित सरस अरु पण्डित श्री राम । विवि भाई साखा जु हैं जगत विदितगुणधाम ॥
श्रीपति श्री निधि तिनहि के है जु सहोदर दोय । गृह परिकर दासादि सब चारण कों है सोय ॥
तिन दोऊ शाखानि की उपशाखा सब जोय । संकीर्तन तिनके जु गृह प्रभु के सदा जु होय ॥

चारों भाई वंशयुत करैं जु प्रभु की सेव । गौरचन्द्र विनु और नहिं जिनि कैं देवी देव ॥
श्री आचारज रत्न जू इक बड साखा आहि । तिन कौ परिकर शिष्य जे उपसाखा है ताहि ॥
श्री आचारज रत्न कौ ससिशेखर है नाम । नाचै देवो भाव करि प्रभु जू तिन के धाम ॥
पुण्डरीक विद्या जु निधि तिहि बड साखा जानि । प्रभु जू तिन कौ नाम लै क्रन्दन कियो प्रमानि ॥
तिन की बड़ि साखा गदाधर पण्डित जू सोय । ते हैं लक्ष्मी रूप निज तिन सम और न कोय ॥
तिन जु शिष्य उपशिष्य सब उपसाखा हैं ताहि । इही भांति शाखानि उप साखा लिखन जु आहि ॥
वक्रेश्वर पण्डित जु हैं प्रभु के बड़ प्रिय भृत्य । एक भाव करि चारि औ बीस पहर जिहि नृत्य ॥
नृत्य समे जिहि महाप्रभु आपुन गावै आहि । प्रभु जू के पद धरि कहैं यों वक्रेश्वर ताहि ॥
दश सहस्र गंधर्व मम देहु चन्द्रमुख जोय । ते गावैं नाचैं जु हों तब मेरें सुख होय ॥
कहैं जु प्रभु तुम पक्षम साखा इक सुख राशि । पाऊं पांख जु और जो तौ उड़ि जाऊं अकाश ॥
पण्डित जगदानन्द जू प्रभु के प्रान स्वरूप । तिन कों लोक कहैं जु सब सतिभामा कौ रूप ॥
प्रभु कौ चाहौ कियो जे लालन पालन आहि । प्रभु वैराग्य जु लोक भय कबहुं न माने ताहि ॥
परै खटपटी दुहुनि में भगरी होय सु आहि । तिन की प्रीति कथा जु सब आगे कहि है ताहि ॥
राधव पण्डित गौर के अनुचर मुख्य हैं जोय । तिहि उपसाखा एक है मकरध्वज कहि सोय ॥
दमयंती भगिनी सुतिहि प्रभुदासी है आहि । करैं सौंज सब भोग की द्वादश मासहि ताहि ॥
सो सब सामग्री जिती भरि पिटारि के माहि । राधव भाली कहैं सब यह प्रसिद्ध है ताहि ॥
तिनि सब सामग्रीनि कौ करिहैं अग्र विचार । जिनि कें सुनैं जु भक्ति करि बहै अभुकी धार ॥
प्रभुजू के अत्यन्त प्रिय पण्डित गदाधरदास । जिनि कें सुमिरैं होत है सब बन्धन कौ नाश ॥
श्री आचार्य पुरन्दर प्रभु के पार्षद सोय । बोलैं जिन कों पिता करि गौर महाप्रभु जोय ॥
दामोदर पण्डित जु तिहि शाखा प्रेम प्रचण्ड । प्रभु जूह कौ जिन्हें कियो वाक्यरूप करिदंड ॥
दण्ड कथा आगे जु तिहि कहि है करि विस्तार । नवद्वीप प्रभु तुष्ट हैं पठयो तिन्हें विचार ॥
साखा तिन के अनुज हैं संकर पण्डित आहि । प्रभु पद के उपधान करि नाम विदितहै ताहि ॥
अरु पण्डित श्री सदाशिव जिहि प्रभुपद की आस । पहिले नित्यानंद कों जिनके घर में वास ॥
सेवक श्री नरसिंह के बहु प्रद्युम्न जु आहि । नाम नृसिंहानन्द करि प्रभु जू धरयो जाहि ॥
नारायण पण्डित जु प्रभु साखा एक उदार । जिन के प्रभु के चरण विनु और न कछु विचार ॥
अरु पण्डित श्रीमान जू साखा प्रभु निज भृत्य । दीबट धरें जु हाथ जब प्रभु जू करैं सुनृत्य ॥
शुक्लाम्बर बड हैं जु ते भागवान बड आहि । अन्न मांगि अरु काहिकैं प्रभु जू खायौ ताहि ॥
जगत विदित शाखा जु तिहि श्रीनंदन आचार्य । जिनके गृह में रहे दुरि विवि प्रभु सब के आर्य ॥
मुकुंददत्त साखा प्रभु अरु स्वाध्यायी ताहि । नृत्य करहि जिहि गान मदि गौर महाप्रभु आहि ॥
वासुदेव दत्त जु महा आसय प्रभु के दास । सहस्र बदन करि गुणनि कौ कथन होहि नहि तास ॥

जिते जीव सब जगत के लैं तिन पापनि जोय । चाहैं भोग्यों नरक कौं जीव छुटावौ सोय ॥
 साखा श्री हरिदास जू अद्भुत चरित जु सोय । तीन लख हरि नाम ते निरपराध लैं सोय ॥
 तिन के गुन जु अनन्त दिगदरसन करौं तु ताहि । श्राद्धपात्र आचार्य जू भुगतायौ जिन आहि ॥
 हैं जु सदृश प्रह्लाद की जिहि गुन के जु तरंग । जवननि ताडन किय तऊ भयौ नहीं अ भंग ॥
 पाइ सिद्धि जिन्हों तबै देहि अंक लैं ताहि । नृत्य कियौ चैतन्य प्रभु महाकुतूहल आहि ॥
 और जु कुलीन ग्राम जन तिहि उपसाखा जोय । सत्यराज हूँ आदि तिहि कृपा पात्र है सोय ॥
 तिहि लीला नीकें कही श्री वृन्दावनदास । जो अवसेस रही जु तिहि करि हैं फेरि प्रकास ॥
 प्रभु के गुप्त मुरारि हैं गुप्त प्रेम भण्डार । प्रभु कौ हृदय द्रवै सुनें जिनि कौ दैन्य अपार ॥
 करैं नहीं जु प्रतिग्रह परधन लेय न सोय । करैं कुडम्ब कौ भरन हूँ आत्मवृत्ति करि जोय ॥
 करैं चिकित्सा रोग की सदय हृदय है जाहि । देह रोग भव रोग जिहि नाश होय विवि ताहि ॥
 मानसेन श्री है महाप्रभु के भक्त प्रधान । श्री चैतन्यजु चरन विनु जानें नहि कछु आन ॥
 साखा सर्वोपरि जु है नाम गदाधरदास । काजी गन के मुखहि हरि नाम कहायौ जास ॥
 श्री सिवानन्द सेन प्रभु भृत्य अन्तरंग जोय । चलै जवै जु समीप प्रभु सबै संग लैं सोय ॥
 सिवानन्द प्रतिवर्ष ही प्रभुगन लैं सब संग । श्रीनीलाचल चलन मग पालन करैं अभंग ॥
 इक समान देखें सकल जन साक्षात जु सोय । नकुल ब्रह्मचारी वपुहि प्रभु आवेश जु होय ॥
 ब्रह्मचारि प्रद्युम्न के आगे आविर्भाव । इमि जु अलौकिक कर्म प्रभु हैं जु अनेक स्वभाव ॥
 ये सब रस आस्वाद किय सिवानन्द रसकंद । कहियै ये विस्तार करि आगे सब आनन्द ॥
 सिवानन्द जू की सु उपसाखा परिकर ताहि । पुत्र भृत्य सब आदि ये प्रभु के अनुचर आहि ॥
 इक चैतन्य जु दास है रामदास पुनि जोय । कर्णपूर ये तीन सुत सिवानन्द के सोय ॥
 एक जु वल्लभसेन है औ जु सेन श्रीकांत । सिवानन्द सम्बन्ध करि प्रभु के भक्त एकांत ॥
 गोविन्दानन्द प्रभु प्रिय महाभागवत जोय । गोविन्ददत्त सु आदि द्वै प्रभु कीर्तनिया सोय ॥
 विजयदास जिहि नाम है प्रभु के लेखक जोय । पोथी दई अनेक ह प्रभु कौ लिखि लिखि सोय ॥
 रत्नबाहु करि महाप्रभु नाम धर्यौ है ताहि । कृष्णदास प्रभु प्रिय बड़े है जु अकिंचन आहि ॥
 दोना बेचा जु श्रीधर प्रभु जू के प्रियदास । जिन के संग महाप्रभु करैं नित्य परिहास ॥
 पण्डित श्री भगवान है प्रभु के अति प्रिय दास । पहिले कृष्ण जु देह में भये अधिष्ठित जास ॥
 पण्डित श्री जगदीश औ महाशय जो हिरन्य । कृपा करी जिहि बाल्य ही दयारूप प्रभुधन्य ॥
 जिन ही दोनां गेह प्रभु दिन एकादाश आहि । आपुन खायौ मागि कें विष्णु निवेदन जाहि ॥
 पुरुषोत्तम संजय जु श्री प्रभु पटुवा है जोय । मुख्य शिष्य व्याकरण के दोष महाशय सोय ॥
 बनमाली पण्डित जगत मधि विख्यात है जोय । सुवरन मृसल हल जु तिहि देखें प्रभु कर सोय ॥
 प्रिय है श्री चैतन्य के वृद्धिमंत श्रीखान । आज्ञाकारी जन्म ते प्रभु सेवक जु प्रधान ॥

लेहि नाम मंगल सदा पण्डित गरुड़ जु आहि । नाम अमृत केवल जु करि विहवल कियौ न जाहि ॥
 गोपीनाथ जु सिंह इक प्रभु जू के है दास । प्रभु जू तिन्हें अक्रूर करि करैं सदा परिहास ॥

कवित्त—

देवानन्दी भागवती चक्रेश्वर कृपाते जु भागवत भक्ति अर्थ प्रभु जू सों पायो है ।
 खण्डवासी श्री मुकुन्ददास रघुनंदन जु नरहरीदास महाप्रभु मन भायो है ।
 सुलोचन चिरंजीव येइ सब महा साखा महाप्रभु कृपाधाम रस सरसायो है ।
 प्रेम फल फलै सब करैं जहां तहां दान बड़ेई दयाल जस पात पात छायो है ॥

वासी ग्राम कुलीन सत राज औ रामानन्द । पुरुषोत्तम जदुनाथ औ संकर विद्यानन्द ॥

कवित्त—

वाणीनाथ वसु आदि जिते हैं कुलीनवासी महाप्रभु भृत्य सबै प्रभु धन प्रान है ।
 कहैं प्रभु जो कुलीन ग्राम कौ जु कूकर है सोऊ प्रिय मेरी दूरि रहौ जन आन है ।
 कुलीन ग्रामी जन कौ नहीं कहा जाय भाग्य सुकर चरावै सोऊ करै प्रभु गान है ।
 रूप श्री सनातन औ अनुपम येई तीन वृक्ष साख परिचम कौं सबतें प्रधान है ।

रूप सनातन जगत गुरु रस आचारज जोय । तिनहूँ तीनों मध्य ये बड़ साखा है दोय ॥
 श्रीअनुपम जू अनुज तिहि सुत श्रीजीव जु आहि । श्रीराजेन्द्र जु प्रभृति ये उपशाखागन ताहि ॥
 माली इच्छा करि जु ये दोऊ साखा आहि । बहु बड़ि कै परिचम दिशा छाय लई सब जाहि ॥
 लैंकें सिंधु नदि तीर तें और हिमालय जोय । वृन्दावन मथुरा जु सब जिते देस है सोय ॥
 विवि शाखा के प्रेम फल भग्न किये सब लोय । प्रेम फलनि के स्वाद जन भी उनमत्त जु सोय ॥
 पश्चिम के सब लोक हैं अनाचार अतिमूढ़ । तिन हित भक्ति प्रचार किय सदाचार तिहि गूढ़ ॥
 शास्त्र दृष्टि करि तिन्ह किय लुप्त तीर्थ उद्धार । प्रगट कियौ श्री मूर्ति कौ पूजा कौ जु प्रचार ॥
 प्रभु जू के प्रिय भृत्य हैं श्री रघुनाथ जु दास । सबहि त्याग कियौ जिन्हौं प्रभु चरन तल वास ॥
 श्री प्रभु जु सौंप्यौ तिन्हें श्री स्वरूप के हाथ । प्रभु कौ सेवन गुप्त किय श्री स्वरूप के साथ ॥
 अन्तरंग सेवन कियौ सोरह वर्ष बनाय । श्री स्वरूप अप्रगट भे तब वृन्दावन आय ॥
 रूप सनातन दुहुँन के चरन तहां लखि जोय । गोवर्द्धन तें तनु तजौं करि भृगु पतन जु सोय ॥
 आवे यह निर्दार करि वृन्दावन अकुलाय । रूप सनातन के किये तहां जु दरसन आय ॥
 तब दोऊ भाई जु तिनि मरन न दीनो आहि । करिकें भाइ निज तृतीय राखे निकट जु ताहि ॥
 प्रभु जू की लीला जिती बाहिर अंतर आहि । दोऊ जन तिनके जु मुख सुनें निरन्तर ताहि ॥
 त्याग कियौ जल अन्न कौ अन्य कथन हूँ आहि । पल द्वै तीन मठा जु लैं भक्षण करैं जु ताहि ॥
 करैं दण्डवत सहस्र नित लेहि तीन लख नाम । द्वै सहस्र वैष्णवन कौं करैं जु नित्य प्रनाम ॥

निस दिन राधा कृष्ण कौ मानस सेवन आहि । श्री प्रभु जू कौ चरित जो कहैं जाम इक ताहि ॥
अपतित तीनों समय मधि करें कुण्ड अस्नान । ब्रजवासी जन कौ करें आलिंगन सनमान ॥
सार्द सप्त पहेर करें साधन भक्ति जु आहि । चारि दंड निद्रा करें सोउ काहु दिन नाहि ॥
सुनें होत आश्चर्य अति साधन रीति जु ताहि । सो जु रूप रघुनाथ जू मेरे प्रभु हैं आहि ॥
इन सब कौ जैसें भयो प्रभु सौ मिलन सु आहि । कहि हैं बहु विस्तार करि आगे कथा सु ताहि ॥

कवित्त—

संकर है न्यायाचार्य एक शाखा वृत्त की ये काशीनाथ औ मुकुंद उपसाखा जानियें ।
पण्डित श्रीनाथ जू प्रभु के कृपा भाजन हैं कृष्ण सेवा देखि जिहि जगवस आनियें ।
आचारज जगन्नाथ प्रभु जू के प्रियदास आज्ञा पाय जिन्हौं गंगातट वास ठानियें ।
कृष्णदास वैद्य और पण्डित शेखर जू हैं कविचंद्र पष्ठीवर कीर्तनीया मानियें ॥

दोहा—

नाथ मिश्र श्री शुभानंद अरु श्रीराम इतान । श्रीनिधि गोपीकांत जू मिश्र और भगवान ॥
कमल नैन सुवुद्धि जू मिश्र जु हृदयानंद । पण्डित महेस श्रीकर जु मधुसूदन रसकंद ॥

कवित्त—

भक्त पुरुषोत्तम श्री गालिम श्री जगन्नाथदास चंद्रसेखर औ द्विज हरिदास हैं ।
रामदास कविचंद्र और भागवताचार्य ठाकुर सारंगदास भरै प्रेम रास हैं ।
श्री गुगलदास जगन्नाथ तीर्थ विप्र और जानकी जु नाथ प्रभु भक्ति के उजास हैं ।
श्री गोपाल आचारज और विप्र वानीनाथ नाथ हैं अनाथनि के साखा ये प्रकास हैं ॥

वासुदेव गोविंद औ माधव भाई तीन । नाचें जिनके गान प्रभु नित्यानंद रसलीन ॥
मुख्य प्रेम की रासि है राम दास अभिराम । काठ जु सोरह सांगि कौ वंसी किय तिहिवाँ ॥
चले गौड़ नित्यानंद जु प्रभु आज्ञा करि रंग । आये प्रभु आज्ञा जु करि ए तीनों तिन संग ॥
रामदास माधव जु औ वासुदेव ये घोष । गोविंद घोष रहै जु प्रभु संग पाय संतोष ॥
चिरञ्जीव रघुनन्दन जु श्री भागवताचार्य । जदुनंदन कमलाकांत रु श्री माधव आचार्य ॥
माधव जगाई औ कृपा पात्र अति सोय । पावन पतित जु गुन प्रभु ताके साची दोय ॥१००॥
कथन जु किय संक्षेप करि नवद्वीप गन जोय । जन अनन्त चैतन्य के तिन गणना नहि होय ॥
येई सब नीलाचलहि भक्त जु प्रभु के संग । दोऊ ठां सेवा करें प्रभु की नाना रंग ॥
केवल नीलाचल विषे प्रभु जन गन हैं जोय । तिन सब कौ संक्षेप करि करें कथन कहु सोय ॥
नीलाचल मधि संग प्रभु जिते भक्तगन आहि । तिन सब में अघ्यक्ष ये विवि जन मर्महि जाहि ॥
परमानन्द पुरी जु श्री दामोदर जु स्वरूप । प्रभु रहस्य अत्यंत ये विवि जन हैं रसरूप ॥

कवित्त—

गदाधर जगदानंद संकर वक्रेश्वर पण्डित दामोदर ठाकुर हरिदास हैं ।
वैद्य रघुनाथ और दास रघुनाथ आदि संगी पूर्व बड़े भक्त गन रस रास हैं ।
करैं एहि नीलाचल प्रभु जू कौ सेवन ये और जिते गौड़ वासी भक्त गन तास हैं ।
वर्ष प्रति प्रभु जू कौ नीलाचल मिलैं आय करें तहां सेवा प्रभु रहै चारि मास हैं ॥

नीलाचल मधि प्रभुजु कौ प्रथम मिलन भौ जानि । तिनहीं भक्तनि कौ जुअव गणना करिये आनि ॥
सार्वभौम साखा जु बड़ भट्टाचारज आहि । गोपीनाथाचार्य जू भग्नीपति हैं ताहि ॥
कासीमिश्र प्रद्युम्न जू और भवानंदराय । जिनकें मिलैं महाप्रभु पायो सुख अधिकाय ॥
आलिंगन करि महाप्रभु कतौ वचन यह ताहि । पाण्डव तुव पांचौ तनय तुमहो पांडव आहि ॥
रायजु रामानंद पड़ नायक गोपीनाथ । कलानिधियु सुधानिधि औ नायक वाणीनाथ ॥
एई पांचौ पुत्र तुव प्रेमपात्र मम सोय । देह मात्र मम भेद है रामानंद संग जोय ॥
नृप प्रतापरुद्र जू औ रुद्र जु कृष्णानन्द । महापात्र परमानंद जु उड़ सिवानंद चंद ॥
आचारज भगवान औ भारती ब्रह्मानंद । सिखी माहिती माहिती औ मुरारि रसकंद ॥
सिखी माहिती की भगिनी माधवि देवी आहि । राधादासी मध्य है नाम सुगणना जाहि ॥
शिष्य जु ईश्वर पुरी के काशीश्वर बड़ आहि । श्री गोविन्द जु नाम हक प्रिय अनुचर हैं ताहि ॥
सिद्धि प्राप्ति के समै विवि तिहि आज्ञा कौ पाय । नीलाचल के मध्य ते मिलैं जु प्रभु संग आय ॥
किय गुरु के संबंध करि दौउन कौ सनमान । सेवा दीनि दौउन कौ तिहि आज्ञा कौ जान ॥
श्री प्रभु जू गोविन्द कौ सेवा दई निज अंग । समै दस जगन्नाथ के काशीश्वर जू संग ॥
अपरस जायौ चहैं प्रभु तहां नरन की भीर । तिन्हें ठेलि कें पथ करें काशीश्वर बड़वीर ॥
रामाई नंदाई विवि प्रभु किंकर हैं आहि । सेवा ये गोविन्द संग करें निरन्तर ताहि ॥
वाईस बड़ा जल भरै रामाई नित चाय । सेवा करें नंदाई बहु गोविंद आज्ञा पाय ॥
द्विज जो शुद्ध कुलीन है कृष्णदास जिहि नाम । जिहि संग लै दक्षिण गनन कियौनु प्रभु अभिराम ॥

कवित्त—

वलभद्र भट्टाचार्य भक्ति अधिकारी बड़े मधुरा गमन समे प्रभु वाट जोई हैं ।
बड़े हरिदास और छोटे हरिदास महा प्रभु पास रहै सदा कीर्तनिया दोई हैं ।
राम भट्टाचार्य और उड़ सिंहेश्वर जू है तपन आचार्य प्रभु पद मति भोई हैं ।
और रघुनीलाम्बर सिंहाभट्ट कामाभट्ट औ दंतुर सिवानंद प्रभु भृत्य जोई हैं ॥
पूर्व भृत्य जो गौड़ में प्रभु प्रिय कमलानन्द । नीलाचल में रहै ते प्रभु पद सेवानन्द ॥
श्री अद्वैताचार्य के तनय अच्युतानन्द । नीलाचल में रहै प्रभु पद आश्रय रसकंद ॥
गंगादास अलोम औ विष्णुदास रसरस । नीलाचल में ये जु सब संग प्रभु करें निवास ॥

कासी मधि सँग भक्त प्रभु ये तीनों जन जोय । तयन मिश्र जू वैद्य इक शेखर चन्द्र जु सोय ।
मिश्र तयन रघुनाथ हैं भट्टाचारज लेखि । आये प्रभु काशी जवें वृन्दावन कौ देखि ॥
प्रभु चन्द्रशेखर जु गृह किय द्वै मास जु वास । तयन मिश्र के घर प्रभु भिचा किय द्वैमास ॥
बाल्यहिते रघुनाथ जू प्रभु सेवन किय आहि । मांगै तिन की भूँट अरु पद संवाहन ताहि ॥
बड़े भये नीलाचलहि प्रभु समीप गौ जोय । आठ मास रहि भोजन हि कोऊ दिन है सोय ॥
आये श्री वृन्दाविपिन प्रभु आज्ञा कौ पाय । रूप गुसाई के निकट रहै तहां ते जाय ॥
रूप गुसाई तिहि निकट सुनै भागवत निज । प्रभु की करुणा तें जु ते कृष्ण प्रेम में मत्त ॥
इहि विधि संख्यातीत हैं प्रभु जु भक्त गन आहि । कहुं दिग्मात्र लिखे नहीं सम्यक् गणना ताहि ॥
एक एक साखनि के कोटि कोटि लगि डार । तिहि जु शिष्य उपडार हैं तिनहि सिष्य उपडार ॥
सब ही नीके फले अति प्रेम फल फल सोय । कृष्णप्रेम के फलनि में जगत मगन किय जोय ॥
एक एक साखनि की महिमा शक्ति अनन्त । सहस्रवदन करि सकै नहि तिहि सीमा कौ अन्त ॥
कहुं कहै संक्षेप करि प्रभु जू के गन संत । सब गणना तिन की जु तिहि सकै न करि जुअनन्त ॥
रूप सनातन और रघुनाथ चरन जिहि वास । गौर चरितअमृतजु कहै कृष्णदास तिहि हास ॥
रूप सनातन जगत हित सुबल स्याम पद आस । प्रभु चरितामृत कौ लिखै वृजभाषाहि प्रकास ॥

इति श्रीचैतन्यचरितामृते आदिखण्डे मूलस्कंधशाखागणनं नाम दशमः परिच्छेदः ॥१३६॥

एकादश परिच्छेदः

तस्य श्रीकृष्णचैतन्यसत्प्रेमाभिरुचिर्न । ऊर्ध्वस्कन्धावधूतेन्दोः शाखारूपान् गणान्नुमः ॥
नित्यानन्दपदाम्भोजं गान्धर्वमधून्मदान् । नत्वाखिलान् तेषु मुख्या लिख्यन्ते कतिचिन्मया ॥
जै जै जै श्री कृष्ण जू महाप्रभु चैतन्य । जय जै श्री अद्वैत जू जय नित्यानन्द धन्य ॥
श्री नित्यानन्द वृत्त कौ स्कन्ध पुष्ट अति सार । शाखा उपसाखानि कौ तातें भी विस्तार ॥
माली इच्छा जलसु करि बड़ि साखागन सोय । भरि सुप्रेम फल फल करि छाया त्रिभुवन जोय ॥
अगन अनंत जो गणन कौ गणन करै सो कोय । कहींजु आप पवित्र हित मुख्य मुख्यजनसोय ॥
वीरभद्र गोस्वामि जू साखा स्कंध समान । तिहि उपसाखा जिति तिहीं लिखनअसंख्यप्रमाण ॥
ईश्वर होय कहावई महाभागवत जोय । वेद धर्म के विषे नहीं वेद धर्म अति सोय ॥
अंतर ईश्वर की क्रिया बाहिर सौ निदम्भ । मण्डप श्री हरि भक्ति कौ ताके मूल स्तम्भ ॥
अवई प्रकट जु देखिये दया प्रताप जु ताहि । श्री प्रभु नित्यानन्द कौ गार्व सब जग आहि ॥
वीरभद्र गोस्वामि जू चरन सरन लै जोय । जिन ही के जु प्रसाद करि इच्छा पूरण होय ॥

रामदास अभिराम अति और गदाधर दास । श्री प्रभु जू के भक्त ये रहै जु तिनके पास ॥
आज्ञा गौड़ हि जानकी नित्यानन्द कौ कीय । श्री प्रभु येई दोउ जने तब नित साथ हि दीय ॥
याही तें विधि गणनि में गननि द्रुहनि कौ आहि । माधव वासु जु घोष कौ यह विवरन है ताहि ॥

कवित्त—

रामदास अभिराम नित्यानन्द मुख्यसाखा महा प्रेम रासि भरें हिये सख्य भावकें ।
बड़ी एक काठ जुग सोरह उठावें जन वंसी ताकी करी धरी हाथ पै उठायकें ।
गदाधर दास गोपी भावानन्द पूर्ण नित्यानन्द करी दान लीला जिहि गृह जायकें ।
श्री माधव घोष मुख्य कीर्तनियां गण माहि जिहि गान नित्यानन्द नृत्य करै चायकें ॥

वासुदेव जू गान में प्रभु कौ वरणें आहि । द्रवै काष्ठ पापान ह श्रवण किये तें जाहि ॥
प्रभु के दास मुरारि जू करै अलौकिक रंग । मारै व्याघ्र थपेर जे खेलें सर्पन संग ॥
नित्यानन्द के गन जिते ते ब्रजसखा असेश । शृङ्गध्वज शिखि पिच्छ सिर सबै गोप के भेष ॥१५॥
वैद्य उपाध्या है जु रघुनाथ महाशय सोय । जिहि दरसन तें कृष्ण की प्रेम भक्ति हिय होय ॥
है जु सुन्दरानन्द जू सखा भृत्य तिहि मर्म । जिनसौं नित्यानन्द जू करै केलि ब्रज नर्म ॥
कमलाकर पिपलाइ जू चरित अलौकिक सोय । प्रेम अलौकिक जिन्हौ कौ भुवन विदित है जोय ॥
सूर्यदास सरखेल तिहि भाई कृष्ण जु दास । नित्यानन्द सर्वस्व जिहि दियो मुदद विरवास ॥
परिडत गौरीदास तिहि प्रेमोदण्ड जु भक्ति । धरें सु कृष्ण जु प्रेम के दें लें की शक्ति ॥
परिडत ख्याति पुरन्दर जु नित्यानन्द प्रिय सोइ । प्रेम उदधि मधि फिरें ते मन्दिर गिरिलीं जोइ ॥
नित्यानन्द इक सरन जिहि सो परमेश्वर दास । कृष्ण भक्ति पावै सकल सुभिरन किये जु तास ॥
परिडत श्री जगदीस जू सब जग पावन सोय । कृष्ण सु प्रेमासृतनि कौ धन लौं वरसैं जोय ॥
नित्यानन्द भृत्य है पंडित धनंजय सोय । अति विरक्त जग सौं सदा कृष्ण प्रेममय जोय ॥
श्री महेश परिडत जु हैं ब्रज के बड़े गुपाल । नाचैं इका वाद्य करि प्रेम सकै न संभाल ॥
पुरुषोत्तम नवद्वीप के पंडित महासय सोय । जिहि नित्यानन्द नाम ते अति उनमाद जु होय ॥
स्वादी कृष्ण जु प्रेम रस श्री बलवाम जु दास । हैं नित्यानन्द नाम ते अति उनमाद जु तास ॥
कविचन्द्र जु यदुनाथ है महा भागवत आहि । श्री नित्यानन्द जु करै नृत्य हिये में जाहि ॥
कृष्णदास द्विज मुख्य सुराद जन्म है जोय । श्री नित्यानन्द प्रभु जु के किकर परम जु सोय ॥
काले कृष्ण जु दास है भक्त बड़े जु प्रधान । श्री नित्यानन्द चंद्र विनु जाने कछु न आन ॥
श्री जु सदासिव है सु कविराज महाशय आहि । श्री पुरुषोत्तम दास जू हैं जु तनप ये ताहि ॥
है निमग्न आजन्म तें नित्यानन्द पद रंग । लीला बाल्य निरन्तरहि करै कृष्ण के संग ॥
श्री कान्हा ठाकुर जु हैं पुत्र महाशय ताहि । हरि प्रेमासृत पूरि ज्यों रहै देह मधि जाहि ॥

श्रेष्ठ दत्त उद्धरण है महा भागवत सोइ । नित्यानंद पद सेवई सर्व भाव करि जोइ ॥
श्री आचारज वृष्णवानंद भक्ति अधिकार । पूर्वनाम जिहि श्री जु रघुनाथ पुरी सुखसार ॥३५॥

कवित्त —

विष्णुदास नन्दन श्री गंगादास तीन भाई पूर्व जिहि गेह रहै नित्यानन्द राय है ।
नित्यानंद भृत्य है उपाध्याय परमानन्द पण्डित है जीव हित गुन गन चाये है ।
श्री परमानन्द गुप्त कृष्णभक्ति महामति गेह जिहि नित्यानंद वसे भरे भाय है ।
नारायण कृष्णदास मनोहर देवानंद चारौ जन नित्यानंद दास कहै गाय है ॥१॥
नित्यानन्द प्रभु-प्राण है विहारी कृष्णदास नित्यानंद पद विन जानै नहीं आन है ।
नौकटी मुकुन्द सूर्य माधव श्रीधर रामानंद वसु जगन्नाथ महीधर जान है ।
श्रीमत्त गोकुलदास हरि हरानन्द और सिवाई नंदाई दोऊ बड़े ई प्रमान है ।
परमानंद अवधूत वसन्त नवीन होइ गोपाल सनातन रस के निधान है ॥२॥
विष्णुदास हाजरा कृष्णाचार्य श्री सुलोचन जू श्री कंसारि सेन रामचंद्र कविराज है ।
गोविन्द श्री श्रीरंग जू श्री मुकुन्द ये जु तीनों कविन के मांझ काव्य रस के समाज है ।
पीताम्बर श्री माधवाचार्य दास दामोदर संकर मुकुंद ज्ञानदास भक्तराज है ।
मनोहर नर्तक गोपाल रामभद्र और श्री गौरांगदास श्री नृसिंहदास आज है ॥३॥
श्रीमीनकेतन रामदास वृन्दावनदास नन्दन नारायणी के भरे प्रेम रास है ।
भागवत कृष्णलीला करी वेदव्यास आप महाप्रभु लीला आप वृन्दावन दास है ।
सर्व साखा श्रेष्ठ वीरभद्र श्री गुसाईं जू के तिहि उपसाखा जिती गणना न जास है ।
नित्यानंद जू के गन है अनन्त गनै कौन निज सुदृ हेतु कह्य कहै जन तास है ॥४॥

दोहा —

पूरन पाके प्रेमफल ये सब साखा होय । जिहि देख्यो तिहि प्रेम दै दिय बहाय सब लोय ॥
प्रेम अनर्गल सबनकी क्रिया अनर्गल जाहि । प्रेम कृष्ण जग दें में धरै सुवल सब आहि ॥
ये जु बड़े संक्षेप करि नित्यानंद गन जोय । पावै नहि जिहि अवधि कौ सहस वदन हू सोय ॥
रूप समातन और रघुनाथ चरन जिहि आस । गौर चरित अमृत कहै कृष्णदास जिहि दास ॥
रूप सनातन जगत हित सुवल श्याम पद आस । गौर चरित अमृत सु कहै ब्रज भाषाहि प्रकास ॥

इति श्री चैतन्यचरितामृते आदिखण्डे श्री नित्यानन्दशाखावर्णनं नाम एकादश परिच्छेदः ॥४॥

द्वादशपरिच्छेदः

श्री अद्वैताग्रवज्रभृंगान् सारासारभृतो खिलान् । हित्वा सारान्तारभृतो बदे चैतन्यजीवितान् ॥

जय जय प्रभु श्री कृष्ण जू कृपासिन्धु चैतन्य । जय जय नित्यानंद जू ससि अद्वैत जु धन्य ॥
आचारज गोस्वामि तरु स्कन्ध द्वितीय है सोय । तिनकी है साखाजिती तिनको लिखन न होय ॥

श्री चैतन्यामरतरोः द्वितीयस्कन्धरूपिणः । श्रीमद्वैतचन्द्रस्य शाखारूपान्गणान्नुमः ॥

माली गौर दया जु जल तिहि सेवन है जोय । सोई जल करि पुष्ट है दिन दिन बाढ़ै सोय ॥
तिहि स्कन्ध में प्रेम फल उपजे जितेक सोय । कृष्णप्रेम के फलनि हित जगत भरि लियौ सोय ॥
स्कन्ध करें साखानि में जिहि जल करि संचार । फूलै फलै सु बाढ़ै भी साखा विस्तार ॥
आचारज गन मधि प्रथम हु तो एक मत जोय । भये दैव कारन जु करि पाछै मन तिहि दोय ॥
आज्ञाकारी आचार्य कौ कोउ कोउ जु स्वतन्त्र । स्वमत कल्पना करत है ते जु दैव परतन्त्र ॥
सोई मत आचार्य के सोई गन है सार । तिहि आज्ञा कौ लंघि चलै सोई गन जु असार ॥
इहां असार जु नाम सों नहीं प्रयोजन आहि । भेद जानिबै को कियो इकठा गणना ताहि ॥
तुसहि सहित जौ नापियै धान्यरासि जिहि भाप । संस्कार जब कीजियै दीजै तुस जु उदाप ॥
बड़ साखा आचार्य के तनय अच्युतानंद । सेबै जिन्ह आजन्म लौं श्रीप्रभु पद रस कंद ॥
गुरु है केशव भारती श्री प्रभु जू के आहि । यहै वचन सुनि पिता कौ अतिदुख पायो ताहि ॥
तुम गुरु हूँ सब जगत के करी जु इमि उपदेश । याही तुम उपदेश करि नष्ट भयो सब देश ॥
गुरु हूँ चौदह भुवन के महाप्रभु चैतन्य । नहीं कहूँ यह शास्त्र में तिन के गुरु हूँ अन्य ॥
पांच वर्ष के शिषु कक्षी सब सिद्धान्त जु सार । सुनि के श्री आचार्य जु लखौ संतोष अपार ॥
तनय और आचार्य के कृष्णमिश्र है आहि । गोस्वामी चैतन्य जू हिये वसत है ताहि ॥
और पुत्र आचार्य के श्रीगुपाल है नाम । तिहि चरित्र कह्य कहत है अतिअद्भुत सुखधाम ॥
गुँडिचा मन्दिर में महाप्रभु के सनमुख आहि । नृत्यगान गोपाल जू करै प्रेम सुख ताहि ॥
नाना भाव उठै जु तन अद्भुत नर्तन सोय । प्रभु दोऊ हरि हरि कहै आनन्दित मन होय ॥
भये नाचते नाचते मूर्छित ते गोपाल । परचौ भूमि में देह तिहि नहीं जीव तिहि काल ॥
दुःखित है आचार्य जू अंक पुज लै ताहि । पदिकै मन्त्र नरसिंह कौ रचा करै जु आहि ॥
नाना मन्त्र पढ़ै नहीं भई चेतना ताहि । दुखित भये आचार्य जू रुदन करै अति आहि ॥
धरणी जु श्री प्रभु जू तबै हस्तकमल तिहि हीय । उठि गुपाल ऐसे कही हरिहरि धुनि तब कीय ॥
सुनि धुनि श्री प्रभु के परस उठै तबै गोपाल । आनन्दित सब ही करै हरि-हरि धुनि तिहि काल ॥
और एक आचार्य के सुत है श्री बलराम । अरु इक साखा जिहि तनय है जगदीशजु नाम ॥

किंकर जो आचार्य के सिरीकांत विस्वास । आचारज व्यौहार सो सब अधीन है जास ॥
 नीलाचल को तिनहि इक पत्नी लिखी बनाय । नृप प्रतापरुद्र जु निकट दीनी सो जु पठाय ॥
 पत्नी को आचार्य जू कथा न जाने जोय । आई कोई द्वार हैं पत्नी प्रभु पै सोय ॥
 ताही पत्नी में लिखी लिखन इहै जु सुधार । ईश्वरत्व आचार्य को स्थापन कियो विचार ॥
 ऐसे कारण देव करि कछु अण भयो जु ताहि । ऋण सोधनहित चाहिये टका तीन सत आहि ॥
 प्रभु के पत्नी पदि कछु मन में दुख भौ जोय । चंद्रवदन जू यों कहै बाहिर हैंसिकै सोय ॥
 स्थापित किय आचार्य को ईश्वर करि कै जोय । या में नाहिन दोष कछु ईश्वर देव जु सोय ॥
 ईश्वर को करि दैन्य पुनि भीख मँगाई आहि । याही ते प्रभु दण्ड करि सिचा करी जु ताहि ॥
 गोविंद को आज्ञा दई यहां आज ते आहि । तू और विस्वास को आवन दै जिन ताहि ॥
 भयो जु सुनि कै दंड को परम दुखित विस्वास । हरपित आचारज भये सुनि प्रभु दण्डहि तास ॥
 कहै जु ते विस्वास को भाग्यवान तुम जोय । कियो दंड भगवान प्रभु तुमको ताते सोय ॥
 प्रथम महाप्रभु करत हैं मेरो अति सनमान । दुख पावैं मन में जु मैं कियो यहै अनुमान ॥
 कियो योगवासिष्ठ को व्याख्या मुक्ति प्रधान । कुट्ट होय के प्रभु तवै किय मेरो अपमान ॥
 दण्ड पाय के भयो मम आनंद परम सु आहि । भाग्यवंत श्री मुकुन्द जू पायो दण्डहि जाहि ॥
 ऐसे कहि आचार्य जू कियो जु तिहि आम्वास । आये आनंदित जु हैं श्री प्रभु जू के पास ॥
 भाग्यवती माता सची दंड लहै हैं जोय । सोई दण्ड प्रसाद अरु किनते पावैं लोय ॥
 बोले प्रभु सो चरित तुव जान्यो किहू न जाय । कृपा पात्र कमला कियो हम हूं ते अधिकाय ॥
 यह सुनि कै तब महाप्रभु लागे हँसन जु सोय । लिपि विस्वास बुलाय के अति प्रसन्नता होय ॥
 हम को जाते कभू ही सो प्रसाद नहि होय । तुम चरननि में कियो हम कहै चूक है कोय ॥
 आचारज बोले जु तुम क्यों दिय दरसन याहि । दोऊ विधि मेरो करी वहै विडम्बन आहि ॥
 सुनि कै श्री चैतन्य को मन प्रसन्न भौ आहि । अन्तर कथा दुहँन की दोऊ जानें ताहि ॥
 कहै जु प्रभु तिहि कमलकी इमि क्यों करै जु जानि । करै जु सो आचार्य की लाज धर्म की हानि ॥
 करिये नहि तु प्रतिग्रह कवहुं राजधन जोय । कृष्ण भजन विनु होय यह निष्फल जीवज सोय ॥
 मन के दुष्ट भये जु ते कृष्णभजन नहि होय । कृष्ण भजन विनु होय यह निष्फल जीवन सोय ॥
 लोक लाज इक होय अरु धर्म कीर्ति की हानि । सो यह कर्म न कीजिये कवहुं ऐसी जानि ॥
 यह सिचा करि सबन को सर्व मन किये सोय । आचारज गोस्वामि जू हर्ष मन लखी जोय ॥
 अभिप्राय आचार्य को इक प्रभु समझै ताहि । समुझै प्रभु को वाक्य सो आचारज ही आहि ॥
 है जु वहै प्रस्तावना नाँके बहु विस्तार । ग्रंथ वदन के भय जु करि लिखने को न विचार ॥
 यदुनंदन आचार्य जू साखार्दत जु आहि । साखा उपसाखानि की लिखन कछु कहि ताहि ॥
 श्री भागवताचार्य अरु विष्णुदास आचार्य । चक्रपाणि आचार्य श्री अनंत आचार्य ॥

कामदेव अरु नंदिनी अरु चैतन्य जु दास । इक वनमाली दास जू श्री दुर्लभ विस्वास ॥
 जगन्नाथ कर नाम है अरु इक कर भवनाथ । इक इन्द्यानंद सेन अरु दास जु भोलानाथ ॥

कवित्त—

यादवदास विजयदास श्रीजनार्दन है अनंतदास कान्हू पंडित परकास है ।
 नारायणदास और श्री बत्स पण्डित जु है ब्रह्मचारी हरिदास भरे रस रास है ।
 श्री पुरुषोत्तम ब्रह्मचारी श्री कृष्णदास पुरुषोत्तम पण्डित रघुनाथ उजास है ।
 वनमाली कविचंद्र और वैद्यनाथ लोकनाथ पण्डित जू प्रभु नित्यानंद दास है ॥

श्री मुरारि पण्डित जु इक श्री हरिचरन जु नाम । पण्डित माधव विजय है अरु पण्डित श्री राम ॥
 साखा श्री अद्वैत की है जु असंख्य अपार । नाम कहाँ लौं कीजिये कहे कछुक जु विचार ॥
 दिव्य अद्वैत स्कंध को माली जल जु विचार । तिहि जल को लैकै करै सो साखा संचार ॥
 ताही जल सौं जीवई साखा जित्तीक सोय । लहलहाय फूल फलै जीवन दै सब कोय ॥
 जिनहि जिवायौ जन्म दिय ताहि न मानें जोय । भये कृतघ्नो तिनहि पर स्कंध कुट्ट भौ सोय ॥
 स्कन्ध कुट्ट है तिनहि में करै न जल संचार । जल विनु साखा कुस जु है सुख मरै निरधार ॥
 देह रहित चैतन्य करि भये सुस्क सम सोय । जीवत ही सो मृत कहै मरे दंड जम जोय ॥
 केवल याही गन जु प्रति नाही है ए दंड । गौर विमुख जोई जु है सोई है पाखण्ड ॥
 कहा पण्डित कहा तपस्वी कहा गृही संन्यास । गौर विमुख जोई जु है जु यहै गति तास ॥
 श्री अच्युतानंद को मत जिनि लीनौ सोय । सोई गन आचार्य को महा भागवत जोय ॥
 वहै वहै आचार्य को कृपापात्र अति धन्य । अनायास पाये जु ते चरन कमल चैतन्य ॥
 कोटि प्रणति मेरे जु है गन आचार्यहि ताहि । प्राय अच्युतानन्द की जीवन प्रभु श्री आहि ॥
 आचारज गोस्वामि को यहै कह्यो गन आहि । स्कन्ध तीन साखानि की कियो गणन कछु ताहि ॥
 साखा उपसाखानि की नहीं गणन है जाहि । किञ्चिन्मात्र कह्यो यहै करि दिग दरसन आहि ॥
 पण्डित है श्री गदाधर तिहि बड़ साखा आहि । तिन उपसाखा गन कछु करिये कथन जु ताहि ॥

कवित्त—

श्रेष्ठ साखा ध्रुवानन्द ब्रह्मचारी श्रीधर जू भागवताचार्य ब्रह्मचारी हरिदास है ।
 अनन्त आचार्य कविदत्त मिश्र पुत्र गंगा मंत्री मामू ठाकुर श्री भक्ति के प्रकास है ।
 कण्ठाभरण भूगर्भ गुसाई श्री भागवत दास ये ही दोय कियो वृन्दावन वास है ।
 वाणीनाथ ब्रह्मचारी बड़े महा आशय है वल्लभ चैतन्यदास कृष्ण प्रेम रास है ॥
 श्रीनाथ चक्रवर्ती उद्धवदास जिता मिश्र काठ काटा जगन्नाथ महारस रास है ।
 श्री हरि आचार्य सादि पुरिया गोपाल कृष्णदास ब्रह्मचारि जिहि जगमें प्रकास है ॥

पुष्प गोपाल श्री हर्ष रघुमिश्र पण्डित श्री लक्ष्मीनाथ रंग वाड़ी श्री चैतन्यदास है ।
रघुनाथ अमोघ पण्डित चैतन्य बल्लभ यदु गांगुली और मंगल जन जास है ॥२॥

यह कर्षा संक्षेप करि श्री पण्डित गन आहि । ऐसे अरु माखानि उपसाखा गन जू ताहि ॥
पण्डित जू को गन जु सब परम भागवत धन्य । प्राणनि ते प्यारे जु हैं सब के श्री चैतन्य ॥
स्कन्ध तीनि इनकी कर्षा कछु शाखागन जोय । जिन सबको सुमिरन किये बंधन मोचन होय ॥
याही ते तिन सवनि के पद बंदन करि जोय । प्रभु माली को कर्षा यह चरित अनुक्रम सोय ॥
जिन सबको सुमिरन किये पर्ये प्रभु पद जोय । जिन सबको सुमिरन किये बांछित पूरन होय ॥
श्री प्रभु लीला अमृतको सिंधु अपार अगाध । सकैं कौन करिकेनु तिहि अवगाहन की साध ॥
तिहि माधुर्यकी गंधकी लुब्ध भयो मन आहि । याही ते तिहि तटहि रहि चारखी इक कन लाहि ॥
रूप और रघुनाथ के चरन कमल जिहि वास । गौर चरित अभूत कछु कहत कृष्ण कौ दास ॥
रूप सुनातन जगत हित सुवल स्याम पद आस । गौर चरित को कहत है ब्रज भाषाहि प्रकास ॥

इति श्री चैतन्यचरितामृते आदिखण्डे श्री अष्टैतशाखावर्णनं नाम द्वादसपरिच्छेदः ॥

त्रयोदश परिच्छेदः

स प्रसीदतु चैतन्यो देवो वरस प्रसादतः । तल्लीलावर्णने योग्यः सद्यः स्यादधमोऽप्ययम् ॥

जय जय श्री चैतन्य जू गौर कृष्ण जय चन्द । जय अष्टैताचार्य शशि जय श्री नित्यानन्द ॥
जय पण्डित श्रीगदाधर जय जय श्रीजुनिवास । जय जय श्रीजुमुकुन्द जय वासुदेव हरिदास ॥
जय स्वरूप दामोदर जू गुप्त मुरारि जू सोय । इनही सब चंद्रनि उदय लुप्त कियो तम जोय ॥
जय जय श्रीप्रभुचंद्रके भक्त चन्द्रगण आहि । उन्वल किय त्रिभुवनि सवनि प्रेम चांदिनी ताहि ॥
यह जू ग्रंथारंभ में कियो प्रथम मुखबंध । अब जु करें चैतन्य की लीला क्रम अनुबंध ॥
प्रथम ही सूत्र जू रूप करि करिय गणना आहि । फिर पाछे विस्तार करि विवरण करि है ताहि ॥
आप कृष्णचैतन्य जू करि पृथिवी अवतार । वरस आठ चालीस ओ कियो जू प्रगट विहार ॥
चौदह सत अरु सात के शाके जन्म प्रमान । चौदह सत पंचावने भी प्रभु अन्तर्धान ॥
किय चौबीस जू वरस श्री प्रभु जू गृह में वास । तिन्हों निरन्तर किय तहां कीरतन जू प्रकास ॥
चौबिस वरस जू मेस में प्रभु कीन्हो संन्यास । किय चौबिस वरस जिन्हों नीलाचल में वास ॥
तिन में किय पट वरस ली गमनागमन जू सोय । कभूँ गौड़ दक्षिण कभूँ श्री वृन्दावन जोय ॥
वरस अठारह में रहे नीलाचल में आय । कृष्ण प्रेम नामामृतहि दिये जू सकल बहाय ॥

गार्हस्थ लीला जू प्रभू आद्य नाम है ताहि । मध्य अंत लीला जू है नाम मेस के आहि ॥
जितीक लीला आद्य में प्रभु जू चरित सु आहि । गुप्त मुरारी जू कियो ग्रंथि सूत्र करि ताहि ॥
मध्य मेस लीला जू प्रभु दामोदर जू स्वरूप । कियो ग्रंथ में ग्रंथन तिहि करि के सूत्र अनुप ॥
तिनही दोनों जननि के सूत्र देखि मुनि आहि । क्रम करिके वर्णन करें सकल भक्तजन ताहि ॥
सिंधु पौगण्ड किशोर श्री जोवन चारि विभेद । आदिखण्ड लीला जू के याते चारि विभेद ॥

तथाहि—सर्वसद्गुणसंपूर्णं बन्धे फाल्गुनपूर्णिमा । यस्यां श्रीकृष्णचैतन्योऽवतीर्णः कृष्णनामभिः ॥

फाल्गुन पूर्ण्यो निसि समें प्रभु जन्मोदय जानि । दैव योग करि तिहि सर्म चंद्रग्रहन भी आनि ॥
हरि हरि बोलें लोक सब अति हरपित हिय होय । कृष्ण नाम जन्माय के जन्म लियो प्रभु सोय ॥
जन्म बाल्य पौगंड जुव इन सब सर्म जू ताहि । सवन लिवायो नाम हरि कीतिक छल करि आहि ॥
बाल्य भाव के मिस जु करि कंदन करें जू आहि । हरिहरि कृष्ण जू नाम मुनि रहे रुदन तब ताहि ॥
याही ते हरिहरि करें सब नारी गन आहि । आर्वे जे सब बन्धुगन देखन बालक ताहि ॥
हैंसें जू कहि के गौर हरि नारीगन तिहि ठाम । याही ते तिनको जू इक भयो गौर हरि नाम ॥
जब लौ हाथ खरीदई बाल्य बयस अति वाम । जब लौ वय पौगंड नहि किय विवाह रस धाम ॥
प्रगटी नव जीवन सरस भये विवाह जू ताहि । संकीर्तन प्रभु नाम की सवन लिवायो आहि ॥
पहें पढ़ावें सिष्यगन वय पौगण्ड हि जोय । व्याख्या कृष्णहि नाम की सब ठां करें जू सोय ॥
सूत्र वृत्ति आदिक सु जे हरि ही में तात्पर्य । होय प्रतीत जू सिष्य के तिहि प्रभाव आश्चर्य ॥
जिहि देखें ताही कहें लेहु कृष्ण की नाम । दिय बहाय हरि नाम में नवद्वीप सब ग्राम ॥
वय किशोर आरंभ किय संकीर्तन हरि नाम । प्रेम नृत्य निसि दिन करें संग भक्तगन वाम ॥
नगर नगर बोलें जू ते कीरतन करि सोय । दिय बहाय त्रिभुवन तिन्ह प्रेम भक्ति करि जोय ॥
या विधि चौबिस वरस लौ नवद्वीप सब ग्राम । सब लोकनि जू लिवाय यो कृष्णप्रेम अरु नाम ॥
भये वरस चौबीस के कियो जू प्रभु संन्यास । भक्तनि गन संग लै कियो नीलाचल जू वास ॥
तिनहूँ में पट वरस लौ नीलाचल में जानि । नृत्य गीत अरु प्रेम रस भक्ति निरंतर दानि ॥
सेतबन्ध लौ देस जे अरु वृन्दावन जोय । प्रेम नाम सु प्रचार करि कियो भ्रमन प्रभु सोय ॥
यह मध्य लीला कहें नीलाचल जन संग । प्रेम लिवायो सवन की नृत्य गीत बहु रंग ॥३५॥

कवित्त—

द्वादस वरस शेष रही लीलारस आस्वादन छल के सिखाई प्रेम की तरंग है ।
रेन दिन कृष्ण विरह फुरें चेष्टा उन्माद करें वचन प्रलाप उठत अभंग है ।
श्री राधा के प्रलाप भयो उद्धव के देखें ज्यों तैसई प्रलाप चेष्टा होय सब अंग है ।
विद्यापति जयदेव चंडीदास गीत करें आस्वादन रामानंद श्री स्वरूप संग है ॥१॥

कृष्ण वियोग औ योग की प्रेम चेटित जोय । आस्वादन पूरन कियो निज वांछित हो सोय ॥
लीला प्रभु जु अनंत है जीव छुद्र अति जोय । करिकें तिहि विस्तार अति वरनि सकै नहि कोय ॥
जो कहैं तिहि सूत्र करि गने जु आप अनंत । सहस वदन करि तऊ तिहि नाहिन पावैं अंत ॥
दामोदर स्वरूप जू अरु श्री गुप्त मुरारि । मुख्य मुख्य लीला जु के सूत्र लिखे जु विचारि ॥
लीला सूत्र जु मन लिखे तिनही के अनुसार । वर्नन वृन्दावन कियो तिनही को विस्तार ॥
प्रभु लीला के व्यास हैं श्री वृन्दावन दास । लीला अति ही मधुर वरि करी तिन्हों प्रकास ॥
तिन्हों ग्रंथ विस्तार भय छाँड़ी जा जा स्थान । ताही ताही स्थान कछु करि हैं तिहि विख्यान ॥
प्रभु लीला अमृत तिन्हों किय आस्वादन आहि । अब करियतु है चर्चन जु भक्त शेष कछु ताहि ॥
लिखे सूत्र लीला प्रथम सुनौ भक्तगन जाहि । सब नहि जाय लिख्यो लिखैं कछु संक्षेप जु आहि ॥
को इक बांछा पूर्ण हित आप वृजेन्द्र कुमार । पृथिवी पै अवतीर्ण हित मन में कियो विचार ॥
अवतारें सब प्रथम ही जे जे गुरु परिवार । कहैं तिन्हें संक्षेप नहि कहाँ जाय विस्तार ॥
जगन्नाथ श्री शची श्री माधवपुरी प्रवीन । अरु श्री केशव भारती ईश्वर पुरि रसलीन ॥
आचारज अद्वैत जू अरु पंडित श्री वास । श्री आचारज रत्न औ विद्यानिधि हरिदास ॥
हृद देस में घर जु तिहि मिश्र उपेन्द्र जु नाम । वैष्णव पण्डित धनी बहु सद्गुण के विश्राम ॥

कवित्त—

सात अपि तुल्य तिहि पुत्र सात मिश्र भये कंसारि परमानंद पद्मनाभ नाम हैं ।
सर्वेश्वर जगन्नाथ और श्री जनार्दन जू मिश्र और लोक नाथ रस के विश्राम हैं ।
नवद्वीप गंगावास कियो जगन्नाथ जिहि पदवी है पुरंदर मिश्र रसधाम हैं ।
नंद वसुदेव रूप सद्गुण के सागर हैं पत्नी तिहि शचीनाम पतिव्रता वाम हैं ॥१॥

सची माता जू के पिता नीलाम्बर चक्रवर्ती बड़ेई महानुभाव अति ही उदार हैं ।
राहु देस जन्म लियो राकुर श्री नित्यानंद गंगादास पण्डित जू भक्तन आधार हैं ।
श्री मुरारि गुप्त जू मुकुंद औ असंख्य निज भक्तन समूह के कराये अवतार हैं ।
पाछे अवतीर्ण भये पूर्ण अभिलाष छये कौतुकी परम वृजराज की कुमार हैं ॥२॥

प्रभु के आविर्भाव ते प्रथम भक्तगन जोय । श्री अद्वैताचार्य के निकट गमन कियो सोय ॥
कहैं जु गीता भागवत औ आचारज ताहि । ज्ञान कर्म निंदहि कहैं भक्ति बढ़ाई आहि ॥
सब शास्त्र की करें ये कृष्ण भक्ति विख्यान । ज्ञान योग अरु कर्म तप नहि कछु मानै आन ॥
तिहि संग आनंद सों करें वैष्णवगण सब आहि । कृष्ण कथा पूजा जु तिहि नाम सँकीर्तन ताहि ॥
ऐसे देखें लोक सब कृष्ण बहिर्मुख जोय । विषय निमग्न जु लोक लखि हिय दुख पावैं सोय ॥
करैं लोक निस्तार हित सोच दयाकरि ताहि । किहि विधि ईहि सब लोककी हूँई तारण आहि ॥

जौ अवतरि कैं कृष्ण जू करें भक्ति विस्तार । तौ सबही इन लोक की होय सहज निस्तार ॥
ते जु कृष्ण अवतार हित करी प्रतिज्ञा आहि । तुलसी गंगा जलहि दै करि हरि पूजा ताहि ॥
करैं कृष्ण आह्वान करि ते जु सधन हुंकार । भैं आकर्ष हुंकार करि श्रीवृजराज कुमार ॥
श्रीजगन्नाथ पत्नी सची तिनके उदरहि जोय । कम करि कन्या अष्ट है जन्मत मरी जु सोय ॥
पुत्र विरह करि मिश्र की दुखी भयो मन आहि । आराधै हित पुत्र के विष्णु चरण तब ताहि ॥
तब तिनके उपजे तनय विश्वरूप जिहि नाम । बड़े महागुनवान ते श्रीवलराम जु धाम ॥
संकर्षण बैकुण्ठ बलदेव प्रकासहि जोय । उपादान कारण जु है विश्वरूप की सोय ॥
तिहि विनु कछु न विश्व में वस्तु और है आहि । विश्वरूप जो नाम यह याही ते भी ताहि ॥

तथाहि दशमे—नैतच्छिब्रं भगवति ह्यनन्ते जगदीश्वरे । ओतं प्रोतमिदं यस्मिन् तन्तुष्वंग यथा पटः ॥
याते प्रभु के ते भये बड़े भाई रस कंद । कृष्ण और बलदेव विवि श्रीप्रभु नित्यानन्द ॥
भये पुत्र लहि दंपती आनन्दित मन जोय । आराधन गोविन्द पद करें विशेष जु सोय ॥
शाके चौदहसत जु पट सेस माघ जो मास । जगन्नाथ शचिदेह में भी श्री कृष्ण प्रकास ।
मिश्र कहैं तब सची सों रीति और लखि आहि । लक्ष्मी आश्रित गेह बहु ज्योतिर्मय है ताहि ॥
जहां तहां सब लोक हू करें तिनहि सनमान । घर ही देय पठाय ते वस्त्र और धन धान ॥
शची कहैं आकास पर देखत हों में जोय । दिव्यमूर्ति जे लोक सब स्तुति अति करें जु सोय ॥
मिश्र कहैं हम आजु इक स्वप्न लखो इहि भाय । ज्योतिर्मय जो धाम मम हिय में पैस्यो आय ॥
मम हियते तुव हृदय में कियो प्रवेश जु ताहि । ऐसे जानौ जनमि है कोऊ महाशय आहि ॥
ऐसे कहि दोऊ रहैं अति हरपित हिय होय । सेवा सालगाम की करें अधिक करि सोय ॥
होत होत ही गर्भ की भयो त्रयोदस मास । तऊ गर्भ जन्म नहीं भयो मिश्र के वास ॥
कहैं जु लगन विचार करि नीलांबर इहि भाय । है है याही मास में पुत्र पुन्यक्षण पाय ॥
चौदहसत अरु सात के शाके फागुन मास । पून्यो सांभ समें भयो सुभ छिनकी जु प्रकास ॥
रासि लग्न तिथि सिंह है ग्रहण उच्च है जोय । अष्ट वर्ग पट वर्ग औ सबहि सुलक्षण सोय ॥
दरसन दीनो गौरहरि अकलंकित द्विजराज । सकलकित ससिकौ तहां रखी कहा अब काज ॥
यहै जानि किय राहुनें चंद्रग्रहण तब जोय । कृष्ण कृष्ण हरि नाम हरिकहैं जु त्रिभुवन सोय ॥
जगत भरयो सब लोक जे हरिहरि बोले आय । गौर कृष्ण भुवि अवतरे नाम सहित छिन ताप ॥
तिहि छिन सबही जगत के भैं प्रसन्न मन जोय । हिंदुन की करि हास्य हरि बोले जवन जु सोय ॥
हरि हरि करि नारी जु गन करें जू जे कार । नृत्य बाद्य दिवि सुर करें कौतूहल जु अपार ॥
दसो दिमा अरु नदीजल मुख प्रसन्न छिन ताहि । स्थावर जंगम भये सब आनंद विहल आहि ॥

पदराग विहागरो

जीवनि के हित काज कृपा करि जीवन के हित काज ।

नदिया उदया चलते प्रगटे अकलंकित द्विजराज ॥ टेक ॥

पूरन कला अंस संग लिये उदगन भक्त समाज ।

यहै जानि सकलंकित द्विजपति राहु अंक दव्यौ लाज ॥

छयो अनुराग लोक रंजित भये होतहि प्रथम प्रकास ।

भक्ति चन्द्रिका फैली दिवि भुवि भयौ दरिद्र तम नास ॥

भक्त कुमुद फूलें चहुँ दिसि भयौ रसिक चकोर हुलास ।

हरि हरि धुनि भई भरे लोक सब त्रिजगत हृदय विकास ॥

ताही समें उठे निज गृह तें श्री अद्वैत गुसाई ।

नृत्य करें आनंदित मन अति फूले अंगन माइ ॥

करैं हुँकार संकीर्तन रंग मरें लै हरि दासहि संग ।

नहि कोऊ जानै कौन हेतु ये करें नृत्य बहुरंग ॥

सखि उपराग हंस आये तब बेगिहि गंगा तीर ।

स्नान कियौ तामें आनंद भरै भक्तन की संग भीर ॥

पाय ग्रहन की मिसु अरु अपना मन उत्साहै जान ।

श्री आचारज चोलि द्विजन कों दिन नानाविधि दान ॥

आनंद मय सब देख जगत की अरु निज मन हुल्लास ।

अति विस्मै भये सेंना बेंनी कहै कछुक हरिदास ॥

ऐसी न कछु है रंग तुम्हारे अरु मम मन आनंद ।

ऐसे भाषत नीके कोऊ है है सुख की कन्द ॥

मन आनंद भये आचारज रत्न और जु श्री निवास ।

कियौ स्नान जाय गंगा मधि प्रगट भई हिय आस ॥

हरि संकीर्तन करें मन आनन्द जु के प्रवाह ।

नाना दान द्विजनि की तिहि छिन दिय मन के जु उल्लाह ॥

इही भांति पांति भक्तनि की जिहि तिहि देस निवास ।

तहां तहां सब पाय हर्ष मन भयो मंगल की भास ॥

नाचैं करै सु कीर्तन सबही आनंद विह्वल हीय ।

पाय ग्रहन की मिस जु सवन तहां दान द्विजन की दीय ॥

द्विज सज्जन नारी भरि थारिन नाना द्रव्य संजोय ।

मंगल भेंट तहां लै आई मन अति आनन्द सोय ॥

तस हेम सुठि बालक मूरति देखि भरी अति चाय ।

देहि असीस जियौ चिर बालक मनहि महासुख पाय ॥

सावित्री गौरी जु सरस्वति रंभा अरु ऋषि नारि ।

औरौ जितौ देवनारी गन निज प्रभु जन्म विचारि ॥

नाना द्रव्य पात्र भरि भरि लै द्विज पत्नी वपु धारि ।

आई सबै करैं दरसन नति रही कछुक निहारि ॥

अंतरिच गन्धर्व देव गन ऋषि चारन समुदाय ।

स्तुति अरु नृत्य करें बहु गावैं नाना वाद्य बजाय ॥

नवद्वीप में गुणी जिते अरु नर्तक वाद्यक भाट ।

सबै आय नाचैं जु प्रीत लहि अपने अपने ठाट ॥

को नाचैं यह गावैं को हैं को आयौ गयो कोय ।

तहाँ तिन्हें जु संभारण कारण नहि काहू सुधि कोय ॥

दुःख शोक सब ही खंडन भये अति ही प्रमुदित लोक ।

आनंद विह्वल मिथ भये तब मिटे जु मन के शोक ॥

श्री आचारज रत्न और पुनि श्रीनिवास जु धाय ।

मिश्र जु पास आय तिन कीन्हौ सावधान समुदाय ॥

जात कर्म करवायौ नीकें ज्यों विधि धर्म प्रमान ।

नाना दान करैं तब मिथ जु तुष्ट हेत भगवान ॥

पायौ जितेक भेंट धन औरौ जितौ हुतौ कछु गेह ।

दियौ सबै धन दान मिथ जु आनंद भरे अछेह ॥

जिते नर्तक गायक वंदिजन जन जु अकिंचन आन ।

सब ही धन दै दै तहां कीनों सब ही की सनमान ॥

गृहिणी श्रीवास जु की तहां नाम मालिनी ताहि ।

पत्नी संग आचाररज की तिहि छिन हिये उमाहि ॥

लै सिंदूर और जल जु हरिद्रा श्रीफल रंभा लाज ।
 दै दै पूजै नारीगण कौं हर्ष समाज हि साज ॥
 श्री अद्वैताचार्य की भार्या श्री ठकुरानी नाम ।
 जगवंदित आचार्या हैं सब में वत्सल रस धाम ॥
 आझा लै आचारज जू की चली लैकै उपहार ।
 बालक मुकुट रत्न देखन हित हिय उत्साह अपार ॥
 कर्णफूल चक्री जु सलाको है अंगद कमनीय ।
 सुवरन कंकन चूरी संल की कंठ हार बहु लीय ॥
 कंचन मुँदरी रजतु बांक पद अरु पायल जु विसेस ।
 अनवट बिछियां नूपुरादि बहु आभूषण जु अशेष ॥
 वचना हेम जडित कटि डोरी गूहि रेसम अति लाल ।
 हस्त चरन के जिते आभरन लिये सब हर्ष विसाल ॥
 घोटी उपरैना अति सुन्दर पाट किनारी चारु ।
 चित्र वर्ण पट सारी अरु बहु मुद्रा धन नहि पारु ॥
 दूध धान गोरोचन हरदी कुकुम मलय सुवास ।
 मंगल द्रव्य पात्र भरि के चढ़ि डोला छादित वास ॥
 चली जु संग दास दासी लै बहु वस्त्रालंकार ।
 भक्ष भोज्य उपहारनि के संग लीये बहु भरि भार ॥
 लै सब चली रली आनंद में सचि गृह पहुँची आय ।
 आई वेगि छनिका गृह में आनंद कसो न जाय ॥
 बालक की लखि अति सुठौनता आप कृष्ण निरधार ।
 वर्ण मात्र विपरीत लखै इक अरु सब तिहि उनहार ॥
 सर्व अंग निर्मान मनोहर कंचन प्रतिमा मान ।
 सबही अंग सुलक्षण मय है सुन्दरता की खान ॥
 बालक की लखि दिव्य देह दुति हृदय लही बहु प्रीति ।
 वात्सल रस द्रवि चन्यो हियो तिहि सकै कौन कहि रीति ॥
 दूध धान तिहि सिर धरि कीनी आसिस करि भरि पूर ।
 दोउ माई चिरजीवी ये हैं सब की जीवन मूरि ॥

डाकिनि साकिनि तें तिहिकें हिय कछु उपज्यो भय जोय ।
 तिहि भय करि तिहि नाम निमाई धर्यो नेह बस होय ॥
 छटी पूजा कर्यो तिहि दीनै भूपन बहुरंग सार ।
 कीनी किन्हीं मिश्र कौं बहु विधि पुत्र सहित सत्कार ॥
 सची मिश्र पूजी तिन्है तिनकी पूजा लेय ।
 आई निज गृह ठकुरानी जू हरपित आसिस देय ॥
 ऐसैं जगन्नाथ श्रीशची जु पुत्र पाय श्री नाथ ।
 पूरन भैं वांछित गृह आई मनो रंक निधि हाथ ॥
 भरयो कलेवर जग आदर करि घर धन धान्य भंडार ।
 दिन दिन अति आनन्दित मनमें लखी सब सुख की सार ॥
 मिश्र भागवत शुद्ध अलंपट शान्त दांत गुन बान ।
 देह मोह धन भोग सु जिन कैं नहि नैकी अभिमान ॥
 जितनौ धन मिलै आय मिश्र कौं सहजहि पुत्र प्रभाव ।
 विष्णु प्रीति सब दान देहि ते वड़े उदार सुभाव ॥
 नीलाम्बर जु भये हरपित मति लग्न उच्च गृह देखि ।
 कहैं मिश्र सों छिपि कै लच्छन महापुरुष अव रेखि ॥
 अंग अंग के सुभ लच्छन करि और लग्न अनुसार ।
 देखियै ए तुव तनय तारि है सकल विमुख संसार ॥
 कियो कृपा करि ऐसैं शचिगृह आप कृष्ण अवतार ।
 जो यह सुनै कहै गावै लई गौर चरन निरधार ॥
 लहि नरदेह सुनै न गौरगुन जो नर विषय अधीर ।
 अमृतधुनि लहि पियें अज्ञ यौ महाविष गर्त कौ नीर ॥
 वृथा जन्म ऐसी भयो ताकी रम्यो न प्रभु गुन मांक ।
 जनमत ही न भर्यो सो क्यों तिहि जननी भई न बांक ॥
 श्री चैतन्य अरु नित्यानंद जू भक्ति यज्ञ के यूप ।
 श्री अद्वैत स्वरूप रूप रघुनाथ दास रस रूप ॥
 इन सब को पद सिर करि वदन निज धन मम सुख रास ।
 प्रभु जन्म लीला गाई यह कृष्णदास तिहि दास ॥
 ताकी वृजभाषा करि कीनी यथा बुद्धि अनुवाद ।
 रूप सनातन पद रज सिर धरि बेनी कृष्ण प्रसाद ॥
 इति श्रीचैतन्यचरितामृते आदिलीला महाप्रभु जन्म लीला नाम त्रयोदशपरिच्छेदः ॥

॥ चतुर्दश परिच्छेदः ॥

कथञ्चन स्मृते यस्मिन् दुष्करं सुकरं भवेत् । विस्मृते विपरीतं स्यात् श्रीचैतन्यं नमामि तं ॥

जै जै श्री चैतन्य शशि जय श्री नित्यानन्द । जय अद्वैत आचार्य जु जय प्रभु भक्तनि वृन्द ॥
प्रभु की लीला जन्म जो कसौ सुत्र यह ताहि । जसुदानन्दन इहां जौ शचीसुनु भौ आहि ॥
करि संतोष कसौ जनम लीला अनुक्रम जोय । प्रभु सिसुलीला सुत्र कौ करै गणन अब जोय ॥

बन्ने चैतन्यदेवस्य बाल्यलीला मनोहरा । लीकिकीमपि तामीशचेष्टया बलितान्तराम् ॥

शयन पाद उच्चासन शिशु लीला आद्यहि ताहि । चरन दिखाये चिन्ह जुत तात मात कौ आहि ॥
दुहुजन देखें मोह में लघुपद चिन्ह नवीन । तहां महाध्वज वज्र पुनि संख चक्र अरु मीन ॥
देखि दुहुनके अतिभयो तब विस्मय हिय माहि । गृह पद चिन्ह ये कौनके निश्चय पायौ नाहि ॥
मिश्र कहै जु गुपाल शिशु नौक शिला जु संग । तेई जानौ मूर्ति धरि खेलें गृह बहु रंग ॥
जमे निमाई तिहीछन तिन किय रोदन आहि । अंक लेय तब शचीजू स्तन जु पिवायौ ताहि ॥
स्तनजु पिवावत पुत्र के पद देखे तिहि भाय । बहुधा तेई चिन्ह लखि लिय तब मिश्र बुलाय ॥
देखि मिश्रजूकी भई आनन्दित मति जोय । गुप्त लिये जु बुलाय तिहि नीलाम्बर जू सोय ॥
नीलाम्बर जू चिन्ह लखि बोले हसि कैं ताहि । पहिले ही हम लग्न गनि लिखि राख्यौ है आहि ॥
लवण है बत्तीस जे महा पुरुष के जोय । यह सिसु के अँग देखि ये हैं सब ललन सोय ॥
तथहि सामुद्रिके—पंचसूत्रः पञ्चदोषः सप्तरक्तः पट्टव्रतः । विहस्वपृथुगम्भीरो द्वात्रिंशलक्षणो महान् ।
नारायण के चिन्ह करि कर पद युक्त है याहि । यह शिशु या सब लोक कौ करिहै तारन आहि ॥
यहै जु शिशु करि है महाहरिजन धर्म प्रचार । याही करि कैं होयगौ दोउ कुल कौ निस्तार ॥
करिहै ये सब लोक कौ धारण पोषन आहि । विश्वम्भर यह नाम है यह कारण करि याहि ॥
सबही द्विजन बुलाय के करौ महोत्सव ताहि । आजु भली दिन करौ तुम नाम करन अब याहि ॥
मुनिजु शची अरु मिश्र के आनन्द बाख्यो हीय । द्विज दम्पति जु बुलाय कैं महा महोत्सव कीय ॥
तबही कितेक घांस में प्रभु घुटुवन चले चाय । चमत्कार नाना तहाँ सबको दिये दिखाय ॥
सबनि कहायौ रुदन मिस हरे कृष्ण यह नाम । नारी सब जब हरि कहैं हमें गौर धुति धाम ॥
तब ही कितेक घांस में किय तिहि पद संचार । सिसु गन मिलि करि करें ते खेल विविध प्रकार ॥
खील खांड विव लाय इक घांस शची जु आहि । दियौ पात्र भरि खाहु तू बैठि कसौ यह ताहि ॥
ऐसैं कहि गह मोह में काज करन कछु आन । बाही छिन लुकि के जु सिसु लगे मृत्तिका खान ॥
आइजु देखि शची तबै हाय हाय करि धाय । लई छीन सो कसौ यौ माटी काहे खाय ॥
करि क्रन्दन बोले जु सिसु कसौ तुम करौ जूरोस । तुम ही माटी खान कौ दई कहा मम दोस ॥
खील खाइ अरु अन्न सब माटी के जु विकार । यहै जु सोऊ मृत्तिका कहा जु भेद विचार ॥

माटी वपु अरु भक्त हू माटी लखौ विचार । बोलि सकौ अब कहा तुम देहु दोष अविचार ॥
अन्तर विस्मित होय शशि कहन लगी यौ ताहि । जुगति जु माटी खानकी तोहि सिखाई काहि ॥
माटी के जु विकार है अन्न खांय बल होय । माटी खायें रोग अरु छीन होय वपु सोय ॥
माटी कौ जु विकार घट जल भरि लीगें ताहि । धरियें माटी पिंड जब मुखि जाय जल आहि ॥
अपने रूप दुराव करि कहन लगे प्रभु ताहि । काहे यह माता प्रथम नहि सिख्यौ मम आहि ॥
अब जान्यौ नहि आज तें माटी खेंहौ सोय । भूख लगै जब तुव स्तन दूध पियोगौ जोय ॥
ऐसैं कहि कैं मात की अंक चढ़े अति धाय । स्तन पान लागै करन प्रभु ईसत मुखिकाय ॥
इहि विधि नाना छल सु करि ईश्वरता जु दिखाय । बाल भाव कौ प्रगट करि पाछें लेहि छिपाय ॥
अन्न पाक द्विज अतिथि कौ खायौ तीन जु बार । पाछें ताही विप्र कौ कियौ गुप्त निस्तार ॥
चोर एक लै गयौ श्री प्रभु कौ बाहिर पाय । कांधे चढ़ि आये जु तिहि ताकी देय बुलाय ॥
व्याधि छलहि करिकै जु जगदीश हिरण घर जोय । खायौ हरि नैवेद्य प्रभु दिन हरिवासर सोय ॥
पार परोसिनि के घरनि भिसु सब सँगलै आहि । खांदि द्रव्य चोरीनु करि लरकनि मारैं ताहि ॥
सिसु सब आय शची जु कौ निकट निवेदन कीय । सुनि कैं शचीजु पुत्र कौ कछु उरहानो दीय ॥
काहे चोरी करौ तुम कसौ सिसु मारौ सोय । काहे पर घर जातु हौ कहा न निज घर जोय ॥
सुनि कैं क्रोध भये प्रभु जाय मोह मधि सोय । जिते पात्र घर में हुते फोरि फेंकि दिय जोय ॥
गोद लेय तब शची जू किय तिन कौ संतोष । लजित भये जु प्रभु तबै जानि आपनौ दोष ॥
इक दिन मृदु कर सौ कियौ माता के जु प्रहार । तिनकौ मूर्छित देखिकैं रोदन करत अपार ॥
तिय गन कहै जु नारियल देहु आनि जौ याहि । स्वस्थ होय तिहि पायके तुव जननी ये आहि ॥
तब प्रभु बाहिर जायकें लाये द्वै फल सोय । भई तबै विस्मित सकल देखि अपूर्व जोय ॥
स्नान करत है सुरधुनी कवहं सिसु लै संग । आई पूजन देवता कन्या गन हिय रंग ॥
स्नान सुरधुनी करि लगी पूजा करन सुभाय । कन्यागन के बीच श्री प्रभु जू बैठे जाय ॥
तिनहि कहै पूजा हमें हम हैं सब देवेश । गंगा दुर्गा दामिका मम फिकर जु महेश ॥
आपुन चंदन और तिहि पहिरैं फूलन हार । रंभादिक नैवेद्य सब कादि कियौ आहार ॥
कहै जु कन्या क्रोध करि सुनौ निमाई बात । तुम जु ग्राम संबंध करि लगी हमारे आत ॥
हम सबसौ ऐसैं करौ उचित नहीं इहि भाय । सौंज देवता की सु जिनि लेहु न करौ अन्याय ॥
प्रभु बोले तुम सबनि कौ दियौ यहै वर जोय । तुम सबके हूँ है जु पति सुन्दर परम सु सोय ॥
पंडित जुवा विदग्ध अति और धान्य धनवान । सात सात हूँ है तनप ते चिरायु मतिमान ॥
वर सुनि कैं कन्यानिके अन्तर अति संतोष । बाहिर तिन सौं अति खिन्न करिकैं मिथ्या रोस ॥
कोऊ लै नैवेद्य कौ कन्या गई पलाय । ताको कहै पुकारि हरि करिजु रोष अधिकाय ॥
जो मोकों नैवेद्य नहि देहु कृपन तुम होय । तौ हूँ है भरता विरध चारि सौति हूँ सोय ॥

यह सुनिकें तिन सबनि कौ भय मन उपज्यौ कोय । को जाने इन में कोऊ दैव अधिष्ठित होय ॥
 तब नैवेद्यहि आनिकें सनमुख धर्यो जु ताहि । प्रभु नैवेद्य हि खाय तिहि दियौ इष्ट वर आहि ॥
 इही भांति चापन्य करि सबन खिभावैं सोय । सबही पावैं अधिक सुख नहि पावैं दुख कोय ॥
 श्री कल्लभ आचार्य की तनया लक्ष्मी नाम । इक दिन आई देवता पूजन हित अभिराम ॥
 स्नान कियो गंगाजु तिहि प्रभुजो देखी ताहि । देखत ही प्रभु कौ भयो साभिलास मन आहि ॥
 प्रभु देखे लक्ष्मी जु कें प्रीति लही अति हीय । प्रीति साहजिक दुहुनकी तब तिहि उदौ जु कीय ॥
 बाल भाव करि छत्र सो तऊ निश्चै भो ताहि । नित्य शुद्ध जो प्रीति है यहै रीति तिहि आहि ॥
 दोउनि देखे दुहुनि कें भयो हृदै हुल्लास । करि जु देव पूजा छलहि कियो दोउनि प्रकास ॥
 पूजा मोहि जु प्रभु कह्यौ हो जु महेश्वर सोय । मम पूजा करि पाय हो मन वाञ्छित वर होय ॥
 दिये पुष्प माला तबै लक्ष्मी अंगहि ताहि । गरैं माल मल्ली जु की दै किय वंदन आहि ॥
 प्रभु तिहि पूजा पायकें लगे हंसन सुख सार । तिन कौ भाव श्लोक पढ़ि कियो जु अंगीकार ॥

संकल्पो विदितः साध्वी भवतीनां मदर्चनात् इति ।

इहिविधि लीला करि गये विवि गृह नेह अधीर । समझि सकैं चैतन्य की को लीला गंभीर ॥
 चापल लखि चैतन्य कौ सबै प्रेम अधिकाय । शची मिश्र कौ निकट तें देहि उरहनो आय ॥
 एक घांस देवी शची खिभि करि पुत्र हि सोय । चली पकरिये पुत्र कौ भजे धाय करि जोय ॥
 जुंठ गर्त में त्यक्त मृत भाजन परे जु आहि । सुख सौं विश्वम्भर प्रभु बैठे ऊपर ताहि ॥
 शची आय तिनसौं कक्षी अशुचि छियो तुम काहि । स्नान जाय गंगा करौ भौ अपवित्रजु आहि ॥
 सुनि अपवित्र जु आप कौ कक्षी मात सौं ज्ञान । विस्मित हैं शचि सुरधुनी करवायो जू स्नान ॥
 कबहूँ शपन कियो शची लै करि पुत्रहि ताहि । देखे दैवत लोक करि भरयो भवन सब आहि ॥
 शची कहै हे पुत्र तुम तातहि लेहु बुलाय । चलै तनय बाहिर तबै आज्ञा जननी पाय ॥
 चलते नूपुर तिहि वजें भुन भुन धुनि बहु कीय । चमत्कार सुनिकें भयो तात मात कें हीय ॥
 मिश्र कहै अद्भुत बड़ी यहै कथा है सोय । सुन्य चरन सिसुकेन में नूपुर धुनि क्यौं होय ॥
 शची कहै देख्यौ जु मैं अरु ईक अद्भुत जोय । दिव्य दिव्य जन आयकें आंगन भरिलिय सोय ॥
 करैं कुलाहल व तहां ताहि सकौं नहि जान । स्तुति काहू की करत है किय ऐसै अनुमान ॥
 मिश्र कहै कहु होहु किन कहु चिता नहि सोय । विश्वम्भर के कुशल हो यहै चाह मम जोय ॥
 देखि चपलता पुत्रकी मिश्र एक दिन आहि । धर्म सिखार्यो तब तिन्हौ करि बहु भर्त्सन ताहि ॥
 स्वप्न रेनि ताहो जु माधि देख्यौ इक द्विज आय । कहै मिश्रमीं कछुक सो वचन क्रोध के भाय ॥
 मिश्र तुम्हें नहि पुत्र कौ है स्वरूप की ज्ञान । भर्त्सन ताटन करत ही करि जु पुत्र अभिमान ॥
 मिश्र कहै सुर सिद्ध सुनि काहें यह नहि होय । होहु बड़ी कैसी जु किन तनय तऊ मम सोय ॥
 लालन सिखा पुत्र कौ करै पिता की धर्म । हम न सिखावैं तो जु क्यौं जानें धर्महि मर्म ॥

विप्र कहै तुव पुत्र जो देव श्रेष्ठ है आहि । सहज सिद्ध ही जान जो सीख व्यर्थ है ताहि ॥
 मिश्र कहै क्यौं नाहि हो पुत्र आप भगवान । तऊ पिता कौ धर्म तिहि सिखा करै सुजान ॥
 दोऊ इहि विधि सौं करै धर्म विचार प्रमान । केवल बत्सल मिश्रकें नहि जानें कछु आन ॥
 यहै जु सुनि द्विज गयो तब आनंदित अति होय । जामे मिश्र भये तबहि विस्मित अतिही सोय ॥
 सिसु लीला इहि विधि करै गौरचंद्र सुखकंद । तात मात के वडै अति दिन दिन ही आनन्द ॥
 कछुक दिवस में मिश्र जू खरी पुत्र कर दीय । संयोगी अक्षर जिते कछु दिन में सिखि लीय ॥
 सिसु लीला के सूत्र कौ अनुक्रम कियो प्रकास । कक्षी जु इहि विस्तारि कें श्रीशुदासन दास ॥
 याही ते संक्षेप करि सूत्र कियो है याहि । कक्षी नहीं पुनिरुक्ति भय करि विस्तारहि ताहि ॥
 रूप सनातन पद कमल रज ही की जिहि आस । चरित कछुक चैतन्य कौ कहै कृष्ण कौ दास ॥
 रूप सनातन जगत हित सुबल श्याम पद आस । प्रभु चरितामृत कौ लिखौं वृजभाषाहि प्रकास ॥
 इति श्री चैतन्यचरितामृते आदिखण्डे बाल्यलीलावर्णनं नाम चतुर्दशपरिच्छेदः ॥

पंचदस परिच्छेदः

कुमताः सुमनस्त्वंहि याति यस्य पदाब्जयोः । सुमनोऽर्पणमात्रेण तं चैतन्यं प्रभुं भजे ॥

जै जै श्री चैतन्य जू जै श्री नित्यानन्द । जय अद्वैताचार्य जू जय भक्तित के वृन्द ॥
 लीला वय पौगण्ड की सूचन करिये ताहि । प्रभु कौ वय पौगण्ड में पढ़िबौ मुख्यहि आहि ॥

पौगण्डलीला चैतन्यकृष्णस्यातिसुविस्तृता । विचारममुखा पाणिग्रहणान्ता मनोहरा ॥
 परिष्ठत गंगादास पै पढ़ै व्याकरण सोय । अवण मात्र किय कंठ सब सूत्र वृत्ति गण जोय ॥
 अल्पकाल में भये तिहि टीका में जु प्रवीन । पढ़वा जे चिरकाल के ते सब भये नवीन ॥
 एक दिवस श्री शची के पद प्रणाम करि जोय । कहैनु प्रभु मोकों जननि दान देहु एक सोय ॥
 कहै शची जो मागि हो तुम हम दैहैं ताहि । प्रभु जु कहै हरिवासरहि अन्न न खावो आहि ॥
 शची कहै नहि खाव हैं भली कही यह जोय । तिहि दिन तें लागी करन व्रत एकादसी सोय ॥
 विश्वरूप की तरुनता देखि मिश्र जू ताहि । कन्या मांगि विवाह हित मिश्र कियो मन आहि ॥
 विश्वरूप सुनिकें यहै घरतें चले पलाय । करि सन्यासहि तीर्थ को करिये गये जु धाय ॥
 मिश्र पुरन्दर को भयो सुनि कें दुखी जु हीय । तब प्रभु माता पिता कौ आस्वासन बहु कीय ॥
 विश्वरूप संन्यास किय भली भयो निरधार । पिता जु कुल माता कुलहु दोउ किये उद्धार ॥
 हम करि हैं तुव सबनि कौ सेवन नीके आहि । सुनि कें मन संतुष्ट भौ तात मात जे ताहि ॥

ताम्बूल औ नैवेद्य कौं इक दिन प्रभु तिहि खाय । होय अचेतन भूमि पर गिरे तब अकुलाय ॥
अस्तन्यस्त मातापिता मुखमें जल दिय ताहि । स्वस्त होय प्रभु कहैं अति अद्भुत वानी आहि ॥
विश्वरूप छांते जु मुहि कहैं लै गयो सोय । मोहि कही संन्यास तू करि आज्ञा मम जोय ॥
मैं तिन सौं जु क्यौं मम माता पिता अनाथ । बालक हौं संन्यास की अवहीं तें कहा गाथ ॥
तात मात जे सेवनहि करि हौं गृही जु होय । याही तें मम तुष्ट हूँ है लक्ष्मीपति सोय ॥
विश्वरूप ज सुनि यहै तब मोहि दियो पठाय । मातासौं कहियो जु तुम कोटि प्रणत मम जाय ॥
नाना लीला इही विधि करैं गौरहरि जोय । लीला कारन कौन यह समझि सकै नहि कोय ॥
ऐसैं केतिक दिवस रहि मिश्र गये परलोक । माता पुत्र जु दुहुनि कें बाढ़यो अति हिय शोक ॥
सकल बंधु बांधव जिते दुहुनि प्रबोध्यो आय । ईश्वर हूँ कें वेद विधि किय पितृ क्रिया बनाय ॥
कितेक दिनमें प्रभु हिये कियो चितवन सोय । हूँ गृहस्थ अब चाहिये गेह धर्म है जोय ॥
गृहिणी विनु गृह धर्म जो नाहीं सोभित होय । ऐसैं चित्य विवाह हित भौं प्रभु को मन सोय ॥


तथाहि—न गृहं गृहमित्याहुर्गृहिणी गृहमुच्यते ॥

पाँच आवत है एक दिन दैव जोग प्रभु आहि । श्रीवल्लभ आचार्य की कन्या देख्यो ताहि ॥
सिद्ध भाव जो दुहुनि के तब तिन कियो प्रकास । आयौ वनमाली घटक दैव योग सचि पास ॥
जानि शची क हृदय की क्रिय संबंध जु ताहि । लक्ष्मी कौं जु विवाह किय शची मूनु जू आहि ॥
वर्णन तिहि विस्तार किय श्रीवृन्दावन दास । लीला वय पौगण्ड की यहै सूत्र परकास ॥
लीला वय पौगण्ड की सो है बहुत प्रकार । किय वृन्दावन दास जू ताकाँ अति विस्तार ॥
याही तें दिहमात्र तिहि इहां दिखाई सोय । सब चैतन्य जु मंगलहि लोक ख्याति है जोय ॥
रूप और रघुनाथ के चरण कमल जिहि वास । गौर चरित अमृत कहैं कृष्णदास तिहि दास ॥
रूप सनातन जगत हित सुवल श्याम पद आस । प्रभु चरितामृत कौं लिखैं ब्रजभाषाहि प्रकाश ॥

इति श्री चैतन्यचरितामृते आदिखण्डे पौगण्डलीलावर्णनं नाम पञ्चदश परिच्छेदः ॥

षोडशपरिच्छेदः

कृपा सुधासरिद् यस्य विश्वमाप्तावयन्त्यपि । नीचगौव सदा भाति तं चैतन्यप्रभुं भजे ॥
जै जै श्री चैतन्य जू जै श्री नित्यानन्द । जय सति श्री अर्द्धत जय गौर भक्त के वृंद ॥
तथाहि—जीवात्मैश्वरचैतन्यो मूर्तिमत्या गृहाममान । लक्ष्म्यार्चितोऽथ पाद्मेठया दिशां जयि जयच्छलान् ॥
अब लीला कैसोर जो सूचन करिये ताहि । सिध्य समूह पढ़ाईवे किय आरंभ जु आहि ॥



षोडश वर्षीय—अध्यापक निमाई पण्डित ।

सत सत सिष्य सदा जु सँग अध्यापन है जोय । व्याख्या सुनि सब लोककें चमत्कार मन होय ॥
 सब पंडित सब शास्त्र करि लहैं पराजय जोय । विनय रीति जय हेतु करि दुख काहू नहि होय ॥
 नाना उद्धतता करें सिष्य समूहन संग । गंगा जू के मध्य जल केलि करें बहुरंग ॥
 कितेक दिन में प्रभु कियो वंग गमन अभिराम । जहाँ जाय करवावई संकीर्तन हरि नाम ॥
 विद्या कौ जु प्रभाव लखि चमत्कार हिय होय । सत सत पढ़ुवा आयकें लगे पढ़न सब सोय ॥
 तपन मिश्र जिहि नाम है तिही देस द्विज आहि । निरचै साधन साध्य कौ सकैं न करिकैं ताहि ॥
 बहु सास्त्रनि के वाक्य करि भयो चित्त भ्रम जोय । उत्तम साधन साध्य कौ नहीं जु निरचै होय ॥
 देख्यो स्वप्न कहै जु द्विज सुनौ तपन जू ताहि । गमन करौ पण्डित निकट नाम निमाई जाहि ॥
 ते तुव साधन साध्य कौ करि है निरचै आहि । ते ईश्वर साक्षात हैं नहि संसै कछु आहि ॥
 स्वप्न देखि कै मिश्र सो आयौ प्रभुपद पास । तवै स्वप्न वृत्तांत कौ कियो निवेदन तास ॥
 साधन साध्य कछौ जु प्रभु है प्रसन्न अति ताहि । नाम कीर्तन कर्यौ यह किय उपदेश जु आहि ॥
 प्रभु समीप नदिया वसौ यह इच्छा तिहि हीय । जावौ तुव वाराणसी प्रभु आज्ञा तिहि दीय ॥
 तुमकौ दरसन होयगौ तहां हमारे संग । कियो मिश्र कासी गमन आज्ञा पाय अभंग ॥
 प्रभु लीला जु अनन्त हि समुझि सकैं नहि कोय । क्यों निज संग लुड़ाय कें पठ्ये कासी जोय ॥
 कियो महा हित लोककौ इहिविधि वंगहि जाय । किय वैष्णव सनमान दै औ पण्डितनि पदाय ॥
 इहि विधि प्रभु वंगहि करें नाना लीला आहि । हां नदिया लक्ष्मी भई विरह दुखी अति ताहि ॥
 प्रभु के विरह भुजंग ते लक्ष्मी डसी जु आहि । विरह सर्प विष ज्वाल करि भौ परलोक जु ताहि ॥
 जानि लिये प्रभु हिये सों अन्तर्यामी जोय । आये प्रभु निज देस कौ जानि शची दुख सोय ॥
 घर आये तब महाप्रभु बहुधन जन लै आहि । दुःख विमोचन शची कौ कियो तत्व कहि ताहि ॥
 लै कें सिष्य समूह फिरि विद्या कौ जु विलास । विद्याबल करि जीति सब करि औदत्य प्रकास ॥
 ठकुरानी विष्णुप्रिया तिहि परिणय तब कीय । दिग्विजयी कौ पराजय तहां जु प्रभु करि दीय ॥
 किय वृन्दावन दास जू याकौ बहु विस्तार । कछौ नही गुण दोष तिहि जहां जु प्रगट विचार ॥
 सोइ अंस कहाँ तिन्हें हों करि प्रणत अपार । तिहि सुनि दिग्विजयी कियो आपुन कौ धिक्कार ॥
 रात्रि चांदनी में प्रभु सिष्य समूहनि संग । बैठे गंगातट करें विद्या कौ जु प्रसंग ॥
 दिग्विजयी इक तिहि समें आयौ तहां जु सोय । बंदन करि सुरधुनी कौ प्रभु पै आयौ जोय ॥
 आदर करिकें महाप्रभु बैठावौ तब ताहि । हियें अवज्ञा करि कहै दिग्विजयी यों आहि ॥
 पढ़ी पढ़ावो व्याकरण पंडित निमाई नाम । बाल्य शास्त्र मधि लोक तुव कहै गुननि कौ ग्राम ॥
 जानौ ताहू में करौ अध्यापन जु कलाप । सुन्यो फकिता ते तुव सिष्यन कौ संलाप ॥
 तिहि प्रभु कहै पढ़ावई हिय अभिमान बनाय । सिष्य न समुझैं ताहि कछु हों न सकौ समुझाय ॥
 कहाँ तुम सर्व शास्त्र में कविता में सु प्रवीन । कहैं तो हम सब सिष्य जु ये हैं पढ़ुवा जु नवीन ॥

मुनिने की कहु काव्य तुव है मन मेरी आहि । जो तुम करी कृपा तु करि वर्णन गंगा याहि ॥
लाम्बी वर्णन करन सो मुनि गर्वित छिन हीय । परी एक में श्लोक शत वर्णन गंगा कीय ॥
महाप्रभु मुनि के कियो तिहि सत्कार अपार । तुम सम पृथिवी में नहीं और सुकवि निरधार ॥
तुव कविन के अर्थ की समुझै मक्ति हि काहि । भलैं तु जानी अर्थ तुम के भारती तु ताहि ॥
श्लोक एक की अर्थ जो कही तु निज मुख आहि । तौ सब लोक हिये वही मुख पावे मुनि ताहि ॥
दिग्विजय पूछो तु तुव श्लोक अर्थ हित ताहि । श्लोक सतनि में इक श्लोक प्रभु पठ्यो तु ताहि ॥

तथाहि—अर्थ गंगायाः सत्तमिदमाभाति नितरां, वदेषा श्री विष्णोरचरणकुमलोत्पत्तिमुभगा ।

द्वितीय श्री लक्ष्मीरिव सुरनरैरर्च्यचरणा, भवानी भक्तुं शिरसि विभवत्पद्मगुणा ॥

कही इही की अर्थ तुम प्रभु न कही तु ताहि । दिग्विजय विस्मित भयो प्रभु सौं पूछें आहि ॥
वदेषा लम्बा वायुवत श्लोक पदे हम आहि । कैसै कंट भयो तु तुव श्लोक एक मधि ताहि ॥
कही तु प्रभु वर देव करि उगी तुव कविवर आहि । श्रुतिधर कोऊ होत है ऐसै वर करि ताहि ॥
पण्डित अर्थ कियो तु तिहि हिय में हूँ संतोष । कही तु प्रभु पाके कही जेहै गुण श्री दोष ॥
कही तु दोष की यामे नहिन प्रकास । अलंकार उपमा सुगुण और कहु अनुप्रास ॥
कही महाप्रभु कही तु हम करी नही जो रोस । श्लोक तुम्हरे इही मधि कही तु गुन श्री दोष ॥
प्रतिभा की तुव काव्य है जो देवत संतोष । भलैं विचारें ते तु तिहि जानिये गुणरु दोष ॥
ताते बाही श्लोक की नीकें करी विचार । कवि कही जो हम कही सोई श्रुति की सार ॥
प्राकृतनी तुम नही पदे अलंकार निरधार । तुम कैसै की जानि हो इहि कवित्त की सार ॥
कही तु प्रभु पाते तुमे पूछत है इहि भाष । गुण श्री दोष विचारि के हमें देहु समुझाय ॥
अलंकार नाहिन पदे अवन कियो कहु ताहि । ताते यामे देखिये बहु गुन दोष तु आहि ॥
कही तु कवि देखे कही कदा तु गुण श्री दोष । कही तु प्रभु कही सुनी करी नही जो रोस ॥
पंचदोस श्री पंच ही अलंकार है याहि । कम हो करि हम कहत हैं करि विचार मुनि ताहि ॥
है अवमृष्ट विधेय अंस दोस दोष यं चीन । है पुनरुक्ति विरुद्धमति मग्नक्रम ये तीन ॥
गंगा की तु महन्व है या में मूल विधेय । इहं शब्द अनुवाद के पाछे है अभिधेय ॥
आगे कहि तु विधेय अनुवाद कही फिर ताहि । याहीने या श्लोकको वृथा अर्थ किय आहि ॥

तथाहि—अनुवादमनुक्तैव न विधेय मुदीरयेत् ॥

द्वितीय श्री लक्ष्मी इहां है द्वितीयन्य विधेय । गौन भयो तु समाम में नाम भयो अभिधेय ॥
द्वितीय शब्द विधेय सो परती बीच समाम । लक्ष्मी सो समता तु करि अर्थ कियो तु विनास ॥
है अवमृष्ट विधेय अंस इही दोस की नाम ॥ सावधान आगे सुनी और दोष इक वाम ॥
दियो भवानी भक्तुं पद पायी बहु संतोष । याही कही विरुद्धमति यह महा है दोष ॥

शब्द भवानी कही सो भव गृहीणी की आहि । भान होय पति द्वितीय की भर्ता कही तु ताहि ॥
शिव पत्नी भर्ता सुपद सुनते ही तु विरुद्ध । शब्द करै तु विरुद्ध मति सो न शास्त्र में सुद्ध ॥
द्विज पति भर्ता तु के देहु हाथ में दान । सुनत भयो इहि शब्दके दिवि भर्ता की ज्ञान ॥
विभवति क्रिया समाप्ति पद केरि विशेषण आहि । अद्भुतगुन पुनरुक्त यह दूषण वही तु ताहि ॥
तीन चरण में देखिये अनुप्रास की पीप । एक चरण लक्षिय तासों मग्नक्रम ये दोस ॥
यद्यपि नीकें पांच हैं अलंकार इहि जोय । इनही पांचो दोष करि अलंकार नाम होय ॥
अलंकार दस होय जो एकहि में तु प्रकास । करै एक ही दोस सब अलंकार गुन नाप ॥
जैसे वपु सुन्दर सकल भूषण भूषित आहि । एक दाग ज्यों कृष्ट की करै निंदा अति ताहि ॥
तथाहि भरत मुनिः—

रसालंकारचतुःकाव्यं दोषयुक् चेद्विभूषितं । स्वादुः सुन्दरमपि रिचये लौकेन दुर्भगम् ॥

अलंकार ये पांच अब तिन की सुनी विचार । है शब्दालंकार है गुण अर्थालंकार ॥
शब्दालंकृति त्रय चरण अनुप्रास है ताहि । पुनरुक्त वदामास है श्री लक्ष्मी पद आहि ॥
प्रथम चरण के मध्य में पंच तकार तु पांति । तृतीय चरण मधि पदय के पंच रेक तिहि भांति ॥
चतुर्थ चरण के बीचमें चारि भकार प्रकास । अनुप्रास या भांति है शब्द अलंकृत नाम ॥
श्रीलक्ष्मी इन शब्द करि एक वस्तु है उक्ति । प्राय लगति पुनरुक्ति है नाहि न न पुनरुक्ति ॥
श्रीयुत लक्ष्मी अर्थ मधि अर्थार्थ की तु विभेद । पुनरुक्ति वदामास करि शब्दालंकृति भेद ॥
अर्थालंकृति लक्ष्मीरिव है उपमा तु प्रकास । अर्थालंकृति आन है नाम विरोधाभास ॥
कमल जन्म मुर सरित तें सबही को तु सुबोव । गंगा जन्म तु कमल तें है अन्यंत विरोध ॥
इहां विष्णु पद पद्म तें गंगा जन्म तु आहि । इहां विरोधालंकृती करी चमत्कृति ताहि ॥
प्रभु अचिन्त्य शक्तिहि भयो गंगा की तु प्रकास । याही तें तु विरोध नहि है तु विरोधाभास ॥

तथाहि—अन्वुत्तमन्वुनि जातं कचिदपि न जातमन्वुजादन्वु । मुरमिदि तद्विपरीतं पादान्मोक्षान्महानदी जाता ॥
साध्य बड़ाइ गंगा की साधन तिहि निरधार । विष्णु पाद उत्पत्ति यह अनुमानालंकार ॥
पदे पंच अलंकृतिहि पंच दोष हैं ताहि । ज्यों सूक्ष्म तु विचारिये तौ अपार ये आहि ॥
प्रतिभा की कविता तु में तुमकी देय प्रसाद । अविचारहि तु कवित्त में परे दोष की बाद ॥
करै कविन विचारि के निमल वह ही होय । सहित अलंकृति अर्थ भी करै चमत्कृति सोय ॥
मुनि प्रभुके व्याख्यान दिग्विजयी विस्मित होय । मुख निकसत नहि वचन है प्रतिभास्तंभित सोय ॥
पदुवा बालक ने कियो मेरी मति की लोप । जान्यो देवि सरस्वती मोकी कोनी कोप ॥
किय निमाइ विख्यान जे मानुष शक्ति न होय । पाके मुख रहि सरस्वति बोलैं जान्यो सोय ॥
पही भावना करि कही पंडित सुनी निमाइ । तुम व्याख्या मुनि के भये हम विस्मित तु वनाइ ॥
अलंकार नाही पदे नही शास्त्र अभ्यास । काहे तें ए तुम सकल कीने अर्थ प्रकास ॥

मुनिके ताके प्रभु वधुरंगी आहि । जानि हृदय ताको दुखी करिके भेंगी ताहि ॥
 भली भुरी जाने न हम शास्त्रविचारहि जोय । जो कहायो सरस्वती बानी कही जु सोय ॥
 दिग विजई करिके यही करिके निहचै ताहि । शिशु द्वारा देवि करयो मोहि पराजय आहि ॥
 विनती करिही आहु तिहि करिके जप अरु ध्यान । बालक द्वारा है करयो एतौ मुहि अपमान ॥
 करबायो है वास्तवै सरसुति पदय अशुद्ध । औसर बीच विचारि केँ हाँपि दई तिहि बुद्धि ॥
 हास्य करन लागे तवै सर्वे शिष्य गन आहि । तिन सब कोँ जु निषेधि प्रभु बोले परिहृत ताहि ॥
 महा कविके मुकुटमणि तुम बहु परिहृत ताहि । बाहिर निकसी कान्धकी बानी असमुख आहि ॥
 कहिबे चाहत है कहूँ उत्तर आवत नाहि । तब तौ कहूँ विचारि केँ भौ व्याकुल मन माहि ॥
 तुव कविता इहि भाँतिहै ज्यौ गंगाजल धार । तुमसम कविजु और कोउ लरूपी नहीं निरधार ॥
 भवभूति सु जयदेव कवि भौ कवि कालीदास । तिन सब के कवितानि में है जु दोष परकास ॥
 यही अल्प करि मानिये गुन औ दोष विचार । कविता करिबे की सकति वही बाखानी सार ॥
 शैशव की चापन्य हम कहूँ ना लेहु सुजान । नही हो सकै आप केँ हम तौ शिष्य समान ॥
 आहु जाहु घर कालि हम मिलिहै और जु वार । सुनिहै पुनि मुख आपके सबही शास्त्र विचार ॥
 इही भाँति निज घर गये दोऊ जन सुविचार । जाय विप्र घर सरसुती किय आराधन सार ॥
 स्वप्न बीच में सरसुती कय आदेश जु ताहि । ईश्वर ही साक्षात् करि प्रभु कोँ जानौ आहि ॥
 तिन आगेँ मो शक्ति नहिँ करिबै कहूँ विचार । ताते तिहिँ दिग जाय केँ प्रणति करौ बहुवार ॥
 आप तही परभात ही प्रभुपद सरनजु लीन । कृपा महाप्रभु की जु तिहिँ खण्डन बंधन कीन ॥
 ए लीला बरनी सकल भी वृन्दावन दास । जो कहूँ है जु विशेष सो इहाँ करी जु प्रकास ॥
 श्री चैतन्य गोस्वामि की लीला अमृत धार । तृप्ति होति सब इंद्रिये भवन सुनत निरधार ॥
 श्री रूपहि रघुनाथ के चरननि जाकेँ दास । श्री गौर चरित अमृत कोँ कहत कृष्ण कोँ दास ॥
 रूप सनातन जगत हित सुवल स्वाम पद आस । गौर चरित कोँ करत है वृजभाषा हि प्रकास ॥

इति श्री चैतन्यचरितामृत आदिखण्डे कैशोरलीलापर्यंतं नाम षोडशपरिच्छेदः

सप्तदश परिच्छेदः

बन्ने स्वरूपतुल्यं तं चैतन्यं यत्प्रसादकः । यवनाः सुमना वन्ते कृष्णनामप्रजल्पकाः ॥

जय जय प्रभु चैतन्य जू जै श्री नित्यानंद । जय जय श्री अद्वैत जू जय प्रभु भक्तनि वृन्द ॥
 जो लीला कैशोर तिहिँ खूब जु गन किय ताहि । जीवन लीला खूब को अनुक्रम करिये आहि ॥

विद्याभोग्यार्थमदोष सम्बोधनार्थकीर्तनैः । प्रेम नाम प्रधानैरथ गौरौ दीपयति बीजने ॥



गया से प्रभावर्त्तनकारी प्रेमाविष्ट श्रीगौरांग

अंग चिम्पन अंग है जीवन के तु प्रवेस । चंदन मान्य सुदिन्य तिहि वस्त्र दिव्य सब वेस ॥
 विद्या के औद्धत्य करि गने न काहु सोय । पण्डित सब ही जीति करि तिन्है पदार्थ जोय ॥
 बात रोग के छल तु करि कीनों प्रेम प्रकास । जन यूथनि करि वचन करै तु विविध विलास ॥
 गमन गवाका महाप्रभु तब ही कियो तु आहि । भयो तु ईश्वर पुरी संग मिलन तहाँदे ताहि ॥
 दीक्षा के पीछे कियो प्रभु प्रेम प्रकास । फेरि आगमन देस करि कियो प्रेम विलास ॥
 तब मिलन अर्द्धत की प्रेम दान सचि सोय । विश्वरूप दर्शन लखी श्री अर्द्धतहि जोय ॥
 गृह मधि प्रभु अभिषेक न कीनो श्रीनिजुवास । खाट बैठि प्रभु कियो निज ऐश्वर्य प्रकास ॥
 नित्यानंद स्वरूप को तब आगमन आहि । प्रभु को मिलि पायो तिन्ह पदभुज दरसन ताहि ॥
 तिन को पदभुज प्रवचन प्रभु दरसन दिखी जोय । शंख चक्र पकंज गदा धनुष वंश भर सोय ॥
 तब चतुर्भुज भये प्रभु ललित त्रिमंगी सोय । डै कर वंश बजावही शंख चक्र कर दोय ॥
 केवल वंशीविदन प्रभु भये द्विभुज पुनि सोय । पीत वसन अरु श्याम तनु नंद नंदन है जोय ॥
 तब ही नित्यानंद को व्यास तु पूजा सोय । नित्यानंद आवेस करि मूसल धारथी सोय ॥
 राम कृष्ण भाई तु डै लखे शची तिहि बार । तब जगई माधव दोउन किय निस्तार ॥
 सात प्रहर प्रभु के तब भयो तु भावावेस । जैसे जैसे भक्तजन तिनसे लखे विसस ॥
 शुक्लाभ्यार के कियो तब तंडुल मचण आहि । हरेनाम या रलोककी किय विवरण तब नाहि ॥

हरे नाम हरे नाम हरेनामैव केवल । कली नास्त्येव नास्त्येव नास्त्येव मति रम्यता ॥

नाम रूप कलिकाल में है तु कृष्ण अवतार । नाम हि ते है तहाँ सब जग की निस्तार ॥
 दाख्य हेत हरि नाम की उक्ति बार वार आहि । जड़ लोकनि में जातही एव कार फिर ताहि ॥
 केवल पद करि फेरि हैं निरवै करन तु सोय । ज्ञान जोग तप कर्म की कियो निवारण जोय ॥
 कोऊ नहि माने अन्यथा ताहीं नहि निस्तार । नहीं नहीं तामे कहै एव कार वार वार ॥
 लेवी नाम मदा तु है तृण ते नीच निदान । आपुन है अभिमान विनु जीवनि देखो मान ॥
 तरुही सम तु सहिष्णुता हरि जन करिवे आहि । भर्त्सन ताडन करो किन कछु कहिवे नहि ताहि ॥
 कोऊ जो तरु काटई कछु न बोलै जोय । मुखि जाय मांगे न कछु काहु पै जल सोय ॥
 काहु सो मांगे न कछु इहि विधि वेषण जोय । अमृत वृत्ति है साक फल मिले खायवै सोय ॥
 नाम निरंतर लेय श्री यथा लाभ संतोष । यह आचार करै तु हरि भक्ति सुवन की पोष ॥
 तबहि श्री मुख सिद्धा—

सुखादपि सुतीक्ष्ण तरोरपि सहिष्णुता । अमानिता मानदेन कीर्तनीयः सदा हरिः ॥

ऊर्ध्व बाहु करि कहीं ही सुनी भक्त जे लोक । नाम सुत्र मधि गुहिसु इहि पहिरी कंठ तु श्लोक ॥
 प्रभु आज्ञा करि करै इहि पद आचरण हि जोय । पैई तब अवश्य करि कृष्ण चरन रज सोय ॥
 तब प्रभु तु श्रीवास के गृह तु निरंतर जोय । निमि संकीर्तन कियो रहि एक वरस ली सोय ॥

कीर्तन करें कपाट दें भरै प्रेम आवेस । आवै पापंटी हसन पावै नही प्रवेस ॥
 पाखण्डी मुनि कीर्तन हि जरि बरि भरै जु सोय । श्री निवासके दुःख हित करै जुक्ति बहु जोय ॥
 एक दिन एक विप्र जो चापल नाम गुपाल । पाखंडिन में श्रेष्ठ सो दुर्मुख अति वाचाल ॥
 देवों पूजा की जु सब सामिग्री ले आव । श्री जुवास के द्वार पै स्थल लीप्यो जु वनाय ॥
 तहां कदलि के पत्र पर औड़ पुष्प धरि जोय । हरदि सिंदुर जु अरुन फल तंडुल राखे सोय ॥
 मदिरा पात्र भरि धरिकै सो निज घर गौ आहि । श्रीजुवास प्रातहि उठि लखौ तहां तब ताहि ॥
 बड़े बड़े सब लोक जे न्याये तिन्हें बुलाय । श्री निवास जू कहै यौ हसि हसि सबनि सुनाय ॥
 नित्य रात्रि कौं करै हम देवी पूजन सोय । मम महिमा देखौ सकल द्विज सज्जन हैं जोय ॥
 सिष्ट लोक सब देखिके करै जु हा हा कार । ऐसौ कर्म कियौ जु तिहि कौन निघ आचार ॥
 नाच न्याय के द्रव्य सब दूरि करावौ सोय । गंगा जल गोवर मिलै स्थल जु लिपावौ सोय ॥
 तिहि चापल गोपाल के तीनहि घांस बिताय ॥ कुण्ड भयौ सब अंग में धारा रुधिर बहाय ॥
 सबअंग बेष्टित कुमिजु करि इसैं निरन्तर ताहि । दुःमह वेदना दुखहि करि पजरै अन्तर आहि ॥
 घाट सुरधुनी वृत्त तर पर्यौ रहै द्विज सोइ । एक दिन बोल्यो कछु प्रभु कौ देखि जु जोय ॥
 हो जु ग्राम सम्बंध करि तुव मातुल हौं आहि । कुण्ड व्याधिमां भानिजे हौंअति व्याकुल ताहि ॥
 सब ही लोक उद्धार हित है तुम्हारा अवतार ॥ वही दुखी हौं करौ तुम अब मेरौ उद्धार ॥
 यह मुनि के प्रभु जू भये महाक्रोध मन माहि । कहै जु क्रोधावेस करि तर्जन वचन सुताहि ॥
 करवावौ श्री वास कौ देवी पूजन ताहि । कोटि जन्म है है जु तुव रौरव पतन जु आहि ॥
 पाखण्डी संहार हित है मेरी अवतार । पाखण्ड जु संहार करि करि हौं भक्ति प्रचार ॥
 ऐसे कहि प्रभु तब गये करन सुरधुनी स्नान । दुख पावै पापी वही जाय नही तिहि ग्राम ॥
 करि सन्यास जु प्रभु गये नीलाचल तब सोय । आये जब फिरि तहां ते कुलिया ग्रामहि जोय ॥
 तिहि पापी ने तब तहां लियौ शरन प्रभु जोय । हित उपदेस कियौ तब हृदे करुन अति होय ॥
 भौ पण्डित श्री वास कौ तीसों अति अपराध । तहां जाहु तेई करै जो तुव कृपा अगाध ॥
 तब तेरौ है है जु यहि पाप विमोचन आहि । जो फिरि ऐसें करैगौ नहीं आचरन ताहि ॥
 सरन लियौ श्रीवास कौ तब तिहि पापी आहि । भयौ जु तिनकी कृपातें पाप विमोचन ताहि ॥
 देखन आर्य कीर्तन और एक द्विज आहि । द्वारपाल भीतर तब जान दियौ नहि ताहि ॥
 निज घर गयो जु विप्र सो मन अति दुखी जु होय । गंगापथ में प्रभु कौ लखि कहै और दिन सोय ॥
 हो तुमकी अब सांघि हौं पायी दुख जु अखंड । तोरि जनेऊ सांघि दुर्मुख महा प्रचण्ड ॥
 प्रभु तुमरी संसार मुख सब ही होइ विनास । मुनिके साप बढ्यो जु अति प्रभु के हिये हुलास ॥
 साप बात प्रभु की सुने जो अदायुत आहि । परित्राण है है सदा ब्रह्म साप तें ताहि ॥६०॥
 सुकुन्द दत्त कौ तब कियौ प्रभु जू दण्ड प्रसाद । खण्डन ताकी हृद कौ भयौ जु सब अवसाद ॥

प्रभु जु श्री आचार्य की करै भक्ति गुरु जोय । यातें श्री आचार्य की महा दुखित मति होय ॥
 भंगी करिकै तब कियौ ज्ञान मार्ग विल्यान । प्रभु जू क्रोधावेस करि किय तिनकी अपमान ॥
 आचारज गोस्वामि के तब आनंद भौ हीय । लजित है के महाप्रभु तब प्रसाद तिहि कीय ॥
 गुप्त मुरारिहि वदन तें मुन्यो राम गुन ग्राम । प्रभु जु लिख्यौ ललाट पर रामदास तिहि नाम ॥
 अधर जू के लोह के पात्र कियौ जलपान । सबही भक्तनि कौ दियौ प्रभु इष्ट वर दान ॥
 ठाकुर श्री हरिदास कौ कियौ प्रसाद अगाध । आचारज दिग मात कौ छिमवावौ अपराध ॥
 महिमा कही जु नाम की भक्त गणनि प्रभु आहि । मुनि एक पटुवा क्यौ अर्थवाद जो ताहि ॥
 नाम स्तुति में वाद मुनि प्रभु के दुख भौ आहि । प्रभु सकोप वरज्यो लखौ मति कोऊ मुख याहि ॥
 संग सचैल कियौ जु प्रभु गंगा जाय सिनान । अद्भुत महिमा भक्त की तहां जु कही बखान ॥
 ज्ञान जोग कर्मादि करि नहीं कृष्ण बस होय । एक हेतु बस कौ जु तिहि प्रेम भक्ति रस जोय ॥
 श्रीभागवते—

न साधयति मां योगो न सांख्यं धर्म उद्वह । न स्वाध्यायस्तपस्यागो यथा भक्तिर्ममोजिता ॥

प्रभु जू कहत मुरारि कौ तुम जु कृष्ण बस कीय । मुनि के पत्र पठन लगे श्रीमुरारि रस हीय ॥
 तथाहि—क्याई वरिदःपापीयान कः कृष्णः श्रीनिकेतनः । ब्रह्मबन्धुरिति स्माह बाहुभ्यां परिरम्भितः ॥

कवित्त—

एक दिन प्रभु सब भक्तनि कौ संग लैकें कीर्तन करें रस श्रम युत भये हैं ।
 एक आंम बीज लैकें आंगन में रोप्यो प्रभु ताही छिन जम्प्यो वृत्त साखा बहु आये हैं ।
 देखत ही देखत में फल्यो बहु पाक्यो फल देखि सब भक्तनि सु अचिरज ठये हैं ।
 इसै फल भारि लैकें थोप तिहि गंगा नीर नीकी भांति कृष्ण जू कौ भोग सुलगाये हैं ।

वरन अरुण औ पीत ते छिलका गुठलि न ताहि । एकहि फल भक्षण किये उदर भरै इक आहि ॥
 देखि भये संतुष्ट श्री शचीनंद जू ताहि । सबकीं प्रथम खवाय के फिरि भक्षण किय आहि ॥
 जिनमें नहि है आंस कछु अमृत जु रस मय सोय । एकहि फल को रस पिये उदर सुपूरित होय ॥
 याही विधि ते आस्र फल प्रति दिन द्वादस मास । पान किये सब वैष्णवनि प्रभु के हिये हुलास ॥
 ए सब लीला करें प्रभु शचिनंदन जू सोय । जाने नहि बहिरंग जन जाने निज गन सोय ॥
 इहि विधि द्वादस मास प्रति दिन दिन प्रति भगवान । आस्र महोत्सव करें जू कीर्तन के अवसान ॥
 प्रभु कीर्तन करत में आये भेद गन जोय । अपनी इच्छा के कियौ मेष निवारण सोय ॥
 प्रभु पण्डित श्रीवास को इक दिन आज्ञा दीय । बृहत सहस्र नाम पढ़ौ मुनिबे कौ भौ हीय ॥
 आयौ ताकी पढ़न में श्रीनृसिंह की नाम । मुनि आविष्ट भये जु प्रभु गौर अंग निज घाम ॥

गदा हाथ लैके जु प्रभु श्रीनृसिंह के भाय । पाखण्डिन संहार हित चलै नगर को धाय ॥
 देखि नृसिंहाकृति महातेजो मय सब ताहि । भजै लोक पथ छाड़ि कै पाय बढ़ो भय आहि ॥
 सकल लोक भय देखि के बाह्य भये प्रभु जोय । श्रीजुवास घर जायके गदा फेंकि दिय सोय ॥
 कहै प्रभु श्रीनिवास सो करि विषाद अति सोय । भयो मोहि अपराध जे रह्यो लोक भय जोय ॥
 ते जु कहै तुव नाम जिहि रसना करै प्रकास । कोटि कोटि अपराध तिहि होय तिही छित नास ॥
 कियो नही अपराध औ कियो लोक निस्तार । जिनि जिनि देख्यो प्रभु तुम्हैं लूख्यो तिहि संसार ॥
 ऐसे कहि श्रीवास नृ प्रभु सेवन किय आहि । आये अपने भवन तव तुष्ट होय प्रभु ताहि ॥
 और जुदिन शिव भक्त एक शिव के गीतहि गाय । प्रभु आँगन नृत्य दि करै हमरू वाद्य बजाय ॥
 है आवेस महेस के शचीसुनु जु आहि । नृत्य कियो बहु लख प्रभु कांधे चढ़ि के ताहि ॥
 मित्रक एक जु और दिन मांगन आयो जोय । प्रभु नृत्यहि लखि नृत्य कौ लाग्यो करन जु सोय ॥
 मित्रक परम हुलास सो प्रभु सँग नाचै जोय । प्रभु नृ ताकौ प्रेम दिय बहो प्रेम रस सोय ॥
 और दिन एक ज्योतिषी आयो जिहि सब ज्ञान । तासीं यौ पूछ्यो जु प्रभु करिके बहु सनमान ॥
 पूछे जन्म ही कौन ही कहि गनि लग्न विचार । गणन लग्यो सर्वज्ञ सो सुनि प्रभु वाक्य सुसार ॥
 जग अनंत बैकुण्ठ औ सबके आश्रय सोय । देखै गणक सु ध्यान में महा ज्योतिमय जोय ॥
 परम ब्रह्म परमेश जो परम अधीश्वर जोय । प्रभु मूर्ति सर्वज्ञ लखि भयो चकित अति सोय ॥
 सकै बोलि नहि सो कहूँ रखौ मौन गहि आहि । कहन लगे तव फेरि जब कियो प्रश्न प्रभु ताहि ॥
 प्रभु जु तुम पहिले हुते सब जग के जु निधान । जो है सर्वेश्वर्य मय परिपूर्ण भगवान ॥८॥
 पहिले जैसुं हुते तुम अब हूं सोई रूप । नित्यानंद दुर्बोध अति है तुम्हरो स्वरूप ॥
 कहूँ नहि जान्यो गणक तुम प्रभु हंसि कथौ जु ताहि । हुँतौ आगिले जन्म में गोप जाति हो आहि ॥
 गोप जाति में जन्म ले भौ गायनि रखवाल । तिही पुण्य करि अब भयो हौं जु चिप्र कौ बाल ॥
 कहै ज्योतिषी ध्यान मधि बहु लख्यो हौं आहि । भयो चकित हौं देखिके अति ऐश्वर्य्य हि ताहि ॥
 बहुरूप यह रूप औ देखे एकाकार । कभू भेद लखिये जु यह तुम माया निरधार ॥
 जो हो सो तुम तुम्हें नमस्कार मम आय । कियो ताकौ सनमान प्रभु दियो प्रेमधन ताय ॥
 बेटे मण्डप विष्णु के एक दिना प्रभु जोय । मधु आनय आनय सुमधु कहै उच्च सुर सोय ॥
 नित्यानन्द गोस्वामि नृ जान्यो तिनको भाय । गंगा जल कौ पात्र भरि धर्यो जु सन मुख आय ॥
 नाचै प्रभु जल पान करि मद विह्वल अति होय । लीला कर्पणतरणिजा सर्व दिखार्ह सोय ॥
 अनुकृति सब बलदेव की गति मदमत्त सुठार । आचारज शेखर जु तिहि देख्यो रामाकार ॥
 बनमाली आचार्य नृ लख्यो स्वर्ण हल ताहि । नृत्य करे आवेस सो विहवल सब मिलि आहि ॥
 इहि विधि नृत्य भयो तहां चारि पहर लौं जोय । संध्या गंगा स्नान करि समें गये गृह सोय ॥
 प्रभु नृ नगर जनन की जवै सु आज्ञा दीय । होन लग्यो अति कीर्तन घर-घर उत्सव कीय ॥

हरये नम कृष्णाय नम यादवाय नम आहि । गोविंद गोप श्रीराम नृ मधुसूदन नम ताहि ॥
 करे कीर्तन उच्च धुनि बजि मृदंग करताल । हरि-हरि धुनि विनु नाहि नै सुनिये अरु तिहि काल ॥
 सुनि आये अति क्रुद्ध हैं सकल यवन गन सोय । आये काजी पास सब कियो निवेदन सोय ॥
 साभ सभें काजी कुपित आयो एक गृह जोय । फोरि मृदंग सब जनन सो कहन लग्यो तब सोय ॥
 हिंदुवानी अब लौं प्रगट करी न काह जोय । अब जो ऊधम कियो तुम कहा जानि के सोय ॥
 सकल नगर में करो जिनि कोऊ कीर्तन आहि । हौं तौ निज घर जात हौं आजु चमा करि ताहि ॥
 आगे कीर्तन करत जो सुनि पाऊं गो जाहि । करि हौं ताको जाति विनु सब धन लैहो ताहि ॥
 ऐसे कहि काजी गयो सब नगर को लोक । कियो निवेदन प्रभु निकट हिये पाय बढ़ शोक ॥
 जावौ प्रभु आज्ञा दई कीर्तन करो निसंक । अब हौं तिन्हें संघारि हौं सकल जवन जेरंक ॥
 लोक सब गृह जाय के करे कीर्तन आहि । काजी के भय सो रहित मन चिन्ता नहि ताहि ॥
 तिन सबको संकोच कौ प्रभु मन में अनुमाय । लागे लोगनि सो कहन सब कीं टेरि बुलाय ॥
 नगर-नगर में आजु हौं कीर्तन करो जोय । देखे काजी कौन है हमें निवारें सोय ॥
 ऐसे कहि संध्या चलै गौर राय रसलीन । तवै कीर्तन के किये संप्रदाय प्रभु तीन ॥
 आगे नृत्य करे सरस संप्रदाय हरिदास । मधि नाचै आचार्य नृ हिय में अधिक हुलास ॥
 संप्रदाय पाछे करे नृत्य गौर रसकंद । तिन सँग नाचै कहै हरि प्रभु श्री नित्यानन्द ॥
 यह मंगल चैतन्य में श्री वृन्दावनदास । नीके प्रभु की कृपावल वर्णन किय करि व्यास ॥
 इहि विधि कीर्तन करत सब नगर कियो संचार । भ्रमत भ्रमत ऐसे गये प्रभु काजी के द्वार ॥
 तजै गर्जे नगर के करे कुलाहल चाहि । गौरचंद्र बल करि सकल प्रेममत्त अधिकाय ॥
 काजी कीर्तन धुनिहि सुनि गृहमधि लुक्खौ जु सोय । तर्जन गर्जन सुनें सो तऊ न चाहि होय ॥
 दाहै तिहि गृह कुसुमवन उद्धत लोक अपार । तिहि वृन्दावनदाम नृ वर्णन किय विस्तार ॥
 तब प्रभु बैठे द्वार तिहि हृदं दया अधिकाय । भव्य एक जन प्रेरिके काजी लियो बुलाय ॥
 आयो दूरि हिते जु तिहि माथो दियो नवाय । बैठायो प्रभु ताहि तब करि सनमान बनाय ॥
 कहै प्रभु आयें जु हम अभ्यागत तुव गेह । हमको देखि दुरे जु तुव कौन धर्म मत एह ॥
 सो जु कहै प्रभु सुनौ तुम आयें कुपित सु होय । ताते तुम्हरे सांति हित रखौ जु दुरि हो सोय ॥
 इहि छिन तुम हरपित भये तब हौं मिन्यो जु आय । तुमसे अतिथि लई सु मम भाग्य कौ न अधिकाय ॥

कवित्त—

चक्रवर्त्ति चाचा लगै मेरे ग्राम नाते करि देहनाते हुते सांचौ नातौ सही सोई है ।
 नीलाम्बर चक्रवर्ती मामा तुव लगै ताते मेरे भानिजे ही तुम जाते कोथ होई है ।

मातुल की अपराध भानजों न धरै हियँ कहै दोऊ कथा गुप्त जानें नह कोई है ।
कहै प्रभु प्रश्न लियँ आये तुम पास काजी कहै आज्ञा करौ तुम मनमें जु सोई है ॥

प्रभु कहै गोप्य पिपौ तातें गो तुम मात । धृप उपजावै अन्न सब तातें सो तुम तात ॥
तात मात की मारि के खाहु कौन इह धर्म । कहाँ कौन के बल जु तुम करौ इतक विकर्म ॥
है तुम्हरे काजी कहै जैसे वेद पुराण । हमरे हैं तैसें जु है शास्त्र किताब कुरान ॥
एक निवृत्ति प्रवृत्ति औ दोष मार्ग किय ताहि । जीव मात्र को बध मनें कियौ निवृत्ति में आहि ॥
आज्ञा गोवध करन की है प्रवृत्ति मग आहि । आज्ञा बल करि बध करै नहीं पाप फल ताहि ॥
वेद तुम्हरे में जु है गोवध बानी जोय । याही तें गोवध करे बड़े बड़े मुनि सोय ॥
प्रभु कहै वेद मनें करे गोवध कौ निरधार । यातें हिंदुमात्र नहि गोवध करै विचार ॥
तब मारै प्राणी जु तिहि सकै जियाय जु ताहि । यहै सु वेद पुरान की आज्ञा वचन सु आहि ॥
जीर्णदेह जिहि धेनु सो होय तरुणि तिहि वार । याही तें बध नहीं नें है सो तिहि उपकार ॥
जैसि नहीं कलिकाल में विप्रनि शक्ति विशाल । याही तें गोवध करै नहीं कोऊ इहि काल ॥

कथाहि—अश्वमेधं गवांलम्भं सन्त्यासं पलपैतुकं । देवरेण सुतोत्पत्तिं कलौ पञ्च विवर्जयेत् ॥

सकौ नहीं जु जियाय तुम है बधमात्र जु सार । यातें तुम्हरी नरकतें नाहिन है निस्तार ॥
रोम जिते गो अंग में तिते जु वर्ष हजार । परि रौरव में गोवधी नहि ताकी उद्धार ॥
कर्षा जो तुव शास्त्र की सो जु आंत भौआहि । बिनु जाने यों सास्त्र हिय आज्ञा दीनि ताहि ॥
मुनि सो भक्ति भयो वदन आवै वचन न ताहि । काजी कहै विचारि करि मानि परामय आहि ॥
परिहृत जु तुम कसौ जो सर्व सत्य है ताहि । सास्त्र हमारी आधुनिक नहि विचार है ताहि ॥
कल्पित हमारी शास्त्र है हम सब जानै आहि । तऊ जाति अनुरोध करि मानें शास्त्रहि ताहि ॥
यवन शास्त्रमो सहज ही अट्टव विचारहि आहि । हंसिकें पूछन लगे प्रभु और वार कछु ताहि ॥
प्रश्न करै इक और हम मामा सुनौजु ताहि । कहि यथार्थ छलकरि हमें छलियौ जिनि तुम आहि ॥
होय तुम्हारे नगर में सदा कीरतन जोय । वादय गीत संगीत औ नृत्य कुलाहल सोय ॥
हिन्दु धर्म विरोध की तुम काजी अधिकार । मनें करौ नहि हेतु किहि समझि सकै न विचार ॥
काजि कहै जु सब तुम्है कहै गौर हरि जोय । तिहि नाम करि हरि तुम्है करै संवोधन सोय ॥
इही प्रश्न की गौरहरि कारण सुनौ जु आहि । होय जवै एकांत तब करौ निवेदन ताहि ॥
प्रभु जु कहै ए लोक सब अन्तरंग मम जोय । कहाँ जु तातें प्रगट ही नहीं कछु भय सोय ॥
तिहि दिन ही काजी कहै गयो हिंदु घर आहि । आयौ कीर्तन करि मनें फोरि मृदंगहि ताहि ॥
तिही रात्रि में सिंह इक महा भयंकर जोय । सिंह वदन नरदेह अति गर्जन करै जु सोय ॥
सज्जा मेरी पर तब चढ़े कृदिकें सोय । कट कट दंत जु मुख करै अट्टहास अति जोय ॥

मेरी छाति नखनि दै वोले सुर अति धोर । सब मृदंग पलटें जु तुव उदर डारिहौ फोरि ॥
मने कियौ मम कीरतन करिहौ तेरी नास । आंखि मूँदि कांपै जु अति हिय भय पाऊँ तास ॥
भीति देखि सिंह कसौ हृदय सदय अति सोय । तुव सिखा के हेतु तुव कियौ पराजय जोय ॥
ता दिन तें कीनी नहीं याते बहु उतपात । तातें आजु जमा कियौ नाहि कियौ तुव घात ॥
ऐसैं फिरि जौ करै गो तब सहिहौ नहि ताहि । तोहि बंसाहि मारि सब जवनन हति ही आहि ॥
इतनी कहि सिंह जु गये भौ मेरे भय सोय । ये देखौ नख चिन्ह तिहि है मेरे हिय जोय ॥
ऐसैं कहि काजी तिन्हें दिय निज हियौ दिखाय । सुनिकें लोक हँसे जू अति अचिरज हिय पाय ॥
काजी कहै जु यह कथा करौ न कहूँ प्रकास । एक पिपादी तिही दिन आयौ मेरे पास ॥
आय कही होंगो मनें करन कीरतन जोय । मेरे मुख उलका अग्निनि लगी अचानक सोय ॥
डाढ़ी सब जरि मुख भये बड़े फफोलक आहि । गयो प्यादी जोइ जहां भइ रीति यह ताहि ॥
बोल्थौ हौं तिहि देखि कें हियें गयो भय पैठि । मनें करौ जिनि हिंदुबनि रहैं सबै घर बैठि ॥
होन लग्यौ स्वर्द्धद तब नगर कीरतन जोय । सुनि सब आये म्लेछ मम कियौ निवेदन सोय ॥
हिन्दुन की या नगरमें वाद्यों धर्म अपार । हरि हरि धुनि विनु और कछु नहि सुनियेजु विचार ॥
और कहै हिंदु करै कृष्ण कृष्ण रस पूरि । नाचै गावै धुनि करै हसैं जाय गडि धूरि ॥
हरि हरि करि हिंदु सबै करै कुलाहल जोय । पातशाहि जो यह सुन करै कैद तुम सोय ॥
तब तिन जवन सौं जु हों पूछ्यौ ऐसैं आहि । जान्यौ हिंदु नाम लै यह सुभाव है ताहि ॥
तुम हिंदुन के इष्ट के नाम निरन्तर आहि । जवन होय के लेत ही कारण कहा जु ताहि ॥
म्लेछ कहै हिंदुनि कीं बोलत हम परिहास । कृष्णदास काहू कसौ कसौ काहु हरिदास ॥
रामदास काहू कसौ हरि हरि बोलत सोय । जानौ घर कौ धन किहू लिय चुराय कें सोय ॥
रसना तबही ते जु हम बोलै हरि हरि आहि । इच्छा नहि तब हूँ कहै करै उपाय जु ताहि ॥
और म्लेछ भापै सुनौ हम हूँ इहि विधि जोय । हिंदुनि की परिहास किय तिही दिनातें सोय ॥
कृष्ण नाम जिह्वा कहै वरजि न मानें सोय । मंत्रीपथि मानों करौ कछु हिन्दू गण सोय ॥
ऐसैं सुनि तिन सवनि कीं घर कौं दियौ पठाय । हिन्दू पाखंडी तब पांच सात दिग आय ॥
कहै निमाई नास किय हिंदुन की सब धर्म । किय प्रवृत्त जो कीरतन कहै सुन्यौ नहि कम ॥
शिव चण्डी मंगल दिवस करै जागरन आहि । वादय नृत्य औ नरनको योग्य आचरण ताहि ॥
प्रथम निमाई शांत ही परिहृत कैसी रीति । आय गया तें अब कछु करि प्रवृत्ति विपरीत ॥
गीत जु गावत उच करि करतालीनु बजाय । रव मृदंग करताल कौ लगै श्रवण सौ आय ॥
नाचै गावै मत्त है नहि जानै कछु खाय । क्रन्दन करै हसैं उठै परै भूमि गडि जाय ॥
मत्त नागरिक किये करि सदा कीरतन जोय । गई नींद निसि जागरन सकै न कोऊ सोय ॥

नाम निमाई छाँडि अब गौर हरी सु कहाय । धर्म नष्ट हिंदू को किय पाखण्ड चलाय ॥
 कृष्ण कीरतन करें सब स्वपच आदि है जोय । इही पाप करि ग्राम सब ऊतर है है सोय ॥
 हिंदू के है शास्त्र में नाम मंत्र बड़ जानि । ताहि सुनै सब लोक के मंत्र बीज है हानि ॥
 तुम ठाकुर सब ग्राम के सब प्रजा तुम आहि । बोलि निमाई को अब मनें करौ तुम आहि ॥
 तब तो मैं बहु प्रीतिकरि कछौ सवनि सौं आहि । सब घर जावो बोलि हौं मनें जु करिहौं ताहि ॥
 हिंदू के जो ईस बड़ नारायण भगवान । सोई तुम हौं करै यों मेरो मन उनमान ॥
 यह सुनि के श्री महाप्रभु हिय अति हरपित होय । काजी को छूवै कछू कहन लगे तब सोय ॥
 कृष्ण नाम तुव वदन में यहै बड़ौ सुविचित्र । भये पापलस्य सबै तुव भयो जु परम पवित्र ॥
 नारायण हरि कृष्ण यों तीन बार लिय ताहि । भाग्यवान बडहो जु तुम पुण्यवान बड़ आहि ॥
 यह सुनि जलधारा बहै काजी के घुग नैन । छूवै के प्रभु के पदकमल कहै मधुर प्रिय वैन ॥
 तुम प्रसाद ते यहै मम दुर्मति सबै जु नास । रहै जु तुम में भगति मम करौ कृपा जु प्रकास ॥
 माँगत तुम सौं दान इक यहै कछो प्रभु जोय । कृष्ण कीरतन को विघन ज्यों नदिया नहि होय ॥
 बोन्यो सो ममवंश में जे उपजेंगे आहि । तिन सब को दैहौं सपत मनें करै नहि ताहि ॥
 सुनि प्रभु हरि हरि बोलिकें उठेजु हरपित होय । हरि हरि धुनि करिकें उठे सकल वैष्णव जोय ॥
 गमन कियो तब महाप्रभु करन कीरतन आहि । काजी आयो संग चलि मन आनंदित आहि ॥
 तब तो काजी को बिदा सचिनंदन जु दीय । आये अपने भवन तब नाचत हरपित हीय ॥
 इहि विधि काजी को प्रभु कियो प्रसाद अगाध । जो कोऊ इहि सुनें तिहि नास होय अपराध ॥
 श्री जुवास गृह एक दिन भरे गुसाई रंग । करै नृत्य भाई जु विधि नित्यानंद प्रभु संग ॥
 श्री जुवास के पुत्र को मर्य तहां पर लोक । श्री जुवास के हिये नहि तउन जनम्यो शोक ॥
 मृत बालक के वदन करि कियो जु ज्ञान प्रकास । आपुहि विधि भाई भये नंदन श्री जुनिवास ॥
 सब भक्तन को तब किय श्री प्रभु वरदान । अधरामृत नारायणी को दै किय सनमान ॥
 सिये वसन श्रीवास के दरजी पवन जु आहि । तहां चतुर्भुज रूप प्रभु दरसन दियो जु ताहि ॥
 देख्यो हो देख्यो जु कहि भयो मल अति सोय । नाचै प्रेम भर्यो भौ मुख्य वैष्णव सोय ॥
 वंसी प्रभु आवेस में श्री जुवास पे आय । मांगी तिन्हें जु तब कछौ गोपी लई चुराय ॥
 सुनि प्रभु कही कही कहै भरि आवेस हुलास । वृंदावन लीला मुरस वरन्यो श्री जु निवास ॥
 माधुरि वृंदाविपिन की प्रथमहि वरगण कीय । प्रभु जू के सुनिकें जु तिहि आनंद बाढ्यो हीय ॥
 सुनि के प्रभु यों कहै कही कही बहुवार । फेरि-फेरि श्रीवास जू कहै जु करि विस्तार ॥
 वेनु बाध गोपीन की किय आकर्षण जोय । तिन सवहिन के संग भौ ज्यों वन विहरण सोय ॥
 तादी मधि छह रितुन की लीला वर्गन आहि । अरु मधुपान रामोत्सव कही केलि जल ताहि ॥

श्री प्रभु कही कही कहै सुनिवे को जु हुलास । श्री निवास जू तब कछौ अनुपम रास बिलास ॥
 ऐसैं ही जु प्रभात भौ कहत सुनत ही सोय । श्री जु वास भौ प्रभु मिले हिये तुष्ट अति होय ॥
 तब आचारज गृह करी लीला कृष्ण अनूप । तहां महाप्रभु जू भये श्री रुक्मिणी स्वरूप ॥
 कवहैं दुर्गा श्री कभू भये कभू चिच्छक्ति । भक्त गनन को खाट पे बैठि दई निज भक्ति ॥
 एक दिना चैतन्य के भये नृत्य अवसान । इक द्विज पत्नी आय के गहं चरन प्रभु जान ॥
 सो द्विज नारी चरन रज लेइ सु वारंवार । प्रभु जु के भौ देखि के हिये जु दुःख अपार ॥
 दौरि तिही छिन महाप्रभु परै सुरधनी जाय । नित्यानंद हरिदास जू लीयो तिन्हौ उठाव ॥
 घर श्री विजयाचार्य के रहे जुरजनी ताहि । प्रातभये सब भक्तगन गृह लै आये ताहि ॥
 इकदिन बैठे गेह हिय गोपीभावहि जोइ । गोपी गोपी नाम लै प्रभु विपन्न अति होइ ॥
 इक पटुवा आयो तहां प्रभु को देखन जोय । गोपी गोपी नाम सुनि कहन लगी यों सोय ॥
 क्यों न लेहु श्री प्रभु जु तुम कृष्ण नाम अति धन्य । गोपी गोपी के कहैं है है कहा जु पुन्य ॥
 कृष्ण दोष उदगार किय सुनि प्रभु कुपित जु होय । पटुवा मारन को उठे लाठी लै के सोय ॥
 पटुवा भय करि भाजी सु प्रभु तिहि पाछें धाय । तिन पाछें सब भक्तगन चलैजु अति अकुलाय ॥
 न्याये प्रभु को सांति करि निजगृह सब जन सोय । पटुवन कीजु समा तहां भलि पटुवा गौं जोय ॥
 पटुवा सहस्र पढ़ें तहां सर्व एक ठां होय । जहां जाय द्विज ने कछौ प्रभु वृत्तांत जु सोय ॥
 सर्व जूथ पटुवान के क्रुद्ध भए सुनि ताहि । करन लगे तबमिलि सबै प्रभु को निर्दन आहि ॥
 चाहै द्विज को मारिबी नहीं धर्म भय ताहि । कियो निमाई एक लै देस अष्ट सब आहि ॥
 जो कवहैं ऐसै जु फिरि करै मारि है ताहि । करि सकि है सो कहा वह कौन मनुष्य है आहि ॥
 प्रभु निंदा करि सवन की भयो बुद्धि की नास । सुपठित विद्या को नहीं काह होय प्रकास ॥
 होय नम्र नहि सब तऊ पटुवा दंभिक सोय । जहां तहां निंदा करै प्रभु उपहास जोय ॥
 प्रभु सर्वज्ञ दया उदधि तिन दुर्गति जानि । करै चितवन बैठि गृह सब को हित हिय ठानि ॥
 अध्यापक गण हैं जिते और सिष्य गन ताहि । धर्मी कभी तपहि पर निहुं क दुर्जन आहि ॥
 मम निंदा अपराध करि ये सब जितने आहि । भक्ति लिवावत हौं तिन्हें लेय सकें नहि ताहि ॥
 आयो हौं निस्तार हित भौ विपरीत जु सोय । इन सब ही दुर्जननि को कैसे के हित होय ॥
 करै प्रणति ये ज्यों हमें पाप नास तौ होय । तब तौ हौं इन सवनि को भक्ति लिवाज सोय ॥
 मोकों प्रणति न करत ये निंदा को जुविचार । हौं अवश्य करि हौं तऊ इनि सबको उद्धार ॥
 करि हौं अब सन्यास हौं याही तें निरधार । तब हूँ हैं ये प्रणत मम संत्पासी जु विचार ॥
 हूँ हैं इनके पाप को प्रणत मात्र ही नास । तब इनके निर्मल हृद करि हौं भक्ति प्रकास ॥
 इन पाखण्डी सवनि को तब हूँ है निस्तार । नाहिन और उपाय कहु यहै युक्ति है सार ॥

प्रभु नीकें करि गोह में यों दृढ़ युक्ति विचार । आये केशव भारती नदिया नगर सँभार ॥
 प्रभु तिनकी किय दंडवत और निमन्त्रण आहि । करवाई भिजा कछु कियौ निवेदन ताहि ॥
 प्रभु नारायण आप तुम हो ईश्वर निरधार । सम संसृति मोचन करौ करि कें कृपा अपार ॥
 कहैं भारती इस तुम अंतर्पामी सोय । जो कराव हौं करौं सो नहि स्वतंत्र हम जोय ॥
 ऐसैं कहि के भारती गये सु कंटक ग्राम । किय संन्यास जु जाय कें महाप्रभु तिहि ठाम ॥
 ससिमेखर आचार्य जू श्रीनित्यानंद आहि । दत्त मुकुन्द जु तीनि जन किय सब काज सु ताहि ॥
 कियौ जु लीला आद्य कौ सूत्र गणन यह आहि । श्रीवृन्दावनदास किय नीकें वर्णन याहि ॥
 भये यशोदा तनय सो सचीसुनु जू आहि । भक्ति भाव जो चतुर्विध किय आस्वादन ताहि ॥
 निज भाधुरि औ राधिका प्रेम स्वाद के चाय । ताते अंगीकार किय नीकें राधा भाय ॥
 जाते गोपीभाव प्रभु धर्यौ हिये एकांत । नंद नंदन कौ मानई ताते अपने कान्त ॥
 श्री गोपिन के भाव कौ दृढ़ निरचै आहि । नंद नंदन विनु और ठां होय उदय नहि ताहि ॥
 सुन्दर श्याम जु चन्द्रिका गुंजा भूषित जोय । गोपवेश मुरली बदन ललित त्रिभंगी सोय ॥
 या विनु कवहुं और हरि होय सु आकृति आहि । तो गोपिनु कौ भावसो निकट जाय नाहि ताहि ॥

तथाहि कलित भाष्ये—

गोपीनां यशुपेदतनयजुषो भावस्य कस्तां कुती विज्ञातुं समते दुरुद्धपदवी सञ्चारिणः प्रक्रियां ।
 आविष्कृत्यन्ति वैष्णवीमपि तनुं तस्मिन्भुजैर्जिघृक्षुभि र्यासां हन्त चतुर्भिरद्भुतरुचि रागोदयः कुञ्चति ॥

करत रास गिरिराज तट समें बसंत सुजान । राधा सों संकेत करि हरि औ अंतर ध्यान ॥
 बैठि एकान्त निकुञ्ज में देखें राधा बाट । आर्यौ दृढ़त तब तहां सब गोपिन कौ ठाट ॥
 दूरि ते लखि कृष्ण कौ कहैं गोपिकावृन्द । देखी याही कुंज मधि हैं आप कृष्ण चन्द ॥
 गोपीगन कौ देखि हरि भयो जु साध्वस सोय । सकें न ते तब दूरि तहं भये विवश भय जोय ॥
 करि कें मूरति चतुर्भुज जके थके हौं सोय । आई गोपी निकट कहि कृष्ण लखे वे जोय ॥
 देखि कहैं यह कृष्ण नहि हैं नारायण आहि । ऐसैं कहि गोपी करें नुति विनती सब ताहि ॥
 नारायण बंदन करी देव करी जु प्रसाद । देहु कृष्णसँग हमें तुम खण्डन करौ विपाद ॥
 हमि कहि गोपीगन गये करि कें प्रणति जु सोय । तिही समें श्री राधिका दरसन दीयो जोय ॥
 कृष्ण तबहि राधाहि लखि हास्य करन कौ ताहि । सोई मूरति चतुर्भुज चाहैं राख्यौ आहि ॥
 दोय हाथ छिपि गये श्री राधा आगें आहि । कीनी जतन अनेक करि राखि सके नहि ताहि ॥
 राधा निर्मल भाव कौ है सु अचिन्त्य सुभाव । करवायो जिहि भाव ने कृष्णहि द्विभुज सुभाव ॥

तथाहि उज्ज्वल नीलमणौ—

रासारम्भविधौ तिलीयवसता कुञ्जे मृगाजीगयौ दृष्टं गोपधितुं समुद्धरधिया या सुष्ठु सन्दर्शिता ।
 राधायाः प्रणयस्य हन्त महिमा यस्य श्रिया रचितुं साशक्या प्रभविष्णुतापि हरिणा नासीच्चतुर्भाहुना ॥

सोई जसुमति है इहां देवी शची जु मात । सोई ब्रज के ईस हौं जगन्नाथ हैं तात ॥
 सोई नंद नन्दन इहां गोस्वामी चैतन्य । भाई सो बलदेव हौं नित्यानन्द अति धन्य ॥
 सख्य दास्य वात्सल्य पुनि ये जु तीनि जिहि भाय । सोई नित्यानंद हैं श्री चैतन्य सहाय ॥
 प्रेम भक्ति दीनी तिन्हों जगत बहाय सु आहि । तिनकी चित्र चरित्र जन समझि सकें नहि ताहि ॥
 श्री अद्वैताचार्य जू हैं जु भक्त अवतार । कृष्णहि प्रगट कराय कें कियौ जु भक्ति प्रचार ॥
 सख्य दास्य द्वै भाव ये सहजहि जिनि कें आहि । कवहुं प्रभुजु करत है गुरु व्यवहारहि ताहि ॥
 श्रीनिवास आदिहि जिते महा भक्तगन जोय । करैनु निज निज भाव करि श्रीप्रभु सेवन सोय ॥
 गोस्वामी पण्डित प्रमुख जिनिकें जो रस आहि । ताही ताही रसहि करि है जु कृष्ण बस ताहि ॥
 बंसी मुख ते स्थाम है गोपविलासी जोय । कवहुं द्विज यै गौर हैं कहुं संन्यासी सोय ॥
 याही तें प्रभु आप धरि गोपी भावैं ताहि । कहैं वृजेन्द्र कुमार कौ प्राणनाथ करि आहि ॥
 सोई गोपी कृष्ण सो यहै बडौ जु विरोध । प्रभु कौ चरित अचिन्त्य सो है अति ही दुरबोध ॥
 हौं कोऊ जु कुतर्क करि करौ न हिय संदेह । शक्ति अचिन्त्य जु कृष्ण कौ भक्तन के मन एह ॥
 अति अद्भुत सु अचिन्त्य है प्रभु चैतन्य विहार । चित्र भाव गुन चित्र सब है विचित्र व्यवहार ॥
 इन्हें न मानें तर्क करि दुराचार सो आहि । पचै सुकुंभीपाक में नहि निस्तार सु ताहि ॥

तथा भाष्ये—अचिन्त्याः खलु ये भावा नतांस्तर्केण योजयेत् । प्रकृतिभ्यः परं यत्तु तदचिन्त्यस्य लक्षणम् ॥
 अद्भुत प्रभु लीलानि कौ जाकैं हिय विश्वास । जै है श्रीचैतन्य के चरण कमल के पास ॥
 पाय प्रसंग हि यह कही सब सिद्धांतहि सार । लहै बहै जोई सुनें सुद्ध भक्ति निरधार ॥
 लिखे ग्रंथकौ कीजिये जौ फिर कें अनुवाद । तिहि ग्रंथकौ पाइये तौ नीकें आस्वाद ॥
 याहीतें श्री भागवत देख्यौ मुनि आचार । करि जु कथा अनुवाद फिरि करै सुवारंवार ॥
 याही लीला आदय के परिच्छेद जे आहि । तिन ही गणना करत हैं पूर्व रीति अवगाहि ॥
 कियौ प्रथम परिच्छेद में मंगल भिष्टाचार । और द्वितीय विच्छेद में प्रभु कौ तत्व विचार ॥
 आप स्वयं भगवान श्री नंदनंदन हैं जोय । तेई श्री चैतन्य प्रभु शची नंदन हैं सोय ॥
 कारन गौन जु जन्म कौ कही तीसरे आहि । कृष्ण नाम जुग धर्म जो प्रेम प्रचारन ताहि ॥
 ताही मधि कारण कहैं अधिक प्रेम कौ दान । कहैं चौथ परिच्छेद में कारण जन्म निदान ॥
 अद्भुत निज जो माधुरी प्रेमानंद रस आहि । मूल प्रयोजन यहै जो आस्वादन किय ताहि ॥
 श्री नित्यानंद तत्व जो कही पांचवे ताहि । राम रोहिणीतनय जो औ नित्यानंद आहि ॥

छठे मध्य अद्वैत की कीनी तत्व विचार । आचारज अद्वैतजू महाविष्णु अवतार ॥
 किय सप्तम चिच्छेद में पंचतत्व आख्यान । पंच तत्व मिलि ज्यों कियौ जगत प्रेम रसदान ॥
 लीला श्री चैतन्य की अति अगाध जो आहि । किय अष्टम परिच्छेद में विवरण कारण ताहि ॥
 एक कृष्ण के नाम की महिमा महा सु जोय । ताहि मध्य ताकी कथन कीनी अद्भुत सोय ॥
 भक्ति कल्पतरु की कियौ विवरण नवेंजु आहि । माली श्री चैतन्य जू आरोपण करि ताहि ॥
 दसवें मूल स्कंध की साखाबलि गणि आहि । फल वितरण जैसे कियौ सब साखा गन जाहि ॥
 नित्यानंद अद्वैत की साखा बलि है जोय । कही ग्यारहें बार हैं करि विस्तारहि सोय ॥
 विवरण श्री प्रभु जन्म की कही तेरहें सोय । श्री प्रभु जू की जन्म ज्यों कृष्ण नाम सह होय ॥
 विवरण लीला बाल्य की कहु चौधे हैं जोय । लीला तिहि पौगण्ड की कहु कहि पंद्रहें सोय ॥
 सोदस मध्य कितोर की लीला की उदेस । यौवन लीला सप्तदस कही कहु जु विसेस ॥
 इहि प्रकार है सप्तदस लीला आदि प्रबंध । द्वादस ही जु प्रबंध करि भयौ ग्रंथ मुखबंध ॥
 पंच प्रबंधनि करि चरित पंच बैस की जोय । लिखी जु अति संक्षेप सौं करी न विस्तृत सोय ॥
 यह जु चैतन्य मंगलहि श्रीवृन्दावन दास । नित्यानंद आज्ञा बल बरन्याँ विस्तर तास ॥
 लीला श्री चैतन्य की अद्भुत है जु अनंत । ब्रह्मा सिव औ सेस हूं जाकौ लहै न अन्त ॥
 जो जो अंस कहैं सुने सोई सोई धन्य । निश्चै ताकौ बेगिहीं मिलि हैं श्री चैतन्य ॥
 श्री अर्द्धता चारुपू श्री नित्यानंद चैतन्य । श्री निवास श्री गदाधर प्रभृति भक्त गण धन्य ॥
 श्री स्वरूप श्री रूप जू श्री सुसनातन नाम । श्री जीव सुरघुनाथ युग उनके पद अभिराम ॥
 भक्त वृन्द जितने बसे वृंदा विपिन मझार । नभ्र होय ही सिर धरौं सब के पद निरधार ॥
 सिर धरि कें बंदन करौं नित्य करौं तिन आस । चरितामृत चैतन्य कौं कहत कृष्ण कौं दास ॥
 रूप सनातन जगत हित सुवल स्याम पद आस । प्रभु चरितामृत कौं कहैं वृजभाषाहि प्रकास ॥

इति श्री चैतन्यचरितामृते आदिखण्डे वृजभाषायां यौवन लीला सूत्र वर्णनं नाम सप्तदश परिच्छेदः ॥
 समाप्तोऽयं आद्यखंडः—शुभमस्तु ।

॥३२॥

श्री श्रीचैतन्यचरितामृत

(मध्य खण्ड)



श्रीकृष्णचैतन्यचन्द्रो जयति । श्रीराधागोपीनाथौ जयतां ॥

बन्दे श्रीकृष्णचैतन्यनित्यानंदौ सहोदितौ । गौडोदये पुष्पवन्तौ चित्रौ शन्दौ तमोनुदौ ॥१॥
 यस्य प्रसादादज्ञोऽपि सद्यः सर्वज्ञतां व्रजेत् । स श्रीचैतन्यदेवो मे भगवान् संप्रसीदतु ॥२॥
 जयतां सुरतौ पंगोर्मम मन्दमतेर्गती । मत्सर्वस्वपदाम्भोजौ राधामदनमोहनौ ॥३॥

दिव्यद्वन्द्वन्दारण्यकल्पद्रुमाधः श्रीमद्रत्नागारसिंहासनस्थौ ।

* श्रीमद्राधाश्रीलगोविन्ददेवौ प्रेष्टालीभिर्सेव्यमानौ स्मरामि ॥४॥

श्रीमन्नासरसारंभी वंशीवट तटस्थितः । कर्पनं वेणुस्वनैर्गोपीगोपीनाथो श्रियोऽस्तु नः ॥५॥

गौरचंद्र जय जय सदा कृपासिंधु है जोय । जय जय जय श्रीशचीमुत दीनबंधु है सोय ॥
 जय जय श्री अद्वैत श्री जय जय नित्यानंद । जय श्रीवास हि आदि दै गौरभक्त के वृंद ॥
 पहिलें लीला आदि की कही स्रजगण आहि । वृन्दावनदास जु कही करि विस्तार जु ताहि ॥
 इक सूचन ही मात्र किय याही तें हम ताहि । जो विशेष कहु भयौ सो कही सूत्रमधि आहि ॥
 कहैं लीला सेस की मुख्य सूत्रगण जोह । प्रभु लीला अगनित भलै कही जाय नहि सोइ ॥
 ताही मधि जो भाग कहु श्रीवृन्दावनदास । किय मंगल चैतन्य मधि वर्णन करि कें व्यास ॥
 लिखि हैं सूचन मात्र हम वही भाग ह्यं सार । जो विशेष ताकौ इहां कहि हैं करि विस्तार ॥
 प्रभु लीला के व्यास हैं श्रीवृन्दावनदास । चाखत तिहि उच्छिष्ट हम पाय सुआज्ञा तास ॥८॥
 माथें धरि अति भक्ति करि चरण कमल युग ताहि । वर्णन करिये सूत्रगण लीला सेस हि आहि ॥
 रहै वरप चौबीस लीं प्रभु जू अपने धाम । तहां जु लीला करी तिहि लीला आद्य जु नाम ॥
 तहां वर्ष चौबीस कें सेस माघ है मास । शुक्ल पक्ष नव महाप्रभु तब कीनी संन्यास ॥
 रहै वरप चौबीस लीं प्रभु जू करि संन्यास । नाम सेस लीला जु तिहि तहां जु करी प्रकास ॥
 है हैं लीला सेस के मध्य अंत है नाम । लीला भेद हि जन करें नाम भेद अभिराम ॥

ताही मधि पट वरष लीं गमनागमन हि जोइ । वृन्दावन नीलाचलहि गौड़ सेतवंध सोइ ॥१४॥
 तहां जु लीला करी प्रभु मध्य नाम है ताहि । ता पाछें लीला जु तिहि अंत नाम है आहि ॥
 केवल अष्टादश वरष प्रभु नीलाचल वास । सिखई करि आचरण निज प्रेम भक्ति रसरास ॥
 आदि मध्य अरु अन्त्य में है लीला रससार । अब कछु लीला मध्य कौं करियतु है विस्तार ॥
 ताही मधि पट वरष प्रभु भक्तगणनि के संग । करि प्रवर्तित प्रेमभगति नृत्य गान बहु रंग ॥
 गौड़देश पठये जु प्रभु नित्यानन्द प्रभु जोइ । दिय वहाय के प्रेमरस गौड़देश तिन सोइ ॥
 सहज हि नित्यानंद है प्रेमोदाम सुभाय । प्रेमदान जहँ तहँ कियौ प्रभु की आज्ञा पाइ ॥
 नमस्कार कोटिक सु मम चरण कमल मधि ताहि । जिन्हौ भक्ति चैतन्य की जगतनि वोई आहि ॥
 गोस्वामी चैतन्य जू बड भाई कहैं जाहि । प्रभु मेरे चैतन्य हैं तेऊ कहैं जू आहि ॥
 आपुन नित्यानंद है जयपि श्री बलराम । तेउ करें चैतन्य कौ दासभाव अभिराम ॥
 सेव हु प्रभु चैतन्य कौ नाम लेहु करौ गान । करें भक्ति चैतन्य की जो सोई मम प्राण ॥
 इहि विधि श्री चैतन्य की भक्ति दई संसार । दीन हीन निंदक जिते सब किये निस्तार ॥
 रूप सनातन कौ तवै प्रभु जू दियौ पठाय । वृन्दावन आये दोउ प्रभु की आज्ञा पाय ॥२६॥
 भक्ति प्रचारी तीर्थ सब प्रगट किये रसरास । गोविंद मदन गुपाल की सेवा करी प्रकास ॥
 नाना ग्रंथनि आनि किय भक्ति ग्रंथ कौ सार । मूढ़ अधम हूँ जननि कौं कियौ तिन्हौ निस्तार ॥
 प्रभु की आज्ञा पाइ के किय रसशास्त्र विचार । ब्रज की भक्ति निगूढ़ हि किय ताकौ जु प्रचार ॥
 किय हरिभक्तिविलास अरु भागवतामृत आहि । दशम टिप्पनी करी अरु दशम चरित्र सु ताहि ॥
 इते सनातन जू किये सब ग्रंथ रससार । रूप गुंसाई जिते किय नहि गणना कौ पार ॥
 मुख्य मुख्य तिन में कछु तिन कौ लीजतु नाम । ब्रजविलास वर्णन कियौ लक्ष ग्रंथ अभिराम ॥
 भक्तिरामायणसिंधु किय श्रीउज्जलमणि सोइ । किय विदग्धमाधव ललितमाधव नाटक दोइ ॥
 दानकेलिरसकौमुद्री स्तवमाला गुहि आहि । लीला छंद दश आठ किय अरु पद्यावलि जाहि ॥
 श्री गोविंदचरितदावली लक्षन जा के जोइ । मथुरा कौ महात्म्य किय नाटक लक्षण सोइ ॥
 भागवतामृत आदि ये सकें गुणनि करि कोइ । ब्रजविलास वर्णन कियौ सब ठाँ रस में भोइ ॥
 अत पुत्र तिनके जु श्री जीव गुसाई आहि । भक्ति ग्रंथ किय जिन्ह जे नहीं अंतहैं ताहि ॥
 ग्रंथ नाम सन्दर्भ किय श्री भागवत विचारि । भक्ति रीति सिद्धांत कौ जहां दिखायौ पार ॥
 श्री गुपालचंपू रच्यौ ग्रंथ महारस सर । लीला नित्य उपासना जिहिं ब्रजरस कौ पूर ॥
 प्रथम वरष सब भक्तगण अईतादिक जोइ । नीलाचल कौ गमन किय प्रभु देखन हित सोइ ॥
 रथयात्रा कौ देखि तब रहे जू चातुर्मास । नृत्य गान प्रभु सँग करें अति ही भरे हुलास ॥
 विदा समे प्रभु जू कछौ तिन सब सो यह आहि । प्रति वत्सर ऐही सब गुंड़िया देखन जहि ॥
 प्रभु की आज्ञा पाय सब प्रति वत्सर ही आइ । प्रभु कौ देखि सुगुंड़िया जाहि महामुख पाइ ॥

करें गतागति यौं सबैं बीस वरस लौं जोइ । नहीं परस्पर दुहुन की रहनि दुहनि विनु सोइ ॥
 सेस और जो रहें तिहि द्वादस वत्सर जोइ । कृष्ण विरह लीला तहां प्रभु के अंतर सोइ ॥
 सदा निरंतर रैन दिन कृष्ण विरह उन्माद । हँसि गावैं नाचैं गिरैं रावैं भरैं विपाद ॥
 जगन्नाथ दरसन करें जे छिन प्रभु सुख भोइ । मिले बहुरि कुल्लेख में मन हि भावना सोइ ॥
 जात्रा रथ आगों जबै नृत्य करें प्रभु आहि । तहां एक पद यहै जो गान करावैं ताहि ॥

पद—पायो हम सोई प्राणाधार । जाके हेतु मदन दावानल भयी सबै तनु धार ॥

श्लो—

याही ध्रुवा के गान में नृत्य प्रहर द्वै कीय । कृष्ण लिये ब्रज जांहि है यहै भाव मधि दीप ॥
 यही भाव करि नृत्य में श्लोक पढ़ें इहि आहि । इही श्लोक कौ अर्थ जो कोइ न समझे ताहि ॥

तथाहि काव्यप्रकाशे—

यः कौमारहरः स एव हि वरस्ता एव चैत्रचपा, स्ते चोन्मीलितमालतीसुरभयः प्रौढा कदम्बानिलाः ॥
 सा चैवास्मि तथापि तत्र सुरतव्यापारलीलाविधौ रेवारोधसि वेतवितरुतले चेतः समुत्कण्ठते ॥ इति ॥

यही श्लोक कौ अर्थ जो जानें एक स्वरूप । दैव जोग ताही वरष तहां गये श्रीरूप ॥
 रूप गुसाई जू तंही प्रभु के मुख सुनि ताहि । तिही श्लोक के अर्थ कौ किय श्लोक इक आहि ॥
 करिकें तिहिइक ताल कौ पत्र बीच लिखि आय । निज निवासकौ छानि जौ तिहि मधि सुरस्यो ताय ॥
 गये उदधि ये न्यायवैं तहां राखि कें ताहि । तिही समे आये जु प्रभु तिन्हें मिलन हित आहि ॥
 रूप सनातन और हरिदास नाम रसलीन । जगन्नाथ मन्दिर सु मधि जाइ न ये जन तीन ॥
 जगन्नाथ कौ महाप्रभु उपलभोग लखि सोइ । जांहि आपनै गेह तब इन तीनों मिलि सोइ ॥
 इन तीनों जन मध्य जब रहैं कोऊ जन आइ । नेम रहें प्रभु यह मिले आप आय तब ताइ ॥
 दैव जोग प्रभु आइ तब ऊचैं चाहौ जोइ । ताल पत्र मधि छानितें श्लोक लपौ बड सोइ ॥
 नीकें कै आविष्ट भौ प्रभु जू पडि के ताहि । रूप गुसाई आइ के परे दंडवत आहि ॥
 उठि श्री प्रभु जू रूप के पीठ थपेरहि मारि । लागे कहन तवै कछु तिनकौं भरि अँकवरि ॥
 अभिप्राय मम पदच कौ कोऊ न जाने ताहि । मेरे मन की बात तुम जानी कैसें आहि ॥
 ऐसे कहिकें प्रभु तिन्हें बहु प्रसाद करि जोइ । श्री स्वरूप गोस्वामि कौ आनि दिखायौ सोइ ॥
 अति विस्मित हैं महाप्रभु पूछन लगे स्वरूप । मेरे मन की बात यह कैसें जानी रूप ॥
 कहैं स्वरूप जु हृदय की जानी जातें जोइ । ताही के तुम कृपा के भाजन जाने सोइ ॥
 कहैं जु प्रभु हम तुष्टहैं तिनकौं पात्र विचारि । आलिंगन करि कियौ सब शक्तिनि कौ संचार ॥
 रस निगूढ़ सु विचारिकें जोग्य पात्र है आइ । आस्वादन रस गूढ़ कौ तुम हूँ करी जु ताइ ॥

कहिये ये सब कथा हम आगे करि विस्तार । छां प्रस्तावहि पायकें किय संक्षेप विचार ॥

तथाहि—विषयः सोऽयं कृष्णः सहचरि कुरुक्षेत्रे मिलितस्तथाहं साराधा तदिदमुभयोः संगमसुखम् ॥

तथाप्यन्तस्तेलन्माधुरमुखलीपज्जमजुषे मनो मे कालिन्दीपुलिनविपिनाय स्पृहयति ॥८॥

इह पद कौ संक्षेप करि अर्थ सुनौ जन ताहि । जगन्नाथ लखि भावना ज्यों प्रभु के हिय आहि ॥
श्री राधा कुल्लेख में दरसन हरि कौ आहि । यद्यपि पायौ यह तऊ करै भावना जाहि ॥
जन गख घोरा गज कहां राजवेस यह जोइ । कहां विजन वृन्दाविपिन गोप भेष यह सोइ ॥
तोई भाव सु कृष्ण सों श्री वृन्दावन सोइ । जवै पाइये तव हियै वांछित पूरण होइ ॥

तदुक्तं दशमे—गेहजुषामपि मनस्पृदितात् सदा नः ॥६॥

मेरे इजपुर गेह में तुव पद पंकज जोइ । उदै करै जो तवहि मम वांछा पूरण होइ ॥
श्री मागवत श्लोक कौ अर्थ गूढ़ अधिकाय । रूप गुसाई श्लोक कौ दीनौ सवन जनाय ॥
ऐसे तव श्री महाप्रभु देखें श्री जगन्नाथ । संग सुभद्रा लखि पुनि नहि वंशी तिनि हाथ ॥
ललित निमंगी ब्रजहिमधि श्रीब्रजराज कुमार । कहां लहौ अभिलास यह अनुछिन बड़े अपार ॥
राधा के उन्माद ज्यों उदब देखें जोइ । उद्घूर्णा सु प्रलाप त्यों प्रभु के निसिदिन होय ॥
द्वादश वत्सर शेष यौ श्री प्रभु वितये जोइ । इही मांति लीला जिविध करी सेस है सोइ ॥
किये वरप चौबिस मधि करि संन्यास जु कर्म । है जु अनंत अपार ते को जानै तिनि मर्म ॥
कहन हेत उदेस तिहि दिग दरसन करि आहि । लीला मुख्यन कौ करै सूत्रगणन जो ताहि ॥
प्रथम सूत्र मधि महाप्रभु कौ करिबौ संन्यास । ताही समे चले जु प्रभु वृन्दावन सुखरास ॥
अति ही बिह्वल प्रेम करि नही बाध सुधि जोइ । राढ़ देस कीनौ भ्रमन तीन द्यौस प्रभु सोइ ॥
श्री नित्यानंद प्रभु तवै श्री प्रभु कौ जु भुलाय । ले आये गंगा निकट यमुना ताहि बताय ॥
सांतिपुरहि आचार्य के गृह आगमन सु आहि । भिचा प्रथा करी तहां संकीर्तन निस ताहि ॥
शुचीजु भक्त समूहकी तहां मिल किय जोइ । समाधान सब करि कियौ गमन नीलगिरि सोइ ॥
नाना लीला पथहि सब दरसन देव विसाल । कथा सुमाधव पुरी की स्थापन गिरि गोपाल ॥
पायस चोरि कथा और साखि दें गोपाल । दंड भंग प्रभु कौ कियौ नित्यानंद रसाल ॥
जगन्नाथ देखन गये इकले कुपित सुहोय । परे भूमि पद देखि कें होय मूरछित सोइ ।
सार्वभौम प्रभु कौ तवै ले आये निजधाम । श्री प्रभु कौ करि चेतना बीते तीन सु जाम ॥
नित्यानंद मुकुन्द औ पंडित जगदानंद । पाछें आये मिल सर्व पायौ अति आनंद ॥
सार्वभौम कौ महाप्रभु कीय प्रसाद तव जोय । आपुन ईश्वर भूति निज तिन्हें दिखाई सोइ ॥
गमन कियौ दक्षिण तवै कूर्मक्षेत्र मधि आय । वासुदेव की कृष्ट तें मुक्ति कियौ हिय लाय ॥
स्तवन कियौजु नृसिंहकी तियद नामहै सोइ । ग्राम ग्राम पथ पथ कियौ नाम प्रवर्चन जोइ ॥

भौ गोदावरि तीर बन वृन्दावन भ्रम ताहि । श्री रामानंद राय संग तहा मिलन भौ आहि ॥
त्रिमल्ल विपदी गेह कौ जो दरसन किय ताहि । सबटां कियौ प्रवर्त्त प्रभु कृष्ण नामकौ आहि ॥
पापंडिन के गनन के तवै दमन किय जोय । अहोबलादि नरहरि प्रभु दरसन कीन्हौ सोइ ॥
आये श्री रंगक्षेत्र पुनि कावेरी के तीर । श्री रंगजू के देखते भये जु प्रेम अवीर ॥
त्रिमल्ल भट के गेह में श्री प्रभु कियौ निवास । रहे तहांई आप प्रभु वर्षा चातुर्मास ॥
त्रिमल्ल भट श्री वैष्णव महापंडित हैं जोय । प्रभु पांडित्य और प्रेम लखि विस्मित भौ सोय ॥
चातुर्मास तहां प्रभु श्री वैष्णव के संग । वितयौ नृत्य सुगान करि हरि संकीर्तन रंग ॥
बीते चातुर्मास पुनि दक्षिण गमन सु ताहि । श्री परमानंद पुरी संग तहां मिलन भौ आहि ॥
कियौ भटमारी जु ते कृष्णदास उद्धार । राम जपी द्विज मुख कियौ कृष्ण नाम परचार ॥
रंगपुरी जु संग भयौ तवही दरसन ताहि । राम दास द्विज कौ कियौ दुःख विमोचन आहि ॥
कियौ तत्ववादीन संग श्री प्रभु तत्व विचार । भइ हीन बुद्धि आप में तिन सब को निरधार ॥
श्री अनंत पुरुषोत्तम जु और जनार्दन जोय । वासुदेव कौ दरस किय पद्मनाभ हैं सोय ॥
सप्तताल मोचन कियौ तव ही प्रभु जू आय । रामेश्वर दरसन कियौ सेतवंध मधि न्हाय ॥
श्री महाप्रभु जू तहांइ सुने जु कूर्म पुराण । रावण माया सिय हरी तहां लिखन यह जान ॥
बही पुरातन पत्र प्रभु आग्रह करि ले आय । रामदास कौ दुख कियौ खंडन तिनहिं दिखाय ॥
कर्णामृत ब्रह्मसंहिता दोऊ पुस्तक देखि । आये द्वे पुस्तक सु लै अति उत्तम अवरंखि ॥
नीलाचल कौ फेरिकें गमन कियौ भरि भाय । स्नानयात्राजू प्रभुलखि भक्तगननि मिलि चाय ॥
जगन्नाथ कौ दरस प्रभु अनु अवसर नहि पाय । आयेनाथ अलाल तव विरह विकल अकुलाय ॥
रहे तहांई महाप्रभु संग भक्त समुदाय । सो सुधि पाई गौड तें जन सब पहुँचे आय ॥
सार्वभौम आग्रह करी नित्यानंद निज अंग । नीलाचल आये जु ते प्रभु जू कौ ले संग ॥
विरह विकल प्रभु कौ कहूँ नहि बीतै दिन रैन । जन सब आय तिही समे गौड देसिननि ऐन ॥
संकीर्तन आरंभ किय सब मिलि जुक्ति बनाय । प्रभुकौ तव स्थिर मन भयौ संकीर्तन के चाय ॥
रामानंद सों पूर्व जब प्रभुजु मिले हैं आय । नीलाचल के आयवेकी आज्ञा दइ ताय ॥
आये राज निदेस लै ते कछु द्यौस विताय । निस दिन तिन संग प्रभु जू करे कृष्णकथा भरि ॥

कविव

काशीमिश्र जू पै कृपा प्रभु म्नादि मिश्र मिले, परम भक्त परमानन्द पुरी आये हैं ।
श्री गोविन्द काशीश्वर श्रीस्वरूप दामोदर जूकौ कछो ऐवौ मिले अति मुख पाये हैं ।
यें कुलिया ग्रामवासी भक्तनिनकौ मिलाय, प्रथम ही भयौ प्रभु हिय अति भाये हैं ।
मिले सिखी माहिती औ राय भवानन्द गौड़ देस ते जे आये भक्त मुख्य २ गाथे हैं ॥

जिते खंडवासी भगत नरहरिदास प्रधान । सिवानन्द संग आय कें मिले सबै गुणवान ॥
 स्नानजात्रा देखि प्रभु सबै भक्तगण संग । गेह गुंडिचा कौ कर्यौ सम्मार्जन भरि रंग ॥
 रथजात्रा दरसन कर्यौ संग सब भक्त प्रधान । रथ आगे प्रभु नृत्य करि गमन कियौ उद्यान ॥
 कृपा करि प्रभु ताही ठां रुद्रप्रताप हि जोय । विदा दिवस आज्ञा दई गौड जनन कौ सोय ॥
 प्रतिवत्सर ऐहौ जु तुम रथजात्रा के काज । चाहै मिल्यो इहिं जु मिस निजगण भक्त समाज ॥
 भिचा परिपाटी जु प्रभु सार्वभौम के गेह । साटी विधवा होहु जिहि माता कहे जु एह ॥
 अद्वैतादिक भक्त सब आवैं बरस विताय । सिवानन्द जू सबनि कौ पालन करें बनाय ॥
 आयौ संग सिवानंदहि भाग्यवान इक स्वान । प्रभु पद दरसन पायकें भयौ जु अन्तर ध्यान ॥
 तिन सब कौ पथ मिलन भौ सार्वभौम सम आहि । फेरि कद्यौ ताही समैं कासी गमनजु ताहि ॥
 श्री प्रभु जू सौ ते सबे मिले वैष्णव आय । प्रभु जलकीड़ा सबनि संग करी भरे अति चाय ॥
 सबै संग लै किय गुंडि गृह सम्मार्जन सोइ । रथजात्रा दरसन समैं प्रभु नृत्य करें जोइ ॥
 तिही नृत्य करि पुनि कियौ जल विहार सुखभेलि । देखें होरापंचमी तें श्री देवी केलि ॥
 उपवन मधि प्रभुजू किये विविध विलास अनेक । कृष्णदास द्विजने कियौ प्रभु जूको अभिषेक ॥
 कृष्णजन्म दिनते भये गोपवेष प्रभु आहि । धरि सिर दधि को कलस तव लकुट फिरायौ ताहि ॥
 गौड देस के भक्त सब किये विदा प्रभु सोय । करें संग के भक्त लै सदा कीरतन जोय ॥
 वृन्दावन के चलनकौ गौड गमन किय आय । मारग सेवन विविध किय रुद्रप्रताप जु ताय ॥
 पुरी गुसाई संग जो वस्त्र प्रदान प्रसंग । आये रामानंद जू भद्रक लौं तिहि संग ॥
 विद्यावाचस्पति सदन रहे महाप्रभु आय । तिनके दरसन हित तहां आये जन समुदाय ॥
 देख्यौ जब दिन पांच लौं नहिं न लोक विश्राम । निसमें आये लोक भय श्रीप्रभु कुलियाग्राम ॥
 प्रभु जू कौ आगमन सुनि कुलिया के जन आय । कोटि कोटि आये तहां पाये दरसन ताय ॥
 तिहि ठां देवानंद पे कियौ प्रसाद अगाध । क्षमा कराय गुपाल कौ श्री निवास अपराध ॥
 पापंढी निन्दक तवें आय परचो पद जाहि । करि अपराध क्षमा प्रभू कृष्णप्रेम दिय ताहि ॥
 वृन्दावन प्रभु चलन की सुनी नृसिंहानन्द । अति अदभुत मारग रच्यौ करि मन में आनन्द ॥
 रच्यौ कुलिया ग्राम ते रतनखचितपथ आहि । सज्या कोमल कुसुम दल विछये उपर ताहि ॥
 पथके दुहुदिस बकुलकी कुसुमपांति कमनीय । बीच बीच तिहिंदुहु निकट सरसी अति रमनीय ॥
 रतन जटित सोपानतिहिं प्रफुलित कमल अनूप । कोलाहल बहु खगनिकी जो मन सुधा स्वरूप ॥
 सीतल मन्द बहे पवन बहु सुगन्ध लै जोइ । कान्हाई नटमाल सौं लिये बनाय पथ सोइ ॥
 मन आगे नाहिन चलै सकै बनाय न ताहि । वंधें न पथ प्रद्युम्न तव अति विस्मित भौ आहि ॥
 निरचै करिके कई तव जन सब सुनौ विचार । प्रभु श्री वृन्दा विपिन कौ नहिं जैहें इहि बार ॥

कान्हाई नटमाल तें ऐहें फिरि निरधार । कहि हैं निश्चय जानि कें फिरि पीछें जु विचार ॥
 चले जु कुलिया ग्राम तें प्रभु वृन्दावन चाय । तिनके संग सहस्र जन जिते भक्त समुदाय ॥
 जाय जहां प्रभु पद परें कमल चलें रस भूमि । तहां तहां रज लेत जन होय गर्व तिहि भूमि ॥

क०-वृन्दावन धाम अभिराम देखिवेकौं चले एसैं आये महाप्रभु रामकेलि ग्राम हैं ।
 गौडदेस पास बहु सुंदर निवास रहै तहां नृत्य करें प्रेममत्त आठों जाम हैं ।
 आये कोटि कोटि जन पादपद्म देखिवेकौं देखि सुख पाये सब पूजे मनकाम हैं ।
 गौडदेसराजा यह सुनिकें प्रताप बढ़ा केसव क्षत्री सौं कहैं वैन अभिराम हैं ॥

विना दीयें दाम लोक अगनित पाछे फिरें तातें हम जानें ए ईसुर निरधार हैं ।
 काजी श्री जवन जिते इनकों न मारें कोऊ जाहि जहां इच्छा सोइ कहतु पुकार हैं ।
 सुनिकें यह केसव दीनी हैं उड़ाय बात गात भई चिंता बोले करिकें विचार हैं ।
 भिक्षुक सन्यासी फिरें तीरथ की जात्रा ताहि देखन कौं आवैं कोऊ जन दोय चार हैं ॥

तातें कलु म्लेच्छ कहीबात जिनि मानों तुम तासौं दोष कियौ फलहाथ नहीं आय हैं ।
 और सब नास हैं है ऐसैं समझाय नृप दीनी प्रभु पास एक ब्राह्मण पठाय हैं ।
 ताके हाथ भेजी कहि चलनौ उचित हातें तुम्हें भय नाहि दास भय कौं सुभाय हैं ।
 ताही समें पातसाह करि कें एकांत पूछी दवीर-खास मंत्री सौं पुर में बुलाय हैं ॥

पूछें तब कहन लगे महिमा महाप्रभु ए तौ प्रगटे हैं जिन्हौ तोहि राज दियौ हैं ।
 मंगल करण तेरौ तेरें भागवत आये लै कें जन्म गौड देस भागवान कियौ हैं ।
 वानी सिद्धि येतो तेरें इन ही के आसिष सौं हैं हैं जे इन की सम और नहीं कियौ हैं ।
 मोहि कहा पूछौ तुम राजा प्रभु अंस तातें सोई है प्रमाण जो कहन तुव हियौ हैं ॥

बोल्थो तव राजा मन मेरौ कहैं ऐसैं ए तौ ईश्वर प्रसन्न यामें नेकु न सन्देह हैं ।
 ऐसैं कहि गयौ नृप सयन महल बीच आये ये दवीर खास जहां निज गेह हैं ।
 मिले दोनों भाई तब जुगति बनाय निमि आधी जब आई चले प्रभु पद नेह हैं ।
 वेस कौ छिपाय आये प्रभु जू के देखवे कौं जहां ए विराजमान कृष्ण गौर देह हैं ॥

पहिलें श्री नित्यानन्द और हरिदास जू सौं मिले तिन्हें कही महाप्रभु जू सौं जाय कें ।
 आये हैं दवीर-खास रूप दोनों भाई ठाढ़े हेतु तुव दरसन वेस कौ छिपाय कें ।
 आय इन्हीं देखे तव दंत नृग पूंज धरे बांधि उपरैना गरें परे भूमि भाय कें ।
 दैन भरे रुदन करे गमन सुखमिन्धु देखि प्रभु हियौ गयौ करुणा सौं छाये कें ॥

प्रभु कहै उठौ उठौ भंगल तुम्हारी है है सुनि मृदु बानी उठे दंत तृण धरि कै ।
जोरि हाथ दीनता सौ लागे स्तुति करवे कौं कंप सुरभेद आये नैन नीर भरि कै ।
जय जय श्री कृष्ण चैतन्य दयामध अहो पतितन के पावन निज दया करि क ।
नीच जाति नीच संगी आगे कहै लाज होति नीच कर्म किये सब आयु सब भरि कै ।

तथाहि पद्मपुराणे—भक्त्युक्तो नास्ति पापात्मा नापराधी च कश्चन । परीहारेपि लज्जा मे किं भुवे पुरुषोत्तम ॥

हम सौं न पातकी औ तुम सौं न पावन है यहै श्लोक पढ्यौ दोऊ भाई वार वार है ।
हम सौं अधम नाहि कोऊ जग बीच एक तिनके उधार हेत तुम अवतार है ।
जगाई मधाई तारे पौरुष न यामें भयी तेन हम होय तुम्है परेगी सम्हार है ।
दोऊ द्विज जाति नवद्वीप में निवास करें संग नीच कौ न नीच सेवा अधिकार है ॥

हुतौ दोस एक पापाचार दूर कियौ सो तो पापरासि जारिवेकौ एक नामाभास है ।
निदा करि लेय नाम तऊ मुक्ति देय ताकौ प्रीति सौं जु कहै लहै भक्ति कौ प्रकास है ।
जगाई मधाई दोऊ तिनहं तें कोटि गुण हम हैं अधम दोऊ कौनों धर्मनास है ।
म्लेच्छ सेवा करें अरु म्लेच्छ हीकी कर्म धरें गाय द्विज द्रोही ताकौ हमें सदा पास है ॥

तातें निजकर्म हमें बांधि विषै विष्टा गर्त डार्यौ अब काढ़िये कौं लोकमें न कोई है ।
काहू के न बल एक विना तुम पतित पावन ऐसी कौन बाह गहि काढ़े जोय है ।
करोगे प्रगट बल हम दोऊ के उधारि वे कौं तब ही सफल है है वृत्त सोइ है ।
सकल ब्रह्मांड दया बीच नीच गामी देखि मन जो विकल भयी आसा जिय भोइ है ॥

रोहा

एक बात सांची कही सुनौ दयामय ताहि । मो चिन कोऊ जगत में दयापात्र नहि आहि ॥
तातें मो पै दया करि करौ सफल अब ताहि । देखै सब ब्रह्मांड तुव बडौ दयावल आहि ॥

तथाहि—नमृपा परमाधमेव मे शृणु विज्ञापनमेकमग्रतः । यदि मे न दयिष्यसे तदा दयनीयस्तव नाथ दुर्लभः ।

कवित्त

देखि निज दीनताई मन विकलाई होत दीनबन्धुताई तुव हिय सुख दाई है ।
देखि के अजोगताई होति है निरासताई निरखि कृपालताई हर्ष अधिकाई है ।
भक्त के सहाई सुनि कंप सरसाई होति भक्ति कहां पाई हम हीयें अज्ञताई है ।
अगतिन गतिदाई तुम सुने मन भाई बड़ेई अगति हमें तातें बनि आई है ॥

तथाहि गोस्वामिवा श्लोकः—अयन्तमेवानुचरन्तिरन्तरः प्रशान्तनिः शेषमनोरथान्तरः ।
कदाहमेकान्तिकनित्यकिंकरः पदपंचिष्यामि स नाथ जीवितं ॥

जैसे वॉना चंद गहिवे कौं करे ऊर्चा कर ताही कैसे धरें करे लोक उपहास है ।
ऐसे अभिलाप हियें उठेति हमारी तिन्हें कहें लाज होति तुम्हें सब ही प्रकास है ।
सुनि प्रभु बोले सुनौ रूप औ दवीरखास सदा तुम दास मेरे निज लोक वास है ।
आजु तें तिहारौ नाम रूप और सनातन छाडी तुम दैन्य देखि होय धैर्य नास है ॥

दीनता की पत्री तुम भेजी वार वार हम ताही द्वार है के व्यवहार जानि लीनी है ।
जानि के तुम्हारी अभिलाप पत्रीलिखी तुम्हेंतामें सब जीव सीझा सार लिखि दीनी है ।
जैसे जार नारि करे आछें गृहकाज सब जानें नही कोऊ हियौ बाकी रंग भीनी है ।
इहां गौडदेस सौं न काम मेरौ हुतौ कछू एक ही तुम्हारे हेत आगमन कीनी है ॥

तथाहि वासिष्ठरामायणोक्तशिचारलोकः—

परव्यसनिनी नारी व्यग्रापि गृहकर्मसु । तमे वास्वादयत्यन्त नवसंगरसायनम् ॥

आयौ मैं तुम्हारे हेत मन की न जानें कोऊ जन सब कहें प्रभु कौन हेत आये हैं ।
भली भई आये तुम दास मेरे सदा के ही भय जिन करोगेहु जाहु सुख छपे हैं ।
वेग ही उद्धार प्रभु करेंगे तुम्हारी कहि दोऊ मायें हाथ धर्यौ दया सरसाये हैं ।
दोऊ भाई प्रभु चरणारविंद सीस धरें कृपा के उठाय इन्हों हिये सौं लगाये हैं ॥

सबै भक्त वृन्दन सौं कछौ तब महाप्रभु कृपा करि करौ इन दोऊ कौ उधार है ।
ऐसे दोऊ भाई पर कृपा अधिकाई देखि भयी सब भक्तन के आनन्द अपार है ।
हरि हरि बोलि सब नाम धुनि कीन अति देखि के प्रताप प्रभु कीयी जै जैकार है ।
कहें सब धन्य दोऊ पाये प्रभु वेगि यातें तुम सम नहीं कोऊ यहै निरधार है ॥

नित्यानन्द हरिदास संकर श्री राम पुनि मुकुन्द जगदानंद सब सुख ऐन है ।
चक्रेशुर औ मुरारि आदि जिते भक्त सब पादपद्म सोस धारि हीयें भीजें चैन है ।
सवन की आज्ञा लें के चलि वे के समे दोऊ प्रभु पद विनं करि बोले महु चैन है ।
छां तें तुम चलौ कार्य छां न है तुम्हारी कछू करे राजा भक्ति तऊ म्लेच्छ दुखदेन है ॥

रोहा

करे जवन भक्तिहितऊ की जै नहीं प्रतीत । इती भीर नहि गमन कौ भली नहीं यह रीत ॥
चिपिन दरस कौं चलैजो संग कोटि जन ताहि । इहि वृन्दावन गमन की नहि परिपाटी आहि ॥
यद्यपि वास्तव ईसकी कछु भय नहि प्रतिकूल । लौकिक लीला तऊ तिहि कृपा लोक अनुकूल ॥
यौ कहि प्रभु पद वंदि के चले गेह दुहुं आत । प्रभु कौ मन तिहि ग्राम तें चलिवेकौ भौ प्रात ॥
आये तहा तें प्रात प्रभु कान्हाई नटसाल । तहां लखी सब कृष्ण की लीला चित्र रसाल ॥

मनही मनमें महाप्रभु किय विचार निसि ताहि । भलौ नही समुदाय संग कही सनातन आहि ॥
हम जैहैं जो मधुपुरी इतैं लोक लै संग । नहि पैंहे कछु सुख तहां अरु हँ है रसभंग ॥
तातै जैयै एकले कैं इकही जन संग । वृन्दावन के गमन कौ सोभा हँ है रंग ॥
यौ मन में सुविचार करि प्रात सुरधनी न्हाय । नीलाचल कौ चलैं कहि चले गौर हरि राय ॥
इहि विधि आये सांतिपुर चले चले रसमेह । पांच सात दिन रहें प्रभु श्री आचारज गेह ॥
देवी सची बुलाय कैं नमस्कार करि ताहि । सात दिवस लौं करी प्रभु भिन्ना तिहि ठां आहि ॥
कियौ गमन तब तहां तैं तिहि ठां आज्ञा लेय । भक्त गननि कौ विनै करि विदा महाप्रभु देय ॥
जैहैं हम नीलाचलहि संग लेय जन दोय । हमें मिलन ऐहौ सर्व रथ उत्सव में जोय ॥

कवित्त

भटाचार्य बलभद्र पंडित दामोदर जू दोई संग लै कैं प्रभु नीलाचल आये हैं ॥
कोऊ दिन तहां रहि चले निस वृन्दावन जानैं नही कोऊ जन काहु न लखाये हैं ॥
भटाचार्य बलभद्र एकले ई संग लै कैं झारखंड हँ कैं कासी आय रंग छाये हैं ॥
चारि दिन कासी रहि वृन्दावन चले देखि मथुरा वन द्वादस हियें सुख पाये हैं ॥

लीलास्थल कौ देखि प्रभु प्रेम विकल भी जोइ । कीने तब बलभद्र जू मथुरा बाहिर सोइ ॥
लै कैं गंगातीर पथ आये वेगि प्रयाग । प्रभु जू सौं जु मिले तहां आय रूप बड भाग ॥
सिचा करि श्री रूप कौ वृन्दावन जु पठाय । आपुन कासी आगमन कियौ भरैं हिय चाय ॥
कासी में प्रभु कौ मिले आय सनातन सोय । प्रभु तिनकौ सिचा करी रहे महीना दोय ॥
दै प्रभु जु निज भक्तिबल मथुरा पठायो ताहि । संन्यासनि पैं कृपा करि गये नील गिरि आहि ॥
ऐसैं प्रभु पट वरप लौं कीनैं विविध विलास । कबहु इत उत गमन किय कवहूँ क्षेत्र निवास ॥
मधि लीला के सूत्र कौ कियौ जु विवरन आय । सूत्र जु लीला सेस कौ सुनौ भक्त गण ताहि ॥
लीलाचल आये जवैं वृन्दावन तैं जोय । वरप अठारह रहि तहां कहुटांगये न सोय ॥
सर्व भक्तगण गौड के तहां वरप प्रति आय । चारि मास सत्र रहे प्रभु संग मिले भरि माय ॥
नृत्य गीत औ कीरतन ताकौ सदा विलास । तिहि करि किय प्रभु सुपचलौं प्रेमभक्ति परकास ॥
नित्यानन्द अद्वैत जू औ मुकुन्द श्री वास । विद्यानिधि जु मुरारी वसु और जिते प्रभुदास ॥
प्रतिवत्सर आय जु करें चारिमास सह वास । लै के तिनहि सवन कौ प्रभु कैं विविध-विलास ॥
कासीस्वर भगवान पुनि गोविंद जगदानन्द । दामोदर जु स्वरूप श्री पुरी जु परमानन्द ॥
किय पंडित गोस्वामी जू लीलाचल मधि वास । वक्रेश्वर दामोदर जु संकर पुनि हरिदास ॥
प्रभु जु संग इन सवन ही कीनौ नित्य निवास । रामानन्द प्रभू तजे कासी क्षेत्र सु रास ॥
सिद्धि प्राप्ति हरिदास की अति अद्भुत रस आहि । आपुन ही श्री महाप्रभु कीयो महोत्सव जाहि ॥

तवै रूप गोस्वामि कौ फेर आगमन जोहि । कियौ शक्ति संचार प्रभु तिनके हिय मधि सोइ ॥
तब ही लघु हरिदास कौ कियौ दंड प्रभु आइ । दामोदर पंडित कियौ वाक्यदण्ड प्रभु ताय ॥
तवै सनातन कौ तहां फेरि आगमन आहि । जेठ मास मधि महाप्रभु करी परीचा ताहि ॥
वृन्दावन कौ तुष्ट हँ, फेरि पठायो नाहि । प्रभु कौ श्री अद्वैत करि अद्भुत भोजन आहि ॥
नित्यानंद संग युक्ति करि प्रभु एकांतहि जोइ । कृष्ण प्रेम परचार हित गौड पठायो सोइ ॥
तब ही वल्लभ भट श्री प्रभु कौ मिले जु आहि । कृष्ण नाम कौ अर्थ प्रभु कयो कृपा करि ताहि ॥
प्रभु प्रद्युम्नहि मिश्र कौ श्री रामानंद पास । श्रवन कराई हरि कथा कहि तिनके गुण रासि ॥
रामानन्द भ्राता यहै गोपीनाथ जु आहि । राजा मारण लायौ तिहि प्रभु रक्त हो जाहि ॥
पुरी रामचंद भय जु करि भिन्ना दई घटाय । प्रभु दुख लखि वैष्णवन कौ अधिक राखी आय ॥
है जु एक ब्रह्मांड मधि भुवन चतुर्दस सोय । जितेक चौदह भुवन में वसैं जीवगण जोय ॥
ते सब मानुष वेस धरि यात्रा भिस जु बनाय । श्री प्रभु कौ दरसन करैं लीलाचल मधि आय ॥
जिते भक्तगण एक दिन श्री वासादिक जोय । प्रभु जू के गुण गाय कैं करैं कीरतन सोय ॥
भक्त गननि सौं कहैं प्रभु कछु क्रोध मन पागि । करौ कहा तुम कीरतन कृष्णनाम गुण त्यागि ॥
जाने दृढ़तता करण भयो सवन मन जोय । जय जय श्री चैतन्य करि करैं कुलाहल सोइ ॥
तिही समैं दस दिसनि में कोटि कोटि जन जोय । जय श्री कृष्णचैतन्य कहि करैं कुलाहल सोइ ॥
जय जय जय श्री महाप्रभु जय ब्रजराज कुमार । तारण हित सब जगत कैं प्रभु तुम्हारी अवतार ॥
आये हम अति दूर ते हँ बहु आरत जोइ । करौ कृतार्थ सवन कौ दरसन दै प्रभु सोय ॥
सुनि लोकनि कौ दैन्य प्रभु भयो आर्द्र अति हीय । बाहिर आय जु दयामय तिनकौ दरसन दीय ॥
बोलौ हरि हरि कहैं प्रभु दोऊ भुजा उठाय । श्री हरि हरि धुनि उठी अति रही चहैं दिस छाये ॥
प्रभु लखि प्रेम जु लोक कौ आनन्दित मन आहि । प्रभु कौ ईश्वर बोलि कैं करैं स्तवन सब ताहि ॥
तब सुनि कैं प्रभु सौं कबौ श्री निवास रस रास । घर में दुरि किनि रहे कयो बाहिर होहु प्रकास ॥
लोक सिखाये किन कहैं कौन बात ये आहि । इन सब को मुख दापि तुम दै निज हाथ हि ताहि ॥
ज्यौं सूरज करि कैं उदौ चाहैं दुरयो जु सोय । तैसैं वृष्णि सकैं नही तुम चरित्र है जोय ॥
श्री निवास सौं प्रभु कबौ तजौ विहम्बन सोय । सब मिल कैं कयो करौ मम महालांछना जोय ॥
ऐसैं कहि करि लोक कौ दृष्टिदान शुभधाम । प्रभु भीतर भी लोक कैं भये सुपूरण काम ॥
गये दास रघुनाथ तब श्री नित्यानंद पास । चिरवा दधि कौ महोत्सव कियौ तहां जु प्रकास ॥
आये प्रभु के पद निकट लै कैं आज्ञा ताहि । श्री स्वरूप के हाथ प्रभु तिनकौ सोपौ आहि ॥
भारथि ब्रह्मानन्द कौ चर्मावर जु छुड़ाय । लीला किय पटवरप प्रभु इहि विधि भरे सुभाय ॥
कबौ सुलीला मध्य कौ यहै सूत्रगण सार । सूचन लीला सेस कौ करैं जित क विस्तार ॥

रूप और रघुनाथ पदरज निवास है जाहि । चरितामृत चैतन्य कौ कृष्णदास कहि ताहि ॥
रूप सनातन जगतहित सुवल स्याम पद आस । चरितामृत कौ कहत सौ ब्रजभाषा हि प्रकास ॥
इति श्री चैतन्यचरितामृते मध्यखंडे ब्रजभाषायां मध्यलीलासूत्रवर्णनं नाम प्रथम परिच्छेदः ॥

द्वितीयपरिच्छेदः

गौरस्य कृष्णविच्छेद प्रलापाद्यनुवर्णने । विच्छेदेस्मिन् प्रभोरंत्यलीला सूत्रानुवर्णने ॥ १ ॥

जय जय जय श्री गौर सति जयश्री नित्यानन्द । जय जय श्री अद्वैत विभुजय भक्तनके वृन्द ॥
प्रभु जू के बारह बरस रहे सेष जे आहि । अनुभव कृष्णवियोग कौ होय नितन्तर ताहि ॥
राधा जू की गति भई जो उदव लखि नैन । इंदी भांति प्रभु की दसा होय सदा दिन रैन ॥
श्री प्रभु जू के रैन दिन रहे विरह उन्माद । चेष्टा सदा जु भ्रममई औ प्रलापमय वाद ॥
चले रोम कूपनि रुधिर दसन हले सब आहि । अंग छिन छिन होय प्रभु प्रफुलित छिन में ताहि ॥
गंभीरामधि रैन कौ नहि निद्रा बल सोय । घसे सीम मुख भीत सौ सब अंगन छत होय ॥
झर कपाटहि तीन लंघि प्रभु जू बाहिर जाहि । सिंध-द्वार कबहुं परें सिंधु नीर के मांहि ॥
उपवन कौ उद्यान लखि श्री वृन्दावन ज्ञान । गावें नाचै जाहि तंहि छिन मूर्छा कौ भान ॥
हाथ पाय कौ संधि सब एक वितस्ति प्रमान । होय पृथक संधि छाडि कै चर्म रहें स्वस्थान ॥
जिनि जिनि भावन कौ कहूँ नहि सुनिये जुविचार । तिन तिन भावन कौ रहैं प्रभुके अंगप्रचार ॥
हस्त पद सिर देह मधि सब अचिंत्य स्वरूप । जाहि पैठि तब देखिये प्रभु कौ कुरम रूप ॥
ऐसे अद्भुत भाव जो होय सरीर प्रकास । मनहुं सन्पता वचन मधि हा हा हा जु हुतास ॥
कहां करी पाऊ कहां श्री ब्रजराजकुमार । हा हा मेरे प्राणपति वंशी बदन सुचार ॥
काहि कहीं जाने जु को मेरे दुःख अपार । हिय फाटे मेरो सखी विना ब्रजराजकुमार ॥
इहि विधि करें विलाप प्रभु अन्तर विहवल आहि । श्लोकराय नाटक जु मधि पढ़े निरंतर ताहि ॥

व्याहि जगन्नाथवल्लभनाटक ।—

प्रेमच्छेदकज्ञो ऽवगच्छति हरि नाथं न च प्रेम वा, स्थानास्थानमर्थेति नापि मदनो जानति नो दुर्बलाः ।
अन्यो वेद न थान्यदुः स्वमखिलं नो जीवनं बाधयं द्वितीयेव दिनानि यौवनमिदं हा हा विधे का गतिः ॥

राग विहागरी

आलवाल हिय माहि सखी री उपज्यो अंकुर प्रेम ।
दीय तोरि दुख पूरि ताहि नहि पीय कृष्ण हिय नेम ॥ टंका ॥
बाहिर नागर नृप जु सखीरी अन्तर अति सठ राज ।
परनारी वध करन किय मधि सावधान विन काज ॥
नही जानिये क्यौं हैं सजनी विधि घटना की रीति ।
प्रीति करी सुख हेत सखी जी भई सुगति विपरीति ॥
प्रेम कुटिल अजान सखी नही जानें थान अथान ।
भलो बुरो न विचार करें सो नहि माने अपमान
महाकूर सठ के औगुन तिन गुन की फासि बनाय ।
वांधी जु मम कंठ कर गाई सकै न इत उत धाय ।
परद्रोह में निपुन सखी सो जो मनसिज तनुहीन ।
प्रांचवान सौंधें छिन छिन नहि समझै तनु दुख दीन ॥
चूर चूर करि वेधि सखी री सो अवलानि सरीर ।
लेय न हीये प्राण देय दुख जीये न मरें अधीर ॥
जो दुख मन में होय ओर कै सो नहि जानें आन ।
यहै जगत विख्यात शास्त्र की सो सांची जु निदान ॥
किहि गिनती मधि और कोउ जन प्राण सखी जो आहि ।
जाते कहि धीरज करिये कौ सोउ न जानें ताहि ॥
कृष्ण कृपा के उदधि है कबहुं करि हैं अंगीकार ।
यहै वचन तुम व्यर्थ सखी यौ भयो जु अब निरधार ॥
कमल पत्र जल ज्यों अति चंचल जीव कौ जीवन जोय ।
आसा लगि जन जीये सखि री तितनें दिन लौं कौय ॥
सत वत्सर लगि होय सखी री जीव कौ जीवन नास ।
याह वचन हि करि विचार हिय जिन कहि सुनि इकगास ॥
जिहि रुचि करें कृष्ण जुवती कौ जो जीवन धन सार ।
सो जोधन अति चंचल सजनी रहै दिना डै चारि ॥
ज्यों दीपक अभिराम धाम निज पहिलें ताहि दिखाय ।
करि जु पतंगी कौ आकर्षण फिरि तिहिं देहि जराय ॥

ऐसे ही कृष्ण दिखाय गुन निजमन हरे नेह लगाय ।
 पाछे तहां समुद्र में डारे पर्युषा तहां बिललाय ॥
 इतक करि उ बिलाप गौरहरि ह्वै के विविध विसाद ।
 खोले हिय के दुखकषाट यों तोरि लाज मरजाद ॥
 नाना भाव तरंग रंग बस रखी न मन इक ठौर ।
 रस निर्वेद भावमय प्रभु जू श्लोक पढ़्यौ इत और ॥

तथाहि श्लोकः—

श्रीकृष्ण रूपादिनिषेवनं विना व्यर्थानि मेऽहान्यखिलेन्द्रियाण्यलं ।
 पाषाणाशुकेन्धनमारकारयद्वा विभर्म्मि वा तानि कथं हस्तत्रयः ॥

मम हत चित जन्मभूमि मधु वंशीनाद सु ऐन ।
 सो नहि देख्यो बदन चंद जिनको न काज ते नैन ॥
 तिहि माये किन परी बज्र सखि जरि वरि होहु सुझार ।
 कारण कौ नव हे सो सजनी इन नैननि को भार ॥
 कृष्ण मधुर बानी सो सजनी अमृत धुनि की धार ।
 जिन श्रवननि न प्रवेस कियौ तिहि अहि-विलनिरधार ॥
 तिन कौ श्रवणेंद्रिय करि कै सखि जाके है हिय जान ।
 जनम अकारण हैगौ ताकी सो है निपट अयान ॥
 मृगमद नील कमल दोउ मिले जो परमल है आहि ।
 कृष्ण अंग की गंध सु ऐसे हरे मान मद ताहि ॥
 ऐसी कृष्ण अंग परिमल कोउ जाकी नहीं मयान ।
 जिहि नासा संबन्ध न ताकी सो भस्त्रा सम जान ॥
 ऐ कृष्णा धरामृत सब रस अरु गुण चरित्रहो जाय ।
 सुधासार कौ मधुर स्वाद तिहि है सुविनिदिक सोय ॥
 जानै नहि स्वाद जिहि तिहि भयो जनमत ही किन नास ।
 जिह्वा भेक समान है मोई रसना बचन प्रकास ॥
 कोटि चन्द्र सम सीतल हरि के करपदतल मुकुमार ।
 पारस मनि ज्यों पारसि जिन्हीं कौ हरे ताप हिय मार ॥
 पस भयो नहि तिनकी जाकी छारखार तिहि गोन ।
 सोई मधु लोहा सम जानौ अति कठोर दुख दें ॥

इतनी करि बिलपनु जु महाप्रभु सचिनन्दन भरि भाय ।
 सो कहिये कौ प्रगट कियौ यों विवस महा अकुलाय ॥
 भाव दैन्य अति बढ्यौ हिये में अरु निर्वेद विसाद ।
 श्लोक एक पढ़ै जू तब यह हिय में अति अवसाद ॥
 तथाहि—श्रीजगन्नाथवल्लभनाटके श्रीराधायाः वाक्यं—
 यदा जातो देवान्मधुरिपुरस्त्री लोचन पथं तदास्माकं चेतो मदनहतकेनाहतमभूत् ।
 पुनर्यस्मिन्नेपल्लमपि दृशोरेति पदवीं विधास्यामस्तस्मिन्नखिल घटिका रत्नखचिताः ॥४॥
 हार्यौ मेरो मन में सखी रो हार्यौ मेरो मन में ।
 देखनन हि पाये में प्रीतम एकां छिन भरि नैन ॥
 जिहीं समें सुपने में देखे वंशीबदन सुचार ।
 तिही समें आये द्वै वरी अति आनंद अरु मार ॥
 पुनि कोऊ छिन दरसावैं ये घरी छिनु पल आहि ।
 माला चन्दन दै आभूषन करौ अलंकृत ताहि ॥
 छिनेक बाझ भयो मन देखे तब आगें जन दोइ ।
 पूछै तब कहा हौं चैतन्य कहा स्वप्न लख्यौ सोइ ॥
 कियौ कहा जु प्रलाप हमनि अब नहि ताकी जु विचार ।
 सुनौ जु कछु तुम दैन्य हमारी कहा ताहि निरधार ॥
 प्राननि के बांधव मेरे सुनों कृष्ण प्रेम धन नाहि ।
 जीवन मेरी दिन सु वृथा सब दे हैं दुख जग माहि ॥
 सुनि करि करौ विचार यहै यों है किन ही क्यों सार ।
 श्लोक उचार्यौ ऐसे कहि कें श्री प्रभु प्रेम आधार ॥
 श्लोक—कइ अवरहिदं प्रेम्भं नहि होइ मानुसे लोय ।
 जइ होय कस्सविरहो विरहे होन्तस्मि को जियइ ॥
 जो इक श्री ब्रजराज कुमार कौ विन कैतव है प्रेम ।
 सो अति ही अद्भुत निर्मल है ज्यों जावूनद हेम ॥
 सो प्रेम नरलोकनि न होई जो काह के होय ।
 जो होइ ताहि वियोग तिही कौ सो जीवै नहि कोय ॥
 इतनी कहि पुनि तिहीं समें श्री सचिनन्दन भरि भाय ।
 श्लोक पढ़ै अदभुत जाकी सुनी दोऊ ए मनलाय ॥
 जो कहिये अपन मन की कछु लेय जु लाज दवाय ।
 इतने पें कहिये तउ ताकी लाजबीज कौ स्वाय ॥

अति ही दुर्लभ दूरि है जु सो जो सुप्रेम की गंध ।
 सो नहि पाव कृष्ण हमारे कपट प्रेम सनवन्ध ॥
 तऊहु इतनो कन्दन कीजै निज सोभाग्य प्रकास ।
 करियै यह जानीं तुम निश्चै हिये प्रतिष्ठा आस ॥
 रंसीनाद मुधा सुधाराम व सुख तिनकी ऐन ।
 देखियै नही सो वदन चन्द्रमा जिहि उजास दिन रैन ॥
 जवपि न है आलस्यन तऊ निजदेहमें कीजै प्रीत ।
 ग्रानकीट की धारण करियै केवल निजसुख रीति ॥
 कृष्णप्रेम निर्मल अति सुचिसो गंगाजल के भाव ।
 सो प्रेमा है सिंधु अमृत की छिन २ अति अभिकाय ॥
 निर्मल तिहि अनुराग में क्यौं हूं दूर न कोऊ दाग ।
 स्वत वसन में छिपे न जैसैं मसी बिन्दु की राग ॥
 सुद प्रेम सुख सिन्धु जो ताकी एक बिन्दु मिले आय ।
 सोई बिंदु आनंदके निधि में जगतहि देय चुडाय ॥
 जो मन हो इहि बात कहन की राखिये हिये दुराय ।
 बावरे हूँ के कहैं तऊ तिहि कहैंउ को पतियाय ॥
 इहि बिधि दिन-दिन श्री स्वरूप अरु श्री रामानंद संग ।
 करें विदित निज भाव हिये की हृदय भरें रस रंग ॥
 बाहिर विष ज्वाला बलि जो है अंतर आनंद रूप ।
 कृष्ण प्रेम की कथन कोऊ अद्भुत चरित अनूप ॥
 तम ऊख चबेन कीये ज्यौं आम्बादन है जाहि ।
 जरे वदन तऊ जाय न आख्या छिन २ वदे रुचि ताहि ॥
 सो प्रेमा जिहि हिय राजे तिहि ताके बल को ज्ञान ।
 विष अमृत की मेलि एक ठां चन्द्र कोटि अरु भान ॥

स्थाहि विदग्धमाधवः—

पीडाभिमर्षकालकूटकदुःखान्धेन्य निर्व्यासतो, निःस्पन्देन मुदा सुधामधुरिमाहंकारमंकोचनः ।
 प्रेमा सुन्दरि नन्दनन्दनपरो जगन्नि यस्यान्तरं हायन्तं स्फुटमस्य वक्त्रमधुराग्लेनैव विक्रान्तयः ॥
 कवित्त-

महावन्दे दुःखनि समूह करि डारें नव कालकूटकदुःख के गर्व हूं कीं दूर है ।
 आनन्द की उर लाय नाथ्य सिराय हिय करैं सुधा माधुरी की मान भद पूर है ।



गरुडस्तम्भ के पीछे

जगन्नाथदर्शनकारी प्रेम के ठाकुर श्रीकृष्णचैतन्य महाप्रभु

गरुड समीप ठाढ़े रहे करें दर्शन जे आनंद समूह सो कैसे ज्ञात गये है ।
 ताही धर्मतरे एक नीकी नीमनगी रहे सौं सोई अवतल ऐसे भाव ज्ञाये है ॥

प्रेम नन्द नन्दन कौ जाकें हिय राज सखी ताकें बल बक्र अति जानें साईं खर है ।
जाकी विपरीति रीति नीति कौ न लेस जहां उठै विप ज्वाला तहां सुधाही कौ पूर है ।

जवें देखें जगन्नाथ राम श्री सुभद्रा साथ तवें प्रभु जानें हम कुरुखेत आये हैं ।
जीवन सुफल भयौ देखे ए कमल नैन तन मन नेत्र मेरे अति ही सिराये हैं ।
गरुड समीप ठाढ़े रहे करें दरसन जे आनंद समूह सो कैसें जान गाये हैं ।
ताही थंभ तरें एक नीकौ नीम्न गर्त रहे भरें सोई अश्रुजल ऐसे भाव छाये हैं ।

तहां तें निवास आय बैठें जब मृतिका पै नख करि लिखें भूमि चिंता कौ प्रकास है ।
हा हा कंहा वृन्दावन कहां नंद नन्दन सो कहां वंशीवदन जो छवि कौ निवास है ।
ललित त्रभंगी कहां कहां वेनु गान वह जमुना पुलिन कहां कहां उह रास है ।
कहां नृत गीत हास कहां वें विलास प्रभु मोहन मदन कहां सुख को उजास है ।

दोहा

नाना भावनि कौ तहौ उठ्यौ महा अति वेगि । छिनहुं सकं विताय नहि भो मन में उद्वेग ॥
भो विरहानल प्रबल करि धीरज चंचल ताहि । श्लोक पढ़न लागे सु प्रभु ऐमें नाना आहि ॥

तथाहि कृष्णकर्णामृते—

अमन्यधन्यानि दिनान्तराणि हरे त्वदालोकनमन्तरेण ।
अनाथबन्धो करुणैकसिन्धो हाहन्त हाहन्त कथं नयामि ॥
राग विहागरी

कृपा करि दीजै दरसन दान । करुणासिंधु अपार बड़े तुम दीनबन्धु मम प्राण ॥
तुम दरसन विन अति अधन्य ए रेन दौसहै जोय ।
कटै नही ए काल घरी छिनु पल इक युग सम सोय ॥
उठ्यौ भाव चापन्य महा तव मन चंचल भयौ ताहि ।
जानी न जाय भाव गति क्यौ हूँ विन लखि हिय जरि आहि ॥
क्यों करि पाऊ अब दरसन तुव हीय बढी अति चाय ।
तवै कृपन जू सो पूछे यों देखन कौ नु उपाय ॥

तथाहि तत्रैव—

त्वच्छैरावं त्रिभुवनाद्भुतमित्यवेहि मच्चापलब्धं तव वा मम वाधिगम्यं ।
तत्किं करोमि विरलं मुरलीधिलामिमुग्धं मुखाम्बुजमुदीक्षितुमीक्षणाभ्याम् ॥

अहो कहा करौ कहा जाऊ । आपुन ही अहो कहो मोहि तुम जिहि उपाय तुम्है पाऊ ।
 माधुरि की बल जो तुम ताते मेरे चापल जोय ।
 इन दोनों की तुम अरु हो ही जानत हैं जन दोय ॥
 नाना भावनिकों प्रभु जू की भयो अति हि प्रावल्य ।
 भाव भाव की भयो महारण भयो संधि सावल्य ॥
 उत्कंठा चापल्य तिही छिनु भयो जु दैन्य विपाद ।
 रोषामर्सादिक सेना तिहि सब कारण उन्माद ॥
 मत्त द्विरदगण भाव औ प्रभु की देह पवन सम सोय ।
 जैसे महामत्त गज रण में वन की दलन जु होय ॥
 भयो उन्माद दिव्य प्रभु जु की तन मन में अवसाद ।
 करें संवोधन भावसेस में हियें जु प्रेम प्रसाद ॥

तथाहि तत्रैव—

हे देव ! हे दयित ! हे भुवनैकबन्धो । हे कृष्ण ! हे चपल ! हे करुणैकसिन्धो ॥

हे नाथ ! हे रमण ! हे नयनाभिराम ! हा हा कदानु भवितासि पदं दशोर्म्मै ॥

कविन

लखन उन्माद की करायें प्रकट कृष्ण भावावेस मध्य उठें प्रेम की जुमान हैं ।
 बोलन की बकरीति नाम मध्य व्याज स्तुति कहूं प्रिय निन्दा करें कहूँ सनमान हैं ।
 देव तुम क्रीडा रत जीती नारि लोकनि में जाहूँ करौ क्रीडा सोई सुख की निदान हैं ।
 दर्द होत मेरे तुम बड़े बसें चित्र तुव आये मेरे भाग्य बस उदै भयै भान हैं ॥

लोक में जे नारी गन सवन बुलावै जाय नेह करि सवन की करौ समाधान हैं ।
 कृष्ण तुम चित्त चोर ऐसी कौन पामर है करि केँ अख्या करै तुम सौं जु मान हैं ।
 चंचल तुम्हारी मति नाहि एक ठाँह धिति तामें दोस नाहि कछू तुम्हारा निदान हैं ।
 करुणा के सिन्धु मेरे प्राननि के बंधु हो जु तुम सौं न रोस मेरे कवहुँ अजान हैं ।

तुम ब्रज प्राणनाथ करौ सब रक्षण ब्रज ताते बहु काज बस नाहि अवकास हैं ।
 रमन हमारे तुम आये सुख देन हेत यहै जु तिहारी चतुराई की विलास हैं ।
 वाक्य मेरे निन्दा मानि गये छाहि कृष्णचंद्र सुनीहो वचन जामें स्तुतिकी निवास हैं ।
 आखिन की अभिराम मेरे तुम प्राण धन हा हा फेरि देहु दरसन सुख रास हैं ।

स्तंभ कंप औ प्रसेद नैन अश्रु सुर भेद वैवर्ण्य पुलक अंग अंग व्याप भये हैं ।
 हमें यौ पुकारे नाचें गावैं इत उत चलै धाव कभूँ गिरै भूमि मूर्छा सुख छये हैं ।

प्रगट भये मूरछा में करें उठि हुँकार कहें आये महाशय दुख सब गये हैं ।
 कृष्ण माधुरीकी गुण नाना भ्रम होय मन श्लोक पढ़ि करें ऐसैं निश्चै हिय लये हैं ॥

तत्रैव—मारः स्वयं नु मधुरदयुतिमण्डलं नु । माधुर्यमेव नु मनो नयनामृतं नु ।
 वैशीमृजो नु मम जीवितवस्तुभो नु कृष्णोऽयमभ्युदयते मम लोचनाय ॥

किधौ यहै कामरूप द्युति की स्वरूप किधौ किधौ सब माधुरी सुरूप धरि आई हैं ।
 उत्सव किधौ हैं यहै मेरे मन नैननि की किधौ प्राण प्यारे मेरे हियें सुख दाई हैं ।
 एतौ सांच कृष्ण आये आखिन के भये भाये अति ही सुहाये मानौ रंकनिधि पाये हैं ।
 ऐसैं नाना भाव शुरु सिन्धु तन मन होय सदाई नचावै नाना रीति मन भाई हैं ॥

निर्वेद विसाद दैन्य चापलता हर्ष धैर्य कोप इन नाचनि में बीते प्रभु काल हैं ।
 चंडीदास विद्यापति गान राय नाटक की कर्णामृत और गीत गोविन्द रसाल हैं ।
 श्री स्वरूप रामानंद संग प्रभु रैन दिन गावैं सुनि होय हियें आनन्द विसाल हैं ।
 महा भाव पगे इही भाँति रहैं रैन दिन एक मन मीन पर्यौ बहु प्रेम जाल हैं ॥

श्री पुरी गुसाई जू के मुख्य रस वत्सल है रामानंद जू के सुद सौख्य रस जानियें ।
 भक्त जे गार्विंद आदि तिनकेँ है सुद दास्य रसही की सेवा हियें ओर नहीं आनियें ।
 पंडित गदाधर जू और श्री जगदानन्द श्री स्वरूप जू के हिय मुख्य रस सानियें ।
 एई चार मुख्य भाव तिन ही केँ सदा बस रहैं महाप्रभु कहाँ कहाँ लौं बखानियें ॥

वोहा

लीला सुक जे मृत्तु जन भावोद्गम भौ ताहि । ये ईश्वर तिन केँ जु सो कहा अचंभौ आहि ॥
 जाते आश्रय मुख्य रस भये महाप्रभु जोय । सब भावन की प्रगटता ताही तें तिन होय ॥
 ब्रज विलास मधि प्रथमजे तीनि मनोरथ आहि । जतन कियेहुँ नहि भयी तब आस्वादन ताहि ॥
 आपुन अंगीकार करि श्री राधा की भाय । तीन वस्तु की स्वाद किय जिनको होय अचाय ॥
 आपुन करि आस्वाद तिहि सिखपौ भक्तन जोइ चिंतामनि जो प्रेम धन श्री प्रभु धनी जु सोय ॥
 ताते पात्रापात्र नहि जिहि तिहि कियो सुदान । प्रभु जू दाता मुकुटमनि है रतननि की खान ॥
 दिय लुटाय संसार की ऐसी धन है जोय । नहि अवतार दयाल इम दाता कोऊ न सोय ॥
 ऐसै जो अति गुप्त है भाव उदधि जो आहि । ब्रह्मा हू पावै नहीं एक बिन्दु है ताहि ॥
 परनि सकैं नहीं कोऊ तिनकेँ गुणगण जोय । कहि वे की नहि कथा है कहैं न समझैं कोय ॥
 ऐसैं श्री चैतन्य की है अति चित्रविहार । सो रसकी है जानि तुम जापैं कृपा अपार ॥
 ताही पै चैतन्य की हैं है कृपा अमंग । तिहि दासन के दास की हैं है जा की संग ॥
 रत्न सार लीला जु प्रभु श्री स्वरूप भंडार । तिन्हौ ताहि रघुनाथ की कण्ठ धर्यौ निरधार ॥

तिनि सों कहु जो सुन्यो तिहि किय विवरण यह सोय । भक्तगनन कौ भेट यह यथा सक्ति दी सोय ॥
 ग्रंथ किये हम श्लोकमय जु ऐसैं कहैं कोय । कैसैं ताकौ इतर जन जानि सकैगो सोय ॥
 प्रभु जू कौ आचरण जो कीनो विवरण ताहि । सकैं नहीं आराधिकें चित्त सवन कौ आहि ॥
 राग द्वेष जो हो तिहि ताही भधि आवेस । सहज वस्तु के लिखन में होय नही परवेस ॥

कवित्त

जो पै हैं न जाने कोऊ सुनत सुनत सोऊ अद्भुत चैतन्य जू कौ चरित अपार है ।
 हैं कें कृष्ण विषे प्रीति जानि है सो रस मुनें बड़ी भांति हैं है हित ताकौ निरधार है ।
 श्लोकमय भागवत टीका देव वा । तऊ कैसैं जानें ताहि सब किये तें विचार है ।
 श्लोक इहां दोय चारि अर्थ भाषा कियौ तऊजानी हैं न कैसैं सब जन तिहि सार है ॥

सेस लीला सूत्रगण विवरण कियौ कछू कियौ चाहै मन मेरौ तिनकौ विस्तार है ।
 जो पै आयु अब सेस करौ व्यास लीला सेस जो है महाप्रभु जू की करुणा अपार है ।
 हौ तौ जीणें बृद्ध तऊ लिखत में कंपै कर होहि नही मेरे कछू मन में विचार है ।
 देखौ नही नैन कान सुनौ नही तऊ कछू लिख्यौ चाहौ ताहि अचिरज निरधार है ॥

यहै सेस लीला सार ताकै सूत्र बीच कहैं वर्णन कियौ है कछू करिकें विस्तार है ।
 जो पै चाही बीच मरौ सकी नही ताहि कहि तौ पै यह लीला भक्तगण धन सार है ।
 कीयौ है संक्षेप यहै सूत्र इहां जो न लिख्यौ नीकी भांति ताकौ आगे करेंगे विचार है ।
 तित दिन जीये जो पै होय प्रभु कृपा यहै करि है विस्तार निज हीय अनुसार है ॥

दो०

छोटे बड़े जु भक्तगण वंदो सब पद आहि । मो पै तुम सन्तुष्ट सब होहु कृपा अवगाहि ॥
 श्री स्वरूप मत जितौ कछु कछौ रूप रघुनाथ । सोई लिख्यौ न दोस मम तिन के पद धरि माय ॥
 श्री प्रभु नित्यानन्द मम श्री अर्द्धत जु ईस । और भक्तगण जिते सब तिनके पद धरि सीस ॥
 श्री स्वरूप गोस्वामि जू रूप सनातन जोइ । वंदौ श्री हरिदास पद तिन में मुख्य हैं सोइ ॥
 श्री चैतन्य विलास निधि पुनि तरंग जो ताहि । कृष्णदास कहि यथा मति इक कन कोऊ जाहि ॥
 रूप सनातन जगत हित सुवल स्याम पद आस । चरितामृत कौ कहत है ब्रज भाषा हि प्रकास ॥

इति श्री चैतन्यचरितामृते मध्यखण्डे ब्रजभाषायां मध्यलीला अंत्यलीला सूत्र कथन
 प्रेमोन्मादप्रभाववर्णनो नाम द्वितीयपरिच्छेदः ॥

तृतीय परिच्छेदः

न्यासविधायोत्प्रेरणयोऽथ गौरो वृन्दावनं गन्तुमना भ्रमाणः ।
 राढ़े भ्रमनं शांतिपुरीं मयित्वा जलासं भक्तैरिह तं नतोऽस्मि ॥१॥

जय जय श्री चैतन्य जू जय श्री नित्यानन्द । जय अर्द्धताचार्य ससि जय प्रभु भक्तन वृन्द ॥
 वरस सेस चौबीस ये माघ मास है जोय । शुक्लपक्ष तिहि तहां प्रभु किय सन्यास जु सोय ॥
 प्रेम मगन वृन्दा विपिन चले जु करि सन्यास । राढ़े देस में तीन दिन भ्रमन कियौ रस रास ॥
 पढ़े श्लोक इहि महाप्रभु भावावेश हि जोइ । भ्रमत पवित्र कियौ सर्वे राढ़े देश है सोइ ॥

तथा:—एतां समास्थाय परात्मनिष्ठामध्यामितां पूर्ववत्तमेमर्हपिभिः ।

अहन्तरिष्यामि दुरन्तपारं तमो मुकुन्दाग्निनिषेवयैव ॥ २ ॥

कहै महाप्रभु साधु यह भिजु वचन है जोय । हरि सेवा ही कें जुयों किय निर्धारन सोय ॥
 जो परात्मनिष्ठा सु इक वेस मात्र है सोय । भव सागर तरिवो जु हरि सेवा ही सौ होय ॥
 कियौ वेस सोई अवे वृन्दावन मधि जाय । करि हैं सेवन कृष्ण कौ वसि इकांत सुख पाय ॥
 ऐसैं कहि कें चले प्रभु प्रेममत्त अनि सोय । ज्ञान नहीं दिस विदिस कौ कहां रैन दिन जोय ॥
 नित्यानन्द मुकन्द औ रत्नाचारज जोइ । प्रभु के पीछे गमन ए करें तीन जन सोइ ॥
 जेई जेई प्रभु लखें तेइ तेइ सब लोक । प्रेम मगन हरि हरि कहैं नास होय दुख सोक ॥
 तहां गोप बालक सर्वे प्रभु कौ लखि भरि माय । बोलि उठैं अति उच सुर हरि हरि अति हिय चाय ॥
 सुनि कें तिन सब के निकट गये गौर हरि जोय । तिनकें सिर कर धरि कहैं कहौ कही पुनि सोय ॥
 स्तुति इन सब की करें तुम भाग्यवान अधिकाय । किय कृतार्थ मो कौ जु तुम हरि हरि नाम सुनाय ॥
 ठाकुर नित्यानन्द जू दुरि तिन सब कौ लाय । यहै सिखायौ सवन कौ हिय में जतन बनाय ॥
 वृन्दावन पथ प्रभु तुन्है पूछेंगे भरि भाय । तब तुम गंगातीर पथ दीजौ तिन्है बताय ॥
 तब प्रभु पूछें तिन्है तुम सुनौ जु सिसु समुदाय । वृन्दावन कौ जाइये सो पथ देखु बताय ॥
 सिसु सब गंगातीर पथ प्रभु कौ दियौ दिखाय । कियो गमन आवेस में तिन्हौ तिही पथ धाय ॥
 करें जु रत्नाचार्य सौ नित्यानन्द प्रभु राह । श्री अर्द्धताचार्य के बेगि जाहु तुम मोह ॥
 प्रभु कौ लै हम जाहिंगे तिन के मन्दिर जोइ । सावधान नौका हि लै रहैं तीर मधि सोइ ॥
 तब तुम फिर कीजौ गमन नवद्वीप सुनिवास । सचो सहित सब भक्तगण लै ऐही प्रभु पास ॥
 श्री नित्यानन्द महाप्रभु तिनकौ दियो पठाय । प्रभु ऐहै आय जु तिन्हौ आगे दीयो जताय ॥
 कहैं जु प्रभु श्री पाद जू कहा गमन तुम जोय । तुम सँग वृन्दा विपिन कौ जाहिं कहैं यो सोय ॥
 कितक दूर है प्रभु कहैं वृन्दावन रस कंद । यह यमुना दरसन करो कहैं जु नित्यानन्द ॥

ऐसैं कहि लाये तिन्हें गंगा निकट सुजान । गंगा मधि आवेस में भौ प्रभु यमुना ज्ञान ॥
अहो भाग्य रविसुता को पायौ दरसन जोय । स्तुति श्री जमुना की करें ऐसैं कहि कैं सोय ॥

तथाहि चैतन्यचन्द्रोदयनाटके—

चिदानन्दभानोः सहानन्दसूनोः परप्रेमपात्री द्रव मद्यगात्री ।

अघानां लवित्री जगत् त्रेमधात्री पवित्री क्रियान्तो वपुर्मित्रपुत्री ॥

यह पढ़ि करि कै दण्डवत कियौ जु गंगास्नान । इक ही है कोपीन अंग नही दूजौ परिधान ॥
तिही समै आचार्य जू नवका चढ़ि कैं जोय । आये लै कोपीन नव बहिर्वास हू सोय ॥
आगे ठाढ़े आय भौ नमस्कार करि सोय । तिन्हें देखि बोले प्रभु करि मन संसय जोय ॥
तुम तौ श्री अद्वैत ह्यौ कैसैं पहुँचे आनि । हम वृन्दावन में तुम जु कैसैं लीनैं जानि ॥
श्री अद्वैत कहैं जहां तुम वृन्दावन जोय । गंगातट मम भाग्य तुम भयौ आगमन सोय ॥
प्रभु कहैं नित्यानन्द जू हमें छली है जोय । लायें गंगा को हमें कहिकें जमुना सोय ॥
अद्वैताचारज कहैं दिय तब हरषित होय । वचन कस्यौ श्री याद जो नाहिन मिथ्या सोय ॥
प्रभु जु तुम कियौ जहां स्नान तरनिजा सोय । एक धार है यहां बड़े गंगा यमुना दोय ॥
जमुना धार पश्चिम बड़े पूरव गंगा होय । पश्चिम यमुना धार मधि तहां स्नान किय जोय ॥
अब छाहौ कोपीन यह जो भीजी है आहि । सूकी औ नूतन कछू प्रभु जू पहिरौ ताहि ॥
तीन चारि दिन तैं जु तुम जो कीनौ उपवास । चली आज मम घर करी भीक्षा और निवास ॥
मुठी एक कछु अन्न की करवायौ है पाक । व्यंजन सूकी रुद्ध कछु एक दार अरु साक ॥
यौ कहि नाव चढाय कैं लाये निज गृह सोय । कियौ प्रछालन पदकमल अन्तर हरषित होय ॥
श्री ठकुरानी प्रथम ही पाक कियौ है जोय । कियौ आप आचार्य जू विष्णु समर्पन सोय ॥
भोग उसार्यौ तीन ठां करि कैं एक समान । धातु पात्र मधि कृष्ण की भोग धर्यौ रसखान ॥
अति उत्तम कदली दलनि पनवारे जु सवार । भोग उसार्यौ दोय ठां करि कैं भलैं विचार ॥
मध्य पीत घृत मिक्त अति भात जु विविध प्रकार । व्यंजन दोना चहु दिसनि हरित मृग की दार ॥
अदरक लुत किय साक के पाक अनेक प्रकार । पलवल पेठा करु बरी तरकारी जु अपार ॥
सूक्ता राई मिरच दै कीनैं बहु फलमूल । तिक भोल किय पंच विध सुधा न जिहि समतूल ॥
कोमल दल है नाव के बेगन कीये बनाय । फूलवरी भाजी विविध मानचक्र अधिकाय ॥
नारिकेल के मधुर फल भोगन की धरि पांति । व्यंजन कदली फूल के पेठा किये बहु भांति ॥
बरा मृग के उरद के कदली के अति मिष्ट । पूरी श्री फल दूध की अरु प्रभु की जे इष्ट ॥
कदली दल मूल के दीना बड़े बड़े जोय । दोना चले हलें नही इद विमाल है सोय ॥
दोना लै लै अर्ध सन व्यंजन भरि बहु भांति । धरे सु तीनी भोग के आस पास करि पांति ॥
घृत पायस भरि कुंडिका माटी की जु नवीन । दूध अघाघट सी जु भरि धरे पात्र नहि तीन ॥

पय चिरवा दधि दूध के सामिग्री बहु भाय । धरि मृत कुंडीकाहि में ये जु चाय अधिकाय ॥
कदली के व्यंजन सु बहु धरे भोग तिहि ठाय । मिथी बूरा दधि मधुर कहे न क्यौ हू जाय ॥
सब पाकनि उपरी तबे तुलसि मंजरी धार । धरे तीन जलपात्र तहां भरि जु सुवासित वार ॥
तीन पीढ़ तिन पर परम सुभ्र वसन जु विछाय । भोग महा श्री कृष्ण की करि रख्यौ भरि भाय ॥
समें आरती कैं दोऊ प्रभु लीनैं जु बुलाय । देखी सचन सुआरती प्रभु जू के सँग आय ॥
करी आरती कृष्ण कौ सज्या सयन कराय । भोजन कौ भाई दोऊ लीनैं तबें बुलाय ॥
तब मुकुन्द हरिदास विष प्रभु जु बुलाये जोइ । दोऊ जन कर जोरि तब कहन लगे यौ सोइ ॥
कहैं मुकुन्द जु मम कछू कृत्य भयौ है नाहि । हौ पीछे सौ पाय हौ तुम जु उठौ गृह मांहि ॥
तब हरिदास कहैं जु हौ बड़ो अधम पापिष्ठ । करि हौ भोजन इक मुठी पाछें बाहिर तिष्ठ ॥
आचारज घर मधि गये दोऊ प्रभु जू संग । प्रभु कैं देखि प्रसाद कौ हिय आनन्द अभंग ॥
भोजन करवायौ तिन्हौ प्रभु कौ इहि विधिआहि । जनम जनम सिर पर धरौ चरण कमल हौ ताहि ॥
तीनौ भोग जु कृष्ण कौ प्रभु जानैं इहि बात । आचारज के हीय की प्रभु नहि जानैं घात ॥
प्रभु जू कहैं तीनी करें भोजन बैठौ आय । करि हैं परिवेसन जु हम आचारज कहैं ताय ॥
कौन ठौर बैठें कही अरु लावौ द्वै पात । देहु आनि तिहि अन्न करि कछु व्यंजन अरु भात ॥
आचारज कहैं पटा पर बैठौ दोऊ साथ । बैठायो दोऊन कौ यौ कहि गहि कैं हाथ ॥
प्रभु कहैं भोजन इतेक नहि सन्यासी जोग । कैसैं इन्द्री बस करैं करि कैं इतनौ भोग ॥
श्री आचार्य कहत जो अपनी चोरी जोय । हम जाने संन्यास की टाराटारी सोय ॥
भोजन करौ जु जो जु तुम वचन चातुरी भाय । प्रभु जु कहैं हंस एकले कितेक सकि है खाय ॥
श्री आचार्य कहैं करौ कपट छाडि आहार । जो नहि सकि हौ खायकछु रहि है कहा विचार ॥
इतेक न हम प्रभु जु कहैं खाय सकैं नहि जोय । राखिये जो उल्लिष्ट नही धर्म यती कौ सोय ॥
ते जु कहैं लीलाचलहि खावौ चौवन वार । एक एक बारहि लगें अन्न जु सत सत भार ॥
तीन तीन जन भक्ष जो एक ग्रास तुम सोइ । तिहि लेखें यह अन्न तुम पंचग्रास नहि जोइ ॥
मम घर मेरे भाग्य बस भयौ आगमन जोय । तजौ गुसाई चातुरी भोजन करौ जु सोय ॥
यौ कहि तिन्हौ जल दियौ दोऊ प्रभु के हाथ । हसि भोजन लागे करण प्रभु नित्यानन्द साथ ॥
न्योते मधि आचार्य कैं आजु हू भौ उपवास । उदर भर्यौ नही अर्ध हू इही भक्ष इक ग्रास ॥
श्री आचार्य कहैं तुम्है है तीर्थक संन्यास । कबहू खावौ मूल फल करौ कभू उपवास ॥
दरिद्री द्विज घर लखौ अन्न मुठी इक जोय । ताही में सन्तोष करि तजौ लोभ मन सोय ॥
नित्यानन्द कहैं जवैं कियौ निमंत्रण सोइ । तब ही ते यह चारु है करिये भोजन सोइ ॥
तुम जु अष्ट अवधूत ही उदर भरण के काज । कीनैं हैं द्विज दंड हित यह दंडो कौ साज ॥

चावर के दस भार जो सकों खाये तुम आहि । हम दरिद्र द्विज कहौ तुम पावै कहाँ जु ताहि ॥
 पायो मुठि एक अन्न जो उठौ खाये के ताहि । अब छाँ करौ न मत्तता तजो न झूठन जाहि ॥
 इहि विधि नाना हास्य रस करैं जु भोजन भाय । व्यंजन जब छोड़ै प्रभु आधो आधो खाय ॥
 सो व्यंजन आचार्य जू करैं पूर्ण हिय चाय । गौर हरी बोले यहै पूर्ण भये हम पाय ॥
 श्री आचार्य कहै दियो जो छाडी जिनि ताहि । आधौऊ खावौ अवेँ जो हम परसौ जाहि ॥
 नित्यानन्द कहै जु मम पेट भरयो नहि आहि । अन्न तिहारौ लियो जो नहि कछु खायो ताहि ॥
 ऐसैं कहि करि भात को एक आस लै जोय । दियो चलाय डछारि केँ कछुक क्रोध जुत होय ॥
 लगे भात हँ चारि कन श्री आचारज अंग । आचारज जिहि अंग लै नाचौ भरि बहु रंग ॥
 झूठन लगी अवधूत की भेरे सबही अंग । कीनौ परम पवित्र सो यहि मिस दया अमंग ॥
 करि केँ मो आप सम यह उपाय किय जोइ । झूठन दई न भय कियो विप्र जानिकेँ सोइ ॥
 नित्यानन्द कहै यहै प्रभु प्रसाद है जोइ । ताकोँ तुम झूठन कहौ किय अपराध जु सोइ ॥
 संन्यासी सत एक को करौ निमन्त्रन जोइ । तब ही यह अपराध कोँ निहचै खंडन होइ ॥
 आचारज कहै कभु नहिँ करौ निमन्त्रन ताहि । नास्यौ है स्मृति धर्म सब संन्यासी मम आहि ॥
 करवायौ तब आचमन ऐसैं कहि केँ वैन । करवायौ पुनि दुहुनि कोँ उत्तम सख्या सैन ॥
 एला बीज लवंग पुनि अति उत्तम जु सुवास । तामें तुलसी मंजरी दियो दुहुन मुखवास ॥
 मलयज कुंकुम गंध पुनि कियो लेप वपु आहि । अति सुगंध माला कुसुम पहिराई हिय ताहि ॥
 कियो चहै आचार्य जू पद संवाहन ताहि । हिय में अति संकुचित है कहै वचन प्रभु आहि ॥
 बहुत नचायो नाच हम अब तुम छाडी सोय । भोजन करौ मुकुन्द हरिदास संग लै दोष ॥
 तब सौ श्री आचार्य जू तिन दोऊ लै संग । किय भोजन जो हिय हुती इच्छा भरि रस रंग ॥
 सुनिकेँ प्रभु को आगमन सांतीपुर के लोक । देखन कोँ आये सब प्रभु के पद सुख ओक ॥
 हरि हरि बोले लोक सब अति आनन्दित होय । प्रभुकी सुन्दरता सु लखि अति विस्मों भो सोय ॥
 गौर देह की दृति जनीं उज्जल रविकी कांति । अरुण वसन सोभा तहां झिलि मिलाय बहु भांति ॥
 आवै जाय सु लोक सब समाधान नहि होय । भयो जनन की भीर में दिन अवसान सु सोय ॥
 कीर्तन को आरंभ किय तिन्हो सांभते आहि । निरत करैं आचार्य जू प्रभु देखत है ताहि ॥
 बोले धरि आचार्य जू श्री नित्यानन्द जोय । पाछे श्री हरिदास जू नाचै हरषित होय ॥
 केसैं कहिये आनु को आनंद उर न अछेह । बहुत दिनन में कृष्ण विधु उदै भये मम गेह ॥
 याही पदहि गवाह केँ नाचै हरषित होय । स्वेद कम्प आँसु पुलक गर्जन गुंजन सोय ॥
 फिरि फिर केँ कबहूँ धरें प्रभु के पद सुख ऐन । आलिंगन करि केँ कभू कहै मधुर यौ वैन ॥
 दिन अनेक भेरे जु तुम फिर किय वंचित जोय । अब पाये हीं गेह मधि बाँधि राखि हीं सोइ ॥

करैं नृत्य आचार्य यों कहि भीजें आनन्द । एक जाम निसि किय तिन्हों संकीर्तन स्वच्छन्द ॥
 उत्कण्ठा प्रभु प्रेम को नहि न कृष्ण को संग । बड़ी विरह में प्रेम की ज्वाला की जु तरंग ॥
 विहवल हैं केँ महाप्रभु गिरे भूमि मधि जोय । प्रभु कोँ लखि आचार्य जू नृत्य समेठो सोय ॥
 तहँ मुकुन्द प्रभु हृद की नीकें जोनें सोय । सरस भाव है एक पद गावतु संग जु सोय ॥
 प्रभुहि उठायो नृत्य हित श्री अद्वैत गुसाई । प्रभु कोँ तिहि पद सुनतहि अंग धरे नहि जाई ॥
 अश्रु कम्प रोमांच जू स्वेद कंप सुर भंग । करैं रुदन अति उच्च छिन गिरें उठे हिय रंग ॥
 श्रीमुकुन्द अतिमधुर सुर यह पद गावै सोय । प्रभुको अन्तर हृदय तिहि सुनि विदीर्न अति होय ॥

क०—निर्वेद विषादामर्ष चपलता गर्व दैन्य भाव सैन्य युद्ध ए ई करैं प्रभु संग हैं ।
 भाव के प्रभाव प्रभु भये जर जर ऐसैं गिरे मधि भूमि स्वास रखौ नही अंग है ।
 देखि सब भक्तगण भये अति चिन्तायुत औचुका उठैं हैं करि गर्जन अमंग है ।
 कहाँ कहाँ कहि नाचें आनन्द विवस महा जानी नहीं जाय महाभाव की तरंग है ॥
 नित्यानन्द संग बोले श्री आचार्य गहैं प्रभु पाछे हरिदास बोले नाचें भरे रंग है ।
 याही भांति एक जाम महाप्रभु नृत्य कियो कबहूँ विषाद हर्ष भाव की तरंग है ।
 पांच दिन पाछे करि भोजन यौ कीयो नृत्य महाश्रम भयो उर आनन्द अमंग है ।
 भावाविष्ट जाते तिन्हें श्रमको न ज्ञान राख्यो प्रभुजको प्रभु नित्यानन्द गहि अंग है ॥

आचारज गोस्वामि तब राख्यो कीर्तन जोय । नाना सेवा करि तिन्हो सयन करायो सोय ॥
 इही भांति दस चौस लौं भोजन कीतन जोइ । प्रभु जू को सेवन कियो तिन्हो एक रस सोइ ॥
 भोर ही रत्नाचार्य जू दोला मांक चढ़ाय । आये माता सची लै संग भक्त समुदाय ॥
 लोग सु नदिया नगर के बाल वृद्ध लौं जोय । भयो महा संघट अति आये सब ही सोय ॥
 करि केँ सब निज कृत्य प्रभु करैं कीर्तन नाम । आये रत्नजु सची लै श्री अद्वैत जु धाम ॥
 शचि आगे गोस्वामि जू परे दंडवत होय । लीय उठाय क्रन्दन करि सची गोद निज सोय ॥
 भये दुहुन के दरस मधि दोऊ विहवल आहि । भई विकल अति सची तब केश न देखे ताहि ॥
 अंग पाँछे चूमे वदन करैं निरीक्षण जोइ । नैन भरे जल अश्रु करि देखि सकें नहि सोइ ॥
 कहै सची क्रन्दन सु करि वत्स निमाइ होइ । विश्वरूप सम निहुरता तुम जिन करियो सोइ ॥
 संन्यासी हैं केँ जु मुहि दिय दरसन नहि फेरि । तुम तैसेँ जो करौ मम मरन होय इहि बेरि ॥
 प्रभु जु कहै तब रोय केँ सुन तुम मेरी मात । यामें मेरी नहि कछु यह तुमरीही गात ॥
 तुम ही ते या देह को जन्म जु पालन जोय । कोटिजन्म लौं हीं जु तुव सकौ जु अञ्जली होय ॥
 जाने अनजाने कहा किय यद्यपि संन्यास । तऊ तुम सौं हैं हैं नहीं हीं कबहूँ जु उदास ॥
 कहाँ जहां ही तुम तंही हों करि हीं जु निवास । जो आज्ञा तुम देहु सो करि हीं हृदय हुलास ॥

नमस्कार फिरि फिरि करें ऐसैं कहि कैं सोय । बार बार करि गोद में माय तुष्ट हिय होय ॥
आचारज जू सची लै गौ अभ्यंतर जोय । भक्त यूथ के मिलन कौ भो प्रभु सत्वर सोय ॥
एक एक करि मिले प्रभु सर्व भक्त समुदाय । सब कौ मुख देखैं करें आलिंगन दृढ़ चाय ॥
कंस न देखे भक्तसब यदपि लखी दुख आहि । तऊ लखी हिय मांकु सुख लखि सुन्दरता ताहि ॥

कवित्त

श्री निवास रमाई जु विद्यानिधि गदाधर शुक्लांबर वक्रेश्वर और गंगादास हैं ।
श्री मुरारि बुद्धिमंत खान अरु नंदन जू श्रीधर विजय वासुदेव रसरास हैं ।
दामोदर श्री मुकुंद संजय जू कहाँ लगि नाम लेहु जिते जिनि नवद्वीप वास हैं ।
सब ही सौ मिले प्रभु हंस करि कृपा दृष्टि आनन्द में नाचैं सब सुख के उजास हैं ॥

अरु हरि हरि बोलैं सर्व करैं उच्च स्वर गान । मंदिर श्री आचार्य कौ भौ वैकुण्ठ समान ॥
जिते लोक आपे तहां प्रभु कौ देखन जोइ । अरु जे नाना ग्राम ते नवद्वीप तें सोय ॥
तिन सब कौ जु निवास दिय भक्त अन्न बहु पान । बहु दिन लौ आचार्य जू किय सब कौ सनमान ॥
श्री अर्द्धत मंदार जो घटै नमैं नहिं सोय । तामें जे खरचें जितौ तितनौ पूरण होय ॥
ताही दिन तें सची जू करें रसोई आहि । सब भक्तन कौ संग लै प्रभु आरोहें ताहि ॥
प्रभु कौ दरसन प्रीति ही दिन में लखैं जु जोय । प्रभु कौ अद्भुत कीर्तन देखे निसि में सोय ॥
प्रभु कौ कीर्तन करत ही सब भावोदय आहि । कंप जाह्य पुलकाश्रु यों गदगद प्रलय सु ताहि ॥
बार बार प्रभु धरनि जब गिरें पछारनि खाय । देखि सची माता कहैं करि रोदन अधिकाय ॥
भई निमाई की अवैं देया चरण देह । हा हा करि तव विष्णु पै मार्ग यह देह ॥
मेवा बालक काल तें कियौ तुम्हरो जोय । हो नारायण देहु मम यहै सुफल तिहि सोय ॥
गिरें निमाई जिह समे धरौ करहि निज सोय । अहो निमाई देह में जैसैं व्यथा न होय ॥
मचि देवी वत्सल कहैं ऐसैं विहवल सोय । हर्ष दैन्य भय भाव करि भई विकल अति जोय ॥
श्री निवास आदिक जिते विप्र भक्तगण आहि । प्रभु कौ भिजा देन हित सब की मन भौ ताहि ॥
करें जु सुनि माता सची सब की विनती जोइ । मोकीं कहा जु और ठां दरस निमाई होइ ॥
तुम सब कौ अन्यत्र हैं हूँ हूँ मिलनी आहि । हो अभागिनी कौ यहै दरस मात्र है आहि ॥
जौ लौ श्री आचार्य गृह वास निमाई होय । मोहि देहु भिजा सबै मार्गी दान जु सोइ ॥
नमस्कार करि कैं कहैं सुनि कैं जन गन ताहि । जोई इच्छा मात की सब की सनमति आहि ॥
माता कौ अति व्यग्र लखि भयो व्यग्र मन ताहि । इकठां करिकें भक्तगण कहैं वचन यों आहि ॥
तुम सब आज्ञा विन चली हो इन्दावन जोइ । विघ्न जु लायो फेरि कैं जाय सकैं नहि सोइ ॥
यद्यपि सहजा ही जु हम कीनी है जु सन्यास । तऊ जु हूँ तुम सबन सौ सकौ न होय उदास ॥

तुम सबकौ नहि तजौं हौं जौ लौं जीयौ जाहि । तव लगि छाडि सकौं न हौं माता हूँ कौ आहि ॥
संन्यासी कौ धर्म नहि ऐ पै करि सन्यास । जन्म भूमि के मधि रहै निज कुटुंब के पास ॥
ऐसैं याही बात करि करै न निन्दा कोय । कद्यो युक्ति सोई जु तुम रहै धर्म जिहि दोय ॥
प्रभु जू के ऐसे तवै मधुर वचन सुनि सोय । सची पास कीनी गमन आचारज दिक जोय ॥
प्रभु जू कौ सब ही जु सौ कद्यो निवेदन ताहि । जग माता सुनि सची जू कहन लगी यों आहि ॥
रहै निमाई जौ इहां बचै मोहि सुख आहि । सो दुख हमकौ दुसह जो निन्दा करै जु ताहि ॥
युक्ति यहै तातें भली मम हिय कहै जु सोय । दोऊ कारज होहि जो रहै नीलगिरि जोय ॥
नीलाचल नवद्वीप में दोऊ घर जिमि आहि । लोग गतागत है सदा सुधि हम पै है ताहि ॥
गमनागमन सकौं जु करि तुम सब तहां जु आहि । आवौ गंगास्नान हित कबहूँ है है ताहि ॥
अपनौ जो दुखसुख महा गन्यौ नही तिहि आहि । निज सुख मानैं हैं वही जो सुख है गो ताहि ॥
सुनि कैं सबही भक्तगण करैं वड़ाई ताहि । माता ऐसे वचन तुय आज्ञा वेदसु आहि ॥
कद्यो सवन सब हि जु सौं प्रभु के आगें आहि । सो सुनि कैं प्रभु के हियें मधि आनंद समाय ॥
नवद्वीप वासी जु लै जिते लोक समुदाय । सब कौ करि सनमान प्रभु कहैं वचन इहि भाय ॥
परम वन्धु मेरे जु तुम सबै लोक सुनि लेहु । मार्गों भिजा एक सो मोहि सबै मिलि देहु ॥
सदा कृष्ण संकीर्तन जु करौ मेह निज जाय । कृष्ण नाम अरु कथा तिनि आराधन में चाय ॥
आज्ञा दीजै जाहु हौं लीलाचल कौ धाय । तुम कौ दरसन देउंगौ बीच बीच में आय ॥
ऐसैं कही सब सौं प्रभु मंद मंद मुसिकाय । करि सबकौ सनमान प्रभु विदा किये हिय लाय ॥
प्रभु चलिबे कौ मन कियौ करि कैं विदा जु आय । कहैं रोय हरिदास जू करुणा वचन सु ताहि ॥
लीलाचल कौ चले प्रभु मेरी गति है कौन । लीलाचल निज सक्ति करि हौं तौ जाय सकौन ॥
दरसन ही पै हौं जु तुम हौं अति अधम जु सोय । यहि पापी कहि जीव कौ काहें धरि हौं सोय ॥
करौ दैन्य तुम संवरन यों प्रभु कहैं जु ताहि । होय हमारी विकल मन देखि दैन्य तुव आहि ॥
जगन्नाथ सौं बीनती हम करि हैं तुम हेत । तुम कौ हम लै आय है श्री पुरुषोत्तम खेत ॥
तव तौ श्री आचार्य जू कहैं विनय करि जोय । रहौ दिना द्वे चारि प्रभु करि कैं कृपा जु सोय ॥
प्रभु जु कबहुँ नहि करें वचन अवज्ञा ताहि । रहे मेह आचार्य कैं कियौ गमन नहि आहि ॥
आनन्दित आचार्य भौ सची भक्त सर्व सोय । प्रतिदिन आचारज करें महा महोत्सव जोय ॥
दिन में कृष्ण कथा सुरम करे भक्तगण संग । महामहोत्सव रैन में प्रभु संकीर्तन रंग ॥
करें रसोई शची जू अति आनन्दित होय । सुख सौं भोजन प्रभु करें भक्त गनन लै सोय ॥
गृह संपद धन भक्त यों श्रद्धादिक जे ताहि । प्रभु के आराधन किये सकल सफल भौ आहि ॥
देखि पुत्रमुख सची कैं आनन्द उर न समाय । पूर्ण कीयौ निज सुख सबै भोजन तिन्हें कराय ॥
इहि विधि श्री अर्द्धत घर भक्तगनन के संग । बितये कितेक दिन प्रभु नाना कौतुक रंग ॥

कहैं और दिन महाप्रभु सब भक्तन सौं जोय । निजनिज गृह कौं सबै तुम करौ गमन अब सोय ॥
 करी कृष्ण संकीर्तन सब अपने घर जाय । मिलन तुम्हारौ फेरि हूँ हूँ है हम संग आहि ॥
 कब हूँ करि हो गमन तुम लीलाचल सुख खेत । कबहूँ हम हूँ आय है स्नान सुरधुनी हेत ॥
 नित्यानन्द गोस्वामी जू पंडित जगदानन्द । रामोदर पंडित तृतीय अरु श्रीदत्त मुकुन्द ॥
 प्रभु संग दिय आचार्य जू एई चार जन जोय । माता कौं समभाय कें किय पद बंदन सोय ॥
 तिनकी करी जु परिक्रमा कियो गमन प्रभु जोय । इहां गेह आचार्य कें क्रंदन उठ्यौ जु सोय ॥
 चले महाप्रभु बेग ही निरपेक्षा सौं पागि । क्रन्दन करि आचार्य जू लीने पाछे लागि ॥
 हाथ जोरि कें महाप्रभु केतिक दूरहि जाय । मिष्टवात आचार्य कौं कहैं कलू समभाय ॥
 करो जननि समभाय जन समाधान है जोय । ज्यों तुम ही व्यग्रजु भये जीवेंगे नहि कोय ॥
 ऐसैं कहि कें महाप्रभु किय आलिंगन ताहि । इहिविधि फेरि विदा जु करि गमन कियो तब आहि ॥
 गंगातीर हि तीर प्रभु संग चारि जन सोय । लीलाचल कौं चले प्रभु छत्र-भोग पथ होय ॥
 प्रभु कौं लीलाचल गमन तिहि भागवत प्रकास । किय वर्णन विस्तार करि श्री वृन्दावन दास ॥
 प्रभु विलास अद्वैत कौ घर जो जन सुनि जाहि । कृष्ण प्रेमधन बेगही निहचैं मिलि है ताहि ॥
 रूप सनातन पद कमल रज की करि हैं आस । चरितामृत चैतन्य कौं कहैं कृष्ण कौं दास ॥
 रूप सनातन जगत हित सुबल स्याम पद आस । प्रभु चरितामृत कौं कहैं बृज भाषाहि प्रकास ॥

इति श्री चैतन्यचरितामृते मध्यखण्डे ब्रजभाषायां सन्यास ग्रहणं नाम तृतीय परिच्छेदः ॥

चतुर्थ परिच्छेद

तथाहि—यस्मैदातुं चोरयन् क्षीरभांडं गोपीनाथः क्षीरचोरः। भिक्षोभूत् ॥

श्रीगोपाकः प्रादुरासीद्वसः सन् यत् प्रेम्णा माधवेन्द्रं नतोऽस्मि ॥

जय जय जय प्रभुगौर समि जय श्रीनित्यानन्द । जय जय श्री अद्वैत ससि जय प्रभु भक्तनवृन्दा ॥
 लीलाचल कौ गमन भो दरसन श्री जगन्नाथ । श्री प्रभु जू कौ मिलन पुनि सर्वभौम के साथ ॥
 ए सब लीला अति मधुर श्री वृन्दावन दास । नीकें वर्णन करी सब करि तिनकौं बहु व्यास ॥
 मधुर विचित्र हि सहज ही श्री चैतन्य विहार । पुनि वृन्दावन दास मुख मधुर अमृत की धार ॥
 याही ते वर्णन जु तिहि किये होय पुनरुक्ति । तऊ दम्भ करि वर्णिये तैसी नाहि न सक्ति ॥
 श्री प्रभु मंगल ग्रंथ मधि वर्णन कियो जु ताहि । सूत्ररूप सूत्रक करें तिहि लीला कौ आहि ॥
 जो नीकें वर्णन कियो नहि न सूत्र मधि ताहि । यथा तथा सोई करें लीला वर्णन ताहि ॥

याही ते तिन चरणमधि प्रणत कोटि करि आहि । ज्यों होय न अपराध मम पदपंकज मधि ताहि ॥
 ऐसैं श्री प्रभु जू चलै लीलाचल भरि रंग । कृष्ण कीर्तन हरप हिय चारि भक्त तिन संग ॥
 भिक्षा हित इक घोस प्रभु एक ग्राम मधि जाय । आपु न लाये मांगि कें बहुत अन्न समुदाय ॥
 विधन करें नही पथ बड़े बड़े जगाती जोय । आये तिन पै कृपा करि ग्राम रेमुना सोय ॥
 सुन्दर गोपीनाथ हां प्रगट विराजै आहि । श्रीप्रभु जू अति भक्ति करि कीनौ दरसन ताहि ॥
 तिनके चरणकमल सुदिंग करत प्रणामहि आहि । पर्यौ सु जूड़ा कुसुम कौ प्रभु माथें पर ताहि ॥
 जूड़ा पाय महा प्रभू अति आनन्दित होय । कियो भक्तगण संग लै नृत्य गान बहु सोय ॥
 प्रम रूप लखि गौर के अरु प्रभाव लखि ताहि । सेवक गोपीनाथ के विस्मित भये जु आहि ॥
 कियो जु प्रभु कौ प्रीति करि सेवक नाना रीति । सोई निसि श्री प्रभु तहां ऐसैं करी वितीति ॥
 महा प्रसाद जु क्षीर तहां लोभ रहै प्रभु आहि । पहिले ईश्वर पुरी जू कही कथा है जाहि ॥
 गोपीनाथ प्रसिद्ध यह क्षीर चोर जिहि नाम । भक्त गनन सौं प्रभु कहैं सो प्रसंग सुखधाम ॥
 पहिले माधवपुरी हित क्षीर चुराई जोय । क्षीरचोर यह नाम सब यातें कहैं जु सोय ॥

कवित्त

पहिले श्री माधवेन्द्रपुरी आये वृन्दावन देखि वन सोभा दृग लखे भाव छये हैं ।
 मत्त भये फिरें सब रैन दिन नाही सुध कभूँ गिरें मूरछा है कभूँ उठि धाये हैं ।
 अपथ्य औ पथ ऊँचे नीचे कौ विचार नाहि ऐसैं ही भ्रमत गिरि गोवर्धन आये हैं ।
 करिकें प्रदक्षिण सु बैठे श्री गौर्विंद कुंड स्नान करि वृत्त तरें ध्यान मन लाये हैं ॥
 तहां गोप बालक सु आयौ दूध पात्र लैकें धरि इन आगे हंसि बोल्यौ मृदु वैन है ।
 अहो यती दूध इह पियो किनि मांगि खावौ भूखे करी ध्यान कहाँ यामें कहा चैन है ।
 सुनि कें वचन हिये बड़ौई जु विस्मै भयौ देखी रूप माधुरी सु कहन वनें न है ।
 वैन सुधा प्याय सब तृषा चुधा लीनी हरि दूध दें आयी किधौं आयी मन लेन है ॥
 पूछी सब बात इन्हौ कौन के कुमार तुम रहौ कहाँ बास कैसे जान्यौ उपवास है ।
 बोल्यौ तब बालक सु गोपसुत मोकौ जानौ रहौ सदा वन याही ग्राम में निवास है ।
 रहे जे विरक्त सब मांगि खांय अन्न दूध भूखौ न रहै हमारे ग्राम आसपास है ।
 ताकौ मैं अहार देंहार भार मेरे सिर रहै जो विरक्त भूखौ भिक्षा सौं उदास है ॥
 आई जल भरिखे कौं बैठ्यौ तुम्हें देखि गई तिन्हौ मेरे हाथ दूध दियौ है पठाय कें ।
 मेरी गाय दुहिये कौ समै ताते वींगि जैवो लेहु तुम पीवौ पात्र लैहौ फेरि आय कें ।
 ऐसैं कहि गये उठि जात जान्यौ नाहि इन भयौ बड़ौ चमत्कार हिये गयौ छापकें ।
 पी कें पयपात्र घोष धर्यौ यह आवै कब बालक के पथ नैन राखे हैं विज्ञाय कें ॥

भई बड़ी बेर तऊ आयो सो न फेरि तब लगी है औसेर नींद गई है पलाय के ।
 बाही रूप पगे लगे नाम धुनि करिवे कौ चैन कौन लेस रेन डारी है विताय के ।
 रही निसि तेस कहू तामें निद्रा लेस भयो स्वप्न में दरस दियो बालक ने आयकें ।
 हाथ धरि हाथ इन्हें ले गये निकुंज मध्य बोले मृदु बेंन वन कुंज कौ दिखाइ के ॥
 रहौ याही ठौर घाम वर्षा सीत सहौ सब कष्ट बहु सखौ कहौ कौन सौ पुकार है ।
 ग्राम के मनुष्य लाय हम कौ कडावौ ह्या तें पर्वत पै राखौ करौ मंदिर सवार है ।
 सीतल सुगंध जल सौ न्हाय मोहि करौ अभिषेक मेरो अब ऐसैं ही विचार है ।
 बहु दिन बीते मोहि तेरो मग जोवत ही तो विन न नींद लगी तेरी ये संभार है ॥
 तबै नही आज्ञा दीनी कीनी निठुराई मेंने दियो तुमें कष्ट ताकीगास सुनि लीजियै ।
 जैसे एक रैन बीती तोहि मोहि दिन रैन बीतें ऐसैं हूँ हमारी पीर कौ पतीजियै ।
 जैसे दियै पट पुट खुलें रंग सौ गुणौ त्यों आरति के बड़े प्रिय मिलै रस भीजियै ।
 तेरे प्रेम बस है के सेवा कीनी अंगीकार दियो दरसन जग भव पार कीजियै ॥
 नाम श्री गुपाल गिरीधारी मेरो वज्र नाम प्रगटत जानौ मोकौ ह्या कौ अधिकारियै ।
 सेवक है मेरे ते छिपाय गिरि कुंज मध्य गये भाजि भयो जब स्लेच्छ डर भारियै ।
 रखौ पातें याही कुंज जन कौ बैठावौ बैठ्यौ जन ही उठावै तब उठौ जिय धारियै ।
 बांध्यौ जसुमति तब नंद विन छोडै कौन भक्त ही के बस भक्त बसता जियारियै ।
 हुतौ अभिलाष यहै माधवेंद्र पुरी आवैं करें वे प्रकट तुम आये भली भई है ।
 करौ अब सावधान है के मेरी सेवा आप कहि अंतरीक्ष भये नींद छुटि गई है ।
 तबै जागि परे खरं अर बरे अरे उर लाल भरे नैन नीर चिंता अति दर्द है ।
 अहो कृष्ण देखे हम तऊ पहिचानें नाहि कभू भूमि गिरें भई मूरछा सुनई है ॥
 छिन एक रोय उठै धरैं छिन धीरताई आज्ञा बलवान प्रभु धीर तिन कियो है ।
 मोर भये न्हाय तब गये ग्राम बीच पुरी लोक इक ठौरै करि बोले भीजे हिये हैं ।
 अधिकारी या ग्रामके नाम गिरिधारी ते विराजै या निकुंज तिन्हें काहौ हम जीजि है ।
 कुंज है सपन तहां द्वारन प्रवेस कौ है लीजिये कुल्हारें सो जतन कहि दाये है ॥
 सुनि सब लोक मुख सिंधु में मगन है के चले इन संग उहां जाय कुंज देख्यौ है ।
 घनी काटि द्वार करि कियो है प्रवेस तामें तहां तृण माटी दक्कौ प्रभु रूप देख्यौ है ।
 देखि हिये हर्ष भयो आवरण दूर कियो सवनि प्रणाम करि निज भाग्य लेख्यौ है ।
 गिरिधारी रूप भारी कैसैं के उठावै ताहि सब रहे हारि तब जल अब देख्यौ है ॥

बड़े बड़े बलवान भये इक ठौर सब लै गये उठाय सैल सिला पे बिठाये हैं ।
 और एक सिला ही कौ दीनौ अवलंब पाछे आछे हैं विराजै देखि नैन चैन पाये हैं ।
 जिते सब ग्राम द्विज मार्थें लै लै नव घट श्रीगोविन्द कुंड नीर छानि स्वच्छ लाये हैं ।
 नव सत घट भरे धरे आनि आगे तब नाना बाद्य बजै नाद चहुं दिस छाये हैं ॥
 नारी गण गावै गीत कौऊ नाचैं रंगे प्रीति कीनी है उछाह रीति मुख कौन पार है ।
 दधि दूध घृत सब जितौ ग्राम बीच हुतौ और अभिषेक द्रव्य लाये ये समार है ।
 घृत पकवान भोग योग सब आनि धरे तुनसी कुसुम बास सुगन्ध अपार है ।
 नाना द्विज मंत्र पढ़ें आप माधवेंद्र पुरी कीनौ विधि पूर्व अभिषेक कौ विचार है ॥
 प्रथम न्हाय अंग सैल दूर कियो सब सरस सुगंध तेल अंग चिकनायो है ।
 पंचगव्य पंचामृत सौ न्हाय पुनि घट सत लै के तब महा स्नान हु करायो है ।
 सरस फुलेल लैके पुनि चिकनाय अंग गंगाजल संखोदक फेरि अंग नायो है ।
 अंग अंगुछाय वस्त्र नीके पहिराय आछे तुलसी कुसुम हार पाछे पहिरायो है ॥
 धूप दीप नाना भांति दूध दधि मिश्री आदि भोग सब लाय नव जलपात्र धर्यो है ।
 आचमन दै के दीनी वीरी हूँ बनाय तब आरती उतारि बहु विधि स्तव कर्यो है ।
 करिकें प्रणाम कीनों आत्मा समर्पन तब जितौ ग्राम अन्न हुतौ लाय गिरि भर्यो है ।
 गृह में न सीधौ रखौ न कुलाल गृह पात्र रई आये प्राण सबै स्याम मन हर्यो है ॥
 भये प्रात पाक चढ्यो द्विज दस भात करें पांच विप्र दाल केऊ कीनी तरकारी है ।
 नाना भांति विंजन यों वरा कड़ी कीनै नीके पांच सात रोटी रासि कीनी अति भारी है ।
 वसन बिछाय नव पातरि सुधारि तापै रांधि रांधि भात सैल रचे सुखकारी है ।
 आसपास रोटी उपसैल कीनौ चहु और विंजन औ सूप पात्र धरे मनुहारी है ॥
 दूध दधि मठा चीर कैना और शालापात्र पांति कीनी आस पास अन्नकूट कीनौ है ।
 पुरी गोस्वामि जू गुपाल कौ समर्पन करि सीतल सुगंध जल घट बहु दीनौ है ।
 बहु दिन रहे भूखे पायो श्रीगुपाल सब जान्यो नही काहुएक इन्हो जानि लीन्हो है ।
 जैयों सब तऊ तहां रखौ ज्यों कौ त्यों ही करको प्रताप यहै बड़े पे न होय हीनो है ॥
 अनुभव कीनों सब श्री गुसाई पुरी जू नै दास ते न दुरै प्रभु प्रभु ते न दास है ।
 एक दिन उद्यम में ऐतौ भयो उछव सो हरि कौ प्रताप यह काहुं न प्रकास है ।
 आचमन वीरी दै के आरती करन लागे करें लोक जै जै कार मन में हुलास है ।
 न्याय नव सज्या वस्त्र तकिया सुधारि उचें प्रभु खाय दीनै तृण टाटी आसपास है ॥

द्विजनि की आज्ञा दीनी श्री गुसाई पुरीज ने भोजन कराया जिते बालवृद्ध जन हैं ।
आज्ञा पाय बैठे सब भोजन करण लागे आंगे द्विज पांति ज्याय सुखी भये मन हैं ।
सुनि सुनि श्रामनिते आये सब लोक जिते तिन्हीं भात खाया और देखे स्याम धन हैं ।
देखिके पुरी प्रभाव चमत्कार भयो कहै सुन्यो अन्नकूट सोई देख्यो हम धन हैं ॥

कीने द्विज भक्त जिते सेवा पै नियुक्त करें रहै दिन सेस में उठाये प्रभु फेर हैं ।
भोग पुनि लगाय जल शीतल अचवाय हीये चैन पाय मुख माधुरी रंगे रहैं ।
प्रगटे गुपाल धुनि धाई देस देसनि में आये देखे को ग्राम आस पास जे रहैं ।
एक एक ग्राम जन लीनों मांगि एक दिन करें अन्नकूट अन्न लाये बहु ढेर हैं ॥
देखन को भीर भई आधी रैन बीति गई पौड़े गिरिधारी इन्हीं दूध कछु लीनों हैं ।
भोर भये सेवा करी एक ग्रामजन सीधो न्यायो वाही रीति भांति अन्नकूट कीनों हैं ।
अति ही प्रसन्नता सौ जैये गिरिधारी वृजवासीनि की साहजिक प्रीति सुख दीनी हैं ।
पाय के महाप्रसाद देखि के गुपाल रूप सब के आनंद बढ़यो हिये रंग भीन्ही हैं ॥

देस देस रात गई आये लोक प्रीति छई न्याये बहु भेट धन वसन अपार हैं ।
मथुरा के बड़े बड़े धनी भक्ति पूर्व लाये नाना स्वर्ण रौप्य पात्र द्रव्य के भंडार हैं ।
एक बड़ी धनी छत्री मंदिर करायो तिन काहु ने भंडार रचे खरिक सुधार हैं ।
वृजवासी एक एक धेनु भेट दीनी भई श्री गुपाल धाम धेनु संख्या न सम्हार हैं ॥

दिन दिन याही भांति सेवाकी प्रचार बढ़यो तब गौड देससों जु दोय द्विज आये हैं ।
जन करि राखी तिन्हें श्रीपुरी गुसाई जीने सिप्य करि सेवा दीनी भये मन भायें हैं ।
तब ही बिस्तार राज सेवा की अपार देखि बृडि सुख सिन्धु ऐसे वर्ष द्वे बिताये हैं ।
स्वप्न बीच स्याम कछो ताप मेरी जाय नाहि मलय कपूर लाय कीजिये जुड़ाये हैं ॥
सोती हैगी लीलाचल बेगि जाय लावो तुम और कौन काम ऐसैं बोले सुखकारी हैं ।
सुनत ही बेंन नेन सुले चैन भयो प्रेम सिन्धु बढ़ि गयो तामें बृद्ध अति भारी हैं ।
आज्ञा बलवान प्रभु ताके पालि वे के लिये चले देश पूर्व की बात न विचारी हैं ।
आज्ञा मांगि चले आपु सबनि की सावधान कीनी सेवा बीच तीन्हीं हुते अधिकारी हैं ॥

चले चले गौड देस आये पुनि सांति पुर रहे आय श्री अद्वैताचार्य जू के धाम हैं ।
देखि पुरी प्रेम श्री आचार्य सुख मग्न भये जज्ञ करि मंत्र लीनी पूजे हिय काम हैं ।
दिवा तिन्हें दै के पुनि चलि के तहां ते आये रंगना में देखे प्रभु गोपीनाथ नाम हैं ।
देखि रूप प्रेमावेश है के तृन्य गान करि बैठे जगमोहन में अति अभिराम हैं ॥

देखि सेवा रीति अति मन में मगन भये कियो अनुमान इहां भोग लगै मीके हैं ।
जे जे इहां लागे तिन्हें सुनिकें गुपालजू की तैसैं ही लगायें भोग प्यारें जेई जीके हैं ।
मन में विचार यह पृछन पुजारी लगे कहैं भोग सर्व जिते प्यारें हरि ही के हैं ।
सग्या भोग लगै खीर अमृत केलि नाम मधुर तें मधुर अति देव भोग फीके हैं ॥

दोय दस अटका सु भरे भोग लागे नित ऐसी भोग लोक में न ताकी समी आयी हैं ।
सुनि के विचार कियो मन में गुसाई जी ने मागे विन मिले जो पै थोरोई सुहायो हैं ।
स्वाद जानि तैसैं भोग लावैं श्रीगुपाल जूकी पाछे हिय लही लाज विष्णु नाम गायी हैं ।
ताही समें भोग लायी आस्ती दरस करि प्रनाम आये वचन कछु न सुनायी हैं ॥

यामें लोक सिचा यहै है विरक्त धर्म विना भायो नहीं खाय नहीं करें उपवास हैं ।
प्रेमामृत तृप्ति ताहि तृषा छुधा बाधै नाहि काहु की न चाह रहै जग सौ उदास हैं ।
इच्छा प्रभु हेत भई तऊ अपराध मान्यो यह दास धर्म या में और हू विलास हैं ।
भक्ति अभिलाष होय ताकी प्रभु जानि लें हि ताहि प्रतिपालें विनु किये ही प्रकास हैं ॥
आय ग्राम बीच तहां एक सुनी हाट बैठे नाम धुनि करिबे की नित्य नेम बही हैं ।
वहां ती पुजारी प्रभु स्वाय निज कृत्य करि सोयी स्वप्न बीच ऐसैं गोपीनाथ कही हैं ।
उठौही पुजारी द्वार खोलौ बेगि राख्यो एक अटका संन्यासी हेत जाकी प्रेम सही हैं ।
राख्यो तक्रियासौं हांकि जान्यो नही तुम्हो यतैं जातें मेरी मायानें तुम्हारी मति लही हैं ॥

माधवेन्द्र पुरी जती बैल्यो एक हाट बीच यहै खीर लैंके तिन्हें देहु बेगि जाय के ।
स्वप्न देखि जाग्योसो विचारकरि न्हायो खोल द्वार ताहीतर छीरपात्र देख्यो आय के ।
लीयोहैं उठायताही चौका दैके द्वार मृदि आयो चल्थो बेगि ग्राम हिये भरयो चाय के ।
हाट हाट टेरें लेहु माधवेन्द्र पुरी खीर तें हित गोपीनाथ राख्यो है चुरायकें ॥

दियो है प्रसाद आय लेहु पुरी पावै तुम सम भाग्यवान तीन लोक में न कोय हैं ।
सुनि के यो पुरी मिले आय हियें रंग भिले करिकें प्रणाम तिनि दियो खीर सोई हैं ।
कही सब रीति सुनि पुरी प्रेमावेश भयो देखि के पुजारी मति अचिरज भोई हैं ।
कहैं बार बार नेह अधिक अपार इती तिनकें जो स्याम वस होय जोग्य जोई हैं ॥

कहि यो पुजारी गयो करिकें प्रणाम तब इन्ही प्रेमावेश हीयें सो प्रसाद पायो है ।
धोय हू के पियो पात्र फोरि टूक टूक करि राख्यो बांधि बहिर्वास हियो रंग छावो है ।
प्रति दिन एक खंड स्वाय प्रेम बृडि जाय अंग न समाय भाव कायें जात गायो है ।
दीनी है चुराय खीर हमें गोपीनाथ सुनि है ई भोर भीर तातें चलिचो सुहायो है ।

चलैहँ प्रतिष्ठा स्वपचीसों भय भीत हूँकैं हाई ते प्रणाम गोपीनाथ जू कीं करिकैं ।
 चले चले लीलाचल आये देखि जगन्नाथ रूप प्रेम मत्त भये नैन नीर भरि कैं ।
 कभूँ गिरें कभूँ उठै हसै नाचै गावै कभूँ रूप माधुरी तें सब लीनी सुधि हरि कैं ।
 आये माधवेन्द्र पुरी यहै लोक ख्याति भई देखि वे कीं भक्ति पूर्व आये सब दरि कैं ॥
 प्रतिष्ठा की नीति है जोईन चाहै ताहि चहै भजै यासों जोई ताहि भजै रीति नई है ।
 याके भय पुरी भजै तजै कैसे भक्ति दासी एतौ इहां छाड़ि गये आगे वह गई है ।
 हरै तब तहां कहां जाहि भांजि तासौ बंधे प्रभु काज है तब हं सुख रूप मई है ।
 आये लै महांत वृन्द सभा मधि बोले तब चंदन गुपाल मार्गै रीति कहि दर्ई है ॥
 सुनि सब हर्ष पाय लगें जल करि वे कीं निज निज द्वार हूँ कैं जाच्यौ राज द्वार हूँ ।
 जाकौ जहां पर चैहौ तहां तहां मागि लाभ कीनी सबनि सबै मलय धनसार हूँ ।
 एक मन बीस तोला दोऊ दिये एक द्विज एक दास संग दियौ खरच सभार हूँ ।
 घाट घाट लागै कर राजपत्र हं लिखाय तातें दीनी पुरी हाथ करि के विचार है ॥
 चले लै गुसाई ताहि आये पुनि रेमना में देखि गोपीनाथ पर कीनी नमस्कार है ।
 प्रेमावेश हूँ के नृत्य गान बहु कीनी सब देखि कैं पुजारी कीनी आदर अपार है ।
 दीनी है प्रसाद चीर पाय ताहि मंदिर में सोये स्वप्न देख्यौ निसि रहे घटि चार है ।
 आय के गुपाल कसौ सुनौ माधवेन्द्र पुरी पायौ हम चंदन औ सबै घरसार है ॥
 चंदन कपूर घसि लावौ गोपीनाथ अंग दोऊ हम एक रूप ताप मेरी जाय है ।
 हठ मति ठानी अब दुख मन में न मानी विसवास हिये आनी कसौ में सुनाय कैं ।
 ऐसैं कहि अंतरीक्ष भये प्रभु जागे पुरी टेरि कैं पुजारिन सौं कसौ वेगि आइकैं ।
 कही सब स्वप्न रीति प्रभु है स्वतन्त्र सदा आज्ञा बलवान तासों कछु न बसाय है ॥
 श्रौमम की रितु गोपीनाथ अंग लेप हूँ है सुनि यौ पुजारी बात हरपित भये हैं ।
 पुरी कहै दोष जन संग है हमारे और दोष जन देहु तुम हमें करि नये हैं ।
 देहैं तिहैं द्रव्य घसें चारों जन ऐमें प्रतिदिन चढ़ाय मलय इष्ट सुख दये हैं ।
 चंदन सहित रितु ग्रीष्म विनाय ऐसैं अति सुख पाय फेरि लीलाचल गये हैं ॥

दो०

चातुर्मास रहे पुरी लीलाचल मधि जाय । आनंद में भीजे रहैं सो बरनी नहि जाय ॥
 श्री मुख माधव पुरीकी चरित अमृत अधिकाय । आस्वादन प्रभु करें सब भक्तनकीं जु सुनाय ॥
 क०—प्रभु कहै नित्यानंद पुरी सस नाहि कोऊ दूध देन मिस कृष्ण जाहि दर्श दिये हैं ।
 तीन घेर स्वप्न भाक्त आज्ञा प्रभु दर्ई जाहि प्रगटे सु प्रेम बस देखि जीव जीये हैं ।

सेवा अंगीकार करी अति रिभवार स्पाम जगत उधार नीकी भांति करि कीये हैं ।
 दूध दधि चोर मन माखन के चोर हुते पायम के चोर गोपीनाथ जिन्हों किये हैं ॥

घसि घसि मलय कपूर जिहि ग्रीष्म रितु जु अमंग । लायौ अपने करनि करि श्री गुपाल के अंग ॥
 जवन देस तैं न्याय यौ तिनकीं है जंजाल । पुरी दुखी है है यहै जानी श्री गोपाल ॥
 महादयामय प्रभु जु सो भक्त बल्लल है आहि । निज अंग चंदन पहिरि कैं कियौ सफल श्रम नाहि ॥
 पराकाष्ठासु प्रेम की तिहि जु विचारों जोय । प्रेम अलौकिक तें हिये चमत्कार अति होय ॥
 मौनी परम विरक्त जो उदासीन सब ठौर । ग्राम वार्त्ता के जु हरनि संग नहीं जन और ॥
 इमि जन जो गोपाल की आज्ञा अमृत हि पाय । सहस कोम लीं धाय कैं चंदन मार्ग्यौ जाय ॥
 भूखे रहैं तऊ नहीं भिन्ना मांगि जु खाय । ऐसैं जन जो मलय की भार वहै मग जाय ॥
 यह चंदन मण एक जो तोला बीस कपूर । श्री गुपाल कैं लाय हौं यौ हिय आनंद पूर ॥
 दानी उत्कल देस के गहि चंदन लखि ताहि । छैंडायल नृप-पत्र तब खोलि दिखावौ ताहि ॥
 जवन देस पुनि दूर पथ दानी तहां अपार । कैसें कैं लै जाहिगे चंदन यह न विचार ॥
 दानिन कौं कर दैन हित एक दाम संग नाहि । चंदन के लै जान हित तऊ उछाह हिय मांदि ॥
 है जु प्रगट हिय प्रेम कौ यह सुभाव आचार । निज दुख विघ्नादिकनि कौ करै नहीं जु विचार ॥
 प्रगट लोक में करण कौं तिहि प्रेमा जु विसाल । चंदन लावन हित दर्ई आज्ञा तिन्है गुपाल ॥
 न्याये चंदन रेमना बहु श्रम हं कैं जोय । अति आनंद मन बढ़्यौ गन्यौ नहि दुख सोय ॥
 करण परीक्षा हेत प्रभु कीनी आज्ञा दान । करि जु परीक्षा हृदय की भौ फिरि दया जु वान ॥
 भक्ति भक्त प्रिय कृष्ण को यह सहज व्यवहार । हम सब कौं तिहिं समुझिहैं है नाहिन अधिकार ॥
 घसत घसत जैसें मलय बढ़ै सुगंध अपार । त्यों नाना भाव जु बढ़ै याके किये विचार ॥
 रतन गननि के बीच ज्यों मनि कौस्तुभ है जोय । तैसें ही रस काव्य मधि श्लोक गनौ है सोय ॥
 राधा ठकुरानी कसौ है श्लोक यह जोय । माधवेन्द्र वाणी पुरयौ तिहीं कृपा करि सोय ॥
 कैं इहिं जाने गौरससि करै आस्वादन ताहि । चौथे को अधिकार नहि आस्वादन कौ याहि ॥
 पढ़त पढ़त या श्लोक कौं शेष काल मधि जोय । श्लोक सहित भई पुरी कौं सिद्धि प्राप्ति तहैं सोय ॥

तथादि पद्यावल्यां—

अथि दीनदयां नृप नाथ हे मधुरानाथ कदाबलोक्यसे । इदं दयित्वदलोककातरं दयित आन्यति किं करोम्यहम् ॥२॥
 याही कौं प्रभु पढ़त ही भये मूरखित जोय । परे तहां तब भूमि मधि प्रेम विवस अति होय ॥
 अस्त व्यस्त तब अंक मधि करि लिय नित्यानन्द । कन्दन करि कैं उठै तब गौर चंद्र रस कंद ॥
 भयो प्रेम उनमाद तिहि चलै जु इत उत धाय । हसैं कबहुं हुंकार करि कबहुं नाचैं गाय ॥
 कहै जु अथि अथि दीन पुनि प्रभु जू बारंवार । बानी कंठ न उचरें रोके असुवन धार ॥

पुलक अंग वैवर्ण्य श्री स्वभ कंठ प्रस्वेद । जाड्य दैन्य कवहं गरव श्री विपाद निर्वेद ॥
इंही श्लोक करि महाप्रभु खोले प्रेम कपाट । सेवक गोपीनाथ के लखे प्रेम कौ नाट ॥
लखि लोकनि की भीर कौ भयो बाह्य प्रभु सोय । श्री ठाकुर कौ भोग सरि वजी आरती जोय ॥
भये पुजारी बाहिरे प्रभु कौ भोग लगाय । द्वादस खीर प्रसाद दिय प्रभु के आगे आय ॥
ठाकुर कौ लखि खीर सो भौ हिय आनंद सोय । सब भक्तन के हेत प्रभु पंच खीर लिय जोय ॥
दिये पुजारी कौ बहुरि सात खीर प्रभु जोय । पांच खीर मिलि पंच जन पाये बांट जु सोय ॥
गोपीनाथ स्वरूप करि जद्यपि पायो ताहि । किय प्रसाद भक्षण प्रभु भक्त दिखावन आहि ॥
नाम कीर्तन करि प्रभु वितई रैन जु सोय । मंगल आरति देखि कें चले प्रभात हि जोय ॥
महिमा कही दुहुन की आरुपान जु मधि आहि । प्रेम जु सेवा भक्ति की भक्त बल्लता ताहि ॥
गोपीनाथ गुपाल के पुरी जु गुण गण जोय । भक्तनि संग प्रभु श्री मुखहि करें स्वाद तिहि सोय ॥
इहि प्रसंग कौ जो सुने जन श्रद्धा जुत होय । कृष्ण चरण मधि प्रेम धन निहचै पावै सोय ॥

क०—भक्त कृत प्रगटताई हरि की भक्ति वस्यताई दास प्रेम सरसाई यामें गाई है ।

जन मन जान ताई अभिलाष सफलताई स्वरूप एकताई कही सुख दायी है ।

विवेकहरताई प्रकृति नेह की दिखाई करि कें परीक्षा पाछे कृपा अधिकारी है ।

श्री मुख सुनाई प्रभु लीला मन भाई कविराज राज दरसाई नातें सुखपाई है ॥

रूप सनातन और रघुनाथ चरण जिहि आस । प्रभु चरितामृत कौ कहैं कृष्ण दास तिहि दास ॥

रूप सनातन जगत हित सुवलस्याम पद आस । प्रभु चरितामृत कौ कहैं ब्रजभाषा हि प्रकास ॥

इति श्री चरितामृते मध्यखण्डे ब्रजभाषायां श्री माधवेन्द्रपुरीक्षीरअमृतवर्णनं नाम चतुर्थ परिच्छेदः

पञ्चमपरिच्छेदः

तथाहि—पदभ्यां चलन यः प्रतिमास्वरूपो प्रद्योत्यदेवो हि शताहमन्यं ।

देशं ययौ विप्रकृतेदुतेहं श्री साक्षिगोपालममुं नतोऽस्मि ॥

जय जय श्री चैतन्य जय जय श्री नित्यानन्द । जय अर्द्धताचार्य जय गौर भक्त के वृन्द ॥

इही भांति आये चले प्रभु जाजपुर ग्राम । प्रभु बराह कौ देखि कें किय तिनकी जु प्रणाम ॥

नृत्य गान किय प्रेम करि बहु स्तुति पुनि ताहि । रहिकें तिहिनिस जाजपुर कियो गमन तब आहि ॥

नृत्य गान आवेस में कितिक बार लौं जोय । कियो स्तवन गोपाल कौ प्रेमाविष्ट जु होय ॥

तहां तिही निमि प्रभु रहे भक्त गनन के संग । पूर्व कथा गोपाल की सुनी भरे बहु रंग ॥

गमन कियो जब तीर्थ हित श्री नित्यानन्द जोय । श्री गुपाल के दरस ही आये कटकहि सोय ॥
सुनि साक्षि गोपाल की कथा लोक मुख जोय । प्रभु आगे आनन्द सौं कहैं नित्यानन्द सोय ॥

कवित्त-

दोय द्विज वासी विद्यानगर के चले तिन्हौं तीर्थ के करिवे की हीयें चाह धारी है ।

गया कासीऔं प्रयाग करि आये मथुरामें देखि दोऊ भीजे हीये आनन्द में भारी है ।

करि वन जात्रा देखे गोवर्द्धन सर्व वन पाछे आये वृन्दावन जीवन जियारी है ।

वृन्दावन धाम जहां श्री गोविन्द मन्दिर है राजें श्री गुपाल तामें सेवा सुख कारी है ॥

केशीतीर्थ कालीदह आदि सब न्हाय तब श्री गुपाल देखि तहां बसे दोऊ आय के ।

श्री गुपाल सुन्दरता हरयो मन दोऊ न कौं रहे दिन दोय चारि तहां सुख पाय के ।

दोऊ द्विज बीच एक विप्र वृद्धि पाय और दूजौ द्विज जुवा रहे ताही कौ सहाय के ।

छोटै द्विज सेवा ताकी कीनी सबनीकी भांति तामौ तुष्ट है कें बडौ बोल्यो यौ सुनायके ॥

कहैं बडौ विप्र तुम कीनी बडी सेवा मेरी तेरो ही सहाय पाय तीर्थ बहु कीये हैं ।

पुत्र हू न पिता की जु करै ऐसी सेवा कोऊ तेरी कृपा सौं न कछू पायो भ्रम जिये हैं ।

हजियै कृतघ्नी तुव कीजिये न सनमान देंहौं कन्यादान तोहि मोहि सुख दिये हैं ।

छोटौ द्विज कहैं सुनौ महायश विप्र काहे कही भौ अयुक्त बात आवें जे न हिये हैं ॥

तुम तौ महाकुलीन धनी विद्या में प्रवीन हो तौ सब हीन दीन नाही कुलाचार है ।

हौं तौ तुम कन्यादान कौ न पात्र कृष्ण प्रीति कियो मैं तुम्हारी यहै सेवा व्यवहार है ।

विप्र सेवा किये होय हरि कें संतोष तिहि तुष्ट भये वाढ़े भक्ति संपति अपार है ।

कहैं बडौ विप्र तुम संसै जिनि करौ यामें देंहैं तुम्है कन्या हम कियो निरधार है ॥

कहैं लघु विप्र अहो है तुम्हारे नारी पुत्र ज्ञाति बहु बंधु सभा सजन अपार हैं ।

तिनके विचार विना होय नही कन्यादान रुक्मिणी के पिता यामें साखि निरधार है ।

भीषम कें चाह कन्या कृष्ण कौ समर्पिये जू पुत्र के विरोध राजी रहे बैठि हार है ।

कहैं बडौ विप्र कन्या मेरी निज धन ताहि देत मनै करै कौन जन अविचार है ॥

दैं हौं तोहि कन्या सब ही कौ करि तिरस्कार संसै जिनि हियें आनौं करौ अंगीकार है ।

छोटौ विप्र कहैं जापें कन्या दियो चाही कही श्रीगुपाल आगे सत्य वचन संभार है ।

श्रीगुपाल आगे विप्र लाग्यो कहिवेकीं प्रभु जानौ निज कन्या याहि दीनी मैं विचार है ।

कहैं लघु विप्र मेरे श्री गुपाल साखी तुम कौं बुलैहौं जौ पै यह डरयो और दार है ।

ऐसैं कहि दोऊ जन चले निज देश छोटी करैं बहु सेवा हियें गुरु बुद्धि भोई है ।

आप देस बीच दोऊ निज निज गेह गयो कछू दिना बीतें द्विज भई चिता जोई है ॥

तीरथ में विप्रवाक्य दियो कैसें साचों होय नारी पुत्र बंधुनतें कैसें बात गोई है ।
 एक दिन लोक निज करि एक ठोर सब तिनहु के आगे द्विज कही बात सोई है ॥
 सुनि तब सभा सब करें हा हा कार ऐसी बात जिनि फेरि कही मुख में प्रकास है ।
 नीच कौ सु कन्या देवें जाय कुलनास है कें सुनि सब लोक करें महा उपहास है ।
 विप्र कहै तीर्थ वाक्य कैसें हिय और आनों होइ सोइ होय कन्यादान दे हों तास है ।
 ज्ञाति सब कहैं हम तुम्हें छाडि दे है नारी पुत्र कहैं खाय विस करें प्राण नास है ॥
 विप्र कहै धर्म मेरी जै है बुधा न्याय करि लैंहै वह कन्या जीति साखी कौ बुलाय कें ।
 पुत्र कहै साखी प्रतिमा है सोऊ दूर देस चिता जिनि करी कौन दे है साखि आय कें ।
 नाहि कहि मिथ्या जिनि कही अहो नाहिकछू मोहि सुधि ऐसैं भाखौ सबनि सुनायकें ।
 तुम जब कही हम जानैं नही कछू तब लैंहैं हम जीति द्विज पंचनि बुलाय कें ॥
 ऐसैं सुनि विप्र मन भई बड़ी चिंता कियो हिये में गुपाल जू कौ कीनों नीकैं ध्यान है ।
 धर्म मेरी जाय नाही मेरे निज लोक दोऊ रक्षा प्रभु करी तुव सरण निदान है ।
 ऐसैं हिय करे चिंता और दिन सोई विप्र आय तिहि गेह बोल्यो विनै कौ निधान है ।
 कई कर जोरि तुम मोहि कन्या दें कही रहे अब मौन धरि कहा तुम ज्ञान है ॥
 ऐसैं सुनि विप्र सोई रखौ धरि मौन तिहि पुत्र ले कें लाठी लग्यो मारवे कौ जोई है ।
 अरे तू अधम चहै मेरी स्वसा व्याहिवे कौ जैसें बीना चांद कर गखौ चाहै कोई है ।
 देखि लाठी गयो भजि और दिन ग्राम लोक सभा करि सबनि बुलायो विप्र सोई है ।
 तबहँ सो छोटी विप्र कहै इन मोहि कन्या दें कही पूछो याही हिये कहा गोई है ॥
 मिलि सबलोक तब पूछ्यो याही विप्रसौ जु जौपैं कियो बोल कन्या देहु काहे नही है ।
 विप्र कहै सुनौ पंच मेरी एक विनती जू मोहि सुधि नाहि कछू कर्व कहा कही है ।
 एतौ सुनि पुत्र ताहि वाक्यन पाय आय सामुहैं कहन लाग्यो धृष्टता सु गही है ।
 तीरथ के जात्रा हेत पिता संग हुनौ धन देखि इहि दृष्ट मन लोभ भयो सही है ॥
 और कोऊ संग नाहि एकलौहें साथ इहें बावरी कियो है तात कनक स्वराय कें ।
 सब धन ले कें कयो लियो धन चोरन ने कन्या दें कही भुटैं कहैं इहाँ आइ कें ।
 कही तुम पंच सब करिकें विचार यहै मेरे तात सुता कहाँ पाहि दें लाय कें ।
 ऐसैं सुनि लोक हिय संके भयो संभरैलु लोक छाडि धर्म भय धन लोभ पाय कें ॥
 कहै तब छोटी विप्र महाजन सर्व सुनौ कयो यहै मिथ्य न्याय जीति वे की चाय कें ।
 यहै द्विज मेरी सेवा सौ संतुष्ट भयो जव तोहि कन्या देहौ ऐसैं कह्यो निज भाय कें ।

कियो मैं निषेध तब सुनौ द्विज मुख्य तुम हीं तुम्हारी सुता कौ जु नाही घर लाय कें ।
 कहाँ तुम पंडित औ धनी बड़ेई कुलीन कहाँ हीं कुजादि हीन देख्यो अनुमाय कें ॥
 तऊ इन विप्र फेरि कह्यो मो सौ बार बार दई कन्या तोहि तुम करो अंगीकार है ।
 मैं तौ पुन कयो तुम सुनौ द्विज महा मति तेरे नारी पुत्र ज्ञाति करेंगे विचार है ।
 दें न सकि हौ जु कन्या वचन असत्य है है मो सौ इन विप्र कयो वचन संभार है ।
 कन्या तोहि दई करी द्विविधा न हीय मनै सकैं करि कौन धन निज निरधार है ॥
 कयो तब यासौ तब तेरे दइ यहै बात कही श्री गुपाल आगे वचन सुनाय कें ।
 मैं तौ कन्या दई याहि जानौ तुम साखि ऐसैं कहाँ इनि प्रिय श्री गुपाल आगे जायकें ।
 हीहैं तब श्रीगुपाल जूकाँ करि साखी तहां बोल्यो तिहीं पाद पद्म मार्ये निज नायकें ।
 जो पै यह विप्र मोहि कन्यादान दे है नही साखि कौ बुलैं हौं तुम्हें तब अकुलाय कें ॥
 या में मेरे साखी है जु बड़ेई प्रमान जग तीनों लोक जाकाँ वाक्य माने सत्य सार है ।
 कहै बडौ विप्र पुत्र यहै जो पै साखि देहैं प्रभु आय कन्या याही दे है निरधार है ।
 विप्र जानें कृष्ण दयावान करि है प्रमान प्रतिमा न ऐहैं ऐसैं पुत्र कें विचार है ॥
 याही बुद्धि दोऊ जन भलैं मानी सोई बात छोटी विप्र कहै हिये आनन्द अपार है ॥
 सुनौ सब लोक एक पत्र कौ लिखन करी जैसें फेरि चलैं नाहि वचन प्रकाश है ।
 तब तौ सबनि एक पत्र लिख्यो तामें साखि दोऊ पै लिखाय राख्यो आपनेई पास है ।
 कहै छोटी विप्र सब सुनौ महाजन द्विज सत्य वादी धर्म रूप हरि विसवास है ।
 वाक्य निज फेरिवे कौ नाही कभू याकाँ मन तऊ कयो यौ सुजन करिवे कें वास है ॥
 याहीके प्रताप पुण्य कृष्ण लाय साखि थाय द्विजकी प्रतिज्ञा सांची करिहौं बजाय कें ।
 इतनौ सुनि विमुख जन करें उपहास कहैं कोऊ कृष्ण दयावान सकैं न्याय कें ।
 तब सोई छोटी विप्र गयो छिप्र वृन्दावन करि कें प्रणाम कयो सबही बनाय कें ।
 तुम ही ब्रह्मण्य देव बड़े दया रूप दोऊ द्विजनि कौ राखौ धर्म दया निज लाय कें ॥
 पाऊ द्विज सुता यह नाही मुख मेरे मन द्विज की प्रतिज्ञा जाय इहैं दुख कारी है ।
 यहै जानि देहु साखि थाप तुम दयामय जानि साखि देय नाहि ताय पाय भारी है ।
 कृष्ण कहै विप्र तुम जाहु निज गेह तहां सभा करि कीजौ सुधि मन में हमारी है ।
 है कें तहां प्रगट हौं देहौ साखि प्रतिमा के रूप कहैं गयो नहि अब लौ ही धारी है ।
 विप्र कहै जो जु तुम चतुर्भुज रूप होहु तब तुम बेंन की प्रतीत होय कोई है ।
 इही रूप जाय जी पै याहि मुख साखि देहु तौ पै सब लोक माने बात साच सोई है ।

हृत्पद कई प्रतिमासु चले कई सुनी नाहि कई द्विजबोन्धी कयीं जु पाही रूप जोई है ।
 प्रतिमा न होइ आप प्रजेन्द्रनन्दन तुम कयीं ही अकाज द्विजकाज मंड खोई है ।
 दस के गुपाल कई सुनी द्विज मेरी बात करि हों गमन तुम पाछे पाछे चाय के ।
 फिर के न हमें तुम देखिनी जो देखी मोहि रयी ताही टोर यह कहत सुनाय के ।
 पुनि मग्न नृपूर की परि है तुम्हारे कान ताही सो प्रतीत कीजै आर्य प्रभु भाय के ।
 एक मेर अन्न राखि कोजियी समर्पन ही ताही पाय संग तुव चलि ही अघाय के ॥
 और दिन आजा रागि चली द्विज नाके संग चले लगि भक्तियस आय श्री गुपाल है ।
 पुनि सुनि नृपूर की इगपित हिये महां भोग जायी पाक करि उत्तम रसाल है ।
 ऐसे चलि विप्र निज देस ग्राम आय पास मन में विचारें जाकी आसय बिसाल है ।
 होनी अथ ग्राम आयी जे ही निजगेह तिन्हें कहीगी जु आयें साखि देनकी कृपाल है ॥
 देखें नही आप नेन ताते भूटे हैं हैं ऐन एक बार देखी रहेंगे ती कदा डर है ।
 यी विचारि चाही फिर हमिके तहाई रहे द्विजमीं कयीं है तुम जायी निज घर है ।
 रहि ही इहां ही ही ती चली नाहि छां में पंड नव तिनि विप्रकयी जायकें नगर है ।
 सुनि सब लोक आपे सामी प्रभु देखि वे की छापी दिय जीवकें अचिरज की मर है ॥
 देखि के गुपाल जू की को मव दंडवत देखि तिहि सुन्दरता हर्षि मन मोह है ।
 प्रतिमा सु आई चलि सुनि के चकित भये आनन्द में बृद्धी तब चढी विप्र सोई है ।
 आय के गुपाल आगे दंडवत गिरयी भूमि मव जन आगे प्रभु दई साखि जोई है ।
 ताकी तिहि कण्ठ दई रोम रोम भक्ति मई तब कही द्विजनि सौं प्रभु बात गोई है ॥
 जन्म जन्म मेर तुम दास दोऊ मन्वदा सी भयी ही प्रसन्न ताने मागी दिय काम है ।
 दोऊ द्विज मांगे कर आनंद की हिये मर जो पे कर देहु ती पे रही पाही धाम है ।
 दासनि पे दया तुव देखें मव लोक ऐमें सुनि के तहाई रहे भक्ति दय स्वाम है ।
 श्री गुपाल जू की सेवा करे बड़े दोऊ द्विज देखिने की देस जन आये सुनि नाम है ॥
 सुनि अचिरज आयी तिही देस की नरेय देखि श्री गुपालजी की हिये हर्षे छापी है ।
 मंदिर मुकरवायी राजसेवा बिचलायी तिहि देस ख्याति मई साखीनाम पायी है ।
 ऐमें विद्यानगर में साखी श्री गुपाल सेवा करि अंगीकार समें बहुत बितायी है ।
 उत्कल की राजा पुरुषोत्तम देव नाम नंदी देस जीतिवे की एक समें आयी है ॥
 करिकें संग्राम गोई देस जीति लीनी कीनी नृप ह् अर्धानता की मिहासन लियी है ।
 नाम है मानिक्य तिहि लागे है अनेक रत्न मत्तराज राजा ऐसी और नाहि बीयी है ।

मांगे सो गुपाल जू सी चली मेर राज नाहि दमिके गुपाल जू ने सो निदेश दिया है ।
 तिहि लेके आयी नृप कटक में सेवा भापी जगन्नाथ जू की सोई न्याय भेट दियी है ॥
 आई तिहि रानी श्री गुपाल जू के देखिने की भक्ति पूर्व भेट बहु अलंकार किये है ।
 ताके एक नासिका में मोती सो अमोल रहे ताहि दीयी चाई सोच उपजे मुनिये है ।
 सोचें प्रभु नासिका में जो पे हो ती वेद यह दासी पहिरावनी जू इन्हें देखि जिये है ।
 यी विचार नमस्कार करिकें मजन गई रेन मेम स्वप्न आय प्रभु कहि दिये है ॥
 बाल समें नासा मेरी छेदि के जसोदा जू ने मोती पहिरायी दुती बहुजन करिके ।
 सोई छिद्र अजहुं ली ईगी मेरी नासा मवि करी अभिलाष जोई हिये राखी बरिके ।
 स्वप्न देखि रानी सोई नृप सी कही है जोई राजा संग मोती लेके आये तहां टरिके ।
 देखि नामा वेद वेगि मोती पहिरायी तिन्हें कीनी है उछाड़ दिय आनंद में भरिके ॥

रोहा

तब ही ने गोपाल की कटक वास भी जोय । यी साखी गोपाल की नाम ख्याति भई सोच ॥
 सुचरित श्री गोपाल की नित्यानंद मुख आदि । सुनि के तुष्ट भये प्रभु संग भक्त गण तादि ॥
 आगे जब गोपाल के प्रभु जू की स्थिति होय । देखें सब ही भक्त गण एक मूर्ति है सोच ॥
 गौर वरण है दुहुन की विच प्रकांड शरीर । अरुण वसन है दुहिन के श्री सुभाव गंभीर ॥
 महातेजमय रूप दुहु नेन कमल है जोई । भावावेस दुहुन मन चंद वदन है दोई ॥
 नित्यानंद प्रभु दुहुनि की देखि भरे अति रंग । मेना बेनी करि हमें भक्तगणनि के संग ॥
 विहई सोई निम तहां भरे रंग इमि हीय । मंगल आरति देखि के प्रात गमन प्रभु कीय ॥
 सुनेश्वर के मार्ग में जो दरसन किय आदि । श्री वृन्दावन दास जू कयी व्यास करि तादि ॥
 स्नान कियी भागी नदी प्रभु कमल पुर आय । यी यी नित्यानंद कर दंड हिये मरि भाय ॥
 गये कपोतेश्वर दरस हित प्रभु गन जन संग । यी ही नित्यानंद प्रभु कियी दंड की भंग ॥
 तीन टुक करि दंड की दिया वहाय जु ताहि । भक्तनि संग आये प्रभु देखि भईसहि आदि ॥
 जगन्नाथ मंदिर मुलखि प्रेमाविष्ट जु होइ । प्रभु जू करिकें दंडवत नाचन लागे जोई ॥
 प्रेम मगन सब भक्तगण नार्चें गावें सोच । प्रेमावेसित प्रभु जू संग जाय राजपथ सोच ॥
 रों नार्चें रोवें प्रभु गजैन करे हुंकार । तीन कोम जो पथ भयी जोजन सहस अपार ॥
 चपल चलत आये प्रभु तार अठारह पास । तहां आप के कछु प्रभु कीनी वाण प्रकास ॥
 कई जु नित्यानंद सी दीर्ज मेरी दंड । नित्यानन्द कई भये ताके तीन जु खंड ॥
 तुम्हें प्रेम भी गिरत में हो राखत ही जोई । गिरयी जु तिरछे दंड पर हो तुम सहित जु सोई ॥
 तब दोऊन के भार सी टुक टुक भी दंड । सोऊ हम जाने नही कहाँ गिरे वे खंड ॥

संद संद भी दंड तुव मम अपराध हि जोइ । जैसी उचित जु होय मम देहि दंड जिहि सोइ ॥
 मुनि के प्रभु मन में कहूँ दुख प्रकास्यौ ताय । रंचक कोपहि प्रगट करि कहै सवनि सौं आय ॥
 कीनौ मेरी हित सवनि लीलाचल भधि आय । सब धन दंड हुतौ वह राखी नहि मन लाय ॥
 के तुम सब आगे चली प्रभु दरसन के काज । के हम आगे जाय तुम चलै संग समाज ॥
 आगे तुमही चली प्रभु कहै मुकुंद यो ताहि । हम सब पाछे जाहिमे चलै न तुम संग आहि ॥
 ऐसे कहि आगे प्रभु चले वेगि गति धाय । दोऊ प्रभु हिय को कोउ समझि सकै नहि भाय ॥
 इन्ही दंड तोरयो जु क्यों तिन्हो तुरायो काहि । कुपित भये जु तुराय क्यों इन्ही दुरायो ताहि ॥
 दंड भंग लीला यहै परम अगाध जु सोइ । सोई समझै दुहुनि की चरण भक्ति दृढ होइ ॥
 विप्र भक्त गोपाल की यह महिमा अति धन्य । वक्ता नित्यानंद जिहि श्रोता श्री चैतन्य ॥
 अद्वा जुत है के सब सुनौ भक्तगण याहि । श्री चैतन्य गुपाल पद वेगि हिये हौं आहि ॥
 रूप सनातन पद कमल रजकी है जिहि आन । प्रभु चरितामृत की कहै कृष्ण दास तिहि दास ॥
 रूप सनातन जगत हित सुवल स्याम पद आस । प्रभु चरितामृत की लिखै ब्रज भाषाहि प्रकास ॥
 इति श्री चैतन्य चरितामृते मध्यखण्डे ब्रजभाषायां साखीगोपाल चरित्र वर्णनं नाम पंचम परिच्छेदः ॥

षष्ठ परिच्छेदः

नौमि तं गौरचंद्रं यः कृतकैर्दृक्शयः । सार्वभौमं सार्वभूषा भक्ति भूमानपाचरन् ॥

जय जय श्री चैतन्य जू जय श्रीनित्यानन्द । जय जय श्री अर्द्धत जू जय प्रभु भक्तनि वृन्द ॥
 गये जु चलि आवे समे मंदिर प्रभु जगन्नाथ । जगन्नाथ लखि प्रेमवस सरथी न तन मन हाथ ॥
 जगन्नाथ के मिलन हित चलै धाम प्रभु जोय । परे जु प्रेमाविष्ट है मंदिर के भधि सोय ॥
 सार्वभौम तहां देव गति करें जु दरसन ताहि । प्रतीहार मारत तिन्है कियो निवारण आहि ॥
 प्रभु की सुन्दरता निरखि अरु तिहि प्रेम विकार । सार्वभौम जू के भयो अचिरज हियै अपार ॥
 बहु छिन बीतै सुधि नही भोग समय जु विचार । प्रतीहार निज द्वारहूँ ल्याये भरि अंक बारि ॥
 राखे स्वाय पुनीत टां निज गृह प्रभु की लाय । स्वाय चलै नहि नेक हूँ उदर न चलत लखाय ॥
 चिंता जुत भी देखि के आचारज मन आहि । रंचक तुल अव धर्यो नासा आगे ताहि ॥
 कहुक कंप जुत तुल लखि मन में करें विचार । ए श्री कृष्ण जु प्रेम के हैं सान्त्विक सुविकार ॥
 वर सुदीप्त सान्त्विक यहै प्रलय नाम कहि जोय । नित्य सिद्ध हरि भक्त के भाव सुदीप्तसु होय ॥
 है अधिरुद जु भाव सी ताकी यहै विकार । लखिये मानुष देह में अचिरज यहै अपार ॥

भडाचारज रहै यों बैठि सु मनै विचार । नित्यानन्दादिक रहै आय जु मिह सु डार ॥
 बात कहै सब लोक तहैं सुनी परस पर जोय । आयौ सन्यासी जु इक जगन्नाथ लखि सोय ॥
 भयो मूरछित देह में रही चेतना नाहि । सार्वभौम तहैं जु तिहि गो लै के पर माहि ॥
 मुनिके जानी सवनि यह श्री प्रभु ही को कार्य । तिही समे आये तहां गोपीनाथचार्य ॥

कवित्त

नदीया के निवासी श्री विसारद के जामात भक्त महाप्रभु जू के तत्त्व ज्ञाता सोई है ।
 श्री मुकुंद जू सौं जिहि नीके पहिचान आगे ताते तिन्है देखि मति अचिरज मोई है ।
 देखिके मुकुंद जू ने कियो नमस्कार तिन्है तिन्हो हिय लाय पूछी प्रभु बात सोई है ।
 तिन्हो कबो प्रभु जू को भयो इहां आगमन हम सब आये तिनहीं के संग होई है ॥
 नित्यानंद जू कौं कियो गोपीनाथ नमस्कार मिलि सबही सौं पूछी प्रभु की गाथ है ।
 कहै श्री मुकुंद महाप्रभु जू संन्यास करि आये अब लीलाचल हमें लै के साथ है ।
 पाछे हम आये तिनही के हेत हमें छाड़ि प्रभु आगे आये देखिये कौं जगन्नाथ है ।
 सुनी कथा लोक मुख ताते अनुमान कियो सार्वभौम गेह प्रभु गये धरे हाथ है ॥

भये अचेतन प्रेम प्रभु जगन्नाथ लखि आहि । सार्वभौम लै के गये भवन आपनै ताहि ॥
 भयो तिहारे मिलन कौं जवही हम हिय जोय । देव योग करि तिही छिन लखौ दरसन सोय ॥
 सार्वभौम जू के सदन चलो सब हम जाहि । करि हैं प्रभु कौं देखि के पीछे दरसन आहि ॥
 इतनी सुनि सब संग लै गोपीनाथ जु सोइ । सार्वभौम जू के सदन गो अति हरषित होइ ॥
 तिनके गृह सब जायके प्रभु कौं दरसन कीय । प्रभु कौं लखि आचार्य के मुख दुख विव भौ हीय ॥
 सब कौं लै भीतर गये पहिले तिन्है जताय । नित्यानंद जु कौं तिन्हो नमस्कार किय आय ॥
 सार्वभौम सबसौं कियो मिलन यथोचित जोय । प्रभु कौं लखि सबके भये हियमें दुख सुख सोय ॥
 तिन्हो पठाये सवनि कौं दरसन हित जगन्नाथ । चंदनेश्वर पुत्र निज दीनो तिन के साथ ॥
 जगन्नाथ लखि सवनि के भौ अति ही आनंद । आवेसित भौ भाव में प्रभु श्री नित्यानंद ॥
 मिलि के सबही भक्त गण सुस्थिर कीनौ ताहि । दिय प्रसाद माला जु लै ईश्वर सेवक आहि ॥
 आनंदित मन सवनि के भये प्रसाद जु पाय । आये वेगि तहां जहां है प्रभु भरे जु भाय ॥
 कियो सवनि मिलि उच्चसुर नाम कीरतन जोय । प्रभु जू के चेतन भयो पहर तीसरे सोय ॥
 हरी हरी कहि उठे प्रभु करि हुंकार जु आहि । सार्वभौम आनंद करि लई पाद रज ताहि ॥
 करौ वेगि मध्यान्ह तुव प्रभु सौं कहै जु सोय । दैहो भिजा आयु हौं महाप्रसाद दहि जोय ॥
 प्रभु जू आये वेगि ही उदधि न्हाय के जोय । सार्वभौम परसाद प्रभु करै जु भोजन सोय ॥
 बात जु सुवरन थार कौं उत्तम व्यंजन सोय । भक्त मनन के संग प्रभु कौं जु भोजन जोय ॥

सार्वभौम आपुन करें परिवेशन सुख भोग । कहैं प्रभु जु मुहि देहु तुम सकरा व्यंजन सोय ॥
 इनि सब कीं तुम देहु जो पीठा पणा जु आहि । जोरि होइ कर कहैं तव भट्टाचारज ताहि ॥
 जगन्नाथ भोजन किये कौन कौन विधि जोय । महाप्रसाद जु आजु सब आस्वादौ तुम सोय ॥
 ऐसैं कहि पीठा पना सबहि खवायौ चाय । करवायौ तव आचमन यौ भिच्छाजु कराय ॥
 गोपीनाथाचार्य गौ आज्ञा लै कैं जोय । आये प्रभु जू के निकट भोजन करिकैं सोय ॥
 नमस्कार कीनौ नमौ नारायन कहि ताहि । मति रति होहु जु कृष्ण में कयौ महा प्रभु आहि ॥
 सुनिकैं भट्टाचारज मन में कियौ विचार । जान्यौ वैष्णव यती यह इहि बोलनि निरधार ॥
 गोपीनाथाचार्य सौ सार्वभौम कह जोय । जान्यौ चहै कहौ इनहि पूर्वाश्रम है सोय ॥
 कहैं जु गोपीनाथ जू नवद्वीप धर आहि । जगन्नाथ द्विज खवाति है मिश्र पुरंदर ताहि ॥
 जान्यौ तिन के तनय ए विश्वभर यह नाम । नीलाम्बर के दोहिने दया रूप गुण धाम ॥

कहैं तव सार्वभौम नीलाम्बर चक्रवर्ती विसारद के साध्याई ख्याति यह तास है ।

तिनके हैं मान्य मिश्र पुरंदर जाने हम पिता नाते हैं हमारे मान्य मति जास है ॥

नदिया संवन्ध सार्वभौम हरपित भये श्री गुसाई जू कों कहैं वचन प्रकाश है ।

सहज ही पूज्य हो हमारे तुम तामें जती यातें हमें जानौं आपु करि निज दास है ॥

कियौ जु विष्णु स्मरण तहां श्री प्रभु सुनि के सोय । भट्टाचारज सौं कहैं विनय वचन कछु जोय ॥
 तुम तौ हो सब जगत गुरु हितकारी अधिकाय । संन्यसिनि कों हित करौ तिनु वेदांत सुनाय ॥
 संन्यासी बालक जु हीं भलौ बुरी नहि जान । लियौ तिहारौ आसरो करि गुरु कौ अभिमान ॥
 भयो तिहारौ संग हित बां ऐसी मम जोय । पालन मेरी करौ तुम सब प्रकार करि सोय ॥
 भौं हमारे आजु ही बड़ी विपति जो आहि । तुम ही मो पै कृपा करि कीनी रक्षा ताहि ॥
 सार्वभौम कहैं जाहु जिनि इकले दरसन सोइ । जावौ मेरे संग कैं मेरी जन लै कोइ ॥
 मंदिर बीच न हीं कभू जेहौ कहीं जु सोय । रहि कैं पाछे गरुड के दरसन करि हीं जोय ॥
 गोपीनाथाचार्य जू सार्वभौम कहि जोय । करवावो दरसन जु तुम इनकीं लैकैं सोय ॥
 बहन हमारी मात की निजंन गृह में ताहि । करी तहां जु निवास दे समाधान सब आहि ॥
 प्रभु कों गोपीनाथ लै तहां वास दे सोय । जल जलपावादिकनि की समाधान क्रिय जोय ॥
 गोपीनाथ जु और दिन गये जु प्रभु के पास । दरसन सज्या उठनिकीं करवायी लै तास ॥
 आये संग मुकुन्द लै सार्वभौम के गेह । तिनसीं भट्टाचार्य जू कहैं वचन तव एह ॥
 सुंदर आकृति जती ए अरु है प्रकृति पुनीति । इनके ऊपर अधिक ही बड़ हमारी प्रीति ॥
 संप्रदाय कहु कौन में कियौ ग्रहन संन्यास । कहा नाम इनकी हिये सुनिबे की जु हुलास ॥
 गोपीनाथ कहैं जु इन नाम कृष्ण चैतन्य । गुरु है केशव भारती इन के अति ही धन्य ॥

ते बोले यह नाम जो सर्वोत्तम है याहि । संप्रदाय जो भारती इह मध्यम है आहि ॥
 गोपीनाथ कहैं न इह लोकापेक्षा जोय । संप्रदाय यौ अधिक की करी उपेक्षा सोय ॥
 भट्टाचारज कहैं इह यौवन प्रौढ़ जु आहि । कैसैं जती जु धर्म की हूँ है रक्षा याहि ॥
 इनकीं सदा सुनाय हैं हम वेदांत असेस । पथ वैराग्य कराय हैं श्री अद्वैत प्रवेस ॥
 कहैं जु जो हम फेरि कैं जोग्य पट्ट दे आहि । संस्कार करि आनंद संप्रदाय बड़ याहि ॥
 गोपीनाथ मुकुंद यौ दुखी भये सुनि आहि । गोपीनाथाचार्य कछु कहन लगे तव ताहि ॥
 इनकी महिमा कों तुम्हें सार्वभौम नहि ज्ञान । भगवत्ता लक्षणनि कों बां सीमा जु प्रमान ॥
 ताही तें विख्यात ये परमेश्वर हैं सोय । गोचर कछु सर्वज्ञ कौ अज्ञ पास नहि होय ॥
 कहैं सिष्य गन कहौ जु तुम ईश्वर कौन प्रमान । कहैं जु अनुभव सिद्ध ये ईश्वर लक्षण जान ॥
 सु कहैं ईश्वर तत्त्व तुम सार्धौ करि अनुमान । तिनते होइ न एक जो ईश्वर तत्त्व हि ज्ञान ॥
 जा जन पर श्री कृष्ण कौ कृपा लेस जो होय । ईश्वर के निज तत्त्व कीं जान सकैं भल सोय ॥
 तथाहि श्रमद्भागवते दशमस्कन्धे ।—

तथापि ते देव पदाम्बुजद्वय प्रसादलेशानुग्रहीत एव हि ।

जानाति तत्त्वं भगवन्महिम्नो न चान्य एकोऽपि चिरं विचिन्त्यन् ॥

अद्यपि तुम हीं जगद्गुरु छहो शास्त्र मधि ज्ञान । पृथिवी में नाहिन कछु पंडित तुम जु समान ॥
 तुम पर ईश्वर कौ नहैं कृपा लेस कौ भान । याही तें प्रभु तत्त्व कौ सकैं न कयौ हूँ जानि ॥
 यामें तुम्हारी दोस नहिं कहैं शास्त्र यह जोइ । ईस तत्व पांडित्य करि कबहुँ जानि न होइ ॥
 आचारज तिहि कहैं तुम कहौ सभरिकैं जोय । तुम पर तिन की कृपा है को प्रमान बां सोय ॥
 ये तव कहैं जु वस्तु में होय वस्तु कौ ज्ञान । होय कृपा तें तत्व कौ ज्ञान इहै सु प्रमान ॥
 इनके वपु में सर्व हैं ईश्वर लक्षण जोइ । महा सु प्रेमावेस तुम पायौ दरसन सोइ ॥
 तऊ तुम्हारे होय नहि ईस ज्ञान निरधार । देवी माया जवनिका कौ जु यहै व्यवहार ॥
 देखें ऊ देखैं नहीं लोक बहिर्मुख ताहि । सार्वभौम यौ सुनि कहैं हयि कैं वचन जु आहि ॥
 ए गोपी जु वाता करें करौ जिनि रोस । शास्त्र दृष्टि सौं कयौ कछु नहीं हमारी दोस ॥
 गोस्वामी चैतन्य जू महा भागवत सोइ । होय विष्णु अवतार नहि इहि कलि कालहि जोय ॥
 सुनि जु मन दुखी हूँ कहैं जु आचार्य सुजान । शास्त्रज्ञ करि सु आपकीं करौ जु तुम अभिमान ॥
 भारत पुनि भागवत ए दोऊ शास्त्र प्रधान । तिन दोऊ के वाक्य में नही तुम्हें अवधान ॥
 विष्णु नाम त्रियुगी कहैं याही तें सतु कोय । कलि जुग में अवतार नहि शास्त्र ज्ञान इस सोय ॥
 ते दोऊ कलि काल में कहैं प्रगट अवतार । यातें त्रियुगी नाम करि हैं तिनकीं जु प्रचार ॥
 यति जुग हीं श्री कृष्ण जू करें जु जुग अवतार । तर्क निष्ठ है हृदय तुम तातें नहीं विचार ॥

तथाहि तत्रैव ।—

आसनं चर्यास्त्रयो ह्यस्य गृह्यतोऽनुयुगं तनूः । शुक्लो रक्ततथा पीत इदानीं कृष्णतां गतः ॥ ३ ॥
तत्रैव एकादशस्कन्धे ।—

कृष्णवर्णं त्रिपाकृष्णं सांगोपांगाश्वपार्षदं । यच्चैः संकीर्तनप्रायै रंजन्ति हि सुमेधसः ॥ ४ ॥
तथाहि महाभारते दानधर्मम् ।—

सुवर्णवर्णो हेमांगो वरान्धश्चन्दनांगदी । सन्धासकुन्तु समः शान्तो निष्ठा शान्तिपरायणः ॥ ५ ॥
तुम आगे इह कथा कौ नहि प्रयोजन कोय । जैसे ऊपर भूमि मधि बीज बोय वो होय ॥
तुम पै तिन ही की जवै है है कृपा जु सोय । ए सब ही सिद्धांत तव तुम ही कहि हो जोय ॥
कहै सबै ये शिष्य तुम जो कुतर्क बहु बाद । इनहं कौ कछु दोष नहीं एह माया जु प्रसाद ॥
तथाहि भागवते पटस्कन्धे ।—

अच्छक्तयो वदतां चादिनां वै विवादसंवादभुवो भवन्ति ।

कुर्वन्ति चैषां मुहुरात्ममोहं तस्मै नमोऽनन्तगुणाय भूम्ने ॥ ६ ॥

भट्टाचार्य कहै तब जाहु गुसाई धाम । करौ निमंत्रण गण सहित लेय हमारौ नाम ॥
मित्रा करवायौ प्रथम न्याय प्रसाद हि ताहि । हमें भक्ति सिखा सु ये पाछें करियौ आहि ॥
सार्वभौम सारे जु तिहि भगनी पति हैं सोय । स्तुति निन्दा अरु हास्य करि सिखा करें जु जोय ॥
आचारज सिद्धांत करि भौ मुकुंद संतोष । सार्वभौम के वचन करि भौ हिय में दुख रोष ॥
आचारज किय आगमन गोस्वामी दिग आहि । सार्वभौम के नाम लै कियौ निमंत्रण ताहि ॥
सार्वभौम की कथा ते कहै मुकुंद संग आय । निन्दा भट्टाचार्य की करें बिथा हिय पाय ॥
सुनि के श्री प्रभु ज कहै ऐसैं जिनि कहु सोय । हम पर भट्टाचार्य कौ है जु अनुग्रह जोय ॥
धर्म हमारौ जती कौ राख्यो चाहै आहि । दया करें वात्सल्य करि कहा दोस ह्यं ताहि ॥
श्री जु महाप्रभु और दिन भट्टाचारज संग । जगन्नाथ कौ दरस किय हिय आनंद अभंग ॥
भट्टाचारज संग प्रभु आये मंदिर ताही । प्रभु ज कौ आसन दिखौ आपुन बैठे आहि ॥
तब वेदांत पढाय वे कौ आरंभ जु कीय । लगे कहन कछु प्रभु जु सौं नेह भक्ति करि हीय ॥
श्रवन सदा वेदांत कौ जती धर्म यह आहि । तुम जु श्रवन वेदांत कौ करो निरंतर ताहि ॥
प्रभु जु कहै मो पै करौ परम अनुग्रह सोय । जोई कछु तुम कहौ मम है कर्तव्य जु सोइ ॥
सात दिवस लीं श्रवण किय ऐसैं तिहि गृह माहि । बैठे सुनिबोई करें भली बुरी कहि नाहि ॥
सार्वभौम सात दिवस प्रभु सौं कही जताय । सात दिवस लीं तुम सुन्यो मत वेदांत बनाय ॥
भली बुरी नाही कछौ रहे मौन धरि जोय । जान्यो नही जान्यो किधौ जानी परत न सोय ॥
मूरख हम प्रभु कहै नहि पद्यों ग्रंथ जो कोय । इक तुम आज्ञा मात्र करि कियौ श्रवण मधि सोय ॥
संन्यासी के धर्म हित श्रवन मात्र किय ताहि । तुम जे अर्थ कहै तिनैं समझि सकैं नहि आहि ॥

भट्टाचार्य कहै नहीं समझौ जिहि यह ज्ञान । सो फिर वृत्त समझि हित तिहि आगे जु अग्रान ॥
तुम तौ सुनि सुनि के रहे मौन मात्र करि जोय । हियें तुम्हारे है कहां समझि सकैं नहि सोय ॥
अर्थ सूत्र कौ प्रभु कहै निर्मल समुझ्यो जाय । तुम व्याख्या के सुनत मन होइ विकल अधिकाय ॥
व्यास सूत्र के अर्थ कौ कहै जु भाष्य प्रकास । अर्थ हि दिक के सूत्र के भाष्य कछौ तुम तास ॥
मुख्य अर्थ जो सूत्र कौ सो न करौ विख्यान । तिहि किय कल्पित अर्थ अरु आद्यादन सुनिदान ॥
सब उपनिषद ए जु हैं मुख्य अर्थ जो जान । व्यास सूत्र करि कहै सो मुख्य अर्थ परमान ॥
मुख्य अर्थ तजि कल्पना जौ न अर्थ कौ धारि । तजि अमिधा कौ शब्द की लक्षण वृत्ति विचारि ॥
सब प्रमाननि के जु मधि वेद प्रमान प्रधान । मुख्य अर्थ जे श्रुति कहै तेई अर्थ प्रमान ॥
बिष्ठा अस्थि जु जीव के गोमय संख जु दोय । वेद वचन करिकें भये महा पवित्र सु सोय ॥
वेद प्रमान जु सहज ही कहै सत्य सो जान । किये लक्षणा वृत्ति सो निज प्रमानता हानि ॥
व्यास सूत्र के अर्थ जे सूरज किरण समान । तुम करि कल्पित भाष्य घन ते छाये जु प्रमान ॥
वेद पुराणनि में कियौ ब्रह्म निरूपन जोय । बृहद वस्तु जो ब्रह्म है ईश्वर लक्षण सोय ॥
परि पूरण ऐश्वर्य सब एक स्वयं भगवान । निराकार करि के जु तिहि करौ आप व्याख्यान ॥
निर्विशेष ताकौ कहै श्रुति समूह ते जानि । प्राकृति कौ जु निषेध करि अप्राकृति थिति मानि ॥

तथाहि चैतन्यचन्द्रोदयनाटक—

या या श्रुतिर्जल्पति निर्विशेषं सा साभिधत्ते सविशेष मेव ।

विचारयोगे सति हन्त तासां प्रायो बलीयः सविशेषमेव ॥

जन्म ब्रह्म ते विश्व को ज्याव तु ब्रह्म निदान । ब्रह्म बीच पुनि जाय के होत लीन यह जान ॥
अपादान अधिकरण पुनि करण कारकें तीनि । भगवान जु सविशेष के एई तीनों चीन ॥
बहुत होहु भगवान में जवै कियौ मन आहि । तब ही प्राकृति शक्तिकौ कियौ बिलोकन ताहि ॥
जाने प्राकृत नैन मन जनम तास में है न । याही तें अप्राकृते पर ब्रह्म मन नैन ॥
ब्रह्म शब्द जो कहत है पूर्ण स्वयं भगवान । सो जु स्वयं भगवान है कृष्ण शास्त्र परमान ॥
एह अर्थ है वेद कौ जो समझ्यो नहि जाय । सो पुरान वचनि कछौ निहचै अर्थ बनाय ॥
तथाहि श्री महाभारते दशमस्कन्धे—

अहो भाग्यमहोभाग्यं तन्दगोपं ब्रजौकसां । यन्मित्रं परमानन्दं पूर्णं ब्रह्म सनातनम् ॥

सबै प्राकृति पानि पद कहि अपान पद वेद । फेरि कहै सीध हि चलै सब ही गहै अस्वेद ॥
जिनको पट ऐश्वर्य में पूर्णानंद शरीर । तुम ऐसे भगवान कौ निराकार कहु धीर ॥
कहै ब्रह्म सविशेष कौ याही ते श्रुति आहि । निर्विशेष करि लक्षणा मानत तजि मुख्याहि ॥
प्राकृतिकि जो ब्रह्मकी तीनि शक्ति है आहि । तुम पांडित्य निशक्ति करि निरचै करौनु ताहि ॥

तथाहि विष्णुपुराणे—

विष्णुशक्तिः परा प्रोक्ता च ब्रह्माद्या तथापरा । अविद्या कर्मसंज्ञान्या तृतीया शक्तिरिष्यते ॥
यया क्षेत्रज्ञशक्तिः सा वेष्टिता नृप सर्व्वगा । संसारतापानखिलानवानोत्पन्न सन्ततान् ॥
तया विरोहितत्वाच्च शक्तिः क्षेत्रज्ञसंज्ञिता । सर्व्वभूतेषु भूपाल ! तारतम्येन वर्त्तते ॥

तथाहि तत्रैव—

स्वादिनी सन्धिनी सन्विन् त्वर्येका सर्व्वमंभये । ल्हादतापकरी मिश्रा त्वयि नो गुणवर्जिते ॥

सत चित अरु आनंद मय है ईश्वर जु स्वरूप । तीन अंस चित शक्ति ही धरै तीन ये रूप ॥
हर्ष अंस आल्हादिनी संधिन है सत अंस । चित अंसै संवित भई ज्ञान कहै जु प्रसंस ॥
अंतरंग चिह्नक्ति है जीव तटस्था शक्ति । वहि रंग माया शक्ति तीन करै प्रभु भक्ति ॥
पट विधि है ऐश्वर्य प्रभु तिहि चितशक्ति विलास । नहि मानौ ऐसी सकृति साहस परम प्रकास ॥
मायाधिप मायावस हि ईश्वर जीवहि भेद । ऐसै जीवहि ईश्वर हि तुम जो कहत अभेद ॥
जीवरूप गीता हि मधि कछौ शक्ति करि ताहि । कछौ अभेद जु जीव हम ईश्वर के संग आहि ॥

तथाहि गीतांश—

अपरेयमितरत्नान्यां प्रकृति विद्धि मे परां । जीवभूतां महाबाहो यथेवं धार्य्यते जगत् ॥

प्रभु कौ श्री विग्रह जु सतचिदानंद आकार । तिहि विग्रह कौ तुम कहौ सतगुण कौ जु विकार ॥
श्री विग्रह मानत न जे हैं पाखंडी सोय । ते अस्पृश्य अदृश्य हैं यम दंडी वे होय ॥
वेद न मानत बौद्ध जे ते नास्तीक बखानि । वेद आसरे नास्तिक जु वाद बौध बढ़ि जानि ॥
जीवनि के निस्तार हित किये सुत्र पुनि व्यास । मायावादी भाष्य सुनि भयौ सबनि कौ नास ॥
मत परिणाम सुवाद जी व्यास सुत्र अनुरूप । प्रभु अचिंत्य शक्ति जु भयौ परिणत हैं जगरूप ॥
मनि जैसै अविकृति रहै प्रसवै सुवरन भार । जगत रूप ईश्वर भये तऊ सदा अविकार ॥
व्यास आति करि दोषदिय ताही सुत्र मकार । मत वितर्क स्थापन कियौ करि कल्पित सुविचार ॥
आत्म बुद्धि तब मानिके सोई मिथ्या जानि । जगत यहै मिथ्या नही नस्वर मात्र बखानि ॥
महावाक्य जो प्रणव है ईश्वर मूरति सोय । सकल वेद अरु जगत की उत्पति तातें होय ॥
जो प्रादेशिक वाक्य हैं तत्त्वमसी जिय हेत । प्रणव न मानत ताहि करि महावाक्य ही लेत ॥
इहि विधि कल्पित भाष्य मधि दिय सत दोष सभारि । भटाचारज पूर्वपक्ष किये अपार विचारि ॥
उठे वितंडा लछ तहां निग्रह आदि अनेक । प्रभु ने सब खंडन किये निज मन थापी टेक ॥
भगवानहि संबंध अभिषेय भक्ति कौ जानि । प्रेम प्रयोजन वस्तु तिहि वेदन कही बखानि ॥
और कछु जो जो कछौ कल्पित है सब सोद । सहज प्रमान जु श्रुति वचन कल्पित लछता जोइ ॥
आचारज की दोष नहि प्रभु आज्ञा भई जानि । याही ते करि कन्यना नास्तिक शास्त्र बखानि ॥



Sachling Jantanga

तथाहिपदमपुराणे—

स्वागमैः बलिपतैस्त्वञ्च जनान् मद्विमुखान् कुरु । माञ्च गोपय येन स्वात् सृष्टिरेषोत्तरोत्तरा ॥

तथाहि तत्रैव—

मायावादसच्छास्त्रं प्रच्छन्नं बौद्धमुच्यते । मयैव विहितं देवि कलौ ब्राह्मणमूर्तिना ॥

भट्टाचारज सुनि भये विस्मित परम वनाय । स्तंभित हैं कै रहे सो मुख बोल्यो नहि जाय ॥
कहे जु प्रभु आचार्यसों करौ न अचिरज सोय । श्री प्रभु जू की भक्ति है पर पुर्यारथ जोय ॥
अवधि आत्माराम लौ करत भक्ति प्रभु जोय । अस अचिंत्य कल्याण गुण गण प्रभु के हैं सोय ॥

श्री मद्भागवते—

आत्मारामारच मुनयो निर्ग्रन्था अध्वरुक्रमे । कुर्वन्त्यहैतुकी भक्तिमित्थंभूतगुणो हरिः ॥

सुनि भट्टाचारज कहैं सुनौ महाशय ताहि । अर्थ सुनन कौ चाव मुहि इही पद्य कौ आहि ॥
प्रभु बोले तुम अर्थ इहि कहा करौ सुनि ताहि । पाछे करि हैं हम अरथ जो जानत हैं आहि ॥
सुनि भट्टाचारज तबै कर्यौ पद्य विख्यान । लै लै ते ते शास्त्र मत कीनों विविध विधान ॥
लै कै ते ते शास्त्र मत नव विधि अर्थ बखानि । सुनिके प्रभु बोलै कछु तिन सौं करि मुसक्यान ॥
भट्टाचारज तुम गनैं गुरु साक्षात जु सोय । करत शास्त्र विख्यान अस काहू सकति न होय ॥
ऐ पै कछौ तुम अर्थहि पांडित्य प्रतिभाय । अभिप्राय या पद्य कौ इन विन और लखाय ॥
भट्टाचार्य प्रार्थन सौं प्रभु कियौ विख्यान । मधि तिनके नव अर्थ के एकौ छुपौ न जान ॥
आत्मारामहि आदि दै पद एकादस जान । पृथक पृथक पद के करें निहचैं अर्थ विख्यान ॥
सो सो पदहि प्रधान करि और मिलाय मिलाय । अष्टादस अरथे जु करै अभिप्राय लैं आय ॥
प्रभुके अरु तिहिभक्तिके पुनि तिहि गुणगण जोय । तीन अचिंत्य प्रभावहैं कहे जाय नहि सोय ॥
अन्य साध्य साधन जिते करि आछादन ताहि । सिध्य साधकनि के मनहि हरे तीनि ये आहि ॥
सनकादिक सुकदेव जू ये ई तहा प्रमान । इनही मत नाना अरथ करैं जु प्रभु विख्यान ॥
सुनिके भट्टाचार्य के चमत्कार भी हीय । प्रभु कौ कृष्णहि जानि कै धिक सु अपनपौ कीय ॥
प्रभु साक्षात सु कृष्ण हैं मैं यह जानी नाहि । अपराध जु बहुत कर्यौ गर्वित हूँ मन मांहि ॥
लई जु प्रभुकी सरण तब निज दिंदा करि आहि । प्रभुजू कौ मन भयौ तब कृपा सुकरिये ताहि ॥
तिन आगें जु दिखाय यौ चारु चतुर्भुज रूप । पाछे वंशीवदन निज कियौ जु स्याम स्वरूप ॥
देखि सार्वभौम सु परे करी दण्डवत जोय । फिरि उठिकें स्तुति करी युग हाथ जोरि कै सोय ॥
प्रभु की कृपा प्रताप तैं पुरें सकल तिहि तत्व । नाम प्रेम दानादि दै वरन्यो सकल महत्व ॥
तुरत पद्य शत करि लिये एक घरी जु बिताय । सुरगुरु इमि सुपद्यन कौ सकैं न किहू वनाय ॥
सुनि प्रभु मुखसौं कियौ तिहि आलिंगन करि हेत । भट्टाचारज भये तब प्रेमावेश अचेत ॥
अथ पुलक अरु स्वेद अंग कंप थरथरी ताहि । नाचि गाय कंदन कियौ परे जु प्रभु पद अहि ॥

गोपीनाथाचार्य की लखि हरपित भौ हीय । भट्टाचारज नृत्य लखि प्रभुगण हास्य जु कीय ॥
गोपीनाथाचार्य जू प्रभु प्रति कहै सुनाय । तिहीं जु भट्टाचार्य की यह गति किय तुम आय ॥
बड़े भक्त तुम प्रभु कहै तुम संगहि तैं आहि । जगन्नाथ जू की कृपा मति नीकी किय ताहि ॥
तवै जु भट्टाचार्य की प्रभु जु सुस्थिर कीन । भट्टाचारज धिर भये स्तुति बहु करी नवीन ॥
जग निस्तारण आप तुम सोऊ कारज अल्प । हों जु उधार्यो आप ये अचिरज शक्ति अनल्प ॥
तर्क शास्त्र करि जट जु हम जैतैं आयस पिंड । हमैं द्रव्यो आप की यहै प्रताप प्रचंड ॥
स्तुति सुनि प्रभु आये जु उठि निज निवास करि कार्य । आचारज द्वारा दर्ई भीक्षा भट्टाचार्य ॥
जगन्नाथ के दरस हित गये जु प्रभु दिन आन । जगन्नाथ के दरस किय समयों सज्योत्थान ॥
माला अन्न प्रसाद दिप तिन्हें पुजारी आप । प्रसादान्न माला लहै भौ प्रभु सुख अधिकाय ॥
प्रसादान्न माला सु प्रभु बांध्यो आंचर जोय । आवैं भट्टाचार्य गृह त्वरायुक्त हूँ सोय ॥
अरुणोदय के समय में भौ प्रभु आगम जोय । जागे ताही काल मधि भट्टाचारज सोय ॥
जागे भट्टाचार्य जू कृष्ण कृष्ण कहि आहि । बाह्यो आनंद प्रभु हिये कृष्ण नाम सुनि ताहि ॥
बाहिर प्रभु जू की तिन्हो पायो दरसन आहि । अस्त व्यस्त ही आय के पद बंदन किय ताहि ॥
बैठन की आसन दियो बैठे दोऊ आय । प्रसादान्न प्रभु खोलि कै कर मधि दीयो ताय ॥
पाय प्रसाद हि मुद भयो सार्वभौम हिय माहि । जद्यपि संभ्या न्हायवो दांतुनि कीनी नाहि ॥

पद्मपुराणे ।— प्राप्तामात्रेण भोक्तव्यं नात्रकाल विचारणा ॥ १७ ॥

यही पद्य पढ़ि कै कियो भजन अन्न जु आहि । आनंदित लखि कै भयो प्रभु जू की मन ताहि ॥
हैं करि प्रेमावेश में आलिंगन किय ताय । दोऊ जन धरि कै दुहुनि कीनी नृत्य सु आय ॥
स्वेद कंप अरु अश्रु दुहुं आनंद उमग्यो जोय । श्री प्रभु जू लागे कहन प्रेमावेशित होय ॥
आजु मैं जु अनयास ही त्रिभुवन जीत्यो जोय । आजु हि हम वैकुण्ठ पद आरोहन किय सोय ॥
पूरण सब अभिलाष मम भये आजु निरधार । सार्वभौम विश्वास भौ महाप्रसाद मंभार ॥
आजु भये निमकपट करि कृष्णाश्रय तुम जोय । कृष्ण भये निमकपट करि तुम पर सद्य जु सोय ॥
देहादिक बंधन कटे आजु तुम्हारे जोय । माया की बंधन जु तुम काढ़्यो आजु ही सोय ॥
कृष्ण शक्ति की जोग भौ तुम मन आजु हि सोय । किय भजन सु प्रसाद की वेद धर्मलंघि सोय ॥

श्रीमद्भागवते—येषां च एव भगवान् दययेदन्तः सत्त्वात्मनाभितपद्ये यदि निर्वर्त्यसीकं ।

ते दुस्तरामतिवर्तन्ति च देवमायां नैषां ममाहमिति धीः स्वशृंगालभक्ष्ये ॥ १८ ॥

ऐसे कहि कै महाप्रभु आये निज घर जानि । तब ही तैं खंडन भयो सार्वभौम अभिमान ॥
बिना जु श्री चैतन्य पद नाही जानैं आन । भक्ति बिना नहि शास्त्र मधि करत और व्याख्यान ॥

गोपीनाथाचार्य जू लखि वैष्णवता ताहि । हरी हरी कहि नृत्य किय दै कर ताली आहि ॥
भट्टाचारज और दिन चले जु दरसन हेत । जगन्नाथ देखे नहीं आये प्रभु जु निकेत ॥
करी दंडवत बहुत करि स्तुति फिरि बहुविधि ताहि । निज पहली दुरमति कही करि तु दैन्य बहुआदि ॥
साधन मुख्य जु भक्ति की सुनि त्रे मन भौ ताहि । प्रभु उपदेश कयो तिन्हें नाम कीरतन आहि ॥

श्री हरिभक्तिविलास धृत बृहन्नारदीये ।—

हरेर्नाम हरेर्नाम हरेर्नामैव केवल । कलौ नास्त्येव नास्त्येव नास्त्येव गतिरन्यथा ॥ १९ ॥

प्रभु जु करी विस्तार इंहि अर्थ सुनायो ताहि । सुनि भट्टाचारज मन हि चमत्कार भौ आहि ॥
कहैं जु गोपीनाथ जू कही प्रथम हम जोइ । भट्टाचारज जू सुनी भई तुम्हारे सोइ ॥
भट्टाचारज जू कहैं नमस्कार करि ताहि । आपुही के संबंध मुहि कृपा करी प्रभु आदि ॥
महाभागवत तुम जु ही हौं तर्कनि करि अंध । प्रभु कीनी मो पै कृपा आपुही के संबन्ध ॥
धिनय सुनत संतुष्ट प्रभु आलिंगन किय ताहि । कही जाय दरसन करी जगन्नाथ के आहि ॥
दामोदर जगदानन्द लैं करि कै सँग दौय । आये भट्टाचार्य घर जगन्नाथ लखि सोय ॥
ताल पत्र के बीच में लिखि निज पद्य जु दौय । प्रभु की दीर्घा कहि दियो जगदानंद कर सोय ॥
आये पत्र प्रसाद लैं दोऊ प्रभु जु निवास । मुकुंद दत्त पत्रि पढ़ी लहि करि तिनके पास ॥
लिखि राखे विवि पद्य के बाहिर भीत मंभार । जगदानंद जु पत्र लैं प्रभु की दिय तिहि वार ॥
प्रभु पढ़ि पद्य हि पत्र की फारि फेंकि तिहि दीन । सब भक्तनि लखि भीत मधि कंठ पद्य करि लीन ॥

श्री चैतन्यचन्द्रोदयनाटके ।—

वैराग्यविदवानिजभक्तिवोगशिष्यार्थमेकः पुरुषः पुराणः ।

श्रीकृष्णचैतन्यशरीरभागी कृष्णानुधि र्यस्तमहं प्रपद्ये ॥ २० ॥

कालाज्जटं भक्तिवोगं निजं यः प्रादुर्कर्त्तुं कृष्णचैतन्यनामा ।

आविर्भूतस्तस्य पादारविन्दे गाढं गाढं लीयतां चित्तभृंगः ॥ २१ ॥

येई दोऊ पद्य हैं भक्ति कंठ मनिहार । सार्वभौम जस घोषकीं इका वाद्याकार ॥
भट्टाचारज जू भये प्रभु के भक्त अनन्य । सेव्य महाप्रभु जू बिना जानत नाही अन्य ॥
श्री चैतन्य सची तनय गौर धाम अभिराम । इहैं ध्यान औ जय यहै लेत यहै नित नाम ॥
भट्टाचारज एक दिन आये प्रभु के पास । नमस्कार करि पद्य की लागे पढ़न प्रकास ॥
मध्य भागवत ब्रह्मनुति पद्य पढ़्यो इक ताहि । पद्य सेस दै अचर हि पढ़ैं फिराय जु ताहि ॥

श्री मद्भागवते दशमस्कन्धे ।—

तत्तेजुकृष्णां सुसमीक्ष्यमाणो भुञ्जान एवात्मकृतं विषाकं ।

हृद्वाग्वपुभिर्विदधन्नमस्ते जीवेत यो भक्तिपदे स दायभाक् ॥ २२ ॥

श्री प्रभु जू बोले इहां मुक्ति पदे यह पाठ । भक्ति पदे क्यो पढ़ी तुम कहा जु आसय ठाठ ॥

सार्वभौम कहि मुक्ति जौ नही भक्ति फल सोय । भगवत विमुखनीक यह केवल दंड जौय ॥
जे विग्रह श्री कृष्ण की सत्य न मानै ताहि । एई निदा करत है बोद्ध तुल्य ते आहि ॥
तिनि है ही की दंड है यह साजुज्य जु मुक्ति । ताकी भल नहि मुक्ति सौ करत रहै जे भक्ति ॥
यद्यपि मुक्ति जु पंचधा इक सालोक्य जु आहि । सामीप्य जु सारूप्य पुनि साधि एकला ताहि ॥
सालोक्यादिक चारि जो होय जु सेवाद्वार । तबै कदाचित भक्त जन करै जु अंगीकार ॥
मुनि साजुज्य हि भक्ति के होत ग्लानि भय आहि । चाहै कबहुं नरक को तऊ लेय नहि ताहि ॥
ब्रह्म सु ईश्वर में भये साजुज्य दोय प्रकार । करत ईस साजुज्य को ताते जन अधिकार ॥

श्री मङ्गाचरिते तृतीयस्कन्धे ।—

सालोक्य साधि सामीप्य सारूप्यैकत्वमप्युत । शीयमानं न गृह्णन्ति विना मत्सेवनं जनाः ॥२३॥

अरथ और है प्रभु कहै मुक्तिपदे की आहि । सालात ईश्वर जू है मुक्ति पदे कहि ताहि ॥
मुक्ति पदहि जाके रहै वहै मुक्ति पद होय । नवम पदारथ मुक्ति को के जु समाश्रय होय ॥
कहै अथ विवि कृष्ण की कही जु पाठ पिराय । सार्वभौम कहि शब्द यह तऊ कछौ न जाय ॥
जद्यपि अरथजु आपके शब्द कहै यह ताहि । तदपि दोस असलील करि कछौ जाय नही आहि ॥
यद्यपि मुक्ति या शब्द की पंच मुक्ति भधि वृत्ति । रुढ़ वृत्ति तौऊ करै साजुज भान प्रसक्ति ॥
मुक्ति शब्द के कहतही होति ग्लानि अरु श्रास । भक्ति शब्द के कहत ही होत जु हिये हुल्लास ॥
यह मुनिके प्रभु जू हैस आनंदित मन होय । भट्टचारज को कर्यो इह आलिंगन सोय ॥
जिहि भट्टाचारज पदे सिखये मायावाद । तन के ऐसे वचन यह श्री चैतन्य प्रसाद ॥
लखि के भट्टाचार्य की सब जन रणवताहि प्रभु को जान्यो आपु ए नंद नंदन है आहि ॥
काशोमिथहि आदि दे लीलाचल जन आहि । सब ही प्रभु पद आय के सरन लई तब ताहि ॥
आगे सब ऐही कथा वर्णन करि है जोह । सार्वभौम जैसे करै प्रभु को सेवन सोह ॥
मिथा परपाटी करै ज्यो निरवाह जु आहि । सोई जन करि है श्रवन श्रद्धा करि के याहि ॥
ज्ञान कर्म के पास ते होय विमोचन ताहि । सोई श्री चैतन्य पद वेगि हिये है आहि ॥
श्री नृ रूपधुताथ के चरण कमल जिहि आस । चरितामृत चैतन्य को कहै कृष्ण को दास ॥
रूप सनातन जगत हित सुवल स्वाम पद आस । सो प्रभु चरितामृत कहै ब्रज भाषाहि प्रकास ॥

इति श्री चरितामृत मध्यखण्डे ब्रजभाषायो सार्वभौमोद्धारो नाम षष्ठपरिच्छेदः ॥

सप्तमपरिच्छेदः

पन्थं तं नौमि चैतन्यं वामुदेवं द्वात्रिंशीः । नष्टकुण्डं रूपपुण्डं भक्तियुष्टं चकार यः ॥

जय जय श्री चैतन्य जू जय श्री नित्यानंद । जय जय श्री अद्वैत शशि जय प्रभु भक्तनिवृन्द ॥
इही भांति के प्रभु कियो सार्वभौम निस्तार । दक्षिन दिस के गमन को उपज्यो प्रभुहि विचार ॥
माघ शुक्लपक्ष में कियो श्री प्रभु जू संन्यास । फागुण में किय आय के लीलाचल मधि वास ॥
दोल सु जात्रा प्रभु लखी तहां फागुण के सेस । नृत्य गीत बहु किय तहां है करि प्रेमावेस ॥
सार्वभौम मोचन कर्यो प्रभु रहि चैत्र सुमास । किय वैशाख हि लगत मन जेवै दक्षिण आस ॥
कहै महाप्रभु विनय करिनिज जन बोलि संभारि । करि आलिंगन सबनिकी श्रीकर कमलजु धारि ॥
तुम सब को जाने जु हम प्राणनि ते अधिकार । छाडि सकत नहि तुम हि हम प्राण तज्योउ जाय ॥
तुम सब मेरे बंधु ही बंधु कृत्य किय आहि । जगन्नाथ मधि आनि मुहि दरस दिखायो ताहि ॥
हौं मांगत इकदान को अब सबदिन के पास । आज्ञा सब मिलि देहु मुहि जेवै दक्षिण आस ॥
निहिचै हम को जायवो विश्वरूप के काज । एकाकी ही जांहिगे काहु संग न साज ॥
सेत बंध ते आगमन जब लगि मेरी होय । तब लगि तुम सबही रहौ लीलाचल मधि जोय ॥
सिद्धि प्राप्ति जाने सकल विश्वरूप की आहि । दक्षिण देस उदारि वे यह छल कोनौ ताहि ॥
सुनि सब ही के हृदय में भयो महादुख जोय । वज्र परयो भानौ सिर सुकि गये मुख सोय ॥
नित्यानंद प्रभु जु कहै ऐसै कैसै होय । एकाकी तुम जायवो यह सहि सकि है कोय ॥
एक दोय संगहि चलै नाहि परौ हठ रंग । जाहि कहौ सो एक द्वै आवै प्रभु के संग ॥
दक्षिण पथ के तीर्थ जे हम सब जाने सोय । आवै हम ही संग प्रभु जौ तुम आज्ञा होय ॥
हम नर्तक प्रभु जू कहै सुत्रधार तुम सांच । जैसे तुम जु नचाय है सोई नचि है नाच ॥
करि संन्यास जु हम चले वृन्दावन अभिराम । लै हम को आये जु तुम श्री अद्वैत जु धाम ॥
लीलाचल पथ आवतें दंड भंग किय सोय । तुम सब के इह नेहसौं कार्य भंग मम होय ॥
जगदानंद चाहै विषय भुगतार्यो हम पास । जो कहै भोइ हम कियो चाहै उनके वास ॥
कबहुं जौ उनकी वचन करिये और प्रकार । तीन दिवस लौं कथा मम कहत न कोप अपार ॥
हम तौ संन्यासी जु है दामोदर बहु सोय । रहै जु शिखा दंड धरि मम ऊपर नित जोय ॥
इनके आगे हम कछू जानत नहीं व्योहार । मेरी नहि भावते इन्हें चरित स्वतंत्र अपार ॥
कृष्ण कृपा ते नहि इन्हें लोक उपेक्षा आहि । लोक अपेक्षा हम कभू छाडि सकै नहि ताहि ॥
देखि धर्म संन्यास के दुखी मुकुंद जु होय । जाड़े नईवो बार जय भूमि सयन हूं जोय ॥
अंतर दुख ज्वाला कछू मुख ते कहत जु नाहि । इनकी दुख को देखिके हम दुगुनी जु दुखाहि ॥

ताते तुम सब धाँ रहौ लीलाचल के माहि । दिन केतिक हम तीरथनि एकाकी जु अमाहि ॥
 जेते गुण इन सबनि के प्रभु तिनके बस होय । छल करि दोषारोप सौं आस्वाद गुण सोय ॥
 अकथ कथन चैतन्यकी है जु भक्ति बात्सल्य । आप सहत वैराग्य करि निसिदिन दुख प्राबल्य ॥
 सोई दुख कौ देखि कै भक्त रहत दुख पाय । सोई दुख तिनको तनक सदा न प्रभु पै जाय ॥
 उनि दोसनि उझार छल बरजि सबनि कौ आहि । तीरथ भ्रमवे एकले किय वैराग्य जु ताहि ॥
 तब चारि जन बहुत कछु विनती तिनसौं कीन । है स्वतंत्र ईश्वर प्रभु सो कबहुं मानी न ॥
 नित्यानंद कहै तब जो आज्ञा तुम होय । दुख सुख नितहुँ कौ करि वै हमें जु सोय ॥
 एक निवेदन ही करौ ऐये और जु बार । प्रभु जू ताहि विचारि कै करौ जु अंगीकार ॥
 बहिर्वास कौपीन है जो जलपात्र जु सोय । इतनोई जैवै जु संग और कछु नहि सोय ॥
 नाम गणन के बीच तुम हाथ बंधे हैं दोय । बहिर्वास जलपात्र औ कैसैं रहिबै सोय ॥
 पथ मे प्रेमावेश करि है हो तुम जु अचेत । बहिर्वास जलपात्र कौ को धरि है करि हेत ॥
 कृष्णदास इह नाम है सरल ब्राह्मण आहि । हम विनती कौ धारि कै लेहु संग करि याहि ॥
 बहिर्वास जलपात्र धरि चहै तुम्हरे साथ । जो तुम इच्छा करौ सो नहि कहि है कछु गाथ ॥
 अंगीकृत प्रभु जु कर्यौ तब तिहि वचन जु सोय । तिन सव कौ लैकें गये सार्वभौम पर जोय ॥
 करि प्रणाम आसन दियौ सार्वभौम जु ताहि । बैठारे सब कौ जु मिलि तब ही आसन आहि ॥
 नाना कृष्ण कथादि करि प्रभु जु बोले ताहि । हम आये तुम पास हैं आज्ञा मागन जाहि ॥
 विश्वरूप संन्यास करि गये जु दक्षिण आहि । करि हैं हम जु अवश्य करि अन्येषण अव ताहि ॥
 निहचै दक्षिण चलैगे आज्ञा दीजै सोय । मुम पूर्व ऐवी उलटि तुम आज्ञा ते होय ॥
 सार्वभौम मुनिके भये कातर बहुते आहि । धरि कै चरण विसाद सौं कहै जु उत्तर ताहि ॥
 बहु जन्मनि के पुण्य सौ पायो प्रभु तुम संग । मोकी ऐसे संग सौं विधि करि हैं जु विभंग ॥
 दज पर जो मांस पै और पुत्र मरि जाय । ताहि सयो जाहि नही तुम विछोह अधिकाय ॥
 तुव स्वतंत्र ईश्वर गमन करिवैं निहचै जोय । दिन केतिक रहियै लखें चरण कमल तुम सोय ॥
 सिधल भयो तिहि विनय करि प्रभु जु कौ मन सोय । रहे दिवस केतिक तहां गमन कियौ नहि जोय ॥
 सार्वभौम आग्रह जु करि कै निमंत्रण ताहि । करवावैं भोजन तिन्हें करि घर पाकहि आहि ॥
 माटी माता नाम जिहि है लुआणगी ताहि । रांघि देखि भिन्ना जु तिहि अचिरज कथा जु आहि ॥
 आनें तिनकी कथा कौ कहि है करि विस्तार । अब प्रभु कौ दक्षिण गमन ताकी कहै विचार ॥
 दिवस पाँच रहि कै जु प्रभु सार्वभौम घर आहि । चलिगे के हित आपु प्रभु मांगी आज्ञा ताहि ॥
 सार्वभौम संमत भयो प्रभु के आग्रह आहि । जगन्नाथ मंदिर गये प्रभु जू लै करि ताहि ॥
 दसन करि ठाकुर निकट मांगी आज्ञा ताहि । प्रसादान्न माला प्रभुहि दियौ पुजारी आहि ॥

आज्ञा माला पाइ कै कीने हरषि प्रणाम । आनंदित श्री गौरहरि चले जु दक्षिण धाम ॥
 भट्टाचारज संग अरु निज गन जितनौ आहि । जगन्नाथ परिदक्षिणा करि किय गमन जु ताहि ॥
 पथ आलालनाथ चले उदधि तीर ही तीर । कहै जु गोपीनाथ सौं सार्वभौम मनि धीर ॥
 बहिर्वास कौपीन के मेह धरे जुग दोय । लै आवी द्विज द्वारते और प्रसाद हुं सोय ॥
 सार्वभौम जू तब कहै प्रभु के चरननि जोय । करि हीं तुम निरधार मम इहै निवेदन सोय ॥
 है गोदावरि तीर मधि राय जु रामानन्द । ते हैं विद्यानगर के अधिकारी सुख कन्द ॥
 नाहि उपेक्षा करौगे विषयी सद्र जु जानि । मिलि हीं तिनहि अवश्य करि मेरे वचनहि मानि ॥
 तेई है तुव संग कौ जोग्य एक जन जोइ । रसिक भक्त तिहि सभ नही धरणी तल में कोइ ॥
 पांडित्य अरु भक्ति रस है सीमा इन दोइ । वतराये तुम जानि हैं तिनकी महिमा जोइ ॥
 चेष्टा वचन अलौकिक जु तिहि नहि वृकें आहि । कीनो है परिहास हम वैष्णव कहि कहि ताहि ॥
 अब प्रभु के जु प्रसाद करि जान्यौ है तिहि तत्व । संभाषन करि जानि हैं तिनकी जितक महत्व ॥
 अंगीकार कर्यौ जु प्रभु तिनकी वचन जु आहि । विदा जु तिनको दें हित आलिंगन किय ताहि ॥
 मेह कृष्ण भजि करौ मम आसिर्वाद हि ताहि । लीलाचल आवैं जु हम जिमि तुम आसिस पाहि ॥
 गमन महाप्रभु जु कर्यौ इतनौ कहि कै ताहि । होय मूर्छित तहां पर सार्वभौम जु आहि ॥
 गमन कियौ प्रभु वेग ही करि जु उपेक्षा ताहि । श्री प्रभु जू कौ चित्त मन कौन सके अवगाहि ॥
 महानुभाव कौ चित्त कौ यहै सुभाव जु होय । कोमल है बहु कुसुम तें कठिन वज्र तें सोय ॥

तथाहि भवभूतिवाक्यं—

बजादपि कठोरणि मुदुनि कुसुमादपि । लोकोत्तराणां चेतांसि कोनु विज्ञातुमीरवरः ॥

वेगि भक्तगण आयकै लीनों प्रभु कौ साथ । तब लगि वस्त्र प्रसाद लै आये गोपीनाथ ॥
 तब आलालनाथहि महाप्रभु आये सब संग । नसस्कार करि कै जु तिहि बहु करी संग ॥
 प्रेम विवस है कितिक छिन नृत्य गीत किय आहि । तहां बसत जन जितिक जे देखन आये ताहि ॥
 चहुं दिस लोग सबें कहै हरी हरी यह नाम । करें जु प्रेमावेश मधि नृत्य गौर अभिराम ॥
 अरुण वसन कंचन सदृश देह महाप्रभु आहि । स्वेद कंप पुलकाश्रु औ भूषण ते हीं ताहि ॥
 देखत सिंगरे लोक मन चमत्कार भो सोय । जितिक लोक आये तहां धर नहि जात जु कोय ॥
 नाचत कोऊ गावत जु कहै कृष्ण गोपाल । प्रेम प्रवाह बहे जु नर त्रिया बृद्ध औ बाल ॥
 कहत भक्तगण सौं जु लखि नित्यानंद अभिराम । आगैं नृत्य जु भांति इहि है ग्रामहि ग्राम ॥
 भयो तहां अति कालहैं लोक छाडि नहि जाहि । नित्यानंद गोस्वामि जू सृज्यौ तहां जु उपाय ॥
 लै कै श्री प्रभु कौ गये करिवे कौं जु मध्यान । धाये आये दरस हित चहुं दिसतें नर जान ॥
 देव सदन आये तहां करि कै प्रभु मध्यान । निज गण कौ जु प्रवेश दिय द्वार काट निदान ॥

करवाई है प्रभुनि को भीचा गोपीनाथ । प्रभु को शेष प्रसाद जो लियौ बाटि सब साथ ॥
 सुनि सुनि लोक सब तहां आये बाहिर द्वार । करै कुलाहल लोक सब हरी हरी जु पुकार ॥
 तब महाप्रभु ज तहां द्वार दियौ खुलवाय । आनन्दित आये जु नर दरसन करि हिय चाय ॥
 मंध्या लौं इहि भांति सौं लोक जु आवै जाय । भये जु वैष्णव लोक सब नाचत कृष्ण हि गाय ॥
 इही भांति उहि ठौर प्रभु भक्त गननि के संग । सोई राति वितीति किय कृष्ण कथा के रंग ॥
 स्नान प्राप्त समये जु करि कियौ गमन प्रभु आहि । भक्तवृन्द को दिय विदा करि आलिंगन ताहि ॥
 होय मूर्छित धरणि पर परे सबै जन जोड़ । भक्त वृन्द की ओर प्रभु उलटि न चाखौ सोड़ ॥
 प्रभु न्याकुल विछेद करि चले दुखित मन सोय । कृष्णदास पाछे चले पात्र वसन लै जोय ॥
 भक्त वृन्द उपवास करि रहे जु ताही ठौर दुखित होय लीलाचल हि आये ते दिन ओर ॥
 भक्त सिंह ज्यों महाप्रभु गमन कियौ पथ माहि । करत नाम संकीर्तन प्रेमावेशित जाहि ॥

तथाहि श्रीकृष्ण चैतन्यवाक्य—

कृष्ण कृष्ण कृष्ण कृष्ण कृष्ण कृष्ण कृष्ण हे । कृष्ण कृष्ण कृष्ण कृष्ण कृष्ण कृष्ण कृष्ण हे ॥

कृष्ण कृष्ण कृष्ण कृष्ण कृष्ण कृष्ण कृष्ण रत्न मां । कृष्ण कृष्ण कृष्ण कृष्ण कृष्ण कृष्ण पाहि माम् ॥

राम राधव राम राधव राम राधव रत्न मां । कृष्ण केशव कृष्ण केशव कृष्ण केशव पाहि माम् ॥

यही पद पढ़ि के चले गौर हरी अभिराम । लखि लोकहि पथ में कहै हरी हरी कहूँ नाम ॥
 प्रेम भक्त ते लोक हैं चोलत हरि हरि कृष्ण । प्रभु के पाछे संग चलत दरसन के जु सन्मुख ॥
 कितक दूर हरि प्रभु तिनहि आलिंगन किय धारि । करी विदा तिनको तिनहि बीच भक्ति संचारि ॥
 कर्यौ गमन चित चायसौं तेई जन निज ग्राम । छिन छिन क्रंदन नचत हसि चोलत कृष्ण जुनाम ॥
 जाको देखे तिहि कहै कही कृष्ण की नाम । इनि भांतिनि वैष्णव कियौ तिन्हौ सबै निज ग्राम ॥
 ग्रामांतर ते देव करि आर्च जे जन आहि । तिनके दरसन कृपा करि होय समान जु ताहि ॥
 जाहि वई निज ग्राम में करें सु वैष्णव आहि । अन्य ग्राम के आय के भये भक्त लखि ताहि ॥
 ग्राम ग्राम मधि जन यहै करत जाय उपदेस । इनि भांतिनि वैष्णव भयो सब दक्षिण की देस ॥
 इनि भांतिनि पथ चलतमें सत सत जनको आहि । करत वैष्णव महाप्रभु करि आलिंगन ताहि ॥
 जिहि ग्राम जु जाके घरहि भिचा प्रभु किय आय । तिही ग्राम के लोक सब देखन आये ताय ॥
 भये महाप्रभु की कृपा महाभागवत सोय । ते सब आचारज भये तारथी जग सब जोय ॥
 इही भांति जब लौं गये सेतुबंध प्रभु सोय । प्रभु नार्ते नार्ता भयो भयै भक्त सब जोय ॥
 किय प्रकास नहि साँक जिहि प्रभु नवदीप ममार । सोई शक्ति प्रकासक दक्षिण किय निस्तार ॥
 जो प्रभु ज की मजतहि जिहि तिहि कृपा जु सोय । इनही सब लीलानि की सत्य मानि है सोय ॥
 लोक रहित लीलानि ते जो उपजे न विस्वासु । इही लोक परलोक की नास होय है तासु ॥

क्यों प्रथमहि रीति जिहि प्रभुको गमनजु आहि । इही भांति सब जानिहौ दक्षिण भ्रमनजु आहि ॥
 चलत चलत इहि भांति प्रभु गयेजु कूर्म स्थान । देखि कूर्मजु की करी स्तुति प्रणाम सनमान ॥
 प्रेम विवस क्रंदन हसन नृत्य गीत किय आहि । सब लोकन के चित्तभी चमत्कार लखि ताहि ॥
 दरसन करि वैष्णव भये कहै कृष्ण हरि सोय । प्रेम विवस नाचै जु नर उर्द्ध वाहु करि जोय ॥
 सुनि जु निरंतर लोक मुख कृष्ण नाम अभिराम । तिही लोक नै वैष्णवजु किये अन्य सब ग्राम ॥
 इहि विधि सौं जु परंपरा देस भक्त भौ सोय । कृष्ण नाम पीयूषनदि लोक बहाये जोय ॥
 जब प्रभु ज ने कितक छिन बाध कियौ जु प्रकास । तब कूरम सेवक हुते किय सनमान जु ताम ॥
 जिहि जिहि क्षेत्रन जात प्रभु तहां यहै व्योहार । एक ठांव वर्णन कियौ कहै नही बहु बार ॥
 कूर्म नाम तिहि ग्रामकी वैदिक द्विज इक जोड़ । बहु श्रद्धाजुत भक्ति करि किय प्रभु न्योती सोड़ ॥
 प्रभु को गृह मधि लाय के पद प्रक्षालन कीन । सहित वंस सोई जु जल कीनी पान प्रवीन ॥
 बहु प्रकार करि नेह सौं भिचा दई प्रसंस । प्रसादाज प्रभु को रखौ सो पायो सु सर्वस ॥
 जिनि तुव पद पंकजनिकी ध्यान करत विधि जोय । साक्षान पद कमल जुग आये मम गृह सोय ॥
 सीमा मेरे भाग्य की कौहुं कही न जाय । श्लाघ्य भयो मेरे जनम कुल धन आजु बनाय ॥
 प्रभु बोले अस बात नहि कबहुं कहिहौ आहि । कृष्ण नाम लै बी सदा गृह मधि रहि निरवाहि ॥
 जाको देखौ ताहि तुम करौ कृष्ण उपदेस । मम आज्ञा करि गुरु भये तारौ याही देस ॥
 कबहुं नाहीं बाधि है तुम को विषय तरंग । फेरि जु याही ठौर में लहिहौ मेरी संग ॥
 इही भांति भिचा करें प्रभु याके गृह आहि । सोई ऐसे कहत अस सिचा करें जु ताहि ॥
 पथहि चलत देवालये जिही ग्राम मधि वास । जाके गृह भिचा करें सोई महाजन राम ॥
 जैसी रीति जु कूर्म में ऐसी किय सब ठाम । प्रभु जो लौं आये जु फिरि श्री लीलाचल धाम ॥
 याही ते ह्यं ही सर्व क्यौ जु करि विस्तार । जानौगे इहि भांति सौं सब ठां प्रभु व्योहार ॥
 इही भांति तिही रैन में रहे तहां ही सोय । स्नान तहां करि के चले प्रात समय प्रभु सोय ॥
 आये कूरम दूरि बहु पहुँचावन प्रभु आहि । श्री प्रभु ज ने जतन करि घर को पठ्यौ ताहि ॥
 एक महाशय द्विज तहां वासुदेव अभिधान । गलित कुण्ट सब अंग में सोऊ कीट प्रधान ॥
 जोई कीट जु अंग ते भूमि गिरि परे ताहि । तिहि ठौर ता कीट को राखे सो जु उठाय ॥
 तिहि द्विजने प्रभु आगमन सुन्यौ रैन मधि जोड़ । प्रातहि आयौ दरस हित भवन कूर्म के सोड़ ॥
 कूरम के मुख ते सुन्यौ तिहि प्रभु गमन जु सोड़ । दुखित होइ धरणी पर्यौ है जु मूर्छित जोड़ ॥
 लाग्यौ करण बिलाप सो बहु प्रकार करि आहि । ताही छिनमें आय प्रभु किय आलिंगन ताहि ॥
 कुण्ट दूर गाँ दुख सहित प्रभु के परसें आहि । सुन्दर भौ आनंद सहित तब हि अंग सब ताहि ॥
 देखि महाप्रभुकी कृपा भौ विस्मय मन ताहि । पद सिर मधि धरि पदुप पदि स्तुति बहु करी जु आहि ॥

तथाहि श्री मद्भागवते दशमस्कन्धे—

कथाहं हरिद्रः पापीयान् क्व कृष्णः श्रीनिकेतनः । ब्रह्मवन्धुरिति स्माह वाहुभ्यां परिः श्रितः ॥

स्तुति बहु करि प्रभु सौ कहै सुनौ दयामयताहि । येई गुण नहि लोक में तेई तुम मधि आहि ॥
मोहि देखि मम गंध तें भाजत पामर जोय । तुम स्वतंत्र ईश्वर बड़े अस हम परसत सोय ॥
ऐपें अति उत्तम भयो भली अधम हौं जोय । अहंकार यह जारि है मो कौं उठि कै सोय ॥
प्रभु बोले तुम कौ कभू नहि हूँ है अभिमान । कही निरंतर तुम सदा कृष्ण कृष्ण अभिधान ॥
कृष्ण कृष्ण उपदेश करि करी जीव निस्तार । कृष्ण जु तुम की बेगही करि है अंगीकार ॥
कहि कै इतनी ताहि प्रभु कियौ अंतर ध्यान । किय दोऊ द्विज गरें लगि कंदन प्रभु गुणगान ॥
वासुदेव उदार कौ याही कहाँ आख्यान । वासुदेव अमृत पद जू भौ श्री प्रभु अभिधान ॥
गमन महाप्रभु कौ कह्यौ यही प्रथम है जोय । वासुदेव मोचन कियौ कूरम दरसन सोय ॥
जोई श्रद्धा करि करै श्रवण हि लीला याहि । चरण कमल चैतन्य के वेगि ही मिलि है ताहि ॥
जान्यौ लीला गौर कौ आदि अंत नहि जोय । सुनि महंतनि के मुखनि लिखी बहै मम सोय ॥
भक्त बृन्द अपराध मम याते लीजौ नाहि । मो कौं एकहि सरण है तुम चरणन के माहि ॥
श्री जु रूप रघुनाथ के चरण कमल जिहि आस । चरितामृत चैतन्य कौ कहै कृष्ण कौ दास ॥
रूप सनातन जगत हित सुवल स्याम पद आस । प्रभु चरितामृत कौ कहै ब्रज भाषाहि प्रकास ॥
इति श्री चैतन्य चरितामृते मध्यखण्डे वासुदेवोदारी नाम सप्तम परिच्छेदः ॥

अष्टम परिच्छेदः

संचार्य रासाभिधमक्तमेवे स्वभक्तिसिद्धान्तचयामृतानि ।

गीराचिधरेतरमुना वितीर्णं स्वच्छत्वरत्नालयतां विमर्त्ति ॥१॥

जय जय श्री चैतन्य जू जय जय नित्यानन्द । श्री अद्वैत हिमांशु जय जय भक्तनि के बृन्द ॥
पूर्व रीति सौ प्रभु गमन आगे कीनी जोइ । जियड नरसिंह क्षेत्र भौ गये कितिक दिन सोइ ॥
किय नृसिंह लखि दंडवत स्तुति श्रीप्रभु जूआहि । गीत नृत्य बहु स्तुति करी प्रेम चिबसहै ताहि ॥
श्री नृसिंह नरसिंह जय जय नृसिंह मय भंग । जय जय ग्रन्हादेश श्री वदनकंज के भृंग ॥

कथाहि श्री मद्भागवते—

तपोऽथ नृप एवार्थ स्वभक्तानां नृकेशरी । केशरीच श्वयोदानामन्येषामुपचिक्तमः ॥

नाना विधिके पद्य पढ़ि कीनी स्तुति इहि भाय । श्री नृसिंह सेवक दियो सुक प्रसाद प्रभुआय ॥
पूर्व रीति प्रभु कौ कियौ किहू निमन्त्रण विप्र । बाही रीति तहां रहे गमन प्रात किय छिप्र ॥
पूर्व रीति किय वैष्णवजु सब नर गन प्रभु श्रीर । आये चलिकें कितक दिन श्री गोदावरि तीर ॥
लखि गोदावरि कौ भइ सुधि यमुना अभिराम । सुरत भयो लखि तीर बन श्री बृन्दावन धाम ॥
केतिक द्विन तिहिवन कियौ नृत्य गीत सुख सार । स्नान तहां कीनी जु प्रभु हूँ गोदावरि पार ॥
घाट छाडि जल के निकट केतक दूर जु आहि । कृष्ण नाम संकीर्तन जु वैठि करत तट ताहि ॥
तिही समें दोला चहै श्री रामानन्द राय । स्नान करन आये तहां बाजे बहुत वजाय ॥
वैदिक द्विज तिहि संगलै आये हैं अधिकाय । स्नानजु तर्पण विधि सहित निति सब यी बनाय ॥
एई रामानंद हैं जान्यौ प्रभु लखि ताहि । प्रभु कौ मन उठि धाय कै तिहि मिलिवे कौ आहि ॥
तऊ धैर्य करि कें रहे वैठि महाप्रभु चंद । लखि श्री पाद अपूरवहि आये रामानन्द ॥
रवि सत सम सोभा सरस अरुण वसन प्रभु आहि । देह सुवलित प्रकांडई कमल सुलोचन ताहि ॥
प्रभु कौ देखत तिहि मन हि चमत्कार भौ आहि । किये आयकें दंडवत नमस्कार तिन ताहि ॥
उठि कें बोले महाप्रभु उठी कृष्ण कहु कृष्ण । तिहि आलिंगण करणकौ प्रभुकौ हियौ सतृष्ण ॥
तुम रामानंद राय हौ इमि तउ पृथ्वी ताहि । बोले सो सोई जु हो दास सूद्र मद आहि ॥
उदय भयो स्वाभाविकजु प्रेम दुहुनि कौ जोय । दोऊ आलिंगनहि करि परे धरणि मधि दोय ॥
स्तंभ स्वेद श्री असु है कंप पुलक वैवर्ण । सुनि ये दोऊनि के मुखनि गद्गद कृष्ण जु वर्ण ॥
विप्र गननि के मन भयो चमत्कार लखि ताहि । वैदिक सब विप्रजु तहां करत विचार जु आहि ॥
यह संन्यासी तेज करि लखियतु ब्रह्म समान । क्यौं सूद्रहि आलिंग करि कंदन करत निदान ॥
महाराज पंडित महा यह परम गंभीर । संन्यासी के परस सौं मत्त भयो जु अधीर ॥
इहिविधि द्विजगन मनहि मन करत भावना जोय । देखि विजाती लोक प्रभु आछादन भौ सोय ॥
बैठे दोऊ स्वस्थ हूँ तिही नदी तट आहि । महाप्रभु हसिकें तवे कहन लगे यी ताहि ॥
हम सौ भट्टाचार्य जू कहे जु तुव गुण आहि । तुम मिलिवे के हेत किय हमसौं जतन जु ताहि ॥
मिलन हेत तुव हम भयो इहां आगमन सोय । भली भई अनयास ही पायो दरसन जोय ॥
राय कहै आचार्य मम करे भृत्य की ज्ञान । मम हित में जु परोच हूं सोवधान सुनिधान ॥
पाये हैं तिनकी कृपा तुम पद दरसन सोय । आजु सफल मेरी भयो मानस जन्म सु जोय ॥
सार्वभौम पर जो कृपा येई चिह्न जु ताहि । परस्यो भौ अस्पृश्य तिहि कृपाधीन है आहि ॥
कहां स्वयं भगवान तुम नारायण हौ जोय । नृप सेवक विपई अधम सूद्र कहां हों सोय ॥
तुम कौ मेरी देखिवी वेद निपेधें आहि । परस कियौ मेरी नहीं करी घृणा भय ताहि ॥
तुम हि करायो तुम कृपा निघ कर्म है जोय । बां मेरे निस्तार हित तुव आगमन जु सोय ॥
यह महंत स्वभाव है दीन हि तारण हेत । नहीं प्रयोजन निज तऊ चलि तिहि जाहि निकेत ॥

तथाहि श्री मद्भागवते दशमस्कन्धे—

महाविचलनं सृष्टां गृहिणां दीनचेतसां । निः श्रेयसाय भगवन् कल्पते नान्यथा कचित् ॥ ३ ॥

विप्रादिक जन सहस्र एक हैं जु हमारे संग । तुम दरसन सब कौं भयो द्रवीभूत मन रंग ॥
सुनि ये सब के वदन मधि कृष्ण कृष्ण इह नाम । सब के अंग पुलकित नयन अश्रु धार अभिराम ॥
अप्राकृति तुव प्रकृति सो ईश्वर लक्षण जोय । नही संभवै जीव के अप्राकृति गुण सोय ॥
महा भागवत मुख्य तुम प्रभु जू कहै जु ताप । तुव दरसन भौं सवन कौं द्रवीभूत मन आहि ॥
गाथा कहा पर की जु हौं मायावादी हंस । तुव परसैं हम हूं चहै कृष्ण प्रेम परसंस ॥
जानत यही कठोर मम हिय सोधन हित जोय । तुम सौं मिलिवे कौं कर्षां सार्वभौम जू सोय ॥
दोऊ गुण दोऊनिके स्तुति जु करैं इहि भौंइ । आनंदित मन दुहुनि के दरस परस पर पाइ ॥
तिही समे वैदिक जु इह वैष्णव ब्राह्मण जोइ । प्रभु कौं करि कै दंडवत कियौ निमंत्रण सोइ ॥
नपीतौ मानौ महाप्रभु जानि वैष्णव ताहि । रामानन्द जू सौं कहै कछु मृदु हँसि कै आहि ॥
कृष्ण कथा तुव वदन ते सुनिवे कौं मन जोय । पांवहिमे हम फेरि कै तुम्हारी दरसन सोय ॥
राय कहै आये सु तुम पावर सुद्धि निमित्त । दरस मात्र हूँ है नहीं शुद्ध दुष्ट मम चित्त ॥
पांच सात दिन रहि इहां सोधन करि हो याहि । तब ही हूँ है शुद्ध मम यहै दुष्ट मन आहि ॥
जदपि विपोग दुहुनि कौं सखां न कगैह जाय । तऊ दंडवत करि चले श्री रामानंद राय ॥
तिही विप्र के गेह में किय भीचा प्रभु आय । विवि उत्कंठा सांभ हूँ लीनौ भान दुराय ॥
स्नान कृत्य करि महाप्रभु बेटे हैं भरि रंग । मिले राय जू आय के एक भृत्य लै संग ॥
नमस्कार किय राय प्रभु आलिंगन किय ताप । कहै जु दोऊ जन कथा बैठि निवास हि आय ॥
श्लोक पढ़ी प्रभु जू कहै निर्णय साध्य जु ताहि । राय कहै निज धर्म किय यहै भक्ति हरि आहि ॥

तथाहि श्री विष्णुपुराणे—

वर्णाभमाचारवता पुरुषेण परः पुमान् । विष्णुराराध्यते पन्था नान्यत्तत्तोपकारणम् ॥ ४ ॥

कहै जु प्रभु यह वाद्य है आगे कही विचार । राय कहै हरि अर्पिये कर्म साध्य है सार ॥

तथाहिगीतायां—यत्करोषि यदृश्यासि यच्चुहोसि ददासि यत् । यत्तपस्यसि कौन्तेय तत्कुरुष्व मदपरायम् ॥ १५ ॥

वाद्य यह प्रभु जु कहै आगे कही विचार । राय कहै तजि कर्म सब भक्ति साध्य कौ सार ॥

तथाहि श्री मद्भागवते—

आद्यादौर्ध गुणान्दोषान्मयादिष्टानपि स्वकाम् । धर्मान् सन्त्यज्य याः सर्वान् मां भजेत् स च सत्तमः ॥ ६ ॥

तथाहि श्रीगीतायां—

सर्वधर्मान्परित्यज्य मामेकं शरणं व्रत । अहं त्वां सर्वपापेभ्यो मोक्षयिष्यामि मा शुचः ॥ ७ ॥

वाद्य यह प्रभु जू कहै आगे कही जु ओर । राय कहै ज्ञानहि मिली भक्ति साध्य मिरमीर ॥
तथाहि तत्रैव—

प्रयभूतः प्रसज्जात्मा न शोचति न कांचति । समः सर्वेषु भूतेषु मद्भक्तिं लभते पराम् ॥ ८ ॥

यह वाद्य प्रभु जू कहै आगे कही विचार । ज्ञान अनाद्युत भक्ति जो राय कहै तिही सार ॥
तथाहि श्री मद्भागवते—

ज्ञाने प्रयासमुदपास्य नमन्त एव जीवन्ति सम्मुखरितां भवदीयवासि ।

स्थानस्थिताः श्रुतिगतां तनु वाङ्मनोभि र्वे प्रायशोऽजित जितोऽप्यसितैश्चिक्लोषवास ॥ ९ ॥

प्रभु जू कहै एहु जु है आगे कही जु और । राय कहै प्रेमा भक्ति है साध्य सार सब सोर ॥
तथाहि पद्यावल्यां—

नानोपचारकृतपूजनमार्तवन्धोः प्रेम्नैव भक्त हृदयं सुखचिद्रुतं स्यात् ।

यायन् जुदस्ति जठरे जरठा पिपासा तावन् सुखाय भवतो ननु भक्ष्ययेव ॥ १० ॥

तथाहि तत्रैव—

कृष्णभक्तिरसभाविता मतिः क्रीयतां यदि कुतोऽपि लभ्यते ।

तत्र लौक्यमपि मूल्यमेकलं जन्मकोटिसुकृते न लभ्यते ॥ ११ ॥

प्रभु जू कहै यह जु है आगे कही विचार । दास्य प्रेम राय जु कहै सर्व साध्य कौ सार ॥
तथाहि श्री मद्भागवते—

यन्नामश्रुति मात्रेण पुमान्भवति निर्मलः । तस्य तीर्थपदः किंवा दासानामवशिष्यते ॥ १२ ॥

तथाहि यामुत्तमुनिविरचित स्तोत्ररत्ने—

भवन्तमेवानुचरन्निन्तरः प्रशान्तनिःशेषमनोरथान्तरः ।

कदाहमैकान्तिकनित्वकिंकरः प्रहर्षयिष्यामि सनाथ जीवितं ॥ १३ ॥

प्रभु जू कहै यह जु है कछु है अरु निरधार । सख्य प्रेम राय जु कहै सर्व साध्य कौ सार ॥
तथाहि श्री मद्भागवते दशमस्कन्धे—

इत्थं सतां प्रणुसृजानुभूत्या दास्यं गतानां परदेवतेन ।

मायाश्रितानां नरदारकेण सार्द्धं विजहूः कृत पुण्यपुञ्जाः ॥ १४ ॥

प्रभु जू कहै यह जु है आगे कही सु और । राय कहै वात्सन्य प्रीति सर्व साध्य कौ सार ॥
दशमस्कन्धे—

नन्दः किमकरोद्ब्रह्मण श्रेय एवं महोदयं । यशोदा वा महाभागा यपौ यस्याः स्तनं हरिः ॥ १५ ॥

तथाहि तत्रैव—

नेमं विरिञ्चो न भयो न क्षीरप्यंगसंभवा । प्रसादं लेभिरे गोपी यत्तत्प्रापयिमुक्तिदान् ॥ १६ ॥

प्रभु जू कहै उत्तम यह आगे और विचार । कांत भाव राय जु कहै सर्व साध्य कौ सार ॥

तथाहि तत्रैव—तायं शिरोऽर्जं न नितान्तरते प्रसादः स्वर्गोपितां नलिनगन्धकृपां कुतोऽन्याः ।
 रासोत्सवेऽप्य भुजङ्गगुहोत्त कण्ठलब्धाशिषां य उदगाद् व्रजसुन्दरीणां ॥ १७ ॥
 तत्रैव—तातामाविरभु चक्षोरिः स्मयमानदुखान्भुजः । पीताम्बरधरः स्रग्वी सात्तान्मन्मथमन्मथः ॥ १८ ॥

बहुत प्रकार उपाय है कृष्ण प्राप्ति की जोय । तारतम्य बहुते जु है कृष्ण प्राप्ति की सोय ॥
 ऐसै जिहि जोई जु रस सर्वोत्तम है सोय । किये विचार तटस्थ हैं तारतम्य है जोय ॥

तथाहि भक्तिरसामृतसिन्धौ—

यथोत्तरमसौ स्वादिशोषोद्भासयदपि । रति बाँसलया स्वादो भासते कापि कस्मिन् ॥ १९ ॥

पूर्व पूर्व रस को जु गुण पर पर रस मधि होय । एक दोय यों पांच ली क्रम करि बाँदै सोय ॥
 गुणाधिक्य करि यदुहै प्रतिरस स्वाद उजास । सांतादिक रस गुनिनिकी कांत भाव मधि वास ॥
 जैसे आकासादि गुण पर पर भूतहि होय । दोय तीन इहि क्रमजु बड़ि पांच धरनि मधि सोय ॥
 परिपूरण श्री कृष्ण की प्राप्ति इही रस होय । इही प्रेम के कृष्ण वस कहै भागवत सोय ॥

तथाहि श्रीमद्भागवते—

मयि भक्ति हि भूतातामसुतत्वाय कल्पते । दिष्ट्या यदाधीनमस्तेहो भवतीनां मदापनः ॥ २० ॥

सुदृढ प्रतिज्ञा कृष्ण की सर्व काल यह आदि । जो जैसे कृष्णादि भजै कृष्ण भजै त्यों ताहि ॥

तथाहि गोतापां—

ये यथा मां प्रपद्यन्ते तांस्तथैव भजाम्यहं ॥ २१ ॥

इही प्रेम अनुरूप जो सकै न भजि कै सोय । याही ते है सो असी कहै भागवत जोय ॥

श्रीमद्भागवते—

न पारयेऽहं निरवयवसंयुजं स्वसाधुकृत्यं विविधाधुपापि चः ।

यामा भजन दुर्जयगेहर्षलाः संहरन्त्य तद्वः प्रतियातु साधुना ॥ २२ ॥

कदपि कृष्ण सौंदर्य है सर्व माधुरी धूर्य । वृजदेवीनु के संग तिहि बाँदै अति माधुर्य ॥

तथाहि तत्रैव—

तथापि गुणमे तामि भगवान् देवकीपुत्रः । मध्ये मयीनां हेमानां महामारकतो यथा ॥ २३ ॥

साध्यावधि निःश्रेय है कहै महाप्रभु सोई । कही कृपा करि राय तुम जी कह्यु आगे होय ॥

राय कहै पातें परे पूछै इमि जन जोय । जान्यो नहीं इतिक दिननि है त्रिभुवन में सोई ॥

राधा प्रेम इही जु मधि साध्य सिरोमणि आदि । कही जु सब ही शास्त्र मधि महिमा अद्भुत पादि ॥

तथाहि पद्मपुराणे—

यथा राधा त्रिधा विष्णोस्तम्याः कुलदे प्रिय तथा । सख्यगोप्येव सर्वैका विष्णोस्त्यन्तवद्भवा ॥ २४ ॥

कहै जु प्रभु आगे कही सुनत महासुख होय । सुधानदी अद्भुत यहै तुव श्री मुख ने जोय ॥
 सोरी करि श्री कृष्ण जू श्री राधा लै सोय । गोपीगण के डर जु करि गये ईकैसे जोय ॥
 तथाहि दरमे—

अनया राधितो नून भगवान् हरिरीश्वरः । यत्रो विहाय गोविन्दः प्रीतो यामनपट्टः ॥ २५ ॥

जहां जु प्रीतम के दिये अन्यापेचा होई । स्फुरै नही तहां प्रेम की अति सुगादता जोई ॥
 राधा हित गोपीन को करै प्रगट जो त्याग । राधा मधि तब कृष्ण की जातें दृढ़ अनुयाग ॥
 राय कहै सोऊ सुनी प्रेमहि महिमा ताहि । उपमा त्रिभुवन में नहीं राधा प्रेमहि आदि ॥
 गोपी गण मधि रास मुख नृत्य मंडली त्यागि । राधा हित बन बन फिर करि विलाप दुख पागि ॥

तथाहि गीतगोविन्दे—

कंठारिरपि संसारवासनावद्भ्रंशना । राचामाधाय हृदये तत्राजं व्रजसुन्दरीः ॥

तथाहि तत्रैव—

इतस्तत्तत्तामनुसृत्य राधिकामनर्गवाणग्रणमिश्र मानसः ।

कृतानुतापः स कलिन्दनन्दिनीतटान्तकुले विपसाद माधवः ॥

अर्थ सुइनि विवि पद्य को जानै किये विचार । किये विचार उठे मनो अमृतखानि रस सार ॥
 सत कोटिक गोपीन संग करै जु रास विलास । तिनि मधि एक जु मूर्ति तिहि रहै जु राधा पास ॥
 साधारण प्रेमा सु लखि सब ठां समता जोय । कुटिल प्रेम राधा जु को भयो वक्र अति सोय ॥

तथाहि उज्ज्वलनीलमणौ—

अहेरिकातिः प्रेम्णः स्वभावकुटिला भवेत् । अनोहेनोर्हेतोश्च यूनोर्मान उदञ्चति ॥

गई रास तजि क्रोध करि प्रेम मान धरि होय । तिन्हें न देखी द्वां भये हरि अति व्याकुल जोय ॥
 सम्पक सार सुवासना रास जु इच्छा ताहि । एक राधिका शृङ्खला तिही चाहि की आदि ॥
 तिन विन लीला रास जो भावै नहि चित्त चेत । रास मंडली तजि गये राधा दुदन हेत ॥
 जहां तहां कीनो भ्रमण कहै न पायी ताहि । मदन बान करि खोन है करै विषाद जु आदि ॥
 शत कोटिक गोपीन करि सांत होय नहि काम । याही तें अनुमानियै राधागुण अति वाम ॥
 कहै जु प्रभु याही लिये ही आयी तुम पास । सर्व वस्तु को तत्व जो सब जान्यो अनयास ॥
 अब ही जान्यो है हमनि सेव्य साध्य निरधार । औ आगे कह्यु सुनन की मम हिय चाह अपार ॥
 कही स्वरूप जु कृष्ण को औ राधाहि स्वरूप । कीन तत्व रस प्रेम की कीन तत्व है रूप ॥
 एई तत्व कृपाहि करि कही जु हम सी आदि । तुम विन कोऊ कहन की नहि समर्थ है पादि ॥
 राय कहै जाने जु हम रंचक ह नहि पादि । जो जू तुम कहवाय ही कहै वाक मम तादि ॥

तुम सिच्छा करि हो पही ज्यों सुरु पाठ जु होय । ईश्वर तुम साक्षात् हो लही नाखतुव कोय ॥
 हृदय प्रेरि करि जोम है वचन कहावौ जोय । कहियँ कहा भली बुरी कछु नहि जानत सोय ॥
 हम संन्यासी प्रभु कहै मायावाद प्रधान । मायावाद बहैन हम भक्ति तत्व को ज्ञान ॥
 सार्वभौम के संग मम मन निर्मल भी आहि । कृष्ण भक्ति तत्वहि कहौ यों हम पूछ्यौ ताहि ॥
 कृष्ण कथा जाने न हम कसौ तिन्हौ जोय । रामानंद जानैं सबै इहां नाहि है सोय ॥
 तुम महिमा सुनि कै जु हो तुम पै आयौ जोइ । स्तुति मेरी तुम करौ श्रीपाद जानि कै सोइ ॥
 कहा चिप दंडी कहा सुद्र होहु किन जोय । जोई कृष्ण जु तत्व को ज्ञाता है गुरु सोय ॥
 संन्यासी करि कै जु मम करी न बंचन सोइ । राधा कृष्ण जु तत्व करि पूर्ण करौ हिय जोइ ॥
 यदपि राय प्रेमी बडे महा भागवत आहि । सकै न माया कृष्ण की आवृत करि मन ताहि ॥
 तऊ जु इच्छा कृष्ण की परम प्रबल है जोय । जानन हित मन राय को चंचल भयौ जु सोय ॥
 राय कहै हम नट जु हैं सूत्रधार तुम सांच । ज्यों जाकौ जु नचाय हौं सो नचि है तिहि नाच ॥
 यहै जोय मम वीन तुम वीणाधारी याहि । जोई कछु तुम हृदय मधि उठि है गाय जु ताहि ॥
 परम ईश्वर जु कृष्ण है आप स्वयं भगवान । अवतारी हैं सचिन के औ कारण जु प्रधान ॥
 श्री वैकुण्ठ अनंत अरु जे अनन्त अवतार । औ अनंत ब्रह्मांड इन सब के है आधार ॥
 सब चित आनंद तनु सु है श्री वृजराज कुमार । सर्वेश्वर्य सु शक्ति सब पूरण सब रससार ॥
 तथाहि ब्रह्मसंहितायां—

ईश्वरः परमः कृष्णः सच्चिदानन्दविग्रहः । अनादिरादिर्मेघिदः सर्वकारणकारणम् ॥२६॥

इन्द्रावन के नवमदन अप्राकृत जो आहि । स्मरण गायत्रीबीज तिहि है जु उपासन ताहि ॥
 पुरुष और युवती तथा थावर जंगम जोइ । सब चित्ताकर्षक प्रगट मन्मथमन्मथ सोइ ॥
 तथाहि श्री भागवते—सात्तान्मन्मथमन्मथः ॥३०॥

नाना भक्तनि रस अमृत नाना विधि है जोय । तिन सब ही रस अमृत के विषय आश्रय सोय ॥
 तथाहि भक्तिरसामृतसिन्धौ—

अकितरसामृतमूर्तिः प्रसृमरुचिरुदतारकापातिः । कलितश्चामालकितो राधाप्रेषान् विधुर्जयति ॥३१॥

है रस राज भृंगार मय मूरति धरै जु सोय । याही तें सब चित हरे आपुन हनौ जोय ॥

तथाहि गीत गोविंदे—भृंगारः सखि मूर्तिनानिध मधौ मुखो हरिः कीदृति ॥३२॥

सचमीकांत हि आदि दै है अवतार जु जोय । तिन सब ही को मन हरै कसौ भागवत सोय ॥

तथाहि रामे—

विजयाम्बा मे मुखोर्दितदुखा मयोपनीता भुवि धर्मगुणये ।

कलावतीशांखनेभरामुरान हत्येह भूवस्तरयेतमन्ति मे ॥ ३३ ॥

विष्णुकांता आदि दै नारी गण है जोय । करें जु निज माधुर्य करि आकर्षण सब सोय ॥
 तथाहि तत्रैव—यदाकृपया श्रीललनाचरतपो विहाय कामान् मुचिरं धृतवता ॥ ३४ ॥
 हरे जु निज माधुर्य करि अपनों ही मन जोय । आलिंगन चाहै कियो अपनी आपुहि सोय ॥
 तथाहिललितमाधवे—

अपरिकलितपूर्वः कश्चिन्मत्कारकारी स्फुरति मम गरीयानेव माधुर्यपूरः ।

अयमहमपि हन्त प्रेक्ष्य-यं लुब्धचेताः सरभसमुपभोक्तुं कामये राधिकेव ॥३५॥

यही कसौ श्रीकृष्ण को करि संक्षेप स्वरूप । सुनौ कहै संक्षेप करि राधा तत्व अनूप ॥
 शक्ति अनंत जु कृष्ण की तिनमें तीनि प्रधान । चिच्छक्ति जु माया सकति जीव शक्ति इक ज्ञान ॥
 अंतरंग बहिरंग पुनि औ तटस्था सोइ । इन तीनन के कहत है तीन नाम ये जोइ ॥
 अंतरंग जिहि नाम है सो है शक्ति स्वरूप । सब शक्तिन की मुकुटमणि जो है परम अनूप ॥
 तथाहि विष्णुपुराणे

विष्णुशक्तिः परा प्रोक्ता चैत्रज्ञाख्या तथापरा । अविद्या कर्मसंज्ञान्या तृतीया शक्तिरीष्यते ॥३६॥

है स्वरूप श्री कृष्ण को सतचित आनंद जोय । है स्वरूप शक्ति हि जु के तीन रूप यौ सोय ॥
 हर्ष अंस आल्हादिनी संधिनि है सत अंस । चित अंस संवितु सु जिहि होय ज्ञान परसंस ॥
 तथाहि तत्रैव—

ल्हादिनी सन्धिनी सन्धिवत् स्वरूपेका सर्वसंभवे । ल्हाद् तापकरी मिश्रा त्वयि नो गुणवर्जिते ॥३७॥

आल्हाद श्री कृष्ण को नाम ल्हादिनी ताहि । आस्वाद सुख आप हरि तिही शक्ति है आहि ॥
 सुख स्वरूप श्री कृष्ण जू आस्वाद सुख ताहि । भक्तनि के सुख देन को ल्हादिनि कारण आहि ॥
 ल्हादिनि को सारांस जो प्रेम नाम तिहि जान । आनंद चिन्मय रस जु है प्रेमा को आख्यान ॥
 परम सार जो प्रेम को महाभाव तिहि जान । श्री राधा सोई महाभाव रूप गुण खान ॥
 तथाहि उज्ज्वलनीलमणौ—

तपोरप्युभयोर्मध्ये राधिका सर्वथाधिका । महाभावस्वरूपेयं गुणैरति परीयसी ॥ ३८ ॥

प्रेमा को जु स्वरूप वपु प्रेम विभावित ताहि । कृष्णप्रेमसी थोष्ट सब जगत विदित है आहि ॥
 तथाहि ब्रह्मसंहितायां—

आनन्दचिन्मथरस प्रतिभाविताभिस्ताभि र्व एव निब्रह्मरूपतया कलाभिः ।

गोलक एव निवसत्यखिलात्मभूतो गोविन्दमादिपुरुषं तमहं भजामि ॥ ३९ ॥

महाभाव सोई जु है चिंतामणि गण राज । पूरण ईश्वर कृष्ण की करें यही जिहि काज ॥
 महाभाव चिंतामणि सु राधा को जु स्वरूप । ललितादिक सहचरी तिहि कायन्पूह जु रूप ॥
 कृष्ण नेह राधा जु प्रति उबटन अंग सु बास । प्रति सुगंध तारें जु वपु उज्ज्वल किरण प्रकास ॥

कारुण्यमृत धार की स्नान प्रथम किय आहि । तारुण्यामृत नदी की स्नान द्वितीय निज ताहि ॥
लावण्यामृत पूर मधि ताऊ पर सुस्नान । निज लज्जा स्वामहि करण पट सारी परिधान ॥
श्री अनुराग जु कृष्ण की अरुण वसन विधि सोई । प्रणयमान उर कंचु की आछादन है जोई ॥
सौन्दर्य मुकुटन सखी प्रणय सु चंदन आहि । स्मित सोभा व कर्पूर व्रज अंग विलेपन ताहि ॥
उज्ज्वल रस श्री कृष्णको मृग मद भरहै सोय । सर्व विचित्रित अंग तिहि तिही सु मृग मद होय ॥
बाम्पमान प्रच्छन्न है केश पास विन्यास । धीराधीरात्महि जु गुण वहै अंग पटवास ॥
रागहि धीरा रंग करि अघर मधुर अति लाल । प्रेम कुटिलता नेत्र युग अंजन परम रसाल ॥

कवित्त—

सुदीप्त सान्त्विक भाव हर्षादि संचारी येई सब भाव अंग सर्व भूषण उजास है ।
किलिकिचितादि भाव विंशति भूषित सदा गुण गन फूल माला अंगनि प्रकास है ।
अलक तिलक चारु उज्ज्वल सौभाग्य प्रेमवैचित्र्य रत्न तरल हिये छवि रास है ।
मध्यावय धितिसोई सखी स्कंध करन्यास कृष्णलीला मनोवृत्ति आली आसपास है ॥
सौरभ निवास निज अंगनि सौभाग्य गर्व पलका विराजि सदा चाहै कृष्ण संग है ।
कृष्णनाम गुण जस तेई श्रवणावतंस कृष्ण नाम गुण यश वचन तरंग है ।
कृष्ण की करावै स्वाम रस मधु पान सदा पूर्ण करै कृष्ण के जु सर्व काम रंग है ।
कृष्ण की विष्णु प्रेम रतन तिहि आकर है अनुप गुणगण पूर्ण सर्व अंग है ॥

तथाहि गोविन्दलीलामृते—

का कृष्णस्य प्रणयजनिभूः श्रीमती राधिकैः ६१, कास्य प्रेयस्यनुपमगुणा राधिकैका न चान्या ॥
जैष्ठ्यं केशे दृशि तरलवा निष्ठुरत्वं कुचेऽप्या, बाह्यापूर्य्ये प्रभवति हरे राधिकैका न चान्या ॥

जिनके गुण सौभाग्यकी सत्यमामा हिय काम । जिनपै कला विलास सब सीखैं व्रज की वाम ॥
वांछे श्री गिरिजा गुणहि सौन्दर्यादिक जाहि । वांछे सदा अरुंधती धर्म पतिव्रत ताहि ॥
जिनके सद्गुण गुणनि की कृष्ण न पावै पार । कैसैं तिहि गुणगणि सकैं जीव तुच्छ अतिसार ॥
बोले प्रभु जान्यो जु हरि राधा प्रेमहि तत्व । चाहैं सुन्यो दुहुनि की है जु विलास महत्त्व ॥
राय कहैं श्री कृष्ण जू धीर ललित है आहि । क्रीडा काम निरंतर हि यह चरित है ताहि ॥

अथाहि भक्तिरसामृतसिन्धौ—

चिदम्बो नवतारुण्यः परिहासविशारदः । निश्चिन्तो धीरललितः स्यात्प्रायः प्रेयसीवशः ॥

कुंजनि कोड़ा रेन दिन श्री राधा के संग । सकल करै केशोर वय विविध विलासनि रंग ॥

तथाहि भक्तिरसामृतसिन्धौ—

राधा सुचितशङ्करी रतिकला प्रागरुच्यया राधिकी, जीवाकुञ्चितलोचनां विरचयन्तये सखीनामती ॥
तद्विहारीभक्तिमकरोपाधिद्वयपारं गतः, कैशोरं सफलं करोति कलयन् कुञ्जे विहारं हरिः ॥

कहैं महा प्रभु है यही आगे कही जु सोय । राय कहैं याते परं मम बुधि गति नहि जोय ॥
अरु है प्रेम विलास की इक विवर्त्त जो आहि । हर्ष होय के होय नहि तुम्हरे सुनै जु ताहि ॥
ऐसैं कहि अपनी कियो गार्यो इक पद जोय । प्रभु निज कर तिहि मुख ठकी प्रेमावेशित होय ॥
प्रथमहि राग भयो दम सेन ।

सो अनुदिन बाढ्यो री सजनी अवधि न गो दुख दैन ॥
सो न रमन अरु हम नहि रमनी दुहुं मन मनसिज पीस्यो आहि ।

हे सखी ये सब प्रेम कहानी भूले हरि अब कहियौ ताहि ॥
नही जतन कीनी दूती की नहि जान्यो अरु कोये ।

यहू मिलन मध्यस्त भयो इक पंच वाण ही सोय ॥
तुहू मिली दूती अब जब तिन्हों तजी हिये तैं प्रीति ।

उत्तम पुरुष प्रेम की सजनी है कहा ऐसी रीति ॥

तथाहि उज्ज्वल नीलभणौ—

राधाया मधुतरश्च चित्तजतुनी स्वैर्देविलाप्य क्रमाद्, युञ्जन्निनिकुञ्जकुञ्जरपते निर्धूतभेद भ्रम ।

चित्राय स्वयमन्वरञ्जयदिह प्रह्लाददहन्मर्योदरे, भूयोभिर्नवरागहिगुलभरैः शृंगारकारः कृती ॥

साध्य वस्तुकी अवधि यह है प्रभु कहैं जु आहि । जान्यो हमतुम कृपा करि निहिचै करि कै ताहि ॥
साध्य वस्तु साधन विना नाहिन पावै कोय । इहि पैवै जु उपाय तुम करो कृपा करि जोय ॥
राय कहैं जु कहा यही कहि हैं बाणी सोय । कहिये कहायहै जु हम जानत नहि कछु जोय ॥
ऐसी धीर महा बड़ी त्रिभुवन में है कोय । तुम माया के नाछ मधि होइ न चंचल जोय ॥
मेरे मुख वक्ता जु तुम तुम ही श्रोता जोय । साधन की जु सुनौ कथा अति रहस्य है सोय ॥
लीला राधाकृष्ण की अति निगूह तर सोय । वात्सल्यादिक भाव कहि नहि गोचर है जोय ॥
एक सखीगण की जु है सब में हां अधिकार । होत सखी ही तैं जु इह लीला की जु विस्तार ॥
एक सखीगण विन जु यह लीला पुष्ट न होय । विस्तारै लीला सखी आस्वाद ऊ सोय ॥
तिहि लिला मधि सखी विन नही अन्य गति जोय । तिनहीकी अनुगति करै सखी भाव जो होय ॥
दंपति सेवा कुंज की साध्य पाय है सोय । पैवे की तिहि साध्य के नहि उपाय अरु कोय ॥

तथाहि गोविन्दलीलामृते—

विभुरपि सुखरूपः स्वप्रकाशोऽपि भावः, स्रष्टुमपि नहि राधाकृष्णयो र्या ऋते स्वाः ।

प्रवहति रसपुष्टिं विद्विभूती विवेश, अपति न पदमासां क सखीनां रसज्ञः ॥

एक स्वभाव सखीनकी अकथ कथा तिहि आदि । निज लीला श्रीकृष्ण संग सखि मन चहै न ताहि ॥
करवारे जो कृष्ण संग राधा लीला आदि । निज लीला हूं ते लहै कोटि गुणो सुख ताहि ॥
कल्पलता हरि प्रेम की राधा की लु स्वरूप । सखि गण तिहि पल्लव सुवन ऐहै पत्र अनूप ॥
लीलामृत करि जब तिन्है सींचै लता लु सोय । निज सींचन हूं ते तिन्है कोटि गुणो सुख होय ॥
तथाहि तत्रैव—

सख्यः श्री रथिकाया व्रजकुमुदविभोर्हार्दिनी नाम शक्तेः ।
सारसप्रेमवल्लभाः किसलयदल पुष्पादितुल्याः स्वतुल्याः ।
सिक्तायां कृष्णलीलामृतरसनिचयैरुल्लसन्तवाममुष्वा
जातोल्लासाः स्वसेकाद्भूतगुणमधिकं सन्ति यत्तन्त चित्रम् ॥

जदपि सखिन की कृष्ण के संगम मधि नहि रंग । तऊ जतन करि राधिका करवारे तिहि संग ॥
हरि हि प्रेरि नाना छलहि करवारे तिहि संग । होय लु निज हरी संगतें कोटि कोटि सुख रंग ॥
सुद प्रेम करि परस्पर करै लु रस की पुष्ट । तिन सबके प्रेमहिलखि लु कृष्ण होय अति तुष्ट ॥
सहज प्रेम गोपीनकी है नहि प्राकृत काम । काम क्रिया सम ताहि करि कहै काम तिहि नाम ॥
तथाहि गोतमी तन्त्रे—

प्रेमैव गोपरामाणां काम इत्यगमत्यथा । इत्युद्धवादयोऽप्येतं वाञ्छन्ति भगवत्प्रियाः ॥
तातपर्य है काम की निज इंद्रिय सुख हेत । अभिप्राय कृष्ण सुख की गोपिन भाव अहेत ॥
निज इंद्रिय सुख चाह नहि गोपिनकी निरधार । श्री कृष्ण हि सुख देन हित करै लु संग विहार ॥
तथाहि दशमे—

यत्ते मुजात चरणान्बुद्धं स्तनेषु भीताः शनैः प्रिय दधिमहि कर्कशेषु ।
तेनाटश्रीमदसि तद्वपुषते न किञ्चित् कृपादिभिर्भ्रमति धीर्भयदायुषांतः ॥

लौभ लु ताही गोपिका भावामृत की जाहि । वेद धर्म सब छाडि सो कृष्ण हि भजि है आदि ॥
रागातुगा लु मार्ग करि तिन्है भजै जन जोह । श्री ब्रजराज कुवार की ब्रज में पैहै सोय ॥
भजै लु जो ब्रजलोक की लैकें कोऊ भाइ । ब्रज में पावै कृष्ण सो भाव जोग्य वपु आइ ॥
तथाहि भागवते—

निवृत्तमरुन्मनोऽजहदयोगयुजो इति यन्मुनय उपासते तद्वयोऽपि ययुः स्मरणात् ।

स्विय उरगेन्द्रभोगमुतद्वद्विप्लवधियो दयमपि ते समाः समदशोऽविसरोजमुधाः ॥४७॥

सम दश शब्द कहै लु तिहि भाव लु अनुगत आदि । गोपीगण प्रापति कहै समा शब्द अति ताहि ॥
अंघ्रि सरोज मुधा कहै कृष्ण संग आनन्द । विधि मारग पैये नहीं ब्रज में श्री नैदनंद ॥
तथाहि तत्रैव दशमे—

मायं सुभाषो भगवान् रेहिनां गोपिकासुतः । ज्ञानिनाञ्चात्मभूतानां यथा भक्तिमतामिह ॥

यातें गोपीभाव की करि कै अंगीकार । करै धितवन रैन दिन राधा कृष्ण विहार ॥
सिद्ध देह निज चित करि करै लु सेवन ताहि । सखी भाव करि पावै लुगल चरण सो आदि ॥
गोपिन की अनुगति बिना करि लु ईशता ज्ञान । भजन किये हुं ना मिले व्रजनृपसुत रस खानि ॥
है लक्ष्मी दृष्टांत तिहि कियो भजन बहु आदि । ब्रज में श्री ब्रजराज सुत पाये तऊ न ताहि ॥
तथाहि तत्रैव—

नार्यं श्रियोऽगुत निवृत्ततरतेः प्रसाद इति ॥

यह सुनि कै प्रभु लु कियो तब आलिंगन ताहि । दोऊ जन हिय लागि कै कंदन कियो लु आदि ॥
इहि विधि प्रेमावेश करि करी विनीति लु राति । निज निज कारजकीं गये दोऊ भये प्रभाति ॥
विदा समें प्रभु के चरण धरि कै भरे लु भाव । कहै लु करि कै वीनती श्री रामानंद राय ॥
भो पै करिवै कृपा प्रभु किय आगमन सोय । दिन दस रहि सोधी लु मम यहै दुष्ट मन जोय ॥
तुम विन जीव उधार हित और नहीं जग मांहि । कृष्ण प्रेम निज देनकीं तुम विन और लु नाहि ॥
गौर कहै आयी लु हौं सुनि तुम गुण अभिराम । सुनि कै कृष्ण कथा मनहि सुद करैव काम ॥
जैसी तुव महिमा सुनी तैसी लखी लु आदि । जुगल प्रेम रस ज्ञान जो सीमा तुम ही ताहि ॥
कहा कथा दस द्यौस की जब लगि जीव होय । तब लगि तुम्हरी संगहीं छाडि सकीं नहि सोय ॥
लीलाचल मधि रहेंगे हम तुम एकहि संग । करिहै काल वितीति मिलि कृष्ण कथा के रंग ॥
ऐसै कहि दोऊ गये अपने अपने काज । संध्या समय लु आय फिरि मिले राय सुख साज ॥
दोऊ बैठि एकांत मधि मिलि लु परस्पर सोइ । प्रश्नोत्तर वार्ता करै अति आनन्दित होइ ॥
प्रभु पूछें उत्तर करै रामानंद लु आदि । कथा परस्पर रस मई इंदी भांति निसि ताहि ॥
गौर कहै विद्यानि में विद्या सार लु कोव । राय कहै हरि भक्ति विन विद्या और न होय ॥
कीरति गण मैथि जीवकी कौन कीर्ति बड आदि । कृष्णहि प्रेमी भक्त कहि यहै ख्यात है जाहि ॥
सब सम्पति मधि जीव कै संपति गणियै काहि । बडौ धनी कहियै वही जुगल प्रेम धन जाहि ॥
दुःखनि मधि को दुःख है महा बडौ निरधार । कृष्ण भक्त के विरह विन और न दुःख अपार ॥
मुक्तिनि मधिको मुक्ति करि गणिए जनसो कीइ । जिहि प्रेमा श्रीकृष्ण मधि मुक्ति सिरोमणि सोइ ॥
सो०—गाननि मधि है गान कौन धर्म निजजीव की । सोई गान प्रधान प्रेम केलि जो जुगल की ॥
श्रेयनि के मधि जीव की कौन श्रेय है सार । कृष्ण भक्त संग चितु नहीं और श्रेय निरधार ॥
सुमिरन करै लु कौन की अनुष्ठान जीव अज्ञान । कृष्ण नाम लीलागणनि सुमिरण है लु प्रधान ॥
धेयनि मधि को जीव की ही कर्त्तव्य लु ध्यान । जुगल चरण पंकजनि की ध्यान वही लु प्रधान ॥
सब लजि कै कर्त्तव्य है कहां जीव की वास । श्री ब्रज बुन्दावन जहां है निज लीला रास ॥
सब ही श्रवनिनि के लु मधि मुख्य भवन है कोय । प्रेम लु लीला जुगलकी कर्त्तव्य रसायन होय ॥
कहौ उपास्यनि मध्य है कौन उपास्य प्रधान । नाम लु राधाकृष्ण लु मुख्य उपास्य निदान ॥

भुक्ति भुक्ति चाहै सु जे गतिनु दुहुनि की कोइ । थावर देव सु देह की ज्यौं जु अवस्थिति होइ ॥
नीरस बाणस चाखई ज्ञान नीव फल भाइ । प्रेम रसालहि मुकुल कौ रसिक सुकोकिल खाय ॥
मुक्त ज्ञान आस्वादई ज्ञानी नर विन भाग । कृष्ण जु प्रेमाभूत पिये भाग्यवान करि राग ॥
इही भांति शोऊ जनहि कृष्णकथा आवेस । नृत्य गीत रोदन जु करि भयो रेनि कौ सेस ॥
अपने अपने काज हित दोऊ चले विहान । संन्या समय जु राय जू मिले आप दिन आन ॥
प्रिय चर्चा कृष्णहि कथा करि कोऊ छिन आहि । प्रभु के पद धरि राय जू करें निवेदन ताहि ॥
तत्व जु राधा कृष्ण कौ प्रेम तत्व कौ सार । रस तत्व जु लीलानिकी तत्व अनेक अपार ॥
इते तत्व मम हृदय मधि कीने तुमहि प्रकास । वेद पढ़ाये अजहि ज्यौं नारायण प्रभु तास ॥
अंतरंगामी ईस ज्यौं यहै रीति हैं तास । बाहिर कहै न वस्तु कौ हिय मधि करें प्रकास ॥
तथाहि भागवते—

जन्माद्यस्य यतोऽन्वयादितरत आर्थैस्त्वभिन्नः स्वराट् तेने जगद् ददा य आदिकवये सुखरित यत्सूरयः ।
तेजो वारिसुवा यथा विनिमयो यत्र त्रिसर्गोऽमृता धाम्ना स्वेन सदा निरस्तकुहकं सत्यं परं धीमहि ॥

बहौ एक अचिरज भयो मेरे हिय मधि आहि । कही कृपा करि कैं जु तुम मोसौं निहचैं आहि ॥
पहिले देख्यो प्रभु तुमैं सन्यासी के रूप । अब तुम कौं देख्यो जु हौं स्याम गोप के रूप ॥
तुम सन मुख लखियै जु इक सुवरन प्रतिमा आहि । तुम स्वरूप महिमा दकी गौर कांति करि ताहि ॥
वदन सु बंसी मात्र इक लखियै तिनकौं आहि । चंचल नाना भाव करि कमल नयन पुनि ताहि ॥
इही भांति तुम कौं निरखि चमत्कार भौ आहि । कपट छाडि प्रभु जु कही जो है कारण याहि ॥
कहै जु प्रभु तुव कृष्ण मधि गाढ़मु प्रेमा आहि । यहै सुभाव सु प्रेम कौं जानौं निहचैं ताहि ॥
महाभागवत ज्यौं लखै थावर जंगम मांदि । इष्ट देव अपनी फुरै सब ठां ताकी आहि ॥
तथाहि तत्रैव—

सर्वभूतेषु यः पश्येद् भगवद्भावं सात्मानः । भूतानि भगवत्प्राप्तमन्येप भागवतोत्तमः ॥

तथाहि तत्रैवदशमे—

वनकृतांतरव आगमनि विष्णुं व्यल्लवन्त्य इव पुष्पफलाढ्याः ।

प्रणतभारविटपा मधुधाराः प्रेमहृष्टतनयो ववृषुः स्म ॥

श्रीधृत राधाकृष्ण मधि महाप्रेम तुव जोइ । राधकृष्ण फुरै तुमैं देख्यो जोई सोइ ॥
राय कहै प्रभु तजौ तुम टारी टोरी याहि । मम आगे निज रूप की करौ न चोरी आहि ॥
श्री राधा कौ भाव द्युति करि कैं अंगीकार । निज रस के आस्वाद हित कीनी है अवतार ॥
निज निगूढ़ है कार्य तुव प्रेमास्वादन जोय । अनुसंगिक सब प्रेम मय कीनी त्रिभुवन सोय ॥
प्रभु आपुन आवे जु तुम मम करिवे उदार । करौ कपट अब कीन यह है तुम्हरी व्यहार ॥
मिर्द दिवापी तबहि प्रभु हमि अपनी जु स्वरूप । महाभाव रसराज विवि मिलि कैं एकहि रूप ॥

मधे सु आनंद मूरखित लखि रामानंद जोय । सकैं न भरि वै देह की करे भूमि मधि सोय ॥
प्रभु तिनकौं करसौं परसि कीनीं चेतन आहि । तव संन्यासी वेप लखि विस्मित भौ मन ताहि ॥
आस्वासन प्रभु जू कियो करि आलिंगन ताहि । तुम विन कोऊ जन नही देखै रूपहि याहि ॥
लीला रस कौ तत्व मम तुव गोचर सब जोय । याही ते यह रूप हम तुम्हें दिखायौ सोय ॥
राधा अंगस्पर्श मम गौर देह नहि जोय । तेऊ ब्रज नृप सुत विना नहि देखैं जन कोय ॥
भावित करि तिहि भाव कौं हौं आत्मा मन जोय । करौ कृष्ण माधुर्परस तव आस्वादन सोय ॥
तुम सौं नहि कछु ही दुरयो है जु हमारी कर्म । कियो गोप्य हैं प्रेम बल जानत तुव सब मर्म ॥
यहै राखियो गुप्त करि कीजौ कहै न प्रकास । हम वीरनि की किया कौं करें लोक उपहास ॥
हम इक वीरा और तुम दूजौ वीरा जोय । याही ते सम तुलता है हम सौं तुव सोय ॥
इही भांति रजनी जु दस श्री रामानंद संग । सुख सौं करी वितीति प्रभु कृष्ण कथा के रंग ॥
अति निगूढ़ ब्रज कौ जु रस लीला कौ जु विचार । किय अनेक ते कौं तऊ पायौ नही जु पार ॥
तांम्र कांस्य रु रजत रतन चितामणि सुख दानि । कोऊ जन जैसैं कहै गही लहै इक खानि ॥
क्रम करि खोदत ज्यौं लहै उत्तम वस्तु हि जोय । तैसैं प्रश्नोत्तर कियो प्रभु रामानंद सोय ॥
राय पास तैं और दिन विदा जु मागी आहि । विदा सम प्रभु जू यहै आज्ञा दीनी ताहि ॥
विषय छाडि कैं तुम चली श्री लीलाचल ताहि । हम तीरथ करिकें तहां वेगहि ऐहैं आहि ॥
दोऊ जन लीलाचलहि रहि हैं एक हि संग । सुख सौं समैं विताय हैं कृष्ण कथा के रंग ॥
एतक कहि रामानंदहि करि आलिंगन आहि । कियो गमन प्रभु जू तव घर पठाय कैं ताहि ॥
प्रात समैं उठि कैं जु प्रभु लखि कैं श्री हनुमान । नमस्कार करि कैं तिन्हें दक्षिण कियो प्रयाण ॥
नाना मत जन जन बसैं विद्यापुर मधि जोय । प्रभु दरसन भौ वैष्णवनि निज निज मत जिहि सोय ॥
विहवल भौ प्रभु के विरह श्री रामानंद जोय । रहे जु प्रभु के ध्यान मधि सकल विषय तजि सोय ॥
मिलनजु रामानंदकौ कही कछु करि सार । सहस वदन कहि सके नहि करिकें तिहि विस्तार ॥
चरित महाप्रभु सहजहि धन पय पूर सु आहि । भाग्यवान सोई करे जो आस्वादन ताहि ॥
श्रवण द्वार हैं पिये जो एक बार जिहि आहि । श्रवणजु ताके लोभ करि छाडिसकैं नहि ताहि ॥
सब तत्त्वनि कौ ज्ञान सो याके सुने जु होय । चरण कमल मधि जुगलकें प्रेम भक्ति तिहि होय ॥
गूढ़ तत्व चैतन्य कौ यातैं जानै जोय । करि विश्वास सुनौ करे नही तर्क हिय होय ॥
लीला परम निगूढ़ यह है जु अलौकिक सोय । यह विश्वास हि पाइयै दूर तर्क करि जोय ॥
नित्यानंद चैतन्य जू श्री अद्वैत जु आहि । जाकौ ए सर्वस्व है इह धन मिलै जु ताहि ॥
श्री रामानंद राय कौं कोटि प्रणति मम आहि । रस कौ किय विस्तार प्रभु वदन कमल करि ताहि ॥
दामोदर जु स्वरूप के पवन के अनुसार । लीला रामानंद मिलन ताकौ कियो प्रचार ॥

श्री जु रूप रघुनाथ के चरणन की जिहि आस । चरितामृत चैतन्य कौ कई कृष्ण कौ दास ॥
रूप सनातन जगत हित सुबल स्वाम पद आस । प्रभु चरितामृत सो लिखै ब्रज भाषादि प्रकास ॥
इति श्री चैतन्यचरितामृते माधवखण्डे ब्रजभाषायां श्रीरामानन्द संगमो नामोऽष्टमोऽध्यायः ॥

नवम परिच्छेदः

नानामतपहस्रतान् दक्षिणधायजनद्विपान् । कृपारिणा विमुच्येतान् गौरश्चक्रे सर्वेष्णवान् ॥

जय जय जय श्री गौर विभु जय श्री नित्यानन्द । जय अद्वैत द्विमांसु जय प्रभु भक्तनि के वृन्द ॥
श्री प्रभु कौ दक्षिण गमन अति सु विलक्षण सोय । सहस्र सहस्र तीर्थ कौ की जे दरसन जोय ॥
जे ई सब तीर्थ परसि महातीर्थ किय सोय । तिहि छल करि तिहि देस के जन निस्तारे जोय ॥
तिन सब तीर्थकौ जु क्रम कहत सकौहीं नाहि । दक्षिण दिस तीर्थनि तिहि गमन गतागत माहि ॥
नाम मात्र याही जु तें करिये लिखन सु आहि । करिये नाहि समर्थ हो यथा अनुक्रम ताहि ॥
पर्व रीति पथ चलत जे पावै दरसन ताहि । जाही ग्राम रहै प्रभु वही ग्राम जन आहि ॥
बासी दक्षिण देस के लोक अनेक प्रकार । कभी कोउ ज्ञानी दृढ़ पाखंडी जु अपार ॥
प्रभु के दरस प्रभाव करि तेई सब जन आहि । निज निज मत कौ छाड़ि कें भये जु वैष्णव ताहि ॥
वैष्णव मधि रघुनाथ के सर्वे उपासक जोइ । श्री वैष्णव कोऊ कहै तत्त्व हि वादी कोइ ॥
श्री प्रभु दरस प्रताप ते भक्त सर्वे अभिराम । भये उपासक कृष्ण के लेत कृष्ण कौ नाम ॥

राम राधव राम राधव राम राधव पाहि माम् । कृष्ण केशव कृष्ण केशव कृष्ण केशव रत्न माम् ॥२॥
इही पद्व कौ पदत पथ किय पयान प्रभु जोय । जाय जु गंगा गौतमी स्नान करयौ प्रभु सोय ॥
मल्लिकार्जुन तीर्थ में देखे जाय महेस । नाम लिवायौ कृष्ण कौ तहां जु लोक असेस ॥
दास राम त्रिपुरारि के करिके दरसन ताहि । अहोबल नरसिंह कौ कीर्ती गमन जु आहि ॥
ललि के श्री नरसिंहकौ नुति स्तुति करीजु ताहि । गये सिद्ध बटकौ तहां श्री सीतापति आहि ॥
लखिके श्री रघुनाथकौ करी प्रणति स्तुति ताहि । तहां एक द्विज ने कियौ प्रभुकौ न्यौती आहि ॥
सोई विप्र निरंतर हि लेत राम कौ नाम । बानी अन्य कई न विन राम नाम अभिराम ॥
सोई दिन तिहि घर रहे भिखा करि कें आहि । गौर हरि आगे सु चले करि कें कृपा जु ताहि ॥
स्कन्दचंद्र तीर्थ तही स्कन्द दरस किय सोय । त्रिमठ तीर्थ मधि जायके लखै त्रिविक्रम जोय ॥
आये फेरि जु सिद्ध बट तिही विप्र के गेह । सोई विप्र सु कृष्ण कौ नाम हि लेत अछेह ॥
भिखा करिके महाप्रभु कीर्ती प्रण जु ताहि । कही विप्र इह तुव दसा भई कहा पुनि आहि ॥
प्रथम निरंतर कहत रे राम नाम तुम वाम । अब काहे तें लेत ही सदा कृष्ण कौ नाम ॥

विप्र कहै हेगी यही तुम दरसन हि प्रभाव । तुमहि देखि मेरी गयी सब आनन्द स्वभाव ॥
बान्ध्यावधि मेरे ग्रहण रघुवर नाम अपार । कृष्ण नाम तुम कौ लखै आयौ एकदि शार ॥
तब ही ते या जीभ मधि बस्यौ कृष्ण कौ नाम । स्फुरत कृष्ण कौ नाम है दुरि गौ नाम सुगम ॥
बान्धव समय ही ते जु मम है स्वभाव इक सोई । नामहि महिमा शास्त्र कौ करिये सर्वे जोई ॥
तथाहि पद्मपुराणे—

रमन्ते योगिनोऽनन्ते सत्त्वानन्दे चिदानमनि । इति रामपेदनाम्नी परं ब्रह्माभिधीयते ॥

परब्रह्म ही है जु ये दोऊ नाम समान । और शास्त्र मधि फेरि कह्यु लखौ विशेष प्रमान ॥
महाभारते—

कृपि भूवाचकः शब्दो एव निवृत्तिवाचकः । तयोरेक्यं परं ब्रह्म कृष्ण इत्याभिधीयते ॥

कृष्ण नाम महिमा अतुल यही वाक्य करि आहि । तऊ जु लेय सकौ नहीं सुनौ हेतु अवताहि ॥
इष्ट देव श्री राम जू सुख पायौ तिहि नाम । सुख लहि सोई नाम निसि दिन गायौ अभिराम ॥
स्वयं कृष्ण सोई जु तुम यहै कियौ निरधार । यह कहि विप्र पर्यौ तहां प्रभु के पद सुख सार ॥
चले महा प्रभु और दिन करिके कृपा जु ताहि । वृद्ध सुकामी आयके किय शिव दरसन आहि ॥
चले महाप्रभु तहां ते गये अग्र इक ग्राम । विप्र समाज हि आय प्रभु तहां करयौ विश्राम ॥
प्रभु प्रभाव करि लोक सब आये दरसन ताहि । लचावुंद गणना नहीं आवै लोक जु आहि ॥
श्री प्रभु कौ सौन्दर्य लखि अरु तिहि प्रेमावेश । कृष्ण कृष्ण सबही कहै भौ वैष्णव सब देस ॥
ताकिंक भीमांसक जु गण मायावादी जोय । स्मृति पुराण पातंजलहि संख्यागामो जु सोय ॥
निज निज सास्त्रहि मत सबनि किय उद्ग्राह प्रचंड । सबही मतकौ दूषि प्रभु करै खंड ही खंड ॥
प्रभु वैष्णव सिद्धान्त कौ सब ठां थाप्यौ सोई । श्री प्रभु के सिद्धान्त कौ सकै खंडन हि कोई ॥
हारि हारि सब हि करयौ प्रभु के मतहि प्रवेश । श्रीप्रभु ने इहि भांति सौं किय वैष्णव सब देस ॥
धाये सुनि पांडित्य प्रभु पाखंडी गण सोय । आये करि कें गर्व लै संग सिष्य गण जोय ॥
पंडित बौधायन अति निज नव मत में जोय । प्रभु आगे उद्ग्राह करि लाग्यौ बोलन सोय ॥
अंस भाष्य बौध सु जदपि दरस अयुक्त जु ताहि । तऊ जु बोले आप प्रभु गर्व खंडिये आहि ॥
बौध शास्त्र नव मत जिते सब ही तर्क प्रधान । प्रभु ने खंडे तर्क करि सकै न थापि निदान ॥
बौद्धाचार्य नये जु मत सर्व उठाये आहि । तर्क मध्य रट युक्त प्रभु खंड खंड किय ताहि ॥
पंडित सब ही दार्शनिक लखौ पराजय सोय । लोक हसत सब बौद्ध कें भई लाज भय जोय ॥
प्रभु कौ वैष्णव जानिके गयो बौध घर जोय । सद बौद्धनि मिलि कें तबै कियौ कुमंत्र जु सोय ॥
महा असुन जो अन्न इकथार माहि करि आहि । प्रभु आगे आन्यौलु कहि विष्णु प्रसाद हि ताहि ॥
महाकाल पची जु इक आयौ तिहि सुकाल । चोंच बीच करि लै गयो सहित अन्न सो थाल ॥

बौद्ध वृन्द ऊपर पर्यौ अन्न अमेध्य जु होइ । सिर पर बौद्धाचार्य के पर्यौ धार वज्र सोइ ॥
 तिरछी पर्यौ सु धार वह कटि गौ माथौ ताहि । भूमि पर्यौ है मूरछित बौद्धाचारज आहि ॥
 रोवत हा हा कार करि गवै सिष्यगन ताहि । श्री प्रभु पद की शरण लिय सवनि आयकें जाहि ॥
 ईश्वर तुम साक्षात् हो चमा करौ अपराध । गुरु जीवै हम सवनि को करौ प्रसाद आगाध ॥
 कहै जु प्रभु सब ही कहौ कृष्ण कृष्ण हरिनाम । गुरु के कान पुकारि कैं कहौ कृष्ण श्री राम ॥
 तब तुम सब की गुरु यही है चेतन सोय । सबै बौद्ध मिलि कैं करै कृष्ण कीरतन जोय ॥
 गुरु के कान कहै कहौ कृष्ण हरी श्री राम । आचारज चेतन लखौ उद्यौ बोहि हरिनाम ॥
 आचारज मिनती करै प्रभुहि कृष्ण कहि जोय । सकल लोक के देखतें भयौ जु विस्मित सोय ॥
 करि कौतुक इहि भांति सौ सची सुनु जु आहि । अंतर्धान कर्यौ किहू लखौ न दरसन ताहि ॥
 तब विमल विपदी प्रभु चलिकें आये सोय । विष्णु चतुर्भुज जू लखे बिकटाद्रि में जोय ॥
 श्री विपदी मधि आय कैं किय दरसन श्री राम । आगे श्री रघुनाथकें किय स्तुति और प्रणाम ॥
 करिकें विस्मित लोक सब निज प्रभाव अभिराम । प्रभु पाना नरसिंह तब आये करुणा धाम ॥
 किय नति नुति नरसिंह की प्रेम विवसहै सोय । प्रभु प्रभाव करि लोककौ चमत्कार भो जोय ॥
 शिवकांचीमे आय किय शिवहि वंदना आहि । निज प्रभाव वैष्णव करै सबै सबै गण ताहि ॥
 लक्ष्मी नारायण लखे विष्णुसु कांची आय । श्री प्रभु करिकें प्रणति कीनी स्तुति बहु भाय ॥
 प्रेम विवसहै प्रभु कर्यौ नृत्य गीत बहु सोय । दिनद्वै ही रहि वैष्णवनि कृष्ण भक्त किय जोय ॥
 गौ त्रिकाल इस्ती तलहि तृणामल कौ देखि । महादेव जू कौ निरखि करी प्रणाम विशेषि ॥
 पर्वी तीरथ जाय किय शिव के दरसन जोय । वृद्ध काली तीरथ हि तब किय गमन जु सोय ॥
 लखि कैं स्वेत वराह कौ नमस्कार किय ताहि । शिवस्थान श्वेतांबर हि गए गौर हरि आहि ॥
 मेश देखि शिवालई कीनी दरसन ताहि । आये कावेरी तटहि सची सुनु जु आहि ॥
 आये वेदारण तहां गो समाज शिव देखि । महादेव जू कौ लखि तिन किय प्रणति विशेषि ॥
 अमृत लिंग शिव आय कैं करी वन्दना ताहि । सर्व शिवालय शैवगण वैष्णव कीने आहि ॥
 देवस्थान जु आयकें विष्णु दरस किय जोइ । श्री वैष्णव गण सह तहीं गोष्ठी अनुछिन जोइ ॥
 कुंभ करन की खोपरी लक्ष्मी सरोवर सोइ । शिव के केव हि आय प्रभु निरखे शिव जू जोइ ॥
 पाषाणि नासक विष्णु के कीने दरसन जोइ । श्री रंग चेत्रहि तब प्रभु कियौ आगमन जोइ ॥
 कावेरी में न्हाय करि रंगनाथ कौ देखि । मान्यौ आप कृतार्थ प्रभु नुति नति करी विशेषि ॥
 वैष्णव भट्ट जु नाम है श्री वैष्णव इक जान । तिन प्रभु कौ न्याता कियौ करि कैं बहु सनमान ॥
 मित्रा निर्यै कराय कह्यु कियौ निवेदन चाय । प्रभु अब चातुर्मास यह पदुच्यौ निकटसु आय ॥
 चातुर्मास खी जु मम गेह कृपा विस्तार । कृष्ण कथा कहि करि कृपा करी मोहि निस्तार ॥

कृष्ण कथा रस करि प्रभु जु रहे गेहमें ताहि । चारि मास प्रभु भट्ट संग मुखसौ वितये आहि ॥
 श्री रंग के दरसन करै कावेरी में न्हाय । प्रति दिन प्रेमावेश सौ करै नृत्य बहु भाय ॥
 प्रेमावेश स्वरूप ता लखि कैं सिंगरे लोक । आवै देखन काज जी नास तिहि दुख लोक ॥
 आवै नाना देस तें लाख लाख नर जोइ । कृष्ण नाम सब ही कहै श्री प्रभु कौ लखि सोइ ॥
 कृष्ण नाम विन और कछु बोलत नाही कोइ । कृष्ण भक्त सब ही भये लोक चमत्कृत सोइ ॥
 जितेक श्री रंग चेत्र मधि वसै विप्रगण आहि । एक एक दिन सवन ही कियौ निमंत्रण ताहि ॥
 एक एक दिन करि भयौ पूजन चातुर्मास । केतिक विप्रनि नहि लखौ भिखा की दिन तास ॥
 रहे एक तिहि चेत्र में वैष्णव ब्राह्मण सोइ । देवालय के मधि करै गीता पाठहि जोइ ॥
 अष्टादस अध्याय कौ पढ़ै हरे आवेस । लोक करै परिहास कौ पढ़ै असुद्ध विसेस ॥
 कोऊ हँसि निन्दा करै तिन हि न मानै सोय । तन्मय है गीता पढ़ै आनन्दित मन जोय ॥
 स्वेद कंप पुलकाश्रु तनु जब लगि पठन जु आहि । भयौ महाप्रभु कौ हियौ आनंदित लखि ताहि ॥
 कहौ महासय विप्र जु श्री प्रभु पूछ्यौ ताहि । कौन अर्थ कौ जानि तुव सुख इतनी है आहि ॥
 विप्र कहै मूरख जु मैं सब्द अर्थ नहि ज्ञान । सुद्वासुद्द पढ़ौ तिहि गुरु की आज्ञा मानि ॥
 अर्जुन के रथ के भये कृष्ण सारथी सोय । बैठे सुन्दर स्याम जू कर गहि तोत्रहि जोइ ॥
 करि वो कौ श्री कृष्ण जू अर्जुन हित उपदेस । तितिनही कौ लखि होत है मम आनन्द विशेष ॥
 जब लगि पढ़ौ जु तब लगहि पाँऊ दरसन ताहि । याही तें तिहि पाठ कौ तजै न मम मन आहि ॥
 कहै जु प्रभु तिहि पठन में तुम्हारी ई अधिकार । तुम ही जान्यौ है यही गीता अरथ सुमार ॥
 एतिक कहि तिहि विप्र कौ किय आलिंगन सोय । प्रभु के पद धरि सीस मधि विप्र करी स्तुति जोय ॥
 तुम्है देखि दुगुणित भयौ तिनहं ते सुख सोइ । तुम प्रभु सोई कृष्ण यौ मम हिय भासै जोइ ॥
 तिहि हिय कृष्ण स्फुटि करि निरमल भयौ जु आहि । याही तें प्रभु तरव सब जान्यौ द्विजवर ताहि ॥
 तबहि महाप्रभु प्रीत सौ कीनी वरजन ताहि । यही बात नाहिन करौ कहं प्रकास जू आहि ॥
 महाभक्त प्रभु कौ भयौ सोई विप्र जु आहि । चारि मास छाड्यौ नही प्रभु कौ संगनिवाहि ॥
 इही भांति तिहि भट्ट गृह रहे गौर सुख कंद । होत निरंतर भट्ट संग कृष्ण कथा आनन्द ॥
 लक्ष्मी नारायण भजे श्री वैष्णव भट्ट आहि । प्रभु मन तुष्ट भयौ जु लखि भक्ति निष्ठासु ताहि ॥
 सदा निरंतर संग तिहि भयौ सरूप रस भाव । करै हास्य परिहास्य कौ दोऊ सख्य सुभाव ॥
 कहै महाप्रभु भट्ट तुम श्री ठकुरानी सोइ । प्रिय के निति वसन्धिती सती सिरोमनि जोइ ॥
 मम प्रभु कृष्ण सु गोप है गाय चरावन हार । साध्वी है चाहै जु क्यौ तिहि संगम सुख सार ॥
 इही हेतु सुख भोग तजि बहुत काल निरधार । लक्ष्मी जू व्रत नेम धरि कीनी तप सु अपार ॥

श्री भागवते—करुणानुभावोऽयं न देव विदुमहे तवाग्निरेणु स्पर्शाधिकारः ।

वदन्त्येवा भीर्ललना चरन्त्यो विहाय कामान् सुचिरं चतव्रता ॥

भट कई नारायण न कृष्ण नु एक स्वरूप । लीला श्री वैदम्ब धुनि अधिक कृष्ण में रूप ॥
तिहि वरमें नहि जान ई पति प्रल की धर्म । कीतुक करि लक्ष्मी पई कृष्ण संग की मर्म ॥

तथाहि बकिरमाधुनसिन्धौ

सिद्धान्तसम्बन्धेऽपि श्रीकृष्ण स्वरूपोः । रमेनोकृष्णते कृष्ण रूप मेवा रसस्थितिः ॥

कृष्ण संग करि पतिव्रता धर्म नाग नहि होइ । अधिक लाम धुनि पादपै रास विलास न सोइ ॥
श्री लक्ष्मी नु विनोदिनी तिहि कृष्णहि अभिलास । राकी दोस कदा प्रभु करी कथी नु परिहास ॥
कई नु प्रभु तिहि दोस नहि पर हम जानें जोइ । लक्ष्मी पायी रास नहि सास्र सुनी यो सोइ ॥

श्री माधवे—नार्य भिषोऽग नितान्तरतेः प्रसादः स्वयंपितां नतिनगन्धरवां कुनोज्जयाः ।

रामोन्मत्तस्य मुञ्जदगदगृहीतकण्ठ कृष्ण रिषां न उद्गात्रजमुन्दरीणाम् ॥

क्यों लक्ष्मी रास न लयी को ईहि कारण आदि । तप करि कैसे कृष्ण की पायी धुनिगम ताहि ॥

तथाहि श्री मद्भागवते—

निभूतमरुन्मनोवदयोगदुजो हृदि यन्मुनय उग्रामते तदरजोऽपि ययुः स्मरणात् ॥

निव वरमेन्द्रभोज मुञ्जदगद विपक्षिषो ययमपि ते समाः समदगोऽपि सरोवमुषाः ॥

धुनि पायी लक्ष्मी नही पां कारण कदि कोइ । भट्ट कई पां मम दियी पैटि सके नहि सोइ ॥
सुद पदि हम जीव ई सहज हि आदि अधीर । ईश्वर की लीला अपार कोटि समुद्र गंभीर ॥
साचात न कृष्ण तुम जानत ही नित कर्म । जाहि जनावी सो लयै तुव लीला की मर्म ॥
अद्वैत कृष्ण मुनाव इक कई नु प्रभु नु सोय । कई सदा माधुर्य करि सर्व आकर्षण जोय ॥
ब्रज लोछनि के भाव करि पै ई चरण नु ताहि । निन कौ ईश्वर करि नही जानें ब्रज जनआहि ॥
कोउ तिहि सुत ज्ञान करि कई उल्लस बंध । कोउ सत्ता नु ज्ञान करि जीति चई तिहि कंध ॥
श्री ब्रजेंद्र नंदन नु करि जानें ब्रज जन ताहि । मनन इही मंत्रबंध की ईम ज्ञान करि आहि ॥
कई भजन ब्रज लोह के भावहि करिके जोइ । सोई ब्रज में पाई ई सुद नंद सुत सोइ ॥

तथाहि लक्ष्मी—

नार्य सुखाय भगवान् देहिनां गोपिकासुतः । ज्ञानिनां पादभूतानां यथा बकिमतामिह ॥

धुनि सखी गोपीन के अनुगत निहचै होय । श्री ब्रज रागी सुत मजै लै तिहि भावहि सोय ॥
अहंतिर सवि गोपिका देह लड़ी ब्रज सोय । कृष्ण संग तिहि देह किय रास क्रीड़ा सु जोय ॥
सोत जात श्री कृष्ण नु गोपी प्रेम्सी ताहि । देवी अथवा थीर त्रिय कृष्ण न चाई आदि ॥
निही देह लक्ष्मी कई कृष्ण संगमहि सोइ । गोपीरामादुल नु र्द कियो भजन नहि जोइ ॥
कृष्ण देह करि ली कई पै पै रास विलास । जाने नार्य पद्वय यह कथी नु वेद व्यास ॥
मन में रहिले मट्ट के हुतो एक अभिमान । जानें श्री नारायणहि ई नु स्वयं भगवान् ॥

सर्वोपर कथा नु ई करिये भजन नु ताहि । श्री वैष्णव की भजन यह ई सर्वोपरि आदि ॥
पही मजै ताकी नु प्रभु करिये मंडन सोइ । परिहास द्वारा इतिक वचन उग्रये जोइ ॥
कई नु प्रभु नु मट्ट तुम करी न संसय सोइ । कृष्ण स्वयं भगवान की पही स्वभाव नु जीव ॥
ई विलास श्री कृष्ण की श्री नारायण सोइ । पाही नें लक्ष्मी प्रभुति सनहि हरे ते जोइ ॥
तथाहि लक्ष्मी—

एते पांगकथाः पुंसः कृष्णस्तु भगवान् स्वयं । इन्द्रारिख्याकुलं लोचं मुञ्जदगदं कुगे कुगे ॥

कृष्ण असाधारण गुण नु नारायण ह नें नु । जानें श्री के कृष्ण मवि दृष्ट्या अनुकूल में नु ॥
तुम जो पछी नु पय ई सोई परम प्रमान । आवे ताही पद में कृष्ण स्वयं भगवान् ॥

तथाहि बकिरमाधुनसिन्धौ—“सिद्धान्तसम्बन्धेऽपि” इत्यादि

कृष्ण स्वयं भगवत्त्व करि हरे रसा मन जोइ । गोपिनु की मन हरि सके नहि नारायण सोइ ॥
दरसाई गोपी गणहि मृति चतुर्भुज जोइ । गोपीनकी अनुराग नहि तिहि कृष्ण मवि होइ ॥

तथाहि ललित माधव नाटके—गोपीनां परमुन्दनन्दनतुषो भावस्य कस्यां कुनी

विज्ञातुं कस्यते दुरदपदवी सञ्चारिणः प्रक्रियाम् ।

आबिभुर्नति वैष्णवोमपि तनुं समिन्मुनेर्जिह्वामि

बोला इन्त चतुर्भिरदनुतपि रागोदयः कुञ्जति ॥

एनिक कदि प्रभु तिहि गरव कीनों कृष्ण बनाय । कई ताहि सुख देन दित मो सिद्धान्त चिराय ॥
दुख नहि मानी पट्ट नु कीनों हरि परिहास । सुनी शास्त्र सिद्धान्त तिहि वैष्णव की विश्वास ॥
कृष्ण और नारायण नु ज्यों इक ही नु स्वरूप । गोपी लक्ष्मी भेद नहि ई नु एक हि रूप ॥
कृष्ण संग आस्वाद श्री करे गोपिका द्वार । भेद गलत प्रभु तत्व में ई अपराध अपार ॥
इक ईश्वर ही भक्त के प्रधानहि के अनुसूय । इक ही विश्रद नें कई नाना आकृति रूप ॥

तथाहि लघुभाष्यवामनवृत्त नारदसंस्मारावचनं—

मणिर्यथा विनागेन नीत पीठादिभिर्भुतः । रूप भेदमवाप्नोति ध्यानभेदात्तथाप्युतः ॥

भट्ट कई यों हो कहां जीव नु पामर सोइ । कहां नु तुम साचात ही ईश्वर कृष्ण नु जोइ ॥
प्रभुलीला नु अगाध ई कहु नहि जानी सोइ । तुम प्रभु में जोई कही सांची मानी सोइ ॥
मो की पूर्ण कृपा करी श्री नारायण आदि । तुव चरमान पायी दरस कृपा नु करिके ताहि ॥
कही कृपा करि कृष्ण की महिमा मो मो सोइ । तिहि ऐतव्य स्वरूप गुण सीमा लई न कोइ ॥
कृष्ण भक्ति सर्वोपरि नु अब जानी निरवार । किय कुतार्थ मो कौ कथी करिके कृपा अपार ॥
एनिक कदि भट्ट नु परे श्री प्रभु के पद आदि । श्री प्रभु नु करिके कृपा किय आलिंगन ताहि ॥
चातुर्मास्य नु पूर्ण मो भट्ट हि आज्ञा पाय । श्री प्रभु दक्षिण की चले लखिके श्री रंग राय ॥

संग चलती सो भट्ट है मचन जात नहि आहि । प्रभु अनेक करिके जतन दीनी विदा जु ताहि ॥
 प्रभु वियोग में भट्ट भौ तबै अचेतन सोइ । इही रंग लीला करें शची सुनुज सोइ ॥
 चलि आये ऋषमादि कौ गौर हरी जु आहि । नारायण कौ देखि कै तुतिनति करी जु ताहि ॥
 परमानंद पुरी तहां रहे जु चातुर्मास । सुनि के श्री प्रभु जू गये पुरी गुसाईं पास ॥
 पुरी गुसाईं के चरण प्रणत करी प्रभु आहि । पुरी गुसाईं प्रेम सौं किय आलिंगन ताहि ॥
 दिन त्रय दोऊ प्रेम मधि कृष्ण कथा के रंग । तिही विप्र गृह में रहे दोऊ एकै संग ॥
 पुरी कहै जैवी हमें श्री पुरुषोत्तम सोइ । लखि तिहि जैवी गौड़ की न्हेंवी गंगा जोइ ॥
 कहै जु प्रभु तुम आय ही फिरि लीलाचल सोइ । तेतुबंध ही तें जु हम बेगि आइ हैं जोइ ॥
 रहीं तिहारे निकट में यह बांछा है सोइ । श्री लीलाचल आय ही मो पै सदय जु होइ ।
 एतक कहि तिहि पास तें आज्ञा लीनी जोइ । चले जु दक्षिण देश कौ प्रभु जू हरसित होइ ॥
 परमानन्द पुरी तबै चले नीलगिरि धाम । चले चले आये प्रभु श्री शैलहि अभिगम ॥
 तहां रहे द्विज भेष धरि शिव दुर्गा जू सोइ । लखि प्रभु कौ दोऊ न के भौ उल्लास जु जोइ ॥
 तीन दिवस भिचा दई करि जु निमंत्रण ताहि । दुरि बैठे वार्ता गुप्त कहै दोऊ जन आहि ॥
 तिन सौं गोष्ठां इष्ट की करी महाप्रभु सोइ । आज्ञा लै आये जु तिहि काम कोष्य पुरि जोइ ॥
 आये श्री प्रभु जू जहां दक्षिण मथुरा जोइ । तहां देखि बौ भयौ प्रभु एक विप्र संग सोइ ॥
 श्री प्रभु कौ तिहि विप्रनें कियौ निमंत्रण जोय । विप्र विरक्त महाजन जु रामभक्त है सोइ ॥
 कृत माला नदि न्हाय के आये घर मधि ताहि । भिचाकरिहीं कहा द्विज पाक करौ नहि आहि ॥
 कहै महाप्रभु विप्र जू सुनौ महाशय जोय । भी मध्याह्न जु पाक क्यों भयौ नहीं है जोय ॥
 विप्र कहै श्री गौर हरि मम बसिबी बन मांदि । पाक सौंज वन बीच में संप्रति मिलै जु नाहि ॥
 वन्य अन्नफल शाक कहु लै है लचमण जोय । तब करि हैं श्री जानकी पाक प्रयोजन सोय ॥
 श्री प्रभु तुष्ट भये तहां सुनि उपामना ताहि । अस्त व्यस्त तिहि विप्र नें करी रसोई आहि ॥
 दिन के तीजे प्रहर में प्रभु भिचा किय जोय । करें तहां उपवास कौ हूँ उदास द्विज सोइ ॥
 कहै महाप्रभु विप्र क्यों तें जु कर्यौ उपवास । काहे एतक दुखित हूँ तुम दीसत जु उदास ॥
 कहै विप्र नहि काज मम जीवै कौ है सोय । अग्नि अंबु परि बेस करि तजि हौं जीवन जोय ॥
 सीता दहगुणी महालक्ष्मी जग माता हि । रावस ने परम्यो तिहि कान सुनी यह आहि ॥
 रोंहि शरीर के चरण कौ नहि समरथ अकुलाय । यही दुख करि जरति है देह प्राण नहि जाय ॥
 कहै तु प्रभु इहि भावना करि हौ और न वार । पंडित हूँ के करत नहि कहै तु मंचु विचार ॥
 सीता ईश्वर प्रेयसी चिदानंद तनु आहि । प्राकृति इंद्रिय देखि वे समरथ नाही ताहि ॥
 रही कार्य तिहि परम कौ लई न दरसन कोय । माया आकृति सिय हरी दस कंधर नें सोय ॥

रावण आवत जानकी कीनी अंतर्धान । माया सिय पछई तहां रावण अग्र निदान ॥
 अप्राकृत जो वस्तु है प्राकृत गोचर नाहि । यही निरंतर है कही वेद पुराणन मांदि ॥
 करि के तुम विश्वास कौ वचन हमारे माहि । कबहुं फेरि कुभावना मन में करि हौ नाहि ॥
 श्री प्रभु जू के वचन तें कियौ विप्र विश्वास । हूँ प्रसन्न भोजन कर्यौ भौ जीवन की आस ॥
 श्री प्रभु जू ने गमन किय करि आस्वासन ताहि । दुर्वसन आये तहा हूँ के कृतमाला हि ॥
 दरसन कर्यौ रघुनाथ कौ दुर्वसन मधि सोइ । परसराम कौ प्रणत किय गिरि महेन्द्र मधि जोइ ॥
 स्नान धनुष तीरथ कियौ सेतबंध में आय । तहां कियौ विश्राम प्रभु रामेश्वर लखि भाय ॥
 विप्र समाज तहां सुनें श्री कूरम जु पुराण । आयौ ताके मध्य में पतिव्रता आख्यान ॥
 माया सिय रावण लई तहां सुन्यो विरूपान । भयौ महाप्रभु कौ हियौ आनंदित सुनि कान ॥
 पतिव्रतानि सिरोमनी जनक नंदिनी सोइ । गृहिणी श्री रघुनाथ की जग माता सिय जोइ ॥
 रावण लखिके अग्निकी सरण लई सिय सोय । अग्नि कियौ आवरण सिय रावण हीतें जोय ॥
 लै राखी जनकात्मजा गिरिजा के जु निवास । माया सिय दै अग्नि नें करी बंचना तास ॥
 आये श्री रघुनाथ जब रावण मारि जु आहि । दैन परीक्षा अग्नि मधि तब आन्यौ सीताहि ॥
 तब माया सिय अग्नि नें करी जु अंतरध्यान । सत्य सिया दिय आनि के रघुवर के विदिमान ॥
 ए विगरे सिद्धांत सुनि प्रभु आनंद भौ जोइ । विप्र पास तें मांगि के लीनौ पत्र जु सोइ ॥
 नयौ पत्र लिखि पुस्तक हि दै आये प्रभु सोय । पत्र पुरातन आप सिय तिहि प्रतीत हित जोइ ॥
 आये लैके पत्र पुनि दक्षिण मथुरा जोइ । रामदास द्विज कौ दियौ पत्र आनि के सोइ ॥
 तथाहि कूर्मपुराणे—

सीतवाराधितो बन्दिह्ययासीतामजीजनत् । तां जहार दशपीवः सीता बन्दिपुरं गता ॥१६॥

परोक्षा समये बन्दिह्ययासीता विवेश सा । बन्दिः सीतां समानीय तत्पुरस्तादनीनयत् ॥१७॥

पत्र पाय द्विज के हियें भयौ जु परमानन्द । प्रभु चरणनि मधि सीस धरि रोदन करें अमंद ॥
 विप्र कहै साक्षात् तुम श्री रघुनंदन नाम । संन्यासी के बेस मुनि दियौ दरस अभिराम ॥
 महादुख ही तें कर्यौ मेरौ तुम निस्तार । मम घर भिचा आजु प्रभु करौ जु अंगीकार ॥
 मन दुख करि भिचा भलै दीनो नहि दिन सोइ । मम भाग्यनि करि फेरिह पायौ दरसन जोइ ॥
 एतक कहि सुख पूर्व द्विज तुरत पाक किय जोइ । करवाई भिचा प्रभुहि उत्तम रीतिन सोइ ॥
 तिहीं राखि रहि के तहां कीनी कृपा जु ताहि । पांड्य देस आये जु प्रभु ताम्र पर्णी नदि आहि ॥
 स्नान ताम्र पर्णी कियौ ताम्रपर्णी के तीर । नय विपदी लखि के प्रभु जु बोले कौतुक धीर ॥
 तीर्थ चियर ताला लखे राम सुलक्ष्मण सोय । विष्णु कांचि में आय के शिव कौ देख्यौ जोय ॥
 गजमोचन तीरथ लखे विष्णु मूर्ति जू सोय । आय तीर्थ पानागडी लखे सियापति सोय ॥

आये चामड़ातुर मधि लखे जु लक्ष्मण राम । श्री वैकुण्ठहि आय किय विष्णु दरस अभिराम ॥
 मलयाचल मधि बंदना करी अगस्त्य हि सोय । तहां कुमारी कन्य की दरसन कीनी जोय ॥
 धाम आमली तल लखे राम गौर हरि सोय । आये देस मलार मधि जिहि भटमारी होय ॥
 श्रीतमाल कार्तिकहि लखि आये तारा पानि । श्री रघुनाथहि लखि तहां बितई निसि मुखसानि ॥
 श्री गोस्वामी संग मधि कृष्णदास द्विज आहि । भटमारी के संग सी भयी जु दरसन ताहि ॥
 उपजायी हिय लोम तिहि ब्रिय धन की दरसाय । आरज सरल जु विप्र मति कीनी नास बनाय ॥
 आये विप्र जु प्रात उठि भटमारी घर आहि । श्री प्रभु आपुन वेगि ही आये देखन ताहि ॥
 प्रभु जु आय कही सबनि भटमारी गण जोय । तुम जु हमारी विप्र कपीं राखी कारण कोय ॥
 तुम ही संन्यासी लखीं हमहं संन्यासी सोय । हम कीं दुख कपीं देत ही तुम्हरे न्याय न होय ॥
 मुनि के भटमारी सकल उठे शस्त्र लै सोय । आये मारण कीं सकल दौरि चारि दिस जोय ॥
 तिन के शस्त्र जु तिहि अंगनि परे हाथ तें सोय । खंड खंड तेई भये भजे चारि दिस जोय ॥
 हा हा कार उट्यो जु तब भटमारिनि के मोह । कियो गमन प्रभु केत धरि लैद्विज कीं करि नेह ॥
 तिहि दिन चलि आये जु प्रभु तीर पयस्विनि सोय । आदि केशव सु मंदिर हि गये न्हाय प्रभु जोय ॥
 श्री केशव कीं निरखि के प्रेम विवस भी सोय । नति नुति नृत्यजु गीत तब कीनी प्रभुजु जोय ॥
 निरखि प्रेमकीं लोक सब चमत्कार भी सोय । सकल लोक प्रभु कीं कर्यो अति सतकार जु जोय ॥
 श्री प्रभु सी गोष्ठी भयी महामक्त गण संग । ब्रह्म संहिता ध्याय इक लखी तहां रंग ॥
 पुस्तक लखि श्री प्रभु हिये भी आनंद अपार । भयी पुलक कंपाधु श्री स्तंभ स्वेद विकार ॥
 ब्रह्म संहिता सम नहीं सकल सास्त्र मत सार । गोविंद महिम ज्ञान की कारण पर निरधार ॥
 थोरें आंकनि मधि कह्यो ई सिद्धांत अपार । सकल सु वैष्णव शास्त्र मधि येही ई अति सार ॥
 पोखी लई लिखाय के बहु जतननि करि सोय । अनंत पद्मनाभहि प्रभु आये हरषित होइ ॥
 पद्मनाभ की देखि करि श्री प्रभु जू दिन दोय । संकर नारायण लखे आय पयस्विनि सोय ॥
 आचारज संकर परहि सिद्धारी मठ आय । ज्ञान तुंगमद्रा कियो मत्स्य तीर्थ लखि सोय ॥
 आये मध्वाचार्य गृह जहां जु वादी तत्व । उडुपि कृष्ण कीं लखि तहां भये प्रेम उनमत्त ॥
 श्री नरक गोपाल जू कृष्ण परम अभिराम । मध्वाचार्य हि स्वप्न दे आये तिन के धाम ॥
 गोपी चंदन डेल मधि ई नौका में जोय । मध्वाचार्य निकट हरि आये इच्छा कोय ॥
 मध्वाचारज न्याय तिहि कीनी आपन आहि । तत्व हि वादी गण सर्वे अबहं सेवत ताहि ॥
 कृष्ण प्रति लखि मुख महाप्रभुके भयीजु सोइ । प्रेम विवसहं बहुत छिन नृत्य गीत किय जोय ॥
 तत्व वादी गण श्री प्रभु हि मायावादी जान । प्रथम दरस मधि नहि कियो संभाषण सनमान ॥
 थोरें प्रेमापेक्ष लखि चमत्कार भी जोय । कीनी वैष्णव ज्ञान करि बहु सतकार जु सोय ॥
 गौर चंद्र जू जामि के गर्व सबनि के होय । गोष्ठी करिये सबनि संग आरंभ जु तब कीय ॥

तत्व वादिनु आचार्य सीं शास्त्रनि में जु प्रवीन । तिन सो प्रश्न करीनु प्रभु ई करि जैम दीन ॥
 मली मांति जानें न हम साध्य जु साधन भाइ । श्रेष्ठ साध्य साधन जु तुम हमकीं देहु जनाइ ॥
 करि निज धर्म समर्पिये हरि कीं कहें जु सोइ । यही कृष्ण की भक्ति की साधन श्रेष्ठ जु होइ ॥
 गमन होय वैकुण्ठ की मुक्ति पंच विधि पाय । साध्य श्रेष्ठ है गौ यही कहें जु शास्त्र सुनाय ॥
 गौर कहें शास्त्र जु कहें श्रवण कीर्त्तन जोय । हरि रति सेवाफल जु की साधन परम जु सोय ॥
 तथाहि श्री मद्भागवत —

श्रवणं कीर्त्तनं विष्णोः स्मरणं पादसेवनं । अर्चनं वन्दनं दार्यं सक्यमात्मनिवेदनम् ॥

इति पुंसापिता विष्णोर्भक्तिरचेन्नबलतुगा । क्रियेत भगवत्पदा तन्मन्योऽधीतमुत्तमम् ॥

श्रवण कीर्त्तन ही जु ई कृष्ण प्रेम की नींव । पंचम पुरुषार्थ वही पुरुषार्थ की सींव ॥

तथाहि एकादश स्कन्धे—

पंचव्रतः स्वप्रियनामकीर्त्तय जातानुरागो द्रुतचित्त उच्चैः ।

हस्तयो रोदिति रीति मायल्युन्मादयन्त्यति लोकजाह्न ॥

कर्म त्याग निदा जु तिहि कही सास्त्र सब माहि । कबहुं प्रेमा कृष्ण मधि होय कर्म नें नाहि ॥

तथाहि श्री भागवते—

आज्ञापैव गुणान् होषानितिरलोकं

तथाहि भगवद्गीतायां—

सर्वधर्म्मोन्परित्यज्य मामेकमिति श्लोकं ॥

मुक्ति पंच विधि भक्तगण त्याग करै जु निदान । जानें मुक्ति हि तुच्छ करि देखें नरक समान ॥

तथाहि श्रीमद्भागवते एकादश स्कन्धे—

तावत् कर्म्मणि कुर्वीत न भिर्बिर्बोत यावत् । मत्कथाश्रवणरी वा भद्रा यावत् जायते ॥

तथाहि तत्रैव तृतीयस्कन्धे—

सालोक्य सार्द्धं सामीप्य सारूप्यैकत्वमप्युत । दीयमानं न गृह्णन्ति विना मासेवमं जनाः ॥

कर्म मुक्ति द्वै वस्तु ये तर्जें भक्तगण जानि । सोई ई थापे तुमनि साधन साध्य चयानि ॥
 यही सकल वैष्णवन की साधन साध्य न होय । संन्यासी लखि बंजना करी हमारी जोय ॥
 मुनि तत्वाचारज भये अंतर लज्जित आहि । लखिकें अति विस्मित भये प्रभुकी वैष्णवता हि ॥
 तत्वाचारज कहें तुम जु कह्यो सत्य है सोइ । सकल सास्त्र वैष्णवनि के यही मुनिर्च होय ॥
 तऊ जु मध्वाचार्य जू जैस करणी निबंध । सोई सब आचरण है संप्रदाय संबन्ध ॥
 भक्ति हीन विव प्रभु कहें कर्मी जानी दोय । संप्रदाय मधि आय के चिन्ह लखे ई सोय ॥
 सब मधि लखिये एक गुण संप्रदाय तुष जोइ । करी जु विग्रह सत्य करि ईश्वर निरूपे सोइ ॥
 इति विधि तिहि घर रह कर्यो सर्व पूर्ण प्रभु सोइ । आये फाल्गुण तीर्थ तब कृष्ण गौर हरि जोइ ॥
 करि जु विशाला दरस पुनि लखि के तहंभित कूप । तीर्थ पंचाप्सर तब आये प्रभु मुख रूप ॥

लखि आप्या इपायिनी सिवगोकर्ण हि चाहि । सुपारक आये तब जती सिरोमनि आहि ॥
 कोला पुर लक्ष्मी लखी खीर भगवती चाहि । लखि गणेश नांगा लखी चोर भगवती आहि ॥
 पांडुर पुर तिहि ठीर ते आये प्रभु सुख चंद । विठ्ठल ठाकुर देखि कें हिय पायो आनंद ॥
 प्रभु जु प्रेमावेश मधि नृत्य गान बहु कीय । प्रभु प्रेमा लखि लोग सब चमत्कार भौ हीय ॥
 तहां एक द्विज भक्त सो कियो निमंत्रण ताहि । भिचा करि सुभ वात इक पाई तहां जु आहि ॥
 सिष्य जु माधव पुरी कौ श्री रंगपुरी जु नाम । तिही ग्राम मधि विप्र घर करै आय विश्राम ॥
 सुनि कें चले प्रसन्न मन प्रभु दरसन हित ताहि । विप्र मोह बैठे तहां देख्यो तिनकौ आहि ॥
 प्रेम विवस हूँ कें कर्यो तिनकौ दंड प्रणाम । अश्रु पुलक औ कंप भौ अंग स्वेद अभिराम ॥
 लखि विस्मित मन में भये श्री रंग पुरी जु नाम । उठौ उठौ श्रीपाद कहि कहे वचन अभिराम ॥
 तुम श्री पाद धरो जु मम गोस्वामी संबंध । तिन विन और कहूँ नही यही प्रेम कौ गंध ॥
 एतक कहि परि रंभ करि पुरी जु प्रभु हि उठाय । रुदन करै दोऊ तहां कंठहि कंठ लगाय ॥
 छिनक छाडि आवेस कौ दुहुनि धर्य भौ सोय । नातो ईश्वर पुरी कौ प्रभु जु जनायो जोइ ॥
 निसि दिन दोऊ जन कहै कृष्ण कथा चित लाय । पांच सात वासर तहां किय चितीत इहि भाय ॥
 करि कौतुक श्री पुरी तिहि पूछ्यो जन्म स्थान । प्रभु कौतुक करि कें कखौ नवद्वीप अभिधान ॥
 माधवेन्द्र पुरी सँग करि श्री रंग पुरी जु सोइ । ते आये आगे हु ते नदिया नगरी जोइ ॥
 जगन्नाथ मिश्र जु घरहि भीचा कीनी जोइ । केरा की भाजी तहां पाई अद्भुत सोइ ॥
 जगन्नाथ की ब्राह्मणी पतिव्रता अति जोइ । वात्सल्य करि कें जू हैं जगमाता जिमि सोइ ॥
 तिहि सम निपुन जु पाकमधि नहि त्रिभुवनमें कोइ । दै भिचा श्रीपाद कौ सुत सम हितकरि जोइ ॥
 तिनके इक सुत जोग्य बहु किय संन्यास जु आहि । नाम संकरारण्य तिहि अलप बैस हौ ताहि ॥
 सिद्धि प्राप्ति तिनकौ भई इंद्री तीर्थ मधि आहि । पूर्व वृत्त श्री रंग पुरी एतक कखौ जु ताहि ॥
 गौर कहै पूर्वाश्रम ही ते हमरे हे भ्रात । जगन्नाथ मिश्र जु हु ते मम पूर्वाश्रम तात ॥
 करी इष्ट गोष्ठी दुहुनिजन मिलि कें इहि भाय । श्री रंगपुरी जु द्वारका चले देखिवे चाय ॥
 राख्यो प्रभुकौ चारि दिन तहां विप्र तिहि जोय । भीमरथी मधि न्हाय किय विठ्ठल दरसन सोय ॥
 तब जु कृष्ण बेनातट हि आये प्रभु रस रूप । नाना तीरथ लखि तहां मंदिर देव अनूप ॥
 सदा वैष्णवाचरण ई सकल सु द्विजन समाज । पढ़ै कृष्ण करणामृतहि वैष्णव सब सुख साज ॥
 करणामृत सुनि गौरकें हिय सरस्यो आनंद । लिय लिखाय आग्रह जु करि पुस्तक सो सुखकंद ॥
 करणामृत सम वस्तु नहि तीन भुवन मधि आन । यही ते ई कृष्ण कौ सुद प्रेम कौ ज्ञान ॥
 हरि लीला माधुर्य औ सुंदरतावधि आहि । करणामृत निरवधि पढ़ै सो जानैगी ताहि ॥
 करणामृत ब्रह्मसंहिता पोथी पाई दोय । दोऊ महा जु रत्न सम लै आये संग सोय ॥
 आये पुरि माहिम्नतो तापी न्हाय जु सोय । नाना तीर्थ लखे तहां तीर नर्मदा जोय ॥

न्हाय निविध्या नदी मधि मनु तीरथ कौ देखि । आये दंडक वन तब ऋष्य मूक गिरि देखि ॥
 सप्तलाल इक वृक्ष है कानन भीतर सोय । महावृक्ष अति स्थूल है बहुत उंचतरु जोय ॥
 सप्तलाल लखि कें प्रभु जु किय आलिंगन ताहि । सप्तताल ससरीर भी अंतरध्यान जु आहि ॥
 अन्य स्थल लखि लोक कें अचिरज भयो अपार । लोक कहै श्री पाद ये रघुवर के अवतार ॥
 गयो ताल तनु सहित सौ श्री वैकुण्ठ जु धाम । काहि होय ऐसी सकति विना एक श्रीराम ॥
 न्हाये पंपासरवरहि आय गौर अभिराम । पंचवटी मधि आयकें कर्यो तहां विश्राम ॥
 नासिक बंबक लखि गये ब्रह्मगिरि जु अभिराम । कुशावर्त आये तहां भव गोदावरि नाम ॥
 निरखे तम गोदावरी तीरथ बहुतर जोइ । प्रभु जू आये फेरि हूँ विद्यानगर सु सोइ ॥
 श्री प्रभु कौ आगमन सुनि श्री रामानंद राय । प्रभु कौ मिलन कर्यो तिनहौ आनंदित हूँ आय ॥
 पर्यो दंड ज्यों राय जू चरण कमल धरि आहि । प्रभु जू नें जु उठाय कें किय आलिंगन ताहि ॥
 तहां जु प्रेमावेश मधि रुदन करत जन दोय । प्रेमानन्द भये सिथल विव जन के मन सोय ॥
 दोऊ जन केतिक छिनहि मन में सुस्थिर होय । विविध इष्ट गोष्ठी करी बैठि एक ठां सोय ॥
 तीरथ जात्रा की कथा प्रभु सब कही जु सोइ । करणामृत ब्रह्मसंहिता पोथी दीनी दोइ ॥
 पुस्तक लखि आनंद भौ श्री रामानंद राय । प्रभु सँग आस्वादन कियो राखी ते जु लिखाय ॥
 आये प्रभु जू ग्राम मधि भौ कोलाहल सोइ । प्रभु दरसन हित लोक ते सब ही आये जोइ ॥
 लोकहि लखि रामानंद जु गौ निज घर मधि जोय । उठे गौर मध्यान्ह में भिचा करिवे जोय ॥
 फेरि राय जू निसि सम आगम कीनी सोय । कृष्ण कथा करि जागरण करै तहां जन दोय ॥
 दोऊ जन कें राति दिन कृष्ण कथा ही होय । परमानंद करि कें गये पांच सात दिन सोय ॥
 रामानन्द कहै प्रभु तुमरी आज्ञा पाय । नृप कौ हम जु लिखी हुती करि विनती चित चाय ॥
 जैवें लीलाचल हमें दिय निदेश नृप ताहि । चलिवे कौ उद्यम जु हम करिवे लागे आहि ॥
 कहै जु प्रभु ह्यां आगमन हमरो यही निमित्त । लै तुम कौ लीला चलहि करि हें गमन सुचित ॥
 राय कहै आगे प्रभु जु चलौ नीलगिरि सोइ । मेरे संग हाथी तुरंग सैन्य कुलाहल जोइ ॥
 दिन दस इन सब के जु करि समाधान सनमान । तुम पाछे पाछे जु हम करि हें बेगि पयान ॥
 तब प्रभु जू नें आय वैं तिहि आज्ञा दिय सोइ । श्री लीलाचल कौ चले परमानंदित होइ ॥
 जिहीं गैल हूँ पूर्व प्रभु कियो आगमन सोइ । चले तिही पथ में लखे सब वैष्णव जन जोइ ॥
 जहां जाय जन करि उठै कृष्ण कृष्ण धुनि वाम । लखि कें बहु आनंद लखी गौर हरी अभिराम ॥
 नाथ अलालहि आय कें पठ्यो कृष्ण जु दास । नित्यानंदहि आदि निज गण बुलवाये पास ॥
 श्री प्रभु कौ आगमन सुनि श्री नित्यानंद राय । उठि कें चले उछाह सौ आनंद अंग न माय ॥
 जगदानंद दामोदर पंडित श्री जु मुकुंद । नाचत चले जु भाय सौ मार्त न अंग आनंद ॥
 गोपीनाथाचार्य जू चले जु हरसित होय । सब ही श्री प्रभु कौ मिले भग में आये जोय ॥

भट्टाचार्य जू चले मन में करि आनंद । उदधि तीर में आयकें मिले प्रभु सुख कंद ॥
 सार्वभौम प्रभु के चरण पों प्रीत सौं आय । प्रभु ने आलिंगन कियौ तबै उठाय जु ताप ॥
 प्रेमावेश करै रुदन सार्वभौम जू सोय । प्रभु ईश्वर के दरस दिन सब संग आयें जोय ॥
 जगन्नाथ की लखि प्रभुहि भयो जु प्रेमावेश । कंप स्वेद पुलकाश्रु में मग्न सरीर असेस ॥
 गीत नृत्य तब तें कियौ प्रेमाविष्ट जु होय । सब आयें पसुपाल हैं लै प्रसाद सूक सोय ॥
 सूक प्रसाद लखि के भये सुस्थिर प्रभु रस कंद । जगन्नाथ सेवक सकल मिले जू करि आनंद ॥
 काशी मिश्र जु आयकें परे गौर पद आहि । श्री प्रभु जू ने मान्य करि किय आलिंगन ताहि ॥
 पूजक श्री जगन्नाथ की प्रभु कीं मिल्यौ आय । सार्वभौम निज घर गये श्री प्रभु कीं जु लिवाय ॥
 भरे घर भित्ता कहीं कियौ निर्मंगल जोय । दिव्य दिव्य परसाद बहु न्याये तब ही सोय ॥
 करि मध्यान्ह शची तनय लै करि निज गन जोय । भित्ता करी जु बैठि करि सार्वभौम गृह सोय ॥
 भित्ता तिनहि कराय पुनि सयन करायौ ताहि । सार्वभौम अपने करनि पायनि दावत आहि ॥
 प्रभु जू तिहि पठ्यौ तबै भोजन करिवे आहि । तिही राति ताके घरहि रहे प्रीत करि ताहि ॥
 सार्वभौम की संग लै श्री निज गण कीं जोय । तीरथ जात्रा कथा कहि किय जागरण जु सोय ॥
 इतने तीरथ प्रभु कहे किय पर्यटन जु सोय । तुम सम वैष्णव नहि लखे कहूं एक जन जोय ॥
 इक रामानंद राय जू बहुत दियौ सुख आहि । भट्ट कहै याही लिये कथौ मिलन हित ताहि ॥
 तीरथ जात्रा कथा इह पूर्ण भई इहि भाय । कही कछू संक्षेप करि विस्तर कही न जाय ॥
 तीरथ जात्रा गौर की कथा सुने जन जोय । पावै पद चैतन्य मधि गाढ़ प्रेम धन सोय ॥
 सुने चरित चैतन्य की भट्टा करिकें जोय । मत्सरता तजि बदन मधि कहै हरी हरि सोय ॥
 यही जानि कलिकाल में अरु नाही श्री कर्म । वैष्णव वैष्णवशास्त्र मधि यही कथौ है मर्म ॥
 लीला गौर हिमांशु की है अगाध गंभीर । पैठन कीं समर्थ नही रहै परसि के तीर ॥
 भट्टा करि चैतन्य की चरित सुने जन जोय । जितिक विचारें तितिक ही लहै महाधन सोइ ॥
 श्री जू रूप रघुनाथ के चरनन की जिहि आस । चरितामृत चैतन्य की कहै कृष्ण की दास ॥
 रूप सनातन जगत हित सुवल स्याम पद आस । प्रभु चरितामृत कीं लिखैं ब्रज भाषाहि प्रकास ॥

इति श्री चैतन्यचरितामृते मध्याह्ने ब्रजभाषायां दक्षिण देश तीर्थ भ्रमणं नाम नवमः परिच्छेदः ॥

दशम परिच्छेदः

तं वंदे गौरजलदं स्वस्य यो दर्शनामृतैः । विच्छेदवाचकप्रस्तान् भक्तसम्पान्यजीवयन् ॥

जय जय श्री चैतन्य जू जय श्री नित्यानंद । जय अर्द्धत हिमांशु जय गौर भक्त के वृन्द ॥
 पूर्व जबै दक्षिण चले श्री प्रभु जू सुखदाय । नृप प्रतापरुद्र जु तबै भट्टाचार्य बुलाय ॥
 बैठन कीं आसन दियौ नमस्कार करि ताहि । श्री प्रभु की वार्ता तबै राजा पूछी आहि ॥
 सुन्यौ तुम्हारे गेह में एक महासय जोय । आयें गौड़ देश तें महाकृपाय सोय ॥
 तुम पर बहुत कृपा करी कहत सकल जन आहि । मो कीं अब करि हैं कृपा दरस करावौ ताहि ॥
 भट्टाचार्य कहैं सुनी सर्व सत्य है जोय । तिहि दरसन कीं आप को जोग बने नहि सोय ॥
 वे विरक्त श्री पाद जू रहें विपिन के मांहि । ते प्रभु दरसन नृपति कीं करैं स्वप्न हूं नांहि ॥
 किहूँ भांति तो ऊ तुमहि दरस करैं हैं ताहि । अब तौ प्रभु जु ने कर्यौ दक्षिण गमन जु आहि ॥
 नृपति कहैं काहें गये जगन्नाथ तजि सोइ । भट्ट कहैं लीला यहू इक महंत की सोइ ॥
 पावन करिवैं तीरथनि भ्रमैं तीरथनि सोइ । ताही मिस निस्तार सब संसारिक जन होइ ॥

तथाहि श्री भट्टाचार्यते प्रथमस्कन्धे—

भवद्विधा भागवतास्तीर्थभूताः स्वयं प्रभो । तीर्थो कुर्वन्ति तीर्थानि स्वान्तः स्वेन गदाभृता ॥ २ ॥

निहचैं श्री वैष्णवनि कीं यही स्वभाव जु होइ । है स्वतंत्र ईश्वर सदा जीव नाहिने सोइ ॥
 नृपति कहैं काहे तुमनि जैव दीयौ ताहि । पायनि परिकें जतन करि राखे क्यौं नहि आहि ॥
 भट्टाचार्य जू कहैं ते ईश्वर जु स्वतंत्र । साक्षात् श्री कृष्ण हैं ते जु नाहि परतंत्र ॥
 तौ ऊ बहुतें राखिवैं कीनीं जन जु ताहि । ईस स्वतंत्र स्वभाव है राखि सकैं नहि आहि ॥
 नृपति कहैं तुम भट्ट जू विज्ञ सिरोमनि आहि । तातें मानी सांच हम कृष्ण कहत तुम ताहि ॥
 इहां आगमन फेरि हूं हूं है कबहुं ताहि । एक बार तिहि देखि करि करैं सकल चख आहि ॥
 भट्टाचार्य जू कहैं वेगि आय हैं सोइ । रहिवे कीं इक धाम तिहि चहियै निर्जन जोइ ॥
 होय जु ठाकुर कें निकट निर्जन पुनि वह होय । ऐसीं निर्णय करि जु तुम देहु धाम इक सोय ॥
 ऐसैं कासी मिश्र की नृपति कहैं हैं जोय । जगन्नाथ जू के निकट है अति निर्जन सोय ॥
 यौं कहि राजा रहे हूं उतकंठित अधिकाइ । भट्टाचार्य सबै कथौ काशीमिश्रहि जाइ ॥
 काशी मिश्र कहैं जु हम भाग्यवान बहु जोइ । प्रभु पद कीं जु निवास मम घर मधि हूं है सोइ ॥
 पुरुषोत्तम वासी सकल जन जितनें इहि भाय । प्रभु के मिलिवे कीं सकल उतकंठित मन चाय ॥
 उत्कंठा सब लोक कें जब अति वादी सोय । दक्षिण ही तें श्री प्रभु जु तब ही आयें जोय ॥

आचारज के चरण की प्रणत करी सब आय । आचारज गोस्वामी किय सब परि रंभण चाय ॥
आचारज दिन दोय त्रय कियो महोत्सव सोय । जगन्नाथ जैवें सवनि भई जुक्ति दृढ जोय ॥
सब मिलि नदिया ग्राम तें तबै जु इक ठां होय । लीलाचल चलिये लई आजा सचि सौं सोय ॥
बासी ग्राम कुलीन के सुनि प्रभु आगम चाय । सत्पराज रामानंद जु मिले जु सब ही आय ॥
रघुनंदन नरहरि मुकुंद खंड देस तें धीर । आये जैवें नीलगिरि आचारज के तीर ॥
दक्षिण तें ताही समें पुरी जु परमानंद । आये नदिया सुर सरित तीर तीर सुख कन्द ॥
सचीमात के सदन में सुख करि किय विश्राम । मात तिन्हें भीचा दई किय आदर अभिराम ॥
श्री प्रभु जू के आगमन सुन्यो तहां तिहि आहि । शीघ्र नीलगिरि जाइवें इच्छा भई जु ताहि ॥
श्री प्रभु को इक भक्त द्विज कमलानंद अभिधान । तिहि लै लीलाचलहि तब कीनी वेग पयान ॥
वेगि तहां आये जु ते मिले जु प्रभु की आहि । श्री प्रभु को आनंद भौ तबै जु पाये ताहि ॥
कीनी प्रेमावेश मधि चरण बंदना ताहि । तिन हैं प्रेमावेश किय प्रभु आलिंगन आहि ॥
कहै जु प्रभु तुम संग में रहिबैं बांछा सोय । मेरे ऊपर करि कृपा वसौ नील गिरि जोय ॥
रहिये की बांछा जु करि पुरी कहै तुम संग । आये चलि के गौड तें नीलाचल बहु रंग ॥
सुनि कैं दक्षिण देस तें तुम आगम सुख कंद । आनंद भौ सचि कैं जु श्री जेतिक भक्तनि वृन्द ॥
सबहि आकतहैं तुम्हें देखन हित चित चाय । तिन सबको जु विलंब लखि हमआये चलिधाय ॥
श्री स्वरूप दामोदर जु आये वासर आन । प्रभु के अति ही मर्म रससागर परम सुजान ॥
काशीमिश्र निवास में एक निभृत घर आहि । सेवा कौं किकर दियो श्री प्रभु जू ने ताहि ॥
पुरुषोत्तम आचार्य जू पूर्वाश्रम तिहि नाम । नवद्वीप में ते जु हैं प्रभु चरननि अभिराम ॥
प्रभु जू की संन्यास लखि तब उन्मत्त जु होय । कियो ग्रहण संन्यास कौं काशी जाय जु सोय ॥
चैतन्यानंदहि गुरु आज्ञा दीनी ताहि । यदि वेदांत पढ़ाय पुनि सकल लोक कौं आहि ॥
परम विरक्त जु ते सदा पंडित परम विचित्र । मन बच क्रम करि आसरी हैं श्री कृष्ण चरित्र ॥
निहिचैं कृष्णहि भजेंगे यही जु कारण जोइ । कियो ग्रहण संन्यास कौं करि उन्माद जु सोय ॥
मिखा द्रव के न्याग मय किय संन्यास अनूप । योग पट्ट नाही लियो नाम भयो जु स्वरूप ॥
आये श्री लीलाचलहि आज्ञा लै गुरु पास । आनंद विहवल रैन दिन कृष्ण प्रेम रस रास ॥
अवधि महापांडित्य की बात न किहि संग आहि । निर्जन माहि रहैं जु सब लोक न जानें ताहि ॥
तब वेला श्री कृष्ण रस देह प्रेम की रूप । श्री प्रभु की साक्षात ये हेंगे दुनिय स्वरूप ॥
न्याये प्रभु तट ग्रंथ औ पद्य गीत को कोइ । करे परीक्षा ते जु प्रभु पाछें सुनें जु सोय ॥
बिरुद्ध भक्ति सिद्धांत श्री और जु रस आभास । सुनत होत कबहुं नहीं प्रभु कैं हिय उल्लास ॥
याही ते जु स्वरूप जू करे परिच्छा आहि । सुद्ध होय ती श्री प्रभुहि भवण करावै ताहि ॥
चैतन्यास विद्यापति और गीतगोविन्द । इनही तीनीं गाय के करे जु प्रभु आनंद ॥

गान माहि गांधर्व सम सास्त्र हि सुरगुरु रूप । दामोदर सम और नहि महा सुनुदि अनूप ॥
नित्यानंद अद्वैत के परम पियारे प्राण । श्री निवास जू प्रभृति जन गण के प्राण समान ॥
सो दामोदर जू तहां भये दंडवत आइ । चरणनि परि कैं पदुय की लगे पटन मुख दाइ ॥
तथाहि चैतन्यचन्द्रोदयनाटक—

हेलोड्ड लितखेदया विशदया प्रोन्मीलदामोदया, शाम्बच्छास्त्रविवादया रसदया चित्तापिसोन्मादया ।
शश्वद्धक्तिविनोदया समदया माधुर्यमर्यादया, श्रीचैतन्यदयानिषे तव दया भूयादमन्दोदया ॥३॥

प्रभु जू तबै उठाय कैं किय आलिंगन ताहि । विविजन प्रेमावेश करि भये अचेतन आहि ॥
केतिक छिन में थिर भये दोऊ जन तब आहि । तबै महाप्रभु जू तहां लागे कहन जु ताहि ॥
तुम आगम जो आजु हम लख्यो स्वप्नमें सोय । भली भई अब अंध जिमि द्वै चक्ष पाये जोय ॥
कहै स्वरूप जु गौर जू चमि मेरी अपराध । तुम तजि और हि ठीर गौ कर्यो प्रमाद अगाध ॥
मेरे श्री प्रभु पदनि भविनही प्रेम की लेस । तुम्हें छाडि पापी जु हौं गयो और ही देस ॥
मैं तुम कौं छाड्यो तुमनि मो कौं छाड्यो नाहि । नित्यानंद प्रभु जू कियो प्रेमालिंगन ताहि ॥
सार्वभौम जगदानंद जु संकर और मुकुंद । यथा योग्य सब सौं कियो तिन्हौ मिलन सुख कंद ॥
परमानंद पुरी चरण करी बंदना आहि । पुरी गुसाईं जू कियो प्रेमालिंगन ताहि ॥
प्रभु जू ने एकांत घर बसिये कौं दिय ताहि । जल आदिक सेवा टहल हित इक किकर आहि ॥
सार्वभौम जू आदि जन संग और दिन सोइ । बैठे हैं श्री प्रभु तहां कृष्ण कथा रंग जोइ ॥
इही समें गोविंद कौं भयो आगमन जोय । कहैं वचन करे विनय करि जु दंडवत सोय ॥
पुरी जु ईश्वर कौ अनुग गोविंद मेरी नाम । तिनकी आज्ञा तें जु मैं आयो तुम्हारे धाम ॥
सिद्धि प्राप्ति के समय तिहि आज्ञा किय मुहि आहि । निकट कृष्ण चैतन्य कैं रहि सेवो जे ताहि ॥
आवेंगे काशीश्वर जु तीरथ देखि सु भाय । प्रभु की आज्ञा पाय मैं तुम पद आयो धाय ॥
कहैं जु प्रभु ईश्वर पुरी वात्सल्य किय मोहि । कृपा करी मो पास अब तिहि पठ्यो है तोहि ॥
सार्वभौम जु एतक सुनि प्रभु कौं पूछ्यो सोइ । पुरी गुसाईं शूद्र जन किततें राख्यो जोइ ॥
कहैं जु प्रभु ईश्वर सदा हेंगे परम स्वतंत्र । ईश्वर की जु कृपा नही वेदनि के परतंत्र ॥
ईश कृपा कुल जाति कौं नेक हूं मानत नाहि । कृष्ण कियो भोजन रुचिर विदुर मेह के मांदि ॥
नेह लेह की चाह इक ईस कृपा को सोइ । करे स्वतन्त्र जु आचरण नेह लेस वस होइ ॥
मर्यादा तें कोटि सुख नेह आचरण माहि । परम आनंद जु होत है श्रवन सुनें तें ताहि ॥
गोविंदकौं श्रीप्रभु कियो आलिंगन चित चाय । गोविंद ने सबको करी चरण प्रणति सुख पाय ॥
सार्वभौम मन में करो प्रभु जू कहैं विचार । गुरु कौं किकर हैं हमें मान्य सदा निरधार ॥
समर्थ नहि करवाइवें अपनी सेवा ताहि । गुरु दीनी आज्ञा यहै कहा उपाय जु चाहि ॥
महाचारज जू कहैं गुरु आज्ञा बलवान । गुरु आज्ञा नहि लंघिये शास्त्र यहै जु प्रमान ॥

तथाहि सुबरो—

स शुभु बाग्मातरि भार्गवेश पितु नियोगान् प्रहृतं द्विपदम् ।

प्रत्यग्वहीदपजरासनं तत् आशा गुरुणा ह्यविचारणीया ॥ ४ ॥

तब महाप्रभु जू कियो तिहि कौ अंगीकार । सेवा अपने अंग की ताकौ दिय अधिकार ॥
प्रभु जू की प्रिय भक्त करि सब ही करै जु मान । सब जन कौ गोविंद करै समाधान है मान ॥
कीर्त्तनिया छोटे बड़े दोऊ ए हरिदास । रामाई नन्दाई पुनि रहै जु गोविंद पास ॥
श्री प्रभु की सेवन करै गोविंद जू के संग । सीमा बरनी जात नहि गोविंद भाग्य अभंग ॥
और दिवस प्रभु के निकट कहै जु दत्त मुकुंद । आये तुम्हरे दरस हित भारति ब्रह्मानन्द ॥
श्री प्रभु आज्ञा दीजिये जो छां न्यावै ताहि । कहै जु प्रभु गुरु ते जु तिहि पास जायवै आहि ॥
सब भक्तनि की संग करि एतिक कहि प्रभु धीर । चलि आये ब्रह्मानंद जु भारति जू के तीर ॥
पहिरै ब्रह्मानंद जू सृग चर्माम्बर आहि । दुखित भये अंतर महा प्रभु जू लखि के ताहि ॥
लखि कै हूँ कीनी छल जु जानौ लख्यौ न ताहि । गोस्वामि भारती कहाँ पूछै मुकुंद हि आहि ॥
कहै मुकुंद लखौ इन्है आगे हँ विदमान । कहै जु प्रभु ते नाहिने तुम्हरे है अज्ञान ॥
नहीं ज्ञान तुव और कौ कहाँ और ही नाम । गोस्वामी श्री भारती कबौ पहिरैगे चाम ॥
तुनि कै ब्रह्मानन्द जू करै हिये जु विचार । मेरी चर्मावर यही नहि इनकाँ सुख सार ॥
सलै कहै चर्मावर जु पहिरयौ दंभ विचार । चर्मावर के पहिरवै तरि है नहि संसार ॥
पहिरौनी नहि आबु ते यह चर्मावर सोय । मगवायौ हिय जानि प्रभु बहिर्वास तव जोय ॥
चर्म छाडि ब्रह्मानंद पहिरयौ बसनजु आहि । श्रीप्रभु जू नें आय किय चरण वन्दना ताहि ॥
कहै भारती तुव चरित लोक सीख कौ जोइ । फेरि न करिहौ नति हमें चित्त लहै भय सोइ ॥
इहाँ चलाचल जु श्री प्रभु संप्रति ब्रह्म जु दोय । जगन्नाथ जू अचल तुम सचल ब्रह्म हौ सोइ ॥
गौर ब्रह्म हौ तुम प्रभु ते जु वरण है स्याम । दोऊ ब्रह्म किय सब जगत तारण अति अभिराम ॥
कहै प्रभु सत्य जु कही तुमरी आगम सोइ । श्री पुरुषोत्तम धाम में प्रगट ब्रह्म जु दोइ ॥
गौर ब्रह्म तुम प्रभु जु चल ब्रह्मानंद जु नाम । जगन्नाथ बैठे अचल ब्रह्म है जु अंग स्याम ॥
सार्वभौम सी भारती कहै बीच तुम होय । इन संग मेरी न्याय तुम मम दै वृभौ सोय ॥
व्याप्यतु व्यापक भाव मधिर्जीव ब्रह्म है जानि । जीव व्याप व्यापक दुतिय कहै जुशास्त्र वखानि ॥
कियो जु चर्म जुड़ाय कै सोधन मेरी जोइ । व्याप जु व्यापक दुहुनि कौ यहै जु कारण सोइ ॥

तथाहि महाभारते दानधर्म—

सुपर्णवर्णो देवांगो वरांगचन्द्रनागदी । सन्वासकृच्छमः शान्तो निष्ठा शान्तिपरायणः ॥ ५ ॥

इन सब नामनि के जु ये निज निवास है जोय । चंदन मिल्यौ प्रसाद गुण श्री भुज अंगद सोय ॥
महाचार्य कहै जु तुम भारति लखिये जीति । कहै जु प्रभु जोइ कहाँ सो जु सत्य इह नीति ॥

है गुरु शिष्य जु न्याय मधि सत्य सिष्य की हार । कहै भारती यही नहीं हेतु और निरधार ॥
भक्त पास हेरी जु तुम यह तुमरी जु स्वभाव । और एक सुनी जु तुम आपन की जु स्वभाव ॥
हम आजन्म करी सदा निराकार कौ ध्यान । तुम देखे ते कृष्ण कौ भी मो की विदिमान ॥
कृष्ण नाम मुख में फुरै मन नैननि श्री कृष्ण । तुम प्रभु की तद्रूप लखि मेरी हृदय सत्पणा ॥
कही बिल्व मंगल जु जिमि दसा आपनी जोय । इन्है देखि करिके भई मेरी दशा जु सोइ ॥
तथाहि भक्तिरसामृतसिन्धुधृतबिल्वमंगल कृत श्लोक—

अद्वैतबीधीपथिकै रुपास्याः स्वानन्दसिंहासन लब्धदीप्ताः ।

हठेन केनापि वयं शठेन दासीकृता गोवधूषितेन ॥ ६ ॥

कहै जु प्रभु श्री कृष्ण मधि तुव दृढ़ प्रेम जु सोइ । परै नयन जितही तहां कृष्ण स्फुर्ति जू होइ ॥
भट्टाचारज जू कहै विवि के सांचे बें । आगे जो साक्षात दिय दरस कृष्ण रस ऐन ॥
प्रेम बिना तब हँ नही प्रगट दरस तिहि जोय । इन ही की इक कृपा ते इनकाँ दरसन होय ॥
कहै जु प्रभु हरि हरि कहाँ सार्वभौम जू सोय । अति स्तुति है जानौ यही निंदा लक्षण जोय ॥
एतिक कहि लै भारती आये अपने धाम । रहै भारती गौर के निकट तहां अभिराम ॥
राम भद्र आचार्य श्री आचारज भगवान । प्रभु पद में दोऊ रहै तजि कै कारण आन ॥
काशीश्वर गोस्वामि जू आये वासर आन । प्रभु राखे निज धाम में करि कै बहु सनमान ॥
श्री प्रभु कौ करवाय लिय ईश्वर दरसन सोइ । आगे लोक जु भीर सब करि जु निवारण जोइ ॥
जैसे जेतिक नदनदी मिलत समुद्र हि जाय । तैसे प्रभु कौ भक्त सब जहां तहां ते आय ॥
सब ही आय मिले तहां श्री प्रभु पद अभिराम । श्री प्रभु जू करिके कृपा सब राखे निज धाम ॥
श्री प्रभु कौ यही कहाँ वैष्णव मिलन जु आहि । पावै श्री चैतन्य पद जोई सुने जु याहि ॥
श्री जू रूप रघुनाथ के चरणन की जिहि आस । चरितामृत चैतन्य कौ कहै कृष्ण कौ दास ॥
रूप सनातन जगत हित सुवल स्याम पद आस । चरितामृत प्रभु कौ लिखै ब्रज भाषाहि प्रकास ॥

इति श्री चैतन्यचरितामृते मध्यखण्डे ब्रजभाषायां वैष्णव मिलनं नामो दशमोऽध्यायः ॥

एकादश परिच्छेदः

अत्युदंडं तांडवं गौरचंद्रः कुर्वन् भक्तैः श्रीजगन्नाथगोदे ।

नानाभावालकृताङ्गः स्वधाम्ना चक्रे विश्वं प्रेमबन्धानिमग्गं ॥

जय जय श्री चैतन्य जू जय श्री नित्यानन्द । जय अद्वैत हिमांशु जय गौर भक्त के इन्द ॥
सार्वभौम प्रभु के निकट कहै और दिन जोय । अमै दान मम देहु तब करी निवेदन सोय ॥

कहैं जु प्रभु तुम कही कहु भय न करी हिय माहि । करिहैं हम जो जोग्य है करैं आजोग्य जु नाहि ॥
 भट्टाचारज जू कहैं यह गजपति नृप सोय । तुम सौ मिलवैं कौ चहैं उत्कंठित है सोय ॥
 दै कर्णन कर प्रभु रहत नारायण अभिराम । सार्वभौम कहि कही वचन अजोग्य अकाम ॥
 संन्यासी जु विरक्त हम तिहि नृप दरसन सोइ । त्रिय दरसन सम है यह विप कौ भजन जोइ ॥
 श्री चैतन्यचन्द्रोदयनाटके —

निष्किञ्चनस्य भगवद्भक्तोन्मुखस्य, पारं परं जिगमिषोर्भवसागरस्य ।

सन्दर्शनं विषयिणामय योषिताञ्ज, दाहन्त ! हन्त ! विषमक्षयतोऽप्यसाधु ॥२॥

भट्टाचार्य कहैं जु तुम सत्य वचन यह जोय । जगन्नाथ सेवग तऊ नृप भक्तोत्तम सोय ॥
 कहैं जु प्रभु तौऊ नृपति काल भर्ष आकार । दारमयी नारी परसि जिमि उपजतु जु विकार ॥
 तथाहि तत्रैव —

आकारादपि भेदव्यं स्त्रीणां विषयिणामपि । यथाहेर्मनसः सोभस्तथा तस्याकृतेरपि ॥३॥

ऐसी बात हि फेरि हूं न्यायी नहि सुख माहि । कहि हौं तुम जौ तय हमें इहां देखि हौं नाहि ॥
 सार्वभौम भय पाय कैं गौ निज घर अभिराम । इही समैं आयौ नृपति श्री पुरुषोत्तम धाम ॥
 श्री रामानंद राय जू आये गजपति संग । आय प्रथम हि श्री प्रभु हि मिले जु करि बहु रंग ॥
 राय प्रणति कीनी प्रभुहि किय आलिंगण ताहि । चिवि जन प्रेमावेस मधि क्रंदन करैं जु आहि ॥
 श्री प्रभु जू कौ राय संग निरखि नेह व्यवहार । सकल भक्तगन मन भयी चमत्कार सुख सार ॥
 राय कहैं आज्ञा जु तुव नृप कौ कही जु सोइ । तुम इछा करि नृपति मम विषय छुडायौ जोइ ॥
 कही जु हम हम तैं जु अय विषय होत है नाहि । तुव आज्ञा जौ होय तौ रहीं गौर पद माहि ॥
 राजा आनन्दित भयो सुनि कैं तुम्हारी नाम । आसन तैं उठि मम कियो आलिंगण अभिराम ॥
 अति ही प्रेमावेस मधि भी सुनिकैं तुव नाम । मम मस्तक कर धरि कहैं हित विशेष अभिराम ॥
 तुम्हरी जो है जीयका तुम ही खावी सोइ । सेवी श्री प्रभु के चरण तुम निश्चित जु होइ ॥
 हम हैं आर जु जोग्य नहि तिनके दरसन आहि । जीवी ताकी सफल है जोई सेव ताहि ॥
 प्रभु जु परम कृपाल तैं हैं अजरज कुमार । देहैं दरसन अवसि मम काहु जन्म मभार ॥
 जो निहि की प्रेमार्ति हम देखी तुम मे आहि । सो हम में नहि प्रीति है एक लेस हूं ताहि ॥
 कहैं महाप्रभु जू तवै तुम हरि भक्त प्रधान । तुम सौ जो प्रीति हि करै भाग्यवान सो जान ॥
 तुम सौ प्रतिग प्रीति जो भई नृपति कैं आहि । करि हैं अंगीकार हरि याही गुण करि ताहि ॥
 तथाहि आदिपुराणे —

ये मे भक्तजनाः पार्थ नवे भक्ताश्च ते जनाः । भद्रकस्य च ये भक्ता स्ते मे भक्तमामवाः ॥४॥

पूरी गुमाई भारती नित्यानन्द स्वरूप । चार गुमाई के चरण नुति किय राय अनूप ॥
 जगानन्द सुकन्दज आदि जितिक जनपुन्द । यथा जोग्य सब सौ कियो मिलन महा सुखकन्द ॥

कहैं जु प्रभु तुम राय जू कौन कर्म किय सोइ । ईश्वर नहीं देखे प्रथम कबौ खां आये जोय ॥
 हृदय सारथी चरण रथ कहैं तहां यौ राय । जहां जाय लैं कैं तहां जीव रथी पहिराय ॥
 करिये कहां जु मन इहां लैं आयौ सुख सार । जगन्नाथ के दरस मधि कीनी नाहि विचार ॥
 वेगि जाव प्रभुज कहैं करी जु दरसन ताहि । करी कुदम्ब मिलाय ज्यों घरमधि जाय जु आहि ॥
 चले राय जू दरस हित आज्ञा ले कैं ताहि । प्रेम भक्ति की रीति तिहि को जन समुझै आहि ॥
 बुलये भट्टाचार्य जू चेत्र आय नृप आहि । नुति करि भट्टाचार्य की पूछ्यौ तिति पुनि ताहि ॥
 प्रभु पद मधि विनती करी मम हित लगि निरधार । भट्टाचारज जू कहैं कीनैं जतन अपार ॥
 तैऊ नाहि करैं जु ते नृप कौ दरसन आहि । छाड़ै चेत्र जू फेरि कैं करिये विनती ताहि ॥
 सुनि कैं राजाके मनहि उपज्यौ अति दुख सोय । करि विपाद तबही कहु लाग्यौ कहिये जोय ॥
 पापी नीच उधार हित कीनीं तिहि अवतार । सुने जगाई तिन करैं माधवाई उद्धार ॥
 तजि प्रताप रुद्र जु सकल करि है जग उद्धार । यही प्रतिज्ञा करि कियो जान्यौ है अवतार ॥
 तथाहि श्रीचैतन्यचन्द्रोदयनाटके —

अदर्शनीयानपि नीचजातीन् स वीक्ष्ये हन्त तथापि नो मां ।

मदेकवर्जं कृपयिष्यतीति निर्णय किं सोऽवतार देवः ॥५॥

करि हैं मेरी दरस नहि यही प्रतिज्ञा ताहि । तिन विन छाड़ौ जीव मम यह प्रतिज्ञा आहि ॥
 श्री प्रभु जू कौ जो नहीं लहौं कृपाधन सोइ । कहा राज देह सु कहा सर्व अकारण जोइ ॥
 भट्टाचारज इतिक सुनि चिंता जुत भौ जोइ । राजा कौ अनुराग लखि भये जु विस्मित सोइ ॥
 भट्टाचारज जू कहैं देव करी न विषाद । तुम पर निहचैं होयगौ श्री प्रभु कौ जु प्रसाद ॥
 ते आधीन जु प्रेम कैं तुम्हरे प्रेम अपार । कृपा करवैगौ यहै तुम ऊपर निरधार ॥
 रथ जात्रा के दिवस प्रभु सकल भक्त लैं सोइ । रथ आगैं नृत्य हि करैं प्रेमाविष्ट जु होइ ॥
 प्रेम विवस करि पुष्पवन करैं जु प्रभु परिवेस । तिही काल तुम एकले तजि कैं नृप कौ वेस ॥
 कृष्ण नाम कौ रटत पुनि पंचाध्याई चाय । श्री प्रभु जू के चरण सिर धरौ एक लैं जाय ॥
 वाद्यज्ञान नहि तिहि समैं सुनत कृष्ण कौ नाम । आलिंगन करि हैं तुम हि जानि भक्त अभिराम ॥
 आजु तिहारै प्रेम गुण श्री रामानंद राय । प्रभु जू कौ मन है फिर्यौ प्रभु सौ कही बनाय ॥
 सुख उपज्यौ अतिही सर्व सुनिकैं गजपति हीय । श्री प्रभु जू के मिलन हित यही मंत्र दइ कीय ॥
 स्नान जु जात्रा होय कब पूछी भट्ट हि जोय । जात्रा के दिन तीन हैं भट्ट कहैं यौ सोय ॥
 स्नानजु जात्रा देखि प्रभु पायौ अति सुख सोय । प्रभुज कौ अनसमयमे भयी विरह दुख जोय ॥
 बिरह गोपिका भाव करि प्रभु जू बिहयल होय । गये जु नाथ अलाल कौ सब कौ तजि कैं सोय ॥
 पावैं जनगण सब गये प्रभु के चरणनि सोय । भक्त जु आये गौड तैं कियो निवेदन जोय ॥

सार्वभौम लीलाचल हि आये प्रभु लै जोड़ । प्रभु आये राजा निकट कबो जाय कें सोड़ ॥
 इही समें आये तहां गोपीनाथचार्य । नृप की आसिष करि कहैं सुनी जु भट्टाचार्य ॥
 गौड़ देस तें वैष्णव जू आये हैं सत दोय । श्री प्रभु जू के भक्त महा भागवत सोय ॥
 कहैं नृपति अति कृतहि हम करि हैं आज्ञा जोय । गेह आदि जो चाहिये दै हैं अधिकृत सोय ॥
 प्रभु के गण आये जितिक गौड़ देस तें जोय । इक इक भट्टाचार्य जू मोहि दिखावौ सोय ॥
 भट्ट कहैं अटालिका चहि कें सब की चाहि । चिन्हत गोपीनाथ सब दरस करावैं आहि ॥
 हम काहू जानत न हैं जान्यो चाहत जोय । गोपीनाथचार्य जू सब हि चिन्हावैं सोय ॥
 एतिक कहि तीनों जने चढ़े अटारी जाय । इही समें सब भक्तगण निकटहि निकसे आय ॥
 दामोदर जु स्वरूप जू श्री गोविन्द जन दोय । सूक प्रसाद लै जात हैं जहां भक्तगण सोय ॥
 श्री प्रभु जू ने प्रथमहि दुहुनि पठायो सोड़ । नृपति कहैं चिनबौ हमें ए जु कोन हैं दोड़ ॥
 भट्टाचार्य कहैं जु ए दामोदर जु स्वरूप । श्री प्रभु जू के ए जु हैं दुतिय रूप अनरूप ॥
 दुतीय गोविंद भृत्य ये सब को दे कें आहि । माला पठइ है जु प्रभु गौरव करि कें याहि ॥
 प्रथमहि सूक अद्वैत की पहराइ जु स्वरूप । पाछे गोविंद दुतिय सूक तिहि दिय आनि अनूप ॥
 आचारज की प्रणति तब किय गोविंद अनूप । जानत नहि अद्वैत तिहि पूछ्यो तब जु स्वरूप ॥
 श्री दामोदर जू कहैं ए गोविन्द अभिधान । श्री जुत ईश्वर पुरी के सेवग अति गुणवान ॥
 प्रभु सेवा करिवे दई पुरी जु आज्ञा याहि । याही ते प्रभु जू इन्हें निकट हि राख्यो आहि ॥
 नृपति कहैं जिन की दई माला सो जन दोय । कहि आचारज है जु ये महामहंत जु कोय ॥
 कही आचारज नाम यह श्री अद्वैताचार्य । पूज्यपात्र श्री गौर के सब ही के सिर धार्य ॥
 चक्रेश्वर श्री वास ए पंडित नामा दोय । विद्या निधि आचार्य ए पंडित गदाधर सोय ॥
 श्री युत रत्न पुरंदर जु आचरज ए दोय । ए श्री गंगादास ए पंडित संकर सोय ॥
 पंडित गुप्त मुरारि ए श्री नारायण नाम । ठाकुर श्री हरिदास ए पावन तीनों धाम ॥
 हैने ये हरि भट्ट ए श्री नरसिंहानंद । वासुदेव दत्त ये जु हैं सिवानंद सुख कंद ॥
 गोविंद माधौ और श्री वासुदेव जु घोष । इन तीननि के कीरतन प्रभु पावत संतोष ॥
 आचारज नंदन जु ए राघव पंडित जान । नारायण श्री कांत ए पंडित हैं श्री मान ॥
 ए शुक्लांबर ए जु हैं श्रीधर विजय जु दोय । पुरुषोत्तम संजय जु ए बल्लभ सेन जु सोय ॥
 वासी ग्राम कुलीन के सत्यराज श्री खान । रामानंद जु आदि सब ए देखी विदिमान ॥
 मुहंदास नरहरि जु श्री रघुनंदन अभिराम । चिरंजीव वासी खंड और मुलोचन नाम ॥
 केतिक कहिये देखिये जेतिक जन हैं जोय । सब ही श्री प्रभु गणनि के श्री प्रभु जीवन सोय ॥
 नृपति कहैं लखि कें भयो अचिरज मो हिय माहि । जिनकी ऐसी तेज श्री देख्यो कहैं जु नाहि ॥
 कोटि वर्ष सप्त सवन की उज्जल बरन जु सोय । कबहुं नहि देख्यो जु यह मधुर कीरतन जोय ॥

ऐसो प्रेम जु नृत्य श्री अस हरि धुनि जग माहि । कहैं नही देखी जु अस सुनी कहैं पुनि नाहि ॥
 भट्टाचारज जू कहैं ए सत तुम्हरे बेंन । गौर सृष्टि यह प्रेम सग संकीर्तन रस रेंन ॥
 श्री प्रभु जू अवतार करि कीनों धर्म प्रचार । कृष्णनाम संकीर्तन जू कलि जुग धर्म सुधार ॥
 जग्य कीरतन करि करें आराधन पुनि ताहि । बहैं सुमेधा साधु जन श्री कलिहत जन आहि ॥

तथाहि श्रीमद्भागवते एकादशस्कन्धे—कृष्णवर्णं त्विषाकृष्णमिति श्लोकः ॥

नृपति कहैं सब शास्त्र करि गौर हैं जु श्री कृष्ण । तब काहे पंडित जु सब तिनतें हैं जु वितृष्ण ॥
 भट्ट कहैं तिनकी कृपा लेस होत है जाहि । सोई तिनकी कृष्ण करि जानि सकैं जन आहि ॥
 तिनकी कृपाजु नाहि जिहि पंडितही क्लिप्त होय । लखिकें सुनिकें तिन्हें नहि ईश्वर मानें सोय ॥

तथाहि तत्रैव दशम स्कन्धे—तथापि ते देवः पदाम्बुजद्वयमितिरलोकः ॥

कहैं जु नृप सब बिन लखें जगनाथ की जाइ । शची तनय के वासगृह सब ही चले जु धाय ॥
 भट्ट कहैं यह प्रेम की स्वाभाविक है रीति । सब प्रभु जू के मिलन हित उत्कटित हिय प्रीति ॥
 पहिलें तिनकी मिलि सबे आगे लै कें ताहि । तिहि सँग श्री जगनाथ की लखिये ऐहें आहि ॥
 कहैं नृप भवानंद के पुत्र जु वाणीनाथ । महाप्रसाद हि हाथ लै नर संग पांच जु साथ ॥
 श्री जु महाप्रभु के सदन कीनों गमन जु सोय । इतनी महाप्रसाद यह चाखी कारण कोय ॥
 भट्ट कहैं बहु भक्तगण आये जानें आहि । प्रभु इच्छा जु प्रसाद की लै जात जु ताहि ॥
 नृपति कहैं बृत्त छोर विधि तीरथ की जु विधान । ताहि नाहि काहे करें करें अन्न की पान ॥
 भट्ट कहैं तुम जो कहां सोई है विधि धर्म । यही राग मग की जु है सूक्ष्म धर्म की मर्म ॥
 प्रभु परोच आज्ञा जु है छोर उपोषण सोड़ । आज्ञा प्रभु आगे यहै लेहु प्रसाद हि जोय ॥
 तहां आहि उपवास विधि जहां नही परसाद । प्रभु आज्ञा तिहि त्याग मधि है अपराध विषाद ॥
 अधिक यहै श्री हस्त करि प्रभु जू परोसत सोय । एतिक लाभ हि छाड़ि कें करें उपोषण जोय ॥
 पहिलें प्रभु मो कीं दियो आनि प्रसाद हि जोय । प्रात सेज तें उठि कियो अन्न पान मैं सोय ॥
 श्री प्रभु जु करि कें कृपा प्रेरें हियो जु जाहि । वेद लोक तजि धर्म सो कृष्ण आसरें आहि ॥

तथाहि श्रीमद्भागवते चतुर्थस्कन्धे—

यदा यस्यानुगृह्णाति भगवानात्मभावितः । स जहाति मनि लोकं वेदे च परिनिष्ठिताम् ॥५॥

उतरि अटारी तें तबें तब आये नृप सोय । काशी मिश्र हि अधिकृत हि दुहुनि बुलायो जोय ॥
 गजपति जू आज्ञा दई तिनहि दुहुनि जन सोड़ । आये श्री प्रभु के निकट श्री प्रभु के गण जोय ॥
 सब ही कीं स्वच्छंद गृह और प्रसाद जु सोड़ । करवायो दरसन स्वच्छंद जैसे अटक न होय ॥
 श्री प्रभु की आज्ञा करी सावधान हैं दोड़ । नहि आज्ञा तबहुं करें ईंगित जानि जु सोड़ ॥

तिन दोऊन कीं किय विदा एतिक कहि नृप आहि । सार्वभौम आये तहां देखन भक्त मिलाहि ॥
गोपीनाथचार्य जू सार्वभौम जू सोइ । देखैं ठाढ़े दूर तें प्रभु जन संगम जोइ ॥
सिंहद्वार के दाहिनें तजि सब वैष्णव वृन्द । गृह पथ काशी मिश्र के कियो गमन सुख कंद ॥
इहां समे श्री गौर जू निजगण जन के संग । मिले आय के वैष्णवनि मारग मधि बहु रंग ॥
कोनो तब अद्वैत जू प्रभु पद वंदन आहि । कियो महाप्रभु जू तब प्रेमालिंगन ताहि ॥
दोऊ प्रेमानंद करि भये जु परम अधीर । समय देखि के गौर जू भये कछू चित धीर ॥
श्री निवास जू आदि किय प्रभु पद वंदन जोय । एक एक कीं प्रभु कियो प्रेमालिंगन सोइ ॥
एक एक सब भक्त कीं किय संभाषण जोइ । सब कीं लै के गेह मधि कीनों गमन जु सोइ ॥
गेह जू काशी मिश्र की लघुस्थान है सोइ । तहां जु अनगन भक्त गण भये प्रमान हि जोइ ॥
श्री प्रभु अपने निकट में सब की दीनोवास । आपुन श्री कर सबनि दिय चंदन कुसुम सुवास ॥
आये महाचार्य औ आचारज प्रभु पास । जथा जोग्य सब सौं कियो मिलन महासुख रास ॥
गौर कहैं अद्वैत सौं मीठे वचन जु सोइ । पूरण भये जु आजु हम तुव आगम करि जोइ ॥
श्री अद्वैत कहैं यहै ईस सुभाव निदान । यद्यपि पूरण आप हैं सब ऐश्वर्य प्रधान ॥
भक्त संग करि तिहि तदपि है सुख की उल्लास । भक्त संग मधि नित्य प्रभु करें जु विवध विलास ॥
वासुदेव की देखि प्रभु आनंदित हैं आहि । कहैं कछू तासीं तब अंग हाथ दै ताहि ॥
सिमु हीनें जु मुकुंद जु यदपि हमारे संग । ताहु तें तुमकीं लखैं हमरे सुख जु अभंग ॥
वासुदेव जू मुकुंद तुव प्रथम लह्यो संग जोय । तुव पद पंकज प्राप्ति जो पुनर्जन्म है सोय ॥
छोटी हो जु मुकुंद अब भी मम जेठी सोय । कृपापाव तुव सब गुणनि तातें उच्चम जोय ॥
फेरि कहैं श्री गौर जू हम जु तिहारे काज । न्याये दक्षिण देस तें पुस्तक द्वै सुख साज ॥
श्री स्वरूप के पास हैं लीजें लिखि के ताहि । वासुदेव के हरष भी लखि जुग पुस्तक आहि ॥
एक एक सब वैष्णवनि लिखि के लीनी जोइ । क्रम क्रम करि पुस्तक जगत व्यापि गई द्वै सोइ ॥
श्री बानादिक कीं कहैं प्रभु करि बहु हित जोय । तुम चारीं भाइन जु कर हम जु विकाये सोय ॥
कहैं तहां श्री बाम जू क्यो जु कह्यो विपरीति । कृपा मोल करि भ्रात सब हैं जु तुम्हारे कीति ॥
संकर लखि दामोदर हि श्री प्रभु कहैं दयाल । मेरी गौरव सहित हैं तुम पर प्रीति रसाल ॥
संकर ऊपर प्रेम है केवल मुद अमंग । राखीगे संकर मुखद याही तें मो संग ॥
हम तें लघु संकर कहैं दामोदर जु स्वरूप । अब मेरो भाई बड़ी तुमरी कृपा अनूप ॥
सिबानंद सौं ते कहैं प्रभु कीं तुम पर आहि । हम हूं तें अनुराग दद है जानत है ताहि ॥
सिबानंद सेन जू मुनि प्रेमावेश जु होय । परि धरणी मधि दंडवत पढ़त पद्य रस मोय ॥

श्री चेतन्यचरित-प्रस्तावनाके—निमज्जतोऽनन्त भवार्णवान्तरिक्षराव मे कूलमिवासि लब्धः ।

न्ययापि लब्धं भगवन्निदानोमनुत्तमं पात्रमिदं दयायाः ॥ ६ ॥

गुप्त मुरारि जू प्रथम ही प्रभु कीं मिल्यो न सोय । मंदिर ते बाहिर पर्यो है जु दंडवत होय ॥
देखत नाहि मुरारि कीं दूढ़त प्रभु सुख साज । दौरे लैन मुरारि कीं आये माधु समाज ॥
श्री मुरारि जू दसन मधि धरि तृण गुच्छा दोय । गयो महाप्रभु जू के निकट दीन दैन्य करि होय ॥
लखि मुरारि कीं गौर जू आये मिलि बें चाय । लागे कहन मुरारि जू भजि पाछें कीं धाय ॥
महा अधम औ नीच हौं मम न छुवौ प्रभु धीर । तुव छुवने के जोग्य नहि यह पापीष्ट सरीर ॥
गौर कहैं जु मुरारि जू हाकीं दैन्य जु सोय । तुम्हरो दैन्य लखैं जु मम दीय विदीरग होय ॥
एतिक कहि के श्री प्रभु जू किय आलिंगन ताहि । करत अंग संसारजन निकट बसाइ जु मोइ ॥
रत्नाचारज गदाधर औ पुरंदराचार्य । विद्यानिधि हरि भट्ट पुनि गंगा दासाचार्य ॥
एक एक प्रति सबनि कीं प्रभु कीनों गुणगान । फेरि फेरि आलिंगि करि कर्यो बहुत सनमान ॥
सब जन कीं सनमान करि प्रभु केँ भी उल्लास । देख्यो नहि हरिदास कीं कहत कहाँ हरिदास ॥
सची तनय जू दूर तें लखि हरिदास हि जोय । राजमार्ग के एक दिस पर्यो दंडवत होय ॥
मिलन धाम में आय केँ प्रभु कीं मिले न जोय । प्रांत राज पथ के परे रहै दूरि ही सोय ॥
आये तिनके लैन कीं सब भक्त गण धाय । प्रभु तुम कीं चाहैं मिल्यो चली वेगि चित चाय ॥
श्री हरिदास कहैं जु मम नीच जात हौं छार । मंदर के तट गमन कीं मो कीं नहि अधिकार ॥
जगन्नाथ सेवक परस मो कीं नाही सोय । पर्यो तहां ही हौं रहौं यह मम बांछा होय ॥
यहै कथा प्रभुकीं कही सब लोकनि तब जाय । सुनिके श्रीप्रभु जू तब हि पायो सुख अधिकाय ॥
काशी मिश्र तिही समे औ अधिकृत ये दोय । तहां आय कीनीं जु श्री प्रभु पद वंदन सोइ ॥
सब वैष्णव कीं देखि केँ सुखी बहुत भी हीय । यथा जोग्य सबसौं मिलन आनंद करिकेँ कीय ॥
कीथो निवेदन गौर केँ पावन मधि जन दोय । समाधान जन कीं करै आज्ञा दीजै सोइ ॥
सब साधन कीं है कर्यो गृह निवास सुस्थान । सब कीं कर्यो प्रसाद करि समाधान मनमान ॥
प्रभु कहैं गोपीनाथ जू वैष्णव वृन्द मिलाय । जहां जहां बसिबे कहैं तहां तहांई जाय ॥
प्रसादात् दीजै निकट वाणीनाथ हि जोय । करि है ए सब जननि कीं समाधान है सोय ॥
यही जु मेरे निकट है पुष्पन की उद्यान । एक और में गेह है निर्जन परम निदान ॥
कछु प्रयोजन है हमें दीजै गेह जु सोय । निभृति तहां बसि केँ जु हम करि है सुमिरण जोय ॥
मिश्र कहैं सब आप की मार्गी कारण कोय । अपनी इच्छा लीजिये चाहौगे हैं जोय ॥
आज्ञाकारी दास हैं तुम्हरे हम जन दोय । आज्ञा देहु जु करि कृपा जोई चाहौ सोय ॥
तहां तब कीनी विदा एतिक कहि जन दोय । संग लै गोपीनाथ औ वाणीनाथहि सोय ॥
दिखये गोपीनाथ कीं सब निवास के धाम । दीनो गोपीनाथ कीं प्रसादात् अभिराम ॥
आये वाणीनाथ अन्न पिठा पनो लै धाय । आये गोपीनाथ गृह संस्कार करवाय ॥
कहैं महाप्रभु जू तब सुनौ सकल जन वृन्द । सब ही निज निज वास कीं करिही गमन स्वर्जद ॥

करी जु चूड़ा दरस की जलनिधि बीच जु न्हाय । करि हौ भोजन आज सो तबै इहां ही आय ॥
नमस्कार करि प्रभु हि सब चले गेह अभिराम । गोपीनाथआचार्य जू सब निवास दिय धाम ॥
आये श्री हरिदास तब मिलिबे प्रभु सुखरास । करत नाम संकीर्तन हि हित करि श्री हरि दास ॥
प्रभु लखि के आगे परे दंडरीति है आहि । प्रभु जू आलिंगण कियो तब उठाय के ताहि ॥
रोवत प्रेमावेश मधि तबै तहां जन दोय । प्रभु गुण सेवक विकल है प्रभु सेवक गुण सोय ॥
कहै जु श्री हरिदास जू प्रभु न छुवौ मम देह । मैं अस परस जु नीच हौं पामर परम अछेह ॥
कहै जु प्रभु तुमको छुवै पावन है वै जोय । तुम्है पवित्र करें जु जिहि धर्म न हम मधि सोय ॥
छिन छिन माहि करौजु तुम सर्वतीर्थ मधि न्हाय । छिन छिन मांहि करौजु तुम जज्ञ और तप दान ॥
पदी निरंतर रैन दिन चारथौ वेद निदान । द्विज संन्यासी से जु तुम पावन परम सुजान ॥

श्री महाप्रभु तृतीयस्कन्धे—

अहो वत । स्वपचोऽनो गरीयान् यज्जिह्वामे वर्त्तते नाम तुभ्यं ।

तेपुस्तपस्ते जुहुवुः सस्तुरार्याः ब्रह्मानूचु नाम गृणन्ति ये ते ॥

गये पुण्य उद्यान मधि एतक कहि लै ताहि । सोई गृह दिय अति निभृति वसिबै स्थानजु आहि ॥
करी नाम संकीर्तन रहिकें धामजु याहि । हमको प्रति दिन आय के करि हौ मिलनजु आहि ॥
मंदिर के लखि चक्र की करि हौ तुम जु प्रणाम । इंदी ठौर ऐ है तुम्हें प्रसादान् अभिराम ॥
नित्यानंद जगदानन्द दामोदर जु सुकुन्द । मिलि के सब हरिदास को पायो बहु आनंद ॥
उदधि न्हाय के श्री प्रभु आये अपने धाम । अद्वैतादि गए जु सब उदधि न्हाय अभिराम ॥
जगन्नाथ जू की कियो चूड़ा दरसन आय । आये श्री प्रभु के घरहि भोजन करथौ बनाथ ॥
बैठारथौ सबकी प्रभु जु जोग्य क्रम धरि धाम । परि वेषन किय श्री करजु गौर हरी अभिराम ॥
अन्य अन्न आवै नहीं देत जु प्रभु कर सोय । इक इक पातर मधि दियो भोजन त्रय जन दोय ॥
श्री प्रभु जू पायो नहीं भोजन करत न कोय । उर्द्ध हस्त बैठे रहै सबै भक्त गण सोय ॥
श्री स्वरूप जू ने कियो प्रभु हि निवेदन सोय । तुम नहि बैठौ गौर जू भोजन करें न कोय ॥
तुम संग जेतक रहत है संन्यासी जन सोय । गोपीनाथ आचार्य तिहि कियो निमंत्रण जोय ॥
मिठा हेत प्रसाद लै बैठे हैं आचार्य । बैठि रहे तुम हेत करि पुरी भारती आर्य ॥
मीठा नित्यानंद लै करौ बैठि तुव सोय । जन परि वेषण करिहिगे हम तब लगि खां जोय ॥
प्रसादान् तब गौर दिय गौविंद के कर लाय । ठाकुर श्री हरिदास को पठयो जतन बनाय ॥
ले करि सब श्री पाद को बैठे आपुन सोय । हरपित है आचार्य जू सब ही परोसत जोय ॥
श्री स्वरूप दामोदर जु श्री श्री जगदानंद । जन परिवेषण की करें वय जन ए सुख कंद ॥
बहु विधि पीठा औ पना किय भोजन भरि कंठ । हरि हरि बोले उच करि बीच बीच उत्कंठ ॥
मपी समाप्त भोजन जु कियो आपमन चाय । पहिरायौ सब को प्रभु जु चंदन मान्य बनाय ॥

करिबे सब विश्रामको गये जु अपने धाम । संध्या समय जु आय किरि प्रभुहि मिले अभिराम ॥
लै करि सब को प्रभु गये जगन्नाथ के धाम । तहां महाशय कीरतन किय आरंभ अभिराम ॥
संकीर्तन आरंभ किय लखि के संध्या भूप । अधिकृत सब को आनि दिय चंदन मान्य अनूप ॥
करत कीरतन चारि दिस संप्रदाय जे चारि । शची तनय प्रभु गौर जू बिच नाचत सुखधार ॥
द्वात्रिंशत करताल औ वाजत अष्ट मृदंग । भलै भलै कहि हरि धुनि हि करें भक्त भरि रंग ॥
उठी कीरतन की महा मंगल धुनि तब जोय । ब्रह्म अंड भेद्यों जु भरि लोक चतुरदस सोय ॥
आये देखन हित सबै लीलाचल के लोय । अचिरज भौ उडिया नगनि निरखि कीरतन सोय ॥
बैठे तब श्री गौर जू जगन्नाथ के धाम । करि जु प्रदक्षिण नृत्य करि बोले अति अभिराम ॥
संप्रदाय चारों करें आगे पाछे गान । गिरत समै प्रभु को घेरें नित्यानंद सुजान ॥
अश्रु पुलक सब अंग में कंप स्वेद हुंकार । चमतकार सब लोक के लखि के प्रेम विकार ॥
जिमि पिचका धारा चलै नयन अश्रु की धार । स्नान कराये लोक सब चारि दिसा सुख सार ॥
नृत्य चक्रवत गौर जू करि केतिक छिन जोय । मंदिर के पाछे जु रहि करें कीरतन सोय ॥
संप्रदाय चारथौ दिसा चारि उच्च स्वर गाय । तांडव नृत्य करें जु बिच नवद्वीप के राय ॥
करि के बहु छिन नृत्य को भौ धिर प्रभु सुख रूप । चारि महंतनि नृत्य को आज्ञा दई अनूप ॥
संप्रदाय एक हि नचें श्री अद्वैताचार्य । संप्रदाय दूजें नचें श्री नित्यानंद आर्य ॥
पंडित चक्रेश्वर नचें संप्रदाय मधि आन । श्री निवास नाचत और संप्रदाय मधि जान ॥
करें महाप्रभु दरस तब रहि के बीच जु आहि । तबै तहां ऐश्वर्य इक भयो प्रगट ही ताहि ॥
नृत्य गीत दिस चारि में करें जितिक जन जोय । सबै लखें हमरो करें प्रभु जू दरसन सोय ॥
नृत्य देखिबे चारि जन प्रभु जू के अभिलास । बहु अभिलाप करें तहां सो ऐश्वर्य प्रकास ॥
दरसन मधि आवेस लखि जानत केवल ताहि । काहे तें चहुदिस लखें यह नहि जानत आहि ॥
जैसे भोजन पुलिन मधि करत कृष्ण सुख रूप । चहु दिस सखा कहै चहै हम ही ओर अनूप ॥
नृत्य करन हित जो सुजन आये निकट जू आहि । सबै महाप्रभु जू करें दृढ़ आलिंगण ताहि ॥
महानृत्य संकीर्तन महा प्रेम पुनि सोय । लखि प्रेमानंद में बहै लीलाचल के लोय ॥
सुनि महिमा संकीर्तन गज पति धरणी पाल । चढ़थौ अटारी तें लखें सेवक सहित रसाल ॥
देखि कीरतन नृपति के अचिरज भौ सुखसार । उत्कंठा प्रभु मिलन हित वादी सबनि अपार ॥
नृत्य पूर्ण करि प्रभु लखे पुण्यांजलि अभिराम । आये चलि सब जननि लै श्री प्रभु जू निजधाम ॥
अधिकारी दिय आनि के बहु प्रसाद ततकाल । दियो सबनि को बाटि के तहां जु ईस रसाल ॥
सब ही को दीनी विदा करिबे सपन जु आहि । करें शचीनंदन सदा इही भांति लीलाहि ॥
जब लगि सब जन गण रहै श्री जु महाप्रभु संग । प्रति दिन याही भांति करि करें कीरतन रंग ॥
एतक कथौ सु गौर को नृत्य सुगीत बिलास । जोइ याको नर सुनै होय गौर को दास ॥

श्री तु रूप रघुनाथ के पायन की करि आस । चरितामृत चैतन्य की कहै कृष्ण की दास ॥
रूप सनातन जगत हित सुवल स्याम पद आस । प्रभु चरितामृत सो लिखे ब्रज भाषाहि प्रकास ॥
इति श्री चैतन्यचरितामृते मध्यखण्डे मेधा कीर्तन विलासो नाम एकादस परिच्छेदः ॥

द्वादश परिच्छेद

श्रीगुह्यामंदिरमात्मवृद्धैः संमार्जनचालनतः सगौरः ॥

स्वचित्तवच्छीतलमुज्ज्वलं श्रीकृष्णवेमोपयिकंचकार ॥

जय जय श्री चैतन्य जू जय श्री नित्यानंद । जय अद्भुत हिमांतु जय दास वर्ग सुखकंद ॥
पहिले दक्षिण देस ते जय प्रभु आये सोय । गजपति तिनके मिलन हित उतकंठित भो सोय ॥
पत्नी दीनी कटक ते सार्वभौम के ठांह । जो प्रभु आज्ञा होय तो दरसन के हित जांह ॥
महाचार्य लिख्यौ प्रभु आज्ञा भई न जोड़ । राजा तिनको फेरि कै पत्नी पठई सोइ ॥
श्री प्रभु जू के निकट हैं जिते भक्तगण ताहि । तिन सब सौं विनती करौ मेरे हित तुम चाहि ॥
तेरे मोपे सदाय है सब दयाल अधिकार । मेरे हित प्रभु के चरण करि हैं विनय बनाय ॥
तिन सब के जू प्रसाद करि मिलि हैं प्रभु पद सोय । विन प्रभु कृपा न भावही मोहि राज्य इहजोय ॥
जो मोपे करि हैं नही कृपा गौर हरि सोय । प्राननि देहौं राज तजि हूँ ही भिच्छुक सोय ॥
सार्वभौम पत्नीहि लखि हिय अति चिंतित होय । गये भक्तगण के निकट लैके पत्नी सोय ॥
परिलैं सब सौं मिलि कछी विवरण नृपहिय आहि । पाछे के पत्नी वही सबको दई दिखाहि ॥
सबके मन विस्मय भयो लखिके पत्नी ताहि । गजपति नृप के भक्ति है इतीक प्रभु पद आहि ॥
सब ही भक्त कहैं जू प्रभु क्यौ न मिलि हैं ताहि । जो हम सबही कहेंगे दुख मानेंगे जाहि ॥
महाचार्य जू कहैं चली जू सब इक वार । मिलिये कौं कहियौ सुजनि कहियौ नृप व्यवहार ॥
ऐसे कहि लै सबनि कौं गये जू प्रभु के पास । कहिये कौं सन्मुख सबै करै न वचन प्रकास ॥
गौर कहैं कहिये कदा भी सब आगम जोड़ । दीसत कछु चाखी कछी कही न कारण कोइ ॥
नित्यानंद कहैं कछी चाहैं तुमसौं जोय । सकैं न रहि विन कहैं पुनि कहैं हिये भय होय ॥
किये निवेद कहैं तुव जोग्य अजोग्य जू होय । जोगी भयो चाहैं नृपति विना मिलैं तुव सोय ॥
प्रभु की कोमल मन भयो जद्यपि सुनि के ताहि । तऊ कहैं बाहिर कछुक निठुर वचन पुनि आहि ॥
तुम सब की इच्छा यहै हम सब की लै सोय । एऊ राजा कौं मिले कटक जाय के जोय ॥
परमात्म जाही जगत निर्दन करि है जोय । जगह रह दामोदर-जु करि है भर्त्सन सोय ॥
ही तुम सब आज्ञा जू करि नृपसौं मिलीं न आहि । दामोदर जब कहैं तब ही मिलि हीं नृप ताहि ॥

दामोदर तब कहैं प्रभु ईस स्वतन्त्र सु होय । करियौ अन करियौ सब गोचर तुम्हरे जोय ॥
कौन छुद्र ही जीव तुम देहें आज्ञा आहि । देखेंहिमे हम सौं वह जू आपन मिलि ही ताहि ॥
तुम सौं करैं सनेह नृप तुम सनेह बस आहि । तिहि सनेह करवाय है तुमको पर बस ताहि ॥
ईश्वर सब के तुम जू ही जद्यपि परम स्वतन्त्र । हो अपने जू सुभाव करि तऊ प्रेम परतन्त्र ॥
कहैं जू नित्यानंद जू ऐसी जन है कोय । नृप सौं मिलन करौ कहैं तुम सौं ऐसे जोय ॥
ऐसे एक स्वभाव है अनुरागी जन जान । विन पायें निज इष्ट के तजे सु अपने प्राण ॥
जाज्ञिक द्विज पतनी तहां है ताको जू प्रभान । पति आगे तिहि कृष्ण हित छाड़े अपने प्राण ॥
तैसे ही कछु युक्ति करि करौ कछु जू विचार । तुम हूँ मिलौं न ताहि तिहि रहै प्राण निरधार ॥
बहिर्वास इक देहु जो हिय कृपाल अति होय । प्राननि राखे पाय तिहि तुम आसा करिजोय ॥
कहैं महाप्रभु तुम सब परम विवेकी सोय । समाधान सोई करौ जोई भलै जू होय ॥
तब गोविन्द के पास ते प्रभु नित्यानंद आहि । एक जू लीनों मांगि के बहिर्वास प्रभु ताहि ॥
बहिर्वास सोप्यो वहै सार्वभौम के पास । नृप कौं दियो पठाय के सार्वभौम वह वास ॥
नृप कौं मन हरपित भयो बसन पाय के ताहि । पूजन करै जू वस्त्र कौं प्रभुस्वरूप करि आहि ॥
दक्षिण ते आये जव श्री रामानंद राय । प्रभु संग रहिये हित जव नृपसौं कछी बनाय ॥
नृप निदेस तिनको दियो करि सन्तोष अपार । तब कही मिलन हित की जो प्रभु मनुहार ॥
श्री प्रभु-जू तुम पर करैं कृपा महाअधिकाय । मोहि मिलावनहित अवस कहि हो हियहि दवाय ॥
प्रेम भक्ति प्रभु चरण मधि नृप की दई जनाय । बार बार ऐसे कहैं समय प्रसंग हि पाय ॥
दोऊ जन आये जवै क्षेत्र एक ही संग । श्री रामानंद राय तब प्रभु सौं मिले सरंग ॥
महा निपुन व्योहार मधि नृप मन्त्री श्री राय । नृप की कहि कहि प्रीति दिय प्रभु कौं दियो दवाय ॥
रुद्रप्रताप न रहि सकैं उत्कंठा करि आहि । रामानंद साधे प्रभु हि मिलिये के हित ताहि ॥
रामानंद प्रभु चरण मधि कियो निवेदन सोय । एक वार गजपति नृपहि चरण दिखाओ जोय ॥
रामानंद विचारि तुम कही कहैं प्रभु ताहि । नृप सौं कैसे मिलि सकत है सन्यासी आहि ॥
नृप के मिले विरुक्त के दुहैं लोक कौं नास । रही बात पर लोक की करै लोक उपहास ॥
रामानंद कहैं जू प्रभु तुम होई स्वतन्त्र । तुम कौं भय है कौन कौं तुम नही परतन्त्र ॥
प्रभु जू कहैं मनुष्य ही है आश्रम संन्यास । मन बच क्रम व्योहार मधि मै कौं हिये निवास ॥
मसी बिन्दु उज्ज्वल बसन दुरै न जैसे सोय । अल्प छिद्र हूँ जती कौं गावै सब ही लोय ॥
राय कहैं पापी किते किये शुद्ध तुम जोय । ईश्वर सेवक भक्त तुम गजपति राजा सोय ॥
कहैं जू प्रभु ज्यौं पूरण कलस दुग्ध कौं सोइ । सुराविंद के गिरत ही करै परस नहि कोय ॥
है प्रताप रुद्र सु जद्यपि सकल गुणनि कौं धाम । ताको कीनी मलिन है एक राज इहि नाम ॥
है जू तुम्हरे तऊ जो महा आग्रह पाहि । मिलियौ हम सौं आनि के तो तुम तनय जू ताहि ॥

आपु ही उपजे पुत्र हैं वेद वचन यह जोइ । जानौ आपुन नृप मिल्यौ मिलै पुत्र कै सोय ॥
 सर ती सब श्री राय जू कसौ जु नृप सो जाय । लै कें आये तनय तिहि प्रभु की आज्ञा पाय ॥
 नृपकौ सुत सुन्दर महा त्याग वरण छविऐन । वय किशोर दीरघ चपल अरुण कमल छलनेन ॥
 पीत वसन धारै जु अंग रत्न अलंकृत जोय । प्रभु कौ कृष्ण समरण कौ उदीपन भौ सोय ॥
 श्रीप्रभु जू कौ कृष्णकी भई जु सुधि लखि ताहि । तिहि मिलि प्रेमावेशमें कहन लागे प्रभु आहि ॥
 परम भागवत है यही दरसन देखे जाहि । ब्रज नृप सुत की होय सुध सकल जननि कें आहि ॥
 मये कृतार्थ हम अबे कोनै दरसन आहि । ऐसैं कहि कें फेरि तब आलिंगन किय ताहि ॥
 नृप सुतकौ प्रभु परसि करि भयो जु प्रेमावेश । जाह्य स्वेद कंपाश्रु पुनि अरु सात्विक जुविशेस ॥
 कृष्ण कृष्ण कहि नाचई करै जु रोदन आहि । श्लाघा करै जु भक्तगण देखि भाग्य बड़ ताहि ॥
 घेरे करावौ श्री महाप्रभु जू तबै जु ताहि । नित्य आय मिलि हौ हमें आज्ञा दीनी जाहि ॥
 विदा दई आये तबै नृप सुत लै कें राय । सुत चेष्टा राजा निरखि सुख पायौ अधिकाय ॥
 करि आलिंगन पुत्र कौ प्रेम मगन भौ जोय । साक्षात जु प्रभु कौ परस मनु तिहि पायौ सोय ॥
 तबही ते नृपकौ तनय भाग्यवान बड़ जोय । प्रभु जू के जन गणनि मधि भयो एकजन सोय ॥
 इही भांति श्री महाप्रभु भक्त गणनि के संग । क्रीडा करै निरंतर हि संकीर्तन के रंग ॥
 प्रभु कौ करै निमंत्रणहि आचार्यादिक जोय । तिन तिन की भिचा करै भक्त गणनि लै सोय ॥
 इही भांति नाना रंगनि गये कितिक दिन सोय । आयौ श्री जगन्नाथ कौ रथ जात्रा दिन जोय ॥
 प्रभु जू काशी मिश्र कौ पहिले ई जु बुलाय । अधिकृत भट्टाचार्य औ बोलि लिये अति चाय ॥
 हसि कें श्री प्रभु जू कसौ तीन जननि सौं एह । गुंडिचा मंदिर मार्जन सेवा मांगी देहु ॥
 कहै जु अधिकारी सर्व हम तुम सेवक जोय । हम कौ करनौ है वही जो तुम इच्छा होय ॥
 मयौ निदेश विशेष करि नृप कौ हम कौ जोय । प्रभु की इच्छा होय औ वेगि ही कीजै सोय ॥
 सेवा मंदिर मारजन नहीं जोग्य तुव सोय । यह एक लीला करी है मन में तुम जोय ॥
 कैं घट औ मार्जनी चाहिये बहुतै ताहि । आनि देहु सब आजि ह्य आज्ञा दीजै आहि ॥
 सब एक सत घट मार्जनी एक सत नूतन जोइ । अधिकृत दीनी आनि कें प्रभु जु आगें सोइ ॥
 प्रभु प्रसाद हि और दिन लै करि निज गण संग । श्री निज करिकें सवनि कें लेप्यौ चंदन अंग ॥
 दई सवनि कौ मार्जनी एक एक निज हाथ । आपुन श्री प्रभु जू चले लै निज गण सब साथ ॥
 गये जु मंदिर गुंडिचा करिवे मार्जन ताहि । लै करि पहिले मार्जनी कोनी सोधन जाहि ॥
 मंदिर मधि ऊपर सकल कोनी मार्जन जोय । सिंहासन कौ मार्ज पुनि भीति चंद्रभा सोय ॥
 सोल मंदिर के किरी मार्जन सोधन जोय । तैसें फिरि सोधन किरी श्री जगमोहन सोय ॥
 सोल चढ़ा सकल सत करनि मार्जनी जाहि । आपुन प्रभु सोधन करै सवनि सिखावै आहि ॥

सौधें प्रेम हुलास करि गृह लै कृष्णहि नाम । कहै कृष्ण सब भक्तगण करै सु निज निज काम ॥
 रज धूसर तनु देखि ये अति ही सोमित आहि । कहै कहै जल अश्रु की करै सुमार्जन ताहि ॥
 कांकर कूरी धूलि सब करि एकत्र बनाय । बहिर्वास मधि लेव कें बाहिर डारै जाय ॥
 इही भांति सब भक्तगण करि कें निज निज वास । बाहिर डारै धूरि वन ह्य कें परम हुलास ॥
 प्रभु जू कहै कितौ कियो किन्ही मार्जन जोय । तृण रज के परिमाण करि जानै परिश्रम सोय ॥
 सब के कूरे के किये बोझ एक ठां जोय । बोझ सवनि के ते भयो प्रभु कौ अधिक जु सोय ॥
 अभ्यंतर इहि भांति करि कियो मार्जन सोय । द्यौ सवनि कौ फेरि कें करि कें बांटी जु जोय ॥
 सूक्ष्म रज तृण कांकरी सबै दूरि करि जोय । प्रभु कौ अंतर पुर सबै सोध्यौ भलै जु सोय ॥
 सब जन संग लै दूसरें जब फिरि सोध्यौ आहि । मन में अति संतोष भौ प्रभु जु लै लखि ताहि ॥
 और भक्त शत नीर के शत घट भरि कें आहि । लै आये हैं प्रथम ही रहे समै को चाहि ॥
 न्यावौ जल जवही कसौ श्री प्रभु जू सुख भोइ । तबही शत घट आनि प्रभु आगें धरै जु सोइ ॥
 प्रभु जू मंदिर कौ प्रथम किय प्रक्षालन जोय । ऊपर नीचै भीत गृह मधि सिंहासन जोय ॥
 खपग भरि भरि नीर के ऊपर कौ जु चलाय । तिहि जल करि उचै सबै धोई भीत बनाय ॥
 प्रक्षालन आपुन करै सिंहासन कौ आहि । श्री निज करि कें महाप्रभु करै मारजन ताहि ॥
 करै भक्तगण गेह मधि कौ प्रक्षालन जोय । करै मारजन मंदिरहि निज निज करि कें लोय ॥
 दै हि महाप्रभु कें करहि केऊ जल घट आहि । कें ऊ छल करि देत है चरणनि ऊपर ताहि ॥
 कें ऊ दूरि करि करत है ताही जल कौ पान । मांगि लै हि कें ऊ करै कें ऊ और निदान ॥
 गेह धोय जल छोडि दिय मोरी ह्य कें जोय । रखौ जु ताहि नीर करि भरि कें आंगण सोय ॥
 कियो मारजन गेहकौ निजनिज वसनहि ताहि । भाज्यौ प्रभु निज वसन करि सो सिंहासन आहि ॥
 सत घट जल करि धोयवौ भयो जु मंदिर ताहि । कोनौ मंदिर धोय कें मानौ निज मन आहि ॥
 नीर्मल सीतल चीकनौ कोनौ मंदिर जोय । जानौ हृदय स्व आपनौ बाहिर धर्यौ जु सोय ॥
 आवै पूरण कुंभ लै एक शत जन जू ताहि । रीते घट लै जाहि एक और भक्त शत आहि ॥

कविच

नित्यानन्द औ अद्वैत भारती पुरी स्वरूप विना इन और सब नीर भरि लावई ।
 घका धकी भीर लगि गये किते फूटि घट नये घट लै कें सत और जन आवई ।
 जल भरै धोवै गृह करै हरिनाम धुनि सुनि ये न आन कहु कृष्ण नाम गावई ॥
 मागें घट कृष्ण कहि दैहि कृष्ण कृष्ण कहि प्रेम में मगन सब प्रभु मन भावई ॥

जोई जोई कहै सो कहै कृष्ण अभिराम । सब कामनि मधि भौ तहा संकेत जु हरिनाम ॥
 कहै जु प्रेमावेश मधि कृष्ण कृष्ण प्रभु नाम । करै एक ले प्रेम करि प्रभु सत जन कौ काम ॥

प्रवालन मार्जन करें मनु सत हाथनि सोइ । करें जाय प्रति जन निकट सिद्धा नीकें जोइ ॥
 भली काम देखें सु जिहि करें प्रसंसा ताहि । मन मानें नहि करें तिहि पंडित भर्जन आहि ॥
 भली कियो है तुम जु यह और हि सिखवौ जोय । भली काम याही सु विधि जैसें करें जु सोय ॥
 यह बात सुनि कै तबै सबै ससंकित होय । मन दें कर्म करें सबै भली भांति करि जोय ॥
 प्रवालन कीनी तबै श्री जग मोहन जोइ । कियो भोग मंडप जु कौ पुनि प्रच्छालन सोइ ॥
 धोप नाट साला जु पुनि धौपौ आंगन चौक । विजन साला आदि दें धोये सब लै ओक ॥
 चहुवां मंदिर कै कियो प्रवालन प्रभु जोय । सब अंत पुर भली विधि धोयो सब मिलि सोय ॥
 तिही समै इक गौडिया सरल बुद्धि अति आहि । प्रभु जू के पद जुगल मधि दीनौ घट जलताहि ॥
 सोई जल लैकें जु तिहि आपु न पान जु कोय । प्रभु जू के तिहि देखिकें भयो क्रोध दुखहीय ॥
 प्रभु कै यद्यपि भयो है सब ही पर संतोष । सिद्धा हित कीनी तऊ बाहिर तापर रोष ॥
 श्री स्वरूप गोस्वामी जू आनि क्यौ प्रभु ताहि । यह देखौ तुव गौडिया कौ व्यौहार जु आहि ॥
 प्रभु के मंदिर बीच मम चरण धोय कै जोय । आपुन पान कियो जु इन लै करि कै जल सोय ॥
 हँ है मेरी कौन गति यही पाप करि जोय । एतक करें विडंब मम तुम गौडिया जु सोय ॥
 तब स्वरूप गोस्वामि जू ग्रीव हाथ दें ताहि । राख्यौ मंदिर बाहरे दें करि धका जु ताहि ॥
 केरि आय प्रभु चरण मधि कीनी विनय अगाध । तमा सु करिवैं जोग्य है मूरख कौ अपराध ॥
 तब तौ प्रभु जू के मन हि भौ संतोष जु सोय । पंक्ती करि कै दूहुंघा वैठाये सब जोय ॥
 आपुन प्रभु वसी मधि कै अपने करि कै आहि । तृण कांटौ कुरौ जु सब बीनन लागे ताहि ॥
 कौन किनौ कुरौ सु सब करि है इक ठी आहि । लैहै पेठापना रस तापैं धोरौ जाहि ॥
 इही भांति सब पुरी प्रभु कीनी सोधन जोय । सीतल निर्मल अति करी जानौं निजमन सोय ॥
 जब ही छोडि प्रनालिका पानी दियो बहाय । मानौ एक नई नदी मिली उदधि कौ आहि ॥
 इही भांति पुर द्वार औ जितौ अग्रपथ आहि । सब ही सोधैं कौन करि सकैं जु वरनन ताहि ॥
 सीतर बाहिर मुद किय श्री नृसिंह कौ धाम । कीनी नृत्यारंभ तब छिन इक करि विश्राम ॥
 करै कीरतन चहुंघां भक्त इन्द जे ताहि । मध्य नृत्य श्री प्रभु करें मत्तसिंह सम आहि ॥
 स्वेद कंप वैवर्ण्य पुनि पुलकि और हुंकार । निज अंग ध्वं आगें चलै महा अश्रु की धार ॥
 चहुं ओर जे भक्तगण धोयें तिनके अंग । जानौ सावन मास मधि वरषैं मेह अभंग ॥
 महा उच्च संकीरतन पुरित नम किय ताहि । प्रभु के उद्धट नृत्य करि भूमि कंप भौ आहि ॥
 श्री स्वरूप की गान अति उच्च सदा प्रभु भाय । नृत्य करें उदंड अति गौर राय सुख छांय ॥
 इही भांतिकें किंतक छिन नृत्य जु करिकें जोय । प्रभु जू ने विश्राम किय समय जानिकें सोय ॥
 प्रभु जू श्री आचार्यकौ श्री गुपाल अभिधान । नृत्य करण हित ताहि दिय आज्ञा श्रीभगवान ॥
 नाचत प्रेमावेश मधि मयी मूर्च्छित जोय । गिर्यौ भूमि मधि ता समै होय अचेतन सोय ॥

हरवराय आचार्य जू लियो अंक भरि ताहि । स्वास विना तिहि देखि कै मये विकल अति आहि ॥
 पडि कै मंत्र नृसिंह कौ जल छीटें दें सोय । फाटि जाहि ब्रम्हांड जिहि शब्द सुहुंहुन होय ॥
 कीनी जतन अनेक हूँ भई तऊ न संभार । आचारज कंदन करें अरु सब भक्त अपार ॥
 तबहि महाप्रभु तिहि हियें दीनौ हाथ जु आहि । उठि गुपाल यौ उच्च सुर करि कै बोले ताहि ॥
 भौ गोपालदास जु तबै चेतन सुनत ही सोय । हरि हरि कहि नृत्यहि करें सबै भक्तगण जोय ॥
 यह लीला वरणी सुबहु श्री वृंदावन दास । याहीते संक्षेप करि कियो कथन हम तास ॥
 छिन इक करि विश्राम प्रभु हियें भरे रस रंग । जाय सरोवर करी जल क्रीडा भक्तनि संग ॥
 तीर आय पहिरे सबनि सूके वसन जु सोय । करि प्रणाम नरसिंह कौ गये जु उपवन जोय ॥
 बैठे प्रभु उद्यान मधि लै भक्तनि की पांति । आये वानीनाथ तब लै प्रसाद बहु भांति ॥
 तुलसी कासी मिश्र पुनि एजन दोय प्रधान । जितनौ भक्षण करि सकैं जन सै पांच प्रमान ॥
 अन्न तितौ पेठा पना सब ही दियो पठाय । ताहि देखि संतोष भौ प्रभु के हिय अधिकाय ॥
 पुरी गुंसाई महाप्रभु भारति ब्रह्मानन्द । आचारज अब्दैत औ प्रभु श्री नित्यानंद ॥
 रत्नाचारज गदाधर निधि श्री वासाचार्य । राघव बकेश्वर जु पुनि संकर न्यायचार्य ॥
 बैठे भट्टाचार्य जू प्रभु की आज्ञा पाय । प्रभु ऊंचे बैठे इतौ लै करि जन समुदाय ॥
 ताके तर ताकें तरैं इहौ अनुक्रम जोय । बैठे जन उद्यान भरि भोजन करिवैं सोय ॥
 प्रभु जू कहि हरिदास तब छिन छिन टेरें ताहि । रहि सुदूर हरिदासपौं करें निवेदन आहि ॥
 प्रभु प्रसाद भक्तनि सहित करौ जु अंगीकार । जोग्य नय न सँग बैठिवैं हौं जु तुच्छ अतिछार ॥
 पाछें मोहि प्रसादलै देंहैं गोविंद आहि । फिरि न बुलायौ ताहि प्रभु जानि हिये कौ भाय ॥
 श्री स्वरूप गोस्वामि जू पुनि जगदानंद साथ । दामोदर काशीश्वर जु अरु पुनि गोपीनाथ ॥
 संकर वाणीनाथ जे परसे सातहि भक्त । बीच बीच हरि धुनि करें भक्त जूय अनुरक्त ॥
 पहिलैं कृष्ण कियो पुलिन भोजन जैसें आहि । प्रभु के मन में सुधि भई सोई लीला ताहि ॥
 जद्यपि प्रेमावेश करि भौ अधीर प्रभु सोय । कीनी थिर प्रभु मन तऊ समय जानि कै सोय ॥
 हमें देहु प्रभु कहैं यौ लफरा व्यंजन जोय । पिठापना गुटिका असृत जनगण देहु सोय ॥
 जानें प्रभु सर्वज्ञ जिहि जाही में रुचि जोय । श्री स्वरूप द्वारा जु तिहि घावें तिहि तिहि सोय ॥
 चहुंघा जगदानंद फिरै सबनि परोसत जोय । प्रभु पातर मधि जौ भली देय अचानक सोय ॥
 देवें मधि यद्यपि करें प्रभु जू तापर रोस । तौऊ छल करि दें मधि दियें तिनैं संतोष ॥
 केरि आय तिहि द्रव्य कौं करै निरीक्षण सोय । तिहि भयकरि प्रभु जू करें भक्षण कलु इक सोय ॥
 बिन पाये करि है जु यह जगदानंद उपवास । ताकें आगें खाय कलु मन में यही जु वास ॥
 श्री स्वरूप मीठी भली लै प्रसाद करि जोय । आगें करिकें दंडवत करें निवेदन सोय ॥
 थोरो आस्वादन करौ यह प्रसाद जो आहि । जगन्नाथ कैसैं कियो देखौ भोजन याहि ॥

ऐसी कहि आनें करि कहक समर्पन जोय । तिहि सनेह करि प्रभु कछु करि जु भोजन सोय ॥
 इही भाँति दोऊ जनें करे जु बारवार । अचिरज दुहुं जु मक्त की यह सनेह व्योहार ॥
 प्रभु ज महापाप्य की बैठायो निजपास । लखि सनेह दुहुं मक्त की सार्वभौम हिय दास ॥
 ते उचन जु प्रसाद प्रभु सार्वभौम की जोय । भोजन करिचार्य जु फिरि फिरि सनेह करि सोय ॥
 सोषीनापाचार्य जु की प्रसाद रस ऐन । देके महापाप्य की कहि जु मधुर बेन ॥
 कहाँ जु महापाप्य की पहिली जड व्योहार । कहाँ यह आनंद परम करि देखी जु विचार ॥
 महापाप्य कहि जु ही तार्किक महा कुपुटि । तुष प्रसाद करि भई मम इहि संपति की सुदि ॥
 एक महाप्रभु विन कहि नही दयामय कोय । ऐसी कौन जु है करि काकहि मरुद जु सोय ॥
 सेव सुगल तार्किकनि के हाव हाव किय पाहि । कहि ये कृष्ण हरी सदा ताही मुख अव आहि ॥
 कहाँ बहिरुख तार्किक जु सिष्य गणनि के संग । कहाँ यहै सव संग सुख सुधा समुद्र तरंग ॥
 कहैहु प्रभु तुष कृष्ण मधि प्रीति सदा की जोय । हम सबके तुष संग करि भई कृष्ण मति सोय ॥
 सहिसा मक्त बहापये अरु मक्तनि सुख देन । और महाप्रभु की जु सम है जु त्रिलोकी में न ॥
 एक एक सब मक्त के तब प्रभु की ही नाम । पायी पिठापना सबनि करि प्रसाद अनिराम ॥
 निषानेद अर्द्धत जु बैठे एक ठाँ जोय । दोऊ जन कौडा कलह लागे करबे सोय ॥
 की अर्द्धत कहि जु अवभूत संग इह पावि । भोजन किये जु कौन मति है ई जानि न जावि ॥
 प्रभु ही संयासी तिन्हें हानि नाहि न कोय । अन्न दोस करि जती की दोस नाहि कछु होय ॥
 अन्न दोस नहि जती की कहै न यह प्रमान । ही गृहस्त द्विज मोहि यह दोसस्थान निदान ॥
 बीलाचार सु जन्म कुल नहि जानिये जाहि । एक पंकति ताके जु संग अनाचार बड़ आहि ॥
 निषानेद कहि जु तुम ही अर्द्धताचार्य । सो अर्द्धत जु बाधै सुदि भक्ति की कार्य ॥
 साने तुष सिद्धान्त की संग करे जन कोय । एक वस्तु विन दुनिय की माने नाहिन सोय ॥
 ऐसे तुम संग मम मयी एक ठाँ भोजन जोय । नहि न जानिये इह जु मम तुम संग कैसे होय ॥
 ऐसे जन इहि विधि करे बेला बोली जोय । गारा गारी जिमि करे व्याज स्तुति ही होय ॥
 तब प्रभु सब वैष्णवनि की ही नाम जु जाहि । दयाय प्रसाद कृपा अमृत सीधे सवही आहि ॥
 हरि हरि बुनि करिके सबे उठे प्रसाद जु पाय । मर्त्य लोक अरु स्वर्गहं गयेजु तिहि भुनि लाय ॥
 एवं महाप्रभु सबे निज मक्तनि की मल जोय । निज करिके दीनी सबनि चंदन माला सोय ॥
 तब स्वरूप जु आदि दे परमेश जन सात । गृह मधि बैठि प्रसाद किय भोजन आनंद सात ॥
 प्रभु ज की अवसेम भरि राखी मोविद जोय । दीनी की हरिदास की तामे ते कछु सोय ॥
 मोविद ये ते मासि हिय सबे मक्तगण जोय । पायी मोविद आव तब अन्न प्रसाद जु सोय ॥
 कछु अंगन ईसर करे जाना बीला वाम । बोधा पयाला सु कीय इही लीला की नाम ॥
 जगन्नाथकी और दिन सपसोसाय जिहि नाम । मयी महीसाय जननि की प्राननि सब अनिराम ॥

प्रभु विन देखे दुखी जन पल दिवस सी सोय । जगन्नाथ दरसन मये आनंद मयी जु जोय ॥
 नी के प्रभु सब मक्तगण हिय आनंद अधिकाय । जगन्नाथ दरसन हि दिन चले वेगि अकुलाय ॥
 आगे काशीश्वर चले भीर निवारन सोय । पाछे मोविद पात्र जल नी के चले जु सोय ॥
 पुरी भारती विवि चले प्रभु के आगे सोय । श्री स्वरूप अर्द्धत जु आय पास जन दोष ॥
 चले जाय पाछे निकट और मक्त समुदाय । जगन्नाथ के मवन मधि मये मरे हिय पाय ॥
 मरजादा लंपन करे दरसन लोभी होय । करे मोम मंदप हि जे श्री मुख दरसन सोय ॥
 प्रभु ज के आतुर तृपित नयन प्रवर जुम जोय । पीये अति आसक्ति मी हरि मुख पंकज सोय ॥
 सोमिल प्रफुलित कमल ये में ऐन जुग जेन । मणि दर्पनली भलमली मंदनि दति छवि ऐन ॥
 जानी कुसुम वंधूक ये सुन्दर अचर सुरंग । मंद हसनि दति की लगनि तामे अमृत तरंग ॥
 श्री मुख सुन्दर माधुरी छिन छिन यहै जु सोय । कोटि कोटि जन नेन थलि करे पान रस जोषा ॥
 ज्यों ज्यों पीये विपासी वार्द्ध छिनछिन आदि । अनतन जाहि नेन थली तजिमुख अमृत ताहि ॥
 इही भाँति श्री महाप्रभु ले के जन मग संग । कीन्ही हे मध्यान्ह ली श्री मुख दरसन रंग ॥
 स्वेद कम्प अरु अश्रु जल यहै निरंतर आदि । करे सु दरसन लोभ करि प्रभु संवरन सु ताहि ॥
 मधि मधि लागे मोम जब मधि मधि दरसन होय । करे प्रभु संकीरत सम मोम के जोय ॥
 दरसन के आनंद मधि प्रभु सब विसरि आदि । ले आये मध्यान्ह लखि प्रभु की जन मग ताहि ॥
 हूँ हे प्रातः काल ही स्थयात्रा निज सोय । भोगलगायी सेवकनि करि के दूनी जोय ॥
 कभी गुँडिचा मार्जनहि करि संलेप जु आदि । कृष्ण भक्ति की अधम हूं पावे लखि सुनि ताहि ॥
 रूप सनातन और स्तुनाथ चरण रज आस । चरितामृत चैतन्य की कहि कृष्ण की दास ॥
 रूप सनातन जगत हित सुखल स्वाम पद आन । सो प्रभु चरितामृत लिखे प्रजभासादि प्रकास ॥

इति श्री चैतन्यचरितामृत मध्यान्ह दृष्टभाषायां शुद्धिमाहमार्जन नाम द्वादश परिच्छेदः ॥

त्रयोदश परिच्छेदः

सजीवान् कृष्णचैतन्यः श्रीरघाये नमः ॥ वेमासीजगतां चित्रं जगन्नाथोऽपि विस्मिताः ॥

जय जय श्री चैतन्य ज जय श्री नित्यानन्द । जय अर्द्धत हिमांशु जय प्रभु मक्तनि के इन्द ॥
 जय सब सोता मण सुनी करिके एक मन सोय । स्थयात्रा की नृत्य प्रभु परम मनोहर जोय ॥
 महा प्रभु ज और दिन सावधान हिय होय । मण संग उठि किय रेन मधि कृत्य स्नान सुजोय ॥
 पांडु विजे के देखिये कीनी मगन जु जोय । जगन्नाथ जात्रा करी तजि सिंहासन सोय ॥

आपुन रुद्रप्रताप नृप सेवक गण लै आय । करवायो दरसन विजय प्रभु के जन समुदाय ॥
 नित्यानन्द अद्वैत जू संग सब जन समुदाय । देखे ईश्वर गमन प्रभु हिये महा सुख पाय ॥
 पंडा गण सुबलिष्ठ अति जानी मद गज सोय । करें विजय जगनाथ जू कर सौं कर गहि सोय ॥
 तिहि अंस अवलंबन करें कितेक पंडा आहि । कितेक पंडा धरत हैं श्री पद पंकज ताहि ॥
 मोटी रज कटि तट बंधि डोरी रसम आहि । दुहुं दिसि तें जु उठावही धरि पंडा गण ताहि ॥
 उंचे रज तकिया सुसव ठांव ठांव धरि जोय । तकिया तें तकिया जु इक गमन करावैं सोय ॥
 तकिया प्रभु पद घात करि टूक टूक हूँ सोय । जाय तहां उडि रुई तिहि सन्द चंड अति होय ॥
 विश्वंभर जगनाथ तिहि सकै चलाय जु कोय । अपनी इच्छा सौं चलैं करत विहार जु सोय ॥
 महा प्रभो जय जय सुकहि कहैं भक्त धुनि जोय । कोलाहल बाजे नवहु कलु नहि सुनियें सोय ॥
 तब प्रताप रुद्र जु करें आपन सेवन जोय । लै सुवर्ण मार्जन करें पथि सो मार्जन सोय ॥
 पुनि मारग की छिर कई लै चन्दन जल आहि । राज्यासन बैठे करें घटि सेवा इमि ताहि ॥
 करें सुमेवन तुच्छ यह हूँ केँ उत्तम जोय । याहि तें जगन्नाथ की कृपा हि भाजन होय ॥
 पायो सुख श्री महाप्रभु सो सेवा लखि ताहि । ताही सेवा करि लही तिहि प्रभु कृपा सु आहि ॥
 अचिरज लोकनिकी भयो लखि रथ रचना ताहि । रथ आकार सुमेर की सबै हेम मय आहि ॥
 सत सत लागे चौर जिहि दर्पन उज्ज्वल आहि । उपर पताका सत लगी विमल चढ़ावा ताहि ॥
 बाजे किकिनि घुघुरु पंडा नाद सुहोय । नाना चित्रित पटवसन रथ जु विभूषित होय ॥
 रथ ऊपर लीलाहि करि चढ़े जु ईश्वर सोय । चढ़े सुभद्रा हलधर सु ओर दिव्य रथ दोय ॥
 बंदह दिन ईश्वर महा लक्ष्मी लै केँ संग । तिहि संग रहि एकान्त मधि करें सुक्रीड़ा रंग ॥
 श्री संमति लै भक्त मुख देवें कीं जु अपार । रथ चढ़ि आये बाहिरें करिवे कीं जु विहार ॥
 सुच्छिम उज्ज्वल बालुका मारग पुलिन समान । दुहुंधा पंकति सघन तरु जनु वृन्दावन भान ॥
 जगन्नाथ कीनी गमन रथ पर चढ़ि केँ जोय । दुहुं ओर देखत चलैं आनन्दित मन होय ॥
 रथहि चलावे गौड सब करिके अति आनन्द । चलै वेगि रथ एक छिन चलै एक छिन मंद ॥
 ठाढ़ो हूँ केँ रहै नहि चलै चलायें सोय । प्रभु ईच्छा सौं रथ चलै चलै न बल करि कोय ॥
 तब महाप्रभु आय सब लै निज गण समुदाय । श्री कर पहिराई सबनि माला चंदन लाय ॥
 परमानन्द पुरी जु श्री भारति ब्रह्मानन्द । श्री कर के चन्दन हि लगि बाळ्यो अति आनन्द ॥
 आचारज अद्वैत जू अरु प्रभु नित्यानन्द । श्री कर पंकज परस रस भये दुहुं आनन्द ॥
 कीरतनीया गण दर्ई माला चन्दन जोय । श्री स्वरूप श्री वास जू जहां मुख्य जन दोय ॥
 संप्रदाय नी चारि चौबीस गर्वैया जोय । ई ई तहां मृदंगिया भये आठ जन जोय ॥
 तब महाप्रभु जू तहां करि मन में जु विचार । मुख्य गर्वैया सांठिकें संप्रदाय किय चारि ॥

नित्यानन्द अद्वैत श्री बक्रेश्वर हरिदास । चारि जननि आज्ञा दर्ई करिवे नृत्य विलास ॥
 संप्रदाय पहिलो तहां कियो स्वरूप प्रधान । और पांच जन पास तिहि गायन दिये सुजान ॥
 श्री नारायण दत्त तहां दामोदर गोविन्द । राघव पंडित और पुनि श्री गोविन्दानन्द ॥
 आज्ञा दी तब नृत्य हित श्री अद्वैतहि जान । संप्रदाय कीनी दुतिय अरु श्री वास प्रधान ॥

कवित्त

गंगादास हरीदास श्री मान श्री शुभानन्द श्री राम पंडित तहां नाचैं नित्यानन्द हैं ।
 वासुदेव गोपीनाथ गावें है मुरारि जहां कियो है मुकुन्द मुख्य तीर्था सो अमंद हैं ।
 श्री कान्त वल्लभ सेन और जन दोय तहां नाचैं ब्रह्म हरिदास नाम सुख कंद हैं ।
 गोविन्द घोष प्रधान कियो और संप्रदाय हरिदास विष्णुदास राघव सो चंद हैं ॥
 माधव श्री वासु दोऊ भाई और तहां नाचैं पंडित बक्रेश्वर जू भक्त रस कन्द हैं ।
 कुलीन ग्राम के गर्वैया तिनकी है समाज एक न्यारी नाचैं तहां राय रामानन्द हैं ।
 और एक सम्प्रदाय सांति पुर वासिनि की तहां मुख्य श्री आचार्य भक्त उद्भृचंद हैं ।
 तहां श्री अचुतानन्द नृत्य करें और सब गावें सुख सिंधु भीजे सुरनि अमंद हैं ॥

दोहा

संप्रदाय जो खंड की न्यारी कीर्तन ताहि । नरहरि तहां जु नाचैं श्री रघुनन्दन आहि ॥
 संप्रदाय जगनाथ केँ आगैं गावें चारि । संप्रदाय ई दुहुंधा इक पीछे रस सार ॥
 संप्रदाय संतनि सुमधि चौदह वज्रें मृदंग । जिहि धुनि सुनि सब वैष्णव भये मत्त रस रंग ॥
 भक्त वादरनि मिलि भई मेघ घटा रससार । वरसैं कीरतन अमृत संग नैन जल धार ॥
 उठी कीरतन धुनि महा त्रिभुवन छाया जाहि । बायादिक जो और धुनि कलू न सुनियें आहि ॥
 हरि हरि कहि बोली जु प्रभु कीनी सक्ति प्रकास । एक समे ही में करें सातौं ठां जु विलास ॥
 संप्रदाय मधि इही प्रभु हैं सब कहैं विचार । और ठौर जाय जु नहीं हम पर दया अपार ॥
 प्रभु की शक्ति अचिन्त्य करि सकैं न लखि तिहि कोइ । अंतरंग जानैं भगत सुद्ध भक्ति जिहिहोय ॥
 जगन्नाथ हरपित महा देखि कीरतन ताहि । रथ राख्यो ठाढ़ी मुकरि लखि संकीर्तन आहि ॥
 श्री प्रतापरुद्रहि भयो अचिरज परम सुजोय । देखत ही राजा विवश भयो प्रेम मय सोय ॥
 काशी मिश्रहि नृप कहैं प्रभु की महिमा ताहि । काशी मिश्र कहैं जु तुव भाग्य सीम नहि आहि ॥
 सार्वभौम संग नृप करें सेना बेनी जोय । चोरी श्री चैतन्य की और न जानै कोय ॥
 जाके ऊपर कृपा तिहि जानि सकैं सो ताहि । ब्रह्मादिक हूँ कृपा बिन जानि सकैं नहि जाहि ॥
 नृप केँ सेवा तुच्छ लखि प्रभु मन हरपित जोय । पायो तिही प्रसाद करि दुरौ जु दरसन सोय ॥
 प्रगट मिलै न करें इती पीछे कृपा जु सोय । यह माया चैतन्य की वृत्ति सकैसी कोय ॥

सर्वनीय काशी मन्त्र दोह महाशय राजा ये प्रसाद देनि भये अधिक निदान है ।
 ही मणि जीला प्रसाद कोर जिन निज सकनि नचाये । तहाँ करि आप मान है ।
 कम् एह मणि होय कम् बहुनि प्रभु शक्ति की प्रकारें करि कार्य अनुमान है ।
 जीला ये मन्त्र ही प्रभु की न आप सुनि जानि इच्छा जीला शक्ति करि समाधान है ॥
 भविष्य को साक्षात्क जीला करी कृपावन गी अर्घ्य जीला करि गौर बार बार है ।
 नरक भय देखे तारि जानें नही और चारों है प्रमान भागवत शास्त्र वेद सार है ।
 सादी मणि महाशय करि शृंगर सय दिवे है बहाय लोक प्रिय रस धार है ।
 यदि करी कृपा रस चक्षुषी सु आगे निदि प्रभु न नचाये सक भय ये अपार है ॥



जगन्नाथ सुविद्या गमन आगे सुनी सुधारि । नृत्य किरी जिहि बाणि के प्रभु ज आगे तारि ॥
 जब प्रभु ज की मन मयी आग नृत्य हिल जोग । मंत्रदाय सारी तब किये एक ठी सोय ॥
 श्री विद्या रामा रघु गोविंद और सुर्वद । गोविंदानेददास हरि माधव अरु गोविंद ॥
 श्री हरि ज नृत्यहिल जब प्रभु ज की दीय । श्री स्वरूप ज के ज सेग मय ये मय जन दीय ॥
 तब स्थिति दसी जन प्रभु ज के सेग पाय । अरु चहुँ दिशि गावे करे मंत्रदाय बरि माय ॥
 श्री दंडवत जोरि के प्रभु ज दीऊ दाव । स्तुति करे ठावे वदन देखे श्री जगन्नाथ ॥

संज्ञा—जहाँ प्रहसन विधान नीचाछान दिगान न । जगदितान कुम्हान नीचिन्वान जमी जमः ॥१॥

अथहि अथहि वेदी वेदधीनान्जनीऽनौ अथहि अथहि कृत्स्नी कृत्स्निमन्त्रावकीर्तः ।

अयं हि अयं मेधावाम्बुः परमात्मनो अयं अयं सुखीनाम्नायो सुखदः ॥

अथर्वि ज्ञानं विद्यायां विद्ययां ज्ञानमवाप्नोति । अथर्वमथर्विणां विद्यायां विद्ययां ज्ञानमवाप्नोति ।

विद्यार्थकृतित्तः सुविनयः की सुविनयः प्रत्यक्षवर्तित्तः वर्तमानवर्तित्तः ।

अर्थ—सबसे कम बराबर जोप बेरको न मुझो लाई पानी न च मुझादि ती भवानी बनिप्रा ।

विदुः प्रीतिरिति ज्ञानमात्रेण प्रीतिरिति शीरीषात् : प्रसन्नमनसो श्रीमन्नानुदासः ॥

॥ यही वही है पेरि हूँ हिय प्रसास गगवान । राज जीरि के नलजान कहे श्री गगवान ॥
 ॥ कह कहै सुनयन मति करि के धनि हुंकार । पेरि फिरि हूँ आवली तिमि आलान अकार ॥
 ॥ तुल्य मति जई जई को प्रहू की कह दल जीय । दग मग ही हूँ करि लहो माग्य गिरि जुग सोय ॥
 ॥ लोभ लोभ वैकल्यान चय पुनह दग जीर । मर्य हय श्री देव्य इन नाना भाय अपीर ॥
 ॥ भिं आली भाग है जाय नृमि मदि सोय । जायी लोटे नृमि मधि सुवरन परजन सोय ॥
 ॥ कह की कियकर हूँ सोय पसरि दीव । भाव पास दीरे फिरि प्रहू की पसिये सोय ॥



राष्ट्रियता के बीच संकीर्ण मतभेदों का समाधान

— १००० —

— १०० —

प्रभु पाछें अद्वैत जू फिरें जु करि हुंकार । हरि बोलो बोलो हरी कहैं जु बारंवार ॥
 लोक निवारण हित भये मंडल तीन प्रमान । एक प्रथम मंडल भये ये नित्यानंद बलवान ॥
 काशीश्वर गोविंद दै आदि भक्त गण जोय । कर सौ कर गहि भये द्वितिय आवरण सोय ॥
 बाहिर रुद्र प्रताप नृप लै अधिकृत गण जोय । करैं निवारण जननि कौ करिकें मंडल सोय ॥
 हरि चंदन के अंस करि करि आलंबन सोय । देखैं प्रभु कौ नृत्य नृप अति आवेसित होय ॥
 श्री निवास ताही समें प्रेम भगन मन सोय । देखैं प्रभु कौ नृत्य नृप आगैं ठाढ़ी होय ॥
 नृप के आगे देखि तिहिं तव हरि चंदन सोय । कर सौ परसि तिन्हें कहैं एक ओर किनि होय ॥
 श्री निवास जानें न कछु भगन तिही सुख आहि । बार बार पेलैं सुकरि भयो क्रोध मन ताहि ॥
 ताहि थपेरहि मारि तिहिं किये निवारन जोय । खाय तमाचौ क्रोध भौ तव हरिचंदन सोय ॥
 क्रोध होय तव कछु तिन्हें चाहै कछौ जु आहि । आपुन रुद्रप्रताप तिहिं कियौ निवारण ताहि ॥
 पायौ इनकौ कर परस भाग्यवान तुम सयो । नही हमारी भाग्य तुम भये कुतारथ जोय ॥
 लखि प्रभु जू के नृत्य कौ अचिरज भयो जु लोय । और रहीं जगन्नाथ के आनंद अमित जु होय ॥
 रथ ठाढ़ी करि अगमनें गमन करैं नहिं सोय । दरसन करैं जु नृत्य कौ अनमिष अखियन होय ॥
 हृदय सुभद्रा राम के वाढ़यो अति उल्लास । नृत्य देखि कैं दृष्टुनि कैं श्री सुख पंकज हास ॥
 प्रभु के उद्भट नृत्य मधि अद्भुत आहि विकार । आठौं सात्विक भाव जे उदै भयो इकवार ॥
 मांस छिद्र सह रोम के वृद्धं सुपुलकित सोई । जानौं सेहड़ कौ सुतरु कंटक आवृत होय ॥
 एक एक रद कंप लाखि लागै हिय भय जोय । खसि परिहैं सब रदन यौ जानैं सबही लोय ॥
 सब अंग प्रस्वेद करि चलै रक्त की धार । जज कृकृ जज ज गग दगद सुवचन जु कंठ मकार ॥
 जनु धारा जल जंत्र की बहै अश्रु जल सोय । सबके भीजें अंग सकल आस पास जे लोय ॥
 गौर कांति वपु देखियै कबहुं अरुण निदान । कबहुं कान्ति सुदेखिये मल्ली कुसुम समान ॥
 स्तब्ध होय कबहुं सुप्रभु परे भूमि पर सोय । हाथ पांव नाहिन चलैं सुष्क काण्ठ सम जोय ॥
 कबहुं परिकैं भूमि प्रभु होय स्वास विन आहि । प्राण छीन सब जननि के होय देखि करि जाहि ॥
 कबहुं नासा नेत्र जल परे वदन तैं फैन । अमृत धार मानौ बहै चन्द्रबिम्ब तैं ऐन ॥
 सुभानन्द तव पान किय लैकैं फैन जु सोय । कृष्ण सुप्रेमावेश मधि भाग्यवान बड़ जोय ॥
 नृत्य जु तांडव इंद्री विधि किती बार लीं कीय । प्रभु कौ भाव विशेष मधि भयो प्रवेसित हीय ॥
 नृत्य जु तांडव छाड़िकैं आज्ञा दई स्वरूप । श्री स्वरूप गावन लगे जानि हृदय अनरूप ॥
 तथाहि :—

पाये प्राणनाथ मैं सोय । जिहिं हित मनमथ वान करि गई पजरि हों जोय ॥ध्रु०॥

प्रभु पाछें अद्वैत जू फिरें जु करि हुंकार । हरि बोलो बोलो हरी कहैं जु बारंवार ॥
 लोक निवारण हित भये मंडल तीन प्रमान । एक प्रथम मंडल भये ये नित्यानंद बलवान ॥
 काशीश्वर गोविंद दै आदि भक्त गण जोय । कर सौं कर गहि भये द्वितिय आवरण सोय ॥
 बाहिर रुद्र प्रताप नृप लै अधिकृत गण जोय । करैं निवारण जननि कौं करिकें मंडल सोय ॥
 हरि चंदन के अंस करि करि आलंवन सोय । देखैं प्रभु कौ नृत्य नृप अति आवेसित होय ॥
 श्री निवास ताही समैं प्रेम मगन मन सोय । देखै प्रभु कौ नृत्य नृप आगैं ठाढ़ी होय ॥
 नृप के आगैं देखि तिहिं तब हरि चंदन सोय । कर सौं परसि तिन्हें कहैं एक ओर किनि होय ॥
 श्री निवास जानें न कछु मगन तिही सुख आहि । बार बार पेलैं सुकरि भयौ क्रोध मन ताहि ॥
 ताहि थपेरहि मारि तिहि किये निवारन जोय । खाय तमाचौ क्रोध भौ तब हरिचंदन सोय ॥
 क्रोध होय तब कछु तिन्हें चाहै कछौ जु आहि । आपुन रुद्रप्रताप तिहिं कियौ निवारण ताहि ॥
 पायौ इनकौ कर परस भाग्यवान तुम सयो । नही हमारौ भाग्य तुम भये कृतार्थ जोय ॥
 लखि प्रभु जू के नृत्य कौं अचिरज भयौ जु लोय । और रहौ जगन्नाथ कें आनंद अमित जु होय ॥
 रथ ठाढ़ी करि अगमनें गमन करैं नहिं सोय । दरसन करैं जु नृत्य कौं अनमिष अंखियन होय ॥
 हृदय सुभद्रा राम कें वाढ़्यौ अति उल्लास । नृत्य देखि कें दुहुनिकें श्री सुख पंकज हास ॥
 प्रभु के उद्धट नृत्य मधि अद्भुत आहि विकार । आठौं सात्विक भाव जे उदै भयौ इकवार ॥
 मांस छिद्र सह रोम के वृदं सुपुलकित सोई । जानौं सेहड़ कौ सुतरु कंटक आवृत होय ॥
 एक एक रद कंप लखि लागै हिय भय जोय । खसि परिहैं सब रदन यौं जानैं सबही लोय ॥
 सबै अंग प्रस्वेद करि चलै रक्त की धार । जज कृक जज ज गग दगद सुवचन जु कंठ मम्फार ॥
 जनु धारा जल जंत्र की बहै अश्रु जल सोय । सबके भीजें अंग सकल आस पास जे लोय ॥
 गौर कांति वपु देखियै कवहुं अरुण निदान । कवहुं कान्ति सुदेखिये मल्ली कुसुम समान ॥
 स्तब्ध होय कवहुं सुप्रभु परे भूमि पर सोय । हाथ पांव नाहिन चलैं सुष्क काष्ठ सम जोय ॥
 कवहुं परिकैं भूमि प्रभु होय स्वास विन आहि । प्राण छीन सब जननि के होय देखि करि जाहि ॥
 कवहुं नासा नेत्र जल परै वदन तैं फैन । अमृत धार मानौ बहै चन्द्रबिम्ब तैं ऐन ॥
 सुभानन्द तब पान किय लैकैं फैन जु सोय । कृष्ण सुप्रेमावेश मधि भाग्यवान बड़ जोय ॥
 नृत्य जु तांडव इंद्री विधि किती बार लौं कीय । प्रभु कौ भाव विशेष मधि भयौ प्रवेसित हीय ॥
 नृत्य जु तांडव छाड़िकें आज्ञा दई स्वरूप । श्री स्वरूप गावन लगे जानि हृदय अनरूप ॥
 तथाहि :—

पाये प्राणनाथ मैं सोय । जिहिं हित मनमथ वान करि गई पजरि हों जोय ॥ध्रु०॥

गावें दामोदर यहै ध्रुवा मात्र अति टेरि । मधुर नृत्य ईश्वर करें हिय आनन्द सकेरि ॥
धीरें धीरें गमन किय जगन्नाथ मधि जोय । नृत्य करत आगे चलैं शची जु नंदन सोय ॥
गावें नाचैं मन दिये नैन रूप मधि ताहि । सहित गवैयनि प्रभु चलैं पीछे पीछे आहि ॥
आगे आवैं गौर जब होय श्याम थिर वाम । चलैं गौर आगे चलैं धीरे धीरे श्याम ॥
गौर श्याम प्रभु के जु यौ खँचातानी होय । राखैं रथ जुत श्याम की गौर बली अति सोय ॥
भावन्तर प्रभु के भयो नाचत नाचत चाय । पद्य पढ़ै सुर उच्च करि दोऊ भुजा उठाय ॥

तथाहि—

यः कौमारहरः स एव हि वरस्ता एव चैत्ररूपा स्तेचोन्मीलित मालती सुरभयः प्रौढाःकदम्बानिलाः ।
साचैवास्मि तथापि तत्र सुरतव्यापारलीलाविधौ रेवारोधसि वेतसी तरुतले चेतःसमुत्कराठते ॥

बारंबार यहै पढ़ै पद्य महा प्रभु जोय । सभुके याके तत्व कौ बिन स्वरूप नहि कोय ॥
पहिले याके अर्थ की करि आये विस्तार । करिये अब संचेप करि इहि भावारथ सार ॥
पहिले ज्यौ कुरुखेत मधि सब गोपीगण आहि । पाय जु दरसन कृष्ण कौ आनन्दित मन ताहि ॥
जगन्नाथ कौ लखि उठ्यो प्रभु के भाव जु जोय । ताही भावाविष्ट है ध्रुवा गवायौ सोय ॥
करैं निवेदन कृष्ण कौ राधा पीछे ताहि । सोई तुम सोई जु हम सो नव संगम आहि ॥
तऊ हमारी मन हरै श्रृन्दावन निज धाम । तातैं तहीं उदै करौ अपने चरण सुवाम ॥
झां लोकनि कौ वन मुगज रथ धोरनि धुनि सोय । तहां कुसुम वन भृंग पिक नाद सुसुनियै सोय ॥
राज बेस झां और पुनि चत्री गण सब संग । तहां गोप गण संग औ मुरली बदन सुरंग ॥
ब्रज मधि तुम संग सरस मुख आस्वादन किय जोय । झां ताही सुख उदधि कौ नही एक कण कोय ॥
हम कौ ले लीला करौ फिरि श्रृन्दावन ताहि । मन बांछा पूरण तबै होय हमारी आहि ॥
ऐसे हैं मधि भागवत वचन राधिका आहि । पहिले वर्णन सूत्र मधि करि आये हैं ताहि ॥
लोक यहै प्रभु जू पढ़ै भावावेस जु ताहि । अर्थ सुइन सब पदुय को लोक न जानैं आहि ॥
आनै एक स्वरूप जू कहैं न अर्थ हि ताहि । रूप गुसाई जू कियौ अर्थ प्रचारहि याहि ॥
आस्वादन जिहि अर्थ कौ करै स्वरूप जु संग । करैं पठन इहि पदुय कौ नृत्य मध्य करि रंग ॥

तथाहि—आहुरचते नलिननाभ पदारविन्द, योमेश्वरै हृदि विचिन्त्यमगाध बोधैः ।

संसारकृपवृत्तितोत्तरणावलम्बं, गेह जुषामपि मनस्युदियात् सदा नः ॥

सुधी रामे—

प्राणपति कृष्ण तुम सुनी अब कान दै के करैं हम बिनती सांच वीही ।

ब्रज हमारी सदन तहां तुव संग सुख लहै बिन जीवन हि रहै क्यौ ही ॥ध्रु०

आन मन हृदय आन मम मन सु श्रृन्दाविपिन मन बनहि दुहुनि करि एक जानें ।

तहां तुम पद जुगल करौ जौ उदै अब तौ तुम्हारी पूर्ण दया मानैं ॥
प्रथम ऊढो द्वार अब हमारे प्रगट जोग श्री ज्ञान साधन बताये ।

तुम चतुर कृपामय जानि मम हृदय की हमैं ऐसैं कहत लजायें ॥
कादि चित तुमहि ते विपैलायौ यहै जतन करि करि सकत तिहि न न्यारी ।

ध्यान सिखवौ तिन्है लोक मारत हँसे स्थान अस्थान नहि हिय विचारौ ॥
नहीं जोगेस गोपी जु संतोष हिय लहै तुव पद कमल ध्यान कीयें ।

तुव वचन रीति मधि ताहि छल छिद्र बहु सुनै तिन अरु बदै रोस हीयें ॥
देह सुधि नाहि जिहि कृप संसार कहां तहां तैं लेन चाहै उधारा ।

विरह के उदधि मनमथ तिमिमिलि मिलै तहां तैं पिया गण करौ पारा ॥
गिरि सुवृन्दाविपिन वन सु जमुना पुलिन कुंज रासादि लीला जु वेई ।

वहै ब्रज ब्रज सुजन मात पित मित्र गण बडौ अचिरज मनहि विसरै तेई ॥
चतुर मृदु सदगुण सुसील नेही करुण तुम जु कछु दोस नही है हमारी ।

तऊ तुव हृदय सुमिरें नहि ब्रज जन हिय है दुर्देव विलसित हमारी ॥
गनैं नहि निज दुखहि देखि जसुधा मुखहि फटै ब्रज जन हृदय बे आर्षी ।

कै हतौ ब्रज जनहि कै जिवावौ आय दुखनि सहिवै इन्हें क्यौ जिवावो ॥
और जो बेस तुव और संग देस औ ब्रज जनहि कभूँ सो नहिन भावैं ।

तजि सकैं नाहि ब्रज भूमि तुव लखैं बिन मरै को जतन जिहि जीव आवैं ॥
तुम सुजीवन ब्रजहि प्राणधन ताहि तुम सकल संपति ब्रजहि प्राणप्यारे ।

दया इव तुव हृदय ब्रज जन ज्याय करौ निज पद उदय ब्रज हमारे ॥
सुनि प्रिया वचन ब्रज प्रेम मन में सुमिर भयो व्याकुल हियौ भाव सानैं ।

ब्रज जनहि प्रेम सुनि मानि आपुन रिणी कृष्ण जू करैं तिहि समाधानैं ॥
प्राण प्यारी प्रिये सुनी मम वचन तुम कहाँ हौं सांच करि तेरि आनैं ।

तुम सबनि कौ सुमरिहौं मुरीं रैन दिन मम हृदय दुखहि जन कौन जानैं ॥
जिते ब्रज वासि जन मात पित मित्र गण सबै मम प्राण सम देह धारी ।

तिही मधि गोपी गण मम सुजीवन प्रगट तुम सु मेरी जीवन जियारी ॥
तुम सबनि प्रेम रस कियौ मोकीं जु बस हौं तुम्हारी सदा वचन कारी ।

तुम सबनि सौं छुटै मोहि दिस दूरि लौ बस्यौ दुर्देव अति प्रबल भारी ॥
प्रिया प्रिय संग बिन प्रिया संग हीन प्रिय नहीं जीवै सांच इह प्रमाना ।

सुनि है जब मम दसा यहै हूँ है जु तिहि इहि भाय दुहुँ जन धरै प्राप्ता ॥

बहुँ तिय प्रेम बति प्रेम जु तब है पति विछुरे ही प्रिय हित हि चहै जोयी ।
 गनै नहि निज दुखहि चहै प्रिय जन सुखहि वेगिही मिलिहिगे दुहुँ सोई ॥
 राखिये जीव तुव सेय में रमापति अति सुदुर्घट शक्ति ताहि जानै ।
 करौ कीड़ा जु तुव संग निति प्रतिहि ये स्फूर्ति मेरी ताहि तुम जु मानौ ॥
 भाग्य मेरे जु करि मम जु मधि प्रेम तुव है जु सोयी परम प्रवल जोही ।
 ल्याय मोकों दुरं तुव मिलावै वही प्रगट हूँ ल्याय है वेगि मोही ॥
 जादगनि के विपन्न दुष्ट जन कंस पक्ष किये संवेय सबे हों जु तेई ।
 रहै द्वै चारि जन हति तिन्हें विपन्न कौ आय हौ जानौ निरधार येई ॥
 तिन जु अरिगणनि तें ब्रज जनहि बाण हित रखौ बाहिर सदा हूँ उदासी ।
 जे त्रिया तनय धन बाहिरें संग्रहे जदुगणहि तोस हित भौ विलासी ॥
 सो जु तुम प्रेम गुण ऐं चि मम ल्यायहै बीस दस दौस मधि करिजु विवसे ।
 आय वृन्दावनहि फिरि ब्रज बंधु तुम संग विलसि हौं रेन दिवसे ॥
 इतौ कहि कृष्ण तिहि ब्रज गमन तृष्णा जुत एक तव पथ पदिकें सुनायौ ।
 ताहि सुनि राधिका सकल बाधा नसी कृष्ण की प्राप्ति विश्वास आयौ ॥

तथाहि—

मयि भक्ति हि भूतानाममृतत्वाय कल्पते । दिष्ट्या यदासीन्मत्स्नेहो भवतीनां मदापनः ॥

कहै जु एई सब अथर प्रभु स्वरूप के संग । करै स्वाद घर बैठिकें रैन दौस भरि रंग ॥
 नृत्य समे प्रभु जू तिहीं भावाविष्ट जु होय । जगन्नाथ कौ मुख निरखि नाचै पदिकें सोय ॥
 श्री स्वरूपजू कौ सरस भाग न वरन्यौ जाय । प्रभुज मधि आविष्ट जिहि मनश्री वाक्य सुकाय ॥
 प्रभु स्वरूप इन्द्रियनि मधि निज इंद्रियगण जोय । एक मेक करिकें करै गानास्वादन सोय ॥
 कबहुँ भावावेस मांथ बैठि भूमि मधि सोय । भूमि तर्जनी सौं लिखै प्रभु नीचें मुख होय ॥
 जब अंगुरी मधि होय छत जानि स्वरूप जु सोइ । भय करि निजकर प्रभु करहि करै निवारण सोइ ॥
 प्रभु हि भाव अनुरूप है श्री स्वरूप कौ गान । जब ही जोई रस तिही करै सु मूरति मान ॥
 जगन्नाथ की निरखि कै श्री मुख पंकज जोइ । ता ऊपर सुन्दर सरस नयन जुगल अलि सोइ ॥
 राविकीकरन सुमुखकरै मिलिमिलिमिलिमिलि आहि । अलंकार परिमल वसन माल दिव्य सब ताहि ॥
 उर्म्यौ आनंद विधु अति प्रभु के हिय मधि जोय । ताही छिन उन्माद की उठी सुआंधी सोय ॥
 तर आनंद उन्माद नैं उठये भाव तरंग । नाना भावनि सैन्य मधि उपज्यौ जुद्ध सुरंग ॥
 भावोदय पुनि मांति तिहि और संख्य सावज्य । संचारी सात्विक जु पुनि स्थाई सब प्रावज्य ॥
 प्रभु गौर जानी महा मुद्र हेम गिरि आहि । भाव कुसुम तरु सकल ही प्रफुल्लि भये जुताहि ॥
 देशन लोकनि के जु मन चित आकर्षे जोय । सीचै प्रेमाभूत सुकरि प्रभु सब की मन सोय ॥

जगन्नाथ सेवक सुगण नृप अधिकृत गण ताहि । जन जात्री लीला चलहि बासी जनजन आहि ॥
 नृत्य प्रेम प्रभुकी जु लखि अचिरज रहेनु मोय । कृष्ण प्रेम उपज्यौ तहां सबके हिय मधि जोय ॥
 भावै नाचै जन करै कोलाहल भरि भाय । यात्रा मंगल नृत्य प्रभु किय चांगुण अधिकाय ॥
 कहा चली है और की जगन्नाथ बलराम । प्रभु नृत्यहि लखि हरख सौं चलै मंद गति वाम ॥
 कबहुँ सुख सौं नृत्य रंग लखै राखि रथ आहि । सो कौतुक देख्यो जु जिहि सोई साखी ताहि ॥
 यही भांति नृत्यहि करत भ्रमत भ्रमत प्रभु जोय । आगे रुद्र प्रताप कै लगे गिरन तव सोय ॥
 तिहि नृप संभ्रम सौं तव धार्यौ प्रभु कौ आहि । बाह्य भयें श्री महाप्रभु देखत ही तव ताहि ॥
 तव राजा कौ देखिकें करै जु प्रभु धिकार । छी छी विपई कौ परस भयो हमें निरधार ॥
 नित्यानंद आवेस करि सावधान भौ नाहि । काशीश्वर गोविन्द प्रभु हूँ ते और हि ठाहि ॥
 यद्यपि नृप कौ देखिकें सेवन नीचहि आहि । हूँ प्रसन्न अति भयो है मिलिये कौ मन ताहि ॥
 सावधान करिये तऊ निज गण प्रभु सुखरास । कीनौ श्री भगवान कछु बाहिर रोसा भास ॥
 नृप के प्रभु के वचन करि भयो हिये भय आहि । भट्टाचारज कहै तुम करौ न मंसै याहि ॥
 प्रभु कौ मन सु प्रसन्न है तुम्हरे ऊपर जोय । सिखवै है निज भक्त गण तुम्हें लक्ष करि सोय ॥
 हमजु निवेदन करहिगे समय जानिकें ताहि । करियौ प्रभुकी मिलन तुम जाय समै तिहि आहि ॥
 तवहि महाप्रभु रथहि कै होय दाहिनै आहि । माथौ दै तिहि पेलई रथ के पाछें जाहि ॥
 पेलत ही रथ तव चन्यौ खरखराय कै सोय । उठे लोक तव चहुँ दिसहि हरि हरि कहि कै जोय ॥
 तव प्रभु जू निज भक्त गण लै करि कै सब संग । अग्र सुभद्रा राम के करै नृत्य भरि रंग ॥
 तहां नाचि जगन्नाथकें आगे आये सोय । नृत्य करत आगे चली जगन्नाथ के जोय ॥
 चलिकें आयौ रथ तव बल गंडी इक धाम । जगन्नाथ रथ राखि कै देखै दक्षिण वाम ॥
 द्विज सासन वायें तहां नारिकेलिबून जोय । सुमन वाग दायें सबै वृन्दावन सम होय ॥
 गौर नृत्य आगे करै लै भक्तनि गण आहि । जगन्नाथ रथ राखि कै करै जु दरसन ताहि ॥
 लगे भोग तिहि ठाम मधि यहै नियम है जोय । कोटि भोग जगन्नाथ जू स्वादन करै जु सोइ ॥
 जगन्नाथ के लघु बड़े जिते दास गण आहि । निज निज उत्तम भोग सब करै समर्पण ताहि ॥
 नृप महिषी गण अधि कृत जु और मित्र गण जोय । लीलाचल वशी जिते छोटे बड़े जु लोय ॥
 और जु नाना देश के यात्री गण समुदाय । तिन कौ निज निज भोग सब करै समर्पण आय ॥
 आगे पाछें दुहुँधा वन उद्यानहि आहि । लहै जिही जे लावहीं गणना नहीं सुताहि ॥
 समय भोग के जनन कौ भीर महा अति होय । प्रभु जु नृत्य हि छाड़िके गये सु उपवन सोय ॥
 प्रभु जू प्रेमावेस करि उपवन के मधि जाय । कुसुम वाग के चौतरहि रहे जु गिरि भरि भाय ॥
 नृत्य परिश्रम करि भये धन श्रम कन प्रभु देह । सीतन अनिल सुगंध अति सेवन करै अछेह ॥
 कीर्तनिया जे भक्त गन सबै आप आराम । एक एक तरु के तरें किय जु सबनि विश्राम ॥

यह कहीं प्रभु की महा संकीर्तन रस जोय । जगन्नाथ रथ अग्र जो किय जु नृत्य रस मोय ॥
लहै पास चैतन्य की यहै सुनी जन जोय । प्रेम भक्ति पावै सुदृढ़ सँग विश्वास हि सोय ॥
विवर्य प्रभु के नृत्य की रथ के आगे आहि । प्रभु अष्टक मधि रूप जू वर्णन कियो जु ताहि ॥

तथाहि—

रथारूढाभारादधिपदविनीलाचलपते रदभ्रप्रेमोर्मिस्फुरितनदनोल्लासविषराः ।

सहर्षं गायत्रिः परिवृततनुर्वैष्णवजनैः स चैतन्यः किं मे पुनरपि दशोर्थास्वति पदम् ॥

रूप सनातन और रघुनाथ चरण जिहि आस । चरितामृत चैतन्य की कहै कृष्ण की दास ॥
रूपसनातन जगत हित सुबल स्याम पद आस । सो प्रभु चरितामृत लिखै ब्रज भाषाहि प्रकास ॥

इति श्रीचैतन्यचरितामृते मध्यखण्डे ब्रजभाषायां रथाग्रतर्पणं नाम त्रयोदश परिच्छेदः ॥

चतुर्दश परिच्छेदः

गौरः पद्मन्तात्मवृद्धैः श्री लक्ष्मीविजयोत्सवः । धृत्वा गोपीरसोल्लासं हृष्टः प्रेम्णा ननर्त्त सः ॥

जय जय जय श्री कृष्ण जू गौर चन्द्र चैतन्य । जय जय नित्यानंद जू जय अद्वैत सु धन्य ॥
जय जय श्रीवासादि जय गौर भक्त गण आहि । जय सोता समुदाय सब गौर प्राण धन ताहि ॥
है प्रेमहि आवेश में इही भांति प्रभु जोय । तिहीं समे गजपति नृपति किय प्रवेश तब सोय ॥
सार्वभौम उपदेश सौं तजि के नृप की बेस । इक लौ वैष्णव बेस सौं आयो ताही देस ॥
जोरे हाथ आज्ञा लहै सब भक्तनि की ताहि । परधौ जु प्रभुके चरण गहि साहस करिकें आहि ॥
आंसि मृदि प्रभु प्रेम सौं रहे धरणि मधि सोय । परम निपुणता सौं करै पद सुमर्दन जोय ॥
पण्डु लोना रामकी पदि जु करै स्तुति ठाट । जयति तेषि अध्याय की करण लग्यौ नृप पाठ ॥
मुनि मुनि के प्रभु हृदय मधि भौ संतोष अपार । कहौ कहौ यौ उच्च स्वर कहै जु बारंवार ॥
एलोक यह सब कथामृत नृपनें पढ़्यौ सु आहि । उठि के प्रभु जु प्रेम करि दिय आलिंगण ताहि ॥
तुम मोको बहुत दिये रतन अमोलहि जोय । दैव की मेरे न कह्यु दिय आलिंगण सोय ॥
इतनी कहि ताही पदै पदै सु बारम्बार । अंग कंप दोऊनिके चलै नैन जल धार ॥

कथाहि—

तब कथामृत तमजीवन कविभिरीडितं कल्पमपापहं ।

अथगुरुसंगतं श्री महातर्क मुनि गृह्णन्ति ये भूरिदा जनाः ॥

करि सुभूषिता भूरिदा हिय हि लगावै ताहि । अरु नाही जाने सु यह है जु कौन जन आहि ॥

पहिले सेवा देखि तिहि उपजी कृपा जु सोय । तिही कृपा जु प्रसाद किय विनु मुधि प्रभुकी सोय ॥
देखी यह चैतन्य की कृपा महाबल जोय । विनु अनुसन्धानहि करै कारज सबही सोय ॥
कहै जु प्रभु तुम कौन ही कीनी मोहित जोय । प्यायी हरि लीला अमृत आय अचानक सोय ॥
नृप प्रताप रुद्र जु कहै हों तुव दासानुदास । करै भृत्य निज नित्य की मोहि यहै दिय आस ॥
निज ऐश्वर्य महाप्रभु तब जु दिखायौ ताहि । यह काहुं कहियो सु त्रिनि मने कियो तिहि आहि ॥
नृप बाहिर इहि ग्यान की कीनी नाहि प्रकाश । अंतर हिय जानै सब बाहिर रहे उदास ॥
गजपति नृप के भाग्य की देखि भक्त गण जोय । नृप की सर्व प्रसंसई आनन्दित मन होय ॥
करिकें राजा दंडवत बाहिर चन्धौ जु सोय । सब भक्तनि की दंडवत करी जोरि कर दोय ॥
किये मध्याह्न महाप्रभु लै भक्तनि गण साथ । लै प्रसाद तब आगमन कीनी वासी नाथ ॥
सार्वभौम रामानंद जु अरु दै वाणीनाथ । पठ्यौ राजा बहुत करि सो प्रसाद जगनाथ ॥
बल गंडी प्रभु भोग की सहज प्रसाद अनंत । प्रभु प्रसाद निखरी जु सो आयौ जिहि नहि अंत ॥
छना पना श्रीफल सुपय आव नारियर जोय । कटहर नाना विधि कदलि ताल बीज पुनि सोय ॥
छौला नारंगी मधुर धरे विजोरा आय । अमृत फल मीठ सरस नीवू नाना भाय ॥
किसमिसि दाख वादाम पुनि मेवा बहु विधि सोय । सुमधुर पिंड खजूर बहु धरै आनरस मोय ॥
नाम मनोहर आदि दै लाडू सतक प्रकार । अमृत गुटिका आदिले खोवा मधुर अपार ॥
अमृत मँडा अरु सेवती पुनि कुपी कुपूर । दूध मलाई बहुत विधि रस पूपी रस पुर ॥
इक हरिवल्लभ सेवती पुनि मालती कपूर । लाडू मरिचा डालिमा अस पुनि मोती चूर ॥
कंद अमरती खांड के खाजे धरे बनाय । साबुनी तिल सर्करी तिल साजा बहु भाय ॥
और खिलौना खांड के फल फूलनि आकार । तक्र रसाला सिखिरणी बंध्यौ दही रस सार ॥
और रस लौने मृंग के अंकुर धरे सुधारि । नीवू परम रसाल पुनि अदरस मिही बनारि ॥
आंव बेर फल आदि दै बहु प्रकार आचार । लिखे न जाय प्रसाद के तहां जितेक प्रकार ॥
पूरित भौ जु प्रसाद करि आधौ उपवन जोय । देखि महाप्रभु के मनहि भौ संतोष जु सोय ॥
इही भांति जगन्नाथ जू करै सुभोजन आहि । प्रभु जू के सीतल नयन भये देखि सुख पाहि ॥
दौना कदली पत्र के पांच सात औं भार । इक इक जन दौना दिये दस इक पात संभार ॥
कीर्तनगुनिकी जु प्रभु जानि परिश्रम आहि । चन्पो जिवावन की जु मन प्रभुकी सबहि जु ताहि ॥
बैठाये सब भक्तगण पांति पांति करि जोय । लगै परसनि आप प्रभु अति आनन्दित होय ॥
प्रभु के बिन पायें नहीं करै जु भोजन कोय । तब गोस्वामि स्वरूप जू कियो निवेदन सोय ॥
भोजन करिवे तुम जु प्रभु आपुन बैठो आय । जब लौं तुम पायो नहीं सकै न कोऊ पाय ॥
बैठे तब श्री महाप्रभु निज गण सँग लै सोय । भोजन करवायौ सबनि भरि सुकंठ लौ जोय ॥
भोजन करि बैठे सु प्रभु करि सु आचमन आहि । पायी बन्धौ प्रसाद प्रभु सहस एक जन ताहि ॥

मोक्षि प्रभु ज निदेशते दीन हीन जन साथ । भोजन करवागी दुखनि पाय रंक अधिकाय ॥
 रंकन की प्रभु ज लखे भोजन रंग विशेष । हरि हरि बोली थीं तिन्हें करे ज दित उपदेश ॥
 हरि हरि बोले दीन वे भगव प्रेम के सिंधु । इमि अद्भुत लीला करे मीर दीन जन प्रभु ॥
 जगन्नाथ के रथ चल न समे यहाँ न जोय । पंढा सके न टारि रथ दिखी छाड़ि के सोय ॥
 बंदा रथ टारे सर्वे आगे चले न सोय । आगे अधिकूल मित्र ले राजा व्याकुल होय ॥
 महा मल्लमल संग ले रथहि चलावन आदि । आपुन लागी नृप रथहि टारि सकौ नहि ताहि ॥
 दुखिनी ई नृप आनि के मत्त करी मत्त जोय । रथहि चलावन हेत तिहि दिये जोरि तब सोय ॥
 मत्त करी मत्त टारि जितनी पल कह्य ताहि । एक पंड रथ नहि चले मरी अचल सम आदि ॥
 सुनि के आये महाप्रभु ले संग निज मत्त जोय । रथहि चलावै मत्त गज देखे टाढ़े सोय ॥
 करी अंकुस निषाय करि मारे अति विषार । चले मरी रथ सवनि के भगी जू हा हा कार ॥
 तब महाप्रभु ज सवे हाथी दिये छुटाय । रथ दुहुंघाते टारि दिव निज जन समुदाय ॥
 रथ के चाले आपु प्रभु पेलें देक भाष । खर खराय के हीरि रथ चल्पी भी जगन्नाथ ॥
 हाथ देत ही जन मण्डि ताहि दुहुंघा आय । पेलन पाये ताहि नहि चल्पी आपुहि भाष ॥
 करे लोक आनंद सी धुनि जे जे भगवान । जगन्नाथ जय जय बिना नाहीं सुनिये जान ॥
 मरी जू रथ एक पलक में द्वार मुंडिया सोय । लखि प्रभाव चैतन्य की जगत्कार भी लोय ॥
 जय जू कृष्ण चैतन्य जू मीर चंद्र जय सोय । फोलाहल इहि विधि करे धन्य लोक सब जोय ॥
 लखि प्रभाव छू जू तब अधिकृत मित्रन संग । लखि प्रभु महिमा प्रेम करि मये जू प्रफुलित अंग ॥
 पांडु विजय कीनी सवे सव सेवक मत्त साथ । निज सिंहासन जाय के बंटे भी जगन्नाथ ॥
 आपे सिंहासन जू पलदेव सुभद्रा दोष । स्नानमोग हीने लागी जगन्नाथ की सोय ॥
 आसन अधि भी महाप्रभु जे भक्तनि मत्त संग । आनंद सी प्रारम्भ किय नृत्य कीरतन रंग ॥
 प्रभु के अति आनंद करि उल्लस्य प्रेम तरंग । लखि सब जन प्रेमहि उदधि वहे नहीं सुधि अंग ॥
 सी करि संन्या समय की लखी आरती ताहि । जाय बाग मधि बैठि प्रभु किये विधाम जू आदि ॥
 अष्टौदिक मत्त किय प्रभु की न्योती जोय । मुख्य मुख्य कीनी जननि पाये नी दिन सोय ॥
 भीमाल के दिन जिते और मत्त मत्त आदि । करिके एकहि एक दिन परे पांड मधि ताहि ॥
 मुख्य जमन लिय पाटिके चारि मास दिन सोय । अवसर पायी नाहिने और मत्तमत्त जोय ॥
 करे नित्यन एक दिन दोष तीन मिलि ताहि । भी प्रभु जूकी इही विधि केलि निमंत्रण आदि ॥
 घात बाज ही स्नान करि देखे भी जगन्नाथ । करे नृत्य संकीर्तन ले भक्तनि मत्त साथ ॥
 प्रभु जू अष्टौदिक कभू नित्यानंदहि जोय । कभू हरिदास हि कभू अनुत्तमनन्द हि सोय ॥
 बंकेश्वर जू की कभू आन मत्तमत्त ताहि । प्रभु आगे जू नवावर्ही भर प्रेम रस आदि ॥
 लखी मुंडिया अंगलहि मधि प्रभु जू नरि वाद । करे दुहुं संन्यासि मधि कीरतन अति भाव ॥

चन्द्रावन आये जू हरि यह भी प्रभु की ज्ञान । विरह स्फुटि भी कृष्ण की ताकी भी अस्मान ॥
 चन्द्रावन लीला करे जन संग बहुवन सोय । इन्द्रपुत्र सरोवरहि मधि जल कीड़ा होय ॥
 सब भक्तनि की आप प्रभु सींचे जल करि सोय । सब मत्त जल सींचे तिन्हें चहुँ और फिरि जोय ॥
 कभू मंडल एक हूँ कभू अनेक जू सोय । जल मंडूक पजावई सपही करतल जोय ॥
 द्वे द्वे जन मिल के करे जल कीड़ा मत्त आदि । हरि कोई जीतई प्रभु जू देखे ताहि ॥
 नित्यानंद अद्वैत जल छीटा छोटी आदि । करे हरि आचार्य फिरि मारा मारी ताहि ॥
 विद्यानिधि स्वरूप संग करे युद्ध जल सोय । गुप्तदत्त जू मिलि करे जल जुद्धि जन दोष ॥
 खेलहि जलहि मदाधर जू भी निवास के संग । राघव पंडित संग करे बंकेश्वर जल रंग ॥
 साध्वीम संग खेलई भी रामानंद राघ । गढ़ दुहुंनि मंभीरला मये प्राय सिंधु भाष ॥
 भी प्रभु जू तिन दुहुनि की देखि चपलता सोय । गोपीनाथचार्यहि कई जू कह्य होसि जोय ॥
 दोऊ प्रामाणिक सुजन बहु पंडित मंभीर । बाल चपलता करे कभी मनें करो तुम भीर ॥
 गोपीनाथ कई जू तुम कथा सिंधु अति आदि । प्रभु जू जब उल्लसित करी एक विदह ताहि ॥
 मंदरगिरि जू सुमेरुहि तिहि दूबाय दिव सोय । कहा बात इनकी जू ये मंड खेल सम दोष ॥
 सुष्कतके खल खात ही मरी जन्म ही जाति । प्यायी ताकीं तुव कृपा लीला अमृत जू आदि ॥
 आपुन प्रभु जू तब सपन कीनी उतर ताहि । सेव सपी लीला जू प्रभु कीनी प्रगट सुखादि ॥
 भी अद्वैत जू शक्ति निज करिके प्रगट जू ताहि । डोलत बई जू नीर मधि ले प्रभु जू की आदि ॥
 इही भांति कोऊक छिन करि जल कीड़ा रंग । आये प्रभु जू बाग मधि ले भक्तनि मत्त संग ॥
 पुरी भारती आदिये जिते मुख्य मत्त ताहि । न्योति मधि आचार्य के कीनी भोजन आदि ॥
 न्यायी और प्रसाद जब पानीनाथ जू सोय । पायी वही प्रसाद सब प्रभु जू के मत्त जोय ॥
 किथी आप अपरान्ध मधि दरशन नर्तन भाष । निहा मये उद्यान मधि कीनी सपन जू भाष ॥
 कीनी आय जू और दिन ईश्वर दरसन जोय । नृत्य गीत आंगण जू मधि किथी कोऊ छिन सोय ॥
 प्रभु उद्यानहि आयके भक्त संग जू अपार । ले तिनकी प्रभु जू करे इंदु विपिन बिहार ॥
 प्रफुलित प्रभु के दरस करि तरु बल्ली बनतीर । मान करे पिक भुंग अति सीतल बई समीर ॥
 प्रति तरु तर प्रभु जू करे नृत्य दिये अति भाष । वासुदेवदत्त एक ले करे गान भरि भाष ॥
 एक एक तरु के तरे एक एक पद गान । नाच परमांश सी एक एक रस खान ॥
 तब बंकेश्वर सी कधी नृत्य हेत भगवान । बंकेश्वर नाचन समे करण लगे प्रभु गान ॥
 प्रभु संग दामोदर प्रभुल करे मर्वा भाष । प्रेम धार के नाहिने दिसि अस विदिसा ज्ञान ॥
 इही भांति कोऊक छिन करि वन केलि समाज । मये नरेन्द्र सरोवरहि जल कीड़ा के साज ॥
 जल बिहार करिके जू तब आये प्रभु उद्यान । भोजन लीला करी ले संग जन मत्त भगवान ॥

नव दिन लीं ऐमें रहै गुंडिया मधि जगनाथ । यौ प्रभु जू लीला करै निज भक्तनि के साथ ॥
जगन्नाथ बल्लभ सुतिहि नाम कुसुम आराम । अति विलास तिहि प्रभुकरै नव दिनलीं विश्राम ॥
राजा हेरा पंचमी कौ दिन आयौ जानि । कहै जु काशीमिश्र सौं हिय उछाह सौं सानि ॥
कालि जु हेरा पंचमी लक्ष्मी विजय सु आहि । कवहुं नही भयो मुझि उच्छव करौ सु ताहि ॥
उच्छव मधि तैसें करौ अधिक सौंज सब जोय । देखि महाप्रभु जू हिये चमत्कार अति होय ॥
ठाकुर के भंडार अरु हमरे भरे भंडार । किंकिणि चामर छत्र सौं चित्रित वसन अपार ॥
धुनि पताक घंटानि लै रचना करी अपार । बहु विधि बाजे नृत्य पुनि दोला सजो संवार ॥
करी मधे उपहार अब करिकें दूनें जोय । रथ यात्रा हूं ते अधिक चमत्कार हिय होय ॥
सोई कीजौ ज्यों प्रभु लै निज भक्तनि वृन्द । जिही भांति छां आय कैं दरसन करै सुखंद ॥
प्रात समें श्री महाप्रभु लै निज जन समुदाय । जगन्नाथ दरसन कियौ सुन्दर गिरिवर जाय ॥
लीलाचल आये जु पुनि निज जन गण लै संग । लखिउ उत्कंठा हिये हेरा पंचमि रंग ॥
प्रभु कौ काशीमिश्र जू करि बहु आदर जोय । भली ठौर सब गण सहित लै बैठाये सोय ॥
रस विसेस सुनिवें भयो प्रभु जु को मन चाय । पूछ्यो श्री जु स्वरूप सौं तवें मंद मुसिकाय ॥
करै द्वारका कौ जदपि जगन्नाथ जु विहार । करै प्रगट निज सहजहीं उत्खव बडौ अपार ॥
तऊ जु तिनके वरस मधि होय हिये इक बार । वृन्दावन के दरस हित उत्कंठा जु अपार ॥
समई वृन्दाविपिन की यह उपवन गण आहि । उत्कंठित हिय होय अति दरसनके हित ताहि ॥
बाहिर निकसन मिस करै रथयात्रा मिस जोय । सुन्दर गिरिकीं जाय प्रभु तजि लीलाचल सोय ॥
रेन दपीस खेने तहां नाना कुसुम उद्यान । लक्ष्मी देवी संग नहि लै किहि कारण जान ॥
कहै स्वरूप सुनौ जु प्रभु इहि कारण निरधार । वृन्दावन क्रीड़ाहि मधि नहि लक्ष्मी अधिकार ॥
गोपी गणहु सहाय इक वन लीला मधि ताहि । गोपी विननहीं कृष्ण मन और हरि सकैं आदि ॥
कहै जु प्रभु यात्रा छल हि गमन कृष्ण कौ सोय । बहिनि सुभद्रा राम जू लै ये संग जन दोय ॥
गोपी संग लीला जितौ करै जु उपवन सोय । गूढ़ भाव अति कृष्ण के सो नहि जाने कोय ॥
याही तें श्री कृष्ण को प्रगट नहीं कहु दोस । लक्ष्मी देवी क्यौं तऊ करै जु इतनौ रोस ॥
कहै स्वरूप यह जु है प्रेम वर्तीन सुभाव । प्रिय उदासता लेस लखि होय क्रोधमय भाव ॥
तिहीं समय अद्भुत विविध रत्न लखै हैं जाहि । सुवरण कौ डोला परम करि आरोहन ताहि ॥
भ्रजा पताका छत्र पुनि चारु चमर समुदाय । अग्रदेव दासी नचै नाना वाद्य बजाय ॥
गांठुल संपूट विजय अरु चामर डारी हाथ । दिव्य वसन भूषण संचरि सत दासी जिहि साथ ॥
इसरता जु अनेक जिहि संग बहुत परिवार । लक्ष्मी देवी क्रोध हूं आई सिंह जु द्वार ॥
जगन्नाथ जू के जिते मुख्य भृत्य गण जोय । लक्ष्मी दासी गण करै बन्धन तिनकीं सोय ॥
द्वार सचरी चारु तर तिन्हें भाषि कैं लाय । नाना धन लै दंडकरि चोरण कौ सौ भाय ॥

काष्ठ अचेतन रथ जु तिहि करै जु ताडन ताहि । नाना विधि गारीनिदैं मंड वचन कहैं आदि ॥
लक्ष्मी दासी गणनि की लखि प्रगल्भता जोय । हसैं महाप्रभु जू तवें सब निज गण लै सोय ॥
श्री स्वरूप जू कहैं हम तीनों लोक मभार । देख्यो सुन्यो न अरु कहैं ऐसी मान प्रकार ॥
विन उछाह हूं मानिनी तजै विभूषण रंग । लिखै चरण नख सौं धरणि मलिन वसन सब अंग ॥
कैं सतभामाकौ सुनौ पहिलैं इहि विधि मान । ब्रज मधि सब गोपीनकौ मान जु रसहि निधान ॥
एऊ निज संपति सबै करिकें प्रगट जु ताहि । सजिकें सेना जांय चढ़ि प्रिय के ऊपर आदि ॥
प्रभु जू कहैं कहु जु तुम ब्रज कौ मान प्रकार । कहैं स्वरूप जु मान तिन है जु नदी सम धार ॥
प्रेम वृत्ति बहु भेद है अरु नायिका स्वभाव । तिन भेदनि नाना विधिहि होय मान उदभाव ॥
भली भांति गोपीन कौ मान कखौ नहि जाय । एक दोय भेदनि कहैं दिग दरसन हि क्राय ॥
कोऊ धीरा मान मधि होय अधीरा कोय । धीराधीरा होय पुनि तीन भेद ये जोय ॥
धीरा पियकौ दूरि तें लखि उठि ठाढ़ी होय । आसन देय विज्ञाय कैं निकट हि आवत सोय ॥
हिये कोप मुखसौं कहैं मधुर वचन मुसिकाय । मिल्यो चहैं प्रिय तिहि करै आलिंगन हूं धाय ॥
पोषन करै जु मान कौ सहज सरल व्योहार । के प्रिय कौ निरसन करै वक्र वचन अनुभार ॥
खिजै अधीरा नायका कहि कटु वचन अपार । माला कर बंधन करै कणोंत्पल हि प्रहार ॥
पुनि धीराधीरा करै वक्र वचन उपहास । स्तुति कवहुं निंदा कभूं कवहुं कहैं उदास ॥
मुग्धा मध्या नायका और प्रगल्भा होय । मुग्धा नहि जाने कहु मान चतुर्द सोय ॥
निज मुख कौं ढपिकें करै केवल रोदन सोय । विनय वचन प्रियके सु सुनि वेगि प्रसन्न सु होय ॥
धीरादिक भेदनि धरै मध्यादिक अरु दोय । तिन मधि सबनि सुभाव के तीन भेद ये सोय ॥
प्रखरा कोऊ सृष्टु समा ये तिनके जु सुभाव । रसकी सीब बड़ावहीं प्रियके निज निज भाव ॥
प्रखर मार्दव साम्य पुनि सब सुभाव निर्दोष । तिहीं तिहीं जु सुभाव करि करै प्रिय हि संतोष ॥
सुनत कथा एई भयो प्रभु कैं हर्ष अपार । कही कही दामोदर जु कहैं जु चारेंबार ॥
कहैं स्वरूप जु कृष्ण जू रसिक मुकुट मणि आहि । रस आस्वादकरसहि मय है सुकलेवर ताहि ॥
प्रेमहि मय वपु कृष्ण कौ भक्त प्रेम आधीन । सुद्ध प्रेम रस गुणहि मधि है गोपिका प्रवीन ॥
गोपिनु के रस मधि नहीं रसामास जो दोष । याही तें श्री कृष्ण के करै परम संतोष ॥
तथाहि श्री भागवते—

एवं शशांकांशुविराजिता निशाः स सत्यकामोऽनुरताबलागणः ।

सिषेव आत्मन्यवरुद्धसौरतः सर्वाः सरत्काव्यकथाः रसाभयाः ॥

इक गोपी गण दक्षिणा इक वामागण ताहि । प्रियहि करावै भाव बहु रस आस्वादन जाहि ॥
राधा ठकुराणी अधिक गोपीगण मनि जानि । निर्मल उज्ज्वल मुख्य रस प्रेम रतन की खानि ॥
है जु मध्यमा वयस मधि समा सुभाव हि सोय । गाढ़ जू प्रेम सुभाव करि वास्य निरंतर जोय ॥

तिन के बाम्य सुभाव करि उठै निरन्तर मान । तातैं वादै कृष्ण केँ आनंद सिंधु निदान ॥

तथाहि—
अहेरिव गतिः प्रेम्णः स्वभावकुटिला भवेत् । अतो हेतोरहेतोरच यूनो मान उदञ्चति ॥

इतनी सुनि प्रभु को बढी आनंद सिंधु अपार । कहौ कहौ अरु कहौ तव कहै स्वरूप विचार ॥
महाभाव अति गूढ़ है दशा जु राधा प्रेम । अति विशुद्ध निर्मल सु ज्यो चारहवानी हेम ॥
जबे अचानक कृष्ण को पावैं दरसन जोय । नाना भाव विभूषननि होय विभूषित सोय ॥
अष्ट सात्विक हर्षमुख संचारी ता मांहि । पाव अलंकृत वीश पुनि सहज प्रेम उपजांहि ॥
किलकिंचित अरु कुटमित ललित विलासजुसोय । मोटायित विब्वोक पुनि मौग्ध चकित अरुजोय ॥
इनि भावनि भूषनिनिकरि भूषित राधा अंग । सुख सागर की कृष्ण केँ लखिकेँ उठे तरंग ॥
किलकिंचितजु अलंकृतहि सुनौ जु विवरण ताहि । जिहिं भूषण भूषित हरै राधा हरि हिय आहि ॥
जबहि कृष्ण राधाहि लखि चारै छुगौ जु ताहि । दान घाट पथ जाति जब मनैकरै गति आहि ॥
मनै करै जब आय केँ फूलन बीनत जोय । चाहै आगै सखिनु जब हिय कर धरिवैं सोय ॥
इनहि ठोर ही उपजई किलकिंचित जो आहि । संचारी हरप सु प्रथम कारण मूल जु ताहि ॥

तथाहि—

गर्वाभिलाषरहितस्मितासूयाभवकुपाम् । संकरीकरणं हर्षादुच्यते किलकिंचितम् ॥

सात भाव अरु आयकेँ सहजहि मिलै जु सोय । तव इन आठौ भाव केँ मिलै महारस होय ॥
गर्व और अभिलाष भय वृथा रुदन पुनि जानि । क्रोध असूया संग अरु होय मंद मुसकानि ॥
आठ भाव स्वाद जु पृथक इकठां मिलै जु सोय । ताही के आस्वाद हित तृप्त कृष्णमन होय ॥
दधि मिथि घृत मधुर मिरच और कपूरजु सोय । एलादिकके मिलै ज्यों मधुर सिखरणी होय ॥
इन भावन जुत जब लखै प्रिया वदन अरु नैन । संगम हू तें कोटि गुण लहै कोटि सुख ऐन ॥

तथाहि—

अतः स्मेरतपोन्मला जलकणव्याहीर्णपद्मांकुरा,
किञ्चिन् पादलिताञ्चला रसिकोन्मिता पुरः कुञ्चति ।
रुद्धायाः पथि साधवेन मधुरव्यामुनतारोत्तरा
राधायाः किलकिञ्चितस्तवकिनी दृष्टिः प्रियं वः कियान् ॥

तथाहि—

वाष्पव्याकुलितारुणाञ्जलचलन्नेत्रं रसोल्लासितं,
हेलोल्लासचलाधरकुटलितं भ्रूयुग्ममुद्यत्सितम् ।
कान्तायाः किलकिञ्चित्ताञ्जितमसौ वीचाननं संगमा
दानन्दं तमवाप कोटिगुणितं योभूत्तगीर्गोचरः ॥

इतनौ सुनि प्रभुको भयो आनन्दित मन जोय । आलिगिण जु स्वरूप की कियो हर्षमय होय ॥
भूषण भाव विलास मुख कहौ सु लक्षण ताहि । जिहीं भाव राधा हरै गोविंद की मन आहि ॥
तव स्वरूप गोस्वामिजु लागे कहनजु ताहि । सुनि प्रभुके सब भक्त गण लखौ महामुख आहि ॥
राधावैठी होय केँ विषन हि आवै सोय । दरसन पावै कृष्ण को तहां अचानक जोय ॥
देखत नाना भाव करि होय विलक्षण जोय । ताही सु वैलक्षण की नाम विलास जु होय ॥

तथाहि—

गतिस्थानासनादीनां मुक्तेनादि कर्मणां । तात्कालिकं तु वैशिष्ट्यं विलासः प्रियसंगजम् ॥

लाज हर्ष अभिलाष भय संभ्रम बाम्य जु होय । ए मिलि भाव जु राधिकहि करै जु चंचलजोय ॥

तथाहि—

पुरः कृष्णालोकान् स्थगितकुटिलास्या गतिरभूत् निरखीनं कृष्णाम्बरदग्धतं श्रीमुखमपि ।
चलत्तारं स्कारं नयन युगमाभुस्तमिति सा, विलासाख्यस्तालंकरणवलितानीत प्रियमुदे ॥

हरि आगै राधा जबै रहै जु ठाड़ी होय । तीन अंग मंगी जु है भोंह नचाय जु सोय ॥
बहु भावनि उद्गारई मुख नैननि मधि वाम । को ताके इहि भाव की ललित अलंकृत नाम ॥

तथाहि तल्लक्षण—

विन्यास भंगिरंगाणां भ्रूविलासमनोहरा । सुकुमारा भवेद् यत्र ललितं तदुदाहृतम् ॥

ललित सु भूषित राधिकहि देखे जब ही कृष्ण । मिलिवै को तव परसपर दोऊ होय सत्पण ॥

तथाहि—

द्विधा तीर्थ्यन् श्रीवा चरण कटि भंगी सुमधुरा, चलच्चित्तोवल्लीदलितरतिनार्येर्विजतपनुः ।

प्रिय प्रेमोल्लासोल्लसितलजितालालिततनुः प्रियप्रीत्यै सासीदुदित ललितालंकृति युता ॥

कंचुकि आकर्षण करे कृष्ण लोभ करि आहि । बाहिर मनै करै प्रिया हिये चाह अधिकहि ॥
हिय केँ भीतर सुख महा बाहिर क्रोध जु वाम । अलंकार कुटमित कदि इही भावकी नाम ॥

तथाहि तल्लक्षण—

स्तनाधरादि अहणे हृत्प्रीतावपि संभ्रमात् । वहिः क्रोधो व्यथितवत् प्रोक्तं कुटमितं बुधैः ॥

कृष्ण चाह पूरण सु जिहिं करै पान अवरोध । राधा केँ आनंद हिय बाहिर बाम्य सु क्रोध ॥
करै वृथा रोदन प्रिया जानौ विथा सु पाय । करै कृष्ण की भर्त्सना कहुक मंद मुसकाय ॥

तथाहि—

पाणिरोधमवरोधितवाङ्मं भर्त्सनाञ्च मधुरस्मितगर्भाः ।

माधवरस्य कुरुते करभोरुद्वारि शुष्करुदितञ्च मुखेऽपि ॥

इही भांति सब और हं भाव विभूषन आहि । हरै कृष्ण के हिय की राधा भूषित आहि ॥
हरि लीला जु अनंत है वरणन करी न जाहि । आपुन जो वरणन करै सहस वदन हं आहि ॥

श्री निवास इसि कैं कहैं सुनि दामोदर जोय । लखी हमारी रमाकी संपति विस्मृत सोय ॥
 वृन्दावन लखिबैं गये जगन्नाथ करि चाय । सुनि लछमी देवी मनहि भयो जु कछु दुख आय ॥
 इतनी संपति तजि गये कहीं वृन्दावन ऐन । तिनकी हासी करण हित लछमी सजै जु सैन ॥
 देखी तुम्हरे प्रभु इती तजि संपति अभिराम । पात फूल फल लोभ करि गये कुसुम आराम ॥
 चतुरणि जु कहाय कैं करैं कर्म यह जोय । लछमी आगें निज प्रभु हि देहि लाय कैं सोय ॥
 इतनी कहि लछमी जु कैं सब दासी गण सोय । बांधि वसन कटि आनई प्रभु के परिजन जोय ॥
 न्याय रमा के चरनमधि प्रणति करावैं आहि । करवावैं विनती जु अरु लेहि भृत्यगण ताहि ॥
 तिहि रथ के ऊपर करैं दंड प्रहार हि आहि । जगन्नाथ के भृत्य सब करैं चारै सम ताहि ॥
 सबै भृत्य गण कहैं तव जोरि हाथ इहिं भाय । जगन्नाथ कौं कान्हि तुम आगें दैहैं लाय ॥
 लछमी जू निज गेह कौं जाय सांत तव होय । बिभौ हमारी रमा की वचन अगोचर सोय ॥
 पय औटावैं दधि मयें तुम गोपीगण आहि । बैठे ठकुराणी जु हम रतन सिंहासन ताहि ॥
 श्री निवास नारद प्रकृति करैं जु बहु परिहास । सुनि कैं इसैं जिते महाप्रभु जू के निजदास ॥
 कहैं जु प्रभु श्रीवास तुव नारद कौं जु सुभाव । तुम कौं भावैं ईसता यह ईश्वर जु प्रभाव ॥
 दामोदर जु स्वरूप ये शुद्ध ब्रजवासि जान । रहैं शुद्ध प्रेमहि मगन नहि ईश्वरता ज्ञान ॥
 मावधान श्री वास सुनि कहैं स्वरूप जु ताहि । वृन्दावन संपति जु तुव कान परी नहि आहि ॥
 वृन्दावन कौं साहजिक संपति सिंधु जु आहि । द्वारावति बैकुण्ठ श्री एक बिंदु है ताहि ॥
 है पुरुषोत्तम परम जी आप स्वयं भगवान । कृष्ण धनी जिहिं धाम सौं वृन्दावन रस खान ॥
 चिंतामणि मय भूमि जिहिं चिंतामणि गृह ताहि । दासिनुके भूषण चरण चिंता मणि गणआहि ॥
 जहां सहाजिक विपिन जिहिं लता कलपतरु ताहि । मागें नहि फल फूल बिन अरु कोऊ धन आहि ॥
 कामधेनु वन वन चरैं जहां अनंत जु सोय । दैहैं एक पय मात्र अरु धन नहि मागें कोय ॥
 सहज कथा जो लोक ही वही दिव्य जिहि गीत । सहज गमन हूं जहां कौं करैं नृत्य पर तीत ॥
 जहां नीर जो सर्वठां सोई अमृत समान । चिदानंद रस स्वाद जो जहा सुमूरति मान ॥
 लचमी सम जिनके जु गुण सब लचमीजु समाज । करैं कृष्ण मुरली जहां प्रियजु सखीकी काज ॥

तवाहि ब्रह्म संहितायां—

जियः कांता कान्तः परम पुरुषः कल्पतरुः द्रुमाः भूमिश्चिन्तामणि गण मयी सोयममृत ।

कथा गानं नाट्यं गमनमपि बंशी प्रियसखी चिदानन्दोत्पत्तिः परमपितृदा स्वाद्यमपिच ॥

चिन्तामणि इचरण भूषणसंगनानां—शृंगार पुष्पतरुस्तख सुराणां ।

वृन्दावनं ब्रजधनं ननु कामधेनु वृन्दानि चेति सुखसिन्धु रहो विभूतिः ॥

सुनि के प्रेमावेश मधि नाचैं श्री निजवास । काख ताल जु बजाय कैं करैं अट्ट अट हास ॥
 प्रभु राधा की सुद्ध रस सुनि जु भयो आवेश । तव आरभ्यौ नृत्य तिहिं रसावेस सुविशेष ॥

रसावेस मधि नृत्य प्रभु श्रीस्वरूप की गान । कही कही प्रभु कहैं पुनि दियेंजु निज मन कान ॥
 उमड़ी ब्रजरस गान सुनि प्रेमसिंधु अधिकाय । प्रभु जू पुरुषोत्तम नगर दीनी प्रेम वधाय ॥
 लचमी देवी निज समै गई जु अपने धाम । प्रभु जू कौं नृत्यहि करत भयो तीसरी जाम ॥
 गान करत सम जुत भये संप्रदाय तव चारि । प्रभु जू कौं दूनी बड़ी प्रेमावेस अपार ॥
 राधा प्रेमावेस प्रभु भये जु मूरति सोय । नित्यानंद लखि कैं तिही करी दूर धिति जोय ॥
 नित्यानंद जू जानि कैं प्रभु कौं भावावेस । आवैं नहिन निकट तव रहैं दूर कछु देस ॥
 प्रभु कौं नित्यानंद बिन धारि सकैं जन कोय । प्रभु आवेस जु जाय नहि रहे कीरतन सोय ॥
 सम जु जनायौ सचनिकी करि रचनाजु स्वरूप । जन गणकौं श्रम देखि प्रभु भये बाह्य रसरूप ॥
 सब भक्तन कौं लै प्रभु गये कुसुम उदयान । करि कैं कछु विश्राम प्रभु किय मध्यान्हस्नान ॥
 तव प्रसाद जगन्नाथ कौं आयौ बहु उपहार । लचमी कौं जु प्रसाद पुनि आयौ विविध प्रकार ॥
 लै सबकौं नाना रंगनि किय भोजन भगवान । जगन्नाथ कौं दरस किय करि कैं संध्या स्नान ॥
 जगन्नाथ कौं लखि कियो नृत्य कीरतन रंग । जलक्रीडा जु नरेंद्र सर करैं भक्त गण संग ॥
 वन भोजन प्रभु जू करैं उदयान हि जव आय । आठ द्यौस लौं प्रभु करी क्रीडा यही सुभाय ॥
 जगन्नाथ कौं और दिन भीतर विजय सु होय । जगन्नाथ रथ चढ़ि चलैं निज आलय कौं सोय ॥
 पहिलैं ही जो महाप्रभु लै सब जन मण संग । करैं जु परमानंद करि नृत्य कीरतन रंग ॥
 फेरि भयो जगन्नाथ कौं पांडु विजय हूं जोय । इक कटि पट डोरी तहां गई टूटि कैं सोय ॥
 पांडु विजय की तूलिका टूटि टूक भई सोय । जगन्नाथ के बोझ करि उडि भजि गई जु सोय ॥
 बामी कुलिया गाम के सत्यराज अरु राय । करि सनमान तिन्हें दई आज्ञा प्रभु इहि भाय ॥
 या पट डोरी के जु तुम हो अब तैं जुजमान । प्रति वत्सर ही न्याय ही डोरी करि निरमान ॥
 टूटी पट डोरी दई ऐसैं कहि कैं ताहि । करि ही याकौं देखिकें डोरी अति दृढ़ आहि ॥
 अधिष्ठान है शेष की यह पट डोरी जोय । सेवें श्री भगवान कौं दस मूरति धरि सोय ॥
 सत्यराज बड़ भाग है अरु श्री रामानंद । सेवा आज्ञा पाय कैं भयो जु परमानंद ॥
 गुंडिचा तैं प्रति बरस ते सब भक्तनि लैं संग । पट डोरी लै आवई हिये भरे अतिरंग ॥
 जाय सिंहासन पैं तवै बैठे श्री जगनाथ । घर आये तव महाप्रभु भक्तगणनि लैं साथ ॥
 जावा दरसाई जु सो भक्त गणनि इहिं भाय । वृन्दावन क्रीडा करी पुनि लैं जन समुदाय ॥
 लीला प्रभु चैतन्य की है जु अनंत अपार । सहस बदन हूं करि नहीं पावैं जाकी पार ॥
 रूप सनातन और रघुनाथ चरण जिहि आस । चरितामृत चैतन्य कौं कहैं कृष्ण कौं दास ॥
 रूप सनातन जगतहित सुबल श्याम पद आस । सो प्रभु चरितामृत लिखैं ब्रजभाषाहि प्रकास ॥

इति श्री चैतन्यचरितामृते मध्यखण्डे हेरा पंचमी यात्रा वर्णनं नाम चतुर्दशपरिच्छेदः ॥

पञ्चदसपरिच्छेद

सार्वभौम-गृहे भुञ्जन् स्वनिदकमभोजकम् ।
अंगीकुर्वन्स्फुटं चक्रे गौरः स्वां भक्तवश्यताम् ॥

जय जय श्री चैतन्य जू जय श्री नित्यानंद । जय अद्वैत हिमांसु जय प्रभु भक्तनि के वृन्द ॥
जय श्री प्रभु जू के चरित श्रोता जनके वृन्द । श्री प्रभु चरितामृत जिनहि प्राण वित्त सुखकंद ॥
इही भांति श्री गौर जू भक्तगणनि के संग । लीलाचल रहिकैं करैं नृत्य गीत भरि रंग ॥
करैं दरस प्रथमावसर जगन्नाथ अभिराम । करैं गीत तुति नृत्य श्री दंडरीति परणाम ॥
उपल भोग लागत करैं बाहिर विजय जु नाम । श्री प्रभु मिलि हरिदास कौ आवैं अपने धाम ॥
करत नाम संकीर्तन घर बसि प्रभु सुख रूप । करैं आय अद्वैत जू प्रभु पूजन अनुरूप ॥
देत सुगंधित सलिल करि पाय आचमन सोय । लेप्यौ सब अंग गौर के सुगंधित चंदन जोइ ॥
माथे तुलसी मंजरी दै गल माल विसाल । चरण प्रणति कर जोरि कैं करैं जुनुति रसाल ॥
पूजा भाजन कुसुम श्री तुलसी सेस ही जोय । किय पूजन अद्वैत कौ प्रभु जू सब लै सोय ॥
जो हो सो हो नम तुम्हें बैठि मंत्र इहि आहि । श्रीप्रभुजु मुख वादय करि कहैं हास्य बहु ताहि ॥
इहि भांतिनि सौ परस्पर करैं प्रणति सुखसार । करैं निमन्त्रण गौर कौ आचारज बहुवार ॥
न्यौदौ श्री आचार्य कौ अचिरज कहिषौ तास । बरनौ है विस्तार करि श्री वृंदावन दास ॥
ताते द्वां पुनरुक्ति भय कर्यौ न वर्णन ताहि । करैं निमन्त्रण गौर कौ और भक्तगण आहि ॥
इक इक दिन इक भक्त घर होत महोत्सव रंग । तहां भक्त भोजन करैं सबै महाप्रभु संग ॥
चारि मास भरिकैं रहैं सबै महाप्रभु संग । जगन्नाथ जात्रा विविध देखैं करि बहु रंग ॥
कृष्ण जन्मजात्रा दिवस नंदमहोत्सव रंग । गोपवेस भौ गौर जू सबभक्तनि लै संग ॥
बार दुग्ध दधि कौ सबनि निज निज अंसनि धारि । आयें जु धाम महोत्सव हरि हरि कहैं पुकारि ॥
कान्हाई खुटिया तहां बैठे धरि वपु नंद । भई जसोदा माहिती जगन्नाथ सुख कंद ॥
आपुन रुद्र प्रताप पुनि कासी मिश्र जु आहि । सार्वभौम पुनि वाजपय तुलसी अधिकृत ताहि ॥
इन सब कौलै गौर जू करैं नृत्य बहु रंग । हरद दुग्ध दधि सलिल करि भरे सबनि के अंग ॥
श्री आचार्य कहैं कहत सांच न करि ही कोय । लकट फिराय सकौ तबै जानि परीगे गोप ॥
प्रभु तिनही कौ लकट लै लगे फिटावन ताहि । बार बार आकाश मधि फेंकि लपकि लैं आहि ॥
सिंगर सन मुख पीठ पर इत उत ओर न दोय । लकट फिराई संधि पद लखि जु हसैं सब लोय ॥
प्रभु ने चक अलात जौ लकट फिराई सोय । चमत्कार भौ चितन मधि लखि कैं सिंगर लोय ॥
इहि विधि नित्यानंद जू लकट फिराई चाय । को जानैगो तिहिं दुहुनि गूड़ गोप कौ भाय ॥

१५ श परिः]

मध्यलीला

[१२०

गजपति की आज्ञा जु करि अधिकृत तुलसी लाय । जगन्नाथ परसादि इक बख्ति लैकें आय ॥
श्री प्रभु जू के मस्तकहि बांध्यौ बन्ध अमोल । आचार्यादिक गोपगण पहिरायें जु अतोल ॥
कान्हाई खुटिया जु पुनि जगन्नाथ जन दोय । दिय लुटाय आवेस करि हुतो गेह धन जोय ॥
देखि महाप्रभु कैं भयौ बहु संतोष जु सोय । मात तात के ग्यान करि दुहुनि प्रणति किय जोय ॥
तबै परम आवेस मधि प्रभु आयें निज धाम । इही भांति लीला करैं गौर अंग अभिराम ॥
विजय दसमि लंका विजय तिहिं कौ दिवस जु सोय । प्रभु लीनौ निज गणनि कौ बानर सैन्य जु होय ॥
हनुमान आवेस प्रभु जु भौ तरु साखानि बाहि । चढ़ि लंकागढ़ कौ दई फारि तोरि कैं ताहि ॥
कितरे रावण प्रभु कहैं क्रोधावेश प्रशंस । हरी जगत माता अधम मारी तोहि सर्वस ॥
गोस्वामी आवेस लखि अचिरज लोक अपार । जय जय लोक सबै कहैं तबै बारही बार ॥
दीपमाल जात्रा जु श्री रासादिक इहि भाय । जात्रा लखि उत्थान की द्वादसि सकल बनाय ॥
एक दिवस श्री गौर जू नित्यानंद लै सोय । करैं जुक्ति एकांत मधि बैठि सहोदर दोय ॥
कहा जुक्ति दोऊ करैं तिहिं नहि जानै कोय । अनुमानहिगे फलहि करि पीछें जन गण सोय ॥
तबै महाप्रभु जु तहां सगरे जनहि बुलाय । गौड़ देस कौ सब चली विदा करी सुख पाय ॥
श्री प्रभु जु सबसौं कछौ प्रति बत्सर द्यां आय । जैहौं लखि कैं गुंडिचा हमकौं मिलि सुख पाय ॥
आज्ञा दी आचारजहि करिकैं बहु सनमान । आचारडालजु तिहिं करौ कृष्ण भक्ति कौ दान ॥
आज्ञा दी नित्यानंदहि जाहु गौड़ सुख रास । प्रेम भक्ति अर्गल रहित करिहौ तहां प्रकास ॥
आदि गदाधर कितिक जन रामदास सुख रूप । तुव सहाय करिहैं सदा दिय तुव साथ अनूप ॥
पंडित श्रीवासहि कर्यौ आलिंगन प्रभु आय । कहैं कंठ लगि कैं तबै भीठे वचन सु ताहि ॥
बीच बीच तुमरे निकट आय हमजु निरधार । छिपि करि लखिहैं आपुनौ नृत्य महासुख सार ॥
तुमरे गृहमधि कीरतन हम निति नचि हैं सोय । तुमही देखौ गेह में श्री लखि हैं नहि कोय ॥
बहै बसन दैहौ जननि सब प्रसाद जो आहि । छमा कर्यौं प्रणति करि मम अपराध हि ताहि ॥
तिहिं सेवा तजि कैं हम जु आय कर्यौ संन्यास । धर्म नहींहैं हमजु निज कर्यौ धर्म कौ नास ॥
हम हैं तिन के प्रेमवस तिन की सेवा धर्म । तिन कौ तजि कैं हम जु यह कीनौ वीरे कर्म ॥
मातकृपाल लहै नहीं वीरे सिसु के दोस । यही जानि कैं मात मम मानैगी संतोष ॥
कहा काज संन्यास सौ हमरें प्रेम जु वित्त । जिहीं सभै संन्यास किय भयौ छीन मम चित्त ॥
मैं लीलाचल में रहौं तिनकी आज्ञा आहि । विच विच आवैगो जु हम चरण देखिबे ताहि ॥
देखौं तिन के चरण हौं नित्य जाय कैं आहि । मानैं नाही सांच ते स्फूर्ति ज्ञान करि ताहि ॥
माजी कदली मूल की कीनी सरस सुधार । अरु पुनि करी पटोल की नीवपात सुखसार ॥
नीबू आदीखंड दधि दुग्ध खण्ड कौ सार । सालग्राम समर्पि दिय तबै बहुत उपहार ॥

लै प्रसाद कौ गोद में क्रन्दन करें जु सोय । एसि गरे व्यंजन सु प्रिय लगै निमाई जोय ॥
 में कैसे भोजन करौ इहां निमाई नाहि । आबु जल मम व्यान करि भर्यौ जु नैननि मांहि ॥
 सर्व कर्यौ भक्षण जु मैं तहां सिंग ही जाय । रीती पातरि कौ निरखि पूछे अश्रु बनाय ॥
 खाये व्यंजन अन्न किन काहे शून्य सुपात । कही बाल गोपाल नें खायौ सिंगरी भात ॥
 कै मेरी मन गाथ करि भ्रम हूँ गयौ जु सोय । खायौ काह जंतुनें किधौ आय सब जोय ॥
 कैहौ भ्रम करि पात्रमधि अन्न परोस्यौ नाहि । जाय पाक पाकहि लख्यौ औचिचार हिय माहि ॥
 देख्यौ व्यंजन अन्न करि पूरण भाजन सोय । संसय भौ अचिरज कछु शचीमात मन जोय ॥
 फिरि सेवक के हाथ करि चौकी दयायौ ताहि । श्री गोपाल हि फेरि कै अन्न समर्प्यौ आहि ॥
 इहां भांति जय ही करै उत्तम पाकहि जोय । मोहि खवावैं कौ करै रुदन चाव करि सोय ॥
 तहां जाय भोजन करौ मैं बस प्रेमहि ताहि । बेऊ सुख मानैं हिये बाहिर नाहीं आहि ॥
 इहां विजय दशमी दिवस यह भई है रीति । करवावौगे पूछि करि तिन कौ यह प्रतीति ॥
 एतक कहि विहवल भये श्रीप्रभुजू रस भोय । किय धीरज हिय मांहि तब करिवैं विदा जु लोय ॥
 राघव पण्डित कौ कहैं वचन जु सरस अनूप । हम हैं तुम्हरे बस जु तुव कृष्णप्रेम अनुरूप ॥
 इनकी हरि सेवा कथा सुनौ जु सिंगरे लोय । सेवा परम पवित्र है अति सर्वोत्तम सोय ॥
 रहै कथा श्री द्रव्य शुनि नारिकेलि की सोय । पंच गंडा करिकैं विकैं जैसौ तैसौ जोय ॥
 बारी में सत कितिक तरु लल लल फल ताहि । तऊ सुनैं मीठे जहां नारिकेलि फल आहि ॥
 एक एक फल कौ मोल दिय चारि चारि पण सोय । मगवावैं दस कोस तें करिकैं जतनहि जोय ॥
 प्रतिवासर में पांच छे फल छुलवाय बनाय । राखे सीतल करण कौ जल के बीच डुवाय ॥
 भोय समैं दे संख जल फिरि छोल्यौ फल जोय । करै समर्पन कृष्ण कौ वदन छिद्र करि सोय ॥
 नारिकेलि जल कौ करै पान कृष्ण जू सोय । राख कबहुं फल रिता कबहुं जल भरि जोय ॥
 जल रीतौ फल देखिकैं पण्डित हरपित होय । पूरन किय सत पात्र मधि अन्न फेरि फल सोय ॥
 करै जु पाक समर्पिकैं बाहिर बैठे ध्यान । पाक खाय कै हरि करै भाजन शून्य निदान ॥
 कबहुं अन्न हि खाय पुनि भरै अन्न सौ ताहि । पण्डित के श्रद्धा बड़े मगन सिंधु हित आहि ॥
 एक दिवस मधि दस फल जु संस्कार करि जोय । लै आयौ सेवग तहां भोग लगावन सोय ॥
 भौ विलम्ब कछु भोग की हूतें जु औसर नाहि । रखा द्वार ही सेवक फल भाजन कर मांहि ॥
 द्वारे ऊपर भीत मधि दियौ हाथ तिहि जोय । तिहीं हाथ करि फल छिर्यौ पंडित देख्यौ सोय ॥
 पण्डित कौ जु द्वार मधि करै गतागति लोय । जामैं ऊपर भीत कै तिहि पद रज उड़ि सोय ॥
 फल परसौ तिहि हाथ सौ दियौ भीत के मांहि । भये अपावन है जु ये कृष्ण जोग्य फल नांहि ॥
 इतनी करि फल फेरिदिय लौकिकें भीत हि ताहि । इमि पवित्र इमि सेव करि जगतहि जीत्यौ आहि ॥
 संस्कार कीनो जु तब नारिकेलि भौ जोय । करि कै पावन परम हो भोग लगार्यौ सोय ॥

इहीं भांति कटहर कदलि नारंगी सु रसाल । दूनें दूरि हैं गाम जिहि है नीके जु विसाल ॥
 आने ते बहु मोल दै करिकैं जतननि आहि । संस्कार पावन जु करि करे निवेदन ताहि ॥
 विजन के हित इहीं विधि साक भूल फल सोय । ऐसैं चिरवा मुरमुरा खांड खील कछु सोय ॥
 इनि भांतिनि पीठा पना ओदन सुंदर चीर । पावन परम जु और के सर्वोत्तमनि धीर ॥
 आंव कसीदी आदि दै बहुत प्रकार अचार । गंध वसन भूषण बहुनि दिव्य सर्व सुसमार ॥
 हित सेवा इहिं भाति सौं करै जु अनुपम आहि । सब लोकनि के सीतल जु नैन होत लखिताहि ॥
 एतक कहि श्रीराघव हि किय आलिगन सोय । इन भांतिनि सनमान किय सर्व भक्तगण जोय ॥
 सिवानंद सेनहि कहैं प्रभु करिकैं सनमान । वासुदेव दत्त कौ जु तुम करि हो तोष निदान ॥
 ऐ तो परम उदार है जिहि दिन आवै जोय । तिहीं दिवस खरचै जु तिहिं सेस न राखे कोय ॥
 है जु कुटुंबी यें तिन्हें चाहियें संचय जोय । संचय किये बिना किहूँ कुटुम्ब भरण सु होय ॥
 इनके घर कौ लाभ व्यय सब तुमही तें आहि । लिख धर हूँ कै करौगे समाधान तुम ताहि ॥
 लौ कै मेरे प्रति वरस सब भक्तनि के वृंद । गुंडिचा आवौगे सबनि करि पालन स्वर्ंद ॥
 कुलिया वासिन सौं कहैं करि सनमान हि आहि । जा ता ऐहौ प्रति वरस पट डोरी लै ताहि ॥
 श्री गुणराज सुखान जू कृष्ण विजय किय आहि । जहां ये कहैं प्रेममय सरस वचन अति आहि ॥
 कृष्ण नंद नंदन जु मम प्राणनाथ जू सोय । इंद्री वचन करि हम विके तिहिं कुटुंब कर जोय ॥
 कहा कथा तुवारी जु तुव ग्राम स्वान है सोय । सोऊ भोकीं प्रिय महा रहौ दूरि औ लोय ॥
 सत्यराज खान तवै और जु रामानंद । प्रभु के चरणनि माहि कछु किय बिनती सुख कंद ॥
 हम गृहस्थ बिसयी जु हैं हमकौ साधन कोय । श्री मुख सौं आज्ञा करौ किय पद बिनती सोय ॥
 गौर कहैं श्रीकृष्ण औ जन सेवन निस काम । करौ निरन्तर कीरतन कृष्णनाम अभिराम ॥
 सत्यराज जू तब कहैं करिकैं बिनती ताहि । जानहिंगे हम कौन विधि है वैष्णव इह आहि ॥
 कौन वैष्णव हैजू प्रभु कीजै सेवन जाहि । तिहिं लजन सामान्य जे कहौ कृपा करि ताहि ॥
 कहैं प्रभु जिहिं मुख सुनौ कृष्णनाम इकवार । वहै पूज्य हरिनाम करि श्रेष्ठ सबनि निरधार ॥
 वहै करै हरिनाम करि सब पापनिक्षय ताहि । होत नाम हीतें सकल नवधा भक्ति जु आहि ॥
 पुरश्चरण दीक्षा विधिहि करै न नाम विचार । करै सबनि रसना परस आचांडाल उधार ॥
 करै जु छय संसार कौ आनुसंगिक फल तास । चित खेंचे श्रीकृष्ण मधि करै प्रेम परकास ॥

तथाहि—

आकृष्टः कृतचेतसां सुमहतामुत्पादनं चाहसा
 माचाण्डाल ममूक लोक सुलभो वश्यश्च मोक्षप्रियः ।
 नो दीक्षां नच सत्किंवां नच पुरस्चर्यां मनागीचुवे
 मन्त्रोऽयं रसनास्पृगेव फलति श्रीकृष्णनामात्मकः ॥ २ ॥

याही ते जाके बदन एक कृष्ण अभिधान । सोई है वैष्णव जु तिहि करौ परम सनमान ॥
 दास मुकुंद जु खण्ड के औ रघुनंदन नाम । श्री नरहरि जू मुख्य ये तीनों जन अभिराम ॥
 पूज्य दास मुकुंद को सचीसु जु अभिराम । तुमहो पिता जु पुत्र तुव के रघुनंदन नाम ॥
 के रघुनंदन तुव पिता तुम हो तनय कि ताहि । निहिचै करि मोसो कही जाय जु संसे आहि ॥
 रघुनंदन हमरे पिता कहै मुकुंद जु दास । है मेरे निहचै यहै हम है पुत्र जु तास ॥
 कृष्ण भक्ति हम सबनि के रघुनंदन हीतें जु । याही ते सब के पिता रघु निरचै किय मैं जु ॥
 हरैं सुनि के प्रभु कहै कहै जु प्रभु निरधार । याही ते हरि भक्ति करि लघु हूँ गुरु सुखसार ॥
 कहै जु महिमा भक्त की प्रभु पावै सुखसार । कहत भक्त महिमा भये पांच वदन निरधार ॥
 सुनौ कहै जन गननि सौं श्री मुकुंद को प्रेम । गूढ़ प्रेम निरमल जु अति जैसे सुदु जु हेम ॥
 राजवैद्य बाहिर जु ये करैं जु सेवा ताहि । कृष्ण प्रेम अंतर जु इहि जानि सकै को आहि ॥
 एक दिना नृप जवन की उच्च अटारी आहि । बात चिकित्सा की कहै आगे वंटे ताहि ॥
 मोर पखनि को पंखा इक तिहीं समैं अति आहि । राजा के सिर पर धरौ नौ इक सेवक ताहि ॥
 प्रेमावेश मुकुंद भी मोर पखा लखि चाय । अति जु अटारी उच्च ते परे भूमि मधि आय ॥
 राजवैद्य को मरण भी राजा को यह ज्ञान । करवायौ चेतन तिन्ह जु उतरि आय भय मानि ॥
 राजा कहै व्यथा तुमनि पाई किहि अंग माहि । मुकुंद कहै अति बहु व्यथा मैं तो पाई नाहि ॥
 राजा कहै मुकुंद क्यों गिरे अटा तें जोय । मुकुंद कहै मोकों व्यथा घू कह मिरगी सोय ॥
 सब बात जानै नृपति वह है महामुजान । भी मुकुंद मधि नृपति के महा सिद्धि को ज्ञान ॥
 हरिमन्दिर सेवा करै रघुनन्दन जू सोय । द्वारें एक सरोवरी तिहीं घाट पे जोय ॥
 फुलै बारह मास की कदंब वृक्ष इक सोय । होंहि कृष्ण अवतंस तें फल नित्य ही दोय ॥
 फिरि के कहै मुकुन्द सौं मधुर वचन सुख साज । करैं उपार्जन धर्म करि धन तुम्हरी यह काज ॥
 रघुनंदन को कार्य यह हरि सेवन को आहि । बिना कृष्ण सेवा नहीं और टोर मन आहि ॥
 श्री नरहरि जू तुम रहौ मेरे जन गण संग । ये त्रय कारज तीन जन सदा करौ भरि रंग ॥
 विद्या वाचस्पति जु श्री सार्वभौम जुग भ्रात । दोऊ जन पर कृपाकरि कहै गौर जू बात ॥
 कृष्ण प्रगटे इहि समैं दास नीर वषु धारि । दरसन और जु स्नान करि करैं जीव निस्तार ॥
 दास ब्रह्म साक्षात् है श्री पुरुषोत्तम नाम । है सु प्रगट भागीरथी जल ब्रह्महि अभिराम ॥
 दास ब्रह्म सेवन करैं सार्वभौम जू सोय । नीर ब्रह्म सेवन करैं वाचस्पति जू जोय ॥
 प्रभु जू गुप्त मुरारि सौं करि आलिंगण आहि । कहै भक्तगण सब सुनी भक्ति निष्ठता याहि ॥
 इन्दी लुभायी मैं प्रथम श्री कहि वारंवार । परम मधुर है गुप्त जू श्री ब्रजराज कुमार ॥
 सर्वोत्ती सर्वोत्थ जू और स्वयं भगवान । निर्मल प्रेम विशुद्ध जो तिहि सबसमय जानि ॥
 सब सरगुण इंद सुरजन रतनाकर है ताहि । चतुर विदग्ध सुधीर है रसिक मुकुटमणि आहि ॥

मधुर चरित श्रीकृष्ण की औ पुनि मधुर विलास । चतुरता जु वेदग्ध करि करैं जु लीलारास ॥
 तिन ही कृष्ण हि तुम भजौ कृष्ण आश्रय होय । कृष्णविना जु उपासना मन जिनि आनो कोय ॥
 बार बार इहि भांति सौं सुनि के वचन विलास । मेरे गौरव करि कळू मन फिरि गयी रसाल ॥
 हम सौं बोले गुप्त तब हों तुव किंकर आहि । हूँ आज्ञाकारी जु तुव नहि स्वतंत्रता याहि ॥
 यों कहि के निज घर गयी निसिमैं करै विचार । भी विह्वल रघुनाथकी त्याग हिये मधि धार ॥
 छाड़ौगौ रघुनाथ की कैंसे पद सुख साज । राम करौ मेरी मरण याही निसि मधि आज ॥
 इंदी भाति क्रंदन करै सिगरी निसि के माहि । कियो रात की जागरण मधि चेतना जु नाहि ॥
 आय भोर ही मम चरण मधि निज सिर की धारि । रोवत रोवत ही कळू विनती किय सुखसार ॥
 मैं रघुपतिके चरण मधि बेचि सीस निज दीय । छाडि सकौ नहीं रामको लहौ व्यथा अतिहीय ॥
 चरण कमल रघुनाथ के छाड़े नैकु न जाय । तुव आज्ञा भंग होय है कहा करौ जु उपाय ॥
 ताते मो पै दयामय करौ कृपा तुम एह । तुमरें आगे मृत्यु मम होय न सो सन्देह ॥
 एतक सुनि के सुख भयो बहुत मेरे हीय । तब तो इन्हि उठाय के मैं आलिंगन कीय ॥
 साधु साधु श्री गुप्त जू तुव दृढ़ भजन निदान । तुमरो मेरे वचन करि चलो नहीं चित आन ॥
 ऐसी ही प्रभु चरण मधि चाहिये जन के प्रीति । चरण छुटावैं प्रभु तऊ सकै न तजि इहि रीति ॥
 भाव सु निष्ठा यहै तुव जानन हित निरधार । मैं तुम सौं आग्रह बहुत कीनी वारंवार ॥
 हनुमान साक्षात् तुम रघुवर किंकर आहि । छाड़ौगे कैसे जु तुम चरण सरोरुह ताहि ॥
 सोई गुप्त मुरारि ए मेरे प्राण समान । सुनि लखि इन को दैन्य मम फाटै हीय निदान ॥
 वासुदेव को तब प्रभू करि अलिंगण आहि । हूँ करिके जु सहस मुख कहै सु गुण गण ताहि ॥
 निज गुण सुनिके दत्त जू हिय अति लज्जित होय । धरिके प्रभु जू के चरण करै निवेदन सोय ॥
 जगत तारिवे हेत प्रभु है तुम्हरो अवतार । मेरे एक निवेदन हि करौ जु अंगीकार ॥
 करिवे को जु समर्थ तुम महादयामय जोय । तुव मन करौ तब प्रभू अनायास ही होय ॥
 जीवन को दुख देखि मम टूक टूक हिय होय । सब जीवन को पाप प्रभु देहु सीस मम सोय ॥
 हों जीवन को पाप लै करौ नरक को भोग । सब जीवनि को तुम प्रभू दूर करौ भव रोग ॥
 यह सुनि श्री चैतन्य को द्रवी हियौ भरि रंग । लागे श्री प्रभु जू कहन अभ्रु कंप भरि भंग ॥
 तुमरें अचिरज यह नहीं ही तुम तो प्रह्लाद । तुम पर है श्री कृष्ण को परिपूरण जु प्रसाद ॥
 कृष्ण सत्य सोई कर जोयी मार्ग दास । निज जन की इच्छा बिना और कृत्य नहि तास ॥
 सकल जगत के जीव को तुम चाही निरतार । पाप भोग बिन होय गौ सब ही को उदार ॥
 नहीं कृष्ण असमर्थ है धरैं सब बल जोय । क्यों भुगतैं और को तुम्है पाप फल सोय ॥
 जाको हित चाही जु तुम भयो वैष्णव सोय । पाप वैष्णव को जु हरि दूर करैं सब जोय ॥

तथाहि— सखिखंडगोपमधवेन्द्रमहोत्सवकर्मा वन्द्यानुकूलफलभाजनमाननीति ।

कर्माणि निर्देहति किन्तु च भक्तिभाजां गोविन्दमादि पुरुषं तमहं भजामि ॥

तुम इच्छा ही माव करि हूँ है जग उद्धार । मुक्त करत ब्रह्मांड सब नहि प्रभु के कछु भार ॥
एक उदंबर तरु लगे कोटिक फल जिहि भाहि । भासै विरजा तीर मधि कोटि अंड समुदाय ॥
होय नास परिकेँ जवै कबहुँ एक फल ताहि । तऊ न हानि जानै नहीं कछु वृक्ष निज आहि ॥
तेसैं ही ब्रह्माण्ड एक होय मुक्त जो आहि । तऊ हानि कछु कृष्ण जू मन में धरै न आहि ॥
अमित ईसता कृष्ण के वैकुण्ठादिक धाम । खाई ताके कोट की कारणाब्धि जिहि नाम ॥
माया ले भासै तहां जे अनन्त ब्रह्माण्ड । गढ़खाई भासै सु यौ राई पूरण भांड ॥
एक राई नासै जु तिहि हानि न मानै सोय । नहीं हानि यौ कृष्ण के नसै अंड एक होय ॥
जो सब ही ब्रह्माण्ड सह होय आज्ञा को नास । तऊ कृष्ण जू मानई नहीं हानि कछु तास ॥
कामधेनु कोटिक पति हि ज्यों एक छेरी नास । पड गुण पति श्री कृष्ण के कौन काम है तास ॥
तथाहि—

जय जय जगन्नामजित दोषगृभीत गुणां स्वमसि यदात्मना समवरुद्धसमस्तभगः ॥ इति ॥

सब भक्तनि केँ यौ कहै जे जे गुण हैं जाहि । सब कौ विदा दई जु प्रभु करि आलिंगण ताहि ॥
प्रभु वियोग करि भक्त सब रोदन करै अपार । प्रभु केँ भक्त वियोग करि खेद हिये जु मकार ॥
रहै गदाधर पण्डित जु श्री प्रभु जू के पास । वाग जमेश्वर बीच प्रभु करवायौ तिहि वास ॥
पुरी गुसाई जू सरस अरु श्री जगदानंद । श्री स्वरूप दामोदर जु प्रभु स्वरूप सुख कंद ॥
दामोदर पण्डित निपुन काशीश्वर गोविंद । ये सब लीला चल बसैं प्रभु के संग आनंद ॥
जगन्नाथ की दरस सब निति प्रति प्रातः काल । करै महाप्रभु संग मिलि हिय आनंद विसाल ॥
एक दर्शस प्रभु के निकट सार्वभौम जू आय । हाथ जोरि केँ कछु करै प्रभु हि निवेदन चाय ॥
गये वैष्णव अब सब गौडदेस कौ जोप । भयौ निमन्त्रण कौ अर्ध प्रभु कौ औसर सोय ॥
करी जु भीचा मास भरि प्रभु जू मेरें गेह । प्रभु जू कहै न करि सकै नहीं धर्म है एह ॥
भीचा दिन बीसहि करी कहै फेरि करि प्रीति । प्रभु जू कहै यह नहीं हंस धर्म की रीति ॥
भट्टाचार्य तब चरण प्रभु के धरि केँ सोय । करी दिवस दस ही कहै करि केँ विनती जोय ॥
दिवस घटाये पांच प्रभु क्रम क्रम करिकेँ आहि । नियम भयौ दिन पांचकी भीचा करिवे ताहि ॥
सार्वभौम जू तब करै और निवेदन ताहि । संन्यासी दस जन जु है प्रभु तुमरे संग आहि ॥
पुरी गुसाई पांच दिन भीचा मेरें गेह । पहिले कीनी है प्रभु तुम जानत हो एह ॥
मम स्वरूप दामोदर जु बांधव ईश्वर सोय । ऐहै कबहुँ संग तुम कभूँ एक ले जोय ॥
अरु संन्यासी आठ की दोष दोष दिन होय । एक एक दिन एक एक जती पूर्ण मास भी सोय ॥
जो इकट्ठे ही आय है बहु संन्यासी जान । पावैगे अपराध तिहि कर न सकै सनमान ॥

निज छाया संग गेह मम ऐहो तुम रस रूप । कबहुँ ऐहै संग तुव दामोदरजु स्वरूप ॥
प्रभु के हिय की जानि केँ आनंदित भी हीय । ताही दिन प्रभु कौ तहां तिन्है निमंत्रण कीय ॥
पतिनी भट्टाचार्य की साठी माता नाम । जननी है जे नेह की प्रभु भक्ता अभिराम ॥
भट्टाचार्य आय घर आज्ञा दीनी ताहि । साठी माता हरषि करि पाक चढ़ायी आहि ॥
पाक गेह तें दाहिने है भोगालय दोड़ । एक घर सालग्राम कौ भोग लगै है सोड़ ॥
भीचा हित श्री गौर केँ अरु दूजौ गृह जान । कीनी है एकांत एक आचारज निर्मान ॥
बाहिर कौ एक द्वार तिहि प्रभु प्रवेश हित साज । द्वार रसोई और एक पाक आयवे काज ॥
एक बत्तीसा कदलि कौ कोमल विपुल सुपान । परस्यौ मानी तीन मित ता मधि तंदुल भात ॥
पीत सुगंधित घीव करि सीन्यौ अन्न सुधार । पातरिके चारौ दिसा घृत वहि चली सुधार ॥
खोत्सा कदली के बगपात सुदीना पांति । नाना व्यंजन भरि धरें चहुंधा नीकी भांति ॥
दस विध साकसु निव पुनि तिक्तजु सुक्का भोल । मिरच काल छेनासु पुनि बड़ी वडा अरु धोर ॥
घीया पेठा दूध मधि लफला और विसार । केरा की भाजी विविध सकरा बहुत प्रकार ॥
पक्व सुपेठा वरिनु के विंजन किये अपार । फल बड़ी फल मूल की भई सु विविध प्रकार ॥
नींव पत्र नव भुंज के वेंगन किय मिलि ताहि । करी मानचाकी सुपुनि पलवल भाजी आहि ॥
भुंज उरद औ मूंगकी कीनी दारि सुधारि । बरा मधुर पाठे सुपुनि अंवल बहु परकार ॥
भुंज ऊरद के बरा पुनि मधुर कदलि के सोय । दूध नारियर पिष्ट की कीनी पूरी जोय ॥
दूध चिडा कांची बड़ा दूध लकलकी जु आहि । और जिते पेठा किये कह न सकै सब ताहि ॥
घृत जुत पायस सघन अति भरि कुंडनि मधि ताहि । अद्भुत केरा दूध मधि करै अमृत सम आहि ॥
मठा सिस्तरणि दधि वंध्यौ इरौ मधुर अपार । गौडदेस उत्कल जु के भोजन जितक प्रकार ॥
अद्वा करि आचार्य जू सबे कराये सोय । सुन्दर चौकी पर मिही वसन विछायी जोय ॥
सीतल वासित जल भरी दुहुं दिसि भारी दोय । पाक व्यंजननि पर धरी तुलसी मंजरी सोय ॥
पिठा पना गुटिका अमृत ते सब लिये मंगाय । सब साद जगन्नाथ को न्यारी धर्यौ बनाय ॥
तिही समें श्री गौर प्रभु करि मध्यान हि आहि । इकले ही आये तहां जानि हिये की ताहि ॥
भट्टाचार्य जू कियौ पद परछालन ताहि । घर भीतर प्रभु जू गये भोजन करिवे आहि ॥
पाकादिक सब देखि केँ प्रभु जू विसमित होय । पूछेँ भट्टाचार्य सौ करि कछु मंगी सोय ॥
विंजन पाक जिते जु ए सबे अलौकिक आहि । दोय पहर भीतर भये केसैं करिकेँ याहि ॥
सौ चूल्है पर सौ जने करै रसोई जोय । तऊ पाक वेगहि इते रांधि सकै नहि कोय ॥
भोग लगायौ कृष्ण कौ यौ कीजत अनुमान । तुलसी मंजरी देखि यै सब पै धरी सु आन ॥
भागवान तुम सफल हुब तुमरो उदयम हेत । जातें राधा कृष्ण कौ भोग लगायौ एत ॥
परण सु सौरभ अन्न की अति हि मनोहर मान । भोजन कीनी प्रगट ही राधाकृष्ण सु जान ॥

जो तुम्हरी यह भाग्य बड़ कहा प्रसन्न है ताहि । पावैगे अब सेस इन भाग्यवान हम आहि ॥
आसन चौकी कृष्ण की राख्यो याहि उठाय । न्यारी करिके देहु मम प्रभु प्रसाद कछु लाय ॥
भट्टाचार्य कहैनु प्रभु करौ न अचिरज याहि । जिनि जेयौ तिहि शक्ति करि भोग सिद्ध हुव आहि ॥
नहि घरणी के रांधि के नहि मम उदयम जान । पाक सिद्धि जिहि सक्ति करि हुव तिहि ताकी जान ॥
याही आसन बैठिके भोजन करौ सुतार । कहै गौर यह कृष्ण की आसन पूज्य हमार ॥
आसन अन्न प्रसाद सम कहै भट्ट यों साथ । अन्न पाइय पटा पर बैठत क्यों अपराध ॥
कहै गौर नोके कही शास्त्र सु आज्ञा आहि । सर्वे वैष्णव को सेसहि दास भोगवै ताहि ॥

तथाहि—

त्वद्योरभुक्त क्षमन्थ वासोऽलंकारचर्चिताः । उच्छिष्टभोजिनो दासास्तव मायां जयेमहि ॥

तऊ जु खाप सकें नही अन्न इतेक प्रमान । भट्ट कहै जानत जितौ खाप सकौ भगवान ॥
लीलाचल मधि तुम करौ भोजन वावन वार । एक एक ही भोग मधि अन्न जु दश दश भार ॥
झारावति सोरह सहस महसिन घर अभिराम । मैया अठारह के घरनि अरु यादों के धाम ॥
ब्रज में जितने गोपगण ताऊ चाचा तात । सखा वृन्द सब के घरनि जेयौ सांभ प्रभात ॥
गोवर्द्धन के यज्ञ मधि खाई अन्ननि रासि । ताके लेखे अन्न मम है नहि एकौ ग्रास ॥
तुम ईश्वर में दास दी छुद्राकार सुझार । एक ग्रास माधुकरी करौ जु अंगीकार ॥
यह सुनि हसिके गौर जू बैठे भोजन काज । भट्ट देहि जगन्नाथ की सेस हरसि हिय साज ॥
जामाता आचार्य को सो अमोघ तिहि काल । कन्या साठी पति वही निंदक कुलहि विसाल ॥
सो भोजन देखी चढ़े आवन पावै नाहि । भट्टाचारज ले छरी बैठे द्वारे माहि ॥
ते जब भये प्रसाद के देत आनमन चाय । आय अमोघ सु अन्न लेखि निंदा करै बनाय ॥
रूपति होय इहि अन्न करि दसवारह जन सोय । एक लौ संन्यासी करै एतक भोजन जोय ॥
सुनि भट्टाचार्य तब देख्यो फिरि के आदि । भाज्यो तब अमोघ सो देखि सभारन ताहि ॥
भट्टाचारज ले छरी मारण दारे आहि । सो अमोघ भजि के गर्यो सुधि पाई नहि ताहि ॥
आये भट्टाचार्य तिहि देत गालि औ साप । निंदा सुनि लागे हसनि गौर महाप्रभु आप ॥
सुनि पीटै छाती सिरहि साठी माता सोय । रांड हो दु साठी कहै बारवार ही जोय ॥
दोऊन के दुख देखि प्रभु दोऊन की समझाय । भोजन कीनी तुष्ट हूँ दुहुँ इच्छा करि चाय ॥
अन्नन तिनहि कराव के दिवौ भट्ट मुख वास । तुलसि मंजरी लीग पुनि एला और सुवास ॥
चंदन लेखी अंग सब प्रभु माला पहिराय । होय दंडवत दैन्य मय कहै वचन भरि भाय ॥
तुम निंदा करवायवै लायी तुम की गेह । छमा करौ श्री कृष्ण प्रभु मम अपराध जु एह ॥
कहै गौर निंदा नहीं सहज क्यों तिहि आय । पापे को अपराध हुव तुमरे औ पुनि ताहि ॥

अपनी निंदा बहुत किय परि प्रभु जु के पाय । तिनकीं सांति कराव प्रभु घरकीं दिवौ पठाव ॥
भट्टाचारज आय घर साठी माता संग । करि अपनी निंदा कछु कहै वचन इहि रंग ॥
गोस्वामि चैतन्य की सुनी जु निंदा जाहि । सोधन याही पाप को होय किये बध ताहि ॥
अथवा अपने प्राण को करिये मोचन जोय । दोऊ नाही जोग्य ये ब्राह्मण तन है दोष ॥
तिहि निंदक को फेरि मुख नहीं देखि है आदि । परित्याग कीनी अर्थ नाम न लई ताहि ॥
पुनि साठी सौ कहै तिहि तजौ पतित भी सोय । पतित भये पति की जु है उचित त्याग ही जोय ॥

तथाहि—पतिञ्च पतितं व्यजेत् । इति ॥

सो अमोघ भजि के कहै रखौ तिही निसि आहि । भई जु व्याधि विसृचिका प्रात भये ही ताहि ॥
सुनिके मरण अमोघ को कहै जु भट्टाचार्य । मारयो सहज ही देव ने कियो हमारी कार्य ॥

तथाहि—

महताहि प्रयत्नेन सन्नद्यगजवाजिभिः । अस्माभि र्यदनुष्ठेयं गन्धर्वैस्तदनुष्ठितम् ॥

दशमे—

आयुः श्रियं यशो धर्मं लोकानाशिव एवच । हन्ति त्रैयांसि सर्वाणि पुंसो महदतिक्रमः ॥

गोपीनाथाचार्य गौ प्रभु दरसन हित आहि । व्योरी भट्टाचार्य की प्रभु जू पूछी ताहि ॥
गोपीनाथ कहै कियो दोऊजन उपवास । छोटे प्राण अमोघ ने भी विसृचिका तास ॥
धाये आये सुनत ही प्रभु करुणामय जोय । प्रभु जू कहै अमोघ की हिये हाथ धरि सोय ॥
अति ही निर्मल सहज ही हृदय विप्र की एह । बसिवे कौ श्री कृष्ण की यहै जोग्य है गेह ॥
मात्सर्य चांडालहि किति इहां बसायी आन । कीनी ही अपवित्र यह महापवित्र स्थान ॥
सार्वभौम के संग करि नास भये तुव पाप । करै जीव पापनि नसे कृष्ण नाम आलाप ॥
उठी अमोघ कहो जु तुम कृष्ण नाम रसखान । करि है तुमपै वेगही कृपा आप भगवान ॥
सुनत हि उठयो अमोघ तब कृष्ण नाम करि जोय । मत्त प्रेम उन्माद करि नांचन लाग्यो सोय ॥
कंप अश्रु अरु जाडय अंग पुलक स्वेद सुरभंग । हसै महाप्रभु देखिके ताके प्रेम तरंग ॥
श्री प्रभु जू के चरण धरि करै बिनती सोय । मम अपराध क्षमा करौ प्रभु करुणामय जोय ॥
यही छार मुख करि कियो तुमरी निंदन जोय । यह कहि निजहि कपोल मधि मारै निज कर सोय ॥
मारत मारत गल्ल निज दिये अमोघ फुलाय । कर गहि गोपीनाथ जू मने कियो तब आय ॥
समाधान प्रभु जू करै तब परस अंग तास । सार्वभौम संबंध तुम मम नेह निवास ॥
जे आचारज गेह में दासी दास जु स्वान । तेऊ मेरे परम श्रिय रहौ दूर जन आन ॥
नाहिन तुव अपराध कछु लेहु सदा हरिनाम । इतनौ कहि आये प्रभु सार्वभौम के धाम ॥

सार्वभौम लखि गौर कौ परे चरण मधि आय । प्रभु आलिंगन करि तिन्है बैठे आसन माँय ॥
 कहै जु गौर अमोघ सिसु कहा दोस तिहि आय । काहे कौं तुम व्रत करौ करत रोस क्यौ ताय ॥
 उठी न्हाय देखौ अवे जगन्नाथ मुख जाय । बेगि आय भोजन करौ तव मम मुख अधिकाय ॥
 तबलौं छाँ रहि हौं जु ही बैठोई इहि चाय । पावौगे प्रसाद तुम जितने लौं छाँ आय ॥
 भट्ट तबै प्रभु चरण धरि कहन लगै इहि भाय । मरौ अमोघ जु ताहि तुम काहँ लियौ जियाय ॥
 कहै गौर बालक जु तुव है अमोघ वह आहि । बालक दोस न लेय पित जातें पालक ताहि ॥
 भयो वैष्णव अब गयो तिहि अपराध विचार । अब ताके ऊपर करौ तुम प्रसाद निरधार ॥
 भट्ट कहै चलियै प्रभु ईश्वर दरसन चाय । आवत मैह वेगही तहां इहाँ छिन न्हाय ॥
 प्रभु कहि गोपीनाथ छाँ बैठे रहियौ चाय । इनौ प्रसाद लियौ यहै हमसौं कहियौ आय ॥
 इतनौ कहि प्रभु जू गये ईस दरस हित धाय । भट्ट न्हाय दरसनहि करि किय भोजन घर आय ॥
 उही अमोघ भयो महाप्रभु को भक्त एकांत । लेय नाम हरि प्रेमसौं नाचै महामु सांत ॥
 ऐसै लीला चित्र अति करै सची सुत सोय । जेई देखै सुनें जे तिन हिय अचिरज होय ॥
 ऐसै कीने भट्टगृह प्रभु भोजन जु विलास । ताही मधि नाना किये चित्र चरित्र प्रकास ॥
 सार्वभौम घर कौ यहै भोजन चरित्र बखान । भयो प्रेम आचार्य कौ जामें विदित निधान ॥
 साठी माता कौ भगति प्रभु जु प्रसाद अगाध । जहां भक्ति सनबंध करि छमा कियौ अपराध ॥
 सुनि है प्रभु लीला यहै श्रद्धा करि जन जोय । चरण कमल चैतन्य के वेगहि पैहै सोय ॥
 रूप सनातन और रघुनाथ चरण जिहि आस । चरितामृत चैतन्य कौ कहै कृष्ण कौ दास ॥
 रूप सनातन जगत हित सुवल श्याम पद आस । सो प्रभु चरितामृत लिखै ब्रजभाषाहि प्रकास ॥

इति श्री चैतन्यचरितामृते मध्यखंडे ब्रज भाषायां सार्वभौम घर भोजन नाम पंचदश परिच्छेदः ॥

षोडशपरिच्छेदः

गोडोचानं गौरमेधः सिद्धन्वालोक्तनामृतैः । भवाग्निदग्धजनतावीरुधः समजीवयत् ॥

गौरचंद जय जय सदा जय श्री नित्यानंद । जय अर्द्धत हिमांशु जय गौर भक्त के चून्द ॥
 चून्दावन के गमन हित भई चाह प्रभु जान । नृप प्रताप रुद्र जु भयो सुनिकें विमन निदान ॥
 सार्वभौम अरु राय जू इन दोऊनि चुनाय । राजा दोऊन सौं कहै वचन विनय अधिकाय ॥
 लीलाचल तजिऔर टाँ चलियै प्रभु मन चाय । तिन के राखन हेत तुम करौ जतन बहु भाय ॥
 मोहि मुहाय न तिन बिना यहै राज अधिकाय । प्रभु के राखन के लिये करौ अनेक उपाय ॥
 राय जु भट्टाचार्य श्री हैं इकठे जन दोय । करै जुगत जब ही प्रभु चलिये कौं मन होय ॥

दोऊ कहै करौ दरस रथजात्रा रस ऐन । आये कातिक मास के करियौ गमन सुखेन ॥
 कातिक आये फिरि कहै है अब ही अति सीत । दोल जात्रा देखि प्रभु जे ही मन यह रीति ॥
 विविध उपाय उठावहीं आज कान्हि कहि जोय । संमत देहन चलन की विरह भीत जन दोय ॥
 ईश्वर जदपि स्वतंत्र है नहि परवमता जाहि । तऊ भक्त इच्छा सु करि गमन करै नहि आय ॥
 वर्ष तीसरें गोड के सर्व भक्तगण जोय । लीलाचल के चलन हित सब कौ मन भी सोय ॥
 श्री अर्द्धताचार्य के गये सर्व मिलि पास । सो प्रभु प्रभु के दरस हित चले जु परम दुलाम ॥
 प्रभु की आज्ञा है जदपि रहियै गोड निकेत । अरु श्री नित्यानंद की प्रेम प्रकाशन हेत ॥
 तऊ चले श्री गौर के दरस हेत प्रभु दोय । नित्यानंद के प्रेम की चेष्टा जानें कोय ॥
 श्री आचार्य रत्न जू विद्यानिधि रस राज । श्री रामाई भक्त प्रभु प्रभु प्यारे श्री वाम ॥
 वासदेव जू भक्त बड श्री मुरारि जू सोय । अरु श्री गोविंद घोष ए तीनों माई जोय ॥
 निज भाली भरि लै चलै राघो परम प्रवीन । पट डोरी लै चलै वैं वासी ग्राम कुलीन ॥
 नरहरि वासी खण्ड के श्री रघुनन्दन सोय । गणना को करि सकै तिन चले भक्तगणजोय ॥
 समाधान घाटिन करै सिवानंद जू सैन । सबही कौ पालन करै लैके चलै सुखेन ॥
 सब के सब कारज करै देहवास घरजान । सिवानंद जानें सर्व जे उडिया जु प्रधान ॥
 प्रभु दरसन हित तिहि वरस सब ठकुराणी जात । चली संग आचार्य के और सची प्रभु मात ॥
 अनिवास पण्डित हि संग चली मालिनी आय । श्री आचार्य रत्न संग चली जु पत्नी ताहि ॥
 सब ठकुरानी गौर के भीचा देवैं काज । प्रभु प्रिय नाना द्रव्य जे लिय निज घरतें साज ॥
 समाधान सब ही करै सिवानंद रस ऐन । घटवारन सौं कहि करहि देहि वास हि सपेन ॥
 किय दरसन गोपाल कौ तिन्हौ रेखुना आय । आचारज कीनी तहां नृत्य कीरतन भाय ॥
 परचै नित्यानंद कौ सब सेवक संग जान । तिन सेवक गण आय कैं कीनी बहु सनमान ॥
 रहे तहां ही तिहि निशा सब महंत सुखमान । वारद अटका खीर के सेवक धरे जु आन ॥
 खीर वाटि सब कौं दई प्रभु श्री नित्यानंद । खीर प्रसादहि पाय कैं वदी सबनि आनंद ॥
 माधवेन्द्र जू की कथा स्थापन श्री गोपाल । जो माग्यौ तिन सौ मलय श्रीगोपाल रसाल ॥
 तिन हित गोपीनाथ नैं खीर चुराई सोय । प्रभु के मुख ते जो कथा प्रथम सुनी है जोय ॥
 सभा बीच सोई कथा कहै जु नित्यानंद । सुनि कैं श्री आचार्य कैं हिये वदी आनंद ॥
 चले चले इहि भाति ही आये कटकहि माहि । लख साखी गोपाल कौं रहें तहां दिन ताहि ॥
 कथा साखीगोपाल की कहै जु नित्यानंद । सुनि कैं भक्तनि कैं हिये वाढ़्यौ अति आनंद ॥
 उत्कण्ठा सब के हिये प्रभु के मिलवे काज । आय सब मिलवेगिही लीलाचल सुखसाज ॥
 नला अठारहि सुनि प्रभु आयें जन के साथ । द्वै माला पठई तिन्है दै गोविंद के हाथ ॥
 गोविंद विव माला जु लै पहिराई जन दोय । आचारज अवधूत जू सुख पायौ हिय सोय ॥

किय आरम्भ तिन्हो तहां कृष्ण कीरतन सोय । नाचत नाचत चलै तहां आए ते जन दोय ॥
 जे स्वरूप मुख चूथ निज दिय माला फिरि ताय । पठये आगे लैन कौ शचीसुनु जु आय ॥
 मिले सबनि सौ भाय करि ते नरेन्द्र मधि आय । माला पहिराई सबनि दई महाप्रभु भाय ॥
 प्रभु जू ने आए सुने सिंह द्वार दिग जोड़ । मिले सबनि सौ आय के आप महाप्रभु सोय ॥
 ले सब कौ जगन्नाथ कौ किय दरसन अभिराम । पुनि सब कौ लैके प्रभु आए अपने धाम ॥
 आन्यौ काशीमिश्र औ वाणीनाथ प्रसाद । निज कर सौ प्रभु सबनि कौ करवायौ आस्वाद ॥
 जो जाकौ पहिले बरस हो वसिषे को धाम । सब कौ तहां पठाय के करवायौ विसराम ॥
 इही भांति सब भक्त गण रहे जु चातुर्मास । करें कृष्ण संकीर्तन प्रभु के संग विलास ॥
 रथ जात्रा कौ समय जब आयौ प्रथमहि रीति । धोयो मंदिर गुंडिचा लै सब कौ करि प्रीति ॥
 पट डोरी जगन्नाथ की दिय आनी जु कुलीन । रथ आगे प्रभु नृत्य किय प्रथम रीति रसलीन ॥
 करि के प्रभु बहु नृत्य हू चले बहुरि उद्यान । जहाँ जाय चापी तटहि किय विश्राम सुजान ॥
 राही द्विज हक है वहै नित्यानंद कौ दास । महा भाग जुत नाम तिहि कृष्णदास सुख रास ॥
 प्रभु जू कौ अभिषेक तिन घट भरि भरिके कीय । प्रभु कौ तिहि अभिषेक करि महातृप्त मौहीय ॥
 चलगंडी के भोग कौ आयौ तहां प्रसाद । पायौ महा प्रसाद प्रभु सबके संग अति स्वाद ॥
 रथ जात्रा कौ दरस किय प्रथम रीति भरि रंग । जात्रा हेरा पंचमी देखी लै जन संग ॥
 कियौ निमंत्रन गौर कौ आचारज जू सोइ । ताही मधि जैसे कियौ पवन महा भर जोइ ॥
 वरनन किय विस्तार के तिहि वृन्दावनदास । प्रभु जू कौ न्यातो तब कीनी है श्रीवास ॥
 नाना विजन मालिनी कीनी प्रभु पिय जोय । दासी भाव है भक्ति करि बत्सल जननी सोय ॥
 रत्नाचारज आदि जन मुख्य भक्त गण ताहि । बीच बीच श्री गौर कौ करें निमंत्रण आहि ॥
 बीते चातुर्मास प्रभु लै संग नित्यानंद । कछु विचार दुरि बैठि के करें नित्य सुख कंद ॥
 आचारज प्रभु सौ कहै सेना बेनी सोय । श्री अर्द्धत प्रहेलिका पढ़े न बूझे कोय ॥
 तिनके मुख कौ लखि हंस शची सुनु रस खान । आचारज नृत्तहि करें अंगी कृत किय जान ॥
 कहा विनति आज्ञा कहा समझी काहु न जोइ । आलिंगन करिके प्रभु विदा दई तिहि सोइ ॥
 कहै जु प्रभु नित्यानंद हि अहो सुनो श्री पाद । ही मांगत हों यहै तुम करी बड़ा परसाद ॥
 लोलाचलकौ प्रति बरस ऐही नहि तुम जोइ । करि ही इच्छा मम सफल गौड़हिरदिके सोइ ॥
 और न ऐसी देखिये करे सिद्धि तिहि जोइ । हम सो होय न काम जो सो तुम ही तें होइ ॥
 नित्यानंद कहे जु प्रभु ही हम देह तुम प्राण । देह प्राण न्यारै रहे यह नाही जु प्रमाण ॥
 करी अचिंतहि शक्ति करि तुम ही घटना ताहि । जो कराय ही करैगे सोई निज मन आहि ॥
 तिन कौ विदा दई प्रभु करि आलिंगन ताय । सब जन गण कौ दिय विदा इही भांति प्रभु आय ॥
 कुलिया शक्तिन प्रथम ज्यों किय निवेदन सोय । आज्ञा करी प्रभु हमें करिये साधन कोय ॥

कहै जु प्रभु वैष्णवन कौ सेवन कीर्तन नाम । वेगहि पैही यह किये कृष्ण चरन अभिराम ॥
 ते पूछे तिहि साधु कौ लच्छन कहा प्रमान । तब हंसिके प्रभु जू कहै तिनके मन की जान ॥
 कृष्ण नाम नित ही बसे जाके मुख में आहि । वहै वैष्णव मुख्य है मजो चरन तुम ताहि ॥
 बहुरि तिन्हो अगिले बरस प्रश्न करी यो ताहि । तार तम्प वैष्णवनि कौ सिखयो प्रभु जू ताहि ॥
 कृष्ण नाम आवै मुखहि जिहि देखतहि प्रमान । ताही कौ जानौ जू तुम है वैष्णव जु प्रधान ॥
 क्रम करि प्रभु जू ने कहे वैष्णव लच्छन जोइ । वैष्णव वैष्णवतर जु पुनि वैष्णवतम है सोइ ॥
 इही भांति वैष्णव सब चलै गौड़ को आहि । विद्यानिधि लीलाचलहि रहे बरस मधि ताहि ॥
 है तिनके जु स्वरूप संग सख्य प्रीति अभिराम । दोऊ जन हरि कथा रस करें एक ही ठाम ॥
 तिन्हो गदाधर पंडितहि मंत्र दिर्यो पुनि जोइ । ओढ़न पंठी के दिवस देखी जात्रा सोइ ॥
 जगन्नाथ कोरे बसन पहिरे जात्रा ताहि । घृणा भई तिहि देखके विद्याधर मन आहि ॥
 ताही निस मधि आय के जगन्नाथ बलराम । तिनहि थपेर्यो भ्रात विवहंसिहंसि के अभिराम ॥
 फूले जुगत कपोल तिहि हिय में भयौ हुलास । वर्णन कीय विस्तार करि यह वृन्दावन दास ॥
 आवै जन गन गौड़ते बरस बरस यहि भाय । प्रभु के संग रहै करै जात्रा दरसन चाय ॥
 ताही मधि जिहि जिहि बरस है विशेष कछु जोइ । तिहि विचारि विस्तार करि करिहें आगे सोय ॥
 चारि बरस प्रभु के गए इही प्रकारहि जोइ । दक्षिन जात्रा मधि लगे दोष बरस तिहि सोइ ॥
 चाहे वृन्दावन चलौ औरै वर्ष जु दोष । हठ करि रामानंद के चलि न सके प्रभु सोय ॥
 तब प्रभु रामानंद औ सार्वभौम के पास । आलिंगन करिके करें मधुर वचन सुखरास ॥
 मेरे उत्कंठा अधिक विपिन गमन हित आइ । तुमरे हठ करि द्वै बरस कियौ गमन नहिं ताइ ॥
 अब समंति दोऊ करौ हों चलिहों निरधार । तुम दोऊ बिन और नहिं गति मेरे सुविचार ॥
 गौड़ देश के बीच है मेरे आश्रम दोष । एई दोऊ दयामय जननि जान्हवी सोय ॥
 जितने गौड़ जू देश है देखि सबनिकौ जाहि । दोऊ आज्ञा देहु तुम है प्रसन्न मन माहि ॥
 दोऊ प्रभु के वचन सुनि मन में करें विचार । प्रभु संग अति हठ भली कभू नहिं निरधार ॥
 अब बरसा नहिं चलि सकौ दोऊ कहै विचार । आए दशमी विजया के तब चलिहौ निरधार ॥
 आनंदित है गौर प्रभु समाधान किय जान । कीनी दशमी विजय दिन श्री प्रभु तब पथान ॥
 प्रभु प्रसाद जगन्नाथ कौ पायौ जेतिक जोइ । डोरी मलय करार सब लियौ संग निज सोय ॥
 आज्ञा लै जगन्नाथ की चले प्रभात सुचाय । पाछे उड़िया भक्त गण सब आए चलि चाय ॥
 आए निज गण संग प्रभु पुरहि भवानी आय । रामानंद डोला चढ़ि आए पाछे ताहि ॥
 दीनो वानीनाथ ने बहुत प्रसाद पठाय । सो प्रसाद भोजन जु करि रहे तहां सुख पाइ ॥
 प्रात भए भुवनेश्वरहि चलिके आए चाय । दरसन श्री गोपाल कौ कीन्हो कटकहि आय ॥
 स्वपनेश्वर द्विज ने कियौ प्रभु कौ न्यातो चाय । न्याते प्रभु जन गण सब श्री रामानंद राय ॥

प्रभु बाहिर उद्यान मधि वासा कीनी आय । भये कोलाहल जननि की कीनी वारण राय ॥
 भिष्ठा करिके वकुलतर किय विश्राम सुजान । नृप प्रताप रुद्रहि निकट कीन्ही राय पयान ॥
 सुनि आनन्दित नृप भयो आयी वेगहि सोइ । प्रभु को लखि के दंडवत परी भूमि मधि जोय ॥
 पुनि पुनि उठै गिरैजु पुनि प्रणय चिकल अति आहि । पुलक अंग अंसुवा परै करै बहुत नुति ताहि ॥
 प्रभु को मन संतुष्ट भो देखि भक्ति तिहि आहि । उठिके श्री प्रभु ने कियो आलिंगन तब ताहि ॥
 फेर स्तुति राजा करे करै प्रणामहि आहि । गौर कृपा अंसुवान करि किय स्नान वषु आहि ॥
 बैठापी नृप सुस्थ करि श्री रामानंद आहि । ऐसैं मन वच कर्म करि करी कृपा पुनि ताहि ॥
 ऐसे तिहि ऊपर करी कृपा गौर सुख धाम । रक्क रुद्रप्रताप के भौ याही तें नाम ॥
 राज लोक गण ने कियो प्रभु को वंदन जोय । राजा को दीनी विदा शचीशुनु जू सोइ ॥
 राजा बाहिर आइके आज्ञा पत्र लिखाय । जिते राजसी राज मधि दीनी तिन्है पठाय ॥
 ग्राम ग्राम मधि करौगे नये निवासु जु ठाम । भरि हौ सामग्रीन सों पांच सात नव धाम ॥
 प्रभु की तहां उतारि हौ आपुन आय लिवाय । धरै नेत्र करि रैन दिन करिहौ सेवा भाय ॥
 मंगराज हरिचंदन जु महापात्र ए दोय । तिन को नृप आज्ञा दर्ई करो काज सब जोइ ॥
 इक नवीन नौका नदी तीर राखिहौ आनि । नदी पार जैहें जहां करिहैं प्रभु जू स्नान ॥
 तहां थंव रोपन करौ महातीर्थ धरि नाम । करिहौ नित्य स्नान तिहि जो मरिये तिहि ठाम ॥
 चतुर्द्वार मधि तुम करौ उतरण हित नव वास । जावो रामानंद तुम श्री प्रभु जू के पास ॥
 सन्ध्या करि प्रभु हैं चले सुनिके नृप इहि भाय । गज ऊपर पट ग्रहन मधि नारी गणहि चढाय ॥
 प्रभु के चलिवे मार्ग मधि ठाढ़े पंगति बान । निज गण लै सन्ध्या समय चले गौर रस खान ॥
 आय नदी चिचोत्पला न्हाए घाटहि ताहि । देखत हीं जु प्रणाम किय सब महिषीगण आय ॥
 प्रभु के दरसन करि सर्व भए प्रेम के ऐन । कृष्ण कृष्ण सबहीं कहें आंगु वरसैं नैन ॥
 ऐसैं परम कृपालु श्री सुने न त्रिभुवन में जु । कृष्ण प्रेमा होय जिन दरसे दूरहि ते जु ॥
 भये नदी के पार प्रभु चढ़िके नौका आहि । चतुर्द्वार आए जु चलि रैन चांदनी तांहि ॥
 तहां रैन रहि प्रात ही नित्य कृत्य करि जोय । पाया महा प्रसाद प्रभु तिहीं समै ही सोइ ॥
 अधिकारी दिन दिन हि प्रति नृपकी आज्ञा पाय । देहि बहुत जन हाथ करि अधिक प्रसाद पठाय ॥
 प्रभु प्रसाद निज गण सहित करिके अंगीकार । चलै महाप्रभु उठि तब हरि हरि बोलि पुकार ॥
 मंगराज श्री राय जू श्री हरिचंदन सोइ । चले जु एइ तीन जन संग सेवा हित जोइ ॥
 पुरी मुसाई गौर संग श्री स्वरूप सुख कंद । जगदानंद मुकुंद श्री काशीश्वर गोविंद ॥
 ठाकुर श्री हरिदास पुनि वक्रेश्वर निधि आर्य । अरु पंडित दामोदर जु गोपीनाथाचार्य ॥
 रामाई नंदाई पुनि बहुत भूषण गण आहि । सब गणना को करि सकै कहै मुख्य गण ताहि ॥
 श्री पुन पंडित गदाधर चले संग जब आहि । तजी चेत्र संन्यास जिनि मनै कियो प्रभु ताहि ॥

पंडित कहै जहां तुम लीलाचल है सोय । जाहु चेत्र संन्यास मम अबै रसातल जोय ॥
 कहै महाप्रभु खां करौ सेवन गोपीनाथ । ते बोले कीटिक हमे सेवा तुम पद साय ॥
 कहै गौर सेवा तजी हमें लागि है दोस । खां ही रहि सेवा करौ हमें यहै सन्तोष ॥
 पंडित कहै जु दोष सब मेरे सिर पै सोइ । तुमरे संग जैहीं नही जैहीं इकली सोय ॥
 मात दरस हित जात है नहि तुमरे हित आहि । सेव प्रतिज्ञा त्यागने दोष पात्र ही ताहि ॥
 इहि कहि आगेई चले पंडित जू करि चाय । आय कटक मधि प्रभु तिन्हें लीन्ही संग बुलाय ॥
 पंडित की जो गौर मधि प्रेम न समझी जाय । निजहि प्रतिज्ञा सेव हरित्याग दर्ई तन प्राय ॥
 प्रभुकी तिनके चरित मधि हियमें अति संतोष । बोली तिनकी हाथ गहि करि कछु प्रणय सुरोष ॥
 सेव प्रतिज्ञा छाडिबो यहै जु तुव उदेस । भयो सिद्ध सो छाडिके अए दूरहि देश ॥
 चाही मेरे संग रहौ निज सुख चाहत सोइ । यहै हमारे दुख हिये जाय धर्म तुव दोइ ॥
 जो चाही मेरे सुख चली नीलगिरि ताहि । जो फिरि बौली और कछु शपथ हमारी आहि ॥
 इतनी कहि कै गौर प्रभु चढ़े नाव मधि जोइ । परे तंहाई मुरझित हैं पंडित जू सोय ॥
 सार्वभौम की दिय विदा पंडित के संग हेत । भट्टाचारज कहैं उठौ यों प्रभु लीला चेत ॥
 कृष्ण प्रतिज्ञा निज तजी तुम जानत हीं सोइ । भक्त कृपा भीषम करी धरी प्रतिज्ञा जोइ ॥
 तथाहि श्री भागवते —

स्वनिगममपहाय मत्प्रतिज्ञामृतमधिकर्तुं भवन्पुनो रथस्थः ।

भूतरथचरणोऽभ्ययाच्चलद्गुर्दरिद्रिह हन्तुमिहं गतोऽनरीयः ॥

ऐसैं हीं तुव विरह दुख सबी महा प्रभु जान । तब सु प्रतिज्ञा की करी रत्ना जतन हि बान ॥
 यों कहि तिन्हें प्रबोधी सार्वभौम बड़ धीर । दोऊ जन लीलाचल हि आये शोक अधीर ॥
 धर्म कर्म प्रभु के लिये तजै भक्त गण भाय । धर्म हानि जो भक्त के प्रभु पै सही न जाय ॥
 यहै प्रकार जो प्रेम की जोई सुने जु याहि । चरन कमल चैतन्य की वेगहि मिलि है ताहि ॥
 राजपात्र दोऊ चले भावत जे प्रभु संग । रामानंद संग रैन दिन कृष्ण कथा भरि रंग ॥
 विदा देहि प्रभु राय की तजे न ते प्रभु संग । रामानंद संग रैन दिन कृष्ण कथा भरि रंग ॥
 नृप आज्ञा करि भृत्यगण ग्राम ग्राम प्रति आहि । नव घर नाना द्रव्य करि करैं जु सेवन ताहि ॥
 आये चलिके रेमुना ऐसैं प्रभु सुख हीय । श्री रामानंद राय की विदा तहां तें दीय ॥
 परे भूमि मधि राय जू नहि चेतना ताहि । प्रभु भरि अंक हि राय की कंदन करै जु आहि ॥
 कथा राय के विदा की कही जाइ नहि जोइ । ताकी वरुण जो कछू कहि न सकै जन कोइ ॥
 आइ देव की साँव तब आये चलि प्रभु जोय । अधिकारी नृप के तहां मिले जु प्रभु सों सोय ॥
 तिन्ही दिना द्वै चारि प्रभु सेवा करी अपार । आगे चलिवे कीं तिन्ही विवरण कही विचार ॥
 एक जवन मदिय महा आगे तिहि अधिकार । तिहि भय कोऊ न पंथ हि जाय सकै निरधार ॥

है ताकी पिछलदा लीं सब ठाई अधिकार । तिहि भय कोऊ नदी के होय सकै नहि पार ॥
 रही दिनन कछु करहिगे संध्य तिहीं दिग जाइ । तब करिवे हैं गमन तुम सुख सौं नौका न्याय ॥
 तिहीं समें तिहि जवन को सेवक इक चर जोइ । आयौ उडिया कटक मधि करि बेसांतर सोइ ॥
 प्रभु की अद्भुत चरित सो देखि वहे फिरि जाइ । हिंदू चर सोई कहै तिहीं जवन दिग आइ ॥
 आयौ है जगन्नाथ तें इक संन्यासी आहि । सिद्ध सु पुरुष अनेक ही लोक साथ हैं ताहि ॥
 सबै कृष्ण संकीरतन करें निरंतर जोइ । सब ही गावै नाचै रोवै हसैं जु सोइ ॥
 लख लख जन आवही देखन के हित ताहि । ताही देखि फिरि कै नही जाय सकैं घर आहि ॥
 है मे तेई लोक सब संग बावरे प्राय । नाचै रोवै कृष्ण कहि लोटें घर मुरझाय ॥
 कहिवे की नही कथा सो लखैं जानिही आहि । ईश्वर करि कै मान हौं तिहि प्रताप करि ताहि ॥
 इतनी कहि कै चर वहे हरे कृष्ण ही गाय । नाचै रोवै हसैं पुनि भयो बावरे प्राय ॥
 बंदे प्रभु के पद कमल तिहि अधिकारी आइ । कृष्ण कृष्ण कहि प्रेम करि भौ बिहवल अधिकाय ॥
 कहि उडिया सौ धीर धरि नमस्कार करि ताहि । पठ्यौ तुमरे निकट हौं जवन अधिपने आहि ॥
 जो तुम आज्ञा देहु तो इहां आयकैं सोइ । प्रभु को दरसन देखिके जैहैं नृप जब सोइ ॥
 कीनी है विनती अधिक अति उत्कंठा ताहि । यहै संध्य तुम संग हू अनही जुष्य भय आहि ॥
 महापात्र मुनि कै कहै हिय अति विस्मित होय । ऐसी मदयप जवन को हियौ करै सो कोय ॥
 महाप्रभु हि प्रताप नें हियौ फिरायौ ताहि । जिनके दरसन श्रवण करि जगत तरौ सब आहि ॥
 वचन कहे नृप दूत सौं औ विचार हिय आहि । प्रभु के दरसन आय के करौ भाग्य है ताहि ॥
 हां आवौ विन अस्त्र हूँ जो चह करै प्रतीति । पांच सात ही भृत्य संग लै ऐहें इहि रीति ॥
 कबौ तबै तासीं सकल तिहीं अधिकारी जाय । आयौ तब ही सो जवन हिन्दु वेप बनाय ॥
 देखि दूर हीते प्रभुहि परी भूमि मधि धाय । करै दण्डवत श्रुजुत हूँ पुलकित अधिकाय ॥
 महापात्र लायौ तबै ताकी करि सनमान । प्रभु आगें कर जोरि कै लेय कृष्ण अभिधान ॥
 अधम जवन की जाति मैं जन्म भयो क्यों दीन । काहे हिंदू जात मधि विधि मुहि जन्मन कीन ॥
 हिंदू भये जु पाइये तुम पद की दिग जान । वृथा देह मेरी यहै छूटि जाहु अब प्राण ॥
 महापात्र मुनि कै इतौ प्रेमावेशित होय । प्रभु जू की अति स्तुति करै गहि कै चरणनि सोय ॥
 होय मुद चांडाल हू नाम श्रवन करि जाहि । ऐसे तुम तिनकी जु इन पायौ दरसन आहि ॥
 याकी जो यह गति भई यामें अचरज कोइ । ऐसी ही सुप्रभाव तुव है दरसन की जोइ ॥

कथादि श्रीभागवते—यज्ञामधेयश्रवणानुकीर्तनाद्यप्रहाराद्यन् स्मरणादपि कश्चित् ।

स्वाशौर्जपि सद्यः सवनाथ कल्पते कुतः पुनस्ते भगवन्तु दर्शनान् ॥

कृपा दृष्टि करिके प्रभु समाधान करि ताहि । कहै तबै श्रीकृष्ण हरि कही निरंतर आहि ॥

बोली यह जो मोहि तुम कीनी अंगीकार । देहु आज्ञा यह तु इक करौ जु मैं निरवार ॥
 गो विज साधुन की करी है हिंसा अपराध । तिहीं पाप तें होहु मम जैसे प्रभु निरवार ॥
 तब मुकुंद दत्त जु कहै सुनौ महाशय जोइ । गंगा के तट जायवे है प्रभु की मन सोइ ॥
 तहां जायवे हेत तुम करौ सहाय प्रकार । यहै आज्ञा बड़ी तुव यहै बड़ी उपकार ॥
 तबै महाप्रभु के चरण बंदन करिके सोइ । पुनि सब की करि बंदना चण्यो हरित होइ ॥
 महापात्र तासीं करी भेटाभेटी आहि । सामग्री दै कै बहुत करी मियता ताहि ॥
 प्रात समें तिनही तबै नौका बहुत सजाय । आन्यो प्रभुकी आपनैं अधिकारी द्वि पठाव ॥
 महापात्र आयौ सुचलि श्री प्रभु जू के संग । प्रभु को पद बंदन किये आय म्लेच्छ भरि रंग ॥
 नौका एक नवीन जो ताकें मधि घर ताहि । ताके ऊपर गौर कीं सगण चढ़ायौ आहि ॥
 महापात्र कीं गौर प्रभु बिदा करी यों जोइ । रोवत रोवत तीर मधि देख रहि गयो सोइ ॥
 चोरन के भय नीर मधि चण्यो जवन हैं सोइ । लई संग सेना बहुत दस नौका भरि जोइ ॥
 मन्त्रेश्वर इक दुष्ट नद करि राखे तिहि पार । जवन पिछलदा ग्राम लीं आयौ सो निरवार ॥
 प्रभु जु ताही ग्राम तें बिदा दई तिहि आहि । कह न सकैं तिहि समै की प्रेम सु चेष्टा ताहि ॥
 करैं अलौकिक ही सब लीला प्रभु चैतन्य । जोई याहि सुनै जु तिहि जन्म देह अति धन्य ॥
 आये पानीघाट प्रभु चढ़ि कै नौका ताहि । नावक कीं निज सवन दिय करिके कृपा सु आहि ॥
 प्रभु आये कहि लोक मधि भौ कोलाहल जोय । भरे मनुष्यन करि सर्व जल अरु थल है सोय ॥
 रावव पंडित आय लै गये प्रभु हि लिवाय । लोक भीर करि पथ चलत आये जिहि तिहि भाय ॥
 एक दिना ही मात्र प्रभु कीनी तहां निवास । प्रभु कुमारहाटहि गये प्रात जहां श्रीवास ॥
 शिवानंद के घर गये आगें तैसैं जोय । वासुदेव के घर प्रभु पीछें आये सोय ॥
 वाचस्पति के गेह प्रभु रहे प्रकार जु जाहि । जैसे लोकनि भीर भय आये कुलिया आहि ॥
 तहां जु माधवदास गृह रहे सचीसुत आहि । लख कोटि लोकनि तहां आये दरसन ताहि ॥
 सात दिना रहि प्रभु तहां किये लोक नितार । सब अपराधी जननि कीं तारयो जिहीं प्रकार ॥
 आचारज के गेह जो गये सांतिपुर आहि । शची मात सौं मिलि तहां दुःख दूर किय ताहि ॥
 रामकेलि ग्रामहि प्रभु गये तबै ज्यों सोइ । रूप समातन कीं तहां मिलै जु जैसे सोइ ॥
 छत्र हि मधि ताकी अधिक कीनी बर्नन आहि । केरि नाटसाला हि तें जैसे ऐवौ ताहि ॥
 केरि सांतिपुर बीच प्रभु कीनी दस दिन वास । बरन्यो है विस्तार करि इह वृंदावन दास ॥
 गाही तें ताकीं इहां नहि कीनी विस्तार । होय दोष पुनरुक्त हूँ चाई ग्रंथ अपार ॥
 ताही मधि तैसैं मिलै रूप सनातन दोष । करी नृसिंहानंद ज्यों पथ की रचना सोय ॥

सूत्र मध्य लीला वहै में हूं बरणी आहि । याही तैं फिरि कैं इहां कियो लिखन नहि ताहि ॥

क०—हिररायदास आरज अनुज गोवर्धन है दोऊ भाई धनी अति बडौ अधिकार है ।
सप्त ग्राम दोष दस लाख भुद्रा के अधीस दाता दिज भक्त मुख्य धर्म सदाचार है ।
नदिया निवासी भूमि देव तिन्हौ पोषे सदा भूमि धन अन्न दे कैं करें उपगार है ।
नीलांबर चक्रवर्ति है आराध्य दुहुनि कैं चक्रवर्ती तिन्हौ करें भात व्यवहार है ॥

दोहा

मिथ पुरंदर कौ कियो पहिलें सेवन जोय । याही ते प्रभु दुहुनि कौ नीकें जानै सोइ ॥

कवित्त

तिन ही गोवर्धन के पुत्र रघुनाथदास बाल काल हीतें सो तो विषय उदास है ॥
करि कैं सन्यास जब सांतिपुर आये प्रभु तिन्हौ तब मिले आय रघुनाथ दास है ।
प्रभु के चरण भिरे प्रेमाविष्ट हैं कैं इन्है निज पद छाया प्रभु करुणा की रास है ।
तातहि हिरण्य सदा कराय सेवा आचार्यकी याहीतें आचार्य भये हरपित तास है ॥

पायो तिनकी कृपा करि प्रभु अवसेस जु सोइ । पांच सात दिना लौं तहां देखे प्रभु पद जोइ ॥
प्रभु तिनकौं दैकें विदा गये नीलगिरि चाय । भये प्रेम करि भक्त अति तेऊ निज घर आय ॥
लीलाचल के गमन हित पुनि पुनि भाजै सोय । राखे पथतें आनि कैं बांधि पिता तिहिं जोइ ॥
रखवारे जन पांच निशि दिन राखे दिग ताहि । द्रै दिज सेवक चार औ रहैं संग तिहिं आहि ॥
सदा सरबदा राखई एकादस जन ताहि । जान न पावै नीलगिरि लहै न अंतर ताहि ॥
अब जब आये सांतिपुर महाप्रभु भर भाय । सुनि रघुनाथ पिता निकट करौ निवेदन आय ॥
देह जु आज्ञा जाय कैं देखौ प्रभु पद चाय । नाही तो रहि है नहीं मम जीवन इहि काय ॥
सुनि के तिनके तातनें बहु धन जन दै ताहि । विदा कियो कहि कैं तिन्है बेगि आय ही आहि ॥
सात दिना लौं सांतिपुर रहे महाप्रभु साथ । रैन दिना रघुनाथ जू कहैं यहै मन गाथ ॥
रखवारनि के हाथ ते ही छुटि हौं किहि भाय । जैहौं कैं लीलगिरि प्रभु जू के संग चाय ॥
तिन के मन की जानि प्रभु सर्वहि ज्ञाता आहि । सिच्यारूप कहे वचन समाधान करि ताहि ॥
बारे तो तुम होहु जिनि जाहु गेह थिरि होय । कुल लहै भव जलधिकी क्रम क्रमही जन जोय ॥

कवित्त

मर्कट बैराग्य छाडी लोकनि दिखायवे की जथा जोग्य विषे भोग करौ बिन प्रीतिसी ।
अंतर बैराग्य धरी बास व्यवहार करौ बेगि हौं करेंगे कृष्ण अंगीकार रीति सी ।
बुंदावन हूँ कैं जब लीलाचल ऐहं हम पास तुम ऐही तब काहु छल नीति सी ।
ताही समै कृष्ण तुम्है सो छल पुरेहैं आप प्रभु बिना कौन राखै काल व्याल भीत सी ॥

कृष्ण कृपा करे तब तिन्हौ कौन राखि सके ऐमें कहि महाप्रभु इन्हौ विदा कियो है ।
आये निज गेह प्रभु कही सोई रीति गही मर्कट बैराग्य छाडि गेह काज लियो है ।
तत पर भये व्यवहार बीच जान्यो जब देखि पिता माता भये हरपित हियो है ।
छाडि रखवारी दई लई इन्हौ रीति नई भये प्राय विपई ने यी दिखाय दियो है ॥

हौं महाप्रभु इक ठां जु करि सब जन गन है सोइ । नित्यानंद अद्वैत मुख जिते भक्तगन जोय ॥
करि आलिंगन सवन सौं कहैं महाप्रभु सोइ । देहु जु आज्ञा सब हमें जाहि नीलगिरि जोइ ॥
भयो इहाई सवनि सौं मिलन हमारौ जोय । लीलाचल अब कैं वरप की जो गमन न कोय ॥
हौं जु तहां तैं जाहु गौं बुंदावन निरधार । देहु जु आज्ञा सब तब ऐहीं विघ्न निवार ॥
शचीमातके चरण धरि बहुत बिनय किय आहि । बुंदावनके गमन हित प्रभु आज्ञा लियताहि ॥
प्रभु जू तब नवद्वीप कौं दीनौ तिन्हौ पठाप । लै करि भक्तनि संग के चले नीलगिरि चाय ॥
पथ महि तेई लोक सब करैं जु सेवन ताहि । सुख सौं आये नीलगिरि शचीपुनु जु आहि ॥
किय दरसन जगनाथ कौ तहां महाप्रभु आय । प्रभु आये सुनि ग्राम भौ कोलाहल अधिकाय ॥
मिले आयके भक्तगण हिये न हरप समाय । आलिंगन सबकौं कियो श्री प्रभु जू भरि भाय ॥
आये काशी मिथ जू पुनि श्री रामानन्द । परम भक्त प्रद्युम्न जू सार्वभौम रस कन्द ॥
वाणीनाथ प्रवीण अति प्रभु के प्यारे जोय । सिखी माहती आदि दै जिते भक्तगण सोय ॥
मिले गदाधर पण्डित जु श्री प्रभु जू सौं आय । तिन सब के आगे प्रभु कहन लगे इहि भाय ॥
हौं बुंदावन जाउंगौ गौडदेस दिस होय । निजमाता अरु सुरधुनी तिनके पद लखि जोय ॥
गमन कियो हौं गौड कौं मन में करि इहि भाय । संग भये निज भक्तगण सहस एक अधिकाय ॥
लछ लछ जन आवैं कौतिग देखन चाय । लोगन की अति भीर करि पथ मधि चली न जाय ॥
जहां रहै चहुंधा तहीं भीत चूर हूँ जाय । जितही नेन परै तितै लखियै जन समुदाय ॥
कष्ट कल्पना करि गये रामकेलि हम ग्राम । आये हमरे निकट तब रूप सनातन नाम ॥
कृष्णकृपा के पात्र विव भाई भक्तनि भूप । राजपात्र व्यवहार मधि मंत्री बडे अनूप ॥
विद्या भक्ति सुबुद्धि के बलकरि परम प्रवीन । तई आप की मानई तृण हूँ अति दीन ॥
होय विदीन पखान हूँ दैन्य देखि सुनि ताहि । हौं अतिही सन्तुष्ट हूँ कही तिनैं तब आहि ॥
उत्तम हूँकैं आप कौं माने करिकैं हीन । बेगहि अब उद्धार तुम करिहैं कृष्ण प्रवीन ॥
इतनी कहिकैं हौं तिनौं विदा दई जब जोइ । गमन समै सुप्रहेलिका पदी सनातन जोइ ॥
हूँगे जिनके संग ही लछ कोटि ए लोइ । नहीं बुंदावन गमन की इहि परिपाटी जोइ ॥
हौं न बिचारवौ ताहि तब श्रवण मात्र किय आहि । कान्हाई नटसाल इक ग्राम प्राप्त गौ ताहि ॥
मन में कियो विचार हम रैन समै इहि भाय । हम सौं कडा पहेलिका कही सनातन आय ॥

लखकोटि जन भीर पद है जिनके संग मांदि । वृंदावन के गमन की यह परिपाटी नाहि ॥
 भली बात है सो कही इतें लोक मंद संग । कहि है मोयों लोक लखि यह किये इक दंग ॥
 निर्जन वृंदाविपिन है दुर्लभ दुर्गम सोय । इकलेई जैयें तहाँ के इक जन सँग जोय ॥
 माधवेन्द्र जू एक ले गये तहाँ सुविचार । चले तहाँ हम कुहक कौ इन्द्र जाल विस्तार ॥
 थिक थिक हमकी कहिय है प्रभु जु भये अधीर । हँ निवर्त्त हम फेरि के आये गंगा तीर ॥
 आपो जनगण राखि के तिन तिनके निज वास । आये जन सब पांच छय हमरें सँग सुखरास ॥
 अब कैसे निरविपिन हम वृंदावन की जाहि । देहु जुक्ति मिलके सवै हँ प्रसन्न मन मांदि ॥
 ही तजि गयी गदाधरहि इने लहो दुख जोइ । तिहीं हेत करि विपिन की जाय सकौ नहि सोइ ॥
 तब गदाधर पाण्डित जु प्रेमावेसित होय । श्री प्रभु पद धरि के कहै करै विनती सोय ॥
 यह श्री वृंदाविपिन है रही जहाँ तुम चाह । गंगा जमुना सब तहाँ तहाँ तीर्थ समुदाइ ॥
 जायी वृंदावन तऊ जन सिच्छा हित सोइ । जो है तुम्हरे हीय में करि हो प्रभु जू सोइ ॥
 यह आगे आयो प्रभु वर्षा चातुर्मास । इनहि चारी मास मधि करी लीलगिरि वास ॥
 पाछे आचरि हो उहै है तुम्हरे मन जोइ । चलो रही इच्छा हि निज करे निवारण कोइ ॥
 मुनि सब भक्त कहै तब प्रभु पद मधि करि नेह । पण्डित किय जू निवेदन सबके इच्छा एह ॥
 सबकी इच्छा करि प्रभु रहे मदीना चारि । मुनि प्रतापरुद्रहि दिये भयो मुहरप अपार ॥
 कियो गदाधर तिहि दिवस प्रभु की न्याती चाय । करी तहाँ भिचा प्रभु ले सब जन समुदाय ॥
 पण्डित के भिचा हि मधि नेह स्वाद प्रभु नाहि । दोऊ मानुष शक्ति करि वरणे जाइ न आहि ॥
 इहो भांति चैतन्य की लीला अनंत अपार । कही इन्हें संक्षेप करि कहि न जाय विस्तार ॥
 सहस बदन हं करि कहै जोषे आप अनंत । इक लीला हूँ की तऊ पावै नहि अंत ॥
 रूप सनातन और रघुनाथ चरण जिहि आस । चरितामृत चैतन्य की कहै कृष्ण की दास ॥
 रूप सनातन जगत हित सुवल स्याम पद आस । तो प्रभु चरितामृत लिखै वृत्त भाषाहि प्रकास ॥

इति श्री चैतन्यचरितामृत मध्यखण्डे - प्रजनापायां पुन गोष्ठ समानागमनं नाम षोडश परिच्छेदः ॥

सप्तदश परिच्छेदः

गच्छन्वृंदावनं गोरो वृषाक्षेभैरासमानं वने ।

प्रेमोन्मत्तान् सहोन्नतान् विदधे कृष्ण जल्पितः ॥ १ ॥

गौरचंद्र जय जय सदा जय श्री नित्यानंद । जय अर्चन हिमांशु जय गौरभक्त के वृंद ॥
 सरद सवे आर्य भई चलिये प्रभु मति जोय । रामानंद स्वरूप संग करें जुगति दूर सोय ॥

जो मेरी जु सहाय अब करी जु तुम जन दोष । तब हम देखे जायके श्री वृंदावन सोय ॥
 हम ती उठिके रैन मधि चलि है वन पथ धाय । इकले चलिहैं लेहिगे काह को न सहाय ॥
 जे कोऊ हम संग हित पाछे चले जु धाय । तिन सबकी तुम राखि हो जो कोऊ नहि जाय ॥
 आज्ञा देहु प्रसन्न हँ मानेंगे दुख नाहि । तुम सब के सुख से जु सुख हँ है सुख पय मांदि ॥
 तब ते दोऊ जन कहै तुम ईश्वर जु स्वतंत्र । जो इच्छा करि हो जु सो हो नाहिन परतंत्र ॥
 ऐसे सुनो दुहैन की एक निवेदन सोइ । हमरें सुख तुम सुख जु करि आप कहै सो सोइ ॥
 तब हिय में हम दुहैन के होय महासुख आहि । करे वीनती एक जो धरी सहाय हि ताहि ॥
 संग चाहिये सर्वथा इक उत्तम द्विज सोय । भिचा करि भिचा हि दे पाव ले चले जोइ ॥
 नाहीं वन पथ जात द्विज भोज्य अन्न दै ताहि । आज्ञा करी चलेसु द्विज संग एक जन आहि ॥
 कहै जु प्रभु लहै नही निज संगी जन कोय । इक जन लिए सु और कौ दुख हँ है हिय सोय ॥
 संगी ती तन ही भली स्निग्ध होय मन जाहि । जो ऐसी पैंये तब लहै इक जन ताहि ॥
 कहै स्वरूप यह जु बलभद्र जु भट्टाचार्य । तुम में है मुस्निग्ध अति पंडित साधु सु आर्य ॥
 प्रथमहि आयौ गौड ते यह जु तिहारें संग । सब ही तीरथ करन हित पाके हिय में रंग ॥
 हँ गो याकौ संग मधि एक विप्र एक भृत्य । सोऊ पथ में रहि गयी सेवा भिचा कृत्य ॥
 इनको जो सँग लेहुगे ती सब के सुख होय । तुम कौ वन पथ जात में दुख नहि हँ है कोय ॥
 यह द्विज लै चलि है वसन अरु जल भाजन जोइ । भट्टाचारज देहिगे भिचा करिके सोय ॥
 प्रभु जू तिनके वचन की कीनी अंगीकार । भट्टाचारज की जु सँग करि लीनी निरधार ॥
 प्रथम निशा जगनाथ की रहे जु आज्ञा पाय । रैन शेष उठि के प्रभु दुरिके चले जु धाय ॥
 भए प्रात सब भक्तगण प्रभु नहि देखे जोइ । प्रभु को दूरी चहे सब हिय अति व्याकुल होय ॥
 किए निवारन सबन की तब स्वरूप जू सोइ । प्रभु के मन की जान सब रहे बैठि सब गोइ ॥
 प्रभु तजि के जु प्रसिद्ध पथ चले जु ऊवर होय । करिके कटक हि दाहिने वन में पैठे सोय ॥
 निर्जन वन में चले प्रभु लेत कृष्ण की नाम । हाथी केहरि पथ तजे लखिके प्रभु अभिराम ॥
 पास पास केहरि द्विरद गेंडा सुकर जोइ । तिनके मधि आवेस में करें गमन प्रभु सोइ ॥
 लखिके भट्टाचार के होय महाभय सोय । तिनकी प्रभुहि प्रताप करि एकहि पंगति होय ॥
 कीनी है पथ में शयन इक दिन केहरि आइ । लाग्यो है आवेस मधि प्रभु जू की पद ताइ ॥
 कृष्ण कृष्ण कह प्रभु कहै उठी जु केहरि सोय । कृष्ण कृष्ण सुखते कहै नांचन लाग्यो सोय ॥
 इक दिन वन में महाप्रभु करै नदी मधि स्नान । आयो भक्त गजेन्द्र गण करिये को जलपान ॥
 कृत्य करै प्रभु नीर में आगे आये सोय । प्रभु जल मार्यो फैंकिके कृष्ण कृष्ण कहि जोय ॥
 सोई जल की बिंदु कन लाग्यो जाके गाय । कृष्ण कृष्ण कहि नाचै सोई भरी सुभाय ॥
 चीत्कार कोऊ करे परे धरनि में कोय । लखि लखि भट्टाचार्य की चमत्कार हिय होय ॥

करै महाप्रभु पथ चलत उच्च कीरतन जोय । मधुर कंठ ध्वनि श्रवन करि आवै मृगगन सोय ॥

तथाहि श्री भागवते—

धन्वात्म मूढमतषोडपि हरिरय एता, यानन्दनन्दनमुपातपिचित्रवेश ।

आकर्य वेणुरक्षितं सह कृष्णसाराः पूर्वा दधुर्विरचितां प्रणयावलोकैः ॥

सिंह जु आए तिहि समे पांच सात मिलि जोइ । प्रभु जू के संगहि चलें सिंह मिरग मिल दोय ॥

तथाहि—

यव नैसर्गदुर्वैराः सहासन्मृगादयः । मित्राणीवाजिता वास द्रुतरुदत्तपक्षादिके ॥

कृष्ण कृष्ण तुम कहौ यौ जव बोलें प्रभु ताहि । कृष्ण कृष्ण कहि व्याघ्र मृग नाचन लागे आहि ॥
नाचें कूदें मिरगगण सिंह जूथ मिल संग । देखै भट्टाचार्य सो श्री प्रभु जू कौ रंग ॥
करे परस्पर व्याघ्र मृग आलिंगन भरि भाय । दोऊ मिल चुबन करे मुखसौं मुखहि लगाय ॥
प्रभु जू कौतुक देखिके लगे करन तब हास । आगे चले महा प्रभु तिन सब कौ तजि पास ॥
शिखी आदि सब पक्षि गण प्रभु कौ लखि कें जोय । कहैं कृष्ण सब संग चलें नाचें मत्त सु होय ॥
हरि बोलो कहि के चलें महा उच्च धुनि जोय । वृत्त लता प्रफुलित सब तिहि धुनि कौ सुनि सोय ॥
भार खंड पथ में जिते थावर जंगम आहि । किए प्रेम उन्मत्त सब कृष्ण नाम दे ताहि ॥
जिही ग्राम हूँ जाहि प्रभु करे वास जिहि ग्राम । होय तहां सब जननि के प्रेम भक्ति अभिराम ॥
कोऊ तिहि मुख लखि सुनै प्रभु के नामहि आहि । ताके मुख से और सुनि और सुनै मुख ताहि ॥
सब कृष्ण कहि कहि हंसै नाचें कान्दें जोय । परंपरा संबंध सब देश भक्त भी सोय ॥
यद्यपि श्री गौरांग जू जन समूह के वास । प्रेम छिपावें करें नहि बाहिर ताहि प्रकाश ॥
तऊ जु तिनके दरस औ श्रवन प्रभावन आहि । सकल देश कौ लोक सब भए वैष्णव आहि ॥
गौड़ बंग उत्कल जु पुनि दक्षिन देसहि जाय । किय निस्तार जु लोक कौ आपन भ्रमिहहि भाय ॥
मयुरा जैवे छल जु करि भार खंड मधि जाय । तहां परम पाखंड जन सब ही भील जु प्राय ॥
तिन सब कौ उद्धार किय नाम प्रेम दे सोय । गूढ़ चरित चैतन्य कौ वृक्त सकैं तिहि कोय ॥
वन लखि प्रभु के होय भ्रम इह वृन्दावन जोय । जिहि लखि प्रभु मानें यही गिरि गोवर्धन सोय ॥
जहां नदी देखे जु तिहि माने जमुना सोय । नाचें गिरें पुकारैं तहां प्रेम बस होय ॥
भट्टाचारज पथ चलत साक मूल फल सोय । जोई जहां लहै तहां लेय सकल ही सोय ॥
ताही ग्राम रहें जहां जे जे द्विज समुदाय । पांच सात मिल द्विज करे प्रभु हि निमंत्रन आय ॥
कोऊ अन्नहि आनि के बलभद्रहि दें सोय । कोऊ दधि पय खांड पुनि आनि देइ घृत कोय ॥
जहां विप्र नाहीं तहां शुद्ध महाजन सोय । भट्टाचारज कौ करे आनि निमंत्रन जोय ॥
पाक करे बलभद्र जू वन के व्यंजन जोय । वन व्यंजन करि प्रभु जू कौ आनंदित मन होय ॥



आदिखण्ड (वनमार्ग) में वृन्दावनगमनीस्तुक सिंहबाघप्रप्रेमोन्मत्तकारी श्री गौरांग

अन्न दिना द्वै चार कौ राखें धारिकें ताहि । जहां शून्य वन जनन कौ होय निवास न आहि ॥
 तहां अन्न सोई करें भट्टाचारज पाक । फल मूलन के विजंन ही करें वन्य बहु शाक ॥
 प्रभु जू के संतोष अति वन विजंन मधि होय । लहें महा सुख तादिना रहें सु निर्जन सोय ॥
 सेवा करें सनेह करि बलभद्र जु जिमि दास । बहिर्वास जल पात्र श्री लिए चले द्विज तास ॥
 निर्भर को जल उरन करि न्हाय जु तीनों वार । दोऊ संध्या में अगनि तापें काष्ठ अपार ॥
 निर्जन गमन निरंतर हि प्रेमावेश सुनाय । कहें वचन श्री महाप्रभु हिये सु अति सुख पाय ॥
 भट्टाचार्य सुनो जु हम फिरें जु नाना देश । वन पथ के सुख को कहूं पायो नहि लव लेश ॥
 कृष्ण कृपालु कृपा बढ़ी करी जु हम पै जोय । मोकों वनपथ लायकें दियौ इतौ सुख सोय ॥
 वृन्दावन के चलन को पहिले कियो विचार । माता को हम अवस करि देखेंगे इकवार ॥
 करि हैं मिलन अवश्य हम भक्त गनन संग जाय । वृन्दावन जैं जु हम लैं भक्तन समुदाय ॥
 गौड़ देश कौ गमन किये यह विचार के जोय । माता गंगा भक्त मिल पायो आनंद सोय ॥
 तब हों लेके भक्तगण चलयौ हिये करि रंग । कोटि लख जन ता समें भये हमारे संग ॥
 कृष्ण हमें शिला करी बदन सनातन सोय । तहां विघन करि पथहि में ले आये अब सोय ॥
 दीन होनपे दयाभय उदधि कृपा के जोय । तिन हरि जू की कृपा बिन नहीं कहूं सुख होय ॥
 बलभद्र हि हिय लायके कही महाप्रभु ताहि । पायो तुम्हरी कृपा करि हम इतनी सुख आहि ॥
 भट्टाचारज कहें तुम कृष्ण दयामय सोय । अधम जीव हौ ता विपैं भये सद्य तुम जोय ॥
 कौन छार में तुच्छ जन संग लैं आए ताहि । कृपा करी मेरे करहि भिचा कीनी आहि ॥
 अधम काक कौ तुम कियो छिन में गरुड समान । तुम ईश्वर जु स्वतंत्र हो आप स्वयं भगवान ॥

तथाहि—मूकं करोति वाचालं पंगुं लघ्वं च गेरिम् । यत्कृपा तमहं वंदे परमानन्दमाधवम् ॥

इहि विधि बलभद्र जु करें स्तुति प्रभु जू की चाय । तुष्ट कियो प्रभु कौ जु हिय करि सेवा भरिभाय ॥
 यों बहु सुख सों प्रभु चले आए काशी सोय । न्हाये तब मणि कणिका प्रभु मध्य दिन जोय ॥
 तपन मिश्र ताही समय न्हाय सुरधुनी जोय । अचिरज ज्ञान भयो कछू प्रभु को लखिकें सोय ॥
 प्रथम सुनी है प्रभु जु ने कीनी है संन्यास । निहचै कियो भयो तब बिनके हियहि हुलास ॥
 प्रभु जू के पद जुगल धरि करें जु रोदन आहि । कीनी आलिंगन तब प्रभु उठाय के ताहि ॥
 विश्वेश्वर के दरस हित गए जु प्रभु लैं सोई । चरण बिंदु माधव जु के लखे आप तब जोय ॥
 लैं आए प्रभु को घरहि हिय आनंदित होय । सेवा करि नाचन लगे बसन फेरिकें सोय ॥
 प्रभु कौ चरणोदक तब कियो वंस जुत पान । पूजे भट्टाचार्य जू करि के बहु सम्मान ॥
 प्रभु न्याती करि मोह निज भिचा दीनी ताहि । भट्टाचार्य पास तब पाक कर्यौ है आहि ॥
 करि के भिचा महाप्रभु रहे नेक तब सोय । मिश्र पुत्र रघु जू करें पद संवाहन जोय ॥
 प्रभु जू की अवशेष सो पायो मिश्र सर्वश । शशि शेखर आए जु प्रभु आये सुने प्रसंश ॥

नै है सखा जु मिश्र के प्रभु के पहले दास । वैद्य जाति लेखक विरति वाराणसी सुवास ॥
 आप चरण गिरि प्रभु न के करेसु रोदन आहि । प्रभु उठायके कृपा करि किय आलिंगन ताहि ॥
 कई चन्द्र शेखर प्रभो कृपा करी बहु जोष । आय आप ही दास कौ दीनो दरसन सोय ॥
 हम अपने प्रारब्ध करि काशी वसे अजान । माया ब्रह्म सुशब्द विन और न सुनिये कान ॥
 पट दरसन व्याख्या बिना कथा नहीं खां कोय । मिश्र कृपा करि हरि कथा मोहि सुनाई सोय ॥
 सदा दुहुनि के चित्त में तुम्हरे पद जुग आहि । तुम ईश्वर सर्वज्ञ हो दीनो दरसन ताहि ॥
 सुनी महाप्रभु चलहिने श्री वृन्दावन जोय । तारी कोऊ दिन रही ए जु भृत्य जन दोय ॥
 मिश्र कहें जब लौ रहों प्रभु तुम कासी मांहि । मम न्योते विन और कौ मानौगे तुम नांहि ॥
 इही भांति श्री गुरु प्रभु दुइ दासन बस होय । इच्छा नहि तौऊ रहे काशी दिन दिस सोय ॥
 महाराष्ट्र आयौजु द्विज प्रभु दरसन हित आहि । प्रभुकी प्रेम स्वरूप लखि भयो जु अचरज ताहि ॥
 सबै विप्र न्योती करें प्रभु नहि मानत ताहि । आज निमंत्रण भयो है प्रभु यों कहें जु आहि ॥
 बाही भांति निति प्रति करें वंचन न्योते मांहि । सन्यासिन के संग भय न्योता मानै नाहि ॥
 जती प्रकाशानंद इक वैठि सभा मधि जोय । नित वेदान्त पढ़ावही बहु शिष्यन लै सोय ॥
 सोई इक द्विज गौर कौ लखि आयौ व्योहार । कहे प्रकाशानंद दिग तिनको चरित अपार ॥
 आयौ सन्यासी जु इक जगआथ ते आहि । महिमा बडौ प्रताप जिहि बरनि सके नहि ताहि ॥
 महा प्रचंड शरीर जिहि सुवरन वरन जु एन । लंबित भुज आजानु अरु कमल अरुन दल नैन ॥
 जितने ईश्वर के कछु सबै सुलच्छन आहि । ते तिन में सब देखिए कथन सु अद्भुत ताहि ॥
 ये नारायण नु अहै होय ज्ञान लखि ताहि । जोई तिहि देखे करै कृष्ण कीरतन आहि ॥
 महा भागवत लखन जो मुने भागवत जोइ । ते सब लखन प्रगटई तिन में लखिए सोइ ॥
 रमना जिनकी कृष्ण कौ लेत निरंतर नाम । नयन अश्रु जल है मनो गंगा धार भिराम ॥
 छिन नाचै गावै हंस रोदन करै अपार । छिन हुंकार करै जनौ केहरि की हुंकार ॥
 नाम कृष्ण चैतन्य जिहि जगत सुमंगलु आहि । नाम रूप गुण माधुरी है सब अनुपम ताहि ॥
 सुनत प्रकाशानंद वह कियो दास परकाश । लायौ ताको कहन तब करि द्विज कौ उपहास ॥
 गौड देश मधि सुन्यो है भावुक जती जु सोय । केशव भारति की जु शिष्य लोक प्रतारक सोय ॥
 नाम ताहि चैतन्य लै भावुक गण संग आहि । गायक नचवैया कहे दिशि दिशि ग्रामजु आहि ॥
 जोई तिहि देखे बडी कहे जु ईश्वर आहि । इमि मोहन विद्या लखै जोई मोहित ताहि ॥
 मार्कंडेय पंडित प्रबल भट्टाचारज आहि । सोऊ मत वीरौ भयो सुनी संग करि ताहि ॥
 महा इन्द्रजाली जती नाम मात्र है जोइ । काशी में विकि है नहीं तिहि भावुकता सोइ ॥
 करि भवन वेदान्त की जिनि जेये तिहि पास । उच्छृंखल जन संग करि दुहु लोक की नाश ॥
 यह सुनि तिहि द्विजन महा दुख पायो दिय जोय । कृष्ण कृष्ण कहि तहां ते उठिके गयो जु सोय ॥

प्रभु के दर्शन करि भयो है जु शुद्ध मन ताहि । प्रभु आगे है अति दुखी कई जु विवरन आहि ॥
 यह सुनि के तब महाप्रभु रहे कछु मुसकाय । प्रभु सों पूछे फेरि हूं सोऊ द्विज करि माय ॥
 तिहि आगे जब मैं लियो तुमरी नाम जु आहि । सोऊ जाने नाम तब आपन कर्षा जु ताहि ॥
 कहत हेत तब दोष कै करेउ नाम उच्चार । कर्षा जु फिरि चैतन्य पुनि ऐसे तीनहु बार ॥
 आयौ तीनों बार नहि कृष्ण नाम मुख ताहि । नाम अबज्ञा करि कहे सुनि पायो दुख आहि ॥
 याकौ कारण कृपा करि कही जु मोसों जाहि । तुमैं देखि मेरी वदन कई कृष्ण हरि सोय ॥
 यह सुनि के तब महाप्रभु लागे कहन जु ताहि । मायावादी कृष्ण के अपराधी हैं आहि ॥
 ब्रह्म कहें चैतन्य पुनि कहें आत्मा जोइ । मायावादी नाम ये भांसैं निरवधि सोइ ॥
 कृष्ण नाम आवै नहीं याही ते मुख ताहि । कृष्ण स्वरूप जु नाम तिहि दोऊ एक सम आहि ॥
 विग्रह नाम स्वरूप तिहि तीनों एकहि रूप । तीनों में नहि भेद ये चिदानंद सुख रूप ॥
 हरि के देही देह अरु नामी नाम न भेद । जीव धर्म यह नाम वपु और स्वरूप विभेद ॥
 तथाहि—

नाम चिन्तामणिः कृष्णचैतन्यरसविग्रहः । पूर्णः शुद्धो नित्यमुक्तोऽभिन्नात्मा नाम नामिनोः ॥१॥
 याही ते श्री कृष्ण के नाम देही प्रकाश । प्राकृत इन्द्रिय ग्राह्य नहि अहै स्वयं परकाश ॥
 कृष्ण नाम गुण कृष्ण के लीला वृन्द जु ताहि । सम हैं कृष्ण स्वरूप के चिदानंद सब आहि ॥
 तथाहि—

अतः श्रीकृष्णनामादि न भवेद्ब्राह्ममिन्द्रियैः । सेवोन्मुखे हि जिह्वारी स्वयमेव स्फुरत्यदः ॥२॥
 ब्रह्मानंद हुते अधिक सुख लीला रस जोय । ब्रह्म सु ज्ञानी कौ करै खेचि आप बस सोय ॥
 तथाहि—स्वसुखनिभृतचेता स्तब्धबुदस्तान्धभावोऽप्यजितरुचिरलीलाकृष्टसारस्तदीयं ।
 व्यतनुत कृपया यस्तत्त्वदीपं पुराणं तमखिलवृत्तिनष्टं व्याससूनुं नतोस्मि ॥३॥

तथाहि—
 आत्मारामाश्च मुनयो निर्ग्रन्था अप्युरुक्रमे । कुर्वन्त्यहेतुकी भक्तिमित्यं भूतगुणो हरिः ॥४॥
 यह रही सब कृष्ण के चरणन की संबंध । हरे जु आत्माराम की मन तुलसी कौ गंध ॥
 तथाहि—तत्पारविन्द नयनस्य पदारविन्द किञ्चलक मिथ तुलसी मकरन्दवायुः ।
 अन्तर्गतः स्वाविवरेण चकार तेषां संशोभमत्तरजुषामपि चित्त तन्वोः ॥६॥

कृष्ण नाम आयौ नहीं याही ते मुख ताहि । याते मायावादि गण सदा बहिर्मुख आहि ॥
 भावुकता बंचन जु हीं आयौ काशी आहि । गाहक विन न विकाय है जेहों घर लै ताहि ॥
 आए भारी बोझ लै कैसे तिहि लै जाय । ताकौ बाँही बेंचि है मोल अल्प ह पाय ॥
 इतनी कहिके महाप्रभु ता द्विज कौ अपनाय । श्री मथुरा कौ प्रात उठि चले गौर हरिधाय ॥
 ते तीनों जन संग लै मनै किए प्रभु जोइ । वे तीनों जन दूर ते घरहि पठाए सोइ ॥

लीनीं जन प्रभु विरह करि इकट्ठे मिलि कै जोइ । गान करें प्रभु गुणन कीं बैठि एकठां सोइ ॥
 प्रभु जू ध्याय प्रयाग में कीनीं बेनी स्नान । लखि के माधव प्रेम करि किर्यौ नृत्य अरु गान ॥
 जमुना को लखि प्रेम करि परे कृदि अकृलाय । अस्त व्यस्त बलमद्र जू लीनीं तिन्हैं उठाय ॥
 इहाँ भाँति दिन तीन लौं रहे प्रयागहि जोय । कृष्ण नाम प्रेमादि दे जन निस्तारें सोय ॥
 मधुरा चले जू मार्ग में रहैं जहाँ जाइ । कृष्ण नाम अरु प्रेम दे लोक नचाए भाय ॥
 पहले दक्षिन जाय ज्यों जन निस्तारें जोइ । तैसे पच्छिम देश सब कीए वेषणव सोइ ॥
 जहाँ नहाँ पधि जात में जमुना दरसन होय । तहाँ कृदि तामें गिरें प्रेम अचेतन सोय ॥
 आए मधुरा निकट जब दगनि मधुपुरी जोइ । परे दंडवत होय के प्रेम मगन अति होइ ॥
 कीनीं मधुरा आइकै प्रभु विश्रांत जू स्नान । किए दंडवत देखिके केशव जन्म स्थान ॥
 नाचें गाने प्रेम बस करें सपन हुँकार । प्रभु की प्रेमावेश लखि अचिरज लोग अपार ॥
 पर्यौ एक द्विज आपके धरि प्रभु के पद जोय । नृत्य करें प्रभु के जु संग प्रेम मगन अति होय ॥
 दोऊ नाचें प्रेम करि हिय सों हिय लिपटाय । बोलें हरि हरि कृष्ण कहि दोऊ भुजा उठाय ॥
 हरि हरि बोलें लोग सब भौं कीलाहल सोइ । माला पहिराई प्रभुहि केशव सेवक सोइ ॥
 लोक कई प्रभु को जू लखि लहि अचरज हिय माँदि । यह प्रेमा यह रूप सो लौकिक कहिए नाहि ॥
 प्रेम मत्त जन होत है जिहि दरसन अभिराम । नाचें गावें हँसे बहु रोवें लै हरिनाम ॥
 तब लौ श्रीपुत महाप्रभु लै तिहि द्विजकी आहि । न्यारे हो एकान्त मधि पूछ्यौ कलूक ताहि ॥
 तुम लौ आरज सरल हिय इद विप्र हो सोइ । पायीं है तुम कहाँति यह प्रेम धन जोइ ॥
 विप्र कहे श्रीपाद श्री माधवेन्द्र पुरि जोइ । भ्रमत भ्रमत आए यहाँ मधुरा नगरी सोय ॥
 मेरे घर मधि कृपा करि ते प्रभु रहै रसाल । मोहि शिष्य करि हाय मम भिन्ना करी कृपाल ॥
 कीनीं सेवा महाशय करि के प्रगट गुपाल । गोवर्धन में है अर्जुन सेवा कई रसाल ॥
 सुनि के प्रभु जू ने करी चरन वर्दना ताहि । प्रभु के पद सो द्विज पर्यौ पाय महाभय आहि ॥
 कहे महाप्रभु गुरु जू तुम शिष्य प्राय ही जोइ । नमस्कार गुरु है करी शिष्य हि जो जन सोइ ॥
 सुनिके विस्मित द्विज मर्यो हिए माधमय जोइ । ऐसे बात कई जू कथों तुम संन्यासी होय ॥
 ऐसी तुमरो प्रेम लखि करी हिय अनुमान । माधवेन्द्र संबंध तुम धरो जू मो मन जान ॥
 जहाँ प्रेम श्री कृष्ण की तहाँ जू तिहीं संबंध । तिहिं चिना ही प्रेम की कहैं नही है गंध ॥
 महाचारव तब कहीं तिहि संबंध जू ताय । सुनि आनंदित द्विज लभ्यौ नाचत हिय भरिभाय ॥
 प्रभु की संग लै विप्र तब आयीं निज घर जोय । प्रभु की बहु सेवा करे निज इच्छा करि सोय ॥
 भिन्ना हित बलमद्र सो पाक करायो आहि । तब हँसि के श्री महाप्रभु बोलें वचन जू ताहि ॥
 तुम कर भिन्ना है करी पुरी गुसाई जोइ । हम की भिन्ना देहु तुम हमारे शिवा सोइ ॥

तथाहि—

यद्यदाचरते श्रेयस्तत्तदेवेतरो जनः । स यत्प्रमाणं कुरुते लोकस्तदनुवर्तते ॥१४॥

यद्यपि जाति मनोद्विषा हुती जू ब्राह्मण सोय । संन्यासी तिहि विप्र पर करें न भोजन जोइ ॥
 तापै जब श्री महाप्रभु भिन्ना मांगी जोइ । तिहि द्विज ने प्रभु की कही यहै ईश्वर करि सोइ ॥
 भिन्ना तुम की दीजिए भाग्य हमारी जोइ । तुम ईश्वर तुमरे नहीं विधि व्यवहार जू सोइ ॥
 करि है दुष्टख लोग जे तुमरी निंदन आदि । सो दुष्टनको वचन हम सहि नाहि सकि है ताहि ॥
 कहे महाप्रभु है जिति ते श्रुति स्मृति श्रुतिगण जोइ । सबै भिन्न मत है नही एक धर्म मत सोय ॥
 धर्म स्थापन हेत एक है जू साधु व्यवहार । पुरी गुसाई आचरण सोई धर्म जू सार ॥
 तथाहि—

तर्कोऽप्रतिष्ठः अनुयो विभिन्नाः नामाधृषिष्य मत्तं न भिन्नं ।

धर्मस्य तत्त्वं निहितं गुहायां महोजनो येन गतः स पन्था ॥१५॥

भिन्ना करवाई तबै तिहि द्विज प्रभु को जोय । आए जन मधुपुरी के प्रभु की देखन सोय ॥
 हरी हरी बोलौ कई प्रभु निज बाहु उठाय । प्रेम मत्त नाचें जू जन हरि हरि धुनि करि पाय ॥
 जमुनाघाट चौबीस जे स्नान किर्यौ प्रभु ताहि । स्नान तीर्थ सब विप्र तिन प्रभुहि दिलायी आहि ॥
 दीर्घ विष्णु भूतेश्वर जू स्वयंभू जू विश्राम । महाविद्या गोकर्ण मुख सर्व दिखाए धाम ॥
 द्वादश वन के देखिवें जब प्रभु मन भौ रंग । तब ही सोई विप्र प्रभु लीनीं अपने संग ॥
 गये जू मधुवन तालवन कुमुद सुवहुला जोइ । जहाँ जहाँ प्रभु न्हाय करि प्रेम विवस भौ सोइ ॥
 प्रभु की लखि पय में चरित धेनु घटा जू अपार । प्रभु चहुँपा आईनु चिरि सब करिके हुँकार ॥
 धेनु घटा लखि अकि रहै प्रभु जू प्रेम तरंग । धेनु सबै बान्धन्य करि चाटै प्रभु के अंग ॥
 स्वस्थ होय प्रभु जू करें कंडू तिन के अंग । छाड़ें नाहिन धेनुगण चलै जू प्रभु के संग ॥
 राखी ग्वालनि धेनु सब करिके बहुत प्रयास । आई सुनि के कंठ धुनि मृगीमाल प्रभु पास ॥
 देखें मुख हरिणी हरिन प्रभु की चाटै अंग । करें नही भय मार्ग मधि चली जाँदि तिहि संग ॥
 पंचम गावैं भृंगि पिक प्रभुकी लखि मुख पाय । नृत्य करें जू मधुर मग प्रभुकी लखि २ आदि ॥
 इन्दावनके तरु लता गण प्रभुकी लखि आहि । मधु मिव वरपैं अधु जल पुलकसु मंजुर ताहि ॥
 फल फूलनि के भार भरि परें डार प्रभु पाय । बंधु भेट लै आँवही बंधु हि लखि जिहि भाय ॥
 थावर जंगम विपिन के प्रभु जू की लखि जोइ । देखि बंधुगण बंधु की ज्यों आनन्दित होय ॥
 तिन सब की प्रभु प्रीति लखि भावावेशित होय । सब के संग क्रीडा करें है तिन के बस सोय ॥
 आलिंगन प्रभु जू करें प्रति तरुलता सु जान । करें समर्पण कृष्ण की सुमनादिक करि ध्यान ॥
 अश्रु कंप श्री पुलक प्रभु प्रेम अधीर शरीर । कृष्ण कृष्ण बोलौ कई ऊँचे सुर गंभीर ॥
 थावर जंगम मिलि सर्व करें कृष्ण धुनि जोइ । प्रभु के स्वर गंभीर की जानी प्रतिधुनि होइ ॥
 प्रभु जू मृग की कंठ धरि रोदन करें अपार । मृग के अंग में पुलक औ नयन अधु जलधार ॥

मुक सारी तरु डार पर बैठे दरसन दीय । तिन कौं लखि प्रभु कौ भयो कछु सुनिवे कौं हीय ॥
मुक सारी प्रभु हाथ पर उड़िकैं बैठे आइ । श्लोक पढ़ै मुक कृष्ण गुण प्रभु जू कौं जु सुनाय ॥

तथाहि गोविन्दलीलामृते—

सोन्दर्यं ललनालिधैर्यं दत्तनं लीलारभास्तम्भिनी वीर्यं कन्दुकिताद्विवर्यममलाः पारे पराङ्गं गुणाः ।

शीलं सर्वजनानुरञ्जनमहो यस्यायमस्मत्प्रभुर्विश्वं विश्वजनीनकीर्तिरवतात् कृष्णो जगन्मोहनः ॥१२॥

तब मुनिकैं मुक कौ वचन सारी करिकें रोस । राधा जू के वर्णनहि करै हियैं लहि तोस ॥

तथाहि तत्रैव—

श्री राधिकायाः प्रियता सुरुपता सुशीलता नर्तनगान चातुरी ।

गुणालिसम्पत् कविता च राजते जगन्मनोमोहनचित्तमोहिनी ॥१३॥

वचन सारिका को जु सुनि सो मुक परम सुजान । कहै कृष्ण है मदन कैं मोहन रूप निधान ॥

तथाहि तत्रैव—

वशीधारी जगन्नारीचिह्नहारी स शारिके । विहारी व्रजनारीभिर्जीयान्मदनमोहनः ॥१४॥

फेरि कहैं सारी मुक हि करिकें रस परिहास । यह सुनि प्रभु जू कैं भयो अचिरज प्रेम हुलास ॥

तथाहि तत्रैव—

राधा संगे यदा भाति तदा मदनमोहनः । अन्यथा विश्वमोहोऽपि स्वयं मदनमोहितः ॥१५॥

मुक सारी उड़िकैं गये फिरि ता तरु की डार । देखें नृत्य मयूर कौ प्रभु कौतुक जु अपार ॥

मई गिछाँ के कंठ लखि कृष्णकांति सुधि जोइ । परे भूमि मधि महाप्रभु प्रेमावेशित होइ ॥

तब प्रभु जी कौं मुरझित देखि ब्राह्मण जोइ । भट्टाचारज संग करैं प्रभु संतर्पण सोय ॥

अस्त व्यस्त श्री प्रभु जू कौं बहिर्वास लै जोय । जल सौं छिरकैं अंग करैं पवन वसन करिजोय ॥

प्रभु श्रवणनि में उच करि कहैं कृष्ण कौ नाम । एक बेर लहि चेतना फेरि गिरे तिहि ठाम ॥

कंटक दुर्गम वन हि मधि भये अंग छत ताहि । भट्टाचारज अंग धरि प्रभुहि स्वस्थ किय आहि ॥

प्रभु कैं कृष्णावेश करि प्रेम मगन मन जोइ । कहाँ कहाँ यो कहि उठि जु करैं नृत्य तब सोइ ॥

भट्टाचारज विप्र सो गावैं कृष्णकौ नाम । नाचत नाचत पथ चले जाहि गौर रसधाम ॥

प्रभु की प्रेमावेश लखि अति विस्मित द्विजसोय । भट्टाचार्य विचार किय प्रभु इच्छाहित जोय ॥

जैसो प्रेमावेश मन लीलाचल हो जोय । वृंदावन पथ जात में भयो सो गुणो सोय ॥

सहस गुणो प्रेमा बढ़यो देखें मयुरा ताहि । लाख गुणो प्रेमा भयो जब वन भ्रमैं जु आहि ॥

रहै मगन रैन दिन कृष्ण प्रेम रसरास । हँ वो अरु भीषादिकनि निर्वाहैं अभ्यास ॥

जब लौं डादस वन भ्रमैं प्रेमा इही जु भाय । लिख्यो जु ताकी एक ठाँ सब ठाँ कखी न जाय ॥

इन्दावन मधि भी जितौ प्रभु कैं प्रेम विकार । कोटि ग्रंथ करि शेषजो लिखैं जु तिहि विस्तार ॥

लिखिये कौं नाहिन सकैं तऊ एक कन ताहि । करिवेकौं उदेस तिहि दिग दरसन किय आहि ॥



वृन्दावन में मयूरालिंगनकारी राधाभावाविष्ट श्री गौरांग

प्रभु लीला के उदधिने दीनी जगत बहाय । जाकी जितनी शक्ति सो तरे उदधि में जाय ॥
 रूप सनातन और रघुनाथ चरण जिहि आस । चरितामृत चैतन्य की कई कृष्ण की दास ॥
 रूप सनातन जगत हित सुबल श्याम पद आस । सो प्रभु चरितामृत लिखे ब्रजभाषाहि प्रकास ॥
 इति श्री चैतन्य चरितामृते मध्यखण्डे ब्रजभाषायां वृन्दावन गमनं नाम सप्तदशपरिच्छेदः ॥

अष्टादस परिच्छेदः

वृन्दावने स्थिरचरानन्दयन्मवावलोकनैः । आत्मानञ्च तदालोकाद्गौराङ्गः परितोऽभ्रमत् ॥१॥

जय जय श्री चैतन्य जू जय श्री नित्यानन्द । जय अद्वैत हिमांशु जय गौर भक्त के वृन्द ॥
 इही भांति श्री महाप्रभु नाचत नाचत भाय । भये अचानक बाह्य तव आरिठ ग्राम हि आय ॥
 राधाकुण्ड अरिष्ट की पूछी लोकन बात । कोऊ कहे न जानई सोउ संग द्विज जात ॥
 तीरथ लोपहि जानि प्रभु सब के ज्ञाता आहि । दोष धान के खेत में कछु जल न्हाए ताहि ॥
 लखि केँ ग्रामी जननि के मन अचिरज अधिकाय । स्तवन जु राधाकुण्डकी करेंसु प्रभु भरि भाय ॥
 सब गोपिन तेँ कृष्ण की राधा प्रेयसि आहि । तेँसेँ राधाकुण्ड प्रिय सरसी प्रेयसि ताहि ॥

क्याहि पादमे—

यथा राधा प्रिया विष्णो तस्याः कुण्डं प्रियं तथा । सर्व गोपीषु सैवैका विष्णोरत्यन्त वल्लभा ॥२॥
 जिहीं कुण्ड श्री कृष्ण नित श्री राधा के संग । जल क्रीडा जल में करें तट मधि रास जु रंग ॥
 तिहीं कुण्ड मधि जो करें एकहि वार स्नान । राधा के सम प्रेम तिहिं देहि कृष्ण जू दान ॥
 जैसी राधा मधुरिमा कुण्ड माधुरी सोय । महिमा राधा की सु तिमि महिमा कुण्डहि जोय ॥

तथाहि—

श्रीराधेय हरेस्तदीय सरसी प्रेष्ठाद्भुतैः स्वैर्गुणैर्यस्यां श्रीयुत माधेयन्दुमतिशो प्रीत्या तथा व्रीडति ।
 प्रेमास्मिन् वत राधिकेव लभते यस्यां सकृत्स्नानकृत् तस्या वै महिमा तथा मधुरिमा केनास्तु वर्यः श्रितौ ॥
 इही भांति नुति करें प्रभु प्रेम मगन हिय आहि । कुण्ड तीर नृत्यहि करें लीला सुधि करि ताहि ॥
 लै जु मृत्तिका कुण्ड की कियो तिलक भरि रंग । भट्टाचारज द्वार कछु लई मृत्तिका संग ॥
 तव चलिके आए प्रभु कुसुमोखर दिंग जोइ । तहाँ देखि गोवर्द्धनहि भए जु विह्वल सोइ ॥
 गोवर्धन को देखि केँ करी दंडवत ताहि । एक सिला आलिंग केँ महामत्त भौ आहि ॥
 प्रेम मत्त आये जु चलि श्री गोवर्धन ग्राम । श्री हरिदेवहि देखि केँ करें तिन्हें परणाम ॥
 हैजु मधुरिमा पदम के पच्छिम दल जिहि बास । नारायण हरिदेव जू है सो आदि प्रकाश ॥
 प्रेम मत्त है केँ जु प्रभु नाचें आगेँ ताहि । आए देखन लोग सब सुनि केँ अचिरज आहि ॥

प्रभु की प्रेम स्वरूप लखि जन अचिरज विस्तार । किय हरिदेव जु पूजकनि प्रभु की बहु सतकार ॥
महाचारज पाक किय ब्रह्मकुंड पर जाय । ब्रह्म कुंड प्रभु न्हाय के भिचा कीनी आय ॥
मंदिर श्री हरिदेव के रहे जु ताही रैन । मन में करें विचार प्रभु निशि में रस के ऐन ॥
हम गोवर्धन पे कभू चढ़ि हैं नाहीं जोय । दरसन श्री गोपाल की कैसें पैहें सोय ॥
इतनी मन में सुमिरि प्रभु रहे मीन धरि सोय । जानि गुपाल तबै कछु जुगति उठाई सोय ॥
तथाहि—

अनाकरुचये शैल स्वस्मे भक्ताभिमानिते । अवरुह्य गिरेः कृष्णो गौराय समदर्शयत् ॥१॥

गोपन नाम जु ग्राम में श्री गोपाल निवास । जन रजपूतन की जु हो तिहीं ग्राम में वास ॥
इक जन ग्रामी जननि सौ कथी आय तिहि रैन । मारन हित तब ग्राम के तुरक सजी है सैन ॥
आज भजी निशि ग्राम में रही न इक जन कोइ । ठाकुर लै भाजी जवन काल म्लेच्छ है सोइ ॥
सुनिके जन सब ग्राम के चितित भौ अधिकाय । रहे प्रथम गोपाल लै गाँडोली मधि आय ॥
दुरि के सेवन विप्र घर श्री गुपाल की होय । ऊजर ग्राम भयी गए भजि के सबजन सोय ॥
बार बार यों म्लेच्छभय करि के भजे गुपाल । कुंज रहे कै ग्राम अरु तजि मंदिर करि खयाल ॥
आत भए श्री महाप्रभु मानसगंगा न्हाय । गोवर्धन परिदक्षिण दि गमन कियो भरिमाय ॥
गोवर्धन की देखि प्रभु प्रेमावेशित होय । आनंद में नाचत चले श्लोक पढत यह जोय ॥
तथाहि—

हन्तायमगतिरवला हरिदासधर्यो यद्रामकृष्णचरणस्पर्शप्रमोदः ।

मानं तनोति सहगोगणयोग्यधर्यत् पानीयसुखसकन्दरकन्दमूलैः ॥२॥

तीरथ गोविंद कुंड मुख प्रभु जु नहाए सोय । गाँडोली गोपाल हैं सुनी तहाँई जोय ॥
किय दरसन गोपाल की तिही गाम में जाइ । करें नृत्य श्री कीरतन महा भक्त भरि भाय ॥
सुन्दरता गोपाल की लखि प्रभु को आवेश । नाचत याही पथ पढ़ि भयी तहां दिन शेष ॥
तथाहि—

वापस्तामरलावण्य मुजहृण्डः स पातु वः । कीडाकन्दुकतां चेन नीतो गोवर्धनो गिरिः ॥३॥

इही भांति दिन तीन ली देखे प्रभु गोपाल । चौथे दिन गोपाल जु मंदिर चले कृपाल ॥
मंदिर चले गुपाल संग नृत्य करत प्रभु जोइ । आनंद कोलाहल भयी बोलें हरि हरि लोय ॥
मंदिर गए गुपाल जु तरे रहे प्रभु ताहि । प्रभु इच्छा ही सब पूर्ण करी गुपाल जु आहि ॥
इति विधि श्री गोपालकी करुणानिधि जु सुभाव । जब ही जाही भक्तकी होय दरस हित भाव ॥
होय लालसा दरस की चढ़ें न गिरिवर सोइ । तब गुपाल काहु छलहि आपुन उतरे जोइ ॥
कवहू रई निकुंज में कवहू औरहि ग्राम । देखें तिनकीं आयके सोइ जन तिहि ठाम ॥
गोवर्धन पर ना चढ़े रूप सनातन दोय । दीनी है दरसन तिन्हें इही भांति तिहि सोइ ॥

बृद्ध समें श्री रूप जु जाइ सकें नहि दूर । गिरिवर छल करि दरस हित भई लालसा भूरि ॥
आए करिके मेच्छ भय मथुरा नगर गुपाल । विठलेश्वर के गेह इक मास रहे जु कृपाल ॥
रूप गुसाई तबै सब निज गण लै कें संग । मथुरा रहि दरसन कियो एक मास मरि रंग ॥

कवित्त

संग श्री गुपाल भट्ट और रघुनाथ दास भट्ट रघुनाथ लोकनाथ रस रास है ।
भूगर्भ गुसाई और श्री जुत गुसाई जीव श्री वादवाचार्य स्वामी गोविंद प्रकाश है ।
ऊधोदास और माधोदास श्री गुपाल दास और दास नारायण कीरत उदास है ।
गोविंद भगत और बाणी कृष्ण दास पुंडरीकाच ईशान और लघु हरि दास है ॥

भक्त मुख्य एई जु सब लैके अपने संग । दरसन श्री गोपाल की कियो हिये बहु रंग ॥
निज स्थान गोपाल जू गए जु रहि इक मास । आए रूप गुसाई जु वृन्दावन रस रास ॥
कियो गुपाल कृपा जु की वरखन पाय प्रसंग । तबै महाप्रभु काम बन गए भरे हिय रंग ॥
गमन रीति श्री गौर की लिखी जु पहिले जोय । तिही भांति वृन्दाविपिन जब लौं देख्यो सोय ॥
देखि तहां लीला थली गए जु प्रभु नैद गाम । भए जु विह्वल प्रेम करि लखि नंदीस्वर धाम ॥
पावन आदि जु कुंड सब तिन मधि प्रभु जू न्हाय । लोकनि कीं पूछी तबै परवत ऊपर जाय ॥
कोऊ दैवत मूर्ति है परवत ऊपर जोय । लोक कहे मूर्ति जु है मध्य कंदरा सोय ॥
दुहुं ओर माता पिता पुष्ट कलेवर ताहि । बीच एक बालक परम ललित त्रिमंगी आहि ॥
सुनिके मन में महाप्रभु आनंद पायी जोय । तिन मूर्ति के दरस हित गुफा उधारी सोय ॥
ब्रज नृप ब्रज रानी जु के पद वंदन प्रभु कीय । हरिको सब अंग परस किय प्रेमावेशित होय ॥
सब दिन प्रेमावेश मधि नृत्य गीत किय जोय । चलि जु तहां ते खादिरवन आए प्रभु जू सोय ॥
गए सेस सायी तबै लखि लखि लीला ठौर । लक्ष्मी जू की देखि यह पथ पड़े प्रभु गौर ॥
तथाहि—

यत्ते सुजात चरणांशुहं स्तनेषु भीताः शनैः प्रिय दध्नीमहि कर्कशेसु ।

तेनाटवीमटसि तद् व्यथते न किञ्चित् कृपादिभिर्भ्रमति श्रीभैवदायुषां नः ॥

आए बन भांडीर लखि खेलातीरथ सोय । गए भद्रवन फेरि प्रभु जमुना पार जु होय ॥
श्री बन देखि गए प्रभु फेरि लोहवन जोइ । जाय महावन लख्यो हरि जन्म स्थान जु सोइ ॥
जमला अर्जुन भंग मुख लखि लीलाथल ताहि । प्रभुकी प्रेमावेश करि भयी विकल मन आहि ॥
आए गोकुल देखि पुनि मथुरा नगरी आहि । हरि की जन्म स्थान लखि रहे गेह द्विज ताहि ॥

सोरठा

देखि जननि समुदाय, तजिके मथुरा महाप्रभु । रहे इकीसे आय, तबै तीर्थ अक्रूर मधि ॥

दोहा

वृन्दावन के दरस हित आए प्रभु दिन आन । कालियदह प्रस्कंदनहि कीनौ आप जु स्नान ॥
 दादस आदित तीर्थ ते केशी तीर्थ आय । रासस्थली निहारि प्रभु भये मुरझित भाय ॥
 फेरि धरनि मधि लोटई प्रभु चेतना पाय । नाचें हंसै जु रोवई परे ठचस्वर गाय ॥
 सो दिन तहां वितीत किय याही रंग प्रवाह । आय सांभ अक्रूर मधि किय भिच्चा निर्वाह ॥
 प्रात भए वृन्दाविपिन वीर घाट मधि न्हाय । श्री प्रभु जू विश्राम किय अवरौ तरै जु आय ॥
 हरि लीला के समय कौ वृक्ष पुरातन सोय । तिहि तरु बंध सु चौतरी परस चीकनी जोय ॥
 चले निकट जमुना सुरभि शीतल मंद समीर । वृन्दावन शोभा लखी मधि यमुना के नीर ॥
 करै बैठ अमली तरै नाम कीरतन भाय । भोजन अक्रूरहि करै करि मध्यान्हहि आय ॥
 आवे प्रभु के दरस हित अक्रूरहि जन वृन्द । लोक भीर करि कीरतन सकै न करि स्वर्णद ॥
 प्रभु वृन्दावन आयके बैठि इकौसे सोय । करै तहां मध्यान्ह लौ नाम कीरतन सोय ॥
 पहर तीसरे दरस प्रभु पावे लोक अशेष । करै कृष्ण संकीरतन करै सबनि उपदेश ॥
 आयौ वैष्णव तिहि समय कृष्ण दास तिहि नाम । गृही जात रजपूत तिहि जमुना पार जु गाम ॥
 काली दह को जात सो केशी तीर्थ न्हाय । देखे प्रभु अंजली तरहि तिहि जु अचानक आय ॥
 प्रभु कौ रूप रु प्रेम लखि चमत्कार भौ ताहि । नमस्कार प्रभु कौ करै होय दंडवत आहि ॥
 कहै जु प्रभु तुम कौन हो कहां तुम्हारी गेह । कृष्णदास तब कहै हौं विषयी पामर देह ॥
 राजपूत हौं जाति कौ मेरी पार निवास । मेरे हिय इच्छा यहै हौं हूँ वैष्णव दास ॥
 आलिंगन करिके जु तिहि कृपा करी प्रभु जोय । प्रेममत्त भौ नाचई हरि हरि कहि के सोय ॥
 प्रभु के संग मध्यान्ह में आयो सो अक्रूर । प्रभु की पातर कौ लखौ तिन प्रसाद सुख मूर ॥
 आवे जल कौ पावलै नित प्रति प्रभु संग जोय । प्रभु संग रहे जु गेह औ नारी सुत तजि सोय ॥
 प्रगट भये श्री कृष्ण जू वृन्दावन फिरि आय । जहां तहां सब लोग यों कहन लगे भरि चाय ॥
 मथुरा के जन एक दिन भये प्रात ही सोइ । वृन्दावन ते आवई करत कुलाहल जोय ॥
 प्रभु कौ लखि लोकन करी चरन वंदना जोइ । कहै जु प्रभु तुम कहां ते कियो आगमन सोइ ॥
 कृष्ण प्रगटभौ जन कहै काली दह जल जोय । अहि फन मनिगन रंग धरि नृत्य करतहै सोइ ॥
 साक्षात् हि देखे सबनि नहि यामें संदेह । सुनि हंसिके प्रभु जू कहै सबै सांच है एह ॥
 इही भांति निशि तीन लौ लोक गमन भौ जोय । कहै आय सब कृष्ण कौ पायी दरसन सोय ॥
 देखे कृष्ण कहै सबे प्रभु आये जन आहि । सत्य कहायौ सरस्वती यहै वचन मुख ताहि ॥
 सांच कृष्ण दरसन महाप्रभु जू देखे जोय । निज आज्ञा नहि सत्य तजि असति सत्य भ्रम सोय ॥
 महाचारज तब कहै प्रभु चरनन मधि आय । देहु आज्ञा कृष्ण कौ करे जु दरसन जाइ ॥
 मारि तमांचे की कहै प्रभु तासो रिख भोइ । वचन मुखन के भयी मूरख पंडित होय ॥

कृष्ण कौन कौ देखि इहि अब दरसन कलि काल । मूरख कौ नाहल करै परि निज भ्रम के जाल ॥
 वीरो जिनि हो रह्यु यहाँ बैठि गेह निज आय । दरसन कीजौ कृष्ण कौ कालि निशाही जाय ॥
 प्रात समें जो शिष्ट जन आए प्रभुठां सोय । कृष्ण देखि आए तिनहै प्रभु जू पड़ी जोय ॥
 लोग कहें धीवर जु निशि चढ़ि के नाव मभार । कालिय दह में मीन वे मारे दीवत वारि ॥
 नौका में कालिय जु भ्रम दीपन रतन जु जान । मूढ़ लोक धीवर विपै करै कृष्ण अनुमान ॥
 यह सांच श्री कृष्ण जू आये या वन माँहि । लोकनि देख्यौ कृष्ण कौ यह जु मिथ्या नाहि ॥
 आए निरखें हरि कहै कहै जु भ्रम अभिमान । होय दूढ़ औ पुरुष मधि ज्यो विपरीत जु ज्ञान ॥
 कहै जु प्रभु पाए कही कृष्ण जु दरसन जोय । लोग कहें तुम हंस हो चर नारायण सोय ॥
 वृन्दावन में भए तुम आप कृष्ण अवतार । भयी जु तुम कौ देखिके लोकनि को निस्तार ॥
 विष्णु विष्णु प्रभु जू कहै इमि कहिए नहि जोय । जीवाधम में ज्ञान हरि कभू न करिए सोय ॥
 संन्यासी चित्करण जु सौं जीव किरण कन तूल । पडमग पूरण कृष्ण है रवि प्रकाश के मूल ॥
 जीव ईश जे तत्त्व विवि कबहुं नहीं समान । ज्वलित अगनिजु पतंग कन जैसे हीये जान ॥
 तथाहि—

लहादिन्या सम्बिदारिलष्टः सच्चिदानन्द ईश्वरः । स्वाविद्यासंबुतो जीवः संक्लेशानिकराकरः ॥

जोई मूढ़ कहे जु है जीव ईश सम आहि । सोई पाखंडी जु है देय दंड जम ताहि ॥

तथाहि—यस्तुनारायणं देवं ब्रह्मरुद्रादिदेवतैः । समत्येनैव वीक्षेत सपापहृदी भवेद्भुवम् ॥

लोग कहें तुममें नहै कभू जीव मति जोय । सदृश कृष्ण की हौं जु तुम आकृति प्रकृति जु सोय ॥
 आकृति करि देखें तुम्हें ब्रजपति नंदन जोय । पीत वसन करि वपुछटा दकि राखी है सोय ॥
 ज्यों कस्तूरी वसन सों बांधे दुरे न सोय । यों ईश्वर जु स्वभाव तुम दको जाय नहि जोय ॥
 है जु अलौकिक प्रकृति तुम बुद्धि अगोचर जोय । तुम्हें देखि जग मत्त भौ कृष्ण प्रेम करि सोय ॥
 नारी बालक बृद्ध औ कहा जवन चांडाल । एक बार जोई लहै दरसन तुव जु रसाज ॥
 कृष्ण नाम लै नाचई सो उन्मत्त जु होय । है आचारज जगत की करै कुतारथ सोय ॥
 दरसन की बातें रहें सुनै जु तुम्हरी नाम । कहै कृष्ण रस मत्त है तारे तीनी धाम ॥
 सुनि के तुम्हरे नाम कौ सुषुप्त सु पावन होय । है जु अलौकिक शक्ति तब कही जाय नहि सोय ॥
 तथाहि—

यज्ञामधेयश्रवणानुकीर्तनात् यत्प्रदृष्टान् यद्स्मरणादपि कश्चित् ।

स्वाद्दोऽपि सद्यः सधनाय कल्पते-कुलः पुनस्ते भगवन् दर्शनान् ॥

तथाहि—

नमोभक्त अतुर्वेदी मद्भक्तः स्वपचः प्रियः । तस्मैदेयं ततोऽप्राह्यं सच पूज्यो यथाह्वयम् ॥

है लच्छन जु तटस्थ तब यह जु महिमा जोय । करि स्वरूप लछन तब ब्रजपति नंदन सोय ॥

तिन सब लोकनि पर कियो प्रभु प्रसाद अभिराम । प्रेम नाम करि भक्त हैं लोग गए निज धाम ॥
 इहाँ भाँति अकर मधि रहै कितिक दिन सोय । कृष्ण नाम औ प्रेम दे निस्तारे सब लोय ॥
 पुरी गुसाई की जु सिध वही विप्र जो आहि । न्यौती करवायो जु तिहि मथुरा घर घर आहि ॥
 जितने मथुरा पुरी के द्विजवर सज्जन सोइ । आवे भट्टाचार्य दिग मिलि दस बीसक सोइ ॥
 एक द्वाँस मधि बीस दस न्योते आवे ताहि । भट्टाचार्य एक ही न्योती मानै आहि ॥
 अवसर पावत ताहि नें न्योते करिवें लोय । वही विप्र साधे जु नित लोक निमग्नन जोय ॥
 कान्यकुब्ज वैदिक जु द्विज दाक्षिणात्य पुनि जोइ । आय करें करि दीनता गौर निमग्नन सोय ॥
 प्रात समे अकर मधि करें पाक ते आय । सालग्रामदि अपि प्रभु भिन्ना देहि रनाय ॥
 एक दिना अकर के घाटहि पर सुख सार । बैठि महाप्रभु जू करें ऐसे कछू विचार ॥
 देख्यो श्री वैकुण्ठ की यही घाट अकर । दरस लखौ गोलोक की ब्रज वासी रस पूर ॥
 परै कृदि हतनौ जु कहि जल पर प्रेम अधीर । कितिक बार लौं महाप्रभु रहे बृद्धि मधि नीर ॥
 कृष्णदास लखि रोयकें करी पुकार सुनाय । प्रभु जु उठाए वेगही भट्टाचार्य आय ॥
 तबती भट्टाचार्य जू लैकरि द्विजवर सोय । करें जुक्ति मिलि के कछू बैठि इकाँसे जोय ॥
 हुती आजती मैं यहाँ प्रभुहि उठायो आहि । वृन्दावन में जो गिरें कौन उठावे ताहि ॥
 न्योति को जंजाल नित लोकनि के समुदाय । प्रभु आवेस रहे सदा भलौ न सो दरसाय ॥
 वृन्दावन ते काटिए जब प्रभु जू को जोय । तब ही मंगल होय गौ है अस जुक्ति जु कोय ॥
 विप्र कहै जु प्रयाग की चलिए प्रभु लै सोय । जैयें गंगा तीर पथ तबें महा सुख होय ॥
 पहिले गंगा न्हाइए सोरी तीरथ जाय । प्रभु की लै करिए गमन ताही पथ है धाय ॥
 माघ मास आव जु लग्यो अबही जैये जोय । स्नान जु मकर प्रयाग की पैयै वासर कोय ॥
 अपने कछु दुख की कहै प्रथम निवेदन ताहि । पहुँचें मकर प्रयाग की करिए सूचना ताहि ॥
 गंगा तट पथ की जु सुख दीजें तिन्हें जनाय । होइ होडी जन करें न्योते हित भरि भाय ॥
 प्रात समे आवे जु जन तुम की पावै नाहि । तुम धिन सबही लोग ये मेरे प्राननि खाहि ॥
 जो जैयें गंगा पथहि ती सुख होय निदान । अब चलिए ती पाइयें मकर प्रयाग स्नान ॥
 भयो चित्त उद्विग्न सो हमपै सही न जाय । आज्ञा प्रभु की होय जो सो सिर लेहि चढ़ाय ॥
 नहि प्रभु मन तजिबे जदपि वृन्दावन सुख ऐन । करिवे जन इच्छा तऊ कहै सु मथुरे बैन ॥
 दरसायो वृन्दावन जु तुम हम की छाँ लाइ । इहि निन की हमपै कछु पलटी कियो न जाइ ॥
 जो इच्छा तुमरे जु हिय हम करिहैं अब सोय । जहाँ हमें लै जाहु हम जहँ ह्माई जोय ॥
 प्रात समे श्री प्रभु कियो प्रात स्नान जु नेम । वृन्दावन तजि है सुमिरि भौ आवेस जु प्रेम ॥
 प्रभु की प्रेमाविष्ट मन है नहि बाध विचार । भट्टाचार्य कहै चली जाइ महावन पार ॥
 इनरी कहिके नाव पै बैठायो प्रभु जोय । लैके चले जु पार करि भट्टाचार्य सोय ॥

कृष्णदास प्रेमी जु श्री मथुरा की द्विज सोय । गंगा जैयें मार्ग के भेदी ये जन दोय ॥
 चले जात इक तरु तरें प्रभु सब की लै आहि । बैठे तहाँ जु सबनि के पथ की भ्रम अब नाहि ॥
 ताही तरु के निकट बहु चरें धेनु समुदाय । देखि तिन्हें प्रभु की भयो दूलभित मन अवगाय ॥
 तहाँ अचानक मुरलि इक गोप बजाई आहि । प्रेमावेश महा भयो प्रभु की सुनि के ताहि ॥
 होय अचेतन प्रभु गिरें धरनी पर रसरास । गिरें केन मुख नासिका भी अबरुद्ध जु स्वास ॥
 जहाजु तब ताही समें आयो दस असवार । उतरे जवन पठान वे घोरनि तैं तिहि वार ॥
 प्रभु की लखि के स्लेख वे मन में करें विचार । हुती पास या जती के सुवरन धन जु अपार ॥
 ये पाँचो बटवार हैं याहि भूतरी रुवाय । जती मारि डारी जु है सब धन लियी क्षिनाय ॥
 बाँध्यो पाँचो जननि की तब पठाननि जोय । सिर काट्यो जु चहै लगे सर्व काँपिने सोय ॥
 राजपूत निर्भय महा कृष्णदास वह जोय । माथुर द्विज निर्भय महा वचन महा इड सोय ॥
 विप्र कहैजु पठान तुम नृपहि दुहाई आहि । चली जाहि हम तुम निकट अधिकृत मंडल पाहि ॥
 हौं माथुर द्विज ए जती गुरु जु हमारे होय । पृथ्वीपति आगे सत कहै जु हमारे लोय ॥
 है जु व्याधि इहि जती के कष्ट मूरछा होय । पैहैं अब ही चेतना है है ज्ञान सु जोय ॥
 छिन इक हौं बैठो सबनि राख्यो बाँधि संभार । इन्हें पूछि के तुम तब हमें डारियो मार ॥
 कहै पठान जु पछिमा तुम जु साधु जन दोय । ठग तीनों जन गौडिया ए काँपत हैं सोय ॥
 कृष्ण दास तब कहै मम घर इहि ग्रामहि जोइ । कमनेतीसत दोय हौं असवार जु सत दोय ॥
 ऐसें सयहीं इही छिन जैहों करी पुकार । लूटि लैहिगे तुम सबनि और डारि हैं मार ॥
 नहीं गौडिया ठग तुही है बटमार जु सोय । लूटो पुनि मारन चहो तीरथ वासिन जोइ ॥
 सुनि तिनके मन में भयो भय संकोच विचार । लही चेतना देह की श्री प्रभु जू तिदिचार ॥
 उठे जु हरि हरि बोलिकें प्रभु जु करि हुंकार । नाचें ऊँचे भुजा करि प्रेमावेश अपार ॥
 प्रभु जू प्रेमावेश करि करें जब चिंवार । लागें जवननि के हिये जनी सेल की धार ॥
 छोड़े पाँचो जन तब जवननि भय जुत होय । प्रभु जू देख्यो नाहिने निज गए वंघन जोय ॥
 प्रभु बैठाए गहि तब भट्टाचार्य आय । प्रभु के बाध भयो निकट लखि जवननि समुदाय ॥
 आय जवन सब दूरितें पद वंदन किय ताहि । प्रभु के आगे कहै ये ठग पाँचो जन आहि ॥
 तुम की इन पाँचो जु मिल कनक खवायो सोय । करि के मतवारी तुम लीनो तब धन जोय ॥
 कहै जु प्रभु ए ठग नहीं है सम संगी लोय । भिन्नक सन्यासी नहीं कछुधन हमरे जोय ॥
 मृगी रोग मेरे कष्ट होय अचेतन ताहि । येई पाँचो दया करि करें जु पालन आहि ॥
 तिनही जवननि के जु मधि एक परमगंभीर । पहिरें कारे वसन तन लोग कहै तिहि पीर ॥
 भीजी ताकी हृदय श्री प्रभु की दरसन पाय । निराकार थापे वृहत मत निज शास्त्र उठाव ॥
 तानें अद्वय वाद सो थापन कीनी जोइ । तिहीं शास्त्र की जुक्ति करि प्रभु किय खण्डन सोइ ॥

जोई जोई कसौ तिहि प्रभु सब खंड्यो आहि । भयो महाजड उत्तर जु आवै नहि मुख ताहि ॥
 कहै जु प्रभु तुव शास्त्र मधि निर्विशेष जो आहि । थाप्यो है सविशेष करि खण्डन करिकें ताहि ॥
 अन्त तुम्हारे शास्त्र कौ कसौ एक प्रभु जोय । पूरण सब ऐश्वर्य करि स्याम कलेवर सोय ॥
 सतचित आनंद देह तिहि पूरण ब्रह्म जु रूप । सर्वात्मा सर्वज्ञ नित है सर्वादि स्वरूप ॥
 सृष्टि स्थिति और प्रलय पुनि होइ तिहीं तें जोइ । स्थूल सूक्ष्म सब जगत कौ है जु आश्रय सोइ ॥
 कारण कौ कारण जु हैं श्रेष्ठ सर्व आराध्य । है भव तरिवा जीव कें तिहीं भक्ति करि साध्य ॥
 तिहि नेवा विन जीव कें जाय नही संसार । तिन के पद मधि प्रीति जो है पुरुषार्थ सार ॥
 आनंद मोक्षादिक जिते है जु एक कण जाहि । पूरण आनंद प्राप्ति पद पंकज सेवन ताहि ॥
 कर्म ज्ञान अरु योग करि आगे थापन जोइ । थाप्यो फिरि सब खण्डि कें तिहि प्रभु सेवन सोइ ॥
 तुमरे सब ही पण्डितनि नहीं शास्त्र कौ ज्ञान । पूरव अरु पर विधि जु मधि है पर विधि बलवान ॥
 देखो अपने शास्त्र में तुम करिकें जु विचार । निरने करिकें अन्त में कहा लिखो है सार ॥
 कहै जवन जो तुम कसौ है जु सांच ही सोइ । लिखो शास्त्र में है तऊ जानि सकै नहि कोइ ॥
 निराकार गोसांइयां लये करै व्याख्यान । सेव्य गुसांइयां रूप जुत नहि काहु तिहि ज्ञान ॥
 हो जु गुसैया ईस बड तुम साक्षात ही सोइ । मोपै कृपा करौ जु तुम दीन अजोग्य हि जोइ ॥
 जवनशास्त्र में बहुत ही देखे करि जु विचार । वस्तु साध्य साधन जु कौ सकौ न करि निरधार ॥
 कहै तुम्हें लखि जीम मम कृष्ण नाम रसखान । हों सब में ज्ञानी वडौ गयो यहै अभिमान ॥
 मो सौ साधन साध्य तुम कहा कृपा करि जोइ । प्रभु जू के चरननि गिरयो इतनौ कहिकें सोइ ॥
 कहै जु प्रभु उठि तें लियो कृष्ण नाम करि चाय । कोटि जन्म कौ पाप गौ भयो पवित्र बनाय ॥
 कृष्ण कृष्ण कहु कृष्ण कहु कियो तिन्हें उपदेस । सब ही कृष्ण कहै सवनि भयो जु प्रेम विशेष ॥
 रामदास कहिके प्रभु किय ताकी अभिधान । एक पठान जु आय तिहिं विजुरी खान सुनाम ॥
 राजा कौ जु कुमार सी अल्प वयस है जोहि । हैं पठान पीरादि दै सब ही सेवक ताहि ॥
 पर्यो जु प्रभु के चरण मधि कृष्ण कृष्ण कहि सोइ । श्रीप्रभु जू श्रीचरण दिय तिहि माथे पर सोइ ॥
 करि जु कृपा तिन सवनि पर चले गौर अभिराम । वे पठान सबही भये बैरागी तजि धाम ॥
 तिहि पठान वैष्णव जु कहि भई ख्याति जग जोय । कहै जु सबठां गाय कें भभु की कीरति सोय ॥
 मोई विजुरी खान हुब महा भागवत आहि । सब तीरथ कीने महंत सब ठां भयो जु ताहि ॥
 ऐस लीला करत हैं प्रभु श्री हरि चैतन्य । कीने पछिम आय कें जवनादिक सब धन्य ॥
 स्नान कियो गंगाहि मधि प्रभु जु सोरो आय । गंगा तट पथ ह्वे कियो गमन प्रयागहि धाय ॥
 कृष्णदास अरु तिहि द्विज हि दइ विदा प्रभु जोइ । जोरि हाथ दोऊ जने कहन लगे यों सोय ॥
 हम दोऊ जु प्रयाग लौं जेहै तुमरे संग । तुम पद संग सुख जु यहै कहा पाइयें रंग ॥
 म्लेच्छ देस कोऊ कहूँ करै कभूँ उतपात । भट्टाचारज सरल अति कहि नहि जानें बात ॥

सुनि कें श्री प्रभु जू कछु लागे हसिबे जोइ । आये चलि श्री गौर कें संग सोय जन दोय ॥
 जिन हीं जिन हीं जन लहौ प्रभु कौ दरसन जोइ । प्रेम भरे नाचै करै कृष्ण कीरतन सोइ ॥
 तिन के संग करि और अरु आन संग करि ताहि । भये वैष्णव इंदी विधि देस प्राय सब आहि ॥
 ज्यों प्रभु दक्षिण जात किय शक्ति प्रकासजु भाय । इहि विधि पछिम देसमय प्रेमहि दिये बहाय ॥
 इहि भांति आये जु चलि प्रभु प्रयाग के तीर । मकर स्नान कियो तहां दस दिन गंगानीर ॥
 बुंदावन कौ गमन जो प्रभु कौ चरित अनंत । सहस वदन हूं जा सकौ पावै नाहिन अंत ॥
 सुद्र जीव हूं कें कहा हों कहि सकौ जु ताहि । करिकें दिग दरसन कछु कसौ सूत्र करि आहि ॥
 लीला प्रभु हि अलौकिकी लोक रीति नहि जोइ । भाग्य हीन कें मुनें हूं तिहिं प्रतीत नहि होय ॥
 आदि अंत लौं गौर कौ चरित अलौकिक जान । भट्टा करिकें सुनीं जन याहि सत्य करि मान ॥
 जोई तर्क करै इहां मूर्ख नृप है सोइ । अपने शिर मधि आप हीं डारै वज्र हि जोय ॥
 चरित विरीचैतन्य कौ अमृत सिंधु यह आहि । जगत मगन आनंद निधि करै एक कन जाहि ॥
 श्री जु रूप रघुनाथ के चरण कमल जिहि आस । चरितामृत चैतन्य कौ कहै कृष्ण कौ दास ॥
 रूप सनातन जगत हित सुवल स्याम पद आस । सोप्रभु चरितामृत लिखैं ब्रजभाषाहि प्रकास ॥

इति श्री चैतन्य चरितामृते मध्यखण्डे श्रीबुंदावनदर्शनं नाम अष्टादस परिच्छेदः

उनविंशपरिच्छेदः

बुंदावनीयां रसकेलिवार्ता कालेन लुप्तान्निजशक्तिमुक्तः ।

संचार्य रूपे व्यतनोत्पुनः सः प्रभु विंधौ प्रागिव लोकसृष्टि ॥

जय जय श्री चैतन्य जय जय श्रीनित्यानंद । जय अद्वैत हिमांशु जय प्रभु भक्तनि के बृंद ॥
 रामकेलि ग्रामहि जु मधि रूप सनातन दोय । श्रीप्रभुको मिलिकें गये भवन आपन सोय ॥
 विषय त्याग कौ जतन किय दोऊ भाइन जोय । दै बहुधन दै द्विजन कौ कीनी वरन जु सोय ॥

कवित्त

कराये कृष्णमन्त्र के पुरश्चरन विधि जु तिन्हौ ताही मन्त्र की पुरश्चरन करयो है ।
 इहै अभिलाष वेगि प्रभु पद प्राप्ति होय देखौ गौरचंद रूप सोई हिये अरयो है ।
 रूप श्री गुसांई तव कछु मिस करि आये निजगेह लैकें धन एक नौका भरयो है ।
 ताके द्वै विभाग किये दिये द्विज भक्तनि कीं दियो घर एक राज दंड हेत धरयो है ॥

शोहा

तिहि धन कौ तव रूप जू चौधो बांट जु सोय । भले भले विग्रन भवन धरी धरोहर जोय ॥

कवित्त

मुद्रा श्री सहस्र दस सनातन के खरच हेत गौडदेस राखी करिकें विचार है ।
 गुसाईं भी रूप सुनी लीलाचल गये प्रभु वनपथ हैं कै जेहैं ब्रज रस सार है ।
 सुनी द्विज दोष तहां भेजे तब वन कों पधारें प्रभु हमें तब दीजियें संभार है ।
 सुनिकें उचित जोई करि है व्योहार सोई तौ लीं श्री सनातन हूं ऐहैं निरधार है ॥
 इहां श्री सनातन जू मन में विचारें यहै बंधन हमारी करै राजा नेह अति है ।
 कीजिये विचार सोई जामें याकें क्रोध होय तब तौ स्वतंत्र हैं कै करैं निज गति है ।
 करि व्यवसाय यहै बैठे घर आय मिस रोग कौ बनाय छाड़ि राजद्वार कृति है ।
 कचहूँ न नृप द्वार जाई और काज करे आप घर बैठे रहै हियें कृष्ण रति है ॥
 बीस तीस पण्डित लै शास्त्र की विचार करैं धरैं हियें सोई कहाँ श्रीशुक विचार है ।
 और राजा एक जन संग आय कियो तहां औचक प्रवेस इन सभा के मभार है ।
 देखि नृप संभ्रम सौं उठे श्रीगुसाईं दियो आसन पै बैठो बोल्यो नीति अनुसार है ।
 भेजो हम वैद्य तुम पास तिन कही हमें रोग कौ न लेस कीनी मिस निरधार है ॥
 जितौ राजकाज सब हाथ हो तिहारौ तुम ताहि छाड़ि बैठि रहौ सो तौ नास भयो है ।
 कहा है तिहारे मन ताहि क्यों कही बेगि पूछी जब राजा तिन्हों ऐसैं कहि दयो है ।
 अब तौ तिहारौ नेकु हम सौं न होय काज और सौं कराव लेहु सुनि क्रोध छयो है ।
 कोप नृप फेरि कहै तेरो बड़ो भाई तिन देस धन नास कियो चोर कर्म लियो है ॥
 इहां तौ हमारी तुम राजकाज खोयो सब उहां बड़े भाई कियो देस सब नास है ।
 बोले श्रीसनातन जू ईश्वर स्वतंत्र तुम जाकौ अपराध जैसो देहु फल तास है ।
 यह सुनि क्रोध छयो राजा निज गेह गयो जानि भजि जैहैं बांध्यो राखे जन पास है ।
 मारण उडीसा देस जब चढ़्यो तब कयो इन्हें संग लैकें चलैं तोपे सुख रास है ॥
 इन्हों तब कही दुख देन देवतान चले तुम तौ तुम्हारे संग शक्ति न हमारी है ।
 तिन्हों बांधि राजा चन्यो इहां लीलाचलतें जु महाप्रभु ब्रजके सु जैवे की विचारी है ।
 तब द्विज दोष वेहैं भेजे हैं श्रीरूप जेई आय तिन्हों कही बात यहै सुख कारी है ।
 सुनत ही पत्र इन्हों लिख्यो श्री सनातन कौ इन्दावन चले प्रभु भयो चैन भारी है ॥
 चलैं हम दोनों भाई तिन के मिलन हेत ऐहो तुम जैसे तैसे आप कौ छुटाय कै ।
 मुद्रा उहां अपुत मुदी धरी तिन्हें दैकें ताहि जा ता भांति छूटि ऐहो इन्दावन धाय कै ।
 ऐसैं लिखि पत्र आप तीर्थराज आये श्रीवल्लभ हैं अनुज तिन्हें संग लै सहाय कै ।
 तहां सुनी महाप्रभु आये इहां हर्ष पाय कहै धाय जाय देखें पद सीस नाचकैं ॥

प्रभु चलि आये हैं तबै माधव दरसन काज । आवैं प्रभु के मिलन हित लाखन लाख समाज ॥
 रोवैं कोऊ हँसै पुनि नाचै गावैं कोप । कृष्ण कृष्ण कोऊ जु कहि लोटे धरणी जोय ॥
 गंगा जमुना नहि सकी देस प्रयाग बुढाय । कृष्ण प्रेम धाराहि मधि प्रभु सब दिये बहाय ॥
 दोऊ भाई भीर लखि रहे इकौसे होय । प्रभु के प्रेमावेश भौ माधव दरसन जोय ॥
 नाचैं प्रेमावेश करि प्रभु हरि धुनि अधिकाय । हरी हरी बोलौ कहै उनी बांह उठाय ॥
 प्रभु महिमा लखि लोककें चमत्कार अधिकाय । प्रभु लीलालु प्रयाग मधि वरनन करीन जाय ॥
 दानिगान्य इक बिप्र संग हैं प्रभु परचैं जोय । प्रभुहि ले गयो न्यौतिकें अपने घर द्विज सोय ॥
 बैठे द्विज घर आय कै प्रभु जु इको से होय । आय रूप वल्लभ तहां प्रभु कौ मिले जु दोष ॥
 दोऊ दसननि बीच धरि पुंज तृणनि के दोइ । प्रभु जू कौ लखि दूरतें परे दंडवत होइ ॥

कभूँ भूमि गिरें कभूँ उठें फेरि धीर धरि रजोक नाना दीनता के पदें बार बार है ।
 देखि प्रभु दयासिंधु हियें बड़ी चैन पाय बोले मुदु बेंन नैन भीजे जलधार है ।
 उठी उठी रूप तुम आये भली भई सकैं कहि कौन कृपा कृष्ण अति ही उदार है ।
 विपै कृप में तें काहे तुम दोऊ जन बांह गहि लाये प्रभु हियें ये ती दवे भार है ॥
 पाल्ले कछू कृष्ण कथा करी मिलि दोऊनि सौं ता में महाप्रभु जू के प्रेमावेश भयो है ।
 ताही में कृपा कै आप पाद पद्म सीस धर्यो देखि प्रभु दया दोऊ हियें प्रेम छयो है ।
 हाथ जोरी दीन हैं कै लागे स्तुति करिवे कौ बडे ई दयाल तुम प्रेम दान दीयो है ।
 महामोह मत्त जीव ताहि प्रेम मत्त कियो निजरस प्यायो जातें रोग मिटि गयो है ॥

तथाहि—

नमो महाप्रदान्पाय कृष्णप्रेमप्रदायिने । कृष्णाय कृष्णचैतन्यनाम्ने गौरविवे नमः ॥

तथाहि—

जोऽज्ञान मत्तं सुवनं दयालुरुद्धापयज्जप्यकरोत् प्रमत्तं ।

स्वप्रेमसम्पत् सुधयाद्भुतेऽहं श्रीकृष्णचैतन्यममुं प्रपद्ये ॥

कृपा करि प्रभु जू बैठाये ये समीप दोऊ तब श्री सनातन की पूछी सब बात है ।
 इनी तब कही बेतौ बंधे राजा कारागृह आप ही उधारी तबैं हूँ है कुशरात है ।
 कहें प्रभु छूटें वे तौ बेग ही हमारे पास ऐहैं रस भीजें दैं कै विज्ज सिस लात है ।
 सुनि यह बात दुख लेस सोऊ दूर भयो आनंद बढ़्यो है सोतौ गात में न मात है ॥

भट्टाचारज दुहुनि कौ कियो निसन्वन जोय । प्रभु कौ सेस प्रसाद विव भाइन पायो सोय ॥
 करिवे कौ मध्यान द्विज प्रभु सौं कयो जु आहि । रूप गुसाईं तिहि ठां रहै दौस जो ताहि ॥
 प्रभु वसिये की ठौर जो बेंनी ऊार सोय । किय निवास भाई दुहुनि प्रभु समीप ही जोय ॥
 रहे अड़ेला ग्राम में वल्लभ भट तिहि काल । प्रभु आये सुनि ठांव तिहि आये सो ततकाल ॥

कियौ दंडवत भट्ट किय प्रभु आलिंगन ताहि । कृष्ण कथा दुहुं जन जु मधि भई कछुक छिन आहि ॥
 कृष्ण कथा कहि गौर के उमग्यौ प्रेम सु हीय । करि संकोच हि भट्ट के प्रभु संवरन जु कीय ॥
 अंतर उमगनि प्रेम की दुरे न क्यौ हू आहि । भयौ जु बल्लभभट्ट मन चमत्कार लखि ताहि ॥
 श्री प्रभु की तब भट्ट ने कियौ निमन्त्रण जोय । ताहि मिलाये महाप्रभु तब ये भाई दोय ॥
 दोऊ भाई भूमि पर परे दूरिते जोय । भट्ट हि कीनें दंडवत अति ही दीन जु होय ॥
 जाहि भट्ट तिन मिलन हित भजे दूरि ये दोइ । मै पामर अस्पृश्य हौं छुवो न मोकों जोइ ॥
 अचिरज भयौ जु भट्ट के प्रभु के आनंद हीय । तब ती प्रभु जू भट्ट सीं तिनको विवरन कीय ॥
 परसो जिनि इन कीं जु ये है जु जाति अतिहीन । वैदिक जातिक हौं जु तुम और कुलीन प्रवीन ॥
 वदन निरंतर दुहुनि के कृष्णनाम सुनि आहि । भट्ट कहै प्रभु की कछु हिय भंगी अवगाहि ॥
 कृष्णनाम इन के वदन नृत्य करत है जोय । ये तो अधम न ही जु हैं सब में उत्तम सोय ॥

तथाहि—

अहो वत स्वपचतो गरीयान् यजिह्यामेवर्तते नाम तुभ्यं ।

तेपुस्तपस्ते लुहवुः सस्तु राक्षसाः शत्रान्चु नाम पृथन्ति ये ते ॥५॥

सुनि के प्रभु जू ने करी बहुत प्रसंसा ताहि । प्रेम मगन है के लगे पटन पदय यह आहि ॥

तथाहि—

शुचिसङ्गिहीनान्ति इयं दुर्जातिकमपः । स्वपाकोऽपि कुपैः श्लाघ्यो न वेदज्ञोऽपि नास्तिकः ॥२॥

भगवद्भिहीनस्य जातिः शास्त्रं जपस्तपः । अप्राणस्त्वैवदेहस्य सरदनं लोकरजनम् ॥ ६ ॥

प्रभु की प्रेमावेस लखि भक्ति सार सु प्रभाव । रूपादिक लखि भट्ट के अचिरत हुव हिय भाव ॥
 प्रभु की गणपुत भट्ट तब नौका पर जु चढ़ाय । लैके निज घर कीं चले भीला हित करि चाय ॥
 यमुना जू की जल निरखि स्याम चौकनीं जोय । प्रभु जू प्रेमावेस करि भये मत्त अति सोय ॥
 जहनु के जल में गिरे प्रभु जू करि हुंकार । प्रभु की लखि सब की भयौ हिय भय कंप अपार ॥
 जैसे तेमैं सबनि मिलि प्रभु जू लिये उठाय । नाचन लगे जु गौर हरि नौका पर भरि भाय ॥
 नौका प्रभु के भार करि हगमगाय अधिकाय । हवन लागी नाव जल भरि आयौ छलकाय ॥
 जघपि आगे भट्ट के प्रभु धीरज मन होय । दुर्निवार उड्डट तऊ प्रेम दुरे नहीं सोय ॥
 देस पाव लखि गौर के जब धीरज हुव जोय । नौका घाट अडेल के तब ही उतरी सोय ॥
 करवायी मध्यान्ह इहि भय करि भट्टसु संग । आयौ प्रभु की संग लै निज घर हिय भरि रंग ॥
 दिपौ भट्ट आसन परम अति आनंदित होय । आपन प्रभु जू की कियौ पद प्रछालन जोय ॥
 धारपी मस्तक जल बई भट्ट वंस जुत आहि । बहिवास कीपीन तब पहिराई प्रभु ताहि ॥
 करी महापूजा हुनुम पूष दीप सुवास । पाक करायी मान्य करि भट्टाचारज पास ॥
 भीचा करवाई प्रभु दि नेह जतन करि जोइ । भोजन करवायी सु फिरि रूप अनूज निहि सोइ ॥

महाचारज रूप कीं दीपौ प्रभु अवसेस । कृष्णदास पायी तब सो प्रसाद तिहि सेस ॥
 दे मुखवास महाप्रभु हि सवन करायी सोय । संवाहन प्रभु चरन की करे मड निज जोय ॥
 तबहि पठायी महाप्रभु भोजन करिवैं ताहि । प्रभु समीप आये जु सो भोजन करिकैं ताहि ॥
 तिहिं समै जु उपाध्याय रघुपति आये जोय । पंण्डित वड़े तिरोहिती भक्त महासय सोय ॥
 तिन्हौं आय कीनीं तब प्रभु पद वंदन जोय । रहो कृष्ण रति कृष्ण मति कहै जु प्रभु जू सोय ॥
 भयौ उपाध्या की हियौ सुनि आनंदित आहि । वर्णन करी जु कृष्ण की रीं प्रभु क्यौं जु ताहि ॥
 निजकृत हरिलीला जु की पद्य पढी यह जोय । आगे कहु प्रभु वचन सुनि क्यौ उपाध्याय सोइ ॥

तथाहि—

श्रुतिमपरे स्मृतिमपरे भारतमपरे भजन्तु भवभीताः । अहमिदं तन्वं वन्दे यस्वातिन्दे परं ब्रह्म ॥६॥

तथाहि—

कं प्रति कथायितुमीशे संप्रति कोवा प्रतीतिमावातु । गोपविक्रमया कुंजे गोपबन्धुं द्विटं ब्रह्म ॥७॥

सुनि प्रभु जू के भी महा प्रेमावेस जु हीय । तब उपाध्या रघुपति हि नमस्कार प्रभु कीय ॥
 कहै जु प्रभु बोली पडैं ते हरिलीला भाय । प्रभु की प्रेमावेस करि तन मन अति अकुलाय ॥
 रघुपति के प्रभु प्रेमलखि अचिरज भयौ अपार । नहि मनुष्य ए कृष्ण है कीनीं यह निरधार ॥
 गौर कहै रघुपति जु तुम उत्तम मानौं काहि । परम रूप है स्याम की कहै उपाध्या ताहि ॥
 स्याम भक्त के वासगृह उत्तम मानौं काहि । पुरी मधुपुरी श्रेष्ठ गृह कहै उपाध्या ताहि ॥
 शिशु पींगण्ड किशोर वय उत्तम मानो काहि । ध्यान योग्य कैशोर वय कहै उपाध्या ताहि ॥
 भलौ तत्व सिखयी हमें कहै महाप्रभु सोय । पडैं प्रेम गद गद सुरहि पद्य इती कहि जोय ॥

तथाहि—

स्याममेव परं रूपं पुरी मधुपुरीवरा । वयःकैशोरकं ध्येयमाण एव परो रसः ॥८॥

कियौ महाप्रभु प्रेम करि आलिंगन तिहि धाई । तेऊ नाचन लगे है प्रेम मत्त अधिकाई ॥
 भयौ जु बल्लभ भट्ट हिय लखि अचिरज अधिकाय । डारे दोऊ तनय तब प्रभु के चरणनि न्याय ॥
 आय जन सब ग्राम के दरसन के हित चाय । प्रेममत्त सब ही भये प्रभु के दरसन पाव ॥
 करें निमन्त्रण गौर कीं तहां सर्व द्विज सोइ । बल्लभ भट्ट तब तहां करें निवारण जोइ ॥
 परे प्रेम उन्माद करि प्रभु जमुना के माहि । इन्हैं प्रयाग चलाइहैं रहन दैहि या नाहि ॥
 जिहिं इच्छा जु प्रयाग में कीजी न्यौती जाय । इतनी कहि प्रभु कीं जु ले गमन कियौ प्रभु पाय ॥
 प्रभु बैठाये नाव मधि गंगा पथ कीं जोय । आये भट्ट प्रयाग कीं लै प्रभु जू कीं सोय ॥
 दशारथमेव हि जाय प्रभु लोक भीर भय भार । शिखा करै जु रूप कीं करि जु शक्ति संचार ॥
 कृष्णतत्व औ भक्ति की तत्व भक्तिरस जोय । प्रेम भागवत फलित जो सब ही सिखयो सोय ॥

सुन्यौ जितौ सिद्धांत प्रभु रामानंद पै जोइ । करि जू कृपा श्री रूप पर सब संचार्यौ सोइ ॥
प्रभु श्रीरूप हिये जु मधि करि जु शक्ति संचार । सब तत्व के कथन मधि किये प्रवीन उदार ॥
शिवानंद के पुत्र कवि कर्ण पूर है जोय । दुहुनि मिलन निज ग्रंथ मधि प्रगट लिख्यौ है सोय ॥

तथाहि चैतन्यचन्द्रोदय नाटके—

कालेन वृन्दावनकेलिवार्ता लुप्तेति तां स्थापयितुं विशिष्य ।

कृपासूतेनाभिषिपेच देवस्तत्रैव रूपञ्च सनातनञ्च ॥६॥

तत्रैव श्रीरूप अनुग्रहोदया—

रः प्रागेव प्रियगुणगणैर्गाढबद्धोऽपि मुक्तो, गेहाध्वासाद्रस इव परो मूर्त्त एवाप्य मूर्त्तः ।

मेमालापैर्दृतरपरिष्वंगरैः प्रयागे तं श्रीरूपं सममनुपमेनानुजग्राह देवः ॥१०॥

तत्रैव शक्तिसंचारो यथा—

प्रियस्वरूपे दयितस्वरूपे प्रेमस्वरूपे सहजाभिरूपे ।

निजानुरूपे प्रभुरेकरूपे तनान रूपे स्वविलासरूपे ॥११॥

कर्णपूर कवि यौ लिख्यौ ठांव ठांव ही जोय । जैसे रूप सनातनहि करी कृपा प्रभु सोय ॥
तिन प्रभु के जु बड़े बड़े जितने भक्त जु मात्र । रूप सनातन सवनिके कृपासु गौरव पात्र ॥
कोऊ देशहि जाइ ती लखि वृंदावन आहि । पूछे प्रभु के पारपद गण सब ही मिलि ताहि ॥
कहाँ तहाँ कैसे रहै रूप सनातन दोइ । कैसे है वैराग्य औ कैसे भोजन होय ॥
अष्टयाम कैसे करें भजन कृष्ण कौ जोय । तब प्रशंसा करि कहै बात भक्तजन सोय ॥

कवित्त—

वृंदावन भूमि छवि देखि भूमि गिरि कभू उठे फिरि प्रेममत्त सुधि न शरीर है ।
एक एक वृत्त तर एक दिन वास करें देखें कव राधाकृष्ण यहै जिय पीर है ।
करवा कौपीन एक बहिरास संग राखें भाखे हरिनाम सदा वहै नैन नीर है ।
जिते सुख भोग रोग तिनको न ठौर रही हिये अति भई कृष्णभक्ति रस भीर है ॥
द्विव गृह भीचा कभू माधूकरी चर्वन सौ उदरहि भरै कभू करें उपवास है ।
अष्टयाम नाम मुख कभू कृष्ण कथा कहै भक्ति रस शास्त्र लिखै कभू रस रास है ।
चारि दंड सेन करें भाव पगे ताहुँ समे कृष्णलीला मानसी के हिय में प्रकास है ।
प्रिया प्रिय धाम जिते आंखिन निहारि तिते किये है प्रगट सब जुगल प्रकास है ॥

दोहा—

कई कथा चैतन्य की कभू हिये भरि भाय । करें चितवन गौर कौ कहि प्रसंग करि चाय ॥
होय महानि की यहै सुनिके अति सुख सोइ । जिनपै कृपा सुगौर की तिनके अचिरज कोइ ॥

आप लिखी है रूप जू कृपा गौर की सोइ । भक्ति रसामृत सिंधु के मंगल मुख ही जोइ ॥
तथाहि—

हृदि यस्य प्रेरणया प्रवर्तितोऽहं वराकृत्योऽपि । तस्य हरेः पदकमलं बन्धे चैतन्य देवस्य ॥१२॥
इही भांति दस ग्रौस प्रभु रहि जु प्रयाग उदार । श्री रूपहि सीचा दई करि जु शक्ति संचार ॥
सुनौ रूप हरि भक्ति रस लक्ष्य कहै उदार । सूत्र रूप कहि पै कियौ जाय नहीं विस्तार ॥
है अथाह रससिंधु सो पारावार न जाहि । कहियै तुम्हरे स्वाद हित कछुक एक कन ताहि ॥
भर्यौ अनंतनि जीवगण इह ब्रह्माण्ड विलास । चौरासी लक्ष जोनि मधि भ्रम जीव कालवस ॥
केस अग्र सत भाग इक तिहि शतांश फिरि जोय । तिहि सम सूक्ष्म जीव है भरि ब्रह्माण्डहि सोय ॥
तथाहि—

केशाग्रशतभागस्य शतधाकल्पितस्य च । जीवः सूक्ष्मस्वरूपोऽयं संख्यातीतो हि चित्कणः ॥ १३ ॥

थावर जंगम तिहूँ मधि दोय भेद ये आहि । निरजक जल थल चरजु ये भेद जंगमहि ताहि ॥
तिहूँ मधि अति अलपतर जाति मानुषी जोइ । तिहि मधि आधे जवन पुनि बौद्ध मील है सोइ ॥
वेद निष्ठ मधि अर्द्ध इक वेद सख करि मान । निगम निसिध्य जु पाप सब करें धर्म नहि जान ॥
धर्माचारी मध्य बहु तप औ कर्म हि निष्ठ । कर्मनिष्ठ कोटिकनि मधि एक जु ज्ञानी सिष्ट ॥
कोटिक ज्ञानी मध्य हं एक मुक्तजन कोय । दुर्लभ कोटिक मुक्त मधि कृष्णभक्त इक सोय ॥
कृष्णभक्त निष्काम सो ताही तें है सांत । भुक्ति भुक्ति औ सिद्धि के काम सब जु असांत ॥
तथाहि—

मुक्तानामपि सिद्धानां नारायणपरायणः । सुदुर्लभः प्रशान्तात्मा कोटिष्वपि महामुने ॥ १४ ॥

भ्रमत भ्रमत ब्रह्मांड मधि जीव भाग्य जुत कोय । भक्तिलता बीजहि लहै गुरु हरि कृपा जु कोय ॥
बोवे ताही बीज कौ है करि माली जोय । श्रवन कीरतन नीर करि सींचै ताही सोय ॥
उपजि लता वाड़े जगत अंडभेदि सब जाय । ब्रह्मलोक विरजा उलंघि फिरि वैकुण्ठ हि जाय ॥
तब तिहि पर गोलोक पुनि वृंदावन मधि जाइ । कृष्ण चरण युग कल्पतरु तिन पर सो लपटाय ॥
फल प्रेमफल फैलि सो तिह सुरतरु के तीर । दां माली सींचै सदा श्रवण कीरतन नीर ॥
जो हरिजन अपराध पुनि उठे मत्त मातंग । खोदि तोरि डारें लतहि एक जाइ तिहि अंग ॥
यातें माली जतन करि करें वारि चहुंवाहि । ज्यौ अपराध मतंग कौ होय उठन ही नाहि ॥
जो ताकी अंग और हू उपशाखा उपजाहि । मुक्ति भुक्ति की चाह लागि है तिन संख्या नाहि ॥
छल छिद्र जु पापाचरण जीव विहंसनि आहि । लाभ प्रतिष्ठादिक जु औ उपसाखा गण जाहि ॥
सींचै जल कौ पान करि उपसाखा बढ़ि जाहि । थकित मूलसाखा जु है बढ़ि पारें नाहि ॥
करिये उपसाखा प्रथम छेदन कौ जु उपाय । बढ़ि जु मूल साखा तब श्री वृंदावन जाय ॥
परि प्रेम फल पक करि माली स्वादहि ताहि । माली लता अवलंब करि पारें सुरतरु आहि ॥
तहां कल्पतरु कौ करें सेवन नित प्रति सोय । करें जु सुख सौ प्रेम फल आस्वादन सब जोय ॥

तथाहि—

अदासिद्धिब्रजविजयिता सत्य धर्मा समाधि ब्रह्मानन्दो गुरुरपि चमत्कारयत्येव तावत् ।

यावत्प्रेम्णा मधुरिपुवशीकारसिद्धौषधीनां, गन्धोप्यन्तः करण सरणी पान्थतां न प्रयाति ॥ १५ ॥

सुद्ध भक्ति हीतें हियें प्रेम प्रकास जु होय । याही तें तिहिं भक्ति कौ करिये लछन जोय ॥
पूजा चाहसु औरकी तत्रिपुनि कर्म अरु ज्ञान । सब इन्दिय करि कृष्णकौ अनुसीलन हित जान ॥
सुद्ध भक्ति यह इही तें प्रेम भक्ति हिय होय । पंचरात्रि अरु भागवत किय लछन यह जोय ॥
तथाहि नारद पंचरात्रे—

सर्वोपाधि विनिर्मुक्तं तत्परत्वेन निर्मलं । हृषीकेण हृषीकेशसेवनं भक्तिरुच्यते ॥ १६ ॥

तथाहि श्री भागवते—

अहेतुक्य इवविता या भक्तिः पुरुषोत्तमे । सालोक्य साष्टि सामीप्य सारण्यैकत्वसंयुत ॥

हीयमानं न गृह्णन्ति विना मत्सेवनं जनाः । स एव भक्तियोगाख्य आत्यन्तिक उदाहृतः ॥ १७ ॥

तथाहि—

मुक्ति मुक्ति स्पृहा यावत् पिशाची हृदि वर्तते । तावद्भक्तिसुखस्यात्र कथमभ्युदयो भवेत् ॥ १८ ॥

मुक्ति और पुनि मुक्ति की हियें चाह जो होय । प्रेमा साधन किये हूं उपजै ताहि न सोय ॥
साधन भक्तिहि जो हियें उदै करै रति जोय । वहै गाढ़ रति होय जब प्रेम नाम तिहिं सोय ॥
वहै प्रेम ज्यों ज्यों वहै क्रम करिये तिहिं नाम । होय सनेह जु मान पुनि फेरि प्रणय अभिराम ॥
राग वहै अनुराग पुनि वहै भाव फिरि होय । वहै दशा आरुह हूं महाभाव पुनि सोय ॥
जैसे पहिले बीज हूं वहै ईख पुनि होय । वहै होय रस गुड जु पुनि खंड सार हूं सोय ॥
वहै फेरिकें सर्करा सिता जु मिश्री आहि । सितापला सब ते अधिक होय नाम फिर ताहि ॥
येई सब हरिभक्ति रस कहै स्थाई भाव । स्थाई भाव हि मधि मिलै जो विभाव अनुभाव ॥
सान्विक संचारी जु पुनि भावनि सौ मिलि सोइ । परम अमृत आस्वाद सौ कृष्ण भक्ति रस होइ ॥
जैसे दधि मिश्री जु घृत सहित मिरच कर्पूर । मिलै रसाला होत है अमृत मधुर रस पूर ॥
भक्ति भेद ते भेद रति होय पंच विधि सोय । प्रथम सांत रति दास्य रति और सख्यरति जोय ॥
वत्सल रति अरु मधुर रति पंच भेद ये आहि । कृष्ण भक्ति रस पंच विधि होय भेद रति ताहि ॥
सांत दास्य पुनि सख्य रस वत्सल मधुर जु नाम । कृष्ण भक्ति रस मध्य ये पंच मुख्य अभिराम ॥
दास्य और अद्रुत जु रस वीर करुण पुनि सोय । गेह्र और बीभत्स रस फेरि भयानक जोय ॥
कहै जु पंच प्रकार के कृष्ण भक्ति रस जोय । तिनही मधि ये होत है गीण सप्त रस सोय ॥
रहै व्यापि रसभक्ति हिय पंच स्थाई भाव । सप्तम गुण आगंतुक जु होय सु कारण पाव ॥
सांत भक्त योगेन्द्र नव अरु सनकादिक चार । दास्य भक्त ये सर्व ठां सेवग गण जु अपार ॥
श्रीदामादिक सख्य जन पुनि भीमार्जुन सोइ । मात तात वात्सल्य जन गुरु जन जितने जोइ ॥
भक्त मधुर रस सूर्यार्द्र गोपीगणजो आहि । महिषी गण लचमी जु गण गणनि असंख्या जाहि ॥

यहै कृष्ण रस फेरि कें होय प्रकार जु दोय । ईस ज्ञान मिश्रा जु एक और केवला सोय ॥
ब्रज मधि रति है केवला हीन ईसता ज्ञान । पुर ई चैकण्णदि मधि है ऐश्वर्य प्रवान ॥
ईस ज्ञान मुख्या जु ते होय संकुचित प्रीति । माने नहि लखि ईसता यहै केवला रीति ॥
सांत दास्य रस कौ कहै उदीपन प्रभुताहि । वत्सल सख्य जु मधुर कौ करै संकुचित आदि ॥
देव कि अरु वसुदेव के पदबंधन हरि कीय । ईस ज्ञान करि दुहुनि कें भयो जु मय तिन होय ॥
तथाहि—

देवकी वसुदेवश्च विज्ञाय जगदीश्वरी । कृतसंयन्दनी पुत्री सख्यजाते न शक्ति ॥ २० ॥

विस्वरूप लखि कृष्ण कौ भौ अर्जुन भय आहि । सख्यभाव की ईसता चमा बराई ताहि ॥
तथाहि गीतायां—

सखेति मत्वा प्रसभं यदुक्तं हे कृष्ण हे पादव हे मत्सेति ।

अज्ञानता महिमानं तवेदं मया प्रसादान् प्रणयेन वापि ॥ २१ ॥

रुकमणी सौ श्रीकृष्ण जू कियो जव परिहास । कृष्ण छादि है जानि यह रुकमणि कें भौ ब्रास ॥
तथाहि—

तस्याः सुदुःखमयशोक-विनष्टबुद्धे हृत्तान् श्लथद्वलयतो व्यजनं पपात ।

देहश्च विकलवधियः सहसैव मुह्यन् रम्भेय वात विहता प्रविकीर्य केशान् ॥ २२ ॥

केवल सुद्ध जु प्रेमिजन जाने ईस न गंध । देखे ऊ ऐश्वर्य सो माने निज संबन्ध ॥
तथाहि—

त्रय्या चोपनिषद्भिश्च सांख्ययोगैश्च सात्वतैः । उपगीयमानमाहात्म्यं हरि सामान्यतात्मजम् ॥

तं मत्वात्मजमव्यक्तं मत्स्यैल्लगमधोलजम् । गोपिकोलखले दान्ता-वयन्ध प्राकृतं यथा ॥ २३ ॥

कृष्ण निष्ठता बुद्धि की रूप सांत रस सोइ । सम जु बुद्धि में निष्ठता बचन कृष्ण यह जोइ ॥
तथाहि गीतायां—

समो मन्निष्ठता बुद्धे रिति श्रीभगवद्भवः । तन्निष्ठा दुर्घटा बुद्धेरतां शान्ति रति विना ॥ २४ ॥

तृष्णा त्याग जु कृष्ण विन मानि कार्य तिहि सोय । याही तें हरिभक्ति एक शान्त जानिये जोय ॥
स्वर्ग मोक्ष कौ नरक सम माने हरिजन जोय । हरि निष्ठा तृष्णा समित गुण जु सांत के दोय ॥

तथाहि—

नारायण पराः सर्वे न कुतश्चन विभ्यति । स्वर्गापवर्गनरकेष्वपि तुल्यार्थदर्शिनः ॥ २५ ॥

व्यापे सब ही भक्तजन मध्य ये जु गुण दोय । जैसे नभ कौ शब्द गुण और भूत गण होय ॥
सांतरस हि जु स्वभाव हरि मधि ममता गंध हीन । परब्रह्म परमात्मा ज्ञान मध्य परवीन ॥
सुद्ध स्वरूप जु ज्ञान जो सांत रस हि मधि होय । पूर्ण ईस प्रभु ज्ञान जो अधिक दास्य मधि होय ॥
ईस ज्ञान करि अति प्रचुर संश्रम गौरव होय । सेवा करि कें कृष्ण सुख देहि निरंतर सोय ॥
गुण जु सांत कौ दास्य मधि है सेवन अधिकाय । याही तें है दास्य रस मधि गुण विवि इहि भाय ॥

ममता गुण जो शान्त को दास हि सेवन जोइ । कृष्ण सख्य रस के तु मधि है ये ऊ गुण दोइ ॥
 है सेवा रस दास्य मधि संभ्रम गौरव रूप । सो सेवा रस सख्य मधि है विश्वास स्वरूप ॥
 नई चढ़ावें अंस पर करे सुद सुखरास । हरि सेवें निज सेवन हि करवावें तिहि पास ॥
 है विधम प्रधान सखि संभव गौरव हीन । याही ते है सख्य रस मध्य चिन्ह गुण तीम ॥
 ममता अधिक तु कृष्णमधि है अपने सम ज्ञान । याही ते रस सख्य के है अधीन भगवान ॥
 है वत्सल मधि सांत गुण दास हि सेवन जोय । तिही तु सेवन की इहाँ नाम सु पालन होय ॥
 असंकोच गुणसख्य की और अगौरव सार । ममताधिकता न करै और खिजन न्यीहार ॥
 जाने पालक आप की पान्य कृष्ण मधि ज्ञान । वामे चारों रसनि के गुण सो अमृत समान ॥
 भक्त सहित आपन भगन तिहि अमृतानंद आहि । प्रभुता ज्ञानीगण कहैं गुण तु भक्त वस ताहि ॥
 तथाहि—

इतीहक न्वलीलाभिरानंदकुरते स्वर्गोपनिमज्जन्तमाख्यापयन्तम् ।

सदीयेतिशयोक्तेषु भक्तै र्वित्तत्वं पुनः प्रेमवत्स्वां शतावृत्ति र्वन्दे ॥

कृष्ण मुनिप्या मधुर रस सेवा अतिषय आहि । असंकोच सखि लालन सु ममता अधिक सु ताहि ॥
 ज्यों गुण आकासादि के पर पर भूतहि जोय । एक दोय त्रय क्रम तु करि भूमि तु पांचो सोय ॥
 समाहार सब भाव की इहि विधि मधुरहि होय । याहीते आस्वाद अति करै तु अचिरज सोय ॥
 यह भक्तिरस की किर्यो दिग दरसन हम आहि । करी भावना हृदय मधि करि विस्तारहि चाहि ॥

ऐसे करि सिल्या प्रभु कहैं हम करघी ताकी भावना करत कृष्ण बेगि हिय आय हैं ।

कृष्ण कृपा ऐसी जाते अज रस पार पावें ऐसे कहि लिये रूप हिय सी लगाय हैं ॥

प्रात प्रभु चले कासी विन करि कही इन्ही चले हम संग निज आप आजा पाय हैं ।

आपकी विरोग पल एक हूँ न सही जाय तिर्यो जीली पिये मुख माधुरी अघाय हैं ॥

कई गौर करनी तुम्हें वचन हमारी जोय । जाओ वृंदाविपिन तुम हों समीप ही सोय ॥
 इन्दावन हूँ के हूँ तुम गौड देस मधि जाय । ऐही हम मी मिलन हित लीलावल मधि धाय ॥
 निनकी आलिंगन तु करि चढ़े नाव प्रभु सोय । पर तहांई रूप जू धरनि मूरछित होय ॥
 दाचिगान्य द्विज निज घरहि लैकें गयी तु ताहि । तब दोऊ भाई चले वृंदावन की आहि ॥
 चले चले श्री गौर प्रभु आवे कासी आहि । मिले आय ससिगेश्वर जू ग्रामहि बाहिर ताहि ॥
 विनहूँ सुधन लखी तु निमि आवे प्रभु निज थाम । प्रात समे ही आय के रखी बाहिर ग्राम ॥
 देखि अचानक गौर की करघी चरण मधि धाय । आनदित हूँ निज घरहि लै आयी करि भाय ॥
 आप प्रभु के मिलन की तपन मिश्र मुनि सोय । इष्ट गोप्टी करि किर्यो प्रभु की न्यीती जोय ॥
 बीचा कलवाई तपन प्रभु की निज घर लाइ । न्यीती भट्टाचार्य की किय ससि सेखर बाइ ॥
 बीचा मिश्र कराइ के करै तु भरि प्रभु पाय । बीचा मार्गी एक मुदि देहु कृपा करि भाय ॥

जब लौं तुमरी गौर प्रभु कासी मधि धिति होय । बीचा मेरे मेह विन कहैं न करि हो सोय ॥
 पांच सात रहि है दिवस जानि गौर हिय माहि । बीचा संग जतीनके कहैं तु करि है नाहि ॥
 यहै जानि तिहि वचन की कीनी अंगीकार । ससि सेखर के घर कियौ बसिबे की निगार ॥
 महाराष्ट्र द्विज आय के प्रभु की मिली तु आहि । नेह प्रकाश्या गौरहरि करि के कृपा तु ताहि ॥
 आये मुनि के गौर हरि सिष्ट सिष्ट जन जोय । द्विज छत्री सब आय के करै तु दरसन सोय ॥
 प्रभु जैसे श्री रूप पर करी कृपा निरधार । लिखी तु यह संक्षेप करि कथा तु अति विस्तार ॥
 यह लीला जो जन सुने श्रद्धा करि के कोइ । प्रेम भक्ति चैतन्य पद मधि पावें जन सोइ ॥
 रूप सनातन चरण की जाके हिय मधि वास । चरितामृत चैतन्य की कहैं कृष्ण की दास ॥
 रूप सनातन जगत हित सुवल स्याम पद आस । प्रभु चरितामृत सी लिखैं ब्रज भाषा दि प्रकास ॥

इति श्री चैतन्यचरितामृते मध्यखंडे ब्रजभाषायां श्री रूपानुग्रहो नाम कविविराति परिच्छेदः ॥

विंशति परिच्छेदः

चन्देऽनन्ताद्भुतैरवस्थै श्रीचैतन्यमहाप्रभु । नीचोऽपि वत्सलादात्स्वान् भक्तिलासप्रवर्तकः ॥

जय जय श्री चैतन्य जू जय श्री नित्यानंद । जय अद्वैत हिमांसु जय प्रभु भक्तनि के बुंद ॥

हैं खां श्री सनातन जू राजगृह वंध तिहीं समे रूप जू की चीठी पहुंची सु आय के ।

देखि के प्रसन्न भये गये ता जवन पाम जाके है अधीनता सो कही ऐसे जाय के ।

तुम्हें निज धर्मशास्त्र देखे सबनी की भांति तहां ठौर ठौर लिखो यही समझाय के ।

कोऊ जन एक वंदी धन दै छुटावै ताहि करै है गुनैया मुक्ति भवते छुटाव के ॥

जब है समर्थ हम कीने उपकार तुम छोड़ि हमें दीजे यह अति उपकार है ।

मुद्रा ये सहस्र पांच लीजे पुन्य लाभ शोनी कीजे मुनि के जवन बोल्पी यी विचार है ।

मुनी महासय तुम्हें छोड़ें ऐं रात्रभय नाती छोड़ि देते याही जिन निरधार है ।

इन्हीं कही मय जिन करी गयी दक्षिण की उलटि जी ऐं नाहि कहिपी सुधार है ॥

देह कृत्य हंत वह गंगा नीर गयी इती वृद्धो तहां दृढो जल तऊ नहि पायी है ।

मय जिन करी इहाँ देस में न रही ब्रस दरवेस मकाहज जाइवो सुहायी है ।

तऊ न प्रसन्न देख्यो मुद्राले सहस्र सात आगे धरी बाके तब देखि लोभ आयी है ।

बेरी पग काटि गंगा पार करि दिये निमि राजपथ छोड़ि चले भयी मन भायी है ॥

रेन दिन चले चले आये ए पनोडा गिरि रहै एक भूमिपाल तासी कही जाय के ।

हुती सीनी बाके तिन कान लगि कही इह पास स्वर्ण मुद्रा आठ ऐसे समझाय के ।

पर्वत के पार करि देहु सुनि चोलीयों वह करि सनमान हिये अति सुख पाय कैं ।
 रही आबु सीधो लेहु राति तुम्हें पार करौ देहों तुम संग लोक अपने उठाय कैं ॥
 ऐसैं कहि अन्न दियो बहु सनमान कीयो नदी न्हाय आय पाक कीनीं जु सुधार है ।
 हुते प्रती दो दिना के भोजन कौं बैठे जब एतो राज मंत्री तातैं कीनीं यों विचार हैं ।
 अति सनमान इन काहे कौं हमारौ कीयो पूछी तब सेवक सौं करि निरधार हैं ।
 तोपें कछु है गौ धन ऐसैं सुनि चोलीयों वह अचिरज तब भयो भय हूं अपार हैं ॥
 मुद्रा सात पास कही लई तब जानि इन्हौ चोलीये खिजि वासीं यह काल संग जानिये ।
 सातों हाथ बीच लै कैं गये बाके पास तब आगें धरी बोले सुनि विनती सु मानियें ।
 राजवंदी वाम तातें सुधे भग जाहि कैसैं बडौ धर्म है है गिरि पार करौ छानियें ।
 मुहरे हमारे पास सात निन्हौ लेहु धर्म देखि हमें पार करौ यहै जिय आनियें ॥
 सुनि वह हस्यौ में तो पहिलैं ही जानी हुती मुद्रा आठ बंधी तुव सेवग के पास है ।
 लेते तुम्हें मारि राति भली भई कही तुम पाप तें में छुट्यो भयो हिय में हुलास है ।
 लेहु नहीं द्रव्य पुन्य हेत पार करौ सुनि तब इन्हौ कीयो जानि वचन प्रकास है ।
 जीव दान दै कैं धन करौ अंगीकार तुम नहीं लैहैं और कोऊ हमें करि नास है ॥
 तब उन भूमिपाल चारिजन संग दै कैं वनपथ हूँ कैं करि दिये गिरि पार हैं ।
 पार भये पाछे इन्हौ पूछी उनि सेवग सौं कछु धन सेस तुव पास निरधार हैं ।
 कही उन एक मुद्रा रही तब कहें इन्हौ लै कैं बाही देस जावौ मेरी यों विचार है ।
 ऐसैं कहि विदा कीनीं चले इकलेई या में वृन्दावन जायवे कौ सिख्यौ प्रकार हैं ॥
 करवा लै हाथ एक फर्यौ वास निर्भय हूँ चले चले हाजीपुर श्री गुसाईं आये हैं ।
 इन कौ बहिनोई तहां रहैं श्री कान्त नाम करै राज काज तिन चोरा भगवाये हैं ।
 बंटी सो अटा के पर जात हैं उद्यान बीच देखे श्री गुसाईं तिहि यह सुख पायै हैं ।
 मन में कियो विचार अचिरज हूँ कैं पुनि कौन कारज के हित एसो वेश लयै हैं ॥

लोहा

आपों इन कैं निकट सो दिसि कौं इक जन संग । इष्ट तु गोष्ठी मिलि करी दोऊ जन करि रंग ॥
 करि कैं बहु सनमान तिहि पूछी सब जब आहि । छुटिवेकी सब ही कथा कही गुसाईं ताहि ॥

रही दिन दोय इहां करी मद्र बेस नीकें मलिन वसन अंग सौं तो दूरि कीजिये ।
 इन्हौ तब कही एक छिन हूं न रहैं इहां चलै हम अरु गंगा पार करि दीजिये ।
 तब तिन जल करि दीनीं मोट एक भेट दीनीं करि पार तब चले रस भीजिये ।
 दण्ड में किलेक कासी पहुंचे ये आय तहां सुनी प्रभु आये अब नैन फल लीजिये ॥

तब प्रभु सुने चंद्रसेखर के गेह बैठे तहां श्री सनातन जू बैठे द्वार आय कैं ।
 जानि प्रभु गये तब चंद्रसेखर सी बोले द्वारें भक्त बैठ्यो ताहि लीजिये बुलाइकैं ।
 आये दूरि द्वार तहां भक्त कोऊ देख्यो नाहि कही चंद्रसेखर जू प्रभु कौ सुनाइकैं ।
 कही प्रभु कोऊ बैठ्यो कही दरवेश एक बोले प्रभु ताहि लावौ वेगि तुम भाइकैं ॥
 तिन्हौं तब कही जाय तुमकां बुलावै प्रभु सुनि उठि चले बढ्यो आनंद अपार है ।
 दूर ही तें इन्हें देखि आगें दूरि आये प्रभु हीये सी लगायें रही नेकुन सम्हार है ।
 प्रभु के परस एक प्रेम बूढ़े कंठ सुर भंग अंग कंप नैन बहै नीर धार है ।
 बोले श्रीसनातन जू अंग मेरी छियौ जिनि अति ही अशुचि पाकौ नाहि अधिकार है ॥
 कण्ठ सौं लगाय कंठ मिले दोऊ रंग लैकैं देखि चंद्रसेखर चकित अति भये हैं ।
 इनकां पकर हाथ भीतर लै गये प्रभु बैठे निज पास लैकैं हियें सुख छये हैं ।
 श्रीकर कमल करि अंग तिहिं पीछे जब छियौ जि न कई ये जु दीनता सँ नये हैं ।
 यातें हम मिलें तुम्हें हम हूं पवित्र हों दि कयो प्रभु ऐसैं एतौ लाज दवि गये हैं ॥

तुम ही जातें अति परम कृष्णभक्त बलवान । सब ब्रह्माण्ड पवित्र करि सकौ यहै जु प्रमान ॥

तथाहि—तीर्थी कुर्वन्ति तीर्थानि स्वान्तस्थेन गदाभुतेति ॥२॥

तथाहि—

नमो भक्तअतुल्यैर्दी मद्भक्तः स्वपत्न प्रियः । तस्मै देयं ततो पाद्यं सच पूज्यो यथाश्रयम् ॥३॥

तथाहि—

विप्रादिषडगुणयुतादरविन्दनामपादारविन्दविमुखान् स्वपत्नं वरिष्ठं इति ॥४॥

तुम्हें परिसिये देखिये करिये तुव गुणगान । सब इन्द्रिय कौ फल यहै कही शास्त्र परिमान ॥

तथाहि हरिभक्ति सुभोदये—

अचणोः फलं त्वादृशदर्शनं हि तन्वाः फलं त्वादृशशास्त्रसंगः ।

जिह्वाफलं त्वादृशकीर्तनं हि सुदुर्लभा भागवता हि लोके ॥ इति ॥५॥

इतनी कहि प्रभु कहैं फिरि सुनौ सनातन जोय । बड़े कृपामय कृष्ण हैं पतित सु पावन सोय ॥
 जिन्हौं महा रीख जु तें किय तुमरौ उद्धार । कृष्ण कृपा के उदधि हैं अति गंभीर अपार ॥
 कहैं सनातन कृष्ण हम नहि जानत हैं आहि । मानें कारण तुव कृपा हमें उद्धार्यौ जाहि ॥
 कैसैं तुम छूटो जु कहु प्रभु जू पूछ्यो जोय । और छोरते सब कथा तिन्हौ सुनाई सोय ॥
 तपन मिश्र बड महाशय अरु शशि सेखर जोय । मिले सनातन दुहुन कौ प्रभु निरचै मन सोय ॥
 तपन मिश्र जू ता ममें कियो निमन्त्रन सोइ । जाहु सनातन प्रभु कहैं छोर करावो जोइ ॥

चंद्रसेखर हि ता समें प्रभु जु क्यो बुलाय । दूर करावौ वेष यह जाहु इन्हें लै धाय ॥
भद्र कराय तबै कियो स्नान सुरधुनी आहि । शसिसेखर जू आनि कैं नयो वसन दिय ताहि ॥
सो यह वसन सनातन जु कियो न अंगीकार । सुनिकें प्रभु जू कैं दिये भौ आनंद अपार ॥
भीचा हित मध्पान्द करि गौर कृष्ण अभिराम । लैकें संग सनातनहि गये मिश्र के धाम ॥
चरण धोय बैठे जु प्रभु भीचा हित करि नेह । देहु प्रसाद सनातनहि क्यो मिश्र सौ यह ॥
मिश्र कहै जु सनातनहि है सु कृत्य कछु आहि । भीचा करौ प्रसाद तुम पाछे देंहैं ताहि ॥

कवित्त

भीचा करि तबै मदाप्रभु जु विश्राम कियो मिश्र प्रभु जू कौ पात्र शेष इन्हें दीयो है ।
और पाछे मिश्र एक नयो वस्त्र भेट कियो लियो नही इन्हो ताहि हाथ हूं न छिपौ है ।
बिने करी मिश्र सौ जु जीर्ण दियो चाहौ मोहि अपनी प्रसादी दीजे सुखी करौ हियो है ।
दीनी निज धोती मिश्र लैकें श्रीगुसाई तब ताकी कौपीन ओ बहिर्वास जुग कियो है ॥
द्विज महाराष्ट्र सो जु इनकी मिलायो प्रभु बोन्यो श्रीगुसाईजी सौ करि बिने अति है ।
जौलो तुम कासी रहौ भोजन हमारे करौ सुनिकें गुसाई बोले रंगी स्याम मति है ।
करि है मपूकरी न एक घर भित्ता लैहि दिये है हमारे यह और नाहीं रति है ।
देखि निरवेद इन आनंद अपार प्रभु भोट और चहै कहै दिये रोग हति है ॥
इन्हो तब जानी यह प्रभु मन मान्यो नहि लगे करिवे कौ ताको स्याम कौ उपाय है ।
गंगा न्हायवे कौ गये तहां ही विरक्त एक गूदरी कौ धोय तिन दीनी जु सुलाय है ।
तासी इन कही भाई पाहि हमें देहु लेहु भोट सुनि बोन्यो बड़ मुख मुसिकाय है ।
हैं कैं बड़े प्रमानीक करौ तुम हांसी छोड़ दैकें अति तुछ बहु मूल्य कैसैं पाहै है ॥
इही कही हास्य नाही ताते हमें देहु तुम ऐसैं कहि लीनी वह भोट ताहि दयो है ।
मन में प्रसन्न हँकें आये प्रभु पास तब पूछी भोट कहा भयो कहाँ कैसैं गयो है ।
कही सब इन्हो तब बोले मदाप्रभु सुनौ पहिले हमारे दिये यह सोच भयो है ।
इही रोग सेस ताहि सहिदै वै कृष्ण कैसैं दया करि जिन्हो तुम्हें विषै रोग हयो है ॥
कोऊ रस वैद्यराज जैसे रोग नास करै रहै ताकी लेम सेस ताकी ताकी लाज है ।
भोट बहु मूल्य थोदि मागें जो मपूकरी कौ हमें लोक धर्म नास होय यौ अकाज है ।
ये जु कहै जिनी विषै भोग रोग दूर कियो तिनही कौ इच्छा सौ जु गयो सेस आज है ।
सुनि के प्रसन्न भये कृपा करि सक्ति दीनी कीनी प्रश्न जानें भयो जीवन कौ काज है ॥
जैसे पहिले राय सौ करी प्रश्न प्रभु आहि । रामानंद उतर दियो तिन्हें शक्ति करि ताहि ॥

प्रश्न जु यौ प्रभु शक्ति करि करै सनातन जोय । आपुन श्री प्रभु जू करै तत्त्व निरूपन सोय ॥

तथाहि—

कृष्णस्वरूपमाधुर्यैर्यथैवमक्तिरसावयम् । तत्त्वं सनातनायेशः कृपयोपदिशेत् ॥२॥

प्रभु जू के चरणनि परे तबै सनातन धाय । करै वीनती दैन्य करि लै नृग दंत उठाय ॥
नीच जाति संगी जु दिय तिन अधम हीं जोय । विषयकृप गिरि आनु सीं जन्म गँवायो सोय ॥
अपनी हित औ अहित कछु नहि जानत हीं आहि । पण्डित जग व्यवहार मधि साँची मान्यो ताहि ॥
जौ मेरो तुम कृपा करि कीनी है उद्धार । आप कृपा करि ती कही मम कर्तव्य विचार ॥
कौन जु हम क्यो हमें त्रय ताप जरावै जोय । यह नाही जानौ हम कहा किये हित होय ॥
साध्य जु साधन तत्व जो पूछि न जानौ ताहि । तबै तत्व आपुन कही करि कैं कृपा जु आहि ॥
कहै जु प्रभु है हरि कृपा तुम पै पूरण जोय । सर्व तत्व जानी जु तुम नहि न ताप त्रय सोय ॥
कृष्ण शक्ति धरि कैं जु तुम जानौ तत्व जु भाव । जाने पूछै दाख हित यह साधु जु सुभाव ॥

तथाहि—

सदमंस्थाविरोधाप येषां निर्वर्तयित्री मतिः । अचिरादेव सर्वार्थः सिद्ध्यत्येषामनीप्सितः ॥३॥

जोग्यपात्र हो तुम बड़े भक्ति प्रचारण काज । कहै जु तुम सौ सुनौ सब क्रम करि तत्व समाज ॥
है स्वरूप यह जीव कौ सदा कृष्ण कौ दास । शक्ति तटस्था कृष्ण की भेदाभेद प्रकास ॥
तपन किरन कन ज्यौ अग्नि ज्वाला माला जोय । स्वाभाविक प्रभु शक्ति जो शक्ति त्रय यह होय ॥

तथाहि विष्णुपुराणे—

एकदेशस्थितस्याग्ने ज्वरित्वा विस्तारिणी यथा । परम्य त्रयणः शक्तिलयेदमजितो जगत् ॥४॥

तथाहि तत्रैव—

शक्तयः सर्वभाषानामचिन्त्यज्ञानगोचराः ।

बतोऽनोज्ञाणस्तास्तु सर्गाद्याभावशक्तयः । भवन्ति तपतां श्रेष्ठ पावकस्य यथोपलता ॥५॥

तीन शक्ति परिणति जु ये स्वाभाविक प्रभु ताहि । चिच्छक्ति जु मायाशक्ति जीवशक्ति पुनि आहि ॥

तथाहि तत्रैव—

विष्णुशक्ति परा प्रोक्तेति श्लोकः ॥६॥

अस्तरेयमित्यन्वयां प्रकृतिं विद्धि मे पराम् । जीवभूतां महाबाहो यथेवं धार्यते जगत् ॥७॥

तदुक्तं—

यथाचेत्रजशक्ति सा वेष्टिता नृषः सर्वगः । संसारतापानखिलानवाप्नोत्यत्र संवतान् ।

तथा त्रयोदिवन्वाक्य शक्तिः सेव्यसंज्ञिता । सर्वभूतेषु भूपाल वारतस्येन वर्तते ॥८॥

जीव अनादि बहिर्मुख जु कृष्ण भूति सो जोय । याही तैं माया जु तिहि दे भव कौ दुख सोय ॥
कभू चढ़ावै स्वर्ग पुनि चोरै नरक मभार । देख जन हि जैसे नृपति दुबवै नदी दि धार ॥

एषादशे—

भवं द्वितीयाभिनिवेशतः स्वादीशादपेतस्य विपर्ययोऽस्मृतिः ।

सन्माययातो तुष आभजेत् भक्त्यैकवेशं गुरुदेवतात्मा ॥१३॥

शास्त्र साधु की कृपा करि जब हरि सनमुख होय । वहै जीव निस्तरे तिहि छोड़े माया सोय ॥

गीतायां च—

सामेव ये प्रपद्यन्ते मायामेतां तरिन्त ते ॥१४॥

माया जड जीव हि नहीं आपु हि तें प्रभु ज्ञान । कीयें जीव पर कृपा करि कृष्ण जु वेद पुराण ॥

शास्त्र गुरु आत्मा रूप आप ही जनावैं कृष्ण वाता प्रभु मेरे ज्ञान होय जीव के यहैं ।

वेद और शास्त्र सब संबंध औ अभिधेय पुनि औ प्रयोजन जो इन्हीं तीन की कहैं ।

संबंध प्राप्य कृष्ण औ पायवेकों द्वार भक्ति नाम अभिधेय प्रेम है प्रयोजन यहैं ।

सर्व पुरुषार्थ जिते तिन की सिरोमणि है प्रेम धन महा जीव कृष्ण की कृपा लहैं ॥

सेवानंद की प्राप्ति कौं हरि माधुर्य्य उपाय । करै कृष्ण बस कृष्ण रस आस्वादन अधिकार्य ॥

पाकौ है दृष्टांत ज्यो मेह रंग के आहि । सर्वज्ञाता आप लखि दुखी जु पूछें ताहि ॥

तु काहे तें दुखित है धन घर मधि तुव तात । जीव तज्यौ तिहि औरठां कही न तोसी बात ॥

कहैं बचन सर्वज्ञ की तिहि धन को उद्देश । जीव हि वेद पुराण यौ करै कृष्ण उपदेस ॥

सर्वज्ञाता बचन कौ मूल द्रव्य अनुबंध । सर्वशास्त्र उपदेस कौ श्री कृष्ण जु संबंध ॥

है धन पितु की जानि ही नहि पावे धन चाय । तव सर्वज्ञ है जु तिहि पैवै को सु उपाय ॥

हैं ही ठिकाने धन जु है खोदि है दक्षिण सोय । भ्रमराली उठि है तहां नहि धन पै है सोय ॥

पश्चिम खोदेगो तहां एक यच्छ है सोय । धन जु हाथ नहि परैगो विधन करैगो जोय ॥

उत्तर खोदेगो जु है कारो अजगर जोय । धन नहि पैहैं खोदतें सब की दसि है सोय ॥

तिहि पूरव दिसि अलप लहैं माटी खोदत वार । धन को सब थैली जु तुं कर परि है निरधार ॥

कहैं शास्त्र यौ कर्म औ ज्ञान जोग तजि आहि । होय कृष्ण बस प्रेम करि भजी भक्ति करि ताहि ॥

तथाहि श्री भागवते—

न साधयति सा योगो न सांख्यं धर्म उद्वह । न स्वाध्यायस्तपस्यागो यथा भक्तिर्ममोज्जिता ॥१५॥

गीतायां—

भक्त्याहमेकया प्राज्ञः अद्वैतात्मा प्रियः सताम् ॥१६॥

पाही तें हरि प्राप्ति की भक्ति उपाय जु आहि । वेद शास्त्र गावे सब कहि अभिधेय जु ताहि ॥

धन पाये सुख भोग फल पावत हैं जिहि भाय । फल सुख भोग भये सहज दुःख आप भजि जाय ॥

तैं फल है भक्ति की हरि मधि प्रेम प्रकास । कृष्णास्वाद जु प्रेम करि भये होय भवनास ॥

फल नाहिन धन प्रेम के दारिद्र्य भवनास । भोग प्रेम सुख मुख्य यै है सु प्रयोजन तास ॥

वेद शास्त्र सम्बन्ध अभिधेय प्रयोजन कीन । कृष्ण कृष्ण की भक्ति औ प्रेम महाधन तीन ॥

शैवादिक सब शास्त्र की कृष्ण मुख्य सम्बंध । तिहि ज्ञान हि अनुसंग करि जाय जु मायाबंध ॥

तथाहि हरिभक्ति सुधोदये—

व्यामोहाय चराचरस्य जगतस्ते ते पुराणागमा स्तां तामेव हि देवतां परमिकां जल्पन्तु कल्पावधि ।

सिद्धान्ते पुनरेक एव भगवान् विष्णुः समस्तागम व्यापारेषु चित्तेन व्यवतिकर्तुं नीतेषु निर्धीयते ॥१७॥

गौण मुख्य विविधुति करि कै अन्यय व्यतिरेक । यहै प्रतिज्ञा वेद के कहैं कृष्ण की एक ॥

तथाहि श्री भागवते—

किं विधत्ते किमाचष्टे किमनूय विकल्पयेत् । इत्यस्या हृदयं लोके नान्यो मद्देव करचन ॥ १८ ॥

तथाहि तत्रैव—

मां विधत्तेऽभिवत्ते मां विकल्प्यापोहते हृदम् ॥१९॥

हरि जु स्वरूप अनंत अति है वैभव जु अपार । चिच्छक्ति जु माया शक्ति जीव शक्ति विस्तार ॥

परमव्योम ब्रह्माण्डगण शक्ति काजहैं सोय । निज शक्तिहि तिहि कार्यके हरि सब आश्रय जोय ॥

तथाहि—

दशमे दशमं तत्त्वमाधिताम्रधिमहम् । कीदृक् यदुकुलान्भोधी परानन्दसुरीयते ॥ २० ॥

सुनो सनातन कृष्ण कौ अव जु स्वरूप विचार । अद्वय ज्ञान जु तत्व सो श्री ब्रजराज कुमार ॥

सर्व आदि अंसी जु तहां वहै किशोर शिरमौर । चिदानंद वपु आश्रय सब के ईश्वर मौर ॥

तथाहि ब्रह्मसंहितायां—

ईश्वरः परमः कृष्णः सच्चिदानन्दविग्रहः । अनादिरादिर्गोविन्दः सर्वकारणकारणम् ॥२१॥

कृष्ण स्वर्य भगवान को गोविंद दूजौ नाम । सर्व ईश्वरता पूर्ण जिहि गोलोक जु निज धाम ॥

तथाहि श्री भागवते—

एते चांश कलाः पुंसः कृष्णस्तु भगवान्स्वर्यं । इन्द्रादियानुलं लोकं मृदयन्ति पुगे पुगे ॥२२॥

ज्ञान जोग हरि भक्ति औ त्रय साधन बस आहि । ब्रह्म आत्मा ईश्वर जु त्रिविध प्रकास जु ताहि ॥

तथाहि श्री भागवते—

वर्दति तत्त्वविदस्तत्त्वं यज् ज्ञानमद्वयम् । ब्रह्मेति परमात्मेति भगवानिति शब्दते ॥२३॥

ब्रह्म कांति तिहि अंग की निराकार परकास । चर्म चक्षु कौ भानु कौ ज्यो ज्योतिर्मय भास ॥

तथाहि ब्रह्मसंहितायां—

यस्य प्रभा प्रभवतो जगदण्डकोटि कोटिष्वेकेष्वितिरलोकः ॥२४॥

परमात्मा जोऊ वहै एक कृष्ण कौ अंस । आत्मा के आत्मा जु है कृष्ण सर्व अचंतस ॥

तथाहि श्री भागवते—

कृष्णमेतमवैहि त्वमात्मानमखिलात्मना ॥२५॥

तथाहि गीतायां—

विष्टव्याहमिदं कृत्स्नमेकांशमे स्थितो जगत् ॥२६॥

भक्ति जु करि भगवान की अनुभव पूरण रूप । एक हि विग्रह कृष्ण के है जु अनंत स्वरूप ॥

स्वयं रूप तदेकात्म रूप श्री आवेस नाम प्रथमही तीन रूप रहे भगवान हैं ।
स्वयं रूप की स्वयं प्रकास दीप रूप विधि स्वयं रूप एक कृष्ण गोपवेश वान हैं ।
प्राभव वैभव रूप द्विविध प्रकास आदि लक्षण सुनी तु अब कहिये बखान हैं ।
एक वपु बहु रूप रास मधि भये जैसे महिषी विवाह मधि भये तु प्रमान हैं ॥

सबै शास्त्र परि सिद्ध यह कौनी लक्षण तास । दुई और श्री कृष्ण की है प्रभाव तु प्रकास ॥
सौभाग्यादिक ली नही काव्युह न सोय । काव्युह भये नही नारद विषमय होय ॥
कथाहि श्री भागवते—

चित्र बनेतदेकेन वपुषा युगपत् पृथक् । मुदेपु इष्टमादम् विषय एक उदाहृत ॥२०॥

सोई वपु वह आकृति ज्यौ न्यारी तिहि भास । भाव वेश करि भेद तिहि वैभव नाम प्रकास ॥
कृष्ण प्रकास अनंत तिहि नाहिन मूर्ति भेद । आकृति वर्ण तु अस्त्र के भेदहि नाम विभेद ॥

कथाहि तत्रैव—वह मूर्त्येक मूर्तिकमिति ॥२०॥

है वैभव तु प्रकास ज्यौ हरि की श्री बलराम । वण भाव ही भेद सब कृष्णाहि सम अभिराम ॥
है वैभव तु प्रकास ज्यौ तनय देवकी जोय । कवहू द्विभुज स्वरूप सो कवहू चतुर्भुज होय ॥
जिहि सम हैं द्विभुज सो वैभव नाम प्रकास । होय चतुर्भुज तिहि समै प्राभव नाम विलास ॥
स्वयं रूप के गोप की वेश गोप अभिमान । वासुदेव के वेश है शत्रिय ही यह ज्ञान ॥
सुन्दरता माधुर्य प्रभुता वैदग्ध्य विलास । श्री ब्रजराज कुमार मधि इन की अधिक प्रकास ॥
जिहि माधुरि लास होत हिय वासुदेव के लोभ । निज माधुरि के स्वाद हित हियमें उपजत लोभ ॥
जैसे चारन नृत्य लखि मधुरा के मधि सोय । डारावनि मधि करि ज्यौ चित्र विलोकन जोय ॥
कथाहि—

कृतीर्णाद्रुत माधुरीपरिमलम्पामीरलीलस्य मे, द्वैतं हन्त समस्यन्मुहुरसी चित्रीयते चारणः ।

चेतः केतिकुन्दलोचनलितं सर्वं समे मामकं, यम्य प्रेक्ष्य मरुपतां ब्रजवधूसाहस्यमन्त्रिचक्षति ॥२१॥

कथाहि कलिपूर्व इत्यादि ॥२०॥

माने आकृति कहु पृथक् बई तु वपु अभिराम । भेद भाव वेशाकृति हि तदेकात्म तिहि नाम ॥
तदेकात्म रूप हि तु द्वै भेद स्वांस तु विलास । स्वांस विलासहि भेद करि विविध भेद परकास ॥
प्राभव वैभव भेदकरि दीप प्रकास विलास । भेद विलास विलास के हैं अनंत विधि तास ॥
वासुदेव संकर्षण तु है प्राभव तु विलास । प्रद्युम्न अनिरुद्ध श्री मुख्य चारि जन तास ॥
गोप भाव ब्रज राजके पुर मधि शत्रिय मान । वर्ण वेश की भेदयत तिहि विलास अभिधान ॥
है शमय तु प्रकास मधि अरु प्राभव तु विलास । एक मूर्ति बलदेव जू भाव भेद की भास ॥

चतुर्व्यूह सब आदि ये इन सब नाही कौद । चतुर्व्यूह रास अभित के प्रागटि कारण सोइ ॥
येई चारौ कृष्ण के हैं प्राभव तु विलास । डारावनि मधुरापुरी इन की मदा निवास ॥
इनही चारौ ने चतुर बीस मूर्ति परकास । अस्त्र नाम के भेद करि हैं प्राभव तु विलास ॥
चतुर्व्यूह की लोय फिरि कृष्ण तु पूर्ण स्वरूप । मधि वैकुण्ठ विराजत श्री नारायण रूप ॥
तिनि हीतें फिरि चारि श्री चतुर्व्यूह परकास । है आवागण तु रूप करि चारौ दिशि जिहि वाम ॥
तीन तीन मूर्ति पृथक् पुनि चारौ जन है तु । केशव आदि विलास की मूर्ति जिन ही ने तु ॥

कविता

चक्रादिक धारण के भेद करि न्यारे न्यारे न्यारे न्यारे नाम भेद होय अति वाम है ।

वासुदेव जू की मूर्ति केशव श्री नारायण भाभव जू येई तीनी जानी अभिराम है ।

मूर्ति संकर्षण की गोविन्दजु और विष्णु पुनि श्री मधुसूदन सब गुण धाम हैं ।

करै ये गोविन्द श्री नही है ब्रजेन्द्र सुत करो जिनिसंका जिय मुनि तिहि नाम हैं ॥

प्रथम त्रिविक्रम वामन तु पुनि श्री धर जू सोय । ये हैं श्री प्रद्युम्न की तीनी मूर्ति जोय ॥
पद्मनाभ दामोदरजु हृषीकेश भगवान । मूर्ति श्री अनिरुद्ध की एई तीनी जान ॥
देवत बारह मास के ये द्वादस जन जोय । केशव नारायण अधिप भगसिर पूस हि सोय ॥
माध और कागुण तु मे माधव गोविन्द देव । मधुमाधव में विष्णु श्री श्री मधुसूदन सेव ॥
देव त्रिविक्रम वामन तु ज्येष्ठ अमाव हि होय । श्री धर और हृषीक पति सांयन भादौ सोय ॥
पद्मनाभ दामोदर तु आश्विन कार्तिक मान । राधा दामोदर तु सो है ब्रज पति सुत आन ॥
संज तु द्वादस तिलक के एई द्वादस नाम । समै आचमन परसिये इन नामन ते धाम ॥
इन चारन तु विलास श्री मूर्ति अष्ट जन सोय । करै नाम तिन सरनि के सुनी सनातन जोय ॥
पुरुषोत्तम अच्युत नृहरि और जनार्दन जान । श्री हरि कृष्ण अधोलज उपेन्द्र अष्ट जन मान ॥
वासुदेव जू के जुई ए दोऊ तु विलास । प्रथम अधोलज और पुनि पुरुषोत्तम सुखरास ॥
संकर्षण जू के जु है ए विलास जन होय । श्री अच्युत जू और पुनि है उपेन्द्र जू सोय ॥
है विलास पद्युम्न के येई है जन सोय । श्री नृसिंह जू दयामय और जनार्दन जोय ॥
है विलास अनिरुद्ध के श्री हरि कृष्ण तु होय । आठ विलास कहे जु ये चतुर्व्यूह के जोय ॥
ये चौबीसी मूर्ति मुख है प्राभव तु विलास । अस्त्र हि धारण भेद करि नाम प्रथक है तास ॥
इनही के मधि होय जिहि आकृति वेशहि भेद । है वैभव तु विलास की बई बई तु विभेद ॥
पद्मनाभ त्रिविक्रम तु नरहरि वामन जोय । है आकार विलक्षण तु हरि कृष्णादिक सोय ॥
प्राभव विलास तु कृष्ण की वासुदेव जन चार । इन चारौ तु विलास की गणना बीस प्रकार ॥
इन सब के न्यारे परम व्योम धाम मधि वास । पूर्वादिक आठौं दिसिनि तीन तीन कम तास ॥
परव्योम मधि जदपि है सब की नित्य तु धाम । तऊ किहू ब्रह्मांड मधि किहू धाम अभिराम ॥

परच्योम मधि नित्य है थिति लछमी पति जोय । परच्योम ऊपर विभौ कृष्ण लोक की सोय ॥
एक कृष्ण की लो कई त्रिविध भांति अभिराम । सुरभिलोक मधुरा जु पुनि द्वारावति ये नाम ॥
मधुरा मधि केशव जु की नित्य थिति अभिराम । लीलाचल पुरुषोत्तम जु जगन्नाथ तिहि नाम ॥

तीरथ प्रयाग मधि माधव की वास और श्री मन्दार बीच मधुसूदन निवास है ।

आनन्दारण्य मांदि श्री वासुदेव आपु राजै पद्मनाभ जनार्दन जन सुख रास है ।

विष्णुकांची विष्णु हरि रहै मायापुरी ऐसैं और नाना मूर्ति अज अंड मधिवास है ।

ऐसैं ही ब्रह्मांड मधि सब के प्रकास सप्त दीय नव खंड बीच करत विलास है ॥

सब ठाही जु प्रकास तें सब भक्तनि सुख हेत । जगत अधर्म हि नाश हित थपि वै धर्महि सेत ॥
अवतारनि हैं मधिगननि इनमें कहं जु होय । विष्णु त्रिविक्रम श्री नृसिंह अरु ज्यों रामन सोय ॥
कारण नामहि भेद की भेद अस्त्र धृति सोइ । चक्रादिक धृत भेद जो सुनो सनातन सोइ ॥
दक्षिण करतल तें जु लै वास अधो परजंत । चक्रादिक के धरन की गणना की है अंत ॥
श्री सिद्धान्त जु संहिता आरस ग्रंथ प्रमान । चतुर्विंश मूर्ति गणन जिहि मधि करी बखान ॥
कहियतु है ताही जु मत आगे करि जु विचार । चक्रादिक जे अस्त्र तिन धरिबे कीं जु प्रकार ॥
धरै गदाधर अरि पद्म वासुदेव जू सोय । गदा संख राजीव अरि संकर्षण कर जोय ॥
अरि दर कौमोदकि पद्म धर प्रद्युम्न बखानि । चक्र गदाधर पद्मकर श्री निरुद्ध हि जानि ॥
वासुदेव जू आदि सब निज निज अस्त्रहि धारि । परच्योम में रहतु है यह तुम लेहू विचारि ॥
पद्म संख अरि गदा पुनि श्री केशव के पाणि । श्री नारायण दर पद्म गदा चक्र धर जानि ॥
गदा चक्र दर सरसिह श्री माधव के हस्त । अरि कौमोदकि पद्म दर धर गोविंद प्रसस्त ॥
गदा पद्म दर चक्रकर विष्णु मूर्ति निरधार । मधुसूदन अरि दर पद्म गदा धरै सुख सार ॥
पद्म गदा अरि दर करनि धरै त्रिविक्रम जानि । दर अरि गदासु पद्म धर श्रीवामनजु मानि ॥
पद्म चक्र कौमोदकी दर कर श्री धर नाम । धरै गदा अरि पद्म दर हृषीकेश अभिराम ॥
पद्मनाभ दर पद्म अरि गदा हस्त है जोय । धरै पद्म दर गदा अरि श्री दामोदर सोय ॥
पुरुषोत्तम अरि पद्म दर गदाहस्त धर जानि । अच्युत कौमोदकी पद्म अरि दर धारै मानि ॥
पुनर्नृसिंह अरि तामरस कौमोदकि दर पानि । धरै जनार्दन पद्म अरि दर कौमोदकि जानि ॥
श्रीहरि दर तामरस कौमोदकि कर जोय । धारै है श्रीकृष्ण दर गदा पद्म अरि सोय ॥
धरै अधोक्षज कर पद्म गदा संख अरि जोय । श्री उपेद्रु दर गदा अरि पद्म हस्त धर सोय ॥
पंचरात्रि हयशीर्ष जन पोडस कई जु सोय । धारण अब चक्रादि की तिहि मत कहिये सोय ॥
केशव भेद सुकमल दर गदा चक्र कर जोय । माधव भेद जु अरि गदा संख पद्म धर सोय ॥
नारायण के भेद बहु भेद अस्त्र करि वेतु । इत्यादिक बहु भेद मधि सर्व अस्त्र धर एतु ॥
श्री लीला पुरुषोत्तम जु और स्वयं भगवान । ए विच नाम धरै जु एक ब्रजपतिनंदन जान ॥

कियो प्रकास विलास की यहै जु विवरण आहि । अब भेद जो स्वांस की सुनो सनातन ताहि ॥
संकर्षण मत्स्यादिक जु और भेद ए दोय । जैसैं प्रभु जू करत है कई तिनैं अब जोय ॥
श्री संकर्षण आप ही हैं जु पुरुष अवतार । मत्स्यादिक भगवान के हैं लीला अवतार ॥
अवतार जु श्री कृष्ण के हैं पडविध जु प्रकार । एक पुरुष अवतार पुनि इक लीला अवतार ॥
एक जु गुण अवतार अरु मन्वंतर अवतार । जुग अवतार जु एक अरु शक्तवासेस विचार ॥
बाल्य और पौगण्ड जे विग्रह धर्म विचार । इन रूपनि लीला करें श्रीब्रजराज कुमार ॥
है अनंत अवतार प्रभु नाहिन गनना आहि । साखा चंद्र जु न्याय करि किय दिगदरसन ताहि ॥
तथाहि श्रीभागवते —

अवतारा ह्यसंख्येया हरेः सत्त्वनिधे द्विजाः । यथा विराट्तिनः कल्पाः सरसः स्युः सहस्रराः ॥३१॥

पहिलैं ही श्रीकृष्ण जू करें पुरुष अवतार । यहै पुरुष पुनि जानियैं है गो त्रिविध प्रकार ॥

तथाहि सात्वतसन्त्रे—विष्णोस्तु श्रीणि रूपाणि पुरुषावधान्यथो विदुः ।

एकन्तु महतः सप्त द्वितीयं त्वष्टसंस्थितं ।

तृतीयं सवभूतस्थ तानि ज्ञात्वा विमुच्यते ॥३२॥

प्रभुकी शक्ति अनंत मधि तीन शक्तिसु प्रधान । इच्छा शक्ति जु ज्ञान पुनि क्रियाशक्ति इक जान ॥

प्रभुकी अनंतशक्ति मध्य तीन शक्ति मुख्य इच्छाशक्ति ज्ञानशक्ति क्रियाशक्ति नाम हैं ।

इच्छा शक्ति मुख्य कृष्ण इच्छाही सौं सर्व करें ज्ञानशक्ति मुख्य वासुदेव निज धाम हैं ।

इच्छा ज्ञानक्रिया विना होय न सृजन तातें तीननिकी तीनशक्ति मिले सृष्टि काम हैं ।

क्रियाशक्ति है प्रधान संकर्षण बलराम प्राकृत औ आप्रकृत सृष्टि रचै भाम हैं ॥

अहंकार के अधिप वे कृष्ण सु इच्छा लोक । चिच्छक्ति द्वारा सृजे वैकुण्ठ जु गोलोक ॥

यद्यपि नित्य असृज्य तें है चिच्छक्ति विलास । संकर्षण इच्छा जु करि तिनकी तदपि प्रकास ॥

तथाहि ब्रह्मसंहितायां—

सहस्रपत्रं कमलं गोकुलाख्यं महत्पदं । सरकर्णिकारं तद्वाम तद्वन्तोशसम्भवम् ॥३३॥

ते माया द्वारा सृजैं गण ब्रह्माण्डनि जोय । जड़ रूपा जो प्रकृति नहि जगत सु कारण सोय ॥

जड़तें सृष्टि न होय बिन प्रभु की शक्ति सु आहि । तातें संकर्षण करें शक्तवाधान जु ताहि ॥

करैं जु प्रभुकी शक्ति करि सृष्टि प्रकृति बहु जोय । अग्निशक्ति करि लोह ज्यों दाहक शक्तिसु होय ॥

तथाहि भागवते—

एतौहि विश्वस्य च बीजयोनी रामो मुकुन्दः पुरुषः प्रधानं ।

अन्वीयभूतेषु विलक्षणस्य ज्ञानस्य चेरात् इमौ पुराणी ॥३४॥

जेई मूर्ति अवतरैं सृष्टि हेतु संसार । तेई प्रभु की मूर्ति सब धरै नाम अवतार ॥

परम्योम माया रहित तिहि मधि सब को धाम । जग मधि अवतरि के धरें ते अवतार जु नाम ॥
माया के अवलोक हित श्री संकर्षण जोय । प्रथम भये अवतीर्ण श्री पुरुष रूप करि सोय ॥
तथाहि श्रीभागवते—

अष्टमे पौरुषं रूपं भगवान्महदादिभिः । सम्भूतं षोडशकलमादी लोकसिम्बुत्तया ॥२५॥

सयन करें सोई पुरुष विरजा के मधि जोय । कारणाविशायी प्रथा जग कारण है सोय ॥
कारणावि के पार इहि माया को नित वास । परम्योम विरजा परे तहां न गति है तास ॥
तथाहि श्रीभागवते—

न यत्र माया विमुक्ता परे हरेरनुग्रहा यत्र सुरासुरार्चिताः ॥२६॥

माया और प्रधान ये माया ही की वृत्ति । उपादान जग की प्रकृति माया हेतु निमित्त ॥
करें पुरुष सोई जवै माया दिस अवधान । करें प्रकृतिकों लुभित करि वीरज की आधार ॥
स्वांग विशेषामास एक रूप प्रकृति लुवि ताहि । जीवरूप वीरज तहां करै समर्पण आहि ॥
तथाहि श्रीभागवते—

दैवान्नुभितवर्मिण्यां स्वस्यां योनीं परः पुमान् । पाद्यत कीर्त्यां सामृत महत्तत्त्वं हिरण्यगम् ॥२७॥

महत्तत्त्वं ते तव त्रिविधि अहंकार विस्तार । दैवत इंद्रिय पंच तन्मात्रा भूत प्रचार ॥
सब तत्त्वनि के मिले ते ब्रह्मांडनि गण होय । है अनंत ब्रह्मांड तिहि गणना केई न होय ॥
एई महत्स्रष्टा पुरुष महाविष्णु त्रिहि नाम । है अनंत ब्रह्माण्ड के रोम कृप तिहि धाम ॥
ज्यों गवाक्ष मधि रेनु उठि आवै श्री फिरि जाय । यों इहि पुरुष निवास सँग ब्रह्मांडजु निकसाय ॥
छिरि हुं तिहि निस्वास संग भीतर करै प्रचार । है अनंत ऐश्वर्य तिहि सब माया तें पार ॥

तथाहि ब्रह्मसंहितायां—गन्धैकनिस्वसितकालमयावलम्ब्येतिलोकः ॥२८॥

गण ब्रह्माण्ड समस्त के अन्तर्यामी जोय । कारणाविशायी सर्व जगत हि स्वामी सोय ॥
इतनी यह कथा हम प्रथम पुस्त की तत्व । द्वितीय पुरुष की जो कछु सुनी अवै जु महत्व ॥
सब अनन्त ब्रह्माण्ड गण कोटिक पुरुष जु सोय । प्रविशे इकड़क मृति करि सो वह मृति होय ॥
करि प्रवेश जो देखे है केवल अधियार । रहिवेकी न निवास कछु तिहि तव कियौ विचार ॥
निज अंग स्वेद जु नीर करि भरपी अर्द्ध अन्न अंड । सेमहि सज्जा सयन किय ताही नीरप्रचंड ॥
मयी जु ब्रह्मा की जनम नामि कमल तें ताहि । तिहीं पदमनालहि भये चौदह भवन सु आहि ॥
ब्रह्मा विष्णु ज रुद्र ज तिन के गुण अवतार । सृष्टि स्थिति औ प्रलय की तीननिकी अधिकार ॥

एई है हिरण्यगर्भ अंतर्ध्यामी गर्भोदक साथी सदस शीर्षादि करि गार्वे वेद चार ।

एई जु विवि पुस्त ईश्वर ब्रह्माण्ड के है माया के आधार तऊ रहै सदा माया पार ।

तृतीय पुरुष विष्णु गुण अवतार तिहि दोऊ अवतारनि में गणना सु निरधार ।

चिराट व्याप्ति जीवके तेई अंतर्ध्यामी चिरोदकशायी पालन के कर्ता स्वामी ते विचार ॥

यह पुरुष अवतार की गणना कियौ जु आहि । अब लीला अवतार यह सुनी मनातन ताहि ॥
कहियतु है जु प्रधान ये दिग दर्शन करि सोय । अब लीला अवतार की नादिन गनना जोय ॥
मत्स्य कूर्म रघुनाथ श्री नरहरि वामन आहि । मंख्या वाराहादि की सेव न जानै ताहि ॥
तथाहि इशमे—

मत्स्यपारवकच्छपनुसिंह पराह ईसः राजन्व विप्र विदुषेषु कृतावतारः ।

स्वं पासि नमिभुवनत्र तथाधुनेरा मारं मुखे हर यदुत्तम वन्दनं ते ॥२९॥

इह लीला अवतार की कियौ दिगदर्शन जोय । अब प्रभु गुण अवतार ए सुनी मनातन सोय ॥
ब्रह्मा विष्णु महेश ये तीनों गुण अवतार । करें त्रिगुण लैंके जु ये सृष्टादिक व्याहार ॥
भक्ति मिश्र कृत पुण्य जुन जो जीवोत्तम कोय । ताकी राजस गुणाहि मधि मन जु विभावितहोय ॥
द्वितीय पुरुष द्वारा जु करि तहां सक्ति संचार । व्यष्ट सृष्टि श्री प्रभु करै ब्रह्मा रूप हि पार ॥
तथाहि ब्रह्मसंहितायां—

भास्वानयथारमसकलेषु निजेषु नेत्रः स्वीधं कियन् प्रकटयत्यपि तद्भद्र ।

ब्रह्मा य एव जगद्वद्विजानकर्ता गोविन्दमादि पुरुषं तमहं भजामि ॥३०॥

किहुं कल्प नहि पादपै योग्य जीव जो कोय । तव ईश्वर निज अंस करि आपुन ब्रह्मा होय ॥

तथाहि—ब्रह्मा भवोऽहमपि यस्य कला कलायाः ॥ इतिश्लोकः ॥३१॥

कृष्ण निर्जंस कला सु करि तम गुण अंगीकार । प्रलय हेतु माया संगी रुद्र रूप की धारि ॥
रुद्र विकारी प्रकृति सँग भिन्न अभिन्न रूप । जीव तत्व हूं नादिने नहि कृष्णांस स्वरूप ॥
ज्यों दधि अम्ल हि जोग करि धारे दधि जु स्वरूप । पयतें और न वस्तु सो हूंन सकैं पयरूप ॥

तथाहि ब्रह्मसंहितायां—

शीरं यथा इधि विकार विशेष योगात् संजायते ननु ततः पृथगस्ति हेतोः ।

यः शम्भूतामपि तथा समुपैति काट्यात् गोविन्दमादि पुरुषं तमहं भजामि ॥३२॥

सिख संगी माया सकति औ तम गुण आवेस । माया तीत जु गुण रहित आप विष्णु परमेस ॥

तथाहि श्रीभागवते—

शिवः शक्तिपुतः शरवन् त्रिलिङ्गो गुणसंभूतः । वैकारिकस्त्वैजम्भ्य तामसरचेत्पहं त्रिधा ॥

पालनार्थं निज रूप करि होय विष्णु अवतार । है दृष्टान्त जु सत्व गुण तमगुण माया पार ॥

पूर्ण स्वरूपैश्वर्य करि प्राय कृष्ण सम जोय । अंसी कृष्ण सु अंस सो गावे वेद सु सोय ॥

तथाहि ब्रह्मसंहितायां—

दीपाच्छिरेव हि दशान्तरमभ्युपेत्य दीपावते विभूत हेतु समान धर्माः ।

वस्तादगेव हि च विष्णुतया विभाति गोविन्दमादि पुरुषं तमहं भजामि ॥३३॥

आज्ञाकारी अन्न सिख जु तासु भक्त अवतार । पालनार्थ श्री विष्णु तिहि है स्वरूप आकार ॥

तथाहि श्री भागवते—

सृजामि तन्निपुणोऽहं हरो हरति तद्वशः । विश्वं पुरुषरूपेण परिपाति त्रिशक्तिधुम् ॥४५॥
मन्वन्तर अवतार अब सुनो सनातन जोय । है असंख्य गणना जु तिहि कारण सुनौ जु सोय ॥
ब्रह्मा के एक दिवस मधि मन्वन्तर दस चारि । तिन में ईश्वर करत है चौदह हीं अवतार ॥
ये चौदह एक दिवस मधि मास चार सैं बीस । ब्रह्मा के एक दिवस मधि पंच सहस्र चालीस ॥
अज को एक सत वरस लौं है जीवन निरधार । चारि सहस्र लख पंच तहां मन्वन्तर अवतार ॥
है अनंत ब्रह्माण्ड इमि गणना करी सु ताहि । महाविष्णु के स्वास एक अज को जीवन आहि ॥
महा विष्णु को स्वास जो नहि तिन के पर्यन्त । मन्वन्तर अवतार एक गणना को लहि अन्त ॥

कवित्त

स्वार्थं भुव मन्वन्तर यज्ञ भगवान् जानि स्वरोचिष माहि धरें प्रभु विशु नाम है ।
उत्तम में सत्यसेन तामस में हरिनाम रैवत मनु नाम वैकुण्ठ अभिराम है ।
चाक्षुस में श्री अजित वेवस्वत वामन जू सार्वर्ष में सार्वभौम नाम अति वाम है ।
दक्षशावर्ण्य अश्वभ ब्रह्मसावर्ण्य मनु में विश्वकर्मेन सोई प्रभु जन सुखधाम है ॥
धर्मसेतु नाम धर्मसार्वर्ष मन्वन्तर में रुद्रसावर्ण्य मनु सुधामा भगवान् है ।
योगेश्वर भगवान् देव सावर्ण्य में इन्द्र सावर्ण्य मनु में बृहद्भानु अभिधान है ।
चौदह मन्वन्तर ये चौदो अवतार नाम सुनौ सनातन अब जुग प्रभु ध्यान है ।
सत्य त्रेता द्वापर औ कलियुग की गनना सुक्ल रक्त कृष्ण पीत चारि वर्ण बान है ॥
क्रम करि इनि चारौं जुगनि धरें वर्ण ये चारि । चारिवर्ण धरि कै हरि युग के धर्म प्रचारि ॥
तथाहि श्री भागवते—

आसन् वर्णा स्वर्णे ह्यस्य गृहलोऽनुयुगं तनुः । शुक्लो रक्तस्तथा पीत इदानीं कृष्णतां गतः ॥४६॥
शुक्ल मूर्ति धरि सत युगहि धर्म करावै ध्यान । कर्दम को वर दीयो जिहि कृपा जु करि भगवान् ॥
अधिकारी सब ज्ञान के करै ध्यान हरि लोय । जज्ञ धर्म त्रेता करै रक्तवर्ण धरि सोय ॥
द्वापर युग को धर्म है हरि पादार्चन जोय । कृष्ण वर्ण प्रेरें करै जन कृष्णार्चन सोय ॥
तथाहि श्री भागवते—

द्वापरे भगवान् स्यामः पीतवासा निजायुधः । श्रीवत्सादिभिरंकेष्व लक्षणैरुपलक्षितः ॥४७॥
तथाहि तत्रैव—

नमस्ते वासुदेवाय नमः संकर्षणाय च । प्रद्युम्नायानिरुद्धाय तुभ्यं भगवते नमः ॥४८॥
इही मंत्र द्वापर करै कृष्ण समार्चन लोय । कृष्ण नाम संकीरतन कलि को धर्म सु सोय ॥
पीत वर्ण धरि कै जु हरि कियो प्रवर्तन ताहि । प्रेमभक्ति लोकनि दई भक्तगननि लै आहि ॥
श्री ब्रजेन्द्र नर्दन करै धर्म प्रवर्तन जोय । नार्चै गावैं प्रेम बस करै कीरतन लोय ॥

तथाहि तत्रैव—

कृष्णवर्णं विपाकृष्णं संगोपांतास्त्रपापं । यज्ञैः संकीर्तनप्रापै यंजन्ति हि सुमेधसः ॥४९॥
और तीनजुग मध्यजो ध्यानादिक फल होय । कृष्णनाम करि पायहै कलि जुग फल सब सोय ॥
तथाहि तत्रैव—

कृते यज्ञनाथे विष्णुं त्रेतायां यजतो मत्तैः । द्वापरे परिचर्यायां कलौ तद्विरकीर्तनाम् ॥५०॥
विष्णुपुराणे—

ध्यायन्कृते यजन् यज्ञैस्त्रेतायां द्वापरेऽर्चयन् ।

यदाप्नोति तदाप्नोति कलौ संकीर्तनं केशवम् ॥५१॥

युग अवतार समूह अब लिखे प्रथम ज्यौं आहि । है असंख्य संख्या कथन नहै गनन है ताहि ॥
चारियुगनि अवतार को यह जु विवरण आहि । मुनि जु सनातन पूछै करिकें मंगी ताहि ॥
नृप मंत्री ते बुद्धि करि सुरगुरु की सम जोय । पूछै प्रभु की कृपा करि असंकोच मति होय ॥
जीव खुद्र अति नीच हों पुनि अति नीचाचार । कैसैं करि हों जानि हों कलि में को अवतार ॥
प्रभु कहि शास्त्र द्वार अवतार जानिये आन । तैसैं कलि अवतार है सास्त्र वाक्य करि मान ॥
सर्वज्ञाता मुनि वचन सास्त्र बहै परमान । होय जीव हम सबनि कै सास्त्र हि द्वारा ज्ञान ॥
कहै नहीं अवतार यह हम होंगे अवतार । मुनि ही ये सब जानई करि लखन जु विचार ॥
तथाहि—

यस्यावतारा जायन्ते शरीरिष्वशरीरिणः । तैस्तेरतुल्यातिशयै र्बोध्यै ईहिष्वसंगतैः ॥५२॥

इन लक्षण करि वस्तु को जाने मुनिगण रूप । आकृति प्रकृति स्वरूप को यह लक्षण जु स्वरूप ॥
है तटस्थ लक्षण जु इन अरु लक्षण जु स्वरूप । कारज द्वारा जानिये यह तटस्थहि रूप ॥
श्रीभागवतारंभ मधि मंगल करि मुनि व्यास । इन विवि लक्षण करि कियो प्रभु को रूप प्रकास ॥

तथाहि—

जन्माद्यस्य यतोऽज्जयादितरतश्चार्थेष्वभिज्ञः स्वराट् ।
तेने ब्रह्म हृदा य आदिकवये मुह्यन्ति यत्सूरयः ।
तेजो वारिसूरां यथा विनिमयो यत्र त्रिसर्गोऽश्रुषा,
धाम्ना स्वेन सदा निरस्तकुहकं सत्यं परं धीमहि ॥५३॥

इहि पद में पर शब्द किय कृष्ण निरूपण आहि । पुनि स्वरूप लक्षण कयो सत्य शब्द करि ताहि ॥
कियो जिन्हों या शब्द को सृष्ट्यादिक त्रय सोय । ब्रह्मा को हिय प्रेरि कै वेद पढ़ाये जोय ॥
कही जु अर्थाभिज्ञता जाकी जगत प्रसस्त । और स्वरूप जु शक्ति करि माया करी निरस्त ॥
है तटस्थ लक्षण जु ये सब ही कारज ताहि । ऐसैं अरु अवतार हू जाने मुनिगण आहि ॥
होय समैं अवतार के जगत सु गोचर सोय । इन ही सब लक्षण जु करि प्रभु को जाने कोय ॥

कहैं श्री सनातन जू जहां ईस लक्षण ये पीतवर्न कीरतन काज प्रेमदान हैं ।
 सोई अवतार कृष्ण निहचें कलिकाल में दड़ करि कही जाय संसय निदान हैं ।
 प्रभु कहैं चतुराई तजौ तुम सनातन सुनौ शक्त्यावेश अवतार भगवान हैं ।
 कीजिये जो विवरन शक्त्यावेश अवतार कृष्ण के असंख्य नाही तिन की प्रमान हैं ॥
 कहैं दिग दरसन करि मुख्य मुख्य जन शक्त्यावेश दोय रूप मुख्य गौण जानियें ।
 साक्षात् शक्ति करि जुधैं अवतार नाम होय जु अभास केई विभूति ताहि मानियें ।
 सनकादिक नारद पृथु औ परमराम जीव रूप अज आवेशावतार ठानियें ।
 वैकुण्ठ में सेत धराधर श्री अनंत जेई जन मुख्यावेश अवतार सोई ठानियें ॥

ज्ञान शक्ति सनकादि मधि नारद शक्ति सु भक्ति । अजमें सृजन अनंत मधि भूधारणकी शक्ति ॥
 शक्ति स्व सेवन सेत मधि पालन पृथु पृथ्वीस । दुष्टनि नासक वीर्य की संचारण भृगु ईस ॥
 तथाहि भागवते—

ज्ञान शक्त्यादि कलया चत्वारिण्यो जनादैनः । तत्रावेशा निगद्यन्ते जीवा एव महत्तमाः ॥१४॥
 ज्यों गीता एकादमहि कही विभूति जु सोय । कृष्णजु शक्त्याभास करि व्यापि रखौ जगजोय ॥
 तथाहि गीतावां—

व्यष्टिभूतिमन् सत्त्वं भीमदुर्वितमेव वा । तत्तदेवाश्रयणं त्वं मम तेजोऽरासम्भवम् ॥ १४ ॥
 तत्रैव—एकमेव स्थितो जगत् ॥१५॥

ये ई शक्त्यावेश करि कहैं जु प्रभु अवतार । सुनौ बाल्य पीगण्ड इनि धर्मनि की जु विचार ॥
 धर्मो नित्य किशोर मनि श्री ब्रजराज कुमार । प्रगट सुलीला करन की जब मन को विचार ॥
 प्रगट करावै प्रथम जन तात मात गण जोय । जन्मादिक लीला करें पाले प्रगट सु होय ॥
 तथाहि रत्नामृतसिन्धी—

वचसो विविधत्वेऽपि सर्वमभिरसाधयः । धर्मो किशोर एवात्र नित्यलीलाविलासवान् ॥
 पतनादि संहार ये लीला छिन छिन तास । करे अनुक्रम करि सब लीला नित्य प्रकास ॥
 है अनन्त ब्रह्माण्ड तिहि नादि न गणना जोय । कोऊ लीला कब प्रगट किहि ब्रह्माण्डहि होय ॥
 इहि विधि सब लीला अखंड ज्यौ सुरसरि की धार । ते ते सब लीला प्रगट करें ब्रजेन्द्रकुमार ॥
 बाल्य और पीगण्ड पुनि बय किशोरता ताहि । प्राप्ति होय कम ही जु करि समें ममें मधि आहि ॥
 रामादिक लीला करें नित्य विहारी सोय । नित्यस्थिति तिन की रहै बय किशोर मधि सोय ॥
 नित्यसु लीला कृष्णकी कहैं शास्त्र सब आहि । बृक्त सकैं नहि कीन विधि लीला नित्य जु ताहि ॥
 कदिये जब छप्योत दे तब सब जाने जान । कृष्ण नित्यलीला जु की ज्योतिचक्र उपमान ॥
 ज्यों रवि ज्योतिरचक्र मधि अमें रैन दिन जोय । समदीप अम्बुधिनि सधि कम करि फिरैतु सोय ॥

होय रात्रि औ दिवस ये बटी जु साठि प्रमान । तीन महस पटशत पल जु तिन के माही जान ॥
 भानु उदैते साठि पल क्रम करि उदै जु सोय । एक घरी सोई घरी अष्ट प्रहर इक जोय ॥
 एक दोय त्रय चारि मधि प्रहर अस्त रवि होय । चारि प्रहर निमि मयें फिरि रविकी उटी जु सोय ॥
 यों प्रभु लीला मंडल जु मन्वन्तर दस चार । क्रम क्रम फिरि सुव्यापिकें ब्रह्माण्डनि जु अपार ॥
 बरस सवास कृष्ण की रहै जु प्रगट प्रकास । ताही मधि तेई करें ब्रज पुर माहि विलास ॥
 फिरै अलात जु चक्र ज्यों लीला चक्र जु सोय । सब लीला ब्रह्माण्ड सब क्रम करि उदैतु होय ॥
 जन्म बाल्य पीगण्ड पुनि बय किशोर प्रकास । लीला बकी बधादिये मौरलात जु विलास ॥
 कोऊ लीला कब किहू ब्रह्माण्ड स्थिति जान । तातें लीला नित्य ही कहैं जु वेद पुरान ॥
 गोकुल औ गोलोकमधि कृष्णजु विभु सम आहि । तिहि इच्छा करि अंदगल मधि संकमईताहि ॥
 याहीते गोलोक मधि तिनकी नित्य विहार । ब्रह्माण्डनि गण क्रमजु करि तिहि प्रागल्भ्य विचार ॥
 ब्रज के मधि श्री कृष्ण की सर्वेश्वर्य प्रकास । ताही तें हैं पूर्णतम तहां कृष्ण रस रास ॥
 मथुरापुर द्वारावती परव्योम मधि जान । क्रम करिकें हैं पूर्णतर जहां पूर्ण भगवान ॥
 तथाहि भक्तिरसामृतसिन्धी—

हरिः पूर्णतमः पूर्णतरः पूर्ण इति त्रिधा । शेषेष्ट मध्यादिभिः सर्व्वेनांत्ये वा परिकीर्तितः ।
 प्रकाशिताखिलगुणः स्वरः पूर्णतमो बुधैः । असर्व्वव्यञ्जकः पूर्णतरः पूर्णोऽन्यदर्शकः ॥
 कृष्णस्य पूर्णतमता व्यक्त्यामृत गोकुलान्तरे । पूर्णता पूर्णतरता द्वारका मथुरादिषु ॥

ब्रज ही मधि है पूर्णतम कृष्ण स्वर्य भगवान । अरु स्वरूप सब पूर्णतर पूर्ण नाम जिहि जान ॥
 यहै कही संक्षेप करि कृष्ण स्वरूप विचारि । कहन सकैं जु अनन्त हैं इन की करि विस्तारि ॥
 कृष्ण स्वरूप अनंतहैं नादिन गणना ताहि । साक्षा चंद्रजु न्याय करि दिग दरसन किय आहि ॥
 यहै सुनें जोई जु इह भाग्यवान है सोय । कृष्ण स्वरूपसु तत्व की कहुक न्यान तिहि होय ॥
 श्री जुरूप रघुनाथ के पदरज की जिहि आस । प्रभु चरितामृत की कहैं कृष्णदास तिहि दास ॥
 रूप सनातन जगत हित सुवल श्याम पद आस । प्रभु चरितामृतसो लिखै ब्रजभासादि प्रकास ॥
 इति श्री चैतन्यचरितामृते मध्याह्ने ब्रजभाषायां सम्बन्धतत्त्व भगवत्तत्त्व निरूपणं नाम विंशतिपरिच्छेदः ॥

एकविंशति परिच्छेदः

भगवत्प्रेमगति नखा हीनार्थाधिकलाभकं ।

श्रीचैतन्य चिन्तामयस्य माधुर्यैरवतरोकरम् ॥१॥

जय जय श्री चैतन्य जू जय श्री नित्यानंद । जय अर्द्धत हिमांशु जय गौर भक्त के वृन्द ॥
 परव्योम निज धाम में सब स्वरूप के धाम । पृथक पृथक वैकुण्ठ सब नहि गणना की नाम ॥

सात सहस्रायुत तब श्री कोटिक जोजन आहि । एक एक बैकुण्ठ की विस्तृत वर्णन ताहि ॥
व्यापक आनन्द चिन्मय सब बैकुण्ठ सु आहि । पूरण पट ऐश्वर्य सब बहै जु पारपद ताहि ॥
एक एक तिहि देस मधि है बैकुण्ठ अपार । परब्योम ऐसी जु तिहि गनै जु को विस्तार ॥
है अनन्त बैकुण्ठ जे व्योम जाहि दल पांति । कृष्ण लोक सर्वोपरि जु है मधि कली सुकांति ॥
तथाहि—

को वेत्ति भूमन् भगवान् परात्मन्, योगेश्वरोनीर्भयतस्त्रिलोकां ।
काहो कथं वा कति वा कदेति, विस्तारयन् कीडसि योगमायाम् ॥२॥

ऐसै पट ऐश्वर्य जिहि और धाम अवतार । ब्रह्मा सिव अंत न लहै कौन जीव यह छार ॥
तथाहि—

गुणात्मनस्ते गुणान् विमांतु हितावतीर्णस्य क ईशिरेऽस्य ।
कालेन वैष्वा विमिताः सुकल्पे भू भावः स्वे सिद्धिका द्युभासः ॥३॥

ऐसी है श्री कृष्ण की पट गुण दिव्य अनंत । ब्रह्मा शिव सनकादि ये नहि पावै तिहि अंत ॥
रही हर ब्रह्मादिक जु बदन सहस्र अनंत । इतने मुख गावै सदा लहै न गुणगण अंत ॥
तथाहि—

नान्तं विदाम्यहममी मुनयोऽप्रजाले मायाबलस्य पुरुषस्य कुतोऽवरा ये ।
गायन् गुणान् दशशतान्न आदिदेवः शेषोऽधुनापि समवर्णति नास्य पारम् ॥४॥

सोऊ सेस रही महा विज्ञ शिरोमनि कृष्ण । निज गुण को अन्त न लहै तिन में रहै सत्पण ॥
तदुक्तं भूतिभिः—

तुषतय एव तेन ययुरन्तमन्ततया त्वमपि यदन्तराष्ट्रनिचया ननु सावरणाः ।
स इव रजानि भान्ति वयसा सह यन् भूतयस्त्वयि हि फलन्त्यतन्निरससेन भवन्निधनाः ॥५॥

सोऊ रही जु कृष्ण जब ब्रज में किय अवतार । तिनकी चरित विचार तें मन नहि पावै पार ॥
अशक्त प्राकृत सृजन किय इक छिन मधि रंग । ये बैकुण्ठ अजाण्ड गण निजर नाथनि संग ॥
जैसी सुन्यौ न और टां अचिरत अद्रुत जानि । होय जु जाके सुनतही हिये बड़ी व्यौरानि ॥
वत्स असंख्य जु कृष्ण के शुक मुनि बानी आहि । कृष्ण संग कितने सखा संख्या नाहिन ताहि ॥
इक इक गोप करै सु जिन बछरन चारन आहि । कोटिसु अर्बुद संख पुनि पदम सुगणना ताहि ॥
बेध बेणु दल सृंग पुनि ये रसालकार । गोप गननि के जिते तिन गनना को नहि पार ॥
सबे भये बैकुण्ठ पति और चतुर्भुज आहि । इक इक सब ब्रह्माण्ड मधि अज नुति करै जु ताहि ॥
बपु हीने इक कृष्ण के तिन सब की जु प्रकास । छिन इक में तिन सबनि की भी प्रवेस बपु तामा ॥
यह लखि के ब्रह्मा भयी मोहित विस्मित सोय । नुति करके पाछे कियौ यहै जु निश्च सोय ॥
हौ जानौ सब कृष्ण की वैभव कहै जु कोय । सोई जानौ काय मन हौ नहि जानौ जोय ॥
वैभव सुधा समुद्र तुन यह जु अंत नहि आहि । मेरी बानी मनहि गनि नहीं बिंदु इक ताहि ॥

रहौ सुमहिमा कृष्ण की तिहि ज्ञाता है कोय । लखि वृन्दावन धाम की विभुता अचिरज सोय ॥
श्रीवृन्दावन धाम निज सोरह कोस जु सोय । सब शास्त्रनि के मधि कियौ तिहि प्रमान यह जोय ॥
बैकुण्ठ अजाण्ड ये जे इक प्रदेश मधि ताहि । बहे बहे अनगिन फिरै यह महिमा तिहि आहि ॥
है अपार श्री कृष्ण की प्रभुता सागर जोय । मन इंदिय प्रभु के मगन भये जु व्याहृत सोय ॥
एक भागवत की जु पद कहिके आपुन आहि । अर्थ स्वाद हित सुख सहित करै अर्थ यी ताहि ॥
तथाहि—

स्वयं त्वसाम्पातिशयलब्धभीशः स्वाराज्यलक्ष्म्याप्रलभस्तकामः ।
बलि हरद्विधिरलोकपालैः किरीटकोटीहितपादपीठः ॥६॥

परम ईश्वर कृष्ण है आप स्वयं भगवान । तिन तें बड़ी समान तिहि नाहीं कोऊ आन ॥
तथाहि—

ईश्वरः परमः कृष्णः सच्चिदानन्दविग्रहेति श्लोकः ॥ ८ ॥

ब्रह्मा हरि हर ये जु हैं सृष्ट्यादिक के ईस । आज्ञा कारी कृष्ण के तीनी कृष्ण अधीस ॥
तथाहि—

सृजामि तन्नियुक्तोऽहं हरो हरति तद्वशः । विश्वं पुरुषरूपेण परिधानि विशक्तिभूम् ॥ ९ ॥

अर्थ सुनौ जु त्रिधीस की अरु सामान्य विचार । हैं कारण सब जगत के तीन पुरुष अवतार ॥
महाविष्णु नाभि जु पदम बीरोदक प्रभु चीन । स्थूल सूक्ष्म सब के जु ये अंतरजामी तीन ॥
सब के आश्रय तीन ये येई जग के ईस । तेऊ कला जु अस जिहि सो श्री कृष्ण त्रिधीस ॥
तथाहि—

यस्यैकनिः स्वमितकालमथावलम्ब्येति श्लोकः ॥१०॥

यह अर्थ मध्यम जु है सुनौ अर्थ अरु सार । कृष्ण निवास स्थान ये तीन जु साम्प्र प्रचार ॥
अतंपुर गोलोक पुनि वृन्दावन रस सिंधु । जहां सु नित्य स्थिति करै तात मात गण वंधु ॥
परममधुर ऐश्वर्य जो पुनि माधुर्य अपार । सहज कृपादिक गुणनि के परि पूरण भंडार ॥
शक्ति योगमाया जहां जिहि दासी है सोय । जहां सु लीला सरस है रासादि कही जोय ॥

तथाहि—

करुणानिकुरम्बकोमले मधुरैश्वर्यपिशोषशालिनि । जयति ब्रजराजनन्दने नहि चिन्ताकणिकाम्पुषे तिनः ॥
पर व्योम ताके तलें विष्णु लोक जिहि नाम । है नारायण आदि बहु जे स्वरूप तिहि धाम ॥
मध्यम पुर श्री कृष्ण की पडैश्वर्य भंडार । जहां अनंत स्वरूप तिहि करै जु विविध बिहार ॥

सोरठा

जिहि बैकुण्ठ अनंत है भण्डार सु कोठरी । गण जु पारपद संत सुपडैश्वर्य भरी रहे ॥
तथाहि—

प्रधानपरमव्योम्नोन्तरे बिरजा नदी । वेदांगभेदजनितैस्तोयैः प्रस्त्राविता शुभा ॥१२॥
तस्याः पारे परव्योम त्रिपाङ्गु तं सनातनं । अमृतं शाश्वतं नित्यमनन्तं परमं पदम् ॥१३॥

बाह्य निवास जु तिहि तलें है विरजा के पार । जहां अनंत अजांड की है कोठरी अपार ॥
देवी धाम जु नाम तिहि जीव निवासी जाहि । जग लक्ष्मी जहां बसति है माया दासी ताहि ॥
इन तीनों धाम निजु के कृष्ण अधीस्वर सोय । है जु धाम गोलोक परव्योम प्रकृति पर जोय ॥
नाम त्रिपादैश्वर्य चित शक्ति विभूति जु धाम । औ मायिक जु विभूतिसो एक पाद तिहि नाम ॥
तथाहि—

त्रिपाद्विभूते धामावात् त्रिपादुत दि तत्पदं । विभूतिर्मायिकी सर्वार्थ प्रोक्ता पादात्मिका यतः ॥१४॥
कृष्ण त्रिपाद विभूति जो वचन अगोचर आहि । है एक पाद विभूति प्रभु सुनि विस्तार जु ताहि ॥
जिते अनंत अजांड मधि ब्रह्मा शिव गण आहि । लोक पाल बहु शब्द की गणना कहियत ताहि ॥
द्वारावति मधि एक दिन कृष्ण देखिबे चाय । अज आयौ द्वाराधिबनु कर्षी कृष्ण सौ जाय ॥
कृष्ण कहै अज कौन सौ कहा नाम है ताहि । द्वारपाल फिरि आय केँ अज कौ पृच्छ्यौ आहि ॥
द्वारपाल सौ जब कर्षी ब्रह्मा विस्मित होय । कर्षी जाय आयौ सनकपिता चतुर्मुख सोय ॥
द्वारप कृष्ण जनाय केँ अजहि लै गयो सोय । अज चरणन मधि कृष्ण के गिर्यौ दंडवत होय ॥
कृष्ण अतिथि पूजा करी प्रस्न करी पुनि ताहि । कौन हेतु तुमरी इहां भयो आगमन आहि ॥
ब्रह्मा कहै निवेदन सु पाछे करि है ताहि । यह संसै मन में जु तिहि करी मुखेदन ताहि ॥
तुम पृच्छ्यौ अज कौन कह आशय कहा जु ताहि । मो विन ब्रह्मा जगतमधि और कौन सो आहि ॥
सुनिकेँ हंसै जु कृष्ण ज तवै कियो कछु प्यान । ब्रह्मा के गन अनगणत आये तिहि छिन जाना ॥
इस औ बीस सहस्र पुनि अजुतल लख सोय । कोटि सु अर्बुद वदन किहि नाहिन गणना जोय ॥
तहां जु आये रुद्रगण ललकोटि मुख ऐन । और जु आये इंद्रगण ललकोटि जिहि नैन ॥
देखि चतुर्मुख अज भयो अति ही विस्मित जोय । गजराजनि के गनन मधि रखी समाज्यौ सोय ॥
आप जु सब अज कृष्ण के पाद पीठ सी लागि । करै दण्डवत गिरि जु केँ मुकुट चरण सौ पाणि ॥
शक्ति अचिन्त्य जु कृष्ण की पाय सकै न कोय । जितने अज मूरति तिति एकहि वपु करि सोय ॥
मुकुट अग्र पद पीठ सौ धर्ये उठै पुनि जोय । पाद पीठ की नुति करै मुकुट जानिये सोय ॥
ब्रह्मा रुद्रादिक जु नुति करै जोरि निज पाणि । बड़ी कृपा कीनी जु प्रभु चरण दिखाये आनि ॥
माणि हमारे मुधि किये दासननिकेँ आहि । कौन सु आज्ञा है हमें मिर पर धरै जु ताहि ॥
कृष्ण कहै तुम सबनि के लखिबे चित औ जोय । ताके हित इकट्ठे सर्व हम जु बुलाये सोय ॥
सुखी होहु सब ही कछु नहीं दैत्य भय आहि । सबठां जय तुव कृपा करि यौ सब कहै जु ताहि ॥
संप्रति जो अब कछु हुतो या पृथिवी की भार । अवतारण ह्वे केँ कियो तुम ताकी संहार ॥
इक पुर की जु विभूति जो ताकी इती प्रमान । कृष्ण जु समब्रह्माण्ड के यह सबकी भौ ज्ञान ॥
कृष्ण सहित पुर वैभव जु भौ अनभव सब काहि । काहुँ काहुँ की लखी इक ठाँ मिलन जु आहि ॥
चारि वदन अज केँ भयो चमत्कार लखि होय । कृष्ण चरण मधि आयकेँ नमस्कार तिन कीया ॥

ब्रह्मा कहै जु प्रथम ही मैं निरचे किय जोय । ताको आयु उदाहरण प्रगटि देखी सोय ।
तथाहि—

जानंतु एव जानन्तु किं बहुकथा न मे प्रभो । मनसो वपुषो वाचो वैश्वं तव गोचरम् ॥१५॥

कृष्ण कहै ब्रह्माण्ड यह जोजन कोटि पचास । जति अति ही छुद्र तुव वदन चारि परकास ॥
कोऊ अज सत कोटि है लख कोटि है कोय । कोऊ निर्युत कोटि पुनि कोटि कोटि किहि जोय ॥
अज के वदन सरीर जो है अजांड अनुरूप । ब्रह्माण्डन के गण जु ही पालो याही रूप ॥
है विभूति इक पाद इह नहि प्रमान यह जान । त्रिपद विभूतिसु व्योमकी के करि सकै प्रमान ॥

तथाहि—त्रिपादुतं सनातनमिति ॥१६॥

तब अज कौ श्रीकृष्ण जू बिदा कियो समुभाष । कृष्ण विभूति सरूप जो जान्यौ क्यौहि न जाय ॥
अर्थ अधीम शब्द की और गूढ़ है जोय । कहियत है जु त्रिशब्द करि तीन लोक प्रभु सोय ॥
गोकुल गोलोक मधुपुरी द्वारावती सु आहि । इन ही तीनों लोकमधि सहज स्थिति नित ताहि ॥
अन्तरंग ऐश्वर्य करि पूर्णधाम तब जान । तीनों धाम अधीस्वर जु कृष्ण स्वयं भगवान ॥
पूर्व उक्त ब्रह्माण्ड के जितेक दिगपति जोय । अनन्त वैकुण्ठावरण लोकपाल बहु सोय ॥
आगे हरि पद पीठ केँ मुकुट सबनि केँ आहि । तिहि मणि समै जु दंडवत पाद पीठ लागि ताहि ॥
धकाधकी मनि पीठकी उठै सु भन भनकार । करै जु नुति पद पीठ कीं किय अनुमान विचार ॥
कृष्ण जु निज चिच्छक्ति करि राजमान नितिधाम । चिच्छक्ति हि संपतिकी पद ऐश्वर्यसु नाम ॥
तिही स्वाराज्य श्री जु करि पूर्ण काम निति जाम । याही तें वेद जु कहै कृष्ण स्वयं भगवान ॥
कृष्णेश्वर्य अपार यह अमृत सिंधु जो आहि । सकै नहीं अवगाह करि छियो एक बिंदु याहि ॥
कहत ईसता कृष्ण की भई स्फूर्ति तब ताहि । माधुरिमधि मन मगन भौ पड़्यौ रलोक इक ताहि ॥

तथाहि—

जन्मत्यंलीलौपयिकं स्वयोगमायाबलं दर्शयता गृहीतं ।
विस्मापनं स्वस्य न सौमगर्हः परं पदं भूषणभूषणम् ॥

भैरवराग

सुनि ही सनातन कृष्ण कौ मधुर रूप ।

त्रिभुवन मगन करै हरै सब जीन मन परम भादक जा कौ एक कण अन्य ॥
हरि लीला जिते धनी नर लीला मुकुटमनी नरवपु ह्वे सदा निज स्वरूप ताहि ।

गोपबेस बेणु पाणि नव किशोर अति सुजान नटवर नर लीला है सोई अनुरूप आहि ॥
जोगमाया शक्ति चित्र विमलसत्त्व ही की विकृति, लोकनि दिखायबेको ताके बलकी प्रमान ।
यहै रूप महारतन मत्तनिकी गूढ़धन, कीनी नरलोक प्रगट नित्यलीला हीतें आन ॥
अपनी निज रूप देखि अचिरज हरिहिय विशेषि तासों भोग करिबेको उपज तिहि हृदय काम ।

ताकी सौभाग्य नाम सुन्दरतादि गुणनि ग्राम यह रूप तिन के है सहज नित्य धाम ॥
भूषण के भूषण अंग जहां ललित अति त्रिभंग तापर भू भंग धनुष जुग लरै लास ।
बान तिरछे नयन सुदृढ़ तिनकी चलन लक्ष है गोपिका गणनि मन जास ॥

कोटि ब्रह्माण्ड परवर्षा मधि जिति है मनहर स्वरूप तिन मन हि हरई ।
वेदवानी कहै जाहि सति मुकुटमनि तिहीं लक्ष्मीगनाकर्ष करई ॥
चदि गोपीगण मनरथै मनमथ हि मन मथै मदन मोहन धरै तवै निज नाम ।
जीति कंदर्प कौ दर्प नव काम वपु गोपीगण लै करै रास अभिराम ॥
अपने सब सखा संग धेनु चारण रंग मध्य वृन्दावन हि विहरै स्वच्छंद ।
वेणु धुनि जासु सुनि अश्रुधारा बहै कंप औ पुलक धरै चर अचर वृन्द ॥
हार वगपाति औ इन्द्र धनु पिछ तति बीजुरी पीत पट करै संचार ।
रगम नव जलद वर जगत सस्य हि उपरि वरपई सुखद लीला अमृत धार ॥
माधुरी ईसता सार किय ब्रज प्रचुर ताहि मुक मुनि व्यास सुत ठांव ठांही ।
जीवन जनायवे कथन किय भागवत याहि सुनि भक्त मन मत्त हूँ जांही ॥
कहत श्रीकृष्ण रस पदच पदि प्रेम बस नेह करि करि सनातनके हीये धरिकें ।
गोपिका भाग्य गुण कृष्ण के जे कहै नगर नारि नु भाव हिये भरिकें ॥

तथाहि—गोप्यस्वपः कियचरनितिक्रमः ॥

वथा पदच—सखि है गोपीगण कौन तप कीनों ।

कृष्ण रूप माधुरी नेत्र भरि भरि पीय श्लाघा करै जन्म तन मन रंग भीनों ॥
तारुण्यामृत सिंधुआदि लावण्यसार बीबी जाहि तामें काम भाव भौर उठत अपार ।
वंशी धुनि चक्र वात नारीमन तृणपात तिन्हें तहां धोरें फेर उठे न संभार ॥
नहि समान अधिक ध्यान कोऊ तिहि माधुरीसी बैकुण्ठ के स्वरूपगननि मांही ।
सब के अवतारी बैकुण्ठहि अधिकारी जे तिनहुँ नारायण में मधुरता मुनांही ॥
ताकी साखि बहै रमा नारायण प्रियतमा प्रतिव्रता गणन की उपास्य सदाई ।
तिनहुँ जिहि माधुरीके लोभ छाडि कामभोग करीहै तपस्या व्रत धरिकें अधिकारै ॥
सोती माधुर्य मो रतिन के नहि अन्य सिद्ध वेतो माधुर्य आदि गुणनकी खानि आही ।
और सब प्रकाश आहि भाये गुण दिये ताहि जहां जित्ता काज जानें प्रगट करै ताही ॥
गोपीभाव दर्पन जो छिनहीं छिन नयौ नयौ आगे तिहि कृष्ण जू की माधुरी अपारा ।
कोऊ करि होदाहोदी वादें नहि मौरै मुख नव नव प्राचुर्य धरै माने नहीं हारा ॥
कर्म सुतप यज्ञ दान वैधीभक्ति जोग ज्ञान करि माधुर्य बहै दुर्लभ अति जानी ।
मुद राग पथहि भजै कृष्ण हि अनुराग पगि माधुरी श्री कृष्णज की ताहि सुलभ मानी ॥

वहै रूप ब्रज निवास प्रभुता माधुर्य राम दिव्य गुण समूहन की रत्नालय सोय ।
औरनि वैभव हि सत्ता कृष्णदत्त भगवत्ता सर्वासी सर्वाश्रय नंद सुवन जोय ॥
श्रीलज्जा दया कीर्ति धैर्य मति विसारदी सु येई गुण नित्य सदा कृष्ण में निवासी ।
मृदु सुसील औ वदान्य कृष्णकी न तुल्य अन्य जगतकी हित करै कृष्ण विविध रस विलासी ॥
नाना जन हरिहि देखि कीनें निंदन निमेष ब्रजहि मधि विविधि निंदे गोगण सनेही ।
तेई सब पदच पदि के करिकें अर्थ महाप्रसू करै बदन माधुरीको पान भगन जेही ॥

अथ तथाहि—

तस्याननं मकरकुंडलचारुकराभ्यामृक्पोलसुभगं सविलासहामं ।

नित्योत्सवं न तनूपुर्वाश्रमः पिवन्त्यो नार्यो नराध मुदिताः कुपिता निमेष ॥

पदच—जसनि कृष्ण बदन राजै द्विजराज राजरी ।

कृष्ण देह सिंहासन बैठि करै राज तेज तै सोई रंग भर्यो संग ससि समाजरी ॥
मनसिज गायत्री मंत्ररूप है स्वरूप कृष्ण सादे चौबीस वरण ताके है जेई ॥
इन्दुनकी रूप धरि के कृष्ण देह उदै करिकें काममय त्रिलोक कीनी छाय हृदय तेई ॥
चीकनें कपोल जुग जीते मनि मुकुर विमल तेई विवि पूर्णचंद्र जानी मुखदाई ।
अलिक अर्द्ध इंदु आदि चंदन की बिंदु ताहि सोऊ एक पूर्णचंद्र सीतल अधिकारै ॥
करनख रजनी सु ठाठ करै वंशी उपरि नाट तिनकी है गान मधुर मुरली की तानरी ।
पद नख ससियुथ सोई तरें करै नृत्य जोई नूपुर की रुनक झुनक धुनि है तिनकी गानरी ॥
नृत्य करै मकर कुंडल नेत्र विमल नील कमल सदाई न चारवै तिन्हें तृपति अति विलासी ।
भृकुटी धनु जैमें बान ताके गुणजमल कान नारी मन लक्ष ताहि वेधे सुखरासी ॥
विधु कौ यह नृत्यघाट फैलाई ससिनि हाट अमृत निज लुटावै सबनि बिना लिये मोलही ।
मुसकि चन्द्रिका सुधाहि काहूकी अधरामृत प्याये तृप्तकरै सबनि मधुर वचन बोल ही ॥
आयत अनुराग ऐन धूमरी मद छकी सैन, यैसे जुग नैन जाके मंत्री लागे कानरी ।
क्रीड़ा लावण्य सदन रसके अयन नयन जहां सुखमय गोविंदवदन मधुररस निधानरी ॥
पुन्य पुंज फलै जाहि ताकी दरस मिलै ताहि कहौ दोष नैन ही सी कितौ करै पानरी ।
बड़े दुनी तृषा लोभ पिय न सकै हिये लोभ, दुख करि तब निंदे कहै विधिकी नहि ज्ञानरी ॥
दिये नहि कोटि लक्ष सबसे किय दोष अथ, तिनहुँ में दिय निमेष ओट दुख अपारा ।
विधि जह धनमुतप जाहि रस के रहित हियो ताहि जानें नहि जोग्यसृजन कमल सुत विचारा ॥
दरसि है जे कृष्णवदन तिनके कहां दोष नयन है के विधि अविधि करै ऐसो अविचारा ।
मोहि जो बुलाय पूछे कोटि आंखिरचै तिन्हें है उचितसृष्टि ताकी तब जानें निरधारा ॥

हरितनु माधुर्यविषु है सुमधुर वदनइन्दु अतिही मधुर स्मितकरन मन प्रकासा ।
लागे ये तीन हिमें स्वादै तीन लोभ किये पदे इस्तचालन जुत पथ हिय हुलासा ॥

तथाहि

मधुरं मधुरं मधुरं विभो मधुरं मधुरं वदनं मधुरं । मधुगन्धि मधु निमतमेतद्गो मधुरं मधुरं मधुरं मधुरं ॥

वचाराग—

अहो हे सनातन कृष्ण मधुररस निधान ।

मेरी मन मनपाती सबही पियौ चाहै ताहि अपनी दुईव वैद्य देय नही कन प्रमान ॥
हरितन लावण्यपूर मधुरहृते अतिसुमधुर तामें जो वदन सुधानिधि है सुखकी रासरी ।
मधुरहृते परममधुर ताहृते है अतिसुमधुर ताकी जो मुसकनि पर चन्द्रिका प्रकासरी ॥
मधुरहृते सृष्ट मधुर ताहृते अधिकमधुर ताहृते अतिसय है अति सुमधुर जोई ।
अपने इक कनहि करिकेँ आपैं सब तीन लोक दर्शदिसा वई जाकों पूर अकथ सोई ॥
हसनि किरनि सितकपूर अधरमधु प्रवाह पैठे विभुरनकी मत्त करें वई मधु सुवास जो ।
वंशीको छिद्र सुनभ ताकेँ गुण सन्द प्रविस ध्वनि के स्वरूप हूँ केँ तब पावै परिनाम सी ॥
सो धुनि चहु ओर धाय भेद जग बैकुण्ठ जाइ बल करि सब जगत हीकेँ पैठि जाय कानरी ।
सबकी मनवारी करिकेँ आनेँ ऐँचि बलसौँ धरिकेँ धरिकेँ ताहमें अतिविशेष सुवतिगण सुजानरी ॥
अतिही उद्धत धुनि है सोई सतिनुकेँ व्रत तोरै जोई, पतिनकेँ निज अकहृतेँ काड़ि लेत नारी ।
परच्योष लक्ष्मीगणहि जो करावै आकर्षण, आगेँ दिहि गोपीगण कौन धौ विचारी ॥
पति दिग निर्वी खिसावै गृहकेँ काजनि छुटावै बलसौँ गहि कृष्ण निकट जुवतिनिकीँ लावई ।
लोक धर्म लज्जा भय सबहि ज्ञान नास होय, नारीगण सब जितेँ तिन्है ये नचावई ॥
श्रवनि में करै वास तहां सदा निज प्रकास, पैठन नहि देय जहां और सन्द कोई ।
और न कहु सुनेँ कान कहतें कहु कई आन, यहै कृष्ण वंशी की चरित जगत भोई ॥
फेरि कई बाण ज्ञान आन कहतें कई आन, तुम पर श्री कृष्ण जू की कृपा अधिक आही ।
मेर चित अम कराय प्रभुता निज माधुरी पुनि, तुम ही श्रवन कराई मेरेँ मुख ताही ॥
मैं ती अति बड़ी बौर और कहत और कायौ हरि की माधुर्यपूर लखि गयो वहि केँ ।
तब ती प्रभु एक छिनहि मौन करिकेँ रहे फेरि कई रीँ सनातन सीँ मनहि धैर्य गहिकेँ ॥
कृष्ण माधुरी अपार पुनि किय प्रभु मुख प्रचार जोई सुनै लई प्रेम सुख प्रकास ।
रूप श्री सनातन रघुनाथ चरण जाको वास, गौरचन्द्र चरितामृत कई कृष्णदास ॥
क्यों गौरचन्द्र चरित वृंदावन दास जोई फेरि केँ उचार्यौ कविराज राज जाहि ।
इनही की चरण पूरि मूरि है सजीवन जिहि भाषा निज प्रगट कियौ वेंनी कृष्ण ताहि ॥
इति श्री चैतन्यचरितामृते मध्यखण्डे श्रीकृष्ण पेरवर्त्य माधुर्यवर्णनं नाम एकविंशति परिच्छेदः ॥

द्वाविंशति परिच्छेदः

चंदे श्रीकृष्णचैतन्यदेवं तं करुणार्णवं । कलावप्यति गूढेयं भक्तिर्येन प्रकाशिता ॥ १ ॥

जय जय श्री चैतन्य जू जय श्री नित्यानंद । जय अद्वैत हिमांशु जय गौर भक्त के वृंद ॥
निज संबंध जु तत्व की यहै कछौ जु विचार । वेद शास्त्र उपदेस ई एक कृष्ण है सार ॥
कहिये अब अभिधेय की लक्षण सुनौ जु सोय । याते पैयै कृष्ण श्री कृष्ण प्रेम धन जोय ॥
कृष्ण भक्ति अभिधेय है कई शास्त्र सब ताहि । याही तें मुनि गननि यह कियौनु निरचै आहि ॥

तथाहि मुनिवाक्यं—

भूतिर्माता पृष्ठा दिशति भवदाराधनविधिं, यथा मातुर्वाणी स्मृतिरपि तथा भक्ति भगिनी ।
पुराणाद्या ये वा सहजनिबद्धास्ते तदनुगा, अतः सत्यं ज्ञातं मुरार भवानेव शरणम् ॥ २ ॥

अद्वय ज्ञान जु तत्व जो कृष्ण स्वयं भगवान् । है स्वरूप शक्तिहि जु मधि अवस्थान तिहि ज्ञान ॥

स्वांस विभिन्नांस रूप करि ई केँ विस्तार अनंत बैकुण्ठ ब्रह्माण्ड करै जु विहार है ।

स्वांस विस्तार है चतुर्व्यूह अवतार गण विभिन्नांस जीव तिहिं सक्तितेँ अपार है ।

सोई विभिन्नांस जीव है प्रकार दोय एक नित्य मुक्त एक केँ जु निति ही संसार है ।

नित्यमुक्ति नित्य कृष्ण चरण के उन्मुख जे कृष्णपार्षद जु भोगेँ सेवा सुखसार है ॥

नित्यवद्ध श्रीकृष्ण तें नित्य बहिर्मुख जोय । नित संसारी भोगई नरकादिक दुख सोय ॥

अजा पिसाची दंडई तिहीं दोष करि ताहि । मारै ताहि जराय केँ ताप त्रय करि आहि ॥

काम क्रोध की दास हूँ तिनकी लाठी खाय । साधु वैद्य जो पावई अमृत अमृत अकुलाय ॥

तिहिं मंत्र जु उपदेस करि भजेँ पिशाची जोय । कृष्ण भक्ति लहि कृष्ण के निकट जाय तब सोय ॥

तथाहि भः रः सिन्धो—

कामादीनां कति न कतिधा पातितानि दुर्निदेशास्तेषां जाता मयि न करुणा न उपा नोपशान्तिः ।

उत्सृज्यैतानथ यदुपते सान्तरतं लब्धबुद्धिस्त्वामायातः शरणमभयं मां त्रिभुंजात्मदास्ये ॥ ३ ॥

कृष्णचन्द्र की भक्ति जो अभिधेय प्रधान । मुख जु निरीचक भक्ति केँ कर्म जोग औ ज्ञान ॥

इन ही सब साधननि की फल अतितुच्छ विचार । कृष्ण भक्ति विन तिनहुँ केँ देवे की नहि सार ॥

तथाहि भागवते—

नैककर्म्यमप्यच्युतमावयजितं न शोभते ज्ञानमलं निरञ्जनं ।

कुतः पुनः शरवदभद्रमीश्वरे न चार्पितं कर्म्यं यदप्यकारणम् ॥ ४ ॥

तथाहि सवैय—

सोमं न बिदन्ति विना यदर्पणं तस्मै सुभद्रभवसे नमोनमः ॥ ५ ॥

केवल ज्ञान न दे सकें मुक्ति भक्ति विन जोय । यहै जु मुक्ति हरि सनमुख विना ज्ञान ही होय ॥

तथाहि तत्रैव—

श्रेयः भुक्तिभक्तिमुदर्यते विभो विलस्यन्ति ये केवलबोधलब्धये ।
तेषामसौ क्लेशल एव शिष्यते नान्यद् यथा स्थूल तुषावधातिनाम् ॥६॥

तथाहि गीताया—

दैवी ह्येषा गुणमयी मम मायादुरत्यया । मामेव ये प्रपद्यन्ते मायामेतां तरन्ति ते ॥७॥

जीव दास नित कृष्ण कौ गयो भूलि यह ताहि । तिही दोस माया जु तिहि बांधै गरी जु आहि ॥
ताते कृष्ण भजै करै गुरु कौ सेवन जोय । छुटै जु माया जाल तें लहै कृष्ण पद सोय ॥
चारि वर्ण औ आश्रमी कृष्ण हि भजै जु नाहि । ते स्वधर्म करि बूडई परि रौरव के मांहि ॥

तथाहि भागवते—

मुख बाहुरुपादेभ्यः पुरुषस्याश्रमैः सह । चत्वारो जज्ञिरे यथा गुणैर्विप्रादयः पृथक् ॥८॥
य एषां पुरुषं साक्षादात्मप्रभवमीश्वरं । न भजन्त्यवजानन्ति स्थानाद् भ्रष्टाः पतन्त्यधः ॥९॥

ज्ञानी जीव दशा मुक्ति लही करै अभिमान । वस्तु बुद्धि नहि शुद्धि तिहि भक्ति बिना नहि जान ॥

तथाहि तत्रैव—

सेज्येरेविन्दात्त विमुक्तमानिनस्त्वयस्तभावादविशुद्धबुद्धयः ।

आरुह्य कृच्छ्रेण परं पदं ततः पतन्त्यधो ऽ नाहृतयुष्मद्विषयः ॥१०॥

रवि समान श्री कृष्ण जू है माया अंधकार । जहां कृष्ण तहां अजा कौ है नाहिन अधिकार ॥

तथाहि तत्रैव—

विलज्जमानया यस्य स्थानुमालीपते ऽ मुखा । विमोहिता विकथ्यन्ते ममाहमिति दुर्धियाः ॥११॥

कृष्ण तुम्हरी हीं जु हीं जो मापे इक्वार । माया के बंधन जु तें कृष्ण करै तिहि पार ॥

तथाहि रामायणे—

सङ्गदेव प्रपन्नो यस्तवास्मीति च वाचते । अभयं सर्व्वदा तस्मै ददाम्येतद्भजतं मम ॥१२॥

भुक्तिभुक्ति अरु भक्ति की चाह सुधी के होय । जो ददभक्ति जु जोग करि हरि की भजै जु सोय ॥

तथाहि तत्रैव—

अकामः सर्व्वकामी वा मोक्षकामो उदार धीः । तीव्रेण भक्तियोगेन यजेत पुरुषं परम् ॥१३॥

अन्य विषय कामी कभू जो हरि भजन सुसार । नहि मांगै हरि तऊ तिहि दे निज चरण विचार ॥

कृष्ण कई मोकी भजै चहै विषय सुख जोय । अमृत छाड़ि विष मागई बड़ी मूर्ख यह जोय ॥

हीं प्रवीन वा मूर्ख कीं कपीं विष दे हीं आहि । देके निज चरणामृत हि विषय भूल हीं याहि ॥

तथाहि तत्रैव—

स्वयं विचरन् भजतामनिच्छतामिच्छापिचानं निजपारपल्लवम् ॥१४॥

तथाहि हरिभक्ति सुषोदये—

स्थानासिकाधी तपसि स्थितोऽहं त्वां प्राप्तवान् देवमुनीन्द्रगुह्यम् ।
कांच विचिन्त्यअपि दिव्यरत्नं स्वामिन कृतार्थो ऽस्मि वरं न याचे ॥१५॥

किहू भाग्य कौऊ तरै भ्रमत भ्रमत संसार । ज्यौ तीर दि लागै नृणजु नदी प्रवाह सुदार ॥

तथाहि तत्रैव—

द्विषमानःकालनद्यान् क्वचित्तरति कश्चन ॥१६॥

किहू भाग्य भव किहू के लप उन्मुख जब होय । साधु संग करि तब जु तिहि हरि रति उपजै सोय ॥

तथाहि तत्रैव—

भवापवर्गो भ्रमतो यदा भवेत् जनस्य स ह्यन्युत सत्समागमः ।

सत्संगमो यदि तदैव सद्गतौ परावरेण स्थितिं जायते रतिः ॥१७॥

किहू भाग्य जुत पर कृपा कियो चहै हरि जोय । गुरु अंतर्दामी जु हूँ आपुन सिखवै सोय ॥

तथाहि तत्रैव—

आचार्य्यं चैत्यवपुषा स्वगतिं व्यनक्तीति ॥१८॥

जन संग करि हरिभक्ति मधि जब ददश्रद्धा होय । होय प्रेम फल भक्तिकी भव नासै तिहि सोय ॥

तथाहि तत्रैव—

यदृच्छया मत्कथादी जातश्रद्धस्तु यः पुमान् । न निर्विषणो नातिमक्तो भक्तियोगस्य सिद्धिदः ॥१९॥

साधु कृपा विन कर्म जुत तिनतें भक्ति न होय । कृष्ण प्राप्ति अति दूर है भव नासै नहि सोय ॥

तथाहि तत्रैव—

रहगणैतत्तपसा न याति न चेद्यया निर्व्वपणादृग्गहादा ।

न च्छन्दसा नैव जलामिसूर्य्ये बिना महत्पादरजोभिषेकं ॥२०॥

तथाहि तत्रैव—

महीवसां पादरजोऽभिषेकं निष्किञ्चनानां न कृणीत यावत् ॥२१॥

साधुसंग पुनि साधु संग कहै शास्त्र सब जोय । पलकमात्र जनसंग करि सबै सिद्धि तिहि होय ॥

तथाहि तत्रैव—

तुलायाम लयेनापि न स्वर्गं नापुनर्भवं । भगवत् संगिसंगस्य मर्त्यानां किमुताशिषः ॥२२॥

कृष्ण कृपानिधि अजु नहि करिके सब जु ताहि । राख्यो है उपदेस दे सब जगत कौ आहि ॥

तथाहि गीतायां—

सर्वं गुह्यतमं भूयः शृणु मे परमं वचः । इष्टोसि मे ददमिति ततो वक्ष्यामि तेहितं ॥२३॥

मन्मना भव मद्रक्तो मयाजी मां नमस्कृत । मामेवेष्ट्यसि सत्यं ते प्रतिजाने प्रियोऽसि मे ॥२४॥

वेद कर्म आज्ञा प्रथम धर्म जोग कहि ज्ञान । सब सिखा करि अंत मधि यह निदेस बलवान ॥

इहि निदेस बल भक्ति मधि जब श्रद्धा जिहि होय । वेद कर्म सब त्यागकरि कृष्णहि भजै जुसोय ॥

तथाहि भागवते—

धर्मान् संरप्य यः सर्व्वान् मां भजेत्स च सततः । आज्ञायैव गुणान्दोषान् मयादिष्टानपि स्वकान् ॥

तथाहि तत्रैव—

तावत्कर्माणि कुर्वीत न निर्विषये ते वावता । मत्कथा अवगाहौ वा श्रद्धा यावन्न जायते ॥ २५ ॥

कहियै श्रद्धा शब्द करि निश्चै दद विश्वास । भक्ति किये सब कर्म हूँ किये होत है ताव ॥

तथाहि तत्रैव—

यथा तरोर्मूलनिषेवनेन तुष्यन्ति तत्कल्पसुजोषराखाः ।

प्राणोपहाराच्च यथेन्द्रियाणां तत्रैव सर्व्वार्हणमच्युतेत्या ॥ २७ ॥

अधिकारी हरिभक्तिमधि है जन श्रद्धा सोय । उत्तम मध्यम लघु जु ये है श्रद्धा अनुजोय ॥

शास्त्र युक्ति मधि निपुन अति जिहि दद भद्रा होय । उत्तम अधिकारी वई भवकों तारे सोय ॥
शास्त्र युक्ति जाने नहीं है दद भद्रावान । मध्यम अधिकारी वई भागवान अति जान ॥
सो कनिष्ठ जन जानिये कोमल भद्रा जाहि । कम कम सोऊ भक्ति मधि है है उत्तम आहि ॥
तारतम्य रति प्रेम के भक्त तारतम होइ । सब के लक्षण किये हैं एकादश मधि जोइ ॥
तथाहि तत्रैव—

सर्वभूतेषु यः परेष्टुष्वङ्गावमात्मनः । भूतानि भगवत्प्राप्त्यन्ये भागवतोत्तमः ॥ २८ ॥

हेतुवरे तद्गुणेषु धर्मिणोषु द्विषन्सु च । प्रेम मैत्री कृपापेक्षा यः करोति स मध्यमः ॥ २९ ॥

अच्छांशमेव हरेर्ये यज्ञा यः अद्वयं हते । न तद्भक्तोपचान्येषु स भक्तः प्राकृतः स्मृतः ॥ ३० ॥

सर्व महागुणगण जिने जन सरीर मधि सोय । जन मधिसब गुण संचरै कृष्ण भक्तिकरि जोय ॥
तथाहि तत्रैव—

यस्यास्ति भक्तिर्भगवत्प्रतिपत्ता सर्वैर्गुणैस्तत्र समासते सुराः ।

हरावभक्तस्य कुतो महद्गुणा मनोरथेनासति धावतो बहिः ॥ ३१ ॥

जितने सब गुण गणजुहै उनके लक्षण आहि । सर्व जाय नहि कई दिग दरसन करियतु ताहि ॥
अद्भुत दोह कृपाल पुनि सत्य सार सम सोय । दोम रहित अरु दांत मृदु मुचिजु अकिंचन होय ॥
सब उपकारक शांतपुनि एकशरण दुरिजाहि । होय अकाम अनीह धिर विजित सुखदगुणआहि ॥
अप्रमत्त मितभुक्त सदा मानन मानद जाहि । करण मैत्र गंभीर कवि दत्ता सु मौनी आहि ॥
दुनोयस्यै—

तिनिष्ठः कारुणिकः सुहृदः सर्वदेहिनां । अजातशत्रुवः शान्ताः साधवः साधुभूषणाः ॥

पञ्चम स्थै—

महत्सेवा इरमादुर्बिमुक्तैर्मोदारं योषितां संगिसंग ।

महान्तस्ते समचिन्ताः परान्ता धिमन्यवः सुहृदः साधवो ये ॥ ३३ ॥

कृष्ण भक्ति के जन्म की मूल साधु संग होय । कृष्ण प्रेम के जन्म की पूर्ण मुख्य अंग सोय ॥

तथाहि तत्रैव—

सत्संगगो यदि तदैव सद्गती परावरेण त्वयि जायते रतिः ॥ ३४ ॥

तत्रैव—

अत आधुनिकं चेमं दुष्कृतो भवतोऽन्याः ।

संसारोऽस्मिन् जगद्धोऽपि सत्संगः सेवयितृणाम् ॥ ३५ ॥

तथाहि तत्रैव—

सतां दसगान्धम दीर्घसंधिरो भवन्ति इत्कर्णरसायनाः कथाः ।

तत्रोपलादावप्यगोचर्यमि महारति भक्ति रतुकिमिष्यति ॥ ३६ ॥

असत संग की त्यागिनी वई भक्त आचार । स्त्री संगी इह असत अरु कृष्ण अभक्त विचार ॥

तथाहि तत्रैव—

न तदास्य भवेन्नोहो वन्द्यचान्द्रसंगतः । योषित्संगायथा पुंसो यथा तत्संगिसंगतः ॥ ३७ ॥

तत्रैव—

सर्वं हीनं दत्ता मौनं बुद्धि हीः श्री यथाः रामा । रामो दनो भगवतेति वत्संगायाति संसर्ग ॥ ३८ ॥

सेव्यशान्तेषु मूढेषु कथितान्धमसाधुषु । संगं न कुर्वान्छोच्येषु योषित्वीकामनेषु च ॥ ३९ ॥

कार्यायन संहितायां

वरं हृत्यहन्तातापञ्जरान्तर्गम्यमिति । न शीघ्रिणिनाविमुक्तजनसंवातवैराग्यं ॥ ४० ॥
गोस्वामिवाक्यं—

माद्राक्षीः शीघ्रपुरगान् कथंचिदपि भगवद्भक्तिहीनान् मनुष्यान् ॥ ४१ ॥

ए सब तजि अरु वर्ष पुनि आश्रम धर्मेनि त्यागि । होइ अकिंचन लै रई इह हरि गुरुदे पाय ॥
तथाहि गीतायां—

सर्वं धर्मान्परित्यज्य मामेकं शरणं प्रयेति श्लोक ॥ ४२ ॥

भक्ति वत्सल कृतज्ञ पुनि समरथ बड़े वदान्य । ऐसै कृष्ण हि छाडि कै पण्डित मत्रै न अन्य ॥
तथाहि भागवते—

यः पण्डितस्तदपरः शरणं समीपाद्भक्तिपादवगिरः सुहृदः कृतज्ञान् ।

सर्वान्ददाति सुहृदो भक्तोऽभिमानात्मानमात्मन्युपवसापचरी न वस्य ॥ ४३ ॥

परम विज्ञ जन के जवै होय कृष्ण गुण जान । आनहि तजि हरि की मजै उदव तहां प्रमान ॥
तथाहि तत्रैव—

अहो वकीर्यं स्तनकाकृष्टं जिघांसया पादपद्मसाम्प्रदी ।

सेमे गति धातुचिन्तां ततोऽन्यं कथा द्यातुं शरणं प्रयेम ॥ ४४ ॥

शरणागति निस्पृह जु की एक जु लक्षण जोय । तिन के चरणनि मधि करै आत्म समर्पन सोय ॥
तथाहि वैष्णवतन्त्र्ये—

आनुकूल्यस्य प्रदत्तां प्रातिवृत्त्यभ्य वर्जनं । रुचिप्यतीति विरहासो गोदत्ते वरतां तथा ॥

आत्मनिष्ठेषु कार्येषु पट्टिषु शरणागतिः ॥ ४५ ॥

तत्रैव—

तवास्मीति वदन वाचा तथैव मनसा विद्वन् । कस्यानमाभितलत्वा मोदते शरणागतः ॥ ४६ ॥

आत्म समर्पण कृष्ण की करै शरण लै आहि । ताही छिन श्रीकृष्ण जू करै आत्म सम ताहि ॥
तथाहि भागवते—

मर्षेण यदा त्यक्तसमस्तकर्मन्तिवेदितात्मा विचित्रीयितो मे ।

तदास्मत्त्वं प्रतिपश्यमानो मयात्मभूवाच च कल्पते वै ॥ ४७ ॥

लक्षण साधन भक्ति की मुनो सनातन जोय । जिहि पैपै श्रीकृष्ण की प्रेम महाधन सोय ॥
तथाहि भ-०२० शिन्धौ—

कुतिसागरा भवेत्सागराभावा सा साधनामिया ॥ ४८ ॥

तिहि स्वरूप लक्षण किया भवसादिक है जोय । है तटस्थ लक्षण उपजि करै प्रेम धन सोय ॥
नित्य सिद्ध हरि प्रेमजो साध्य कर्भू नहि होय । भवसादिक करि शुद्ध मन उदै करै तिहि सोय ॥

सोई साधन भक्ति है कहिये दोय प्रकार । है इह वैधी भक्ति अरु रागानुगा विचारि ॥
भजै शास्त्र के भय हि करि राग हीन जन जोय । ताकी वैधी भक्ति करि कई शास्त्र सब सोइ ॥

तथाहि भागवते—

तस्माद्भारत सधर्मात्मा भगवान् हरिरीश्वरः । मोक्षयाः कोसितज्वरच स्मृत्यर्थवेच्छतामयम् ॥ ४९ ॥

तत्रैव—० एषां पुरुषं साक्षादाश्रयमवमीश्वरं । न भक्त्यन्यथाजानन्ति स्थानादुच्यताः पतन्त्यथा ॥ ५० ॥

पञ्चपुराणे च—

स्मरन्त्यः सततं विष्णुर्विभक्तस्मरन्त्यो न जानुचित् । सर्वे विधितिषेधाः स्मुरेतयोरेव किकराः ॥ ११ ॥
 विविध अंग साधन भगति ताकी बहु विस्तार । कहिये कछु संलेप करि साधनांग ये सार ॥
 गुरु पादाश्रय प्रथम पुनि मंत्र सुदीक्षा ताहि । गुरु चरननिकी सेवबी मुख्य अंग ये आहि ॥
 सुदृढ भक्ति की सीखिबी और पूछिबी ताहि । साधु मार्ग के अनुगमन करिबैं निहचैं आहि ॥
 भोग त्याग हरि प्रीत हित हरि तीरथ मधि वास । उदर मात्र जु परिग्रहै एकादसि उपवास ॥
 धात्री अरु अश्वत्थ पुनि धेनु विप्र हैं जोय । और वैष्णव जननि की पूजन करिबी सोय ॥
 हरि सेवा हरि नाम के अपराधादिक जोय । करैं दूही तें सुबुधि तिन की वरजन सोय ॥
 संग अवैष्णव की नहीं करै सिष्य बहु जान । ग्रंथ कला अभ्यास बहु तजिबौ तिहि व्याख्यान ॥
 सोकादिक के होत बस हानि लाभ सम होय । अन्य देव अरु शास्त्र की निंदा करै न सोय ॥
 हरि हरि जन निंदा विषे बात न सुनियै आहि । जीव मात्र जे मन बचन नहि दुख दैबी ताहि ॥
 भवण कीरतन हैं स्मरण पूजन बंदन ताहि । परिचर्या सख दास्य पुनि आत्म निवेदन आहि ॥
 नृत्य गीति विज्ञप्ति तिहि आंगें दंड प्रणाम । अभुत्थान अनुव्रजन अरु गमन तीर्थ तिहि धाम ॥
 परिक्रमा स्तवपाठ पुनि जप संकीर्तन नाद । धूप माल्य के गंध तिहि भोजन महा प्रसाद ॥
 आरति उत्सव और श्री विग्रह दरसन जोय । ध्यान तदीय जन सेवन निज प्रिय अर्पण सोय ॥
 तुलसी वैष्णव मधुपुरी अरु भागवत तदीय । इन चारनि की सेवबी हरि के अभिसत हीय ॥
 अखिल चेष्टासु कृष्णहित कृपावलोकन ताहि । जन्मदिनादि महोत्सवजु हरिजन गण लै आहि ॥
 सरणापत्ति जु सर्वथा कात्तिकेति व्रत जान । चौपठि अंग जु भक्ति के सोई परम प्रधान ॥
 नाम कीरतन साधु संग भवण भागवत तास । थडा करि सेवन जु श्री मूर्ति मधुरा वास ॥
 सब साधनि मधि श्रेष्ठ है एई पाँचौ अंग । उपजावे हरि प्रेम इन पांचन की कछु संग ॥

तथाहि भ= २० सिन्धी—

सजातीयाशये स्निग्धे साथी संगः स्वतोधरे । श्रीमद्भागवतार्थानामाभ्यासो रसिकैः सह ॥ १२ ॥

भट्टा विशेषतः प्रीतिः श्रीमूर्तेरभिसेवने । नाम संकीर्तनं श्रीमन्मधुरामण्डले स्थितिः ॥ १३ ॥

भक्तिरसामृत सिन्धी—

दुरुद्धादुत्तमधीप्येऽभिन्न भट्टा दुरेऽन्तु पञ्चके । यत्र स्वर्गोऽपि सन्वन्धः सद्धिर्वा भावजन्मने ॥ १४ ॥

कोऊ साथे अंग एक एक साथे बहु अंग । निपटा भये जु उपजई ताकें प्रेम तरंग ॥

सिद्धि लही एक अंगकरि बहुत भक्तगण आहि । सम्बरीष मुख्य भक्तये बहुअंग साधन ताहि ॥

तथाहि पद्यावल्यां—श्री विष्णोः भवणे परीक्षितभवद् बैयासकिः कीर्तने,
 प्रस्तावः स्मरणे सर्वप्रियभजने कल्मीः प्रधुः पूजने ।
 अकूरन्त्वभिषन्दने कपिपतिहोत्सेऽय सख्येऽनुनः,
 सर्वभाज्यनिवेदने बहिरमून् कृष्णातिरेकां परं ॥ १५ ॥

तथाहि भागवते—

सर्वे मनः कृष्णपदारविन्दोऽर्चयन्ति वैकुण्ठगुणानुकरणे ।
 करो हरेर्मन्दिरमाजनादिषु धुतिप्रकारान्युत्तमकयोदये ॥

इत्यादी दृष्टव्यः । १६ । १७ । १८ ॥

कर्म त्यागि हरिकी भजै शास्त्रसु आज्ञा जान । देव अपि जु पितरादिकी नही श्रणी सो मान ॥
 तथाहि भागवते—

देवर्षिभूताप्तनृणां पित्राणां न किकरो नायमृषीच राजन् ।
 सर्वार्त्तनाथः शरणं शरणं गतो मुकुन्दं परिहृत्य कर्त्तम् ॥ १६ ॥

भजे कृष्ण के चरण की तजि विधि धर्महि जोय । पापाचार निमिद्धि मधिसन तिहि कवहं न होय ॥
 पाप कदाचि दज्ञान तें होय उपस्थित आहि । प्रायश्चित्त करै न सो करै सुद्धि हरि ताहि ॥
 तथाहि भागवते—

स्वागादमूलं भजतः प्रियस्य स्वक्तान्यभाषस्य हरिः परेशः ।
 विकर्मं यथोत्पत्तितं कथञ्चित् धुनोति सत्त्वां हृदि सन्निविष्टः ॥ १७ ॥

ज्ञान और वैराग्य पुनि इन्हें आदि दै जोय । अंग न कवहं है सकै कृष्ण भक्त के सोय ॥
 तथाहि तत्रैव—

तस्मान्मद्वक्तियुक्तस्य योगिनो वै मदात्मनः । न ज्ञानं न च वैराग्यं प्रायः श्रेयो भवेद्विद्व ॥ १८ ॥

जीव अहिंसा जम नियम इन्हें आदि गुण जोय । कृष्ण भक्त के संग मदा है जु विप्रेस न सोय ॥
 तथाहि स्कान्दे—

एते न ह्यदुक्ता वयाथ तदाहिसादयो गुणाः । हरिभक्तौ प्रवृत्ता ये न ते स्युः परतापिनः ॥ १९ ॥

साधन सब विधि भक्ति के कहैं कछुक करि प्रीति । रागानुगा जु भक्ति की सुनो सनातन रीति ॥
 रागमई मुख्या भगति निति व्रजजन तिहि धाम । तिनकी अनुगति भक्ति की रागानुगा जु नाम ॥
 तथाहि भक्तिरसामृतसिन्धी—

इष्टे स्वारसिकी रागः परमाधिष्टता भवेत् । तन्मयी वा भवेद्भक्तिः सात्र रागात्मिकोदित्वा ॥ २० ॥

तृष्णा गाढ़ जु इष्ट मधि यहै राग की आहि । है स्वरूप लक्षण यहै सुनो दूसरो ताहि ॥
 ईष्ट मध्य आविष्टता दिये निरन्तर होय । तिहि तटस्थ लक्षण कहैं परम विज्जन सोय ॥
 राग मई हरिभक्ति की रागात्मिका जु नाम । तिहि सुनि लोभी होय जन विरल भाग्य अभिराम ॥
 व्रजवासी के भाव की अनुगति करै लुभाय । शास्त्र युक्ति माने न इह रागानुगा सुभाय ॥
 तथाहि तत्रैव—

रागात्मिकामनुसृता वा सा रागानुगोचरते । विराजन्तीमभिषयकं व्रतवासिजनादिषु ॥ २१ ॥

तत्रैव—तत्तद्भावादिमाधुर्ये भुते धीर्यदपेक्षते । नात्र शास्त्रं न युक्तिर्य तल्लोभोत्पत्तिरक्षणम् ॥ २२ ॥

पाद और अन्तर जु है याके साधन दोय । पाद करै साधक वपु जु भवण कीरतन जोय ॥
 हिय निज सिद्ध शरीर मधि करि जु भावना ताहि । व्रज मधि सेवन कृष्ण की करै रैनदिन आहि ॥
 तथाहि तत्रैव—सेवा साधकरूपेण सिद्धरूपेण चाव हि । तद्भावादिषुना कार्या व्रजलोकानुसारतः ॥ २३ ॥

सुविख्याता महाभाष्यपरमोत्कर्षतर्पिणी । मोकुल प्रेमममतिजंगम ज्योती लसद्भरताः ॥

सुधोर्विजयसुरमेधा सलीपल्लवितावरा । कृष्णविद्यावलीमुख्या सन्ततावकेशवः ॥

नायका नु नायक सु पुनि रस आलंबन दोष । श्रीराधा प्रजराजसुत दोष मुख्य ये सोष ॥
ऐसे दास नु दास मधि मुख्य सखाभण जोष । वत्सल मधि पित मात आलंबन आश्रय सोष ॥
इन रस की अनुभव करें जैसे जन गण आदि । होय नु रस जा भाँति हिय सुनी नु कारण ताहि ॥

भक्तिरसासुतसिन्धी—

भक्तिनिधूतदोषाणां प्रसन्नोत्पलचेतसां । भीमागवतरक्तानां रक्तिकासंगमगिणाम् ॥

जीवनीभूतगोपिन्धवाभक्तिसुप्रसिद्धां । प्रेमान्तरमभूतानि कृष्णान्यवानुतिष्ठताम् ॥

भक्तानां हृदि राजन्ती संसारसुगन्धोष्मला । रतिराजन्दरुणैव तीक्ष्णमानानुरस्यता ॥४२०॥

कृष्णादिभिर्विजायाद्देवतैरनुभावाभ्यनि । पौद्गलन्द्यभक्त्यारकाष्टामापद्यते पराम् ॥

यहै नु रस आस्वाद सो नहि अभक्त गण ताहि । कृष्ण भक्तगण करत हैं रस आस्वादन आदि ॥

तथाहि भ० २० सिन्धी—

सर्वार्थैव दुरहोऽयमभाक्ते संगमद्वयः । सत्याधाम्भुज सज्ज्याकी भंके रेवानुरस्यते ॥४२१॥

यहै प्रयोजन विवरन नु कहीं अल्प करि सोय । पंचम पुरुषार्थ यहै कृष्ण प्रेम धन जोय ॥
हमनि प्रथम नु प्रयाग मधि यह रस की नु विचार । तुम्हरे माई रूप की कीची शक्ति संचार ॥
तुम हूँ रद करि करहुगे भक्ति शास्त्र नु प्रचार । तीर्थ लुप्त मथुरा नु के करी तिनहि उद्धार ॥
वृन्दावन मधि कृष्ण की सेवा जन आचार । शास्त्र स्मृति वैष्णव नु करि करिहो इनहि प्रचार ॥
रहनि पुक्त वैराग्य की सर्व सिगार्य आदि । सुप्त ज्ञान वैराग्य सर्व कियी निषेध नु ताहि ॥

गीतायां—

अद्वैत्या सर्व भूतानां मैत्रः करुण एव च ।

निष्कामो निरहंकारः समदुःखसुखः समीत्यादीनि श्लोकानि ४८१-४८४

भागवते—

चीराणि किमित्यादि च ॥४२६॥

पूछो सब सिद्धान्त तब तिनहै सनातन आदि । कई गृह भागवत के प्रभु सिद्धान्त नु ताहि ॥
कही है नु हरिवंस मधि मोलाक स्थिती सोय । कृष्ण स्तुति जब आय के हृद्र करी है जोय ॥
मोक्षल लोला श्रीर हरि अन्तर्धान पञ्चान । कई केश अवतार जे जे विरुद्ध विरुधान ॥
महिषी हरणादिक चरित है माया के ऐन । अर्थ सिखायें होय ज्यो सब सिद्धान्त मुखेन ॥
तब सनातन गौर के चरण सीस निज देय । कियी निषेदन दीन है दाँतनि मधि तृण लेय ॥
नीच जाति सेवी तुहीं अति पापर हम जोय । निरूपे तुम सिद्धान्त जे अजहि अगोचर सोय ॥
ये सिद्धान्त अमृत उदधि मो मन तुच्छ नु आदि । है न सके मेरी हिपी एक बिंदु ह ताहि ॥
बंधु नरै वैं की प्रभु है तुम्हरो मन जोय । मम माये पर चरण परि मोहि देहु वर सोय ॥
सकल कुरो तुव हृदय मधि हम जो सिखयो तोहि । है है प्रभु तुम्हरे इंद्री वर ही तें बल मोहि ॥
विहि मिर पर कर धारि के तब महाप्रभु आदि । कुरी तुम्हरे हृदय सब इह वर दीनी ताहि ॥

२६ श परिः]

मणलीला

[२५९]

प्रेम पयोधि की कही संवेप नु संवाद । कही जाय विस्तार नहि प्रभु नु की परवाद ॥
प्रभु उपदेशामृत सुने जोई जन एक बार । वेगि मिले सो ताहि श्रीकृष्ण प्रेम धनवार ॥
धी रूप नु रघुनाथ के चरनि की जिहि आय । प्रभु चरितामृत सो कई कृष्णदास तिहि दास ॥
रूप सनातन जगत हित सुवल स्याम पद आय । प्रभु चरितामृत की कई प्रजनापादि प्रकास ॥
इति श्रीचैतन्यचरितामृते भाष्यम्भित्ति प्रेम पयोजन वर्णनं नाम प्रयोक्तिरिति परिच्छेदः ॥

चतुर्विंश परिच्छेदः

आत्मारामेति पञ्चाकंम्याथोद्गुणः यः प्रकाशयन् । जगत्तमे जहाराज्यात् स चैतन्योद्भवः ॥

जय जय श्री चैतन्य नु जय श्री नित्यानंद । जय अद्वैत हिमांशु जय गौर भक्त के पुन्द ॥
तब सनातन नु महाप्रभु नु के पद धारि । लगे कहन कहु फेरहु करि चिनती सु विचार ॥
सुनी है नु तुम प्रथम ही सार्वभौम सो जोइ । एक पदय के अर्थ दस आठ किये है मोइ ॥
तथाहि—

आत्मारामाश्च मुनयो निषन्धाऽप्युरुकमे । कुबन्धहेतुकी भक्तिमित्यमृतगुणो हरिः ॥ २ ॥

मुनिके आचरज हृदय मम उरकठित अति आदि । सुनैनु अपन सिराय ज्यो कही कृपाकरि ताहि ॥
प्रभु बोलें हम बावरे वचन हमारी जोय । सार्वभौम वीरो नु करि सांघदि मानें सोय ॥
कहा प्रलाप्यो हम तहां नहि कहु सुधि है सोय । जो तुम संग प्रतापते कहु सुधि है है जोय ॥
सहज हमारे होय कहु नहीं अर्थकी भास । तुम सब संग के बल नु करि होय कहु सु प्रकास ॥
एकादस पद पदय इहि है अति निर्मल जोय । प्रत्येक अर्थ नाना पदनि जग मगात है सोय ॥
तथाहि विरचप्रकाशे—

आत्मा वेह मनो ब्रह्म स्वभाव भूति बुद्धिपु प्रयत्ने च इति ॥ ३ ॥

ते है आत्मारामगण रमै सात इन जोय । आर्गे आत्मारामगण मणना करि है सोय ॥
मुनि आदि शब्द जैहै सुनी तनि अर्थ तुम न्यारे न्यारे कहें पंखें मिले होय जोपी है ।
कहिये मुनिशब्द ये भीनी श्री मनन सील श्री तपस्वी ब्रती जती ऋषि मुनि होपी है ।
निर ग्रंथ शब्द कहें जो अविद्या ग्रंथहीन विधि निषेध शास्त्रादि ज्ञान जानौ सोई है ।
मूर्ख नीच म्लेच्छ आदि शास्त्ररिक्तगण धनी और निरग्रंथ होय धन बिन कोई है ॥
कहैं उरुकम शब्द करि जिहि कम बड़ौनु होय । कहैंनु पुनि कम शब्द करि पद विच्छेपन सोय ॥
विरचप्रकाशे—

निर्निश्चये निष्कामार्थे निर्निर्माणनिषेधयोः । धन्ये धन्ये च सम्बन्धे धन्यसंग्रहणेऽपि च ॥ ४ ॥

शक्ति कल्प सुत आकमण परिपाटी पुनि ताहि । एक चरण चालन किये कंषित विरुचन आदि ॥

तथाहि—विद्यामयसदानुरक्तगणानां ॥ ५ ॥

विभु स्वरूप व्यापक शक्ति धारण पोषण वर्म्य । परब्रह्म ईश्वर सकृत् गोलोकहि माधुर्य्य ॥
करै जु माया शक्ति करि ब्रह्मांडादिक जोय । परिपाटी तिन जननि की करै आप प्रभु सोय ॥

तथाहि—कसः शक्ती परिपाठ्यां कमञ्चालनकम्पयोः ॥ ६ ॥

हेतु परस्मै पद यहै पद कुर्वति सु जोय । हरि सुख हेतु सु भजन की कहै जु आसय सोय ॥

तथाहि—स्वरितचितः कर्त्रभिप्राये क्रियाफले ॥ ७ ॥

हेतु शब्द कहिये भुगति बाँझा जिती अपार । भुक्ति सिद्धि औ मुक्ति पुनि मुख्य सु तीन प्रकार ॥

एक भुक्ति पद करि कहै भोग प्रकार अपार । विद्धि कहै अष्टादस जु मुक्ति जु पांच प्रकार ॥

सोइ अहेतुकि भक्ति है ये न होय जा माँहि । कृष्ण कौतुकी तिही वस औरन के वस नाँहि ॥

भक्ति शब्द की अर्थ है दस प्रकार की जोय । इक साधन प्रेमा भगति नव प्रकार है सोय ॥

रति लक्षणा जु और पुनि प्रेम लक्षणा जोय । भाव लक्षणा औ महा भाव लक्षणा सोय ॥

सांत भक्त की रति जु सो बदै प्रेम परजंत । दास भगति की है जु रति राग दसा जिहि अंत ॥

सखा यूथ के रति जु अनुराग अवधि है जाहि । तात मात के स्नेह अनुराग सीव है ताहि ॥

महाभाव सीवा सहै प्रेयसि गण रति जोय । भक्ति शब्द के ये सब अर्थ सु महिमा सोय ॥

शब्द जु इत्थंभूत गुण है ताके मधि जोय । व्याख्यान ताकीं करै सुनौ अर्थ तुव सोय ॥

इत्थंभूत जु शब्द यह भिन्न अर्थ है ताहि । तैसें ही गुण शब्द की अर्थ भिन्न है आहि ॥

अर्थ जु पूर्णानंदमय इत्थंभूत हि आहि । आगे ब्रह्मानंद हं त्रिगु प्राय है जाहि ॥

तथाहि हरिभक्ति सुधोश्ये—

स्वत्साक्षान् करणान्हादविशुद्धाधिस्थितस्य मे । सुखानि गोप्यदायन्ते ब्राह्मण्यपि जगद्गुरो ॥ ८ ॥

सर्वाकर्षक सवनि की आन्हादक है जोय । सब ही के मन श्रवण की महारसायन सोय ॥

अपने रस करि करै जो सर्व विस्मरण आहि । भुक्ति सिद्धि औ मुक्ति सुख गंध छुटावै जाहि ॥

जिन के गुण की है महाशक्ति अलौकिक जोय । करि राखे श्री कृष्ण की कृपा जु परवस सोय ॥

शास्त्रभुक्ति नाही इयां है सिद्धांत विचार । यह सुभाव गुण की तिहीं माधुरिता की सार ॥

अर्थ यहै गुण शब्द की हरि के गुण जु अपार । सत चित रूप जु गुण सब पूर्णानंद विचार ॥

ऐश्वर्य्य माधुर्य्य तिहि औ कारुण्य स्वरूप । प्रणता निज जन विषे धत्सलता सु अनूप ॥

निज स्वरूप पर्यंतलीं ही बदान्यता ताहि । और अलौकिक रूप रस सौरभदि गुण आहि ॥

करीहं एक गुण करि करै आकर्षण मन काहि । सौरभादि गुण करि हरि सन आदिक मन ताहि ॥

तथाहि—तस्मादविद्वन्पतस्य पदोर्विन्देति ॥ ९ ॥

हरिणी जु मन सुकदेव की लीला श्रवणजु ताहि । हरणीजु श्रीअंग रूप करि गोपीगणमन आहि ॥

तथाहि—अजितकचिरलीलाहृष्टसारसदीपमिति, परिनेष्टितोऽपि नैगुण्य इति ॥ १० ॥

तथाहि—बीजालकाहृतमुखं तव कुण्डलप्रियण्डभ्यलाभरसुधं हसिताबलोकं ।

इत्याभयवच मुनिरहयुगं विलोक्य वलः भिर्यैकमण्डल्य भवाम दास्यः ॥ ११ ॥

मधुर रूप गुण श्रवण करि रुक्मिण्यादिक जोय । आकर्षण तिनकी कियो जानवहै सब कोय ॥
तथाहि—

श्रुत्वा गुणान्मुवनसुन्दर श्रुत्वा ते निर्धिय कर्णधिवरैहरतोद्भवार्थ ।
करै दरां दशिमतामन्वितार्थ लाभ स्वयन्मुताधिरानि चित्रमपत्रपं मे ॥ १२ ॥

हरै जु मुरलीनाद करि लक्ष्म्यादिक मन जोय । भाव जोग्य जग में जिते सुबती जन हं सोय ॥
तथाहि—यद्वाङ्मया श्रीललना इत्यादि १३

तथाहि—

कारुण्यं ते कलपदामृतवेणुगीत संमोहिताय चरितान्न चलेत्रिलोकयाम् ।
त्रैलोक्यसीमगमिदञ्च निरीक्ष्य रूपं यद्गोष्ठिजद्रुममृगा पुलकान्धविभ्रन ॥ १४ ॥

निज गुरु जन के तुल्य है जे नारीगण आहि । वात्सल्य रस करि करै आकर्षण गुण ताहि ॥
दास्य और सख्यादिक जु भावनि करि के सोय । पुरुषादिक गणकीं करै आकर्षण गुण जोय ॥

अवर पक्षि मृग तरु लता चेतन औ जड़ आहि । प्रेम मत्त करिके करै आकर्षण गुण ताहि ॥

तथाहि—यद्गोष्ठिजद्रुममृगाः पुलकान्धविभ्रन ॥ १४ ॥

अर्थ जु बहु हरि शब्द के परम मुख्य है दोय । हरै असंगल सब हरै मनहि प्रेम दै सोय ॥

जिहि तिहि भाँति करै श्रवण जोई सोई आहि । पाप जु चारि प्रकार के हरण करै जे ताहि ॥

तथाहि—

यथाग्निः सुसमृद्धार्चिः करोत्येधांसि भस्मसात् । तथा मद्भिषया भक्तिरुद्धैर्नासि कृतमरा ॥ १५ ॥

करै तबै बाधक भगति कर्म अविद्या नास । श्रवणादिक की फल जु है प्रेमा करै प्रकास ॥

निज गुण करि ताकीं हरै वपु इन्द्रिय मन आहि । ऐसै कृष्ण कृपाल है ऐसै गुणगण ताहि ॥

गुण करि सब मन हरि प्रचुर पुरुषारथनि छुटाय । यहै मुख्य हरि शब्दकी लक्षण कियो बनाय ॥

है जु च अपि छां शब्द विष ये अव्यय है दोय । जाही अर्थ लगावै कहै अर्थ ये सोय ॥

तऊ कहै जु च शब्द के मुख्य अर्थ ये सात । है जु मुख्य अति शब्द के सात अर्थ विरुपात ॥

तथाहि विश्वप्रकाशे—

चान्वाचये समाहारेऽन्योन्यार्थे च समुचये । यस्तान्तरे तथा पादपूरणे व्यवधारणे ॥ १६ ॥

तथाहि तत्रैव—

अपि संभावनाप्रश्लक्षणागर्हात्ममुच्चये । तथा युक्तपदार्थेषु कामाचारक्रियासु च ॥ १७ ॥

इह एकादस पदनि की अर्थ सु निरचय जान । करै श्लोककी अर्थ अब जो जिहि लगे प्रमान ॥

ब्रह्म शब्द की अर्थ तत्व सब बृहत्तम जोय । है स्वरूप ऐश्वर्य्य करि जिहि सम नाही कोय ॥

तथाहि—बृहत्त्वाद्वृहत्त्वत्वाच्च बृहत्तम ब्रह्मसंज्ञितं ॥ १८ ॥

तिहीं ब्रह्म शब्दहि जुकरि कहै स्वयं भगवान । जिहि विन तीनों काल मधि वस्तु नहीं कहु आन ॥

तथाहि—

अहमेवासमेवामे नान्यथात् सदसत् परं । परचादहं वदेतच्च योऽवशिष्यत सोऽन्यहं ॥ २० ॥

आत्मा शब्द करि कृष्ण जु बृहत्तम जो रूप । सर्वव्यापक सवनि के साची परम स्वरूप ॥

तथाहि—आत्मत्वाच्च मातृत्वादात्मा हि परमो हरिः ॥२१॥

व्याप्ति हेतु तिहि कृष्णकी साधन त्रिविधजुआहि । ज्ञान जोगअरु भक्तिमुठि लक्षणा न्यारे ताहि ॥

इन तीनों साधननि करि तीन रूप तिहि भास । ब्रह्म और परमात्मा श्री भगवत्त्व प्रकास ॥

तथाहि—ब्रह्मेति परमात्मेति भगवानिति शब्दते ॥२२॥

जदपि ब्रह्म परमात्मा कहै कृष्ण की दोह । निर्विशेष व्यापक कहै रुढ़ि वृत्ति करि सोय ॥

निर्विशेष ही ब्रह्म के ज्ञान मार्ग करि भास । अंतर्जामी रूप करि जोग मार्ग जु प्रकास ॥

राग भक्तिविधि भक्तिये विविहै भक्तिस्वरूप । निज भगवत भगवत्त्व करि तिहि प्रकास विविरूप ॥

राग भक्ति करि पाइये श्री ब्रज के मधि जोय । कृष्ण स्वयं भगवान हैं ब्रज पति नंदन सोय ॥

तथाहि—

नार्य सुखापो भगवान् देहिनां गोपिकासुतः । ज्ञानिनाञ्चात्मभूतानां यथा भक्तिमतामिह ॥२३॥

पुनि विधि भक्ति जु मार्ग करि देह पारपद होय । जाय भक्त वैकुण्ठ की निहचै करिकें सोय ॥

तथाहि—

यस्य ब्रजं न्यनिमिषामुपभानुवृत्त्या दूरे यमा सुपरितः स्पृहणीयशीलाः ।

भक्तुर्मिथः सुयशसः कथनानुरागवैकल्येवाप्यकलया पुलकीकृतांगः ॥२४॥

सो जु उपासक होतहैं त्रिविध प्रकारहि जान । एक अकाम बांछक मुक्ति सर्व काम पुनि आन ॥

तथाहि—

अकामः सर्वकामो वा मोक्षकाम उदार धीः । तीव्रेण भक्तियोगेन यजते पुरुष परं ॥२५॥

बुद्धिमान की होय जो अर्थ विचारहि जान । निज कारण के लोभ करि तऊ भजै भगवान ॥

भक्ति विना साधन सब दैन सकै फल कोह । भक्ति देय सब भलनि की प्रवल स्वतंतर सोय ॥

अज्ञागल स्तन न्याय है जितेक साधन आन । याही तें हरि की भजै बुद्धिमान जन जान ॥

तथाहि—

चतुर्विधा भजते मां जनाः सुकृतिनोऽर्जुन । आर्त्तो जिज्ञासुरार्थी ज्ञानी च भरतर्षभ ॥२६॥

आर्त्त और अर्थार्थी हैं सकाम मधि दीय । ज्ञानी श्री जिज्ञासु पुनि मोक्षकाम विव सोय ॥

येऊ चारों सुकृति हैं महाभाग्य जुत जान । होय जु सो सो काम तजि शुद्ध भक्ति रसवान ॥

साधु भक्तके संग करि हरिकी कृपा जु पाय । कामादिक दुःसंग तजि शुद्ध भक्ति लहि जाय ॥

तथाहि—

सत्संगांमुक्तदुःसंगो हातुं नोत्सहते बुधः । कीर्त्यमानं यशो यस्य सकृदाकर्ण्य रोचते ॥२७॥

केतव आत्म वचना कहै संग इन दीय । कृष्ण कृष्ण की भक्ति विन अन्य कामना जोय ॥

तथाहि—अर्चः प्रोक्तिकैतवीज्य परमो निम्नोत्तराणां सर्व ॥२८॥

केतव मृग्य प्र शुद्ध करि कही मुक्ति की चाह । श्री घर स्वामी पद यही किर्या अर्थ अवगाह ॥

अज्ञ जानि कामी जनहि दया लुक्त भगवान् । निज पद पल्लव दै करे इच्छा की जु पिधान ॥

तथाहि—

सर्वं दिशत्पर्यितमर्षितो नृणां नैवार्थदो यत् पुनर्षितो यतः ।

स्वयं विचिन्ते भजतामनिकृद्भामिच्छाविधानं निजपादपल्लवम् ॥२९॥

साधु संग श्री कृष्ण की दया भक्ति जु सुभाव । ए तीनों जु छुटाय सब करै कृष्ण मधि भाव ॥

आर्गे जिहि जिहि अर्थ की करि है व्याख्या जोय । प्रभु गुण के आत्मा की हेतु जानि ही मोय ॥

श्लोक व्याख्या हिन प्रथम यहै कह्यो आभास । ताही की अव करत है मूल अर्थ परकास ॥

हैं जु उपासी ज्ञान पथ दै प्रकार के जान । केवल ब्रह्म उपासक जु ओ मुमुक्षु एक आन ॥

केवल ब्रह्म उपासकनि तीन भेद हैं जोय । एक साधक श्री ब्रह्ममय प्राप्त ब्रह्म लय सोय ॥

नही जु केवल ज्ञान करि मुक्ति मुक्ति करि होय । भक्ति सु साधन करि यहै प्राप्त ब्रह्मलय सोय ॥

भक्ति स्वभाव जु ब्रह्म तें करि आकर्षण ताहि । दिव्य देह दै कृष्ण की भजन करावै आहि ॥

होय भक्त वपु लहे तें गुण की सुभिरण ताहि । करै जु गुण आकृष्ट हैं निर्मल भजन सु आहि ॥

तथाहि—मुक्ता अपि लीलया विग्रहं कृत्वा भगवन्तं भजन्त इति ॥३०॥

मुक्त सनकादिक जन्म तें हुते ब्रह्ममय जोय । कृष्ण गुणनि आकृष्ट हैं कृष्ण हि भजै जु सोय ॥

सनकादिक की मन हरयो सौरभ कृपा जु ताहि । करै जु गुण आकृष्ट हैं निर्मल भजन सु आहि ॥

तथाहि—तत्पारबिन्दनवनस्य पदारविन्देति ॥३१॥

व्यासकृपा करि शुकजु के लीलादिक सुनि हीय । कृष्ण गुणनि आकृष्ट हैं करै भजन मन दीय ॥

तथाहि—हरेर्गुणातिप्रमति भगवान् वादरायणिः । अल्पगान्महदाख्यानं नित्यं विष्णुजनप्रियः ॥३२॥

परिनिष्ठितोपि नैगुण्य इत्यादिच ॥३३॥

नव योगेश्वर जन्म तें साधक ज्ञानी सीद । विधि सिव नारद वदनतें हरिगुण सुनिहैं जोय ॥

करै जु गुण आकृष्ट हैं भजन कृष्ण की आहि । एकादश के मधि किर्या विवरण भक्तिहि ताहि ॥

अन्यथा—

अकलेशो कमलमुखः प्रविश्य गोप्यो कुर्वन्तः भुवि शिरसां भुवि भुवि ज्ञाः ।

उत्तुंगं यदुपुरसंगमाय रंगं योगेन्द्राः पुलकृतो नवाप्यवायुः ॥३४॥

ज्ञानी मोक्षाकांक्षि हैं तीन प्रकार अनूप । एक मुमुक्षु जीवन मुक्त श्री एक प्राप्ति स्वरूप ॥

हैं मुमुक्षु यहु जगत मधि संसारक जन जोय । करै जतन करि मुक्ति हित हरि की सेवन सोय ॥

तथाहि—

मुमुक्षुवो धोरुपान हित्वा भूतपतीन्ध । नारायणकलाः शान्ता भजन्ति ह्यनसूयवः ॥३५॥

तिन सवहिनको साधु संग हरि गुण याहि पुराय । भजन करावै कृष्ण की मोक्षजु चाह छुटाय ॥

तथाहि हरिभक्तिसुधोदये—

अहो महामन्त्रहृदोपदुष्टोऽप्येकेन भात्येष भवो गुणेन ।

सत्संगमाख्येन सुखावहेन कृताय नो चेन कृता मुमुक्षा ॥३६॥

श्री नारद के संग करि सौनकादि मुनि जोय । किरपी मुमुक्षा छोटिकें भजन कृष्ण की सोय ॥

कोऊ दरशन कृष्ण कौ कृष्ण कृपा लहि कोय । छाँड़ि मुमुक्षा गुननि करि भजैं चरण तिहि सोय ॥
तथाहि—भः रः सिन्धौ

अभिन्नुखपनमूर्त्तौ परमात्मनि वृद्धिपत्तने स्फुरति ।

आत्मारामतया मे कृपा गतो वन चिरकालः ॥ ३७ ॥

जीवन मुक्ति अनेक तिहि जान भेद विवि मुक्त । भुक्ति मुक्ति इक ज्ञान करि माने जीवन मुक्ति ॥
निसि दिन प्रभुकी भक्ति करि जीवन मुक्त जु होय । गुणाकृष्ट है भजत हैं कृष्णचन्द्र कौ सोय ॥
जो जन शुष्क जु ज्ञानि करि जीवन मुक्त जु आहि । हरि पद के अपराध करि अधः पात हैं ताहि ॥
तथाहि—

येऽन्येऽविन्दान् विमुक्तमानितस्त्वयस्तमानादविशुद्धबुद्धयः ।

आरुह्य कृतश्रेण परं पदं ततः पतन्त्यधोऽनादृत्य युष्मदंश्रयः ॥ ३८ ॥

गीतायां—

अज्ञभूत प्रसन्नात्मा न शोचति न कांचति । समः सर्वेषु भूतेषु मद्धकिं लभते पराम् ॥ ३६ ॥
अन्यत्र च—

अद्वैत बोधीपथिकैरुपायाः स्वानन्दसिंहासनलब्धदीप्ताः ।

इडेन केनापि वयं शडेन दासीकृता गोपवधूषितेन ॥ ४० ॥

प्राप्त स्वरूप जु भक्त बल दिव्य देह लहि जोय । कृष्ण गुणनि आकृष्ट हैं भजैं कृष्णपद सोय ॥
तथाहि—

मुक्ति हित्वान्यथारूपं स्वरूपेण व्यवस्थितिः ॥ ४१ ॥

मुक्ता अपि लीलया विमह कृत्वेति ॥ ४२ ॥

कृष्ण बहिर्मुख दोष करि माया तें भय जोय । हरि उन्मुख कौ देखतें माया मुक्त जु होय ॥
तथाहि—“मयं द्वितीयाभिनिवेशतः स्वादिति श्लोक” “दैवी ह्येषा गुणमयीति गीतायां” येऽन्येऽविन्दान्

विमुक्तमानितेति” “श्रेयः सृति भक्तिमुदस्यति,” “मुखबाहुरुपादेभ्य इति ॥ ४३ ॥

भक्ति बिना नाहिन मुक्ति मुक्ति भक्ति सौ होय । भक्त अवश्य भजैं हरिहि पाय मुक्ति हूं जोय ॥
तथाहि—मुक्ता अपि लीलया विमह कृत्वेति ॥ ४८ ॥

येई आत्माराम छह हरिकौ भजैं सुजान । पृथक् पृथक् जु चकार थां अपि कौ अर्थ बखान ॥
करैं जो आत्माराम हूं कृष्ण भक्ति निहकाम । कृष्ण भजन आसक्त हैं यह मुनि अर्थ सुबाम ॥

निरग्रन्था माया बिना कोई विधि करि हीन । जहां जु जोई लगे सो वई अर्थ आधीन ॥
करिये जवै च शब्द कौ इतरेतर जो अर्थ । तवै एक ही अर्थ कौ कहैं जु परम समर्थ ॥

आत्मारामा फिरि यई कहिये जब पटवार । पंच आत्माराम पट लोप होय जु चकार ॥
आत्मारामा शब्द यह रहे एक अवशेष । आत्मारामा इक पद जु जन पट कहैं विशेष ॥

तथाहि—
स्वरूपानाममेकशेष एकविभक्तौ उक्तार्थानामप्रयोगः रामश्च रामश्च रामश्च रामा इतिवत् ॥ ४६ ॥

पद चकार सोई तवै कहैं समुच्चय जोय । आत्मारामा फिरि मुनय भजैं कृष्ण कौ सोय ॥
निर्ग्रन्था अपि यह सु अपि संभावनाहि ज्ञान । एई सार्ती अर्थ हम प्रथम किये व्याख्यान ॥

अन्तर जामी सेवक जु आत्माराम बखान । सोऊ आत्माराम है योगी पट पद जान ॥
इक सबीज निर्बीज ए दोय भेद है ताहि । इक इक के त्रयभेद हैं पट विभेद भी आहि ॥

तथाहि तत्रैव—केचित्स्वदेहांतद्वयावकाशे प्रादेशमात्रं पुरुषं वसन्तमिति ॥ ४९ ॥

तत्त्वापि चित्तमिदं शनकैर्वियुक्तं ॥ ५१ ॥

आरुरुह्य जोग हि जु इक योगारूढ़ जु आन । और भेद है तीसरी प्राप्त सिद्ध इक जान ॥
तीन तीन ये भेद जब किये दुहुनि के आहि । जोमी आत्माराम जो पट प्रकार भी ताहि ॥

तथाहि—आरुरुह्यो मुनेर्योगं कर्म कारणमुच्यते । योगारूढस्य तस्यैव शमः कारणमुच्यते ॥ ५२ ॥

तत्रैव—यदा हि नेद्रियार्थेषु न कर्म स्वानुपजते । सर्व संकल्प संन्यासी योगारूढस्तदोच्यते ॥ ५३ ॥

जन संगारिह हेतु लहि ये पट योगी जोय । कृष्णा गुणनि आकृष्ट हैं कृष्णहि भजैं जु सोय ॥
जो अपि अर्थ च शब्द कौ कहैं इहां हैं ताहि । मुनि निरग्रन्थ जु शब्द कौ अर्थ पूर्ववत् आहि ॥

उरुकम विपै अहेतुकी कहैं अर्थ है कोय । कहीं अर्थ इतरेतर जु परम समर्थ जु सोय ॥
एई सब जन शांत हैं भजैं कृष्ण कौ आहि । सांत भक्ति करिकें तवै कहिये नाम जु ताहि ॥

आत्म शब्द करि मन कहैं जोई रमै जु ताहि । सोऊ हरिजन संग करि भजैं कृष्ण पद आहि ॥
तथाहि भुक्तिस्तुती—

उदर मुपासते इत्यादी हृदयमारुह्यो दहतिमिति ॥ ५४ ॥

कृष्ण गुणनि आकृष्ट हैं महामुनि हूं होइ । भक्ति करैं जु अहेतुकी हैं निरग्रन्थ जु सोइ ॥
आत्म शब्द करि यत्न कहि करिकें जत्नहि सोय । मुनिहं कृष्ण हिमजत हैं गुण आकृष्ट जु होय ॥

तथाहि—तस्यैव हेतोः प्रयतेत कोविदो न लभ्यते यद्भ्रमतामुपचर्यतः ।

तल्लभ्यते दुःखवदन्यतः सुखं कालेन सर्वत्र गमैर रंहता ॥ ५५ ॥

तथाहि—सद्वर्त्मन्यावबोधाय येषां निर्वर्त्तन्विनी मतिः । अविशदेव सर्वार्थैः सिध्यत्येषामभीरिततः ॥
है अपि अर्थ च शब्द कौ अपि अवधारण जोय । जत्न आग्रह विन भगति करै प्रेम नहि होय ॥

तथाहि—साधनौघैरनासंगैरतभ्या सुचिरादापि । हरिणा चारदेवेति द्विधा सा रसान सुदुर्लभा ॥ ५६ ॥
गीतायां—तेषां सततयुक्तानां भजतां प्रीतिपूर्वकमिति ॥ ५७ ॥

आत्म शब्द करि भुक्ति कहैं रमै धैर्य मधि जोय । धैर्यवंत हैं कैं करैं भजन कृष्ण कौ सोई ॥
कहियतु हैं मुनि शब्द करि पति भृंगमण जोय । औ निरग्रन्थ जु शब्द करि हैं मूरख जन सोई ॥

तथाहि—प्रायो वताम्ब मुनयो विदगा बनेऽस्मिन् कृष्णेत्तितमित्यादि ॥ ‘एतेऽनिल’ इत्यादि ।
‘प्रायो जमी मुनिगणा भवदीय मुमुषा इति’ ॥ ६१ ॥

‘सरसि सारसहंसविहंगाभ्यारुणीतहृतचेतस एव । हरिमुपासत ते यतयित्वा हन्त मौलितदशो ध्रुवमीनाः’ ॥
‘किरात हृणान्धपुलिन्दपुक्कशा आभीरशुम्भा चवनाः खसादयः ।

येऽन्ये च पाषा यदपाश्रयाश्रयाः शुष्यन्ति तस्मै प्रमविष्णवे नमः’ ॥ ६३ ॥

पूरखता ज्ञान हि कहैं कैं भुक्ति शब्द जु सोय । दुख अभाव उत्तम लखधि करि पूरखता होय ॥
३६

तथाहि भ० १० सिन्धी—

भूतिः स्वात्पूर्णवाज्ञान दुःखाभावोचमादिभिः । अप्राप्तातीतनष्टार्थानभिसंशोचनादिकृत् ॥६४॥
कृष्णभक्त दुःखहीन है चाह अन्य करि हीन । कृष्ण प्रेम सेवा महा पूर्णानंद प्रवीन ॥
भागवते—मन्त्रेवया प्रतीतं ते सा लोकवादि चतुष्टयं । नेच्छन्ति सेवया पूर्णाः कुतोऽन्यत्कालविप्लुतं ॥६५॥
गोस्वामिना—हृषीकेशो हृषीकाशि यस्य स्वैर्यगतानि हि । स एव धैर्यमानोति संसारे जीवचञ्चले ॥६६॥
अब धारण मधि इहां अपि जु समुच्चय जोय । है भूतिमंत भजै हरिहि पच पूर्वगन सोय ॥
आत्म शब्द करि मति कहै जो जन बुद्धि विशेष । साधारण बुधि जु सहित है सब जीव अशेष ॥
आत्माराम रमै सुमति सो है दोय प्रकार । पण्डित मुनि निरग्रंथ औ मूरख जन अविचार ॥
सहि विचार रति बुद्धि हरि संग साधु करि सोइ । शुद्ध भक्ति हरिचरण मधि करै छाडि सब जोइ ॥

तथाहि—अहं सर्वस्य प्रभवो मत्तः सर्वं प्रवर्तते । इति मत्वा भजन्ते मां बुधा भावसमन्विताः ॥६७॥

भागवते—ते चे विदम्यन्ति तन्मन्त्रं च देवमाथां स्त्रीशूद्रहूनशबरा अपि पापजीवाः ।

यद्युक्तक्रमपरायणशरीरशिक्षां स्तिर्यग् जना अपि किमु श्रुतचारणा ये ॥६८॥

जब विचार करिके भजै हरि चरणनि की आहि । जातें पावै कृष्ण की सो मति हरि दें ताहि ॥

तथाहि—ददामि बुद्धियोगं तं येन मामुपशान्ति ते ॥६९॥

साधु संग सेवा जु हरि श्री भागवत जु नाम । ब्रज मधि वास जु पंचये साधन मुख्यभिराम ॥

इनही पांचन मधि करै एक स्वल्प है कोय । प्रेम उदय सद्बुद्धि के कृष्ण चरण मधि होय ॥

तथाहि—दुःखदुःखतवीर्योऽस्मिन् भद्रादूरेऽनु पञ्चके । वक्र स्वल्पोऽपि सम्बन्धः सद्भिः भावचमने ॥७०॥

है उदार महती सु जिहि सर्व उत्तमा बुद्धि । नाना काम भजै तऊ लहै भक्ति की सिद्धि ॥

तथाहि—अकामः सर्वकामो वा इत्यादि ॥७१॥

ते सब काम छुटायकें भक्ति प्रभावतु आहि । करै भक्ति हरिचरण मधि खेंचि गुणनि करि ताहि ॥

इत्यंभुत गुणो हरिरिति ॥७२॥ स्वयं विषयो भजतामनिच्छतामिच्छाविधानं निजपादपल्लवमिति ॥७३॥

आत्मा शब्द स्वभाव करि तहां रमै जन जोय । आत्माराम जु जीव जत थावर जंगम सोय ॥

है स्वभाव यह जीव की कृष्णदास अभिमान । मौ वपु आत्मज्ञान करि आछादित सो ज्ञान ॥

कृष्ण कृपादिक हेतु तें उदै स्वभाव जु होय । कृष्ण गुणनि आकृष्ट हैं भजै कृष्ण की सोय ॥

एवहि अर्थ च शब्द है अपि च समुच्चय जान । हैं के आत्माराम ही भजै कृष्ण भगवान ॥

जनकादिक मुनिजन सर्व जीव जु उत्तम सोय । है निरग्रंथ जु मूर्ख पसु नीच स्थावर जोय ॥

व्यास मुक जु सनकादिकी उदै स्वभाव जु होय । कृष्ण गुणनि आकृष्ट हैं भजै कृष्ण की सोय ॥

तथाहि—नमोऽद्वयः सगमगाः सद्वाक्यलोकैर्गोप्योऽन्तरेण मुक्तवोरपि यत्प्रवृत्ता श्रीः ॥७४॥

तथाहि—किरातहृत्पान्धुलन्दपुष्पलाः श्रीभीरुमुद्देति ॥७५॥

आगे तेरह अर्थ किय और जु पट पे दोइ । अर्थ भये उन्नीस ये मिलिकें दोऊ सोइ ॥

अर्थ किये उन्नीस ये आगे सुनौ जु ज्ञान । आत्म शब्द देहहि कहै चारि अर्थ तिहि जान ॥

२४ श परिः

मध्यलीला

[२१७]

देहोपाधिक ब्रह्म की भजै देह मधि सोय । करै बहु सतसंग करि भजन कृष्ण की जोय ॥

तथाहि—उदरमुपासते य ऋषिबर्त्मसु कृपंश्येति ॥७६॥ इत्यंभुतगुणो हरिरिति च ॥७७॥

देहारामी कर्म रति जाझिकादि जन जोय । कर्म छाडि सतसंग करि करै भजन ही सोय ॥

तथाहि—कर्मण्यभिन्नान्नास्ते धूमधूमात्मनां भवान् । आपापयति गोविन्दपादपद्मासवं मनु ॥७८॥

जिते तपस्वी प्रभूत हैं देहारामी सोइ । छाडि तपहि सतसंग करि भजै कृष्ण की जोइ ॥

तथाहि—यत्पादसेवाभिरुचिस्तपस्विनामशेषजन्मोपचितं मलं धियाः ।

सद्यः शिरसोऽयन्वहमेवमी सती यथा पदांगुप्रविनिः सृवा सरित् ॥७९॥

देहारामी कामवस सब ही आत्माराम । कृष्ण कृपा करि हरि भजै तजि सब अन्य हि काम ॥

तथाहि—स्थानामिलापी तपसि स्थितोऽहं स्नां प्राप्तवान् देवमुमीन्द्रगुणं ।

काचं विचिन्वन्निव दिव्यरत्नं स्वामिन् कृताभोऽस्मि वरं न याचे ॥८०॥

इन ही चारों अर्थ मिलि मां तेईसु जु अर्थ । तीन अर्थ और जु सुनौ हैं जे परम समर्थ ॥

कहै समुच्चय मधि अर्थ ज्ञान च शब्द जु सोइ । आत्मारामा पुनि मनय भजै कृष्ण की जोइ ॥

है निरग्रंथ इत्या कछौ अपि निधारण जोय । राम और पुनि कृष्ण ज्यों पत मधि बिहरी सोय ॥

अन्वाचये च शब्द अरु कहै अर्थ सुविचार । बड़ भिन्नामट धेनु पुनि आनय इही प्रकार ॥

कृष्ण मनन मुनि गण सदा भजै कृष्ण की जोइ । भजै जु आत्माराम है गौण अर्थ कहि सोइ ॥

मुनि ही कृष्णहि भजत है एक अर्थ जु चकार । आत्माराम निग्रंथ हैं भजै यहि अर्थ सार ॥

हैं निरग्रंथ जु दुहुनि की यहै विशेषण होय । और अर्थ इक सुनौ ज्यों साधुसंगते होय ॥

पुनि निरग्रंथ जु शब्द करि कहियै निरधन व्याध । सोऊ हरिजन संग करि करै जु भजन अगाध ॥

एक व्याध की कथा जन सुनौ जु करि अवधान । जाही तें सत संग की हैं महिमा को ज्ञान ॥

लखि नारायण एक दिन श्री नारद जू आहि । गमन विवेकी न्हायवै किय प्रपाग की ताहि ॥

वन पथ मधि देखें जु मृग परे धरनि में जोइ । वान विधे कर पद कटे तरफरात है सोइ ॥

और कितिक दूरहि लख्यौ इक शूकर जो आहि । तरफरात ज्यों ही बिर्घ्यौ कटे पाद कर ताहि ॥

कितक दूर आगे लख्यौ एक ससा अध जीय । जीवनिकी दुख लखि भये नारद व्याकुल हीय ॥

आगे देख्यौ व्याध इक है तरु अंतर धान । मृग मारण के हेत जिहि कियो वान संधान ॥

स्पाम वरण लोचन अरुण महा भयंकर जोय । धनुष बान कर धरै जिमि जम जु दंड धरि सोय ॥

नारद जू पथ छाडि के गये निकट चलि ताहि । मृग नारद की देखिके गये भाजि सब आहि ॥

गारी दियो चहैनु तिहि व्याध क्रोध अति होय । ऋषिके अभित प्रभाव करि मुख नहि आवे सोय ॥

तुम जु गुसाई सु पथ तजि थां आये किहि भाय । तुमहि देखि मेरे सहस मृग सब गये पलाय ॥

बोले नारद भूलि पथ तोहि जु पृथ्वी आहि । मन हि भयो संदेह इक दूरकरण की ताहि ॥

है तुम्हरे यों जानिये पथि सुकर मृग जोय । व्याध कहै जोई कही है निरच ही सोय ॥

नारद कहैं जु जीव जो मारे तुम गहि वान । काहे राख्यो अध मरे लेहु नहीं तिहि श्रान ॥
 व्याध कहैं गोस्वामि जु मृगरिषु मेरी नाम । करी पिता की सीख तें सब दिन ऐसी काम ॥
 जीव अधमरे जब धरणि तरफराय अति जोय । तब ही में हृदय मधि बड़ी जु आनंद होय ॥
 नारद कहैं जु वस्तु एक तुम पै मार्गी जोय । लेहु मृगादिक सी कहैं जो तुम्हरे मन होय ॥
 मृग छाला जो चाहिये ऐसी में मोह । मृग बाधवर जो चही सो दैं ही करि तेह ॥
 नारद कहैं न चाहिये मोहि कछु इन माहि । ही मार्गी कछु दान औ तुमपै जो हिय माहि ॥
 कान्हि हि तें तुम मारियो जे मृगादि गहिवान । पहिले ही तें मारियो नाहि रखि ही अध श्रान ॥
 व्याध कहैं माँगी कहा सो पै तुम इह दान । अध मारे होय जु कहा मोहि कही तिहि ज्ञान ॥
 अपि बोले अध मारगे जीव व्यथा अति होय । ज्यों जीवनि दुख देहु तुम हैं है तुम्हरे सोय ॥
 तुम करिके जु कदरना जीव हते हैं जोय । तैंमें तुमकी मारिहैं जन्म मन्म मधि सोय ॥
 नारद सैगकरि व्याध की मन प्रसन्न भौ आहि । भय उपज्यो मनमें अधिक मुनि के वचन जु ताहि ॥
 व्याध कहैं मिसु काल तें यह हमारी कर्म । तरिही दुर्जन अधम हं करि जु कीन सो धर्म ॥
 यह पाप जामी नमै मोह कहौ उपाय । मम निस्तार करौ जु तुम परीं तुम्हारे पाय ॥
 नारद बोले जो करौ वचन हमारी मार । दी तेरी हम करि सकैं निश्चय करि निस्तार ॥
 व्याध कहैं जोह कही करि ही मोह आहि । नारद कहैं जु धनुष जय तोरै कहि हीं ताहि ॥
 व्याध कहैं तोरै धनुष किहि विधि करी निवाह । कहैं जु अपि हीं अन्न तित देही जो तुम चाह ॥
 धनुष तोरि के व्याध तब परयो चरण मधि ताहि । नारद ताहि उठाय के किय उपदेस जु जाहि ॥
 देहु द्विजनि की जाय के हैं घर में धन जोय । पहिरि वसन एक एक घर दि हो बाहिर जन दोय ॥
 नदी तीर मधि घास की एक कटी जु बनाय । तिहि आगे एक चौतरी तुलसी तहां लगाय ॥
 करी प्रणाम परिक्रमा तुलसी सेवन आहि । कृष्ण नाम कीरतन जु करी निरंतर ताहि ॥
 दिन दिन अन्न पटाय ही हीं तुमकी बहु जोय । मोजन दोऊ जन जितो करी लेहुगे सोय ॥
 तब नारद मृग तीन तें स्वस्थ किये कर लाय । स्वस्थ होइ के जीव ते वेग दि गये पलाय ॥
 देखि व्याध के मन भयो अचिरज बड़ अभिराम । व्याध भयो निजघर तब करि गुरुकी जु प्रनाम ॥
 निज इच्छा नारद गये व्याध मोह निज आय । नारद की उपदेस सब कीनी भल बनाय ॥
 भयो व्याध वैष्णव नगर घर घर इह भुनि होय । लावन लागे अन्न सब लोक ग्राम के सोय ॥
 एक दिना नारद कही पर्वत मुनि सीं आहि । एक मिय्य हमरी चली जाहि देखि वै ताहि ॥
 आये अपि दोऊ तब तिही व्याध के घाम । व्याध दूर ही तें लहै गुरु दरसन अभिराम ॥
 हरचराय आयी चली पव नहि पाय घाय । पथ मधि लखि चैटानि कीं इत उन घारे पाय ॥
 व्याध प्रणाम स्थापन मधि लखि चैटानि कीं मोह । कारि वसन करि भूमि कीं परे दंडवत होइ ॥
 तथाहि—एते न छटुन व्याध तवादिनादो गुणाः । हरिभक्तौ प्रकृता ये न ते म्युः परतापिनः ॥

सायो निज आंगण दृष्टि बहै व्याध तब जोय । लाय कुमाण भक्ति करि बँटारै गिनि सोय ॥
 व्याध नीर अति भक्ति करि पद दोऊन के धोय । पीयो सीम चरयो पुरय नारी मुन जल सोय ॥
 कंप पुलक श्री अश्रु दग सरस कृष्ण गुणगाय । भुज उठाय नाचन लखी फिरि फिरि वसन चिराय ॥
 देखि व्याध के प्रेम की पर्वत मुनि भर माय । तुम ही पारम मुनि कहैं नारद सीं मुख पाय ॥
 तथाहि—अहो धन्यानि देवर्षे कृपया यस्य तत्तुल्यम् । नीलोत्पलसुखकी लम्हे तुल्यसौ रतिमन्त्रुते ॥८१॥
 आबत तुम्हरे अन्न कछु नारद पृथ्वी आहि । व्याध कहैं पटवौ जिही सोलै आपत ताहि ॥
 इतनी पटवौ अन्न तुम कछु काम नहि ताहि । ई जन लायक मल जो चाह इती सब आहि ॥
 अपि जु कहैं ऐसैं रही भाग्यवान तुम आहि । अन्नदान कियो दृष्टि करि जु प्रमंसा ताहि ॥
 यह प्रमंसा हम व्याधकी तुमसीं कही जु आहि । हरिजन संग प्रभाव की ज्ञान होय मुनि पाहि ॥
 सात और आये अरथ ए गणना तें जोय । ए दोऊ मिलि के भये अरथ बीस बड़ सोय ॥
 युनौ अर्थ तुम और जिहि अर्थन की भंडार । स्थूल अर्थ विधि मन्म करि सो वनीम प्रकार ॥
 शब्द आत्मा कहत हैं सब विधि करि भगवान । एक स्वयं भगवान हैं एक भगवान जु आन ॥
 जेई तिन में रमै सब तेई आत्माराम । विधि भक्त जु रागी भगत गिन प्रति ई विधि नाम ॥
 दोऊ विधि के भक्त जे हैं तें चारि प्रकार । पारपद सावन जु सिद्धि साधकरण जु विचार ॥
 एक साधक ई जातरति श्री अजातरति रूप । इहि विधि साधन भक्त के भी विधि भेद अन्तर ॥
 तिन में विधि मारग जु एक रागमार्ग करि जोइ । चारि चारि के भये पुनि अष्ट भेद यौ मोइ ॥
 विधि भक्तिहि मधिई जु निति सिधि पारपद दास । मखानु गुरुगण प्रेमसी चारि विभेद प्रकास ॥
 साधन सिद्धि दास जु सखा गुरु कांतागण आन । साधक रति उत्पन्नई भक्त चारि विधि जान ॥
 ई अज्ञान रति साधक जु जन यौ चार प्रकार । भी विधि मारग भक्त के पौडम भेद प्रचार ॥
 अरु यौ राग जु मार्ग करि भक्तनि सौख्य भेद । विधि पथ आत्माराम के भी वनीम विभेद ॥
 मुनि निरग्रंथ च शब्द अपि चार शब्द की अर्थ । जहां लगे जोई तहां कीजे अर्थ समर्थ ॥
 ए वतीस छव्वीस वै मिलि हू अष्ट पचास । और एक भेद जु मुनौ अर्थ दि कीं जु प्रकास ॥
 इतरेतर जु च शब्द ई करि समास अभिराम । बेर अठावन लीजिये आत्माराम जु नाम ॥
 आत्माराम फेरि फिरि बार अठावन भाष । सब की सेसहि लोप करि एक बेर तिहि राख ॥
 तथाहि—स्वरूपाणामेकशेष एक विभक्तौ ॥८२॥
 आठ पचास चकार सौं सब की लोप जु होय । एक आत्माराम पद कहैं अठावन सोय ॥
 तथाहि—उक्ताव्योनामप्रयोगमिति ॥८३॥
 तरु अस्वस्थ च बट तरु पुनि पीलू तरु जोय । और आग्रतरु मिलि सब तरवः शब्द जु होय ॥
 तरव जु याही बनहि मधि फल हैं जु यौ जोय । इन ही उनसठि अर्थकी किय विज्ञान जु सोइ ॥
 सर्व समुच्चय के किये और अर्थ एक होय । आत्मारामा पुनि मुनय निरग्रंथा भजि सोय ॥

अवधारनि मधि शब्द अपि सोऊ चार जु बार । चार शब्द संग कीजिये एव कार उन्वार ॥

तथाहि—उरुक्रम पय, भक्तिमेव, अहेतुकीमेव, कुर्वन्त्येव ॥ ८४ ॥

कई श्लोक के ये जु यों संख्या साठ जु अर्थ । और एक अर्थ हि सुनी है प्रामाण्य समर्थ ॥

आत्मशब्द करि कहत हैं और अर्थ अभिराम । है जु जीव लक्षण बड़े जिहि चेत्रज्ञ जु नाम ॥

है ब्रह्मा की आदि लै और कीट पर्यंत । ताही की इक शक्ति करि है गणना सु अनंत ॥

तथाहि—विष्णुशक्तिः परा प्रोक्ता चेत्रज्ञा च तथा परेति ॥ ८५ ॥ चेत्रज्ञ आत्मा पुरुष इति च ॥ ८६ ॥

भ्रमत भ्रमत संसार मधि साधु संग जब पाइ । सर्वहीसव तजि कैं सर्व कृष्ण हि भजै सु जाहि ॥

साठि अर्थ करि जो कहीं भजन कृष्ण की आहि । तेई अर्थ उदाहरण हैं सब ही ह्यं ताहि ॥

फुरे तिहारें संग करि इक सठि अर्थ अभंग । तुव हरि भक्ति जु फल हि करि उठे सु अर्थ तरंग ॥

तथाहि—भक्त्या भागवत आद्यं न बुद्ध्या न च दीक्षया ॥ ८७ ॥

मये सनातन अर्थ सुनि अतिही विस्मित आहि । नुतिजु कैं चैतन्य की चरण कमल धरिताहि ॥

ईश्वर तुम साक्षात् हो ब्रजपति नंदन सोय । सब ही तुव निश्वास तें वेद प्रवर्चन होय ॥

तुम वक्ता भागवत के तुम ही जानों अर्थ । तुम विन कोऊ और तिहि जानन कौ न समर्थ ॥

तथाहि विश्वेश्वरवाक्य—अहं वेत्ति शुको वेत्ति व्यासो वेत्ति न वेत्ति वा ॥ ८८ ॥

कहैं जु प्रभु काहे करौ नुति जु हमारी सोय । श्रीभागवत स्वरूप की विवरण करैं जु कोय ॥

कृष्ण तुल्य श्री भागवत विभु सर्वाश्रय आहि । नाना अर्थ कहे जु प्रतिपद प्रति अक्षर ताहि ॥

प्रश्नोत्तर करि भागवत किय विद्या निरधार । चमत्कार लागे जननि जाकें सुने अपार ॥

बयाहि शौनकप्रश्न—

ब्रह्मि योगेश्वरे कृष्णे ब्रह्मरूपे धर्मवर्त्मनि । स्वां काण्ठामधुनोपेतं धर्मः कं शरणं गतः ॥ ८९ ॥

तथाहि सुतोत्तर—

कृष्णस्वधामोपगते धर्मज्ञानादिभिः सह । कलौ नष्टदशामेवः पुराणाकौधुनोदितः ॥ ९० ॥

क्यों जु एक श्लोक की यहै जु हम विख्यान । वीरे ने जु प्रलाप किय मानें कौन प्रमान ॥

हम ही सौ जो दूसरी कोऊ वीरी होय । इही भांति भागवत के अर्थनि जानें सोय ॥

फेरि सनातन वीनती करे जोरि कर दोय । करिवे कौ स्मृति वैष्णवजु प्रभु निदेस दिय जोय ॥

नीच जाति ही तुच्छ कह्यु नहि जानों आचार । मोसे कैसे होय गो सुष्ट स्मृति परचार ॥

जो दिग दरसन सुत्र करि करौ जु तुम उपदेस । आपुन भरे हृदय मधि करौ आप परवेस ॥

तब ताकी दिग फुरे मम नीच हृदय मधि जोय । तुम ईश्वर जु कहाय ही सोई सिद्ध जु होय ॥

प्रभु जु कहैं जिहि करण की तुम मन करि हो जोइ । तुम की कृष्ण फुराय हैं तबही सोई सोइ ॥

सुत्र रूप तोऊ सुनी करि दिग दरसन जोइ । प्रथम सकारण लिखोगे गुरु पद आश्रय सोइ ॥

लक्षण गुरु श्री सिष्य के दुई परीक्षण जोइ । सेव्य स्वयं भगवान सब मंत्र विचारण सोइ ॥

मंत्र सिद्ध साधन प्रभृति अधिकारी पुनि ताहि । श्रुति दीक्षा स्मृति कृष्णजो शौच आचमन आहि ॥

दंतधावन स्नान विधि सन्ध्या वंदन जोय । उर्दपुण्ड्र सेवा जु गुरु मुद्रा धारण सोय ॥

गोपी चंदन और पुनि माला धात्री सोय । श्री तुलसी को आहरण कहिवे नीकें जोय ॥

वस्त्र पीठ श्री गेह की संस्कार जो आहि । कृष्ण प्रबोधन विधि सकल कहिवे नीकें ताहि ॥

पंचकाल श्री कृष्ण की पूजा आरति जोय । प्रभु भोजन श्री शयन श्री मूर्ति लक्षण सोइ ॥

लक्षण शालग्राम के महिमा नाम जु आहि । और नाम अपराध जे बजें करिवे ताहि ॥

जे लक्षण वैष्णव जु के नीकें कहिवे सोइ । श्री सेवा अपराध की खण्डन जेमें होइ ॥

संख नीर श्री गंध पुनि पुष्प बहित है जोइ । अरु सब धूपादिकनि के लक्षण कहिवे सोइ ॥

जप नुति कृष्ण परिक्रमा दण्ड प्रणामजु ताहि । अरु सब धूपादिकनि की पुरश्चरण विधिआहि ॥

अनिवेदित की त्याग हरिजन निंदादिक त्याग । साधुन लक्षण साधु संग साधु निमेषन राग ॥

असत संग की त्याग श्री श्रवण भागवत सार । दिवस पक्ष की कृत्य एकादश्यादि विचार ॥

मासकृत्य जनमाष्टमी वामन द्वादशि जोइ । राम जु नवमी और नरसिंह चतुर्दशि सोइ ॥

वेधत्याग इन सवनि कौ करनि अविद्धा आहि । बिना किये दोष जु किये भक्तिलाम है ताहि ॥

श्री मूर्ति श्रीविष्णुकी मन्दिर कारण जु आहि । तिनके सब लक्षण प्रथक कहैं शास्त्र अवगाहि ॥

सदाचार सामान्य करि श्री वैष्णव आचार । करिवे अन करिवे जितौ है स्मार्त ज्योहार ॥

यहै जु सिद्धा रूप करि सुत्र कहीं दिक् ज्ञान । जवही तुम लिखिहो स्फुरण करिहो हिय भगवान ॥

यहै सनातन पर कहीं प्रभु जू कौ जु प्रसाद । जनकौ जाके श्रवण करि दूरि होय अवसाद ॥

कर्णपूर निज ग्रंथ मधि करिकें तिहि विस्तार । कृपा सनातन पर प्रभुजु राखी लिखि निरधार ॥

तथाहि—गोडेन्द्रस्य सभाविभूषणमणिस्यक्त्वा चन्द्रद्वौ श्रियं रूपस्यापज एष एव तरुणी वैराग्यलक्ष्मी इवे ।

अन्तर्भक्तिरसेन पूर्णहृदयो बाह्योऽवधूताकृतिः शैवालैः पिहितं महारसइव प्रीतिप्रदस्तद्विहो ॥ ९१ ॥

तथाहि—तं सनातनमुपागतमसौष्टं पितृमात्रमतिमात्रद्वयार्द्रः ।

आलिङ्गितं परिषायतदोभ्यां सानुकम्पमथ चम्पकगौरः ॥ ९२ ॥

तथाहि—कालेन वृन्दावनकेलिबार्ता लुप्तवि तां रुपापयिषुं विशिष्य ।

कृपामृतेनाभिपिषेच देवस्तत्रैव रूपञ्च समातनं च ॥ ९३ ॥

यहै सनातन पर कहीं श्री चैतन्य प्रसाद । होवै जाके श्रवण करि खंडन सब अवसाद ॥

कृष्ण स्वरूप गुणनिकी होइ भली विधि ज्ञान । साधन भक्तियु द्विविधहै पथ विधि रागहि ज्ञान ॥

प्रेम भक्ति रस कृष्ण की और भक्ति सिद्धांत । भक्ति जु पाके श्रवण करि जानें सब के अंत ॥

श्री प्रभु नित्यानंद पद अरु अद्वैत सु जोय । जाके जीवन प्राण धन इह धन पावै सोय ॥

श्रीरूप सु रघुनाथ के चरननि की जिहि आस । प्रभु चरितामृत जो कहैं कृष्ण दास तिहि दास ॥

रूप सनातन जगतहित सुवल श्याम पद आस । प्रभु चरितामृत सो लिखैं ब्रजभाषाहि प्रकास ॥

इति श्री चैतन्यचरितामृते सप्तमोऽध्याये ब्रजभाषायां आत्मारामाख्येति श्लोकव्याख्यासनातनचतुष्टो नाम चतुर्विंशति परिच्छेदः ॥

पञ्चविंशति परिच्छेदः

देव्यासी कृत्य संन्यासिमुखान् कारोनिवासिनः । सनातनं सुखं स्वरूपं प्रभुर्जीलादिमागतः ॥१॥

जय जय श्री चैतन्य जू जय श्री नित्यानंद । जय अद्वैत हिमांशु जय गौर भक्त के पुन्द ॥
बाही विधि चैतन्य जू है मासनि परजंत । सिख्यो तिनको भक्ति के सिद्धांतनि की अंत ॥
परमानंद सेखर संगी कीरतनिया जोइ । प्रभु हि सुनावै कीरतन अति बड रंगी सोइ ॥
संन्यासी गण की प्रभुजु जदपि उपेक्षा कीय । भक्तनि के दुख नास हित कृपा करी तिन हीय ॥
संन्यासिन पै जो कृपा लिखी प्रथम विस्तार । करिये तिहिं उहेस हां करि संक्षेप विचार ॥
जहं तहं प्रभु निदा करै संन्यासी गण सोय । महाराष्ट्र द्विज सुनि दुखी करै चितवन जोय ॥
प्रभुकी सहज सुभावजो निकट लखै तिहि जोय । करि स्वरूप अनुभवजु तिहि माने ईश्वर सोय ॥
किहीं प्रकार सकै जु करि इकठा इन्हेंजु ताहि । लखि संन्यासी गण इन्हें भक्त होय इन आहि ॥
सब काल वाराणसी वास हमारी आहि । दुख पैहें हम सर्वदा यी नहि करिहें ताहि ॥
न्यति संन्यासी जु सब करि विचार मन एह । वहै विप्र आर्यो तवै महाप्रभु जु के मोह ॥
तिही समे निदाजु सुनि शेखर तपनजु दोष । दुखजु पाय प्रभु चरण मधि कियो निवेदन सोइ ॥
भक्तनकी दुख देखि प्रभु मन में चिंता कीय । संन्यासिन मन फेरिवै कियो तिन्हों निज हीय ॥
तिही समे द्विज आहैं कियो निमंत्रण आहि । दैन्यादिक जु अनेक करि धरिकें चरणनि ताहि ॥
अंगीकृत तब महाप्रभु कियो निमंत्रण ताहि । करि मध्यान्हजु और दिन गये मोह तिहि आहि ॥
तहां कियो जैसैं जु प्रभु संन्यासिन निस्तार । पंचतन्त्र आख्यान मधि कियो जु तिहि विस्तार ॥
कहै ग्रंथ वाहै अधिक औ पुनरुक्त जु होय । तहां लिख्यो नहिजो कहु कीजै लिखनजु सोइ ॥
कृपा करी जिहि दिवसप्रभु संन्यासिन पर आहि । कोलाहल तिहि दिवसतें भयो ग्राम मधि ताहि ॥
प्रभु देखन हित आवही लोक समूह अपार । पंडित नाना शास्त्र मधि आवै करण विचार ॥
प्रभु सब शास्त्रनि खंडिके करै भक्ति परचार । जुक्ति सहित वचननि फिरै मन सबकी निरधार ॥
ले उपदेस करै जु सब कृपा कीरतन जोय । लोक सर्व गावैं हसैं करै नृत्य पुनि सोय ॥
संन्यासिन की गण भयो प्रभु की प्रणत जु सोय । आपुसमें चरचा करै तजि अध्ययनहि जोइ ॥
शिष्य प्रकाशानंद की न्यासी तिहि जु समान । समामध्य लाग्यो कहन प्रभु की करि सनमान ॥
है जु कृष्णचैतन्य जू निज नारायण जोय । अति सुन्दर अर्थनि करै न्यास सूत्र के सोय ॥
मुख्यारव उपनिषद् की करै प्रगट विख्यान । पण्डित लोकनि के जु सुनि हैं सीतल मन मान ॥
सूत्र और उपनिषद् के मुख्य अर्थ तजि सोइ । संकर करै जु कल्पना करिके आग्रह जोइ ॥
आचारज कल्पित अर्थ मुनें समाजन जोइ । मुख करिके हां हां करै हृदय न माने सोइ ॥
वचन कृष्ण चैतन्य की माने हट करि सांच । कलि में केवल न्यास करि नहि जीते भव आंच ॥
हरे नाम या पद की जोइ किय न्यासमान । वहै सत्य अति सुखद है अर्थजु परम प्रमान ॥

२५ श परिः]

मध्यलीला

[२२३]

मुक्ति नहीं है भक्ति बिनु कहै भागवत जोय । कलि है नामाभास करि सुखसौ मुक्ति जु होय ॥
तथाहि—शेषः कृति भक्तिमुदयः वे विभो कित्तरयति ये केवलैति श्लोकः ॥ २ ॥

तथाहि—येन्येरभिन्दाश्च विमुक्तमानिनेति श्लोकः ॥ ३ ॥
कहै ग्रंथ पद पट भगति करि पूरण भगवान । तिर्विशेष थापै जु तिहि पूरणता की दान ॥
श्रुति पुगाणजो कृष्णको कहि चिच्छक्ति विलास । पण्डित तिहि माने नहीं करै विमुख उपहास ॥
चिदानंद विग्रह जु हरि मायिक माने ताहि । वही पाप यह सत्य है प्रभु वाणी जो आहि ॥

तथाहि—
नातः परं परमवद्वतः स्वरूपमानन्दमात्रमधिकल्पमाविश्रयन्ते ।
पश्यामि विश्वसृजमेकमविरवमात्मन भूतेन्द्रियात्मकमदस्त उपाशिनोऽस्मि ॥ ४ ॥

तथाहि—
दृष्टं श्रुतं भूतभवद्विषयतु त्वानुरत्तरिपुमंहर्षकं वा ।
विनाच्युताद्वस्तु तदा न चाप्येव स एव सर्वं परमात्मभूतः ॥ ५ ॥

तथाहि—
तद्वा इदं भुवनमंगलमंगलाय ध्याने स्म नो दक्षितं त उपासकानां ।
तस्मै नमो भगवतेऽनुविधेयं नृण्यं यो नाहो नरकभागधिरसत्यसौ ॥ ६ ॥

तथाहि गीतयो—अवजानन्ति मां मूढा मानुषीं तनुमाश्रितं । परं भावमजानन्तः सर्वभूतसहोदरम् ॥ ७ ॥
तानहं द्विषतः क्रूरान्संनारेषु नराधमाय । विषाम्बजसमशुभानामुरीष्वेव योनिषु ॥ ८ ॥

सूत्र बाद परिणाम जो नहीं मानि कै ताहि । थपि विवर्त बाद हि कही न्यास आंत भौ आहि ॥
यहै अर्थ कल्पित मनहि नहि भावत है सोय । करि कु कल्पना शास्त्र तजि बूढ़े पाखंड जोइ ॥
बाद मात्र करि गयो सब जो परमार्थ विचार । कहा मुक्ति पैवौ कहा कृष्ण प्रसाद सुसार ॥
न्यास सूत्र की अर्थ निज संकर धरयो छिपाय । यहै सत्य चैतन्य की वचन और नहि भाय ॥
गोस्वामी चैतन्य जो कहे वहै मत सार । और जितो मत सो सर्व खार खार निरधार ॥
इतनी कहि लाग्यो करण कृष्ण कीरतन सोइ । सुनि जु प्रकाशानंद कहु कहै वचन यो जोइ ॥
थापन हित अद्वैत मत शंकर के हठ प्रीति । सूत्र अर्थ न्याख्या करै ताते औरै रीति ॥
भगवत्ता माने थप्यो जाय नहीं अद्वैत । याही तें सब शास्त्र की करै जु खण्डन द्वैत ॥
थाप्यो चाहै निज मत हि ग्रंथ सु कर्ता जोइ । अर्थ शास्त्र की सहज जो तारी नहि न होइ ॥
कहि मीमांसक ईश्वर हि है जु कर्म की अंग । सांख्य कहै जग की प्रकृति कारण की जु प्रसंग ॥
न्याय कहै परमानु तें निहचै विश्व जु होय । निर्विशेष हेतु हि कहै मायावादी जोय ॥
ईश्वर कारण परम जो तिहि नहि माने कोइ । पर मत की खण्डन करै थापै निज निज सोइ ॥
ताते पट दरसननि तें नहीं तत्त्व की ज्ञान । कहै महाजन जो कहु वहै सत्य करि मान ॥

तथाहि—तर्कोप्रतिष्ठः श्रुतयो विभिन्नेति श्लोकः द्रष्टव्यः ॥ ९ ॥

वाणी श्री चैतन्य की है जु अमृत की धार । तेई या वस्तुहि कहै वहै तत्त्व है सार ॥
यहै जु सुनि वृत्तांत सब महाराष्ट्र द्विज सोइ । मुख करि प्रभुकी कहत हित कियो गमन तिन जोय ॥
तिही समे प्रभु पंचनद करि स्नान भरि भाइ । हरी विदमाधव दरस हेत चले है चाह ॥
सब वृत्तान्त कही तिहि द्विज ने पथ में आय । महा प्रभु जु सुनि कहु हसैं दिये महामुख पाय ॥
माधव की सौन्दर्य लखि भौ आविष्ट जु भाइ । नाचन लागे प्रेम करि आंगन के मधि आइ ॥

सेखर परमानंद पुनि तपन सनातन जोय । चारी जन मिलि कै करें नाम कीरतन सोय ॥
 तथाहि—हरि हरये नमः कृष्ण मादवान नमः । गोपाल गोविंद राम श्री मधु सूदन ॥ १० ॥
 कोलाहल हरि हरी कहि करे लोक दिसि चारि । मंगल नाद उठ्यो भरे स्वर्ग मर्त्य रस सार ॥
 वही निकट ही पुनि सुनी तिहीं प्रकाशानंद । देखन आयी कौतुक सु ले करि सिष्यनि वृन्द ॥
 प्रेम नृत्य प्रभु को निरखि देह साधुरी रंग । हरी हरी बोलै वह शिष्य गणनि के संग ॥
 कंप स्वेद स्वर भंग ही अरु वैषण्य स्तम्भ । अश्रुधर करि जन भिजे पुलक कदम्बारंभ ॥
 हर्ष दैन्य चापल्य दै संचारी जु विकार । लखि कासी वासीन कै अचिरज भयो अपार ॥
 प्रभु के जन संघट्ट लखि बाह्य भयो जब हीय । संन्यासिन के गणनि लखि नृत्य संवरण कीय ॥
 प्रभु जु प्रकाशानंद के पग बंदन किय आहि । आप प्रकाशानंद जू धरें चरण पुनि ताहि ॥
 कहै जु प्रभु तुम जगत गुरु बड़े पूज्यतम सोइ । तुम्हरे सिष्यनि सिष्य सम हौं नाहीं हौं जोइ ॥
 कहै करौ जु श्रेष्ठ हूँ दीन हि बंदन याहि । सर्व नास मम होत है तुम जु ब्रह्म सम आहि ॥
 सब ठां तुम्हरे जदपि हैं ब्रह्म मात्र को मान । जन शिखा हित यों करण नहीं जोग्य है जान ॥
 ते बोले तुम्हरी प्रथम किय निंदा अपराध । तुम्हरे चरणनि परसि के सब लय भयो अबाध ॥

तथाहि—जीवन्मुक्ता अपि पुन वर्णनं यान्ति चर्माभिः । यद्यपिन्त्यमहाशक्ती भगवत्पराधिनः ॥ ११ ॥

तथाहि—पादस्पर्शहताशुम इति च ॥ १२ ॥

विष्णु विष्णु कहि प्रभु कहै छुद्र जीव हौं हीन । जीवहि माने विष्णुकरि यह अपराध नवीन ॥
 विष्णु बुद्धि जीवहि कै ब्रह्म रुद्र सम जोय । माने नारायण तिन्हें पाखण्डिन मधि सोय ॥
 तथाहि—यस्तु नारायणं देवं ब्रह्मरुद्रादि देवतैः । समत्वेनैव मन्येत स पापखडी भवेद् ध्रुवम् ॥ १३ ॥
 कहै प्रकाशानंद तुम स्वयं ईस भगवान । तौऊ जौ तुम करत हो तिहि जु दास अभिमान ॥
 तऊ पूज्य हो तुम बड़े हम ते यह विचार । तुम निंदा ते होइ मम सर्वनास निरधार ॥
 तथाहि—मुक्तानामपि सिद्धानां नारायणपरायणः । सुदुर्लभः प्रशान्तात्मा कोटिष्वपि महामुने ॥ १४ ॥

आयुः शिष्यं चरौ चर्म्मं लोकानाश्रितं यव च । इन्ति श्रेयांसि सर्वार्थाणि पुंसो महदतिक्रमः ॥ १५ ॥

तथाहि तत्रैव ।—नैषां मतिस्तावदुरुकमांश्चि स्तुशत्यन्योपगमो यदर्थः । महीयसाभिति ॥ १६ ॥

अब तुम्हरे पद कमल मधि मम उपजंगी भक्ति । तिहि निमित्त तुव चरण मधि करै प्रणति अनुरक्ति ॥
 इतनी कहि बैठे तहां प्रभु ले संग हिं सोय । लखी प्रकाशानंद तव प्रभु सौं पूछत जोय ॥
 बीजत मायावाद मधि दोषन की व्याख्यान । यह जान्यो आचार्य की सब कल्पित व्याख्यान ॥
 तुम विचरण मुख्याय की किरी सूत्र की जोय । तिहि सुनि सब के मन भयो चमत्कार अतिसोय ॥
 ईश्वर तुम तुम्हरे वही सर्व शक्ति जे आहि । कही जु तुम संलेप करि है सुनिवै मति ताहि ॥
 प्रभु जु कहै हौं जीव अति तुच्छ ज्ञान मम जान । व्यास सूत्र की गूढ़ है अर्थ व्यास भगवान ॥
 व्यास सूत्र के अर्थ की जीव न जाने कोइ । पाही ते निज सूत्र की व्याख्यान किय सोइ ॥
 जेई कर्मा सूत्र की वदे करे बिलपान । नी सूत्रनि के अर्थ की होय लोक के ज्ञान ॥
 जेई अर्थ जु प्रणव की गायत्री की सोइ । सोई अर्थ कहै प्रगट चतुः श्लोकीहि जोइ ॥

ईश्वर अज की जो कही चतुः श्लोकीहि सार । ब्रह्मा नारद की वदे किय उपदेस विचार ॥
 श्री नारद सोई अर्थ कही व्यास सीं आइ । सुनि कै वेद व्यास किय मन विचार बहु माइ ॥
 यहै अर्थ सम सूत्र के व्याख्या की है रूप । करिअत श्रीमद्भागवत सूत्रनि भाष्य स्वरूप ॥
 चारि वेद और उपनिषद है कछु जितेक आहि । सब संक्षेप किय व्यास जू ले कै अर्थनि ताहि ॥
 तिहि जु सूत्र की जो रिचा वचन विचारे सोइ । वहै रिचा भागवत मधि चतुरश्लोकीहि जोइ ॥
 भाष्य सूत्र की भागवत याही तै है जोइ । पद्य भागवत उपनिषद कहै अर्थ इक सोइ ॥
 तथाहि—आत्मावाक्यमिदं विश्वं यन्किञ्चिज्जगत्पां जगत् । तेन व्यक्तेन भुञ्जीथा मागुचः कस्य भिदतम् ॥ १७ ॥
 एक श्लोक दिखाइ कै किय दिग दरसन ताहि । इही भांति भागवत सब पद्य रिचा समआहि ॥
 संबंधनु अविधेय पुनि और प्रयोजन ताहि । चतुर श्लोकी प्रगट तिहि लक्षण किये जु आहि ॥
 साधन की फल प्रेम जो मूल प्रयोजन सोय । लई जीव जिहि प्रेम करि सेवन हमरी जोइ ॥
 तथाहि—ज्ञानं परमगुणं मे यद्विज्ञानसमन्वितं । सरहस्यं तद्गङ्गा गृहाण गदितं मया ॥ १८ ॥
 जेई तीनों तत्व हम कहि हैं तुम सीं जोइ । इन तीननि की जीव तुम जानि सकी नहि कोइ ॥
 जैसी ममजु स्वरूप है जैसे धिति मम जोइ । जैसी मम गुण कर्म औ पद पग शक्ति जु सोइ ॥
 ए सब मेरी कृपा करि फुरां जु तुमकी आहि । इतनी कहि कै प्रभु कहै तीन तत्व ये ताहि ॥
 तथाहि—यावानहं यथाभावो यद्रूप गुणकर्मकः । तथैव तत्त्वविज्ञानमस्तु ते मदनुग्रहान् ॥ १९ ॥
 जगत पूर्व होई जु हों पद भग पूरण सोइ । मोही ते जु प्रपंच सब प्रकृति पुरुष मिलि होइ ॥
 करि प्रपंच ताके जु मधि हों ही करी प्रवेस । जो कछु दीसे जगत् मधि सीं होई जु असेस ॥
 रहौ पूर्ण अवसिष्ट हौं भये प्रलय सब ताहि । पावै प्राकृत जगत सब मोही मे लय आहि ॥
 तथाहि—अहमेवासमेवाग्रे नान्यद् यत् सद्मन् परं ।

परचाहं यदेतच्च योऽवशिष्येत सोऽस्त्वहम् ॥ २० ॥

अहमेव जु अहमेव पुनि पद मधि तीन हि बार । पूरण भग श्री विग्रह जु धिति की किय निरधार ॥
 निराकार जे मानई विग्रह माने नाहि । तिन्हें निरस्कृत करण हित किय निरचै पद माहि ॥
 यही शब्द है ज्ञान की अरु विज्ञान विचार । मोही ते कारज प्रकृति हों न्यारी निरधार ॥
 रवि आभास स्थलहि ज्यों भासै रवि आभास । सूरज विन नहि आप ते ताकी होय प्रकास ॥
 मायातीत भये जनहि मेरी अनुभव होइ । कहीं तत्व संबंध यह सुनी और सब जोय ॥

तथाहि—ऋतेऽर्थं यत्प्रतीयेत न प्रतीयेत चात्मनि । तद्विद्यादात्मनो मायां यथाभासो यथा तमः ॥ २१ ॥

साधन भक्त उभिधेय जो ताकी सुनी विचार । इन विचार ते है परे साधन भक्ति जु पार ॥
 देश काल औ सब दिसा सब जनकी कर्त्तव्य । वहै भक्ति गुरु के निकट प्रष्टव्य जु ओक्तव्य ॥
 तथाहि—एतदेव हि जिज्ञास्यं तत्त्वजिज्ञासुनात्मनः । अन्वयव्यतिरेकाभ्यां यत्पान् सत्त्वैव सत्त्वदा ॥ २२ ॥
 प्रीति प्रेम जो मो विषै है जु प्रयोजन सोइ । तिहि स्वरूप लक्षण करै कारज द्वारा होइ ॥
 भूतनि भीतर बाहिर हि पंचभूत जिमि होइ । भक्तनि के हौं त्यों फुरी बाहिर अंतर जोइ ॥

तथाहि—यथा महान्ति भूतानि भूतेषु चान्येषु । प्रविष्टान्प्रविष्टानि तथा तेषु न तेष्वहं ॥ २३ ॥

हमें बांधि राख्यो हिये भक्ति प्रेम करि जोइ । जहां परै आखैं तहां देखैं हम कीं सोइ ॥
तथाहि— विस्तृति हृदय न यस्य साक्षाद्विरवशाभिहितोऽप्यपीपनाशः ।

प्रलय रसनया धृताप्रिणयः स भवति भागवत प्रधान उक्तः ॥ २४ ॥

तत्रैव— सर्वभूतेषु यः पश्येद्भागवद्भावमात्मनः । भूतानि भगवत्पात्मन्येष भागवतोत्तमः ॥ २५ ॥

याही तें भागवत मधि येई तीन वखान । संबंध अविधेय पुनि और प्रयोजन जान ॥

तथाहि—वदन्ति तत्तत्त्वविदस्तत्त्वं यज्ज्ञानमद्वयमिति ॥ २६ ॥

तथाहि—भगवातेक आसेहमम आत्मात्मनां विभु । आलेख्यानुगता चात्मा नानामत्युपलक्षणः ॥ २७ ॥

तत्रैव—कृष्णस्तु भगवान् स्वयमिति ॥ २८ ॥

यह संबंध कछो तुनिव भक्त्यभिधेयजु आहि । प्रतिपद श्रीभागवत मधिहै सु अवस्थिति जाहि ॥

तथाहि तत्रैव—भक्त्याहमेकया प्राज्ञः ब्रह्मात्मा प्रियः सतामिति ॥ यथा भक्ति मेमोजितेति ॥ ३० ॥

तत्रैव—भक्त्यैक्येन गुह्यदेवतास्मेति ॥ ३१ ॥

यह सुनो अब प्रेम तुम मूल प्रयोजन जोइ । नृत्य गीत आँख पुलक जिहि लखन है सोइ ॥

तथाहि—भक्त्या संजातया भक्त्या विभक्त्युत्पलकां वतु ॥ ३२ ॥

तत्रैव—एवं व्रतः स्वप्रियनामकीर्त्येति श्लोक द्रष्टव्यः ॥ ३३ ॥

याही तें श्री भागवत सूत्रनिकी निज रूप । निज कृत सूत्रनिकी कियौ आपहि भाष्य स्वरूप ॥

तथाहि गरुडपुराणे—

अर्थोऽयं ब्रह्मसूत्राणां भारताय धिनिर्णयः । गायत्री भाष्यरूपोऽसौ वेदार्थपरिवृद्धितः ॥ ३४ ॥

सर्ववेदांतसारं हि श्रीभागवतमौषधे । तद्विज्ञानमुद्रस्य नान्यत्र स्यादितिः क्वचित् ॥ ३५ ॥

गायत्री के अर्थ करि श्री भागवतारंभ । सत्य परं पद करि भयो सो संवधाराम ॥

अरु धीमहि पद करि कयो साधन पैवै ताहि । पुनि ताही पद में कछो मूल प्रयोजन आहि ॥

जन्माद्यन्तेत्यादौ सत्त्वं परं धीमहि इति ॥ ३६ ॥ धर्म मोक्षिकैतद्योऽत्र परमो निर्मत्सराणामिति ॥ ३७ ॥

कृष्ण भक्ति रस रूप है श्रीभागवत सु आहि । ताते निगमागमन तें परम महत है ताहि ॥

तथाहि—निगमकल्पवरो गंतिते फलमिति ॥ ३८ ॥ प्रथमस्कन्धे—स्वादु स्वादु पदे पदे इति च ॥ ३९ ॥

याही तें भागवत की नौकें करी विचार । श्रुति सूत्रनि के अर्थ को यातें पैहो सार ॥

कृष्ण नाम संकोरतन करी निरन्तर चाइ । हेलाकरि पैहो मुक्ति कृष्ण प्रेम धन पाइ ॥

तथाहि—ब्रह्मभूतः प्रसज्यामा न शोचति न कोचतीति ॥ ४० ॥ मुक्ता अपि लीलयाधिग्रहं कृत्वेति ॥ ४१ ॥

परिनिष्ठतोऽपि नैगुण्ये उत्तमरलोक लीलयेति ॥ ४२ ॥ "तत्त्वारविन्द नयनस्य पदारविन्देति" ॥ ४४ ॥

"आत्मारामाय मुनयो निर्ग्रन्थेति" ॥ ४४ ॥

तिहो समे तिहि सभा मधि महाराष्ट्र द्विज सोइ । विवरण याही पदयकी कछो सवनिर्णी जोय ॥

प्रभु याही पदकी अरथ कीनी इक सठि मांति । जिहि सुनि लोकनिकें हिये चमत्कार नहिमांति ॥

कियौ आग्रह सुनन हित तव सब लोकनि जोइ । प्रभु तव इक सठ अर्थ जे वारि कहे सब सोइ ॥

सुनि लोकनि के अति भयो चमत्कार सुख सार । गोस्वामी चैतन्य जू कृष्ण किये निरधार ॥

इतनी करि उठिकें चले गौर हरी प्रभु आहि । हरि पुनि करि के लोक सब करे दंडवत ताहि ॥

सब कासी वासी करे नाम कीरतन जोइ । रीते हसें तु प्रेम करि नाचै गावै सोइ ॥

संन्यासी पण्डित करे श्री भागवत विचार । देखी सबे वाराणसी प्रभु जू किय निस्तार ॥

निज गण आगे प्रभु कहे करिकें कछु मृदुहात । प्रेम पोठ न्यायी जु ही बेंचन कामी वास ॥

कासी में गाहक नहीं नाहिन वस्तु बिकाय । फिरि के देखि बोक बहि ले के गयो न जाय ॥

बोझ बहो हो तुम सवनि भयो दुख हिय आइ । तुम सब की इच्छासु करि देही ताहि लुटाय ॥

कहे सबे जन तारिवे हित तुम्हरी अवतार । पूरव दक्षिण औ पश्चिम कीनें सब निस्तार ॥

इक वाराणसी रही ही तुम तें विषम विचार । कीनी तिहि निस्तार के हम सब के सुख सार ॥

जब वाराणसी ग्राम मधि भी कोलाहल जोइ । देव गांव के लोग सुनि लागे आवनि सोइ ॥

लक्ष कोटि आवै सु जन नाहिन गणना ताहि । प्रभु की नहि पावै दरस कीरतन ठां आहि ॥

प्रभु जब जाहि स्नान हित देखन विश्वहि नाथ । प्रभु अवलोकन जर करे दुहुंदिस होयसनाथ ॥

भुज उठाय प्रभु जू कहे कही कृष्ण हरि सोइ । परे दंडवत लोकसब हरि धुनि करिकें सोइ ॥

जन निस्तारे इही विधि पाँच दिनन लौ जाइ । और दिना उदविगन हूँ चले महाप्रभु सोइ ॥

प्रभु जू उठि के रैन मधि कियौ गमन जब आहि । तब भक्त जन पाँच प पाछे लगि लिय ताहि ॥

तपन मिश्र रघुनाथ पुनि महाराष्ट्र द्विज जोइ । शशिशेखर गायक हरि परमानंद जन सोइ ॥

जैवो चाहे सबे जन लीलाचल प्रभु संग । प्रभु सब की दीनी बिदा करि बहु जनन सुरंग ॥

हमको देखन आइ ही पाछे इच्छा जोइ । अब हम जेहै एक ले भारखंड पथ होइ ॥

कछो सनातन कीं प्रभु तुम वृन्दावन जाहु । तुम दोऊ भाई तहां कियौ गमन हिय चाह ॥

कंधा और करंग कर जन गन मम कंगाल । वृन्दावन ऐहें तिनहि करि ही तुम प्रतिपाल ॥

इतनी कहि के प्रभु चले सब कीं हिय हि लगाय । परे तहांई भक्त सब है मुखित अकुलाय ॥

कितिक छिन हि में सब उठे आवे घर दुख पाप । चले सनातन जू तब वृन्दावन भरि भाप ॥

इहां मुसाई रूप जू आवे मथुरा आहि । तब सुबुद्धि राय जू मिले ध्रुव घाटहि मधि ताहि ॥

जब सुबुद्धि राय जू हुये अधिपति गौड हि आहि । साह हुसैन जू सैद सुत करे चाकरी ताहि ॥

इक दिन ताल सुदावत कियौ जू मुनसब ताहि । फिर तिहि मारयो चावकनि पाप छिद्र कछु आहि ॥

जब हुसैन पाछे भयो गौड देस नृप जोइ । तिन हं राय सुबुद्धि की बहुत बढ़ायो सोइ ॥

तिहि नारी तिहि पीठ मधि चावक चिन्ह हि जोय । मारण हित तव राय के कहे नृपति सीं सोय ॥

कहे नृपति पोषक जू मम राय पिता मम जोइ । नहीं बात इह है भली याहि मारिवै सोइ ॥

करी तुरग नारी कहे नहीं लेहु जो प्राण । कहे नृपति जाति हि लिये यह न जीवै जान ॥

मरयो चहै नारी परयो नृप संकट के बीच । करवा की पानी जू तिहि मुख हि दिवायो नीच ॥

तब हो राय सुबुद्धि जू छल जू पाप के सोइ । आवे पुरी वाराणसी विषय छाडि सब जोइ ॥

पूछ्यो तिन पण्डित गननि प्रायश्चित्त जू आदि । खाय तम घृत प्राण तजि कहे विप्र यीं ताहि ॥

फोऊ कहे इती नहीं अलप दोष है एह । सुनि के राय रहे तबहि मन में करि संदेह ॥

तब ही जब वाराणसी आवे प्रभु जू सोइ । राय कछो पृच्छांत निज तिन सीं मिलि के जोय ॥

जाति हुन्दाविपिन की जाहु कछो प्रभु ताहि । करो निरन्तर कृष्ण की नाम कीरतन आहि ॥
 पाप दोषज है जु तुव करि इक नामामास । अरु नामनिते कृष्ण पद पैही करि विश्वास ॥
 चले राय हुन्दाविपिन प्रभु निदेस ले सोइ । नैमिष वन आये तब अवधि प्रयाग हि होय ॥
 प्रभु वाचा पाई तब राय जु मथुरा आय । भई नही प्रभु भेट यह भी दुख हिय अधिकाय ॥
 छकी लकरी आनि के मथुरा बेचें सोइ । पावै पैसा पांच छह एक बोझ के जोइ ॥
 इक पैसा के चना चवि रहैं आव इहि भाय । और वचैं धरि राखई बनिह हाट मधि जाय ॥
 देखि दुखीजन की जु तिहि भोजन दै सुख भेलि । देहि जु आवै गौडिया दही भात अरु तेल ॥
 आये जब श्री रूप जी बहुत प्रीति किय ताहि । द्वादस करवाये जु वन अपने संग लै आहि ॥
 रहे जु हुन्दाविपिन में मास एक ही रूप । चले सनातन सोधहित वेगहि नेह स्वरूप ॥
 प्रभु जू गंगार्तार पथ है के गये प्रयाग । यह सुनि विव भाई तिही पथहि चले करि राग ॥
 इहां सनातन जू तब आय प्रयाग हि सोइ । राज मार्ग सुधे चले आये मथुरा जोइ ॥
 तिन्ह मिले तब राय जू मथुरा के मधि आहि । रूप और अनुपाम की कथा कही सब ताहि ॥
 विवि भाई गौ गंग पथ ये आये पथ राज । याही तैं नाइन भयो तिन की मिलन समाज ॥
 करै सनातन सौ अधिक नेह राय मति सार । नहीं सनातन मान ई सो स्नेह व्यवहार ॥
 महा विरक्त सनातन जु वन-वन भ्रमै सुखें । प्रति तरु प्रति कुंजनि रहै एक एक दिन रैन ॥
 मथुरा की महान्य जिहि ग्रंथ संग्रहै जोइ । प्रगट करै तीरथ गुप्त वन में भ्रमै जु सोइ ॥
 रहै सनातन इही विधि वृंदावन मधि आइ । रूप गुसाई अनुज सह कासी पहुंचे जाइ ॥
 तपनमिश्र समिश्रेखर जु महाराष्ट्र द्विज सोइ । तीन जननि संग रूप जू कियो मिलन तब सोइ ॥
 मिश्र गोद भिचा करै शेखर के गृहवास । प्रभु सिखरी जु सनातन हि सुने मिश्र के पास ॥
 कासी मधि प्रभु की चरित सुनिकें सुख सौ ताहि । संन्यासिन पै कृपा सुनि पाये अतिमुख आहि ॥
 प्रकृति देखि सब जननि की प्रभु जू विषे अपार । सुखी भये जन मुखनिते सुनि कीरतन सार ॥
 गमन कियो गौड हि दिना दस रहि के श्री रूप । यह सनातन रूप की कछो चरित्र अनूप ॥
 इहां महाप्रभु जब चले लीलाचल की जोइ । निर्जन वन पथ चलन प्रभु पायो अति सुख सोइ ॥
 सुख सौ पावै चले प्रभु चल भट्ट हि के संग । वन मृगादि संग प्रथम ज्यों करै जु नाना रंग ॥
 आप अठारह नला दिग महाचारज विप्र । निज जन गण हि बुलाइवैं पठ्यो ताकीं छिप्र ॥
 सुनि जन गण अनु फेरिकें जिये महा सुख पाय । ज्यों प्राणनि पाये उठे इन्द्रिय गण हुलसाइ ॥
 आनंद विह्वल भक्तगण आये सब ही भाय । प्रभु की मिले नरेंद्र मधि आय सर्व सुख पाय ॥
 पूरी भारती के चरण चंदन प्रभु किय जोइ । दोऊ प्रभु जू की कियो प्रेमालिंगन सोइ ॥

श्री स्वरूप रामोदर पण्डित महावर जू कासीरथर गोविंद और जगदानंद हैं ।
 यक्षेश्वर कासीमिश्र प्रह्लादमिश्र पण्डित रामोदर हरिदास ठाकुर असंद हैं ॥
 पण्डित श्री शंकर जू श्रीराम जिते भक्त सब परे प्रभु पाद-पद्म-जेजे अलिप्त हैं ॥
 कथ की आलिंगन के भये प्रेमाविष्ट प्रभु आनंद उदधि बहै भक्त रस वृंद हैं ॥ १ ॥

सन भक्तनि संग लै चले महाप्रभु जू धाय । जन्माथ के दरस हित दिये भरे अति चाय ॥
 जगन्नाथ की दरस करि भी प्रभु प्रेमावेश । नृत्य गान बहु किये गंग ले मक्त असेम ॥
 जगन्नाथ सेवक तिन्है द्वार प्रसाद जु दीय । तुलसी अधिकृत आषर्क चरण चंदन कीय ॥
 कोलाहल भी ग्राम मधि आये प्रभु जन साथ । सार्वभौम रामानंद जु मिले जु वाणीनाथ ॥
 खवकी संगलै मिश्र घर आये प्रभु जू आहि । सार्वभौम पंडित तब कियो निमन्त्रण ताहि ॥
 प्रभु जु कहै प्रसाद तुम ल्यावो याही गोइ । करिके भोजन आयु द्यो सबके संग करि नेह ॥
 तब दोऊ जगन्नाथ की निज प्रसाद जो दीय । सब जन संग महाप्रभु सुख सौ भोजन कीय ॥
 यह कछो श्री गौर प्रभु लखि वृंदावन जोय । जय सै लीलाचल गमन फिरि हं कीनी जोय ॥
 यह मधि लीला की कियो कछु दिग दरसन सार । ज्यों कीनी पटवरस लो गमनागमन विहार ॥
 सेस अठारह बरस लो किय लीलाचल वास । जन गण संग करै प्रभु कीरतन उल्लास ॥
 श्रवण करै याको सुजन श्रद्धा करि के जोय । पैहै श्री चैतन्य के चरण पैग ही जोय ॥
 क्रम करि लीला मध्य की अब कीजत अनुवाद । होतु किये अनुवाद के किये कथा आस्वाद ॥
 प्रथमहि लीला सेस की खर कथन सुख सार । किहीं अंस की तिहीं मधि किय वर्णन विस्तार ॥
 प्रभु प्रलाप वर्णन द्वितीय परिच्छेद मधि जोइ । नाना भावनि की तिहीं मधि दिग दरसन सोइ ॥
 परिच्छेद तीजै कछो प्रभु जू की संन्यास । जैसै घर आचार्य के कीनी गौर विलास ॥
 माधवेन्द्र जू की चरित वर्णन चौथें जान । थापन श्री गोपाल की खीर चोर विख्यान ॥
 साखी श्री गोपाल की चरित पांचमैं आहि । नित्यानंद कहै जु तिहि सुने महाप्रभु ताहि ॥
 सार्वभौम की छठे मधि किय उद्धार विचार । तीरथ यात्रा मातये वासुदेव निस्तार ॥
 अठयें रामानंद की संवाद हि विस्तार । सुन्यो आप प्रभु जू सकल सिद्धान्तनि की सार ॥
 दक्षिण तीरथ भ्रमण प्रभु कछो नवम में जोइ । सर्व वैष्णवन की मिलन कछो दसम मधि सोइ ॥
 मंदिर मण्डल कीरतन कछो ग्यारहैं जोइ । प्रख्यालन गृह गुंडिचा कछो बारहैं जोइ ॥
 रथ आगें नर्तन जु प्रभु कछो तेरहैं सोइ । चौदहैं हेरा पंचमी जात्रा दरसन सोइ ॥
 ब्रज देविन के भाव की श्रवण तिहीं मधि जान । भक्तनि के गुण पंद्रहैं श्री मुख करै वखान ॥
 भिचा भट्टाचार्य गृह किय अमोघ निस्तार । विपिन गमन पथ गौड है सो सोरहैं भक्तार ॥
 फिरि आये लीलाचल हि नाट हि सालातें जु । वन पथ है मथुरागमन कछो सत्रह में जु ॥
 वर्णन कियो अठारहैं वन विहार रस पाणि । उन विंशति मधि आगमन मथुरा तें जु प्रयाग ॥
 ताही मधि श्री रूप की कछो शक्ति संचार । मिलन सनातन की कछो वीरति मधि सुखसार ॥
 ताही मधि भगवान की किय स्वरूप विख्यान । हरि प्रभुता माधुर्य कहि एकविंशये जान ॥
 द्वे प्रकार साधन भगति विवरण मधि बाईस । प्रेम भक्ति रस की कथन कछो मध्य तेरह ॥
 आत्मारामा पद अरथ चौबीस ऐं चिचार । कासी वासी भक्त किय पचीसवें भक्तार ॥
 कासी तें फिर आगमन लीलाचल मधि जोइ । भक्तन की मिलिची कछो ताही के मधि सोइ ॥

परिच्छेद पचीस का यह कीर्ती अनुवाद । जाके सुनें जु होत है ग्रन्थ अर्थ आस्वा
यहै कछौ संक्षेप करि मधि लीला की सार । वर्णन कोटिक ग्रंथ करि जाय न यह विस्तार
देस देस मधि प्रभु भ्रमै हेतु जीव निस्तार । आप भक्ति आस्वाद करि ताकौ कियो प्रचा
कृष्ण तत्व हरि भक्त कौ तत्व जु प्रेम विचार । भावतत्व रसतत्व पुनि लीलातत्व सु सार
विस्तारे निज वदन करि भक्त हेतु प्रभु जोह । कहूँ कहाँ जे भक्त मुख सुने आप प्रभु सोइ ॥
दाता वहे कृपालु अति वत्सल जन दुख जान । तीन लोक में और नहि श्री चैतन्य समान ॥
श्रद्धा करि लीला यहै सुने भक्त गण आहि । पैहौ श्री चैतन्य पद कृपा जु हरि के जाहि
पैहौ इही प्रसाद करि कृष्णतत्व की सार । सबै सास्त्र सिद्धांत के पैये यातें पार ॥

राग भैरव—सुनौ रसिक भक्त जूथ दीन वचन मेरी ।

सब की पद रेनु धरिकें तनु के आभरण करिकें, करौ कछु निवेदन हो ताहि हिये हेरी ॥ टेक ॥
कृष्ण लीला अमृत सार ताकी सत सहस्र धार, याही तें दसौं दिसा वहे निज सुदार ।
लीला चैतन्य जोई अक्षय सरवर हैं सोइ, तामें मनहंस कौ करावौ आधार ॥ १ ॥
भक्ति के सिद्धांत रास फूले धन कमल जास, ताकौ मकरंद स्वाद करौ रसिक जेई ।
कुमुदवन जु प्रेमरस है प्रफुलित निशि शौंस, वहे तामें मन भ्रमर गणहि पोरुषौ नित तेई ॥ २ ॥
नामा विधि भक्त सुजन हंस चक्रवाक निगम, सब ही मिलि जाही मधि करत है विहार ।
कृष्ण केलि रस मृणाल पैये जहां सर्वकाल, ताही कौ भक्तहंस करै नित अहार ॥ ४ ॥
ताही सरवरहि जैकें हंस मृग चक्र है कै, सुख सौं तुम करौ तहां सदाई विलास ।
नसि है सब दुख निदान पैहौ अति सुख की खानि, अनायास है है हिये प्रेमहि उल्लास ॥ ५ ॥
वहे अमृत रस अखंड साधु संत धन प्रचंड, बरखै उद्यान विश्व या की भकोर तें ।
तातें प्रेम फल फलें स्वादें तिहि भक्त सदा तिनके, अबसेस जिये जीव जगत घोरतें ॥ ६ ॥
गौर लीला अमृत पूर कृष्ण लीला पुनि कपूर, दोउन के मिलें होय माधुरी अपार ।
साधु गुरु प्रसाद जाहि लहै पान करै सोई, ताहि वहे माधुरी कौ स्वाद जानें निरधार ॥ ७ ॥
जिहि लीला अमृत बिना करै जदपि खान पान, तऊ भक्त जीवन है दुर्बल अति सोई ।
एक वृंद पीवै जाहि प्रफुलित तन मन सु आहि हसैं गावैं नृत्य करै रस में मगन होई ॥ ८ ॥
यहै अमृत करी पान जाकी सम नहीं आन, करि कें निज हृदय सुदृढ़ अति ही विश्वास ।
परौ जिन कुतर्क गर्त अशुचि कठिनता आवत, जाके विच परतही जु है है सब नास ॥ ९ ॥
महाप्रभु नित्यानंद श्री अद्वैत भक्त वृंद, और जिते श्रोता जन साधु आस पास ही ।
सब के श्री चरण कमल करिकें सिरोरत्न विमल, ताहीं तें पूर्ण होय बांछित अनायास ही ॥ १० ॥
रूप श्री सनातन रघुनाथ जीव चरण कमल, धरिकें निज सीस करै तिन ही की आस । ॥ ११ ॥
कृष्ण लीला अमृत सहित गौर चंद्र चरितामृत, कहै कछु ताहि दीन दीन कृष्णदास ॥ १२ ॥
रूप श्री सनातन जगन्नाथ सुवल स्याम चरण, कमल ही में भूंग जाकौ मन सतृण ।
बरखौ कविगज गौर चरितामृत भाषा निज, प्रगट करै भाषा ब्रज ताहि वेणी कृष्ण ॥ १३ ॥

इति श्री चैतन्य चरितामृते मध्यखंडे काशी वासी वैष्णवकरन महाप्रभुलीलादिगमन
मध्यलीलानुवादकरणो नाम पंचविंशतिपरिच्छेदः ॥

॥ समाप्तोयं मध्यखण्डः ॥

